



BIBLIOTECA NAZ.
Vittorio Emanuele III

LV

G

70

NAPOLI

LV

GG

25

LV

GG

70



56
16
1

XIX 6.20
54
59
25



CC ——— 1111. a. 26.

2

LITTERÆ
SOCIETATIS
IESV

ANNORVM DVORVM,

CLD IDC XIII, ET CLD IDC XIV,

AD PATRES, ET FRATRES
eiusdem Societatis.




Handwritten signatures and notes on the right side of the page.

1741



LVGDVNI,
APVD CLAVDIVM CAYNE,
TYPOGRAPHVM.

CLD IDC XIX.



LITTERÆ
SOCIETATIS
I E S V,

ANNORVM

CLD IDC XIII, ET CLD IDC XIV.

Patribus ac Fratribus Societatis I E S V
pax & gratia Domini.



*Eniterum ad vos adeo Reueren-
di Patres, Fratresque Carissimi,
& longiore quidem interuallo,
prohibitum nimirum Valetudine,
atque redituum me credideram: duodecimo
quidpe iam vertente mense, quàm ad vos
primùm hoc genere legationis adij: sed ve-
reor, ne quàm iucundarum rerum nuncius,
tam iniucundus earumdem interpret adue-
niam. Cuius inuidiæ tametsi non facile mi-
hi fuit scopulum declinare, quod me ad id*

muneris ipsa Præsidum imperia prorsus adigebant, temeritatis certè crimen, ipso impositæ necessitatis nomine, haud agrè Videbar depulsurus; Ut eodem ipso ex telo, quod vulnus infligeret, medicinam meo vulnerei peterem. Nam iussione illam vim cum vos cogitaretis, non dubitabam quin temerarij hominis culpa me velletis absolutum, quo vestro suffragio subleuatus, ego me gravissima suspicionum sermonumque sarcina expeditum sentirem. Nihilo tamen minùs, qui vobis impudentiæ vitio suspectus esse desissem, eximiarum rerum narrator incunctus & importunus fieri perseverarem; ut inde quæ animi vestri moderatio, & æquitas, famæ pudoriqûe meo voluisset consultum liberaliter, eadem, alienæ causæ studiofiore patrocinio, auribus fastidium, molestiamque mentibus arcesseret. Quò mihi religiosius cauendum fuit, ut quæ iusto maior, sparsa iam esset toto dictionis genere materia odiosæ satietatis, ea ne gravius & putidius

tidiùs exaggeraretur alienarum rerum capitibus ingerendis. Cui nausæ ab nostro scripto penitus amoliendæ, non verear affirmare sedulam à nobis nauatam esse operam; condonandas autem meritò videri, si quæ tamen interea eius generis residuæ sentientur in Annalibus reliquæ, illasque necessitati non negligentie imputandas. Enimuerò in earundem vel parium rerum inculcanda similitudine, cur frequentiores aliquantò fuerimus, quàm par esset, eoque molestam audientium animis satietatem inuexerimus, duæ sunt omnino causæ, ac eadem non modicæ necessitatis lege implicatæ, quam legem partim nostri Præsides, partim ipsa rerum natura iniunxit. Quod nonnulli aiunt præter historicæ narrationis decus fieri, et ea propter audire auersantur, Sociorum provincialium, adeoque etiam cuiusque domicilij Collegarum numerum ac munera perpetuo recensita in fronte cuiuslibet annuæ litteræ; nihil iam disputo, rectène an secus ex

historiæ præceptionibus vsurpetur; dico tantum, ab eis qui Societati præsident, uti obseruaretur recensitionis ea formula, fuisse nominatum, & scripto quidem imperatum. Ad-
do etiam & istorum auctoritatem, & res Societatis proprias eiusmodi esse, uti suo merito atque iure sibi possint vindicare, in certis quibusdam capitibus, præcipuum quoddam scribendi genus, tametsi à vulgato historiæ more paullo alienius, cuius auditione ut assuescant, & acquiescât etiam, aures Sociorum omnium, nemo sanus non iudicarit æquissimum. Alterius generis formulæ illi, quam nunc indicauimus, affines possunt incidere, ac reuera incidunt in huiusmodi Annalium scriptionem, ijs plerumque inuitissimis, qui ei muneri suas dant operas, quæ quoniam vitari possunt quàm ægerrimè, censoris nimium rigidi sit, eas dissimulare aut non posse, aut minimè velle. Nam Sociorum familiæ cuiuspiam & res, & nomen ipsum ea causa in Annalibus præteriri, quod insi-
gne

gne ad notam facinus nullum toto anno
ediderit, tametsi omnium eius operarum la-
bor in annua sua procuratione fuerit assi-
duissimus; seueritatis profectò cuiusdam est,
ac inclementiæ, ut modicè loquar, non fe-
rendæ. Atque haud paullò minùs iniquum te
in Socios eiusmodi præbueris, cùm inurbani,
odiosi que moris clausula, eorù res annuas sic
perstrinxeris: Quod Scribam, de huius Colle-
gij rebus gestis, nihil admodum habeo; quo
scilicet tuo dicto factoque, ut legentium &
audientium delicatiori fastidio indulgeas
morosiùs, ignominie quamdam notam inno-
centibus Fratribus temerè inusseris. Quarum
igitur rerum lectio in vniuersa vita semel,
& quidem super mensam adhibeatur, ea
mihi solet videri & æquis & lubentibus
audientium animis excipienda, tametsi rei
gestæ narrationem haud vsquequaque scri-
ptor exegerit ad illam seueram historie dis-
ciplinam atque normam; in quam grauiter
etiam peccare, longè infinitis partibus sit to-

lerabilius, quàm eiusmodi legum superstitione retincentem Sociorum animos lādere, ipsorum rebus quadam despicatus specie notandis, aut earum memoria ingrato & odiofō silentio obruenda. Quo in administrando negotio, sollicita quidem adhibenda cautione dedi operam, uti neutrius in partis offensionem incurrerem; non ausim tamen hoc mihi de me polliceri, nihil tota scriptione admissum esse, quod in eo genere secus accipi possit, quàm ego cuperem. Quoniam verò eos causæ huius disceptatores habeo, apud quos rei bene gerendæ facta pridem obses voluntas, eodem loco sit, atque ipsum præclarè, & ex fide gesti negotij munus; non verear mihi à vobis eius noxæ factum iri gratiam, quam etiam imprudenti & invito humana inconsiderātia expresserit. Valete. Lugduni, X Calend. Ianuarias, CIO IDC XIIIX.

Omniū in Christo seruus,
PHILIBERTVS MONETVS.



PROVINCIA

AUSTRIA.



VSTRIAM obtinuerunt Socij, priore anno, quingenti vndecim; posteriore, tres & viginti eis amplius; in iisque Sacerdotes illo anno, centum nonaginta, & vnus; isto autem iis plures tredecim; Magistri prius, vnus & nonaginta, posterius, centum; Discipuli antè, quinque ac septuaginta: post, vnus & octoginta; Tirones vtroque tempore septuageni singuli; Coadiutores, de summa illa omnes reliqui; Vita functi modò quattuordecim, deinde quindecim; Supplemento summissi primùm vnus & quinquaginta, inde verò de quadraginta alteri minùs. Viennarum porro coluerunt quinquageni singuli; centenari noueni deni, mox terni viceni supra centenos Græcium: Pragam vndequadrageni, vel quadrageni; bini & quinquageni antè, octonis postea de numero illo demtis Olomucium; Crumlouium duodeviceni, tum septeni deni; Totidemque ferè Commotouium; Nouodomum singuli ac viceni; Totidem posterius, prius vno pauciores Labacum; Glacium aliàs viceni, deni septeni aliàs; quina

ni triceni seu Clagenfurtum, seu Clagenfurto obnoxiam sedem Oberndorfensem; Brunam octogeni singuli; Sedes verò, Zagabriensem quaterni deni; vndeni Linciensem; Passauiensem terni, aut quaterni deni; quaterni Nissensem; Milstadiensem quini; Missiones denique, Alsolinduanam bini; totidem Turcicam; Moniorokerekiensem pariter bini; quini Ratisboriensem; Hommonensem, & ceteras eidem adiectas, octoni deni.

COLLEGIVM VIENNENSE.

VTERQUE annus pestilenti clade funestus fuit Viënnensibus; nobis verò seu ab re ciuili feliciter gesta, in grauissimo publicæ rei tempore, seu ab nobilium Sociorum funeribus, vtrunque memorabilis. Nam priore quidem anno quinis eorum selectis fermè capitibus orbatī sumus; posterior annus vnū etiam abstulit; horū tres suo certè sunt extincti, sed neque nostro, neque ciuitatis tempore, quam vt sibi multis & illustribus benefactis obstrinxerant viuentes, ita mortui mœrore cumularunt. Funerum nostrorum initium fecit Bartholomæus Scholtzius, ortu Silesius, octo & quadraginta stipendiorum inter Socios, ætate sexagenarius quinaris, cuius in omni vita incensum fuerat & laboris, & orationis studium, quarum perpetua vicissitudine ad alterutrius exercitationem redibat vegetior; cum interea cæteræ omnis Religiosæ virtutis esset studiosissimus; quarum vsu assiduo

fiduo eximiam nactus animi tranquillitatem, & ægrotationem lenissimè tulit, & mortem obiit placidissimè. Illum extremo Ianuario vita functum, exeunte Aprili est subsecutus Pater Sixtus Espelbachius, Harlingæ in Belgio natus, annorum quinque & quadraginta, eorum videnos septenos in Societate versatus, quattuor sollemnia professus Vota, quem litteræ Humaniores ac Philosophicæ cum multo fructu discipulis traditæ, ac domesticorum munerum administratio bene sedula, strenuum vtilemque in primis Socium nostris Præsidibus per illustria documenta probauerant. Instituti omnem rationem magnopere semper est reueritus, etiam in iis, quæ tenuia vulgò putantur, ut qui multi laboris cum esset, atque assidui, eius tamen magnitudinem sibi non pateretur esse obtentui, ad vllam commodi vllius indulgentiam, Trium reliquorum tamen si luctuosissimum nobis accidit funus, pro eo atque singularis hominum virtus æno longiore digna videbatur; ratio tamen gloriosi obitus nostrum dolorem visa est posse merito lenire, quòd sua capita cum alacriter assensu salutis publicæ deuouissent, in Viennensium grauiissima calamitate, non antè occubuerunt, quàm meliore loco res periclitantis ciuitatis relinquerent, plurimosque exitiali tæbe contactos ab mortali vita in cælestem induceret. Dietmaïrus Stamvvert rei familiaris Administer egregius, decem annorum in Societate, quam vicenarius iniuerat, cæteris in hoc defungendæ vitæ curriculo viam præmuniuit, qui princeps etiam hunc agonem fue-

rat ingressus cum Sacerdote , quem dira lue graui-
ter tentatum Deus nobiliori alicui palmæ referua-
uit. Hunc Fratrem ingenio ad omnia suæ condi-
tionis munia peridoneo is finxerat , qui cum pri-
dem Societatis membrum destinasset, quò eius o-
pera fructuosior Sociis , ipsique adedò iucundior
cuaderet. Sed obsequendi præcipua laude cum flo-
reret, arderet autem studio bene de omnibus me-
rèdi, appositissimam suæ indoli palæstram nactus,
in ea sic versatus est , vt eum paucis hebdomadis
palma dignum summus Imperator decreuerit. Eum
infederat pestilens , & magni modi vlcus, ex cuius
grauitate cum certâ sibi mortem instare perspexis-
set, ne quid venenati halitus Sociis afflaret, cupiit
dimitti ad insanabilem Nosodochiû ; sed eius cu-
rationem alienis delegare videbatur iniquius: quare
in suburbanû Collegij hortum iussus secedere,
cùm eò iter intenderet, cumque familiariter Iani-
tor de via percontaretur , leniter arridens, vbi re-
diero, inquit, audies quod cupis. De suo nimirum
casu, quo turbatum iri Socios cognosceret , nihil
vltrâ proloquendum ratus, quàm vt eius admone-
ret Præsides, cuius eos esse conscios satis in præsen-
tia videretur ; nam crastinus dies , qui ei vitæ fuit
vltimus, cæteris omnibus satis superque rem om-
nem aperuit. Hunc Augustus mensis , insequens
proximè September Patrem Ioannem Zehende-
rum , è Sueuia ortum , quattuor professum Vota,
nobis eripuit vndequinquagenariû , duodeviginti
annos in Societate versantem. Egerat olim Prædi-
câtem in Aula Durlacentis Marchionis, Lutherani,
ex illu

ex illustrissima stirpe Principum Badensium, cum-
que vnus è Sacerdotibus nostris, & Doctoris Me-
dici Ioannis Pistorij cum Smidelino, Erebrando,
& Gerlachio, Lutheri præconibus, cōgressus, ac re-
lata ex eo certamine, conuictis Prædicantibus, pal-
ma, magnopere commouerat; frequens deinde Pi-
storij disciplina & institutio facile eò pertraxit, quò
ipsum Pistoriū nostri antè adduxerant, anno octo-
gesimo octauo supra quingentesimum & millesi-
mum, vt est in Collegij Spirensis, eius temporis,
Annalibus. Erat in eo tum adolecente senū vi-
cenūque annorum summa, & cum eo congregiē-
tibus iucundissima, modestia, ac consuetudinis mi-
ra quædam suauitas, vt ille Sacerdos noster, qui ad
disputandum venerat, & cuius congressu delecta-
batur Zehenderus: ei familiariter sæpe prænuncia-
rit, non Catholicum modò, sed Iesuitam quoque
ipsum breui futurum. Huic eius tantæ humanitati
comitabatur ingenium singulare, vt hanc sibi erep-
tam prædam Prædicantes, quà communis causæ
studio, quà sanguinis, & affinitatis suæ cum Ze-
hendero memoria, cum primis dolerent. Quem
ideo sollemni disputatione laçessendum sibi su-
mūt, si qua via reliqua sit eius ad se reducendi; fu-
turæque pugnæ campum, Ementingam vrbe, vbi
tū Marchio Durlacensis versabatur, vnde viginti
Prædicāres edicunt castra, atque coueniunt, Ioan-
ne Pappo, Argentinenſium Ministrorum primario,
Lutheranę causæ signifero, atque huius tumultua-
rij & concertatorij conuenticuli parum bene omi-
nato auspice. Superioris disputationis Smideli-

no luctuosos fuerat euentus, ac duplici quidem ex causa, & quòd ab suo nuper milite Pistorio, quem nec suo congressu dignaretur, Lutheranarum partium summus velut Imperator, fractus fususque cū infamia discesserat; & quòd Zehenderi, tum Prædicantium vnus, paucis post diebus ad nos transitus obtigerat, recentis nostræ victoriæ haud quam leuis accessio, sicut anno nonagesimo nostris Annalibus est proditum. Quod vtrumque vulnus Smidelino, cum ramen inane sibi Epinicion antè cecinisset, & tadium vitæ, & simul viuendi finem attulit. Pappus verò cum fida illa & amica manu, decem & octo auxiliariorum Prædicantium, haud paullò minùs infelicem nactus est prælij exitum, in quo ab adolescente adhuc, & inter Catholicos tirone Zehendero, ad dogmatis causæque perpetuum ludibrium profligatus est, toto certamine: atque præda, quam omnium maximè optimam haberet in castris, turpiter est exutus. Nam quo euentu illa Pistorij superior palma Zehenderum pepererat Ecclesiæ; hoc eodem planè, Zehenderi hæc victoria, Badensis generis Marchionem illum Durlacensem, adhuc Lutheri asseclam, mox Catholicorum partibus, incredibili aduersariorum mœrore, aggregauit. Cuius ex incensa cupiditate Romani ritus tota sua ditione strenuè cōstātérque propagādi, vt ne ille fructus in Ecclesiam rediret, quem omnes boni iam animo præceperāt, & cum eo Pistorius ac Zehenderus summa vi moliebantur, infelix ac præproperus vetuit eiusdē occasus, paucis hebdomadis quam ille nostra in Castra trā-

fierat

ſerat, propinato veneno nefariè illatus. Demortui verò, ſobole carentis, quòd hereditas in Caluiniani fratris veniebat manus, nihil habuit Zehenderus, cur ibi diutius hærendum putaret; quare ſe dedit in clientelá, comitatumque Auſtriaci Cardinalis Andreæ, Conſtantienſis Epiſcopi, apud què factus Sacerdos, haud ita multò poſt Romam ſtudio proſcindi delatus, rationem apud ſe tacitus inire cœpit, qua popularibus Hæreticis præſtaret ſe omni reliqua vita fructuoſum. Qua in deliberatione circumſpicienti accuratè omnia, nihil oblatum eſt ſuis ſuorumque rationibus congruentius, quàm ſi noſtro Inſtituto, cœtuique adiungeretur, cui propterea ſe magnorum conſiliorũ plenus adrogandum dedit, ſed illud in primis ingentibus animis moliens, vt magnas tota Germania Hæreſeon ſtrages ederet. Neque ſecus deinde rem exſecutus eſt, quàm mente deſtinauerat, Diuina gratia eius conatibus obſecundante, qua fultus non modicos Hæreticorum greges ad Catholicum populum traduxit; & eam prouinciam tam incitato ardore ſemper geſſit, vt cùm frequentius in Hæreticorum ædes importunè ſe penetraret, nõ rarò cum grauiore contumelia retruderetur; ſic tamen vt per indignationem reiectus, alacrior poſtea, & ardentior eodem rediret. Cum alia pleraque priſtinam ſuam conditionem recolèti ſuccurrebant, quamobrem eius cum pœniteret, tum illa cogitatio grauiter exulcerabat animum, quoties meminerat, ſuis inſtitutionibus abalienatos olim non paucos à Catholici nominis ſtudio: quam no-

xiam

xiam vt expiaret, nihil adeò in hac vita durum acerbumque duceret, quod non ultro sibi subeundum arbitraretur; & huius sui studij, Cassouix in Pannonia, Lincij & Viennæ in Austria, ad memoriam exemplumque posteritatis luculenta vestigia expressit. Lincensem profectò Sedem cum Præses administraret, & eà frequens Sociorum esset in Boemiam Stiriamque comitatus, ad cetera omnia studiosissimæ, benevolentissimæque procuratoris erga peregrinos Fratres officia, quæ, domesticis quiescere iussis, ipse sibi sumeret, illud semper adiecit, vt eis matulam inferret, ac vnus eandem efferret, hospitibus quantumlibet repugnantibus; ac ipsam adeo leuandæ alio sellam ministraret, quoties hospitum valetudo eam postulabat. Huic homini sollempne fuit, diurnas nocturnasque ægorum custodias domi forisque sibi velut iure quodam deposcere, ac perpetuas ferè obire: de nocte domesticum tintinabulum obseruare, simulac increpuerat, strato se eiicere, etiam cum Rectorem ageret, & ad ægrorum iuuandos vel vocatû, vel inuocatû accurrere. Ex tam incenso amore grauiam quæque tolerandi, quò cum & demissionis, & aliarum virtutum conspiraret studium, existerat ardens illud desiderium, vt quorumlibet arbitrio subesse optaret, nulli mortalium sustineret præesse, si suæ spontis fieri posset in eo negotio: cuius quoque rei æternam sibi, noui moris voto, legem esset impositurus, nisi religione, Præsidumque reuerentia prohiberetur. Quo in genere nihil omni vitæ decursu ei iucundius obtigit, quàm in procuratio

curatione lue contactorum ciuium, vbi decubuerat morbo Sacerdos, cuius illæ vices fuerant, desiderari alium Sacerdotem, qui easdem expleret: quas certè partes Zehenderus tam cupidè, constanter, ac etiam importunè sibi a Præside Collegij deposcitur, vt postulatis excludi iure non posse videretur. Simul igitur atque voti compos factus est, eo impetu, ac contentione animi formidolosissimæ prouinciæ campum est ingressus, ita penitus se insinuauit in malè affectorum intimas ædes, manifesta que tabe languentium retrusas casas, omnes sic penetrauit, vt quia nullius loci, neque rei haberet delectum, quibus aliunde perspecta non erat multa hominis prudentia, cum vanæ, periculosæque temeritatis insimulare meritò possent putari. Sed sagacissimi vir ingenij pridem perspexerat, quàm multis, & sæpenumero leuibus, ac nullis ex causis homines abducerentur ab exquirendis maturè animi subsidiis, quorum deinde vñ atque fructu complures, improvisque casus ipsos intercluderent. Enimuerò quoniam plerisque ciuium seuerior videri solet Aedilitiæ animaduersionis mos ille, vt obductis ædium foribus, propositaque multa, congressu omnium, & publico arceantur, qui haud leui suspitione contagionis laborant, declinandæ huiusmodi opinionis & molestiæ, dissimulata sapius intestina sua clade, Sacramentorum, Diuinaque proinde gratia exfortes intereunt. Quod permultis Viennensium vsuuenire cum nosset primis suæ administrationis diebus didicisset, sedulò sibi putauit prouidendum, vt nemini deinceps

ceps ciuium , quem haberet compertum , infanus ille pudor exitio verteret. Qui Patris Zehenderi minus consultum ardorem scrutandi , noscendique omnium domicilia & secessus, reprehendi posse crederent initio, postea deinde quàm multorum manifesta cum salute se prodidit eius tam auidæ curiosæque sollicitudinis fructus, flagrantissimæ caritatis in ciues, parisque gerendo negotio prudentiæ, illustre ab omnibus præconium tulit. Atque yti ne speciosior in vulgus hæc ratio alienæ salutis procurandæ forsitan esset , quàm ægrotorum animis fructuosior , diligenter omnino cauit , adhibendis iis incitamentis, quibus ex conditione illius morbi defixa mens ægrotantium , obtusioresque vulgò sensus, erigerentur ad insigniores motus religionis pietatisque. Hunc etenim sibi perpetuū morem indicxit, vt, Eucharistiæ ac Extremæ Vnctionis administraturus Sacramenta, neminē planè adiret, nisi eoapparatu, qui augustam eius rei aliquā præferret magnitudinem, eiusdemque , ac Dei cum primis, qui præsens iis symbolis inesset, eximiam venerationem in ægroti animum importaret. Prius quàm subiret in ægri conclaue, ad fores eius sibi inducebat sacerdotale supparum, quod superpelliciū vocant, stolam, quadrangulumque galerum ; ac sinistra Christi ad crucem suffixi, dextra facem ardentem præferens, religioso sacroque verendus cultu, præsentis Numinis indice , multam derepentè venerationem erga Diuina in ægrotantium animos inuehebat, fouebatque. His, atque huiusmodi præclaris attribus suscitanda in omnibus aduersùs Deū fide,

fide, reuerentia, & ardenti amore, multorum dubiam confirmavit salutem, neque pauciorum desperatam restituit: sibi quæ apud Viennenses, cæterasque prouincias, quibus fuit vtilissimus, clarum nomen integerrimi, sanctissimique viri peperit, eo quæ clarius, quod ex huius palæstræ ingressu, respirandi à perpetua fatigatione nullam sibi moram indulgit, quoad eum dira quoque lues abstulit. Funerum porro nobis quies tandem fuit in Patre Ioanne Montano-mollenſe, Antuerpiensi; annos tres & quinquaginta nato; eorum degente tricenos ternos in Societate nostra: politiorum, grauiorumque disciplinarum apprime consulto; Philosophica, Theologicaque laurea pridem claro; cuius vtriusque doctrinæ præcepta vicenos, eo quæ amplius, annos, vel nostro in Collegio, vel in Academia Viennensi, multa cum acuminis, perspicuitatis, & eruditionis fama tradiderat. Eum præcellentes animi dotes Præsidi Prouinciali consiliarium & admonitorem diu fecerant, huicque Collegio maximè idoneum Rectorem pridem adsciuerant: quo in munere cum iucundissima præsidendi suauitate, salubrem exigendæ disciplinæ seueritatem felicissimè, perpetuo quæ copulauit. Exemplo in primis suorum quemlibet ad sedulam muneris procurationem inuitabat; cum & ea, quæ multis communia sunt, vt audiendarum Confessionū ac huiusmodi, princeps ipse obiret officia: & quæ certorum sunt propria, vbi esset opus, exple-ret sedulo; quam imperij formulam secutus, promta semper, feruida quæ suorum est expertus

obsequia. Huius Collegij Prorectorem agebat, cum acerba vitii cæli labes Viennensem ciuitatem haberet infestam, nostrique Patres publicæ auertendæ calamitati, domi atque foris plurimum laboris haurirent; quorum fatigationem uti pro virili subleuaret, tametsi numquam à Rectoris procuratione feriat, veniebat & ipse in partem assidui muneris audiendarum Confessionum; inter quam obeundam prouinciam, tetro cuiuspiam halitu creditur fuisse afflatus; multò autem grauius deinde, cum tres horas in conferta multitudine Academicorum, Rectorem sibi legentium, confedisset, quoddam triduo post eum confectum, immani tubere pestiferum vlcus illi secundum aurem intumuit, cuius malignitate, triduo vix toto expleto, exhaustus est. Appetente hora mortis, consuluit unum ex Patribus nostris, contagiosorum Nosocomio præfectum, quam procul abesse videretur suus à vita exitus; qui ut respondit, iam planè instare: ad illam mortis suæ denunciationem, miro gaudio exsultauit, moxque iussu Fratre sibi præire Litanias, nunciij magna perfusus lætitia, pie ad singula earum capita respondit. Cum autem ad eum versiculum, qui est de Sacerdotibus, ventum esset, pauca interfatus, præcepit ad cætera suffragia & illud nouum inferi, *Beate Pater Zehendere*, & quidem tertiò; ad quæ verba, summo cum animi motu, & hæc vicissim tertiò addidit, *Ora pro me*, pro ea scilicet opinione, quantam de hominis sanctitate conceperat: neque ita multò post, placidissima in morte acquieuit. Haud fuerit, puto, hoc loco alienum, D. Ioannis

Curtij

Curtij, Zuethlenſis Eccleſiæ Præpoſiti, Doctoriſ-
 que Theologi, tamquam vnius è noſtris funus ad-
 ſcribere, quem noſtri Inſtituti multos annos per-
 cupidum, vbi tandem compos eius factus eſt, nos-
 que ex Aſſie inſtituit hæredes, mors oppreſſit. Po-
 ſteriore anno Patrem Bartolomæum Gorlichium,
 Sileſium, non tam ipſa grauis ſeneſcēta, quàm im-
 menſi labores, alacriter pro Chriſto exantlati, ob-
 ruerunt. Quadriennio ſexagenarium præcurrebat,
 annos vndetriginta inter Socios religioſiſſimè vti-
 liſſimèque verſatus, multa cum laude variis exer-
 citus muneribus; ſeu cū ſubelliſſet, ſeu cū præelliſſet,
 æquè omnib. gratus; ſed decē & octo ante occaſum
 menſes totos, affecta licet annis & morbis valetu-
 dine, excipiēdis Confeſſionib. tam aſſiduus, vt mi-
 raculo eſſet omnib. domesticis. Quē in eiufcemodi
 palæſtra inuiſto animo deſudantem ſupra vires
 & annos, pridie Chriſti Natalis, frigidiffima tem-
 peſtate, cū cum multus algor obſediſſet, ipſa ta-
 men nocte Dei filio naſcenti ſacris eſſet operatus,
 ſimulac in cubiculum ſe abdiderat, conquieturus
 aliquantulum, ingens pituitæ copia in fauces de-
 lapſa tantum ei conceſſit reliquæ vitæ, quoad ſatis
 fuit, ad vicinorum Fratrum expoſcendam opem,
 excipiendamque Sacri Olei vnctionem. Viennē-
 ſium ciuium pleroſque grauiffimè affectit eiꝯ de-
 ceſſus, quorum lacrymæ adhuc hominis teſtantur
 acerbum deſiderium; quod ea modo ſolantur ſpe
 fore, vti abſentis ſibi proſint preces, cuiꝯ erat præ-
 ſentis adedò fructuoſa opera; neque deſuit, qui eiꝯ
 recēns mortui admonitu ſenſerit ſe vehementer

vrgeri, ad excutiendam grauem peccatorum sarcinam; cuius vocibus ingenti suo bono & gaudio est obsecutus.

V T E R Q V E porro annus vix dimidiatus nobis ad sollempne opus liber esse potuit; quòd per Hibernos, Vernosque menses, ex agresti secessu, ac æstiuæ cladis fuga, non planè receptis ciuibus omnibus, cum ineunte Iulio, intendentibus se caloribus, contagiosæ labis plaga mox recrudesceret, exercendorum in vrbe munerum quâ facultas, quâ materia subtrahebatur; partim alio dilapsa ciuitate, partim nobis peregrè amandatis, aut ædiũ septo iussione Præsidium coërcitis. Quâdiu tamen per cæli clementiam in opere nobis esse licuit, nostræ industriæ fructum vberimum tulimus: ac maximè per Bacchanalium quadragenariam orationem, cuius apud nos ea fuit frequentia, vt assiduò ciuium concursu nostræ scholæ, ac Socij penè ipsi, quorum diuersis manipulis statæ precandi vices in totum diem erant indictæ, per omne ferè triduũ templo excluderentur. Inusitatus nimirum Diuini cultus ardor vniuersam ciuitatẽ ita occuparat, omniumque pectora sacro æstu incenderat, vt in rerum nouitate finitimi populi Viennam nõ agnoscerent, ipsaque se planè aliam experiretur. In tanto autem animorum motu, cum audiendarũ Confessionum ipsam per se onus ab ingenti multitudine confluentium ciuium graue iam esset; fiebat tanto etiam grauius nostrorum paucitate, ac cæterorum Religiosorum absentia; hi enim strage suorum territi vrbe abscellerant; nosque ad decem

cem omnino Sacerdotes redieramus, cæteris in finitima loca dimissis. Eo quoque semestri prioris anni Catholicorum cætus auctior factus est, trecentis ac tribus capitibus ex Hæretico grege detractis, quorū plerisque multam nauseam Lutherani Euangelij pepererant sordēs suorum Prædicantium in administranda sui moris Eucharistia. Vt enim de se, suisque sacris sublimè sentiunt nouo hoc Euangelio afflati homines; pari de ipso estimationi apud populum ingenerandæ, hanc rationem Lutheranò acumine dignam excogitarunt, vt non nisi auro prius munerati, & carpento vesti ad ægros vel solatio, vel sacris reficiendos adirent, ramerſi de vita periclitantes; vti ne aut vilitate pretij, aut facilitate suæ operæ, suo Euangelio, ac videlicet ministerio, despiciatur ultro in vulgus arcesserent. De hoc genere nundinariorū Poparum, cū inops & ægra muliercula vnum ad se inuitasset, licitata prius quanti suum laborem, & sacra ipsa indicaret; ipseque meros creparet aureos nūmos; habeat, inquit illa, sibi, ac Lutheranis, suum Christum aureum; nam mihi ex hac hora certum est, Catholicorum frui nudo ac paupere Christo, in quo vno, quin sita sit mea salus, nunquā deinceps dubitem; quod non secus exsecuta est, quā dixerat; neque segnius imitati sunt eius sapiens factum alij non pauci Lutherani. Agni Cerei aduersus incendium inuicta vis, nobilem familiam, recens ab Lutherismo receptā summopere affirmavit in Catholici ritus fide, ipsosque ad eū Lutheri assecclas ad eam suspiciendam valde permouit. Eius

familiæ, quam dixi, quarto ab Vienna lapide, ardere cœperant ædes, eo ipso die, quo vir & mulier publicè Lutherum exsecrati, Catholico primùm ritu in Sacrorum communionem venerant; qua in trepidatione noster Sacerdos cùm in tecti summa euassisset, excitata in Deum fide, ut res admonebat, Agnos geminos serico tectos demittit in latè vagantes flammæ: quos restincto postea incendio, ne leuissima quidem auræ ignis afflatos, inter carbones famillamque reperit herilis famulus Hæreticus, & hero cum religione oblatos, sibi utrosque condonari vehementer expetiit. Huius prodigij sincera fide perscriptam narrationem, & is, cuius in ædibus contigerat, & alter vir nobilis, chirographi, signique sui auctoritate confirmatam, Sacerdoti nostro, qui aderat, asseruandam tradiderunt. Nostræ porro scholæ tametsi Æstate, Autumnoque toto siluerunt, pestilenti discussæ fidere, septenos tamen nobis, aliquot etiam cæteris Ordinibus, Tirones summisserunt. Atque hæc de prioris anni rebus gestis.

Posteriore anno cum domesticis iacturis leuius multati; tum compendiis administratarum rerum vberius impertiti sumus. Toto triduo ineuntis Maioris Ieiunij, quâ ciuib. quâ peregrinis assiduissimè cōfluentibus, nostra ædes religiosissimo conuentu celebrata est; quod etsi plerosque spectandi cupido allexerat, religio tamen, suauideinde capros illecebra, fructuosè distinxit, & ad Christiani moris obeunda munera, salubri iniecta æmulacione, impulit. Celebrandi templi non mediocre inuitamen.

aitamentum fuit prægrandis pegmatis, in ipso
 ædis sanctuario excitati, magnificentiæ, artis, ele-
 gantiæque plenissima species. Alteram amplæ il-
 lius cellæ partem, quantum ea in sublime, ac in-
 latum patet, occupabat ea machina, quam triplex
 distingueret contignatio, suggestuum verò quem-
 libet ordinem commissæ suis epistylis columnæ
 idoneis dirimerent interuallis. Colamnis inter-
 missa spatia, concharum specie in cauum sinuata,
 eximij operis, periucundique aspectus & positus,
 statux ac sigilla implebant. Ad maiestatem, & ve-
 nustatem denique pegmati conciliandam, pretio-
 sissimæ vestis, argenti, auri, gemmarumque acces-
 serat copia maxima, quorum omnium incredibi-
 lem fulgorem atque dignitatem exaggerabat sum-
 mopere ignium vis ingens, triplici tota coronide,
 ima basi, ac frequentibus præterea cauis accensa.
 Huic tantæ apparatus & sumtum & curam uni-
 versam Mariana Sodalitas sibi vni adrogarat, quæ
 prioribus annis in partem modò impensarum cum
 Collegio nostro venire consueuerat. Hæreticorum
 interim castra septingentis eorum commilitoni-
 bus, eoque amplius, infrequentiora fecimus: quod-
 que sit instar prodigij, par coniugum, ex Anabap-
 tistarum impurissima face, hoc numero compre-
 hendimus: quorum vir chirurgiæ consultissimus,
 eoque nomine frequens in procerum ædibus, in-
 genti animo apud eos recens adeptam fidem tue-
 tur. In hunc quoque cœtū adscripti sunt Prædicā-
 tis filius: generis item nobilitate, atque rebus mi-
 litariæ gestis clarus Scoruz; & ex illustri Comitum

familia princeps quædam femina. Dynastis aliquot bene Catholicis animos fecimus, vt ex vi ac ratione patriarum legum atque morum, Lutheranos, suæ ditionis homines plerosque, iuberent ad Catholicum ritum transire: quod eorum duobus, alteri Baroni, Comiti alteri, tametsi non sine controuersia, tamen cessit denique feliciter. Keuenhillerio certè Comiti acriter diuque pugnandum fuit, vti rusticani generis numerosissimas cliētelas ab Lutheri studio traduceret: quod ad negotium, principio quidē periculi plenissimum, Comes uxorem suam, lectissimā feminā, nuper ab Lutheranis in Catholicos receptam, ad audēdum, gerendūque habuit & sapienter hortatricem, & fortiter sociam. Etenim quæ agrestiu Clientū vesana fuit audacia, & scelerata perfidia in suū Patronum ac Dominū, simul atque, parēte Comite Hæretico mortuo, Comes filius Catholicus Passauiensi Antistite id exigente, iubenteque Cæsare, olim exactos Sacerdotes restituere aggressus est, non sunt veriti Herum suum ad necem postulare, Cæsarianosque Duumviros Principis, indicendo exsequendoque Rescripto ad se missos, lapidatione furenter abigere. Quò minùs intolerandam rusticæ plebis contumaciam, valido iam comparato equitatu, Comes seuerè meritoque ultum iret, noster Sacerdos obstitit, cuius ex sententia visum est, loco temporique, ac Catholicis rebus congruentius, ea de re ad vniuersæ Prouinciæ Præsidem, tametsi Hæreticum referre. Is sanè, vti publicæ paci ac fidei præfectum hominem omnino decuit, facinus rusticanæ plebis in
Cæsa-

Cæsarianos legatos, in ipsumque Comitem, Patro-
 num suum, in Prouincialibus Comitibus ita descrip-
 sit, quaque nefarii moris, ac periculosi exempli
 esset ea fraus obnoxiorum capitum in legitimos
 Dominos, iis momentis disputauit, & expendendū
 omnibus proposuit, vt summam indignationem
 audientibus concitaret. Fuit igitur omnium Ordini-
 num ex toto Conuentu ea sententia, quam vultu
 ac voce singuli apertissime præferrent; Compri-
 mendam ipso in ortu, & quidem seuerius, immia-
 nem Perduellium vefaniā, ne dissimulata, pessimo
 publico, Dynastarumque iure, mox glisceret in
 vulgo, nouarum rerum nimio plus amante, insana
 quadam spē falsæ libertatis. Quamobrem daret
 operam Comes, vt quam in plebem, auiorum ip-
 sius, & sua eximia virtus, ius ei atque imperium
 peperisset, cælo terraque adiutantibus causâ æ-
 quitatem, eius plebis contumaces animos, pro
 noxæ gratitate, retunderet, multaretque, legiti-
 marumque iussionum patientes in posterum præ-
 staret. Hoc vniuersæ Prouinciæ iudicio, decreto-
 que fretus Comes, in suæ ditionis arcem iter in-
 tendit, stipatus nonnullo equitatu, cuius auxilia-
 riorum etiam Hæreticorum voluntaria fuit turma,
 atque hoc rectus præsidio, cum vxore incolumis,
 in castellum tandem euasit. Postridiè quàm eò ve-
 nerat, dato signo ex totis agris prouolant turbu-
 lentissimi quique Clientum, densoque agmine
 trium millium circumfidentes Herum domi suæ,
 omni genete conuiciorum eundem ad egressum
 conciere student, dilaniandum mox suorum mani-
 bus.

bus. Viri nobiles duo, Lutherani, ex iis qui Comiti præsidio venerant, perduellium rusticorum petulantia grauerit offensi, eos sibi sumunt blanditiis ac rationibus delinientos: sed apud efferatum, suo ipsius scelere, vulgus iusta, salubriaque suadentium oratio, & opera inanis fuit. Cepit in re trepida Comes, suasu coniugis, consilium in speciem temerarium, sed quod Diuina prouidentia, cuius opæ in primis nitebatur, in vtriusque partis bonum, mirabili euentu, vertit. Arcis portam aperiri iubet, obsidentisque turbæ bene amplum agmen intromitti, moxque claustra obduci reliquis seditiosorum arcem incuntibus. Tota illa perduellium manus in Comitem atrocibus conuiciis fremebat, passimque furentium hæ voces audiebantur: *Pereat proditor Papista: exstinguatur, obtruncetur. Quem* inter tumultum, insanamque vociferationem, armatus in medium prodiit Comes, stipantibus eius latera senis, ac validis vtriusque prælongarum fistularum Catapultariis: quo instructu septus, incenso vultu, grauib. verbis, erecto animo, ingentis spiritus oratione exorsus est, qua iubebat perduelles meminisse dicti nuper ab se in Domini verba sacramenti: eundemque se esse cui suam nuper fidem obstrinxerint: num eorum quisquam sit ita sui officij oblitus, ac scelere omni adeo contaminatus, vt in Domini necem ferrum stringere audeat? Quod tamen si eruperit ferina, nefariaque ipsorum immanitas, vt Christianum, Catholicumque deceat, se in tam aperta, & tam iusta Christi causa, libenter alacriterque animam profusurum,

memo-

memorem utique suæ vitæ ac salutis diris cruciatibus olim à Christo redemptæ, sibi tamen certum esse in eo conflictu sic occumbere, Deoque se victimam consecrare, ut prius ex illa sacrilega perduellium secta eo, quem dextra præferret, gladio iugulatos, Orco plurimos destinaret. Ingenio ferocem, rebellatricemque turbam stupore omnino defixit generosissimi, religiosissimi pectoris sermo, ut dubia prorsus hareret, quid in Comite magis miraretur, animine infracti magnitudinē, in præsentissimo periculo, an in religione tuenda pietatem, vitæque pro ea ponendæ alacritatem, contrà atque suos Prædicantes meminisset solere de Catholicorum studiis in eo genere differere. Hac prima, breuique allocutione, ut restinctum in seditiosis furoris ardorem aduertit Comes, iterum ac tertio ad iam pacatiores ita verba fecit, ut eorum denique mollitis, ac planè mansuefactis animis, ad officium omnes impelleret. Quibus recipientibus in Domini se futuros potestate, mox decem Prædicantes Comitibus ditione iubentur procul facessere, suas in sedes reuocatis Curionibus, vnde exacti fuerant. Eius itaque rebellionis, cuius atroces exitus nemo prudens non metueret, in ipsos, auctores mali, Prædicantes vertit calamitas: & ut par fuit, in tredecim factionis principes, quos suum flagitium in carcerem, & vincula compegit. Ex Turcica porro impietate duo, totidemque Iudaica ex obstinatione, in sententiæ, sacrorumque societatem cum Ecclesia venerunt. In ter augusto altaris Sacramēto, Christi corpus omni cultu ado-

ran-

randum esse, Catholici profitentur omnes, vt tamen si nulla priuata lex, nullumque votum noua quemquam religione obstringat, quoties tamē Diuinus ille panis circūfertur in publico, nemo non indignissimum putet, si non frequentissimus adlit comitatus, & cultus, qui pompam cohonestet. Veruntamē eiusmodi religioli officij partes rarus est, qui suas esse agnoscat, aut, vltro sibi sumat, non oblatas: facile quiuis ad alienos delegat, adeo iidē mortales sunt in rerum honestarum iudicio alij, alii que in earumdem vsu. Huic negligentiae atque socordiae depellendae, in omnium religionum præcellētissima religione, omni semper æuo, pij aliquot viri Sodalitatibus accurata legum, rituumque sanctione instituendis, diligentissime cauerunt, vt Regum Regi maximo, quoties procederet publicē, triumphali pompa transuecto, summus honos haberetur; qui mos nisi posterorum ignauia obsolesceret, nā cum ignara plebs in Catholicis, tum Hæreticorum quisque, meliora de Deo, de Fide, de Catholicorum sacris, ac ritibus sentiret, Vienna certē vt Austriæ caput, ita religionum in eo toto principatu magistra, siue ab Hæreson labe puram, siue contactam se fateatur fuisse in hūc diē, vtrouis ex suo statu, grauissimas habuit causas studiosæ piæque venerationis aduersus Sacrosanctæ Eucharistiæ diuinum illud ferculum, quo Deus ipse, mortalis specie inter mortales inuehens, in locis sua maiestate indignissimis plerumque versatur. Quam cælestis cultus dignitatem, ipsi Deo, Viennensium Seruatori, Regique cælorum,

ita pridem Viennæ defuisse, vt in augustissima vrbe, ac pietatis alioqui retinentissima, regiones eius & compira quauis hora & tempestate peragranti, vnus modò Sacerdos amictu viliore tectus, aut solitarius, aut certè vnus pueri vmbra, fumosa face, ac tintinabulo neutiquam comitator, aliquot iam sæculis, pro illustri pompa fuerit ac triumpho. Hanc sui officij, hanc Numinis obliuionem, an neglectum ita diuturnum, supinum, ac fœdum in Viennensium animis hæsisse, ipsorumque mentes in eo sic occaluisse, vti vix eius esset vllus in amplissima ciuitate sensus; id adèò indignū tali vrbe ac indigenis visum est nostro Concionatori, vt apud vniuersos ciues, in æde primaria, super cōcionem, hanc Christi Domini acerbam iniuriam & contumeliam quereretur vehementissimè. Cui quidem infamix luculentiùs audientium oculis & animis ingerendæ, atque ab illius sensu & verecundia excitandis mentibus ad tantam ignominiam veterū Christianorum imitatione detergendam, Friderici, eius nominis tertij, Imperatoris, ducentesimo ab hinc anno, Christianum, maximèque religiosum facinus ex historiæ monumentis petitum reuocauit in auditorum memoriā, vehementerque ad illud idem instaurandum excitauit. Eucharisticam pompam non satis idoneo apparatu Viennæ inferri ægrorum in ædes aducrerat Princeps religiosissimus, qua Pastorum populiq̃ue indiligentia, vti ne deinceps Numinis Maiestas grauiùs minueretur, & religionis in plebē sensim fieret pernicio-sa decessio, formulam apparatus & ritus descrip-

lit,

fuit, quem pium iustumque censeret obseruari, in
 Diuino Ferculo ad aegrotos inferendo, attributis
 nimirum de suo in pompæ illius sumtum perpetuis
 vectigalibus. Nominatim verò cauebat uti ad rei
 tam augustæ celebritatem pius audiretur cantus;
 crebrum funale, ac Ecclesiastici moris adhiberen-
 tur vexilla; affectantis autem populi agmen, & elegan-
 tē sacræ vestis ornatum, haud dubium quin & eodē
 pietatis studio, huic quoque rei destinaret. Ad hæc
 antiquæ religionis instauranda, & amplius exagge-
 randa decora, cum Sacerdos noster concionē suam
 impensius hortaretur; Christus, cuius tum maximè
 diuinus honos, cum pari ciuium vtilitate ageba-
 tur, dicentis verba in audientium animos vi tanta
 intulit, ut mox vniuersa ciuitas veteris illius ritus
 atque pompæ restituendæ incredibili studio exar-
 desceret. Ab hoc concepto pietatis ardore, dere-
 pentè itum est tota ciuitate in pecuniæ, sericæ ve-
 stis, cæterorumque donariorum copiosissimam
 collationem, qua paucis diebus magnificentissi-
 mus apparatus circumuehendo Eucharistico Fer-
 culo instructus Viennam lætitia & admiratione
 compleret. Inusitatū prorsus fuisse hunc in Vien-
 nensium pectoribus religionis motum, documen-
 to fuit non magnitudo tantum, & copia munerum
 dubio procul mirabilis: sed ipsum quoque genus
 eorum singulare, atque nouum: ut quidquid auri
 argentique exquisiti esset in mulierum mundo, in
 crepundiis infantium, in curiosorum hominum
 vasariis, & antiquitatis nummarie scriniis abstru-
 sum, id plerique prolatum adornando huic sacro
 agmini

agmini dedicarent. Mirum porro quantis lætitiis tota Vienna primis diebus redintegrati eius sancti moris inceslerit, qua religionis accessione profecerit, cum summæ dignitatis prodire cœpit Christi in Sacramento, sub vmbellæ operto regicè inuoluentis, sacer chorus, affectatorum sexcentis capitibus, accenso funali, & multa oris ad eximiam venerationem compositione conspicuis. Archiepiscopus autem Strigoniensis, idemque E. R. Cardinalis, & de Austria irobitate principes quique, cum captata omni eius rei occasione, in hoc, Christum honorificè deducendum, agmen se religiosos comites adiungebant, tum verò ingens pietatis sensus in plebeiōrū exoriebatur animis, & eidem comes verecundia, si se in Christiani hominis officio Cleri Nobilitatisve proceribus superari æquarive paterentur. In ipsa quoque Lutheranorū, marmorea tamen, pectora cōmunis ille ciuium omnium motus peruadebat, vt non affici animis non possent, cum in eos incurreret diuini ferculi augustum spectaculum, cui Catholicorum parem venerationem, vt ne denegarent in publico, sua conscientia vel inuitos adigeret. Campano ex ære grandioris modi cymbalum, in eadem S. Stephani arde principe, comparatum est, conciendo, ad frēquentandam pompam, Viennensi populo, cuius æris noto ex cantu, tota ciuitate constet, proditurum pōst paullō Christi sacra vehentium agmen, ad ciuium aliquem ægotantem; quo dato signo, derepentē prouolant, omnibus vrbis regionibus, incenso ardore, & numerosis ca-

teruis Viennenses, mox in ordinatam coituri acie,
quæ Cælitum beatos exhilaret globos, Tartari di-
ras legiones mœrore compleat. Ne tamen, defer-
uescente olim Viennensium ardore, tempus ali-
quando aboleret, quod præclare institutum, ma-
gnis in dies incremētis Diuinorum venerationem
cultumque amplificabat magnopere; opportuno
consilio est prouisum, vti ne procuratio Eucharis-
tica Transuectionis in incertum toti populo per-
mitteretur, sed cederet in delectorum hominum
tutelam, quos iustæ leges suo munere sanctiùs ad-
stringerent: quæ vna ratio animaduertebatur, sacri
moris in perpetuum propagandi. Viennensis ergo
Antistes Sodalitatem instituit honestorū ciuium,
Eucharistiæ præcipuum cultum ex indictis legibus
sanctè profitentium, quibus administrantibus, &
agmen de suo corpore, cæteraque ciuitate cogen-
tibus, Eucharistica pompa, quàm magnificentissi-
mè ac religiosissimè posset, deinceps procuraretur.
His primordiis felicissimè cœpta res, in primore
urbis templo; pari quoque religionis æstu, non
modò in reliquas Viennensium sacras ædes per-
uasit, sed extra pomœria longè lateque tota Au-
stria, & finitimis prouinciis, incenso nostra æmu-
lantium studio, disseminata est. Atque hæc fuit in-
stituti, sanè quàm laudabilis, sub ipsum eius ex-
ordium tam longè lateque fusa propagatio, quam
ex inusitato populorum studio futuram diuturnis-
simam, adeoque perpetuam, fas sit interpretari.
Per idem ferè tempus Beati Callisti, Martyris ac
Pontificis, corpus magna ex parte ab Hæretico-
rum

rum contumeliis vindicatum est, atque Lincij, in sacra Imperatoria cella, honorificentissimè collocatum. Eas Beati reliquias Imperatrix, heroina religiosissima, in sacello Crumlouiensis arcis, marmoreo tumulo conditas cùm obseruasset, verebatur ne Roscenfes Reguli, Hæretici eius arcis domini, violassent, sicuti sacellum exaugurauerant: quamobrem apud Cæsarem Matthiam, coniugem suum egit, vt Crumlouio Lincium transfuehdas iuberet. Sacerdotem igitur nostrum, concionatorem suum, eò destinat Cæsar, qui, omnibus antè sollester exploratis, sacra ossa Lincium aduehat, si quidem constet ex integritate marmoris, loculorum, & ossium, eis Hæreticos abstinuissè manus impias, quod & constitit, inuiolato planè comperito marmore, ac iis multò magis, quæ illo conderentur. Hæc porro Beati Martyris sacra pignora cùm noster iam inuecturus in aulam Cæsaream esset, multa cum fide ac religione procedit obuiam Imperatrix, sanctèque venerans, Cæsari coniugi, grauiter ex podagra laboranti, propitium aduenire Christi militem precatur. Inde ad eundem Cæsarem properat, nunciatura tam optati hospitis felicem aduentum, à quo prospera omnia & poscere, & sperare quoque iubet ægrum Imperatorem, neque frustra: vbi enim Sancto Callisto votum piè nuncuparat, mox artuum dolor omnis discussus est, vt postridie, cùm in ornatiorè capsam Lipsana inderetur, ipse venerabundus, ac valens adesset. Multam porro auctoritatem, venerationem, quæ ipsi Martyri, & Cæsari fiduciam rogandi concilia-

ciliarat repentina Sacerdotis nostri sanatio ex grauiore febre, qua urgente, mittenti Cæsari ad reliquias aduehendas, valetudinem fuisset excusaturus, nisi sacræ illius sarcinæ proxima vectura certiorẽ ei spem faceret sanitatis; quam sanitatem ipsi ex sepulcro sua ossa promenti munificus Martyr, etiam ante vectitionis officium, liberaliter representauit. Inter cætera verò aulicæ procurationis compendia non vulgaria, illud eiusdem Sacerdotis vnum fuit, vt ipsius opera Hæretici vnus ac septuaginta in Catholicæ Ecclesiæ disciplinam, fidemque coucesserint, quorum de manipulo fuit, qui, celebrium aliquot concionum illustri auctoramento, se suaque Predicantium Decuriæ iam addixerat. Turcico mancipio, alioquin rudi, duram seruitutem inter Hæreticos annis decem iam seruienti, Diuina bonitas luminis tantum infudit, vt planè dispiceret, quid Catholica sententia ab Lutherano dogmate distaret; quare neque frequentis fustuario, nec aliis vexationibus sæuis diuturnisque, ab hero vnquam adduci potuit, vti ab Lutherano Prædicante Baptismum susciperet, etiam moribundus, cum asseueraret, malle se Turcæ, quàm Hæreticum interire. Cuius fortitudinis id à Deo præmium tulit, vt conualesceret, ac deinde optimæ Imperatrici dono daretur, cuius beneficentia est assecutus, vt mox allegaretur in Christianos & Catholicos, & Christiana libertate frueretur.

Suadorffium in oppidum, Templariorum olim tota ea regione arcem, quarto ab Vienna lapide. venerunt duo de nostris accersitu eius arcis præfecti,

fecti, quem Episcopus Passaniensis, Leopoldus Austriacus, ei oppido Catholice Religionis strenuum assertorem præposuit. Eodem verò tempore cum nostros aduocauit, tum suæ ditionis populo edixit, uti ad Sacramenta ritu Catholico frequentanda conueniret; cuius edicti cum habita non esset ea ratio, quam oporteret, grauius mox interdictum prodit, & reuerentiam rerum sacrarum ab trecentis, eoque amplius indigenarum expressit, quos nostri piaculo Confessionis elueunt, ibidemque plus ducentenos diuellerunt ab Hæreticorum corpore. Aliquanto plus negotij fuit in debellandis Calixtinis, eiusdem tractus oppidanis, maximè ubi ventum erat, ad Divini sanguinis in Eucharistia usum laicis extorquendum, quo se per summam iniuriam & nefas prophanum querebantur, cum nihilo essent minùs Christiani, quam ipsi Sacerdotes; impenseque flagitabant, si quidem essent penitus ipso Christi calice abstinendi, uti suo saltem ex poculo Sacerdos pro ara profanum vinum eis propinaret; vel si neque hoc esset licitum, argenteo certè ex scypho singulorum ora prolueret. Sed ut, ne quod erroris vestigium, specie cuiusquam boni, resideret in populo, semel accepti moris tenacissimo, postulorum spem omnè in posterum eis præscindendam nostri Patres censuerunt. Quibus autem nonnulla vis est allata, ut in Christi ouile compellerentur, offusa deinde cælitus copiosa luce, ij nouæ conditionis rationem adamarunt adeò, ut pœniteret, cur non multò antè ad officium fuissent adacti.

GRÆCIENSE COLLEGIVM.

ABDITIORIS secessus salubrem quietem sibi apud nos delegerunt diuinus cum otio meditando homines triginta, cuius exercitationis in partem venit ipse Principis Cancellarius, atque Religiosarum familiarum aliquot viri. Pertinaciam erroris sine ratione tuendi, ac errores denique ipsos, bene multi passi sunt ex animo sibi funditus euelli, quibus euulsis, cum sensum de re Catholica & Catholicis hominibus, deque Societate nostra, experti sunt, quem ipsi vetera sua iudicia inuis conferentes, demirarentur. Ex eo grege Baro vnus, Stiria illustrissimus, quadriennium solidum, aduersus veritatem obstinatissimè luctatus, magno cum voluptatis sensu solitus est commemorare, ita se intimo animo erga Societatem affici, vt eius causa sanguinem vitamque summa sit alacritate profusus, quam paullò antè cupiuerit non exulare modò vniuersis terris, sed acerbo extinctam leti genere. Huius verò ardentissima sunt & assiduissima studia in familiæ numerofo non tantum cœtu, sed stirpis ac cognationis etiam vniuersæ ingentibus cohortibus, ad Ecclesiam adiungendis. Princeps femina in Stirienfi tractu, Hæretici dogmatis consultissima, eique haud paullò minùs addicta, vt suæ sectæ Papissam, principatus quodam titulo, plerique omnes vocitarent: vbi Catholici moris saniora instituta eam suis momentis æstimare nostri accuratè docuerāt, abdicata

abdicata confestim vana magisterij prærogatiua, inter Christi discipulas animi demissionē professā est. Quædam de triuio mulier adeò combiberat insanam persuasionem salutis sibi certò asserendæ, ex specioso vnius dumtaxat Fidei Christianæ obtentu, vt cuiuscumque probæ actionis simulacrum ab se procul amoliretur, ne qua rectè factorum labe tam potentis pollentisque Fidei vim enernare videretur. Quoniam tamen, omnium virtutum ab se exigendis exterminandisque actionibus, neque vel Fidei suæ dignitatem prædicare, vel salutis certam fiduciam statuere se cumulatè satis arbitrabatur, dignum prætereà Hæretico pectore facinus adiciebat, vt nullo in flagitij genere non studiosè diuque volutaretur, quò augustiorem sui dogmatis speciem in animo suo designaret, acrioremque illius viuidæ Fidei sensum intimis præcordiis impressum defigeret. Impurissimum tamen hoc contaminatissimæ vitæ prædigiū Deus optimus ab se non ita est aspernatus, vt non tandem benignissimè ad se inuitaret, immissaque ipsi terribilissimæ vitæ poenitudine, per nostrum Sacerdotem ex hæresis scelerumque sentina non educeret. Virgo ab ipsis cunis ad multam senectam, cum hæresim, tum eius tuendæ summam obstinationem protulerat, cui nulla vmquam nobilium de sua stirpe virorum gratia, nullius mortalis auctoritas persuaserat, vti salubres de Fide sermones vel ad aurem admitteret. Sed missa de cælo potentior machina mulieris peruicaciam fregit: cui grauiore morbo diu tentatæ, cum accessisset vberior è

naſo ſanguinis profluentia, quæ paucis diebus ex ſumma debilitate certam perniciem induceret, in vltima delapſæ demum à propinquis perſuaſum eſt, vt data fide exuendæ hæreſis, votum Magnæ Mariæ nuncuparet; quo nuncupato mox ſuppreſſum eſt narium profluuium, neque multò poſt reliqua ſanatio ſubſecuta, quæ viam fecit Catholicæ fidei ad animum admittendæ. Summa capitum fuit centenùm octonùm, quæ ab hæreſi deſciuerunt, quem in numerum veniunt oppidani Hurekiennes plerique, Hæreticorum Stirienſium nuper contumaciſſimi, quos, Principis edicto adiuti noſtri, ad Cathólicos pertraxerunt. Ex ſelecta frequentiſſimorum diſcipulorum iuuentute, quam multa celebriorem facit nobilitas, Religioſi Inſtituti curriculum ingreſſi ſunt plures triginta, quorum ſenideni ad nos deuerterunt. Sanctiſſimo exitu religioſiſſimam vitam terminauit Baro annorum quatuordecim, gymnaſij noſtri alumnus, cuius ab iſtis iucunabilis præclara fuit innocentia, & ſingulare omnium virtutum, ac Caſtitaſis maxime ſtudio. Ei ab prima pueritia ſollemne ſemper erat, non ſeminarum omnium modò, ac matris quoque ipſius vel leuiſſimum commercium, ſed puellorum quoque ætate ſupparium ſtudioſius declinare; ac idè quinquennis adhuc cum eſſet, matris iuſſu acceptum in ſocietatem lecti annis æqualem ſic auerſatus ſit, vt integro ei conſeſſo toro, ſeminudus ipſe ſubter lecticam cubaret. Quo in facinore deprehenſus, & increpitus à matre, lectulo quidem poſteà non abſtinuit, ſed

sed eo tamen, suffixis aciculis, aut substratis calcu-
lis, & tabulis duriter asperato, deinceps vsus. Hic
pudoris amor sic in eo cū annis adoleuit, vt quin-
quēni paullo grādiōr, sēpēnumerō sit auditus as-
seuerare, ferrū se cuiuscūque manus aduerso pe-
ctore excepturum potiūs, quā admissurum vllō
pacto, quod vel vmbra praeferret animi in Casti-
moniae studio minūs accurati. Virginum glorio-
sas in cælo palmas, Doctorumque ac Martyrum
celebres laureas, sic erat animo & cupiditate com-
plexus, vt earum ingenti flagraret ardore, seque
ad eas suis laboribus promerendas strenuē compa-
raret. Hoc igitur Diuini amoris æstu succensus le-
ctissimi pueri animus, cū in singula momenta
seipso sanctior euaderet, eam dignationem meri-
to suo nactus est, vt iucundissimam cellulam si-
bi Deus in eo legeret, in qua libentissimē assiduē-
que diuersaretur. Inde puero diuina meditantī, vel
participanti cælestis mensæ conuiuia, tanta se in-
fundeat diuinæ suauitatis copia, vt iucundissimo
eius sensu primū totus disflueret in lacrymas,
ac vehementiūs deinde intendente se voluptatis
æstu, impares tam incitato deliciarū torrenti
hauriendo, vires corporis, eum, diuino amore col-
liquescentem, penitūs deficerent. Frequens eius
animum subibat, & cum stupore quodam admi-
ratio, cū existerent inter mortales, qui, langu-
idarum pecudum instar, toti effunderentur in eas
oblectationes, quæ hauriuntur sensibus: vix au-
tem millesimus quisque hominum adspiraret ad
purissimas mentis delicias, ex æternarum rerum

tractatione perfruendas : quæ humani moris ac ingenij propriæ ac condignæ sint; quarumque Deus cupientibus liberalissimè , ac ultro etiam sufficiat vbertatem. Hunc ei sensum , & diuinarum rerum tantam prudentiam in ea ætatula conciliauerat earumdem multa experientia , vt consultissimi more magistri de iis loqueretur & sentiret , iis vitæ annis , quibus reliqui puerorum vix prima pietatis elementa condiscere instituunt. Nimirum, qui ab infantia eum sibi secreuerat de multis vnū Deus, nactus in eo cælesti disciplinæ planè congruentem indolem, eo genere institutionis magister optimus excoluit, quæ paucis annis puerilem eum candorem ad omnis virtutis sublime fastigium eueheret ; vnde mox , vt , legitimè iam emeritis Christianæ militiæ stipendiis , ad cælestes perpetuosque triumphos in cælum euocaret. Leobij, octo milliaribus ab Græcio , Domus Probationis primordia instituimus, felicibus auspiciis, ac liberalitate in primis Ferdinandi Archiducis Austrij, & Atmotensis Coenobiarchæ ; quorum ille suam ipsam Basilicam nostrorum domicilio, hic propinquam ei sacram ædem Sociorum obeundis muneribus attribuit , corollariumque munificentiae adiecit dena Florenorum millia , vt hoc cumulo vetera sua in nos beneficia exaggeraret. Eius summæ terna Florenorum millia sunt adiecta beneficio Baltasaris Scrottenbachij, inter Ferdinandi familiares rei Aulicæ Præfecti ; neque defuerunt , qui exemplo istorum nouæ domui , ædique instruendæ, argentea, & aurea vasa conferrent.

A L S O-

ALSO LINDVÆ Sacerdotibus nostris duobus plusest negotij, quàm longè plures valeant exhaurire, quòd in eo non solùm oppido, sed in eius ditionis, & finitimarum Satrapiarum circumiectis pagis, Curionum munera omnia in nostros redeant, Catholicorum Sacerdotum penuria; vt facile sit æstimare, in frequentissimo populo, quàm non transigant dies vllos ab opera vacuos. Leuamentum verò laboris est non mediocre, quòd in dies constat, & bene amplum illius pretium, Catholicis sinceram fidei ac morum disciplinam studiose adsciscitentibus, vnde nuper non parum descuerant, diuturniore cum Hæreticis commercio. Ex quo autem animi magna simplicitate populus, falsitatem Lutherani dogmatis edoctus, seridò animum adiecit ad frequentem Sacramentorū vsum, & Catholicos ritus amplectendos, sui candoris, & integritatis luculentum à Deo præmium ferre cœpit, vt, sollennibus Ecclesiæ vsurpandis ritibus, omnium ferè noxiarum rerum vim ab se procul amoliat. Quod genus sunt frequentissime, diræ Cacodæmonum insectationes, per oblata horrendi aspectus simulacra, & monstra, reuocandis à recta fide idiotis hominibus, aut ad salutis desperationem inducendis. Cuiusmodi omnia pericula, vt etiam proteruos incubones, vel aqua lustrica, vel cereo agno, sincera cum fide adhibendis, plerique feliciter depulerunt: & quidem Lutheranis sæpenumerò consciis, atque ad idem salutaris auxilij genus sibi postulandum non rarè ad nos aduentibus, simulque in suos Ministellos palam, & asperè

asperè stomachatibus, à quibus præsidiorum eiusmodi nihil vnquam aduersis calibus exprimi, aut expectari possit.

VNGARICÆ Missiones quaternæ magno studio, parique fructu procuratæ sunt. Hómonæ, Makouicæ, Vngarini, & apud Strigonienfem Cardinalem, quarum Hommonensis beneficentia singulari, ac pietate oppidi eius Dynastæ, propediem in Societatis Collegium transitura est, designatis ab optimo Comite, quæ sunt in eiusmodi familiam necessaria, vt vna modò Præsidum nostrorum auctoritas præsentiaque expectetur. Magnitudo messis operas plerumque ab incundo suorum manipulorum numero auocauit, ei cogendæ quàm recensendæ in multa eius frequentia intentiones. Certis tamen locis, vbi venit in mentem quotidiani lucri rationes nonnullas conficere, in codicem relata sunt trecenta quadraginta & sex capita, quæ nostri Sacerdotes bene pauci vel hæreseon, vel Ruteni schismatis seruilibus nexibus explicauerant. Et pteritum quidem operæ fuere non vulgare Predicans vnus, vnusque Rutenæ secessionis Episcopus, quos in sacram Romani Euangelij nāssam feliciter induximus, altero item Prædicante tantum non in eandem ingresso, ac proximi quidem introitus voluntatem præferente. Creberrimæ nobis, & peracres obtigerunt cum noui Euangelij buccinatoribus congressiones, quibus confutandis, vt illis ipsis pudorem sæpe ac mœrorem incussimus, ita eorum sectatoribus fidei suæ ac magistrorum verecundiam, eorundemque non
leue

leue odium, in frequenti nobilitatis corona conflauimus. Vnius certè Prædicantis ex ore, vbi compositiore verborum circuitu multa prolocutus, nihil planè dixisset, confessionem eam expressimus; vt non pigeret asserere, se falsa pro concione nonnumquam docere, adeoque ipsa Biblia, quibus vteretur, falsitatem multam continere. Templata sex, quæ maiore vi grassantes Hæretici Catholicis extorserant, nos iure postea vindicantes, iis licèt inuitis redhibentibus, demum recepimus, & in eis sacra instaurauimus. In illius agri perampla vastitate pauciores nostri versantur Sacerdotes, quàm vt idoneæ culturæ satis esse possint, nisi Deus, cuius agitur causa, extraordinariis virium supplementis suos agricolas corroboraret. Omnes Curionum vices plerisque locis nostri solent exple-re, quòd fermè absunt earum legitimi curatores; atque vt inertes ab otio eis esse non liceat, certa regione duobus Sacerdotibus sua diœcesis in sex ac triginta vel oppida, vel castella, vel pagos, laxioribus terminis est definita. Rutenæ dissensionis labes Hómonensem ditionem olim longè latèque peruaserat, cui abolendæ Comes Hommonensis Rutenum Episcopum Catholici dogmatis ex Polonia euocatum adhibuit, cuius industria, pióque studio, abalienatus errore populus à Christi Vicario, in eius iurisdictionem facìle concessit.

QVINQVE ECCLESIA S vrbem proximis annualibus memoraui-mus, binorumque Sociorum ad eam Turcarum vocatu appulsū. Ea vrbs *Peuce* olim à Peucinis Sarmatiæ populis eius conditoribus dicta,

Etā nūc vulgò *Persium*, & *Quinqueecclēsiæ* appellatur; vna nuper, stante Vngarico imperio, ex clarissimis Regiis, & muro cinctis vrbibus, aulica dignitate ac celebritate memorabilis. Paulo quidem suprà quàm Drauus, Vngaricorum fluuiorum rapidissimus, in Danubium amnem se inuehit, ad vitiferi montis latus, molliter decliui situ, posita, subiectorum camporū amœniore aspectu hilaratur, solo ad omnem frugum copiam, varietatem, ad pecoris & piscis vbertatem cum primis illustri, vt indigenis valdè frequens, ita perquàm celebris aduenarum comœatu. Quinquagesimo ab hinc anno oppressa iugo Turcicæ tyrannidis sacrorum, litterarumque amisit duo præcellentissima lumina, quibus inter Vngaricas vrbes illustrissimas vna maximè florebat, suo quondam inclyta Episcopo, & gymnasiorum nobilitate ac numero clarissima; in quibus selectissimę iuuetutis capitum terna quaternaque millia interdum recēsuit; & de quibus expediti adolescentes trecenti, Scholæ magistro duce, cum Ludouico Vngarorū Rege strage Mochacensi, ab Solimanno Turcarum Principe Vngaris illata, fortiter pro Fide ac patria depugnantes occiderunt. Exinde Mahometani munitissimæ copiosissimæque vrbis multa opportunitate allecti, frequentes in eam, cum Sacrorum suorum instrumentis, ac poparum ingentibus familiis, commigrarunt, quam, perpetuandis Alcorani ritibus, vastis Mosquæarum molibus ita frequentarunt, vt vix vllis seu compitis, seu foris, ac vicis, vacui quidpiam fuerit, vbi non execrabiles

biles illæ aræ impietatis immani fastigio assurrexerint. Quinquecclesias porro vrbe[m], accersitu Turcarum, vt nostri Sacerdotes duo adierint anno sæculi huius duodecimo exeunte, scripsimus quidem strictim annalibus proximis, sicut allatum erat, sed nacti hoc anno ampliorem eius profectiõis commætarium, eiusdem narrationem vberiore[m], & sequentis biennij res gestas in hunc annum illigabimus. Apud Dynastam Bamssium de nostris duo Sacerdotes Alsolinduæ, Vngarico in oppido, fructuosissimè versabantur, quot etiamnum versantur, vt suprà ostendimus; quorum pia, fidelique opera, ac plebis ingenua simplicitate delectatus Deus, omnibus morbis factitatum ab eis Patribus, per vsum aquæ lustralis, cereique agni medicinam, ita ratam habuit, vt ea curatio infinitis propemodum ægris attulerit sanitatem. Harum curationum multitudo, & sanationis felicitas, cum admirabilitatem maximam habere cœpisset in vulgus, & fructum admiratione lætiores ostenderet, ingentibus præconiis, ea omni regione, tum medici tum medicamenta celebrabantur, vt eius rei nuncios ad Turcas præsidarios, Canisiam vsque, fama perferret. Canisia, militaris est munitio, in Croatiæ Vngariæque confinio, Turcica vi duodecimo ferè ab anno Christianis extorta; qua ex arce Alsolinduam tributorum cogen-dorum gratia, cum ad Dynastam Bamssium, nostrorum hospitem, Turcæ frequentes ventitarent, quæ Canisiæ audierant de nostris, ea præsentibus diligentius percontabantur; neque ab certis auctori-bus

bus accipiebant modò , sed suis ipsi oculis aspe-
ctabant, crebra eius generis miracula, quorum ma-
gnitudine ac crebritate vti attoniti stupebant, ita
eorum apud suos periculum fieri cupiebant maxi-
mopere. Canisientes igitur Turcæ nonnulli postea
quàm , non alienis dmutaxat, sed suis etiam nun-
ciantibus, qui ab se comperta, & oculis designata
narrarent, de incredibili agnorum & aquæ facul-
tate accepissent, Alsolinduam ad nostros aduolant,
eiusmodi amuletorum aduersùs noxia quæque
copiam aliquam sibi fieri cupidius efflagitant, nul-
lum non supplicandi genus interponunt, vt à no-
stris earum rerum tantillum exprimant; atque vbi
tandem impetrarant, suorumque agris corpori-
bus adinouerant, mira illico vis rerum sacrarum
etiam in Mahometanæ impietatis hominibus elu-
cescebat, impertienda ipsis subita sanitate. Tantum
porro aberat, vt, quod Lutheranus fortè non ne-
mo faceret, expertam suo commodo sacri agni &
aquæ mirabilem efficacitatem maligno silentio
supprimerent, vt etiam vbique & apud suos, &
apud Christianos prædicarent studiosissimè, ac
inuitatis eueherent laudibus. Atque vti ne qua in
parte officio defuisse viderentur, eximia grati ani-
mi significatione, cum muneribus, acceptam gra-
riam repensuri, ad nostros Canisia redeunt, neque
vllam sibi partem quietis indulgent, dum per dif-
ficili aditu eò euaderent, vbi tum nostri versaren-
tur, quos non semel sibi conueniendos putarunt,
vt idoneis gratiis agendis, & offerendis donis haud
vulgaribus, aliquid ampliùs impetrarent. Eninue-
rò ab

rò ab perspecta cælestium remediorum summa vi,
facile in eam spem venerant, vt, ignotis in vul-
gus, eorum Patrum potentissimis medicamentis
nullum non, etiam insanabilis, morbi genus vin-
ceretur; quamobrem aut illorum manu, aut nul-
lius mortalium, Tribunum illum militarem, de
quo superiore anno scripsimus, desperatæ valetu-
dinis ægrum, denique persanatum iri. Patrum igi-
tur in suos fines euocandorum causa honorificam
legationem Turcicus Magistratus Alsolindūā de-
stinat, luculentissimoque diplomate, principum
Turcici nominis virorum chirographis, anulisque
consignato, nostrorum saluti & honori cauet am-
plissimè, quorum imperrata tandem à Præsilibus
profectione, & superatis, quas Ariani graues in-
terieceraut, difficultatibus, exeunte Septembri
antecedentis anni Sacerdotes nostri duo iter Ca-
nisiā versùs ingressi sunt. Quarto ab Canisia mil-
liari, Patribus venientibus, honoris gratia, pro-
cedunt obuiam Mahometani equitatus bene mul-
tæ turmæ, atque magnificæ, quæ medios assum-
ptos eos honorificè in primis, ac beneuolè in Ca-
nisiensem munitionem deducerent, quibus intro-
gressis cæteræ cohortes eam beneuolentiam vene-
rationemque detulerunt, qua nulla maior inter
Christianos potuit cogitari. Ibi confestim Maho-
metani ritus matrona oblata est, quæ flebiliter cum
Patribus quereretur, numerosam prolem in cunis
sibi adhuc ereptam, & eam, quæ infans super-
stes esset, grauitè periclitari; cuius è ceruicibus
sacram ceræ plagulam cum nostri alligassent, inse-

D quenti

quenti tota nocte infestissimæ larvæ vehementer
connisæ sunt, vt sacrum amuletum puero auel-
lerent, sed inani conatu; quo ex tempore earum
vis penitus discussa cùm esset, infanti deinceps
semper fuit optimè; quo genere item remedij aliis
sanitas est reddita, & nostris tanto illustrior quæ-
sita auctoritas. Canisia iter deinde Szigethum,
aliam in arcem, Patres iter intenderunt, quò no-
minatim arcessebantur, ad Tribuni militum, quem
diximus, curationem; qua in via prætergressis eis
Baboczam castellum, subsecutus est cum amplo
comitatu eius Castelli Præfectus Turca, Canisien-
sibusque præsidiariis sua in stativa retrogredi ius-
sis, honorificè de nostris præfatus, eorum inco-
lunitatem dignationemque curæ sibi deinceps
futuram prolixè recepit; quibus Baboczam redu-
ctis, eius ægroto filio sacra imponenda cera repen-
tè salus est allata. Szigethum inde ventum est, in
arcem munitissimam, qua potiti sunt Turcæ ante
annum quinquagesimum, cùm immanem stra-
gem Vngarorum eddisent; qua in munitione, cla-
rus militari gloria, Tribunus ille Mahometanus
pridem à Cacodæmone vexabatur, quem popula-
res medici anguem intestinis conceptum credidif-
sent. Ei Cacodæmoni, quodd vnus Patrum erat com-
minatus, vexatione deinceps abstinuit, donec
Quinqueecclesias est reditū, vbi nostri palam om-
nibus Catholicis, Mahometanis, Hæreticisque,
in æde sacra, Exorcismos Energumeno adhiben-
dos esse censuerunt, quorum diuina vi fractus
Dæmon prima panè congressione abactus est. Be-
neficij

neâcij magnitudinem Mahometanus vti facile
 animo perspexit, sic luculenta grata mentis signi-
 ficatione, omnibus coram, in templo testatus est,
 cum ex intimo sensu præteritæ calamitatis, præ-
 sentisque boni, præ lacrymis, & ingentibus sin-
 gultibus, inter agendas grâtiâs eloqui non posset.
 Felicissimè cecidit, & in rem non Patrum magis,
 quàm Catholicæ Ecclesiæ in tota Vngaria, vti tûm
 primum aduentantibus nostris ad Romanam Fi-
 dem restituendam, luculentissimo planè exemplo
 Romani ritus auctoritas integritasque assereretur,
 & quidem in Hæreticorum, & Mahometanorum
 auribus, oculisque. Nam ex quo Petszium Turcicæ
 iurisdictionis factum est, præter Alcoranicæ im-
 pietatis frequentes Mosquas, Arianum quoque
 sacrilegium, Lutheranum Bacchanal, Caluinia-
 naque perfidia eò insanas vexillationes suas im-
 miserunt, sed omnium numerosissimis ac poten-
 tissimis Arianis, non infirmis Lutheranis, qui-
 bus vtrisque suum dogma publicè differendo licet
 propagare, hac facultate prohibitis Calvinianis,
 tamquam Hæreticorum omnium, Mahometano
 etiam arbitrio, pessimis, & formidolosissimis. At-
 que vt Catholicorum Petsziensium, quaternos in-
 ter coniuratorum hostium infestos exercitus, lu-
 ctuosissima pridem cœperit esse calamitas; eò ta-
 men luctuosior est multò, quòd innumerabilium
 ferè membrorum amplissimum corpus non habet
 caput, cuius auspiciis, ductuque, aut intra Eccle-
 siæ statua Christianam disciplinam, aut extra ca-
 stra in acie aduersùs ingruentes hostes fidem sar-

tam rectamque possit tueri. Quod enim sit instar prodigij, etiam post quinquagenariam Petfszienfis Ecclesiæ captiuitatem, seu veriùs cladem, vel ciues, vel rusticani etiamnum censentur ampliùs centies milleni, qui se Catholicos profiteantur, quibus omnibus vnus modò superstes erat Sacerdos, cùm ed nostri venerunt: sed, quod miserationis lacrymas audientibus, multoque magis rem ipsam periclitantibus excutiat, Sacerdos tam omnis rei Christianæ ignarus, ac stupidus, vt Sacerdotis meram vmbra, laruanque iure censueris. Nam alter quidam vicino præsidens pago, sic languidè omnia Ecclesiastici ritus munera, tam parù congruenter sacris decretis, obibat, vt ab Hæretico non procùl abesse videretur. Quod enim reliquum erat vnum solatium Christi gregibus, omni cætero animorum pabulo calamitosè destitutis, vt certè Confessionis Sacramentum cum multa cura eis administraretur; non singulis seorsum ab ignauo Pastore adhibebatur, sed turmatim & promiscuè, ad ipsius genua prouolutis, nullius audita noxa, nullo cuiusquam fructu, maximo omnium damno, absolutionis formula in confertam ceteruam pronuntiabatur. Vtque nihil deesset ad afflictissimam gentem quouis genere infortunij obruendam, omnium flagitiorum fœda labe inquinatissimi, &, vt vno dicam verbo, scelere ipso sceleratiores, homines decem de plebe, quos incertum est, an inita cum Dæmone pactio, an dirum Numinis odium, an insita peccandi libido accenderat ad immanitatem teterrimi criminis, quo
huius

huius innocentis populi salutem nefariè pessumdarent. Idiotæ omnes erant, eoque ad audendum proiectiores, nulla vel infimorum Ordinum umbra etiam initiati, qui non Sacerdotum ac Curionum modò, sed Antistitum pænè munere defungerentur in hac gente vniuersa, cogendis cœtibus, concionibus habendis, administrandis Sacramentis omnibus, ipsoque adeò altaris simulando per summum nefas Sacrificio: quos quidem adumbratos ritus Sacrorum, vt rudi populo imponerent splendidiùs, eumque facinorosiùs dementarent, vel superstitionum inusitatis umbris, vel veneficiorum prodigiis, quasi mysteriorum recondita varietate quadam distinguebant. Vitam eos multa impuritate inquinatissimam viuere populi magna pars nouerat, sed, quod religionis studium præferre videbantur, conducibilius sibi esse putabant minimè mali homines, vel his contaminatissimis Popis auctoribus, ac magistris, Sacrorum nonnullam sibi copiam fieri, quàm eis exauctoratis in perpetua rerum diuinarum orbitate ac solitudine cōsenescere. Atque vt plerumque est rude vulgus felicitatis in re familiari asserendæ cupidissimum, & ad subeundas in hoc genere fraudes perquàm opportunum, subdititiis ille Sacrificulorum manipulus, ardens auaritia, & ambitione clari nominis adipiscendi æstuans, idoneam ingenio ac studio suo materiam in stolidi gente nactus erat. Ex eorum nempe cuiuslibet adytis, velut ex Delij Apollinis cortina, prodibant de suo facto consulentium sortes, prosperorum euentorum nun-

ciæ, quas falsis persuasionibus infatuata plebs grandi pretio redimeret. Cuius autem infaustius fatum ex additioribus oraculi responsis Vati obscurè indicatum fuerat, eius fati depellendi vna erat ratio, si forte infausta damnatus positam in Diuini manibus felicitatem licitaretur magna fortunarum suarum parte, atque in Stygia membrana Tartareis apud Orcum verbis ac symbolis consignatam acciperet. Vt non deessent aliæ multæ, fœdæque religionis labe, in eo populo, ex diuturna scilicet Mahometanorum tyrannide, ac proiecta Hæreticorum licentia: nostris tamen ea visa in primis detergenda, quam tanto cæteris perniciosiorem, funesta simulatione pietatis, tetra illæ Sacrilegorum fraudes incautis animis, ac rudibus inuollerant. Antè omnia autem placuit tantæ in Christi cœtu ruinæ auctores appellare, ac eorum sensum periclitari de suo tam execrabili facinore: quorum altera pars admonitorum conspectum verita sustinere, cessit inde procul, sacrilegiisque operâ dare porro pergeret, nisi fraudem edocta plebs, eorum declinaret cōsortia, impiaque sacra. Parti alteri, quinque ij fuerunt, sanior insedit sententia, vt nostros sacrilegiorum dissuasores admitteret priuatim; publiceque, quod impiè admissum erat, exponentibus Patribus, vt tam perniciosum aboleretur facinus; ipsi auctores mali apud totam concionem suum scelus execrati sint, postulataque delicti venia, se ab eiusmodi sacrilegiis longè abfuturos deinceps sanctè adiungunt. Hoc monstro satis feliciter confecto, ex Ananæ, Luthera-

theranæ, Caluinicæque pestis colluie triceps
Hydra excindēda relinquebatur nostris Patribus,
si Catholicæ plebi ab cæteris præfidiis destitutæ,
vellent in posterum integritatem Fidei puram tu-
tamque præstare; atque si per Turcicos Magistra-
tus liceret, vt apud Petszienſes ciues sibi, ac ven-
turis eò deinde Patribus sedem constituerent. Lu-
bentissimis autē Magistratibus Mahometanis de-
gendi agendique cū indigenis Christianis adue-
nisque, facta est potestas; qua supra spem iudulta,
nihil procrastinandum rati, quod reliquum esse
poterat ab instituendis Catholicis otij, ad exagi-
tandos Hæreticos traducebant. Arianismus toto
illo tractu sua sponte nuper interibat, hominum
damnatas eius stirpes propagantium penuria, cū
existit nescio quis ex Orco capularis senex, qui
Arianæ procurationis assumtis Infulis, nemine
refragante, permultis nouitatis studio applauden-
tibus, tribunal, & tautumnon Regiam Ario iis fi-
nibus statueret. Congruenter autem eius perni-
ciabili instituto cū res fluere in stolidissimo po-
pulo cœpissent, vt sui dogmatis studiosos propa-
gatores posteritati sufficeret, arcessitos nuper inde
ab extremis Getis seu Transsiluanis quindenos
adolescentes Arianos, sua cuique regione in am-
plissimæ gentis finibus attributa, ad Arianismi
emortuas radices suscitandas, ac propaginibus
disseminandas allegauit. Huius hominis consue-
tudine amicitiaque nuper vsus alter Patrum, ad-
eundum sibi putauit, ac pro veteris amicitia iure
fiduciaque familiariter libereque admonendum;

vti se patetur fœdam hæresim dedoceri; ac eò maxime, quòd effeto iam viribus corpore, orboque luminibus, haud procul abesset vltima vitæ clausula, quam inire iis implexum erroribus funestum ipsi planè futurum esset. Sed eius animi cæcitatem haud paullò tenebriosiorem, quàm corporis deprehendit, ac in errorum caligine tuenda pertinaciam incredibili cæcitare maiorem: cuius duritiæ non modica ratio peti ex eo videbatur, quòd abdicando Arianismo, de sublimi dignitatis ac gloriæ fastigio exturbari se putaret, qui ab adepta Antistitis Ariani prærogatiua, suis auspiciis quadragenûm millium capitum Ario conflatum gregem videret. Quem igitur nullis rationibus, nullâ humanitate ab nefario consilio demoueri animaduertunt, aduersus eum, ipsiusque coniuratas partes iusto pioque duello grassari quouis loco, ac tempore, decernunt, & quidem tantò liberius, atque alacrius, quòd ab Calvinianis, & Lutheranis erat maior quies, quibus scilicet in Petsziensi ditione non licet sui ritus vsum, aut rituum curatores habere publicè, cum tamen Arianis, cæterisque nominis Græci Hæreticis, eius rei faciant potestatem Turcæ. Nostrorum porro industriam alacritatemque acuebat non mediocriter Turcarû in eos liberalis humanitas, quibus, in cætero quolibet, ac Fidei maximè negotio, non beneuolis tantum, sed approbatoribus quoque vtebantur Patres: quin eosdem rei bene gerendæ adiutores experiri sæpe contigit, vbi disciplinæ Mahometanæ sua opera nihil repugnaret. Aggressis igitur nostris

nostris latissimè patentē apud Quinquecclesien-
ses curandorum animorum prouinciam, & mag-
nis quidem animis, ac contentione virium, quan-
tam res exigebat, auidissimè omnis ipsorum labor
à Catholicis exceptus est, vti quorum animus
diuturnissima eiusmodi operarum siti æstuarer, vt
perbene multos dies incensæ eorum cupiditati
non posset fieri satis. Concionum certè ipso etiam
principio frequentia tanta fuit, eò confluentibus
numerossimis non modò Catholicorum agmini-
bus, sed quorumlibet etiam sectariorum cateruis,
vt ex eo concursu apud illum Arianum Antisti-
tem, nuper suæ factionis auditoribus celebratis-
simum, desertissima sequeretur solitudo. Atque
tamen, vt est omnibus mortalibus nouarum re-
rum noscendarum ingenita cupiditas; ille ardor
nostras conciones frequentandi plus quiddā sto-
lidæ curiositatis, quàm consilij, ac vtilis studij
præferre potuit forsitan videri: constantia tamen
audiendi, etiam post iterata Præsidum interdicta,
facilè probauit, consentientis cum recta ratione
doctrinæ initio captos æquitate soliditateque, lu-
bentes postea concionanti adhæsisse, ac audire
perseuerasse. Cæcus ille Ariani dogmatis præco,
destitutum quidem se, vel à sui ritus auditoribus
pænè omnibus, dolebat maximè operè; sed cum
longè peius habebat maioris cuiusdam cladis for-
mido, ne iidem qui suas conciones præ nostris
negligerent, ab Arianismo quoque desciscerent;
quare de suis satellitibus subornat fidissimos quos-
que, vt eis exploratoribus, nostrarum concionum

argumentū & tractationē omnē articulatim percipiat, illo maximè animo, vt si quid secus dictum esset, quàm ratio publicæ trāquillitatis, & Turcica ferat disciplina, nostros confestim perduellionis reos ad Mahometanū deferret magistratū. Illi verò stomachū mouit acerbissimè peracris maximeque ardens nostri Sacerdotis in horrédas & exsecrandas Arianorum, de Christo Domino sententias, pro cōcione inuectio, insectatióque, quòd eorū cōcepta verba, impietatis immanitatisque in Christum Deum plenissima referebat, cum multa indignatione, ac eis acriter exagitandis indignationem ex summa rei atrocitate non mediocrem in audientium animis concitabat. Arianus Senatus, decrepiti Præfulis frequentibus querimoniis lacessitus, fustuarij & aliquot Talerorum multa suis sanxerat interdictum de Fidei capitibus cum quouam nostrorum conferendi; non tamen ab eis expresserat plagarum metu, quò minùs congregarentur nobiscum, & excusso ab se Ario ad Catholicos transirent, vt erat cæteræ multitudinis Arianæ nostrum ad Concionatorem concursus mirabilis. Et certè illi vetulo, duodequingagesimum annum suos Petszienses Arianos nihil sapere docentí, cum, luminibus orbo, audientium se ratio non constaret, die quodam renunciatum est, vicena quina dumtaxat capita sibi verba publicè facienti adstitisse; quam sui, ac templi desertionem & tulit ægerrimè, & suarum partium imminentem ruinam interpretatus, vniuerso ad se aduocato Senatu, eius ordinis fidem auctoritatēque obtesta

obtestatus, miserè occumbenti Arianismo eos suppetias per sanctissima quæque obsecrabat. Tam formidolosum suis partibus præsensque exitum vaticinante Antistite, discessit omnis Senatus in eam sententiam, vt ingentis fraudis in publicam rem haberetur reus, qui Iesuitam verba facientem ad populum ex ea die audiret, cuiusmodi noxam ea sequeretur poena, vt illius conscius Ariano coetu exterminaretur. Sanitia & Episcopi, & Magistratuū Arianorum in sui corporis membra, ædem nostram & conciones celebrantia, ingentis odij pridem in Patres cõcepti apertissimum argumentum fuit; cuius malevolentia hoc erat acerbitas & impotentia maior, quòd diu iam collecto ad nocendum impetu, exeri tamen in nostros non poterat, Turcici Magistratus rectos reuerentia. Clandestinis consiliis Arianorum principes rationem sæpe inierant, vt ab Mahometanis Præsidibus nostrorum discessus prece ac pretio exprimeretur; quæ ratio cum certò prospiceretur exitum non habitura, ex nota Mahometanorum procerum in Patres benevolentia, & eorumdem in Catholicos ritus propensiore studio; interdum eò deliberationem conuerterat, malevolentia diro veneno suffusus, Antistes, & qui Arium cum eo colebant impensius, vt de tollendis è medio Patribus funesta consilia caperent. Eius immanis decreti vis, vt ne in parricidarum sanguinarias manus erumperet, occultis quidem rationibus Deus, vt solet, prohibuit; eadem tamen Turcicorum Magistratuū veneratio multum, etiam ad imper-

tum

rum reprimendum potuit ; quibus scilicet egregiè
in nostros animatis , non poterat non esse anceps
& periculosus parricidij euentus , & in reos cædis
atrox animaduersio. Enimuero præter Bassam, qui
Pertsziensi regioni præerat cum imperio , & opti-
matum omniū , & iuri dicundo præfectorum, pro-
pensa in nos erant maximè studia; quorum studio-
rum vt se apertissimè prodebant illustres & quo-
tidianæ significationes , ita nobis Arianorum di-
ram conflagrant inuidiam ; sed aduersus eosdem
nos tuebantur, quorum odia in nos concitabant.
Illa certè cogitatio Arianorū animos vrebatur acer-
bius , cum sacra sua , & vniuersus suæ factionis
ritus, Mahometanorum iudiciis frigeat maximo-
pere ; nostra verò omnis ratio eis supra modum
probabatur. Vbi autem in contentionem rerum
gestarum veniretur , Arianis, qui Christum in pri-
mis exhorrerent, nulla vis in Dæmones, & morbos
ex Iesu implorato nomine suppetebat : Iesuitarum
contrà numerosæ , ac prodigiis claræ commemo-
rabantur sanationes , quarum conscij atque parti-
cipes ipsi Mahometani citabatur. Et reuerà ægro-
rū longa series cēsebatur, quibus, aqua, oleo, cera,
Ecclesiæ ritu consecratis , aut idonea tantum pre-
catione adhibenda, nostri restituerant valetudinē:
neque exiguus Energumenorum designabatur nu-
merus, quos diuturna, sæuāque Cacodæmonis ve-
xatione iidē Patres per Exorcismos vindicassent.
Quarum rerum iucunda recordatione apud Tur-
cas stabat egregiè nostrorum auctoritas & gratia,
Hæreticorum contrà iacebat existimatio , quos
nullius

nullius rei gestæ splendor aut dignitas in vulgus commendaret. Pugnare interdum pro Hæreticis, quasi pro sociis ac fœderatis, Dæmon videbatur, cum in eos sæuaret iracundiùs, quorum opera essent ad nos adducti Hæretici, eiusdem seruitute liberandi; vti reuerà, & atrociter sæuiit in Catholicam matronam, cùm eo animo Arianum adolescentem ad nos perduxisset, cuius dominatu exactus, mox insiluit in piam feminam, vt impetu eam opprimeret, nisi à nostro vetaretur. Societatem sibi cum Hæreticis intercedere, quòd Dæmon nullis non argumentis indicat, ac testimoniis probat, ægerrimè omnino illi ferunt, nec facillè hanc iniuriam concoquunt, id tamen ab eo probri frequentissimè illis in os ingeritur, cum dolore dissimulantibus; quibus etiam & illa contumelia cadit ab eodem acerbissima, quòd Exorcismorum vim stringentibus nostris in Hæreticos ab Dæmone infessos, is non patitur se de statione, tamquam de sui iuris fundo, demoueri, quamdiu ab hæresi non desciuerunt: qua ciurata, facile abigatur. Catholicorum quidem animos ad omne genus pietatis egregiè comparauerat Patrum assidua, & strenua opera; Hæreticorum vero ferocitatem cum nostræ æquitas causæ, tum Patrum apud Mahometanos gratia, compresserat, vt si perseveraret, qui tum erat, rei Catholicæ status, res Persziensium eo loco essent, vt eos suæ conditionis, nos operæ nostræ neutiquam poeniteret. Hanc felicitatem florentium rerum turbauit grauitè, ac tantum non euertit nostræ concio-

nis

nis argumentū quoddam, sua sponte laudandum, & impugnandis huius sæculi Hæreticis consentaneum: sed pro loci, temporis, ac personarum ratione nec vtile, nec necessarium apud Quinquecesiensis. Kalendarium vetus, repudiato Gregoriano; præfractè retinent Arianī, ac cætera fax Hæreticorum, vt in hoc etiam capite dissentiant à Romano Pontifice; cuius moris cū incurrisset mentio inter concionandum, noster ostendebat, quàm decentius æquiūque fuerat, vt manipulus hominū, tametsi ab Ecclesiæ decretis dissidentium, in Kalendarij Catholici communionem veniret, cuius in rationem vniuersus orbis Christianus summa voluntate consensisset; ob eas vtilitates quæ inde proficiscerētur. Cuius consensionis eos si pœniteret tanpropter, iniuria ipsos facturos, si non paterentur, Petſzientibus Catholicis eam esse libertatē Gregoriani Kalendarij nunc demum adſciſcendi, quam eis mater Ecclesia, & æquitas ipsa esse voluisset. Hanc causam pertractanti Concionatori, seu non venit in mentē negotium quoduis publicum priuatūque à Turcis administrari ex veteris Kalendarij ratione: seu id argumentum paulò vehementiū agitauit, insuperque Festum diem aliquem ex formula Gregoriana indixit Catholicis obseruandum; ea certè concione non apud Hæreticos omnes tantū, sed apud Mahometanum quoque populum Magistratumque grauiter offendit; quam offensionē vt impensius accenderent, Arianī omnem lapidem mouerunt. Quòd sublato Petſzj dumtaxat veteris Kalendarij vsu, &

forensis

forensis & nundinaria omnis conuellebatur ratio, in Europæo Asiaticoque Mahometanorum imperio; vt iam nullus dierum consensus intercederet Petfsiensibus Catholicis, non modò cum peregrinis in quouis alio foro, seu emporio rem gerentibus; sed ne cum ipsis quidem suis ciuibus, vetus Kalendariũ retinētibus. Ea Concionatoris denunciatio non Hæreticis solis, Pontificij decreti aduersariis infestissimis, sed indigenis aduenisque mercatoribus, adeoquē ipsis omnibus Turcis bilem acriter cōcitarat. Tamen si enim ad illum diem opinione integritatis, religionisque plurimum valueramus apud Mahometanos principes, populūque, aliæque causæ non leues interuenissent, cur nobis bene cuperent; tamen quòd arrepta ex hoc casu ansa, Vngaricæ nobilitatis nos esse satellites & emissarios Ariani iactabant, ad Turcicum imperium subornandis concitandisque ad rebellionem populis Petfsium destinatos: quam calumniam mercatores inuidia commoti Kalendarij adiuvabant; facilè fiebat, vt Turcis veniremus in proditorum suspicionem, & eorum à nobis abalienarentur voluntates. Concitatis vehementiùs hac procella suspicionum animis, multorum ferebatur sententia, geminorum Sacerdotum supplicio conciliandas esse omnium popularium mētes, tranquillitatemque prouinciæ deinceps asserendā. Aestimanti rem ex gentis ingenio, & loci conditionibus, procliuius sit mēte complecti, quàm mihi stylo exsequi, quantum moræ Christianis rebus, quantum molestiarum, ex ea diuini cultus mora nostris

nostris Patribus pepererit huiusmodi turbatio. Reflexisse magnopere Turcarum aduersum nos studia ob iniectam minùs opportunè Kalendarij mentionem, cum aliis argumentis, nostri deprehenderunt, tum ex subtracta sibi quotidianorum cibariorum annona, quam Patribus quotidie ostiatim cogentibus stipem illi olim subministrabant largiter, nunc pauci, & valdè modicam imperiunt. Impacta quoque nobis est alia non levis calamitas, & alieno maximè tempore, cum per eodem ferè dies Bassa Perszienſis iurisdictionis, cuius in nos studio res nostra fouebatur egregiè, vita functus est, eiusque loco suffectus is, qui & ingenio suo, & aduersariorum occupatus calumniaribus delationibus, nobis esset infestior. Apud hunc, expostulantibus maximè Arianis, cæterisque Kalendarij nomine irritatis, causam dicere iussus est noster Concjonor, raptus in iudicium ab eiusdem Bassæ apparitore, omnium opinione ac sententiis priùs damnatus capitis, quàm Quæſitori sisteretur; Deo tamen insitam hominis sæuitiam demulcente, inflexit se Iudicis sua sponte animus in mitiorem sententiam, &, pro cruce ac palo, exsilium Patri edixit. Pater condonatum sibi ab eo vitam, agendis summisſo animo gratiis, ingentis beneficij loco se habere ostendit, ac modestè percontatus quàm ad diem, profectiõni adornandæ, sibi liceret, eius bonæ venia, in vrbe agere, hominis duriciem mitigauit aded, vt ad suos conuersus diceret; arbitrari se illum vetulum, cuius dubia sibi probitas non esset, angi animo necessitate

cessitate sui discessus. Aderat tum in Bassæ consilio Gabriel Bethlhem, qui Transilvaniae Tetrarcham agit, vir à Catholico ritu nuper alienus; is nullius inuitatu, causæ tantum æquitate ductus, Patrem damnatū suo patrocinio studiosè sibi tegendum sumsit, & quâ rationibus, quâ precibus Bassam ab exilij sententia deduxit; cuius rogatu, ad stipulantibus quoque omnibus Catholicis, suaque capita, & liberorum ac coniugum, pro Patris incolumitate addicentibus, nostro proscriptionis poena est remissa. Tantillum Patres ab formidoloso turbine immanis tempestatis respirauerant, cum aliunde suborta turbulentissima infamium suspicionum procella nutantes res nostras panè funditus afflixit, allatis Roma scilicet Patris Ferdinandi Alberi epistolis ad alterum è Patribus, quibus ex litteris coniurationis clandestinæ coniectura petebatur. Suspectissimum omne genus litterarum peregrinarum habent Turcæ, quibus ab recenti nostro casu, & aduersariorum multiplici accusatione, omnis nostrares fiebat suspiciolior; & graue pondus coniecturis accedebat ex Ferdinandi nomine; quasi Ferdinandus Austrius hortator esset alicuius in Mahometanos conspirationis, nos eius artifices & administri essemus. Huius fraudis probabile indicium petebatur ex minuta clauis argentea, epistolæ immissa, quam arcis cuiuspiam prodendæ argumentum interpretarentur. Arianæ Scholæ magister apud Skenderum Bassam versabatur, cum resignatis epistolis è fasciculo emerferunt & clauis, & sacri agni cereæ plagulæ, quem

magistrū vt est percōtatus Bassa de cereis pastillis, & clauī, respōdit is, videri sibi ea comparata morbis, & dæmonib. ex malè affectorū corpore depellendis. Quæ respōsio Ariani hominis nō mediocriter minuit Turcarū suspensiones, Basāque mitigauit; cuius missū ille idem Arianus alterū ex Patribus cū adduxisset, illeque modestè ac cādide, quod erat, indicasset, factum sibi satis Bassa iudicauit, & retenta clauī, cætera omnia reddidit. Sub idem tempus, Hæreticis calumniæ architectis, litterarum ac nunciorum significatione apud externos nostro Cōcionatori crimen adulterij est iniustum, cuius flagitij compertus, ideoque in carcerem actus, & pecuniaria multa damnatus, ferebatur. Sed huius contumeliæ iniuriæque ipsos & Turcas & Arianos habuimus officiosos vindices, quorum, ac maximè Iudicis luculento testimonio, nostra publice asserta est innocentia. Catholici præterea veriti ne infamia, maleuolorum dissipata nunciis, longiùs in Vngariam serperet, datis ad Cardinalem Forgatschium, & cæteros Vngariæ Dynastas, in eam rem accuratè perscriptis litteris, fraudis aperuerunt auctores, nostrosque omni suspitione absoluerunt. Satis diuturna, grauisque vexatio nos in hunc diem tenuisse poterat humano iudicio videri, nisi aliud esset plerumque à nostro Numinis arbitrium, quo decernente Bassa ille, quem infestiorē nobis rati eramus, iniuncta sibi legatione procul in Transsiluaniam, vrbanae præfecturæ vicarium reliquisset in nos longè sæuiorem. Is ad gubernacula vix manus admouerat, cū pu-

blici

blici status perturbati redintegrata criminatione, ad exsilij pœnam iteratò apud eum postulamus; tantaque fuit aduersariorum postulantium violentia, vt mòx in concionatorem proscriptionis decretum extorquerent; quorum impotenti libidini ac furori Vicarius Bassæ, vt cumulatiùs gratificaretur, intentatis Patri acerbiorum plagarum gravibus minis, ni pareret, edixit vti eo ipso die vrbe excederet; quod facere cgebatur, nisi forensis Prætor auctoritate sua interposita, tridui modicas inducias impetrasset. Interea ciues Catholici ciulatu urbem complere; flebiliter cum nostris queri; lamentari, & rogare, cur in articulo ipso Christianæ rei apud ipsos constituendæ, omnis præsidij expertes ab nostris deserantur; suppliciter obsecrare, vti Patres de suo iure in causa Kalendarij Romani nonnihil in præsentia remittant, qua remissione, lenitis aduersariis, calumniarum in eos sit futurus finis, & Catholica res suum cursum sine offensione habitura. Huic iustissimo optimorum ciuium dolori Patres indulgendum rati, recipiunt eis de Kalendario se condonatuuros tantisper, dum ab Vrbe responsum afferatur. Ab Patrum sponsonne ciues exsultantes gaudio, vt eo exsoluti nodo, qui suum negotium distineret, rectà, erectoque animo, ac spei pleno, adeunt ad Bassæ Vicarium, ab eo tricenis quinis Taleris paciscuntur nostris Patribus exsilij condonationem; quod pretium suæ libertatis cum non paterentur Patres dependi pecunia ciuium, sed diuendita sua supellectile, ipsi de suo numerarent; tùm verò no-

strorum in se inusitata caritate Petfszienfes attoniti, felices se iis Christianæ vitæ doctoribus prædicabant. In iis porro durioris vitæ incommodis, laborumque grauitate ac multitudine propè infinita Patrum alter, Concionatoris socius, grauiore cœpit tentari valetudine, quàm vt eius breuis exitus, & idonea curatio in omnium rerum inopia sperari posset. Capit igitur vterque ab imminente perniciæ consilium, vt æger quàm expeditius iter pateret, euadere tentaret in proximum quodque Societatis domicilium. Et habuerunt etiam aduersarij, quod criminarentur in ægroti hominis laboriosissima profectioe; quasi, nostro periculo, acuti homines certarent, ambitione ostentandæ solertia, in comminiscendis criminationibus, nostroque nomini adscribendis. Quod enim fraudis vterque Quinqueecclesiis, in rem Mahometanâ animo struxisse insimularetur, illud eorum alterum cum simul coniuratis Vngaris, tota regione circumfusus, in via communicaturum, & auxilia concepti sceleris patrandi petiturum, ex ingenio suo mentiebantur. Nimirum mallent Hæretici vtrumque excessisse, ac in terras quidem vltimas, quàm ab reside altero Catholicum ritum Quinqueecclesiis promoueri, & ingentibus in dies incrementis propagari. Quem certè animi plenum, & illustribus operis clarum, non amplæ modò ciuitatis fines, sed agrestis quoque plebis immensitatem suo studio & industria complexum cum viderent, ne latius emanante ipsius opera, tantumdem suæ cupiditati speique detractum postea dolerent, prohibendum

bendum penitus vrbis egressu sibi esse decernunt. Bassæ igitur absentis nomine Præfectum prouinciæ fallis in Patrem accusationibus occupant; esse nempe diligenter prouidendum, ne Iesuita, peritus utique rerum Turcicarum, atque in eorum gentem & ritum pessimè animatus, sermonem misceat cum vicina gente Vngarica, cuius auxiliariis copiis ei facile sit, Turcicarum arcium aliquam, præsidario milite oppresso, inuadere, viamque maiori calamitati aperire. Haud difficile fuit barbarum, præcipitem, stolidum, atque flagrantis auaritiæ hominem, proposita spe alicuius prædæ illò adducere, quò nostri aduersarij cuperent; ex temporali ergo interdicto vetat nostrum pomœrio excedere, ratus fortè hanc seruitutem ab eo pecunia redemptum iri, qua ductus cupiditate frequenter in eum præcipitata & iniqua iudicia pronūciarat. Aequi portio specie, quamdam suis prætentâ criminationibus calūniatores videbātur interpretari, quòd frequentes Mahometani totis campis per eos dies trucidabantur ab agresti Vngarorum turba, ut publici tumultus funesta quædam initia in Petszien-si territorio metuerentur, cuius exempla deinde, mali contagione quadam, in finitimas regiones emanarent. Ex eo itaque speciosior ansa oblata est Bassæ Vicario in Patrem, suo ex ingenio, sæuienti, ad pecuniæ prædam exprimendam, cum is per absentiam eiusdem Vicarij, legitimo comœatu ab urbano Magistratu accepto, procurandorum funerum gratia in agrum exisset; cuius profectionis, ut Edicti violati, reus ab æmulis factus, ex ipsa

concione tractus est in carcerem, ibi cum cane pernoctaturus, nisi Catholicorū ardentissimæ preces, datis vadibus, & vicensimum quinque Talerorū collato pretio, eum è vinculis exemissent. Grauitè antea in vulgus offenderat illius publici prædonis fœda, crudelisque rapacitas, toties in Patris inopiam debacchata; sed ab illo proximæ prædæ immani flagitio, inuidia tanta lordes ipsius flagrare cœperunt, vt conuiciis in eius auaritiâ publicè iactandis ciues non abstinèrent. Propolarum certè in mediis foris & compitis passim audiebantur dictæ in prætereuntes eius satellites, quos procaçiter percontabantur, numquid essent licitaturi manubiaria illa pecunia, quam de senis illius Sacerdotis summa penuria tam frequentibus compilationibus expressissent. Vclut iniecto in auidi canis hiantem gulâ osse non opimo, ad sedandâ eius præsentem iugluuiem, pasta pertenui viginti quinque Talerorum quæsticulo argentaria duri latronis fames, tantisper acquieuit, dum vberioris faciendi compendij alicundè se ostenderet ratio; quâ breui non tam casus aliquis obtulit, quam illa nummaria hirudo nusquam oblaram arripuit, aut potius excogitauit. Quinque ecclesienli Episcopo vectigales olim trecenti ac sexaginta pagi, Mahometanorum permissu, etiamnum veteres pensiones Antistiti suo numerant; quarum exigendarum ius locauerat Episcopus Dynastæ Vngaro; cuius litteræ, adiuncta pagorum vectigalium descriptione, ad Skenderum Bassam destinata, vt eius auctoritate pensiones cogerentur, Bassa in Transiluaniam

siluaniam profecto, in illius prædonis manus deuenere. Iis lectis litteris, tot pagorum recensione offensus, bruti homo & truculenti ingenij, ac præcipitis iudicij; eius autem moris, qui annorum quinquagenum perpetuo vsu firmatus esset, aut ignarus, aut dissimulator malignus; quasi ea pagani populi commemoratio iurisdictionem dignitatemque Turcicam minueret, nostrum Sacerdotem eius descriptionis mox suspectum habuit, & in eum furenter exscanduit. In Patrem igitur repentino decreto poenam capitis edicit, nisi locupletes sibi vades sistat, qui sponsione se obstringant, nullam eius fraudem in ea paganicæ gentis censione interuenisse. Huius rei noxam ab se depellere, ut facillime poterat, cum Pater tentasset, non est auditus, sed ingeminatas compedum & ferri comminationes tulit, nisi mox sponsores adessent. Hominis barbara crudelitas Christianos deterrebat, & acriter dehortabantur Arianum, ne sua fide nostro salua omnia iuberent; qua in suorum destitutione noster cum anxius laboraret; ecce tibi Turcarum globus, de Canisienti præsidio, qui Patrem, pro veteri familiaritate & benevolentia peramanter complexi, vna voce alacriter omnes profitentur, suo se, ac vniuersi Canisientis Præsidij nomine, fortunas, capitaque sua pro salute ac dignitate Patris, in hac causa, & cætera qualibet, eius meritorum gratia, perlibenter obligare. Ad hanc tam liberalem, benevolamque Mahometani manipuli professionem, Catholicis, qui grauiter obtorpuerant, redire animi, moxque procellere ob-

fides aliquot, quorum vadimonium ea lege admissum est, vt, quaternis illico promptis Taleris, ea gratia redimeretur; quam rapinam ea totis compitis consecuta sunt in prædatorium Prætores elogia, quæ in eius sordes maximè conuenirent; Patris interea innocentiam, voluntariamque inopiam omnibus digna laudatione ac commiseratione prosequentibus. Sed non defuit tamen ex ea corona Mahometanus, qui Patris merita studeret assentando exaggerare, ab adscripto ipsi studio quodam singulari Turcici dogmatis; simulque suus ritus nobilitatem asserere ab Patris honorifica de ipso sententia; quam sententiam suam, vti omnibus coram Pater apertius profiteretur, ille assentator hortari videbatur ex eo, quod in Mahometismo putaret, existere certissimas ad æternam salutem rationes; quarum Pater adhuc incertus, in multa senectute, ac grauibus ærumnis, orbe toto anxius vagaretur. Alius Turca, longè iniquiore in nostrum animo, vt ei funna fraude certam perniciem crearet, clam eum aggressus, ad conferendam de Mahometismo capitalem disputationem pellicere conatus est, cum velut arrepta ansa ex solitudinis commodo, diceret; Nemo nos audiet, effare modo liberè, quæ sentis de nostræ legis capitibus. Hanc veteratoriam, importunamque nefarij proditoris sollicitationem breui sollertique responso elusit Pater; vt cum eum suis ipsius captum vinctumque artibus, sine offensione tamen, ab se dimisisset, ille deinde profiteretur, se incidisse in neminem hominem, cuius in agendo loquendoque

doque sapientior esset, quam illius vetuli Sacerdotis cautio. Expeditiones instituerant nostri ad finitima, summotaque loca, fructu non modico; vbi paucis diebus centenos homines ex variis erroribus in Catholicum agmen redegerut. Coloca, nobile olim oppidum, Archiepiscopi sedes fuit, quod bellorum iniuria iam rediit ad quadragena non amplius domicilia; quibus in oppidi ruinis sunt Catholicorum quædam pastore destitutæ reliquæ, ac veteres thermæ. Illò igitur venit noster Sacerdos per causam valetudinis usu balneorum instaurandæ; sed maiore studio Catholici nominis affirmandi, vbi res ei cessit ex sententia. Vulgato enim per Catholicorum ædes de aduëtu Vngari Sacerdotis nuncio, cuius opera fierent postero die sacrorum participes, si vellent adesse; oppidani frequentes accurrunt, & Patrem vrgent, uti publicè in templo sacris operari ne grauetur; quibus ille huius rei periculum grauius excusat; hortatur tamen, ut Diuinorum in eadem copiam fieri sibi ab Caluiniano Iudice postulent. Mox ad ipsum eo nomine adit Catholicorum, quæ tum aderat, manus: quorum ille postulatis est adeò irritatus, ut si pergerent eius facultatis mentionem facere oppidani, eis dirissima quæque minitaretur. Ea repulsæ acerbitate vehementiùs accensi Catholici ad suæ possessionis ius persequendum, quodd per eos dies acciderat commodè, ut vterque adesset cum Prouinciæ Prætor Mahometanus, tum Iudex primarius, ad eorum æquitatem prouocant; & quando suorum sacrorum exercitatio nihil officiat Ma-

hometano Imperio , vti sibi, pridem imparatis ab omni Sacrorum & Sacerdotis ope , eius hominis opera, quem Deus afflictis insperatò summisserit, vti magno suo bono liceat, vehemèter obsecrât. Se illius esse ritus, qui sit omniũ orbe toto antiquissimus, ac religiosissimus, cuius nomine sint extructę omnes ædes sacrę, quę appellatione Christiana censeãtur; quamobrẽ æquũ non esse, in Mahometano Imperio, deteriore ipsi conditione sint, quàm Calviniani , nouæ sectæ homines , quorum ipso loco, quo de ageretur , sui moris & dogmatis tolerarentur nescio quæ profana mysteria. Magistratus vterque Turcicus, cùm capita contulisset, animaduertit Catholicos æqua censuisse , atque postulasse: quamobrem Colocensis oppidi Calvinianum Iudicem, qui sua petitione tam præcisè Catholicos exclusisset , ad se illico accitum Prouinciæ summus Iudex in hæc verba increpuit : Quid est , homo temerarie, ac partium tuarum malè cõsulte ; quamobrem istis antiquæ Fidei oppidanis vsu suorum sacrorum interdicas , acerbisque insuper intentes minas , cum fugere te non possit; toto Mahometano Imperio , adeoque in ipsa Imperij vrbe principe Byzantio, Romani ritus Christianis fuisse olim, esseque in præsentia Diuinarum rerum liberam potestatem? Deprẽhensum in manifesta iniquitate ac iniuria vt se vidit Caluini asseccla , conatus est docere , non damni afferendi cupiditate, sed tuendæ sectæ studio se prouectum paullò ardentius, cuius studij testes, esse vellet suas lacrymas, expressas, vt intelligi optaret, ex pio sensu

sensu, ac mera caritate, sui dogmatis. Eum fletum
vbi Recuperator Mahometanus & consilium totū
ludibrio exceperat, Calvinianū Indicem permole-
sta interrogatione ita laceffunt; Vestraue an isto-
rum, qui ædem suam vindicāt, Fides est antiquior?
tum, utræ autem partes, illorum an vestræ, hanc
controuersam ædem fabricarunt? Illorum quidem
maiores, inquit Caluini discipulus, templum id
ædificarunt; quid inde tamen sibi sumunt? nos ab
illis pridem fabricatum, aliquot annorum posses-
sione postea vsurpauimus, & iam possidemus.
Tum Recuperator, vel vestra ipsorum confessio-
ne; rem alienam mala fide occupatis, vestro ipsi
testimonio, ac iudicio repetūdarium, plagique vos
ipsos damnatis; Colocensis ergo Catholici popu-
li ea ædes propria esto, ex Mahometani Iuris for-
mula, Imperiique moribus; sin vno laterculo
eam meliorem fecistis, quod vestrum fuerit, inde
id exinite: sed ædem integram Colocensibus ex-
templo reddite. Quid apud me diuturnitatem pos-
sessionis nescio quam, vestræ prætextitis iniuriæ,
ac violētiæ? Quasi ego nesciam, quibus cuniculis,
quānque recenti fraude, irrepseritis in hanc pla-
gam, qui Szolnaki per id tempus iuri dicundo præ-
essem; vt mihi perfacile sit ex ephemeridibus. meis
vel ipsum designare diem, qui princeps vobis fuit
ad Catholicorū templa inuadenda, & per iniuriam
vindicauda. Ex interuallo igitur repetant Catholi-
ci Colocenses, quod ius fasque ipsorum esse de-
cernit, isque Sacerdos, cuius nunc vsura se offert,
Catholici moris in eo templo munera obeat tan-
tis per

tisper, dum ego cum Vizire agam, cuius auctoritate Quinqueecclesiis huc ille allegetur, cuius sint deinceps perpetuæ omnium sacrorum functiones. Calvinici ergo sacrilegij curatoribus & sectariis Colocensi templo exactis, Catholici suis illud sacris denuo inaugurarunt, nosterque Sacerdos rem Diuinam fecit, & ad concionem Christianis Turcisque mistam dixit publicè, cuius oratio & Emingio, eius prouinciæ Dynastæ, & Mahometanæ militiæ primoribus Tribunis accidit iucundissima. Inde verò cum Mahometani proceres excessissent, proximo die Dominico ab Calviniano conuenticulo turbarum exstitit plurimum in Catholicos, & aduersum nos comminationum; sed petulantique suæ haud ita multò post grauior eos cepit pœnitudo, cum certis nunciis audissent Turcas, & Rascianos Catholicis præsidio repente adfuturos, si quid ab Calviniano aduersario increpuisset, vt Catholico nomini omnia deinceps libera & tranquilla fracti Hugonotti esse sinerent. Per hanc quietem, Colocensibus sedula nauata est opera, omnibus Christiani moris exsequendis officiis, studiose adlaborante omni eius oræ populo, vt suas præteritas iacturas opportunitate Sacerdotis, cuius ope breui essent carituri, sarcirent cumulatiùs. Enimuèrò Pater in Austriam, Prouinciā suā, à Præsidibus reuocabatur, qui nuncius, vt ad aures Catholicorum allatus est, non sit procliue scribendo exsequi, quā multis, quā lugubribus lamentis suū nostri desiderium, futuramque suā orbiatē prosequerentur, quibus Patrem non dedu-

deduci à sententia profectionis cùm intelligerent, ausi sunt Turcicæ gentis principes viros interponere, vt eorum potentia Pater, nisi lubens maneret, coactus distineretur. Sed grauidenunciatione adhibita significauit certum sibi omnino esse decedere, quando id Præsides sui decernerent, quorum voluntas, ex Societatis Instituto, sibi esset instar Diuini oraculi; cæterùm haud dubiis argumentis adduci se vt crederet, ipsos Diuinæ Prouidentia cordi futuros, qui se ac socium aduenientes, tamquam cælo ad se missos Angelos honorificentissimè accepissent, suorumque caputum periculo aduersus ingruentes calamitates essent religiosissimè tutati; ac in pietate huiusmodi processus habuissent, quos nefas sibi esset putare, apud Deum eo loci poni, vt sufficere noller curatores, qui eos fouerent. Eiusmodi Patris ad mœrentem populum sermone, turbatis grauiter animis est reddita tranquillitas, indeque sunt conuersa Catholicorum studia ad Mahometanos Magistratus demerendos, vt bona ipsorum venia Patribus liber esset in posterum reditus; quod vbi erat impetratū, noster cum pace dimissus est, incredibili Hæreticorum omnium lætitia, qui se Patris decessu leuatos ingenti calamitate censerent. Exinde ad Cardinalem Forgatschium, cæterosque Vngaricos Satrapas, datæ sunt populi Quinqueecclesiensis nomine litteræ, quorum auctoritate ac gratia, vt idem ille Sacerdos, qui nunc abibat, adiunctis fociis tribus aut quattuor, à Præsidibus nostris sibi denuò impetraretur, impense supplicabant; cuius mul-

multiplices, ac præstantissimæ virtutum dotes commemorabantur, quarum nomine gratiosissimus esset apud Mahometanos proceres. Igitur non alia lege missionem à principe Bassa obtinuisse, quam ut reuerteretur; quam legem ipsa in comitatus formula, iussu Bassæ, diserte adscriptam fuisse, factosque Petszienses ciues eius conditionis ad Bassam obsides. Diuinæ porro beneficentiæ summum illud erga se donum fuisse, ut Patres Societatis, quorū strenuissima opera esse nulla poterat afflictissimis suis, iam quinquagesimum annum, rebus congruentior, nulla nec magis, nec etiam equè salutaris, quòd simul populo Petsziensi tam cari ac fructuosi, simul apud Mahometanos ipsos, sub quorum grauissimo dominatu seruitutem ipsi seruirent, ab opinione ac experientia summæ probitatis & modestiæ, tam gratiosi accidissent. Quo duplici tam fausto euentu audere se sperare in centenū millium capitum populo suo, qui iam nullos haberet Sacerdotes, rei Christianæ paucis annis statum florentissimum, si Patrum Societatis quaternæ quinæve operæ, iis similes, quarum proximis laboribus culti essent, ad se delegarentur. Rogare autem maximopere, ut iidem ipsi Patres, quorum salutaribus institutionibus meliores euassissent, quod commodo ipsorum, ac Præsidum bona venia fieret, ad eorum cupidissimos homines, cum aliquot aliis Sacerdotibus, iteratò mitterentur. Atque hæc quidem de Missione Quinqueecclesiensi, quam inierant nostri anno huius sæculi duodecimo, Septembri exeunte, prouexerunt.

runtque ad medium Martium anni decimi quarti.

I A V R I N I, seu Iaurini, quæ eadem est Alba Græca, & Belgradum, nostri Patres suas operas ciuibus præstant fructuosas. Inferioris, seu Australis Vngariæ vrbs est, positu manuque munitissima, in ipsis Sau Danubii que mediis confluentibus, ab Mahumetis, Turcærum Principis, qui Constantinopolim vi ceperat, fuso fugatoque Coruini auspiciis immani exercitu, quondam celebratissima. Quadraginta dumtaxat eo in oppido numerantur Christianorum capita, quibus, siue ab ingenio loci est insita durities, siue Mahometanum, Hæreticumque iis inussit commercium, culturæ sunt perquam difficilis, vt satis multò tempore nostri pretium operæ haud amplum se tulisse putent, quindenis modò ciuibus reuocatis ab hæresi. Spes tamen se ostendit inferendæ per assiduos labores maioris mansuetudinis in eorum animos, ac vberioris postea frugis colligendæ. Iaurino Moahztium traiecimus; quo ex oppido Sacrificium altaris octogenos fermè annos exsulauerat, vbi tanto ex interuallo nos, gaudio ciuitatis incredibili, quod faustæ acclamationes vberibus mistæ lacrymis testarentur, primùm publicè litauimus. Gabriel Bethlem, qui nunc pro Transsiluanix Dynasta gerit, de quo proxime diximus, nuper nostrum Sacerdotem Iaurino accersebat, quo ad Catholicos Transsiluanos iuuandos vteretur, Sed nõ visum est de illa statione, licèt minùs adhuc fructibus læta, decedere, vt quæ sit summi momenti futura, vbi eam Deus largiore suæ benignitatis pluuia imbuerit.

M O N I O

MONITOROKEREKIVM, Satrapia est in Vngariæ finibus versùs Austriã, satis ampla, quam Thomas Erdeadiësis Comes, Dalmatiæ, Croatiæ, ac Sclauoniæ Prorex, quinquagenariæ litis iudicio tandem ex Hæreticorum manibus extorsit, in eamque, recepto gentis iure, Catholicum ritum, exactis septem Prædicantibus, mox inuexit, opéra duorum de nostris, quorum princeps industria versata est per pagos tricenos octonos, quaterna oppida, & quinque castella, templis, arisque instaurandis; qua quinque mensium excursionem ducenteni homines ex Calvinismo & Lutherismo recepti sunt. Frequentioribus locis gemina est concio, Germanorum prior, posterior Vngarorum, vtraque amplissima, quarum hæc illius exitum sub dio præstolatur audissimè, huius autem & illius vniuersæ audiuntur crebræ acclamationes, legitimam esse doctrinam, quæ ab nostro traditur Concionatore: optimæ item plebis vberes interdum sentiuntur lacrymæ ac gemitus, quæ doleat se a Prædicantibus in negotio Fidei tamdiu & tam turpiter delusam. Matrona nobilis Hæreticè vixerat, cui ex improuisis vulneribus, per viam inflicti, moribundæ in mentem venit, vt Confessarium postularet, ex eoque postulato inter cognatos venit in dubium Lutheranone an Catholico more humaretur; cuius cõtrouersia id arbitrium fuit, vt Lutherani ad Cœmeterij Catholici terminos efferrent cadaver, non vltra progressi, vbi à Catholicis sumtum in ædem induceretur. Sed Lutherani rati sunt minùs fortiter se facere, si non
in ædis

non in ædis quæque intima irrumperent; Prædicans verò nisi ostentandæ suæ alacritatis ac eruditionis in Catholicum suggestum illico inuolaret; quem parantem ad adstantes proloqui, noster Sacerdos è medio populo elata voce admonuit, ne facinus tentaret, cuius eum caperet sera poenitudo; qua voce perculsus, & increpitus à suis, citius exscendit, quàm adscenderat. Vidua ætatis ac formæ dignitate præstans in tenuitate fortunæ virtutem egregiè colebat, cuius cubantis in torum nobili familia vir cum ex insidiis arreplisset, omni genere blanditiarum, munerum, ac violentiæ denique castum pectus ad stuprum sollicitare frustra conatus, amore deinde in odium verso, multis plagis ferro incussis, eam seminecem reliquit. Virili animo conservatæ castitatis ei mulieri iustum præmium Deus esse voluit, ab religiosè obita Confessione, non modò certam contra peritorum iudicium, sed subitariam propè sanitatem, ut hac eximia fortitudine virtutum opibus nobilem animum pergeret exaggerare.

— G R A Æ C I E N S I familiæ alter annus duos Sacerdotes abstulit, septem & viginti egregiæ frugis adollescētes Societati adiunxit, quorum septem ex Cōuictorum familia, duodecim ex Ferdinando Seminario exstiterè. Pater Ioānes Hermanus quatuor annos ultra septuagenarium vixerat, in Societatis palæstra quinquagenarius, ab instituto Græciensi Collegio, ei semper domesticus, litterarum Græcarum laude celebris, cum magistrum agerēt, neque minoris præconij concionator: quo

ex munere, fractis iam ætate, ac magnitudine laborū viribus, in laudabili, ac fructuosissimo Confessariorum pulvere consenuit, ac æternitatis palmam inuenit. Pater David Lang, Coadiutor Formatus duodequingagesimo vitæ anno multorum laborum in Conuictorum Collegio, & ratione nostra domestica procuranda, egregiæ pietatis, & candoris in omni re agenda incredibilis, cæterarumque virtutum præmia, regio exstinctus morbo, est affecutus; maturus scilicet ad felicitatem, cum græte adhuc, & viribus floreret. Ne quis temerè intercessum ab se deinceps vellet, quò minùs liberè quis ferretur ad diuinæ seruitutis iugum subeundum; documento fuere vir & adolescens, luctuoso funeris genere, in eiusmodi temeraria procuratone absunt. Adolescens rescierat suum æqualem, Societatis studiosissimum, ei se velle dedere; cuius rei factus index illius adolescentis matri, quo animo incertum est, sic tamen vt eius ab scholis nostris retrahendi causam præberet; quo ab scelere admissio, ei tam funesta omnia ceciderunt; vt manibus suis exitium ipse sibi conscisceret, ac deinde à canibus discerperetur. Adolescentis autem parens, illius alterius vsus indicio ad detegenda filij consilia, postea quàm ipsum inuitum Græcio domum abduxerat, dum accubiturus lauat manus, repentè mortuus corruit. Septuaginta capita hæreseon, flagitiorumque funestis auspiciis Orco auctorata, exitiali sacramento absoluta, Ecclesiæ asseruimus; atque in his familiarum claritudine insignia quædam, vti Barones & huiusmodi; sed
inter

inter cætera mulierem propemodùm octogena-
riam, quam Græcium, studio salutandæ cognatio-
nis, è Suevia venientem, morbus læsto afflixit, se-
cundùm quem nostrum Sacerdotem audire cupiit,
moxque manus dedit, congratulantibus propin-
quis omnibus, ipsa verò suam veterem cæcitatem
profusissimis lacrymis prosequente. Millenis, &
ampliùs, discipulis censetur Græciensis Academia,
& illis quidem ex præclaro iuventutis flore sele-
ctis, quem, veluti lucentem stellarum chorum,
grandiora, illustrioraque astra, è prima nobilita-
te, Barones, Comites, Marchionesque non in-
frequentes, suo splendore mirificè cohonestant, &
angustiore dignitatis radio exornât. Austriæ Prin-
cipes, Ferdinandum, & eius coniugem, redeun-
tes peregrè in urbem, Academica iuventus, vti
Apollinem & Palladem, studiorum suorum præsi-
des, ac fautores, augustissima specie triumphatium
excepit, non minore accipientium honorem vo-
luptate, quàm alacritate deferentium. Tametsi
verò intelligeremus, nullo, etiam honorificentis-
simo, genere officij, Principibus iis parem ipsorum
in Societatem benefactis gratiam reponi posse,
idque nos præferremus apertissimè, & res ipsa lo-
queretur; vterque tamen Princeps agendis publi-
cè gratiis eam sedulitatem adhibuit, quasi à nobis
tùm in se collatum esset beneficium, cuius obrue-
retur inusitata magnitudine. M O N I O R O K E-
R E K I I duo Sacerdotes nostri decurrenda ea re-
gione, quam priore anno indicauimus, mille ad-
modùm Hæreticos Catholico agmini adiunxerūt.

AL S O L I N D V Æ tricenos hæreseon labe perpur-
gatos Catholicis sacris impertiuimus: duos ex iis
tergiuerfantes acrioribus aduentitiorum morbo-
rum verberibus Deus ad officium concitauit, &
adegit.

L E O B I I, vñ paullò antè diximus, in Principis
Ferdinandi Basilica, Tironibus nostris domicilium
caprum est, quam familiam Parochorum libera-
litas, frumentaria, vinariaque annona, & pecunię
subsidiis perbenignè subleuauit, tribus etiam Flo-
renorum legatis millibus Clarius, in Stiria cele-
berrimi nominis medicus, maximopere iuuuit. Ope-
ræ in proximum collatæ, per hæc exordia instruē-
dæ nouæ domus, primitias Deo sacrauimus Hæ-
reticos nouem Ecclesiæ restitutos.

P R A G E N S E C O L L E G I V M.

AB Iulio mense ad anni exitum, & latè, & cru-
deliter, si quò vnquam aut loco, aut tempo-
re, in Pragenfes pestilintas sæuiit, vix vt vlla familia,
familięve menbrum vllum tabo immune abinerit,
aut plus triduo fuerit superstes, ex quo teter ha-
litus afflauerat. Inde nobis allata est necessitas &
scholarum, & nostri contubernij dissoluendi, emis-
sis in agros Sociis, quorum labor vrbi necessarius
non fuit, aliquot Sacerdotibus in ciuitatis solatiū
resistentibus, quorum vni, cum Adiutore socio,
expetita sorte obtigit lue contactorum in vniuersa
vrbe procuratio. His duobus non potuit non esse
negotij satis, amplissima in vrbe, ac ciuibus fre-
que-

quentissima, domiciliis pæne omnibus pestilenti
fidere afflatis: sed acriores adiiiebantur ad solli-
citudinem stimuli, & grauius laborum pondus ex
inuitati moris tabe, cuius ea fuit sauitia, vt bi-
duo, aut summum triduo, affecta corpora extin-
gueret; nullus vt esset interdiu nocturne finis ani-
morum procurandorum, aut funerum. Sacerdotes
reliqui, publico prohibiti, nihilo quietiorem va-
cationem ab opere domi sortiebantur, quos quo-
tidianus, aut habetium rectè, aut habere existimã-
tium, concursus, anni eius altero semestri, cessa-
tione penitus abstinuit. Non enim modò vrbis re-
gionibus omnibus, sed ædibus ferè totis perpetua
erant, & manifesto veneno pereuntium, & eorum
quos nec leuiter afflatos crederes, frequentia su-
bitariaque cadauera; vt cum nemo compertæ sa-
nitatis fidem sibi faceret, omnes se pro depositis
haberent; tota ciuitas Sacramenta iniret, tam-
quam præsidia extremæ dimicationis. Quibus ve-
rò felici præter spem euentu obtigerat, pro-
ximam vt hebdomadam sine labe decurrissent,
quòd insequentis ratio tantò videretur incertior
futura, vix quisquam esse volebat sui tam imme-
mor, vt non & ista, & sequentibus hebdoma-
dis, ad vltimam se vitæ aleam per Sacramenta
communiret. Ad hunc modum comparatis Pra-
gensium animis, nullus diēs Patribus nostris suo
in templo abibat non satis operosus, periculique
plenus, cum promiscuè ciues adirent, bene ma-
leque habiti: eorum plerisque pestilentem corpo-
ris sui affectum aut ignorantibus, aut dissimu-

lantibus ; quem bene multorum inexpectatus patefecit occasus , vbi primùm nostra ex æde, Christi que mensa , domos essent regressi. Aduersus eiusmodi pericula eò funestius , quò tectius in nostrorum caput grassantia, quoad humana providere potuit cautio , Patres se intactos præstiterunt , vt diuturniore tantò, ac fructuosiore ipsorū opera, ciuitas vteretur; sed vigilantissimam curam in vno Patrum , eius palæstræ valentissimo pugile, supergressa est vis mali occultior, potentiorque. Huic quaterna iam laboriosissima æstiuæ in hoc certaminis genere , hoc est funestis Pragensium suo periculo depellendis cladibus agenti, vertens hic annus, deterfa iam fermè pestiferæ expirationis labe, gloriosum finem laborum attulit, & præmia virtutis asseruit. Patri nimirum Marco Soldano, in Italis nato, annorum vnius ac viginti cū Societatis militiam fortiretur, sexaginta cū defunctus est, in cuiuslibet virritutis exercitatione illustrium palmarum viro. Italici nominis conuentum, Pragæ negotiationis causa degentem, iam pridem procurabat, quem frequentibus concionibus, omnique alia disciplina, sic instituerat, vt ex auditorum virtute, magistri nobilitatem facile agnosceres ; quàmque illustri erga Numen religione imbuti essent, vel ex ipsius sacelli sui augustissimo cultu, ornatuque ipsi apertissimè indicarēt. Italicū Nosocomium Pragæ instituit, excipiendis curandisque illius gentis ægrotis hominibus egenis, cui præter idonea vectigalia , ædium amplitudinem, quantam vel ministeria , vel ægrorum ratio ad salubrita

lubritatē exigeret, percommodè attribuit, ex cor-
rogata gentilium stipe, ipsius singulari virtuti om-
nia deferentium. Cuius Nosocomij egregia disci-
plina, optimi Patris perquàm appositis tempera-
ta legibus, magno ægrotantium emolumento, Pra-
genſisque ciuitatis multa approbatione, sic hodie
perſeuerat, vt perpetua quoque futura videatur.
Huius Patris plurima illuſtriaque in Pragenſes ci-
ues merita ipſum pridem eis vnice carum, gratio-
ſumque apud omnes Ordines fecerant; ſed illa
prouinciæ procuratio, quæ hominem tandem ex-
hauſit, in qua per continentes diro tabo ciuium
pereuntium clades, ſuæ ſalutis oblitus, alienæ
ſeruebat ardentiffimè, ac plures quidem annos,
quod incenſæ in ipſos caritatis argumentum erat,
& inuſitatæ virtutis exemplum; incredibilem ci-
uitatis amorem aduerſus eum, paremque venera-
tionem concitauerat. Neque illa tam operoſa vni-
uerſorum iuuandorum ſolicitudo poterat obefſe,
quò minùs alterius cuiuſdam generis cura priua-
tim deriuaretur in egentium neceſſitates, tota vrbe
ſubleuandas, quo nomine pauperum pater ab om-
nibus ac, meritò quidem, audiebat. Ei ergo vt iam
eximia illuſtrium virtutum facinora felicitatem
inſequentis vitæ aſſeruiffe viderentur, quò tamen
illius certior ei ſpes fieret, paucis ante occaſum die-
bus, Beati Patres Ignatius, Xaueriuſque, cætero-
rum Cælitum de ſua familia lætiſſimo ſepti choro,
ei ſe, auguſta claritate fulgentes, ſpectandos præ-
buerunt, ipſique inſtantem ex hac vita exitum, ad-
itumque in æternam beatitatem nunciarūt. Bime-

stri ferè interuallo hūc Patrem Matthias Pleicher, ex Logicæ studio est consecutus, octo annorum in Societate, inter viuos vicenarius senarius, cuius singularis in florida iuuentute moderatio, multarū eximia custos, nutrixque virtutum, eius inter beatos accepti non mediocrem nobis spem reliquit. Veriti calicis non legitimum vsu meripi sibi triginta homines passi sunt; octingenti, eoque ampliùs Hæretica sententia communionēque se auocarunt. Ex hoc grege decumbentem anum, in exuenda hæresi cunctantiorē, cælesti specie adulescens per quietem hortatus erat, ad exitialis pestis euomendæ concipiendum ardorem, cuius visi non fermè aderat exitus, cū tetrī cuiusdam Aethiopis, alia omnia suadentis, imperantisque, spectrum dormienti oblatum est. Sed eius sermo ut vetulæ auribus non excipiebatur libenter, dilapso humano simulacro, mox ingentis molis, horrendique aspectus adstitit porca, fetæ similis, numerosis, & lacte plenis turgens vberibus, quæ de repente toto corpore supra iacentem ægram strata, fœdas papillas in vetulæ, summa vi obnitentis, manus ingereret, ad easque adigeret emulgendas, vnde, natum Erebo, mulieris adactæ manibus expressum lac tam acriter volam adurebat; ut in triduum acerbus doloris sensus pertineret. Quæcumque tandem fuerit Cacodæmonis sententia, iis mammis, eoque lacte obtrudendis, sic est interpretata mulier, pestiferæ illum hæresis venenatum esse succū, quo incautos mortales simul demétaret Lutherus; simul exstingeret; quare primi nūcij
cælo

cælo missi diâtis obsecuta, hæresi se absoluendam, Sacramentisque muniendam tradidit. Feminae, in cuius familia pro ancilla gerenti, primùm inusitatæ diuturnæque tristitiæ grauis molestia incessebat, posteaque ipsius vitæ fastidium tantum; vt festinati obitus causam sibi optaret obiici; quam, sic animo affectam Dæmon, humana specie oblatas, subito correptam, in perangustam, obscurissimamque domus latebram præcipitat. Heris famulam aufugisse ratis, nulla eius perquirendæ cura quemquam deinde subiit, quoad, tricesimo quinto post die, molliter atque ex abdito ingemiscientis sonus, ad patris familiæ aures delatus; rei certiùs explorandæ cupidinem iniecit, inque abstrusum domus angulum, vnde missus erat gemitus, eum adduxit; vbi humanæ vocis non dubia sunt agnita vestigia; sed latebram claudente pariete, non nisi angusta & sublimi fenestella perulo. Eo ex antroeducta puella cum esset, mortuæ simili, ad reficiendas inedia extinctas vires, instillanda fuit calida sorbitio quinque nimirum iam solidas hebdomadas nulla gustati cibaria, præter aquæ vrceolû, quæ ipsa vicesimo primo suæ secessionis die, de nocte, clam omnibus, sibi noto ex loco sumserat, moxque in speluncam se iterum abstruserat. Ei verò postea quàm idoneis cibis ac fomentis integratû est robur corporis, animæ itidem per Sacramentorum vsum reddita est sanitas, ac triste illud vitæ detersum planè est tædium. Obeunti nostro Sacerdoti oppidanæ, paganaeque Boemici agri expeditiones, certum erat die quodam diuersorij, gra-

tia notum ad pagum adire , cùm per viam cupido subit deflectendi ad oppidum , Hæreticis affluenti-
 tius, vt per causam salutandi Parochi, eius de recta fide sententiam periclitaretur : cuius in ædes, Dei se vocantis occulto instinctu, adductum pòst paul-
 lò apprehendit. Oëtogenaria Curionis mater, gra-
 uiter ægrota decumbebat , cuius frequentia per morbum, ac pridie illius dici maximè , fuerant ad Deum suppliciter missa vota , vti ne sua infinita benignitas pateretur afflictam mulierem decedere Catholici Sacerdotis ope destitutam ; cui , de Di-
 uina prouidentia bene speranti , tamquam cælo missus noster Sacerdos accidit , & quidem in tem-
 pore. Pia prudensque mulier beneficij diuinitus in se collati magnitudinem , ex loci , temporis, mor-
 bique sui, ac ætatis ratione, sapienter æstimauit, ac Numini grates habuit , pro eo atque debere se in-
 telligebat ; sed , quod caput erat , Sacerdotis salu-
 tati opera cupidissimè vsa , quod reliquum vitæ fuit, in asserèdo sibi cælo religiosissimè collocauit.

AL T E R O incunte anno , Kalendis Februa-
 riis, aperto Gymnasio diuturnius Iustitium litte-
 rarium solutum est , & eo quidem ardore discipu-
 lorum, nihil vt offecerint Scholarum semestri vno longiora silentia , quò minus è Philosophico sta-
 dio prodierint anno vertente vnus & viginti ado-
 lescentes, laurea corona insignes. Quinæ toto an-
 no conciones in vrbe ab Nostreis habitæ , ac illæ quidem omnes ad auditorem bene frequentem; ad Boëmos geminæ, singulæ ad Italos ac Germanos, sua quibusque lingua ; & ad Academiæ nostræ
 alumnos

alumnos Latina. Sollemnem Eucharistici Ferculi triumphum quàm apparitissima magnificètia, elegantiaque, tum agminis supplicantis, tum carminum emblematicumque, tota veteri Praga, oculis variè iucundeque blandientium, celebrauimus: in vtraque verò recentiore Praga, repetito, alternis per hebdomadam diebus, triumphantis pompæ agmine, ac eius panegyricorum scripto, pictoque apparatu, quo genere argumenti nihil pridem Pragensibus Catholicis augustius, optatiusque contigerat, vt, lætitiæ religionisque intimo perfusa sensu, ciuitas ad spectaculum vniuersa effunderetur. Honorem per eos dies quantum oportuit ab sincerè Christianis hominibus Christo habitum, soli Picarditæ, ac Caluiniani suam iniuriosissimam ignominiam, contumeliamque malignè, pro suo ingenio, interpretati, cætero omni Pragensi plaudente populo, rabidarum canum instar, publicè priuatimque ringebantur, eiusque Comediæ, vt vocabant, actoribus Iesuitis malam crucem precabantur, & verò etiam destinabant, siquando Pragæ rerum potirentur, vt reuerà sexennio deinde potiti, Iesuitas Praga, & quattuor insuper Boëmicis vrbibus, per summum scelus, exegerunt. Ex adulterinis Hæreticorum plantariis, vbi iam altas radices egerant, euulsi centum duodequingenta, in Christi hortis, tanto salubriore atque pinguiore solo, volentes sunt insiti: à Sanguinis, in Christi calice, vetita participatione septem & viginti se abducendos permiserunt. Ab teterrimo sacrilegio Hæreticus, summa Christi
beni-

benignitate, quod omnium minimè voluerat, & cogitauerat, ad Catholici dogmatis veritatem agnoscendam, ambiendamque sibi viam ignarus patefecit. In Catholicorum pio cœtu scelerata mente accubuerat ad Christi mensam, vbi Diuinam Hostiam impuro cùm excepisset ore, in linteolum postea clam demisit, periclitaturus ferro, quid in ea tam Diuinū inesse Catholici vëditarët, in quam simulac domum rediit, cultri cuspidem cum validè strinxisset, cruoris guttæ ab illata plaga derepentè fluxerunt. Mitissimi verò Iesu benignitas non modò dirum vulnus infligi sibi passa est impunè, sed, altero quoque, ac maiore beneficio, cum immanis feritatis pectore sibi certandū esse duxit; enimuerò ab aspectu innocentissimi sanguinis tantum mansuetudinis ac lucis in brutum cæcumque iniecit animum, vt mox se reū atrocissimi flagitij agnosceret, Christumque totum Sacræ Hostiæ intimum inesse fateretur, vt ei nulla mora fieri posset, quò minùs ad nos euestigio Catholica Sacra suscepturus accederet.

OLMUCIENSE COLLEGIVM,

ac ex eo Missiones.

FAMILIÆ Olomucienſi pænè vniuerſæ priorē anno peſſimè fuit à grauiore valetudine, ex qua tandem recreatis cæteris, Pater Villianus, Anglus, Coadiutor Spiritualis, quinquagenarius in Societate, inter viuos ſeptuagenario maior annis quattuor, ſic tentari perſeuerauit, vt, inter-
cluſo

cluso ad sanitatem regressu, tandem occumberet. Sincera Fidei studio adolescentulus è Britània patria profugerat, immissaque deinde cœlitus nostri Ordinis cupiditate, vt ei se valentissimum sisteret militem ad durissima quæque toleranda, sic asperiore cubatu, multos dies stratis in nudo solo mēbris corpus sibi durandum sumsit, vt id tantum non obtereret. Ab tam generosis ac sanctis primæ adolescentiæ institutis facile secutum, vt deinceps in Societate omnes animi corporisque mōtus perpetuò habuerit egregiè domitos, & ad Religiosæ vitæ omnem rationem percommode temperatos. Tam serena, iucundaque omnibus fronte semper oblatus est, vt non affatu modò, sed ipso etiam contuitu mœtorem tristissimo cuique detergeret: incredibili verò cum excelleret morum suauitate, iucundissimæ consuetudinis illecebra, nobis sua sponte beneuolos, præstaret beneuolentiores; odij verò acerbicatem omnem ex mælicolorum animis facillè discuteret. Quæcumque Diuini cultus sacra sunt munera, obibat altissimo quodam pietatis sensu, sed augustum in primis aræ Sacrificium; quo in obeundo siquem Sacerdotem aduerteret, præcipitanter ferri magis, quàm ex Diuini mysterij dignitate, offenbebatur non leuiter, vt ex illata Christo permagna iniuria: Flagrantissimo in puerum Iesum amore totam vitam traduxit, cuius ab picta imagine vix oculos abduceret, quo nomine, ardentissimo erga Matrem Virginem, Cælestemque ipsius prolem studio, sollemne Diuini Aduentus sacrum, in ara suauissimè,

reli-

religiosissimeque pronunciabat, & ab aliis pronūciatum quàm attentissimè audiebat. Cuius religionis, inter cætera multa, hoc præmium à Deo tulit, vt eum modò diem, qui ei supremus fuit, exfortem à sacrificio perpetrando viderit. Hæretico Sacrificulo, quas Diris & Orco, nesciens fortè, destinabat victimas, quinas & sexagenas excussimus è manibus, & Catholico ritu, mysteriis initiaui-
mus. Eorum vni, militari viro, periculose decumbenti, Tartaræ voraginis inulitata supplicia per visum oblata sunt, in quæ suo merito abripiebatur, cum circumstante, ad pœnarum incrementa, Cacodæmonum numerosa multitudo. Quo ex tam horrendo insomnio vt redeunte vigilia paullisper recreatus est, nostrum Sacerdotem derepentè acciri ad se iubet, cuius opera dogmatis impietatem mox exiit, neque ita multò post morbum ab se depulsum. Singulari Dei miseratione sensit. Recentis Euangelij artifices ea munus suum, seque ipsos dignatione esse autnant, vt non nisi rheda vectos adire ad ægratum quemquam, & bene muneratos inde redire, aut iustum, aut decorum esse putent; cuius honoris & annonæ si nulla spes affulgeat, suam præsentiam operamque sectariis quibuscumque, vt suo dignum est dogmate, fortiter negant, & subtrahunt. Huius Euangelici moris bene consultus Hæreticus, ab re familiari tenuissimè instructus, cum aduersa valetudo ei spem vitæ non faceret, nec Prædicantis sua inopia, consilium inuit Eucharistiæ auspiciis suis, ac ritibus, sibi adornandæ; aridi nimirum panis pauxillum,
ac pro

ac pro præfenti copia, frigida tantumdem sibi apponit, atque huiusmodi epulas à propitio Numine postulat, immo ipse decernit, instar arcanorum, salutariūque mysteriorum ægro futura, ex hac vita proximè migraturo, ratus, neque iniuria, sibi adesse hoc genere Sacri, de cælesti ope, quantum ipse Minister impertiuisset. Dedignantium, quæ sui muneris sunt, Ministrorum fastus & vesanus tumor, sicut alios Hæreticorum plerosque nobis non tam relinquit, quàm obtrudit procurandos, ita & hunc tradidit nostro Sacerdoti, cuius ope is dedidicit mox hæresin; & iis Sacris refectus est, suo ingenti gaudio, quæ, aliam vitam paullò post ineunti, salutem assererent.

POSTERIOR annus Patri Georgio Ebellio postremus fuit, quem duodequadragesimo ætatis, duodevicesimo anno quàm nostræ militiæ nomen dederat, hydrops & tabes exstinxerunt. Ei viro ætate, viribus, animisque florenti, vitæ filum, medio in cursu, immodici labores, in Christi vinea fortiter suscepti, videntur succidisse, cum Missiones varias, postremamque in eis Linhartouiensem, nauiter obiret. Idoneum solum eximiis virtutibus inferendis, singularem ingenij docilitatem, facilitatemque morum Deus in eo sibi finxerat; quibus itidem dotibus valdè opportunum alienæ vitæ formandæ curatorem, magistrumque parauerat. In tutelaribus Cælitibus, præter cæteros, Beatam Catharinam Aegyptiam sibi adsciuerat, cuius patrocinio mirificè delectabatur, eiusq; Natali die optabat sibi diem extremū obtingere, quod &

& magna sua voluptate, nec minori spe consequendæ salutis impetrauit. Septeni adolescentes de nostro Gymnasio, eiusmodi iacturæ olim sarcindæ in nostrum corpus adoptati sunt; quorum, seu natalium, seu pugnarum in hoc pulvere obitarum claritudine, familiam duxisse visus est illustris Dynastæ filius, cum patrem suo instituto maxime repugnantem, mortuoque patre, cognitione vniuersam, cuius ipse caput esset, aduersariam experiretur. Neque Numini dignus eius maiestate honos habebatur in carcere, nec vinctis vlla illecebra suppetebat, vel ansa Divini cultus studiosè amplectendi, quod antea Sacrum fiebat in cæca & perangusta ergastuli latebra, nulloque aut perexiguolatæ cultu & ornatu. Sacerdos noster lastradis custodiis præfectus, ut ne tam necessariū captiuis solatium decederet, piorum hominum largitionibus facellum à fundamentis, centenū hominum capax excitauit, sacraque supellectile ad sacrificij usum percommodè instruxit, cuius dedicatione, sollēni Ecclesiæ ritu procuratæ, except copiosum epulū carcere damnatis omnibus ab ipso Capitalium Quæsitore datum, suam in eo sacello conditionem gratulante. Gymnasium nostrum numerosa celebratur iuuentute, sed propenso in primis cum ad cæteram virtutem, tum ad religiosè colendum Numen ingenio ac studio; qua in palestra primarum sunt partiū Marianæ Sodalitates quattuor. Cilicini saguli, flagellorum, longioris inedia, inter hos adolescentes frequentior, seueriorque intercedit usus, quàm ut facile credi

credi possit, sed ad Christi sepulcrum fuere ipsorum in varias turmas partitorum diuerberationes maximè celebres; quas eorundem armatorum, ardenrique cereo lucentium, solidæ noctis ad Domini tumulum exciperent excubiae, ingentij urbanæ iuuentutis, ac ciuium omnium stupore atque approbatione. Conuictoribus omnibus pridie natalem Beati Parentis nostri ardor pietatis in ipsum insedit eiusmodi, ut nemo vnus fuerit, qui non eo die sibi arctiorem inediam iniunxerit, suoque tergo flagellum adhibuerit, Natalem verò ipsum Sacrorum participatione celebriorè ac sanctiorem nõ egerit. Discipulorum vnus nuper Hæreticus, eiurata apud nos hæresi, tantam ex eo die combibit domandi corporis sollicitudinem, ut ferrea mox catena præcingi ad cutem voluerit, quam deinde numquam posuit; mero autem tametsi à pueritia cõsuefactus, adduci tamen nullius auctoritate potuit, ut toto quadragenario ieiunio, eius guttulâ ore admitteret. Pusioni ex Elementariorû nostra schola parens grauiores quotidie intentabat minas, ut ab Catholico instituto puerilè animum auocaret: cumque inter cætera, illud iactaret frequentius, peruicaci filio se id impositurû pœnæ, ut exhæredè olim faceret, nunc verò sui consortij expertè, cum eum exegisset ex ædibus. Sed neque illa vox patris, tam seuera edicta in puellû detonantis, diuina manu consignatâ in puerili pectore constantiâ fregit, vel etiâ leuiter concussit; cui nempe sedato animo, paucis, grauiusque ita retulit; nihil quidè in humanis rebus sibi esse parète suo carius,

& sanctius, eo tamen, nedū ipsius fortunis omnibus, tota vita cariturum se potius, quàm vt à Catholico ritu tantillum deflecteret. Intrepidum, simulque sapiens pueri responsum, paternæ iræ ita sopiuit æstum, vt neque tùm, neque postea eius argumenti comminationes vllas incuteret filio, sed placatior ei deinceps esset in omnibus.

CREMSIRI I plurimùm degit Cardinalis Dietrichstheinius, idēque Olomuciensis Episcopus, vbi stabilem nostris, ex Principis aula in priuatas aedes traductis, positā superiore anno proximis Annalibus scripsimus, quo anno, summissis duobus subsidiariis, erat instituta quaternorū Sociorū familia. Eo de numero consequēs annus, huius sæculi tertius decimus, Patrē Petrum Ederū subtraxit, ætatis anno tertio & octogesimo, altero & quinquagesimo Societatis adeptæ, tertio ac vicesimo quàm in Spiritales Coadiutores erat adoptatus. Cuius illud pridē eximiæ virtutis documentum; eum videnos continentes annos in Scholarū puluere Grammaticæ tradidisse rudimenta. Collegium Sodaliū ex ciuibus Olomuciensibus, sub Beatæ Annæ tutela olim condidit, cuius exemplū in cætera pietate, ac Fidei maximè retinenda constātia, reliquæ Sodaliates hodiequelibenter propositū sibi esse patiantur. Eum verò multos abhinc annos Cardinalis suæ conscientiae curatorē à Præsilibus depoposcerat, & apud se habuerat in Cremsiriensi aula, iis micantem religiosissimæ vitæ argumentis, quæ venerationem caritatemque omnium ipsi promerentur. In Aulica illa copia & splendore paupertatem

tamen adeò seuerè coluit, vt mortuo vestes omnes fuerint superstites, quas vix mendiculus humo sustulisset. Multa summi amoris significatione Cardinalis demortuo, & perseipsum, & per suos bene multos Sacerdotes non semel parentauit.

BRUMOVII modò tres, modò quattuor fuerūt Sacerdotes in aula Ioannis Kaffkæ, illius regionis præpotentis Dynastæ, vnde perpetuè sunt nostrorū excursions in oppida duo, & circumiectos vicos plurimos, quibus excolendis, vt priores annuæ docuerunt, opera non leuis, & plerumque irrita ponitur, adeò sunt rusticanorum peruicacia ingenia in Hæretico dogmate tuendo. Quæ tamen est Dynastæ sedulitas, & animi constantia in clientū procuranda salute, non paucis hoc anno euulsa est ex animo hæresis, quorū de numero censi sunt, in nobiliore oppido, Senatorij ordinis quinque, nuper omnium tota regione hominum sui dogmatis retinentissimi. Ex Brumouiensi porro Satrapia in aliam ei finibus consortem transiimus, vbi nobis agentibus Caluiniani Catholico templo cedere coacti sunt, quod iniuria vsurpabant; ex interuallo autem ad sua Sacra reuocati Catholici, suum gaudium inusitatis argumentis testabantur. Quòd templo, Catholicique ritus Sacris aliquamdiu caruerant, sibi visi sunt, per illud triste silentium, ex animo diuinarum quoque rerum memoriam penitús obliterasse; hocque nomine Sacerdotis nostri omnem in templo, & foris gestum motumque curiosiùs obseruabant, & imitando exprimebant, vt quod ipsis imprudentibus exci-

derat de religione, hoc eius exemplo in seipsis restituerent, & aduersùm similes casus suis animis altiùs imprimerent. Inde finitimam in Parœciam ventum est, tanto cum populi gaudio plausûque, vt beneuolentissimarum consalutationum in templo finis non inueniretur; cumque multi non sibi temperarent, quin amplexantes Sacerdotis collo brachia implicarēt; ab eius ceruicibus auelli priùs se passus non est centenarius, antiquæ probitatis homo, quā sibi Pater bene comprecaretur. Fuit eo loci Christianarum frugum omnis generis bene ampla messis, eaque facillima, vt metentis falcem ipsa pæne seges sua sponte anteuenteret; cuius in prædæ portione non leuissima censi sunt Hæretici duodesexaginta. Posterio anno itum est Brumouio in Trinchiniensem Vngariæ Comitatum, vbi nauata est fructuosissimè opera triū Sarrapiarum Catholicis populis, Pastore destitutis, quibus singulari eorum lætitia, compendiòque facta est Sacramentorum copia.

LINHARTOVIENSIS agri quam sit malignum solum, Lutheranis nimirum eò se pridè infundentibus paludibus, assiduè maceratum, & dilutum, vix vt Catholicæ stirpis vlla fibra superstes hæserit, proximis Annalibus significabamus, cùm scripsimus præcellentissimi Baronis, Caroli Haugvichzij, Moraviæ Subcamerarium appellant, accersitu nostros eò venisse, illisque principiis perparū inter obstinatos homines promouisse. Constantia tamen laboris, multaue comitate loquendi & agendi nostri, Deo adiutore, peruicerunt,
vt af-

vt asperimæ gentis erga nos odium denique in benevolentiam verteret; vt iam non ægrè domos suas admittant nostros, officij causa ad se adeuntes, sed perbenignè, ac vltro ipsi suas in ædes inuitatos, cum Ministrellis de Fidei controuersis certaturos committant. Quibus ex congressibus duodeseptuaginta meliores facti hoc anno priore, in hisque octogenarij quattuor, ab Lutheri cœnoso lintre in purissimam Christi cymbā transiere, quo ex trāsitu ægra mulier cuius vita periclitaretur, corollarij loco etiam est adepta sanitatem, puellaque tantum hauserit constantiæ, vt nullis parentum minis aut vexationibus ab Catholico ritu potuerit auocari. Hæretico, viro nobili, per quietem geminorum Angelorum species oblata est, præcisè iubentium, vti nostros vel adiret, vel euocaret, eorumque vsus opera planè descisceret ab hæresi; cuius visi non est veritus omnem rationem euulgare, seque obsecuturum polliceri.

LUTHERANIS, Calvinianisq; infensissimis cohortibus obsideretur vniuersa Linhartouiana ditio, vnde imminet perpetuè nostræ agricoltationi non aliqua modò labes, sed vltima vastitas. Atque tametsi calamitosa esse solet huic segeti Lutherana vel carbunculatio, vel pruina; præ Calvinianæ tamen pestis atrociori clade, illa nō tam videri debet nostrarum frugum calamitas, quàm calamitatis vmbra quædam, vel hebetior imago. Iagendorfenis, seu Carnouienfis Principis, qui est Brandenburgensis Electoris germanus, huic Satrapiæ vicina Tetrarchia tota merum Calvinum spirat,

exemplo, institutis, & auctoritate sui domini, qui
 Calvinicum virus, ingeniumque ipsum intimis
 combibit medullis; quorum hominum ut sunt
 mirabiles artes, studiumque inexhaustum, & in-
 credibilis moliendi audacia obstinatioque, ad
 animorum instituendam corruptelam, nostris
 dubium esse neutiquam potest, quin ex tanta tam
 funestæ pestis vicinia, sibi sit grauis imposita ne-
 cessitas pro suo grege attentius excubandi. Et cer-
 tē ita excubant, ut, suis salvis manipulis, cen-
 tenos duodevicesimos Lutheranae factioni assecclas
 detraxerint, ac nonnullos etiam Calvinianæ; sed
 vnum in primis, quo ductore, numerosæ pagano-
 rum cohortes, in Calviniana gurgustia veneno
 potandæ, frequenter ventitabant; cuius nunc sa-
 lubrioribus auspiciis ductuque ad Cōfessionis Sa-
 cra libentissimè adeunt. Eximium par virorum no-
 bilium nostri piscatores ad harnum suum cum stu-
 diosè pellicerent, nihil fuit antiquius illis corrup-
 toribus, quàm omni adhibita fraude prohibere,
 uti ne sincero Dei verbo inescarentur; sed eis vi-
 egrius umquā fuit, quā cū illi gemini primæ notæ
 pisces sua sponte capti, trahentis sequerentur linū,
 & in eius manum prona voluntate concederent.
 Trāssiluanus miles, cædis compertus, in Linharto-
 uiana ditione, nostros sibi adhibuit ad expiandum
 noxiis omnibus animum, vehementerque ab Lin-
 hartouienſi Dynasta contendit, ut sibi, capitis pœ-
 nas luituro deinde in Calvinianiritus oppido, le-
 suitam summitteret, idonea præsidia inter crucia-
 tus allaturum; sed noster ab illis Evangelicis ho-
 mini-

minibus admissus non est, quantumvis rogante Satrapa, ut sibi ea gratia ingentis beneficii loco apponeretur. Eò deductum reum Ministelli adeunt in vinculis, nec latum unguem exin discedunt ab homine, dum animam in suppliciis efflaret, quem licet mentiti eum ab Iesuita contemni, se autem, tantò potiores animorū medicos professi, salutarē operā ipsi nauaturos, tantillū de Catholica sentētia non demouerunt. Calvinianorum quā proiecta sit audacia impudentiaque in stabiliendo suo dogmate, vel per cuiuscumque impietatis, & sacrilegij apertam professionem, nostri Patres magno suo stupore frequenter experti sunt, cuius impudentiæ hoc vnum esto documentū. Inaudierat noster de Calviniani Prædicantis iactantia, & fastu frequentissimè, cuius concionantis erant illæ ferè perpetuæ assertiones; nō Papistico ex more se, ineptis glossæmatis deprauatum, verbum Diuinum auditoribus propinare, sed purum putumque, uti ex Christi ore prodierat. Aureum purumque istud os Diuini eloquij, hunc cælestium oraculorum tam consciū, peritumque præconem, noster Sacerdos sibi conueniendum compellandumque ratus, ubi primū eius facta est copia, ex eo percontatur horum Christi verborum, *Hoc est corpus meum*, enucleatam penitūs, sine villo glossæmate, sententiam; tū ille Blatero intrepidè, tumidèque, quasi Pythia de Phœbi tripode, percontanti refert; Sub pane, vel in pane, vel penes panem, est corpus meum. Contrā noster, atqui abunde hic, inquit, & nimio plus glossarum est,

quæ nec Sacra Scriptura expressæ sint, nec illius verbis vlllo pacto nitantur; quinetiâ eius, Christi-
 quæ aded ipsius, apertissimam sententiam corrumpant fœdissimè. Hic autem furcifer ille, vbi eum ratio verbaque deficerent, ex Calviniano planè ingenio, ab impudentia, summaque impietate, qualecumque subsidium expetiit, atque procacissimè; Enimuerò quoniam olim Deus ignorauit, Iesuitas cum Orthodoxis de huius clausulæ sensu aliquando esse disceptaturos, ei non venit in mentem ipsius vim enucleatiùs explicare, facturus alioqui, si animo prouidisset vestras ea de re controuersias, aliquamque ex istis voculis, in, sub, super, subter, ponè, penèsvè, commentarij gratia, subditurus.

THESSINVM, in Silesiæ oppidum, Ducatus Thessinensis caput, ab ineunte anno huius sæculi decimo quarto, missi sunt duo nostri Sacerdotes, perpetuæ Missionis, quæ temporaria fuerat, instituendæ gratia, Thessinensis Principis rogatu; cuius consilij nostri vt vulgata est finitimos inter Catholicos ratio, tum illi pro suo in nos studio, conditionem nostram miserâtes, acerbissima quæque cœperunt illo ex oppido nobis denunciare. Eorum scilicet plerique, suo incommodo sapius edocti, didicerant, quàm atroci odio oppidani Thessinenses in omne Catholicum nomen æstuarènt; cuius odij tantò insensiolem acerbiter aduersum nos inde interpretarentur, quod præsentibus nostris, & vt iactabant Hæretici, auctoribus, Princeps Lutheranos Prædicantes duos oppido
 nuper

nuper exegerat. Cur porro nobis ab Theſſinenſi, paucis aduenis exceptis, prorsus Hæretica ciuitate, grauiter eſſe metuendum videretur, illa quoque ratio accedebat, quòd à Principis arce tranſlatum erat Patrum domicilium in vrbanas ædes, & quidem ad vim defendendam adeò infirmas, vt, velut in mediis hoſtium caſtris, inermes perpetuè maleuolorum pateremus iniuriæ, atque contumeliæ. Noſtri tamè haud ignari, intutum vſquam poſſe eſſe nihil, vel inter inſenſiſſimos hoſtes, quod Diuinæ prouidentię tutela nitatur, proximique ſalutem ſua vita potiorè recordati, haud vllius deliberationis interpoſita mora, futuri domicilij, designata vrbiſ maleuolæ regione, locum capiunt, etiam inter petulantię militaris frequentia eo in oppido contubernia. Neque Deus de ſuo bene ſperantibus auxilio deeſſe voluit, maximè vbi ſuus in primis honos agebatur; Patribus liquidem ex prudentię præceptis conſilia ſecundùm Deum petentibus, omni ſcilicet adhibita ſermonis comitate, rei que gerendæ cautione, nequa vſpiam exiſteret iuſtæ offenſionis materiã, paucis Theſſinenſes deliniti, noſtros priuatim publiceque reuereri maximopere, atque amare cœperunt. Noſtræ igitur conciones æquiſſimis non modò auribus, ſed beneuolentiſſimis quoque animis, audiebantur, earumque exceptarum ille fructus fuit principio, vt plurimi oppidanorum errores ſua ſponte damnaſſent, quos paullo antè tuerentur obſtinatiùs; iamque tota vrbe illæ voces audiebantur, controuerſis capitibus reliquis nunciabatur,

se facillimè remissuros, si vtraque species in Eucharistia sibi permitteretur. Quin eò res quoque processerat, vt plerique assererent, vnam sibi speciem videri, & esse satis, seque in ea perlibenter acquieturos; eius tamen singulatim vsurpandæ, nec esse, nec dici velle auctores, aut principes. quo fiebat, vt in eius Fidei, atque ritus, quem vniuersi palam ac singuli vehementer approbarent, participationem nemo vnus toto anno veniret, eo nimirum prohibitus metu, ne susceptæ in Religionum causa, mutationis cuiuspiam caput deinde proderetur, quod ignominiosum fore stolidi homines arbitrarentur. Sed, præter hanc metus stoliditatem, obseruatum etiam est, inter oppidanos vel omnes, vel plerosque, animorum conspirationem, sacramenti religione confirmatam, intercessisse, vti eorum nemo ciuibus suis ducem se præberet nouitatis in religionem inuehendæ; qua iureiurandi lege diutius vetiti sunt aliquot mendiculi, præmiis à principe prouocati, exsiliij pœna etiam, ni parerent, territi, vt ne se paterentur ad Eucharistiam ritu Catholico sumēdam adduci. Exeunte itaque anno quinquagena tantum capita, ex aduenis paucis, & illis conflata mendicis, Eucharistico epulo, ex Romana formula, excepimus, ciuibus vniuersis interim animo suspensis, dum quis ex suo corpore, ad audendum promittior, viam patefaciat Sacræ Hostiæ Romano more sumendæ. Per anniuersaria Dominici Corporis sollemnia, Principe absente cum vniuerso ferè Catholico conuentu, verebantur nostri, ne
honor-

honorifica pompa circumuehendæ Eucharistiæ deesset, magno rei Catholicæ probro: aut si eis copiis, quæ tùm adessent, ea institueretur, ne aliunde seditio ab Hæretica factione, aliò auersis Domini oculis, existeret. Cùm tamen ipsi Patres eius rei opportunam mentionem apud aliquos ciuium iniecissent, sua quisque regione vicos, compita, & forū, festa fronde conuestierunt, frequētesque puerorum albatos choros, auro & argento radiantes, summiserunt matresfamilias, quorum composita, longaque acie, ac vernaculo carmine Eucharistiæ celebrantium præconia, Christo triūphanti splendor magnificentiaque longè maior accessit, quàm quis esset ausus eo loco sperare. Quidquid autem per Religiosi Principis absentiam ei triumpho decesserat, cùm ante octauum eorum Sollemnium diem reuertisset, ex votiuâ peregrinatione ad B. Mariæ Czastochouiensis in Poloniâ, id ipse tanto augustiore amplioreque apparatu, reperita die octauo eiusdem triumphî pompa, magna Catholici gregis lætitia suppleuit. Cæterum, quin ad alterius modò speciei Communio- nem perducendi sint, proximo quoque die, omnes oppidani, Patribus nostris dubium vix esse potest, si huius adsciscendi moris viam suo exemplo aperiat de ciuium proceribus aliquis; quo in negotio Princeps, vniuersi Senatus ciuibz fructuosam operam, sibi non defuturam sperat, quorum imitandorum auctoritate nemo ex oppidanis ad eiusdem ritus Sacra continuò non sit aditurus.

B O S C O V I T I V M Morauia nobilissimum est oppidum

oppidum, sex milliaribus ab Olomucio, Boëmiani
versùs, quò nos aduocauit eius oppidi Satrapa
VVenceslaus Morkovviskius, Catholicæ Religio-
nis tota sua iurisdictione instaurandæ gratia. Natus
erat parente, Picarditici dogmatis æmulatore stu-
diosissimo, iisdemque institutis perquàm accu-
ratè imbutus, Viennam tamen puer nostras in
Scholas missus, Grammaticæ præceptis informan-
dus, sed domestico curatore insigniter Hæretico;
cuius vigilantia, prohibendo ab discipuli sensibus
Catholico semine, tam efficax esse non potuit,
eius vt radices tenaciùs non hærent in puerili
pectore. Quem sinceræ pietatis succum libens
hauserat puer, cum deinceps fouit studiosiùs, &
adolescēs gustauit cum voluptate ac fructu, ac grã-
dior postea, quantumuis repugnante genitore, quod
interiore sensu occultarat de Romana Fide iudi-
cium, expromsit intrepidè, Catholicumque pa-
lam omnibus, paucis annis antè mortuum patrè,
professus est, nec ita multò post demortui quoque
fratris hæres amplissimum nactus est patrimoniũ.
Boscouitianis erudiendis adhibiti nostri mox ad
templorum cultum splendoremque reuocandum,
quem Picarditè aboleuerant, conuersis studiis, cæ-
teraque omni procuranda Catholici moris insti-
tutione, sensum pietatis in populo concitarunt,
ex quo Romani ritus ac dogmatis penitùs perci-
piendi fructuosa sequeretur curiositas, & deinde
studium eius amplectendi. Parando etiam solo,
Catholicæ velut arationis & sementis, tanto mol-
liori obsequëtiorique, in pueritiæ ac adolescentiæ
ani-

animis, Picarditæ Ministelli Gymnasiorum procuratione procul abacti sunt; qua sedulitate adhibita, quinquageni ciues, & in his nobili loco nati aliquot, paucis mensibus, ritus & Sacrorum communionem inter Catholicos sibi adsciuerunt. *Capitaneus* more gentis appellatur summus tota Iurisdictione magistratus, cui secundum Principem cum potestate imperioque præest; quo munere fungebatur antiqua nobilitate, scientia administrationis, rerumque gestarum gloria clarus vir, cæterum natura seuerus, & asper moribus, cum eò venimus, cuius tamen haud laboriosa fuit expugnatio, quod apertè ostensam veritatem non ex Hæretico ingenio auersatus est, aut præfractè impugnauit, sed agnitam continuò arripuit. Is de se, cum Catholicorum Sacrorum, & ingenij sui etiam admiratione, libens frequensque commemorare solet, quemadmodum cum natura esset ad fletum minimè procliui, tamen inter obeundam apud nostrum primam omnium Confessionem, ipse in lacrymas solutus derepètè ita esset, pænè vt totus diffliueret. Pro ea verò prudentiæ ac grauitatis opinione, quantam ea omni plaga pridem nactus est, vt, nec leuitate animi, vel ignorantia, nec cuiusquam adductus gratia, creditus est à Picarditis defectonem iniuisse, ita eius ad nos transitio maximis momentis eius populi animos ad Catholicam Fidem videtur incitatura. Per eos dies funestus casus Viennensi mercatori, Caluiniana sectæ, accidit, quem Boscouititius Dynastes in memorabilium euentorum capite, suis ephemeris

meridibus consignatum, frequenter solet recensere, nosque quoniam eius testes fuimus, tantò certius memorabimus. Vienna mercium quidpiã Baronis iussu aduexerat, ab eoque quasi Catholicus, mensa fuerat adhibitus, cùm exorto de Fidei capitibus sermone, damnatoque ab cæteris Calvinismo, ipse acriter illius partes tueri cœpit, vsque ad dum eum rationes, & verba deficerent. Tum verò caput suum deuouere, tertiumque ab illo diem optare sibi fieri extremum, nisi Calvinicum dogma cum recta ratione, atque illo Evangelio, cuius Christus esset auctor, penitùs conueniret; nostro autem Sacerdote, qui simul accubuerat, increpante hominis insanam exsecrationis formulam, is errore, ac studio Caluini amens, deuotionis carmen in se ingeminare tantò assue-
rantius, atque audacius. Propius aberat ab homine sceleratè impièque temerario Diuina ultio, quã ipse fortè cogitaret; qui postera die sub prædium, vbi non comparebat in Dynastæ Basilica, ipseque percontaretur, quid eo factum esset, nunciatum est eum habere pessimè, multoque peius deinde sub vesperam; postridie autem constitit concubia nocte temere deuotam infauftæ morti animam efflasse.

CRVMLOVIENSE COLLEGIVM,

PERPETVATÆ toto anno conciones geminæ, Boënica altera, altera Germanica, & cætera Hæreticis strenuè nauata opera, priore anno,
de ipso-

de ipsorum corpore tricenos septenos; posteriore binos ac vicanos nobis, hoc est Ecclesiæ peperit, non pœnitendo in tam obstinatis ingeniis compendio; quodque à Boëmis impetrare arduum sit non minùs, quàm Herculi clauam excutere; hoc anno, quinis ac quadragenis; illo, quaternis & quinquagenis sacrum Calicem de manibus extorsimus. Ex his vnus, ætate grauis, ac auctoritate præcellens, annos iam multos pressam silentio hæresin, specioso retinendæ Vtriusque Speciei regimento, callidè celabat, cùm in Catholicorum cœtu Diuinam Hostiam participaret, nostris eum frequenter exitialis sibi fraudis, officiique sui commonentibus, sed euentu semper irritò; quem tamen interpellandum sibi sumserunt, quoad obstinatam voluntatem conuellerent. Et suus denique constitit perseuerantiæ labor, vt is aliquando palam omnibus in templo, pro ipsa summa ara Sacerdotem nostrum euocaret, cuius ad genua procumbens, ipse se reum egit noxarum omnium, quibus à puero Numen læserat, quarum absolutus, animo iam planè Catholico, Cælesti mensæ accubuit, factum eius demirante, ac approbante vniuersa ciuitate: nihilo autem minùs ipso suum sibi facinus gratulante, ciuibúsq; suis lucem, quam sequerentur, libenter præferente. Picarditæ cuidam ciui, ex grauiore valetudine lecto pridem affixo, incidebant diuinitus afflati quidam instinctus, Beatæ Virginis Caiouienfis, prodigiorum laude celebris, in roboris subsidium, & leuamentum morbi per preces adhibendæ; quam animo

mi motionem, ut rem se indignam auersabatur, Sacerdotisque nostri, quem ea de re consuluerat, verba, de Magnæ Matris, in eo genere præclaris dotibus audire neutiquam sustinebat. Caiouium tamen ad Dei matrem excurrit, quo animo non constat; sed eum non puduit reuersum uxori asseuerare, longè sibi melius factum esse ab ea peregrinatione, ad Mariam Dei Parentem instituta; & quidem eiusmodi testimonium, erga se immeritum, beneficæ Virgini dedisse Numine adigente visus est, qui ut antea putarat impium tribui vim sanitatum Dei Matri, sic post redditam valetudinem Hæreticus tamen perseuerauit. Imperator, Imperatrixque, Boëmicæ gentis Comitibus, Buduicum proximam in urbem edictis, Crumlouij tantisper sunt versati, geminumque nostrum drama in urbis arce spectarunt; quorum actores omnes Cæsar Imperatoriis vel rhedis, vel equis triumphantium specie, lituis, tympanisque pompa vniuersa concrepante, vltimo ex oppido in arcem traduxit; Imperatrix verò primarum partium adolescentes quinque muliebri cultu prodituros, suis manibus vestiendos comendisque depoposcit, eisque mirabilem dignitatem, & argumento maximè congruentem affinxit. Ex illustrissima Rosenfium familia, quæ Crumlouium olim condidit, huius quoque Collegij conditorem habuimus, Societatis amantissimum; cui deinde mortuo successit Hæreticus frater, is de cuius obitu priore Annali scripsimus, tantò ab omnibus Catholicis, & nostro in primis nomine alienior, ut
ea causa

ea causa nos excluderet attributis olim ab germano familiae huic annuis quingentorum florenorum vectigalibus. Eius iniuriæ supplice libello admonitus ab Collegij Rectore Cæsar, beneuolentię in nos pleno Rescripto annuam illam pensionem Collegio deinceps numerandam edixit ab iis, qui Roseensium amplissimam hæreditatē gentilitatis iure adierant.

COMMOTOVIENSE COLLEGIVM.

SINE noxa cuiusquam de nostris, & tota ciuitate, circum ipsasque Collegij ædes, & in nostris ferè penetralibus sæuiit pestilens virus priore anno, extinctis duobus de pauperum contubernio, cui nos præsidemus. Quo amplior illustriorque per eam calamitatem, offerebatur de Commotouiensibus bene merendi materia, cò infederat nostrorū animos alacritas maior deferendæ illis suæ operæ, ac fortiter in malè affectos conferendæ. Verum partim ab insita ingenij duritie, partim ab errore, quem in eis studiosissime fouent & Prædicantes, & earum partium capita, per nostros oblata sibi animorum subsidia neglexerunt; ut in tanto ciuium numero, septenis dumtaxat, operam nostram vel deposcentibus, vel admittentibus, vtilis esse potuerimus. Ab Luthero ad Christum octo translati, atque illi quidem non maiorum gentium hominēs, sed quod in Commotouienti agro satis esse videatur, pro eo rerum statu, qui est in præsentia. Enimuero Commotouien-

H

si cui-

si cuiuspiam de Lutheri conuentu cum Iesuita collocutum esse, tam capitale sit, quàm parricidio manus inquinasse. vbi ad Prædicantes fama rei emanarit; cuius noxæ anno posteriore apud eos factus reus ludi magister tantum non suo excidit magisterio. Nihilominus, quibus arguti aliquid sub læua papilla micat, conciones nostras, frendentibus licet Lutheranis Popis, palam adeunt, neque deest, quod obgannientibus ignauis canibus appositè referant, quo illorum os obducant; vt ea messis, quæ nunc hiberna in herba est, suam aliquando æstatem habitura videatur. Lecti sunt hoc anno manipuli ex tam infecundo agro non quidē plures, quàm priore, sed potioris notæ; nobilis siquidem matrona, ipsiusque filiæ aliquot, clarī nominis miles, Hussita celebris, & supra hos capita deinde quattuor, Prædicantium iras & minas susque deque habentes, alacriter in Petri cymbam concesserunt. Quæ verò ansa non superpetit in vrbe operæ in ciues conferendæ, tanto hæc luculentior in agro subministratur, ex circummissis oppidis pagisque, vnde terna hominum millia profecta; piæ peregrinationis nomine, ad Beatæ Mariæ Crupnensis, quattuor Sacerdotes nostros aliquando patrē obruerunt, tricenis licet Sacerdotibus extraneis suppetias ferentibus, cum toto ex illo ingenti agmine vix vllus esset, qui non aliquem ex nostris Confessarium sibi deposceret.

Duxo v r v m vocati sumus ab illustrissimo VVenceslao Popelio, in oppidum dirionis eius, ad fines Bœmiæ, versùs Misniam, vbi libentibus oppidanis

pidanis, & paganis oppido finitimis, ea omnia administrata munera, & erga omnes hominum ordines, quæ huiusmodi excursionum sunt propria, nec maiore nostra, quam illius populi totius voluptate, cui Dynastes ipse, coniux, & omnis omnino familia, illustri exemplo ad omnia pietatis officia præbat. SCHRECKENSTÆNIUM deinde, cum pestilenti aura campestris regio afflaretur, secessimus, in editam supra rupes arcem, ad Albin fluvium, ubi eadem pæne concionum, exercitationumque cæterarum munera, erga Dynastæ amplam familiam, atque in Duxovienſes oppidanos, observata sunt. Quæ disciplina ybi eò usque tenuerat, dum sua sponte currentes in pietatis stadio Dynastæ familiares, poterant ad tēpus suæ ipsorum tutelæ cōmitti, ac institutoris carere præsentiā in vicina montiū iuga degressi sunt ex arce nostri, suam quoque industriam siluestribus hominibus, cultura tantò egētoribus, cōmodaturi; ubi accidit peropportune, ut ad maximè volētes, & attētos de Fidei rudimentis, loco & auditoribus congruēs haberetur oratio, quattuor ex eo conuētu, prima tēratione, ad Ecclesiæ sinū redeuntibus. Ex illis iugis in plana camporum, & frequentissima incolis oppida descensum est etiam, sed longè vberiore laborum compendio; nam, apud Austenſes vulgatis sollempnibus Missionum nostrarum indulgentiis, incredibile dictu est, quibus lætitiis incesſerint Catholici, quamquam rari deinde ad earum fructum hauriendum Confessione se compararunt; non tam quòd plerique non vellent, quàm quòd

extra Pasca Confessionis mos eo loci nondum increbuerat, & longa eius rei desuetudo initij faciendi rusticanum pudorem plerisque omnibus inducebat. Ea tamen voluntatum propensio, qua publicè priuatimque nostri, eorumque habita verba ad populum excepta sunt, lucris etiam ingentibus est apponenda, quando in oppidanorum animis paratum est solum idoneæ deinceps culturæ inferendæ. Nam concionantibus nostris Hæretici frequentes sua sponte adfuerunt, & indicta magistratus imperio maximè sollemni omnium Ordinum, Tribuumque supplicatione, placando in pestilenti calamitate Numini, suam præsentiam Lutherani neutiquam illi subtraxerunt. His, eiusmodique aliis, & suorum excitatus emolumentis Popelius Dynastes, ordinariam suæ ditioni nostrorum Missionem à Præsidibus Societatis depoposcit, & obtinuit.

NOVODOMENSE COLLEGIVM.

QUATTUOR & quadraginta res suas, seque ipsos ad hæresin, velut ad tutissimū portum, appulerant, quos commonefactos imminentis inde naufragij, retrò ad Ecclesiæ fidam stationem reduximus; quo de numero censentur & primaria Virgo, & Prædicans factionis Vtraquisticæ, qui eodem tempore bene vivere, rectèque mori nobis auctoribus didicit. Hunc criminis cuiuspiam peractum reum indicat huius anni decimi tertij commentarius, nosque reuocat ad eius rei memoriam
ex pro-

ex proximo Annali refricandam; in cuius tamen anni Nouodomensibus capitibus nulla planè illius exstat vel Prædicantis vel criminis mentio. Compertum certè flagitij grauioris esse oportuit, cum cum sui pessimè habuerint ante supplicij diè, qui Prædicantium alioqui scelera dissimulare solent studiosè, atque ne, qua eorum fama in vulgus efferatur, omni cautione providere. Cui ergo capite luendum scirent, quod in leges admisisset, cum, suis sacris priùs exaugurandum Praga destinant ad summum Vtraquistici dogmatis Antistitem; ne qua scilicet labes ex hominis nefarij, non exaugurati, sanguine in suam sectam aspergeretur; atque uti hoc suo facto hebetis populi stolidam mentem infatuarent cumulatiùs, falso persuasi sacerdotium suis inesse Popis, quod eis illo ritu detraheretur, vindicatis interim ipsorum sacris turpiore ignominia. Eius porro execrationis sic habet ratio, ut in mystico fraterculorum conciliabulo, præsidente supremo Antistite, reus ex vinculis audiat coniecta in se acerbè ab obiurgantibus collegis probra omnium scelerum, quibus communes cum ipsis ordines turpissime inquinavit; eisque maledictis pro rei gravitate exaggeratis; velut deradendo penitus Ordinis characteri nuper impresso, concerpuntur publicè, quas Formatas vocant, litteræ, quibus eius olim eruditio, probitas, ordoque commendabantur. Hac igitur, Vtraquisticæ germanitatis stirpitis excindendæ nouacula velut desquamatum, delibratumque, suo gradu ac ministerio misellum Prædicantem,

suo exedrio, Pontificiaque curia, proturbant veteres Collegæ, Nouodomensem in carcerem denuo raptandū dedunt. Non aderant vincto sui ordinis & ritus Prædicantes, qui consolatoriam operam ægritudini leuandæ adhiberent; hās igitur partes Orco legatus Tartareus Popa sibi sumit, libertatemque captiuo, si se audire velit, pollicetur. Ea igitur siue familiaris solatij destitutio, siue præsentis exitij formido, & salutis alea, cū eius animum non leuiter affecisset, Sacerdoti de nostris in custodiam aduocato Cacodæmonis fraudem aperit, cuius mortiferas petitiones vti certius eludat, Sacri Agni postulat sibi amuletum; quo instructus Tartaream belluam ita enervauit, vt se illi præsentem sistere non auderet, sed procul ex abdito loco tumultus modò aliquid excitaret. Hoc aditu in eius animum patefacto, cū noster opportunè instaret, vt cuius summam vim ex re inter nos neutiquam primæ notæ, recens, & suo ingenti bono perspexisset, eius Fidei cæteras opes, numero & magnitudine singulares, & notitia & ipso vsu studeret sibi facere cum Catholicis communes; eum principio non valdè repugnātem habuit, ac paucis etiam diebus penitus consentientem. Quam in sententiam vt ne quo se metu, errore, aut necessitate adductum Prædicans apertè demonstraret, eius Fidei, palam, & sæpius quidem profitendæ, quam toto animo esset amplexus, nullam non occasionem studiosissimè arripuit. Eò etiam operam contulit, & ardentior quidem animo, vt i Nouodomenses ciues, qui se falsitatis doctore

Etore nuper à veritatis linea procul deerrassent, nunc se, salutarium dogmatum longè consultior-rem magistrū, audire, ac præeuntem sequi animū inducerent; quā in sententiam vt eos pertraheret, vernaculi sermonis eloquentia, qua eximia pollebat, elaborauit, quàm fieri poterat, vehemētissimè. Quo autē ductus est die, vbi ad patibulū ventum erat, audiente vniuersa ciuitate, ac peregrinis, qui numerosi confluxerant vndique, Catholicam fidem ex Tridentina formula perquā alacri fortique animo professus est, vt quot Romani ac Hæretici ritus aderant auditores, testes haberet totidem, suę, in Romana sententia tuenda ad extremum vsque spiritum, constantiæ. Cuius Fidei, eius in mente haud leuibus vestigiis consignatæ, illud fuit argumentum luculentissimum, quòd, expectando excipiendoque supplicio legibus imposito, æquitatem animi singularem, parēmque fortitudinem prætulit continenter.

A N N O altero tribus ac viginti Nouodomen-
sibus vel heresin vel Sacri Calicis vsum dissuasimus;
mulierem Iudæam Christianis institutionibus ad
Baptismi sacra comparauimus; eius prolem, ipsa
cupiente, salutaribus aquis imbuimus; tertio ab
vrbe milliari, Hussitæi ritus oppidum adiuimus,
vocalu Dynastæ illius loci, concionibus, cætera-
que Catholica cultura imbuendum, vbi pretium
operæ non leue habitum est, vt septena capita ci-
uium ad Christi sacrum epulum inducerentur, bi-
naque ex iis Sacro Calice abstinerent, quod in ea
gente sit planè prodigio simile. Monumentum

suæ impietatis Hæretici parietibus ædis sacræ inscripserant, hoc est, eius dici memoriam, quo se Papisticis, ut loquuntur, exsoluerant sacris, quo suo facinore, ut omnium honoratissimo triumpho impensius gloriabantur; quam felicitatem ut sibi perpetuam à Deo precabantur, ita Papisticum ritum, & Papam diris omnibus deuuebant, siquando quis animum adiiceret Romano ritui apud se instaurando. Fœdum illud Hærescos, sacrilegia sua prædicantis, elogium noster Dynastæ significauit obliterandum esse, ubicumque tandem fuisset exaratum; sed ex eo maximè loco, unde ipsi etiam Deo Hæresis insultaret: Dynasta, ut Patrem audierat, confestim sacrilegam tabulam abolendam curauit.

LABACENSE COLLEGIVM.

VT ciuibus fructuosissima, ita Labacensi Episcopo iucundissima cum esset nostrorū omnis opera; quò pluribus prodessemus, nos bis priore anno vocauit Oberburgum, ad totius regionis promiscuā multitudinē, festis Assumptæ ac Nascantis Virginis confluentem, concionibus, & Pœnitentiæ Sacramento excolendam. Ad quaterna hominū millia, cupidissimas aures concionanti præbentia, dictum est de hominis Christiani officio tam utiliter, ut omnis concio mox ad Confessionariorū genua conuolaret, ut iis audiendis frequentium Sacerdotum opera, duobus pæne diebus, & interiecta eis nocte, continuanda fuerit. In ipsa
porro

porro vrbe, ciuium frequentia ad Sacra, & con-
 uersiones commodius laxiusque accipiendæ, amplio-
 ris templi fundamenta iecimus, cuius determi-
 nandis finibus, sacrandaque area, Labacensis An-
 tistes, plunio quantumvis cælo, aliquas horas
 summa religione consumsit, Ferdinãdus verò hu-
 ius Collegij conditor, cum sui copiam facere non
 posset, inscripto lapidi demittendo suas vices Si-
 cicensi Abbati delegauit.

POSTERIOR amicus familiam Labacensem
 triplici multauit funere, ac earum quidem opera-
 rum, quæ gerendis rebus vtilis iam fuerant, vti-
 lioresque deinde sperabantur. Martino Feldkir-
 chen, Morauo, Adiutori familiarium rerum, duos
 & triginta nato annos, nouem in Societate versan-
 ti, felicissimi exitus prima sors obtigit, cum eum
 ex continenti & immodico labore permolesta
 corripuisset Pleuritis, eamque mortiferam ipse
 contiecisset, omniumque id primùm prouidisset,
 ut semel, iterumque vniuersam vitam ad Sacer-
 dotis aures excuteret: contraque medicorum sen-
 tentiam cætera adhiberet Sacramenta, non mul-
 tò post vitæ in strenuis laboribus religiosè ac for-
 titer exercitæ præmia percepturus excessit. Septi-
 mo ab huius occasu die Andreas Lanscha, Laba-
 censis, ætatis quarto & vicesimo, tertio Societa-
 tis initæ, Pleuritide quoque absumtus, ab docen-
 di vltima in schola, & viuendi munere absolutus
 est, paucis annis religiosissimi certaminis glorio-
 sum, & virtutum palmis celeberrimum stadium
 emensus. Patre autem Eustachio Tunzlero quod

per idem ferè tempus orbatì sumus, tanto eius de-
cessus visus est Collegij, Prouinciæque rebus alic-
nior ; quòd ipsius erant eximiæ , supra vulgarem
notam , indolis , ingenij , eruditionis , Religiosi-
que moris dotes , præstasque cum ab natura, cum
ab arte mortalium animos conciliandi , quoque
res exigeret , pelliciendi facultas. Vixerat annum
quintum & tricesimum , inter Socios decimum
sextum, in Istria natus, cuius ad cæteram eruditio-
nem , & trium principum linguarum notitiam, ce-
lebriora etiam Europæi generis idiomata corolla-
rij loco accesserant ; vt priuatim publiceque di-
cèdi vtilibus de rebus expedita semper copia sup-
peteret, ingenti audientium emolumento. Magna
spe illustrium rerum olim gerendarum Istricam
Missionem attigerat, vnde affectû permolesta fe-
bri corpus retulit, iam debilitatum longiore alio,
perdifficileque itinere , cum Praga huc contendis-
set : vt morbi violentia fractas vires tametsi fortis
animus ad destinatos labores integrare niteretur,
illæ in ipso conatu hominem deficerent, ac, studio
nobilium coronarum præclarè currentem , in me-
diò stadio exstinguerent. Vt quinque à pertinacia
hæresis tuendæ profitendæque demoueremus, non
segniter desudandum fuit ; quòd genus prædæ his
locis eiusmodi est, vt propemodum æquare possit
iusti triumphì materiam. Sed in Hæreticis tamen
consentur nonnulli, tametsi sententia & ritu à no-
bis longissimè discrepantes, qui voluntate , ac be-
neficientiæ studio nequaquam alieni esse velint;
nam copiosa ex eo genere familia , integèdis tem-
pli

li nostri geminis turribus, æris Cyprij maximam
rim nobis liberaliter subministravit, accessio-
is loco adiunctis centum & quadraginta Taleris,
ad eandem ædem pleniore ornatu instruendam.

P L E T R I A C I hoc biennio toto Lutheranis
Societatem renuntiaverunt octo, quorum vnus, ge-
nere nobilis, & opulentia clarissimus, condonan-
tibus nostris, vt principio Catholica Sacra priua-
tim adiret, tam gratiam, vt sua conditione indi-
gnam, aspernatus est, professus veri patris fami-
liæ partes in rectè factorum exemplo potius, quàm
in potestate ac imperio esse positas; quatinobrem
vt ne iis obefferet dissimulando, quibus omni sua a-
ctione prodesse deberet, luce palam quæcumque
Catholici hominis essent munera, in cõmuni æde
resurpaturum. Altero anno huius biennij decessit
Georgius Bartolich, Slaui, domesticæ rei nauus
curator, duodequingagenarius, vndeuiginti sti-
pendiorum in Societate, quem Ariani Claudio-
politana Transsiluanix clade securi contusum, ru-
ptis duabus in pectore costis, semianimem reli-
querant, qua ex carnificina, quod reliquum ei vi-
tæ, ac diuturnæ quidem fuit, in perpetuis crucia-
tibus transactum est, in quibus eximia Christianæ
tolerantiæ, cæterarumque virtutum documenta
perpetuò edidit.

CLAGENFVRTENSE COLLEGIVM

L V T H E R A N A causa videnos senos erroris
sui adstipulatores anno priore amisit, quo de
grege

grege vnum sua vxor tricesimo ab hinc anno in baratrum impietatis secum detruferat, ex quo ipsa deinde cū salua emerisset, non destitit virum reuocare, quem præcipitarat, dum illum quoque in salutis portum assereret. In multo ciuium torpore, singularis Scholasticæ iuuentutis, frequenti eximiaque nobilitate florentis, emicat feruor tanto ardentius, quanto eis impensior adhibetur cura, Numinisque solet in hoc genere liberalitas esse cumulator. Et verò Ferdinandus Princeps, cū nos inuiseret, hanc Deo ac Religioni, sibi-que, tantum nobilium adolescentium numerum, tamque compositos ipsorū mores gratulatus est.

ALTE R annus manubiis ex Lutherano exercitu opulentior discessit quadragenis militibus ipsorum ex acie, iusto certamine, detractis, & quidem virgine ac viro nonagenariis vtrisque, nihil vt esset ampliùs, cur transitionem differrent, isto præsertim & animi & corporis orbo luminibus.

E B E R N D O F F E N S I S S E D E S.

C A R I N T H I Æ, Stiria, finitimarūmq; prouinciarum oppida & pagos, seu Labacensis, seu Bambergensis, ac Seccouiensis Episcoporū iurisdictioni obnoxios, Sacerdotes suæ Probationis trienniū exsoluentes, per eam silentij & quietis opportunitatem lustrare aggressi sunt, eisque populis, vel Lutherana labe turpiter inquinatis, animorū maxima subsidia importarunt. Expeditionum prima suscepta est Pleiburgū oppidum versùs, & in agrū oppido finitimū, quò Labacensis Antistitis litteræ,

in cuius ditione ille tractus est totus, quoniā erant
integressæ, nobis aduenientibus, apud Parochos &
vicarios prona cedebant omnia; indeque sequeba-
tur plebis ad officiū Christianum adducendæ sum-
ma facilitas. Nobilitatem principio minùs æquam
expertī sumus, ab alienatis nō nihil ipsorum animis
timore quodam aduerso maleuolorum, non eius
populi salutē, sed commodam sedē nostrorum co-
loniæ quæri, vulgantium; destinatā scilicet esse illā
potius oræ lustrationem, priuatorum explorandis
optimis prædiis, quorum possessionem ambiremus;
sed cam calumniā facilè discussit nostrorum breui
perspecta innocentia. Vbi autem publicè constitit,
eam inuidorum fuisse criminationem, cleri, no-
bilitatis, ac plebis vniuersæ animus, tūm se in nos
calam effudit maxima significatione beneuolētię,
nemoque fuit de numerosissimo populo, qui no-
strum aduentum sibi, vt maximè salutarem, non
ratularetur; vt præter Catholicos, omni genere
ælestium auxiliorum, duobus oppidis, pagis plu-
ribus egregiè curatos, quattuor etiam Lutherani
ab hæretica labe sanarentur. Ab istis ritè procura-
tis translata est opera in frequens incolis oppidum
Carinthiæ Feldkirchium, ac eiusdem agrum, Bam-
bergensis diœcesis, indequē in quaterna Stiria op-
pida grandiora, in Seccouienſi diœcesi, pari, ac ma-
iore quoque oppidanorum compendio, vtroque
Antistite per se ac suos nostrorum laboribus amā-
tissimè obsecundante; vbi ad cæteræ messis ingen-
tes æceruos, ille quoque accessit cumulus vnius
ac viginti Hæreticorum, Luthero ac Ministris eius
suas

suas res habere iubentium. Ab his oppidis in aliud *Sanctum Vitum* appellant, cum demigrassemus, seuerius à Parocho ac ciuibus accepti, non nisi pro ara dicturi ad plebem admittimur, & quidem circumscripta dictione intra breues quadrantis angustias; sed felicior nobis, populoque iucundior & fructuosior, cecidit ea conciuncula, quam Curio futurum credidisset; vt ad eius dictionis audas plebis aures, & primariorum deinde ciuium, ac Senatorum denique, crebrius iteranda fuerint conciones, adiunctis reliquis nostræ consuetudinis functionibus, tota confluente ad nos ciuitate. Cum ad Hæreticorum conuincendos errores publicè aut priuatim conuersa esset opera, omnium pugnacissimè nobis obstitibat coniuratus feminarum globus, sacramento sæpius iterato adactus à factionis principibus caput obstringere, ab Luthero nullius se imperio vel auctoritate discessurum; singulis funestissimas sibi diras imprecationibus, si admati dogmatis eiurandi principes unquam existeret; vt palmaris victoriæ loco fuerit, quod res illas ex coniuratione potuerimus diuellere. Audaciores in scelere faciebat, obstinationesque, contumacis sua sponte ingenij mulieres, sacerdotum nonnullorum sacrilega perfidia, quorum flagitiosissimi mores ad omnem impietatem aperirent facillimum aditum, vti pecunia redempti à feminis, vtramque ipsis Eucharistiæ speciem clamculum porrigerent, Celebrari Virginum Cœnobio nostri, Sancto Vito digressi, appropinquabant, cum eius loci seu de Clero, seu de Populo curatores omnes, aut ædibus

bus suis tenere se, aut aliò dilabi cœperunt, Curi-
o etiam morbo decumbere, cunctis inani ter-
rore percussis, venire nostros Pontificiis, Regiis-
que instructos diplomatibus, quibus eius regio-
nis Sacerdotalia quæcumque prædia Societati at-
tribuebantur; quo eodem meru percita Monaste-
rij Antistita, hortatoribus maximè Sacerdotibus,
nostros aditu prohibendos statuit. Ei mulieri sic
animo affectæ, cum error auelli coram non posset,
aliò deuertentes Socij ad tempus, litteris procul
ad eam datis, rationem suarum expeditionum sic
aperuerunt, ac probarunt, vt quos auersata esset,
mox expeteret cupidissimè; quibus ex intervallo
redeuntibus, illa Virgines omnes, ac se ipsam sa-
cris institutionibus excolendam permisit, toros
septem dies, de Monastica disciplina quotidie ver-
ba facientibus nostris ad vniuersum Cœnobium,
singulisque priuato congressu necessaria præcepta
suggerentibus. Vna dumtaxat Virginum excepta,
reliquæ omnes, iteratis à prima pueritia Confes-
sionibus, recoluerunt apud nostrum quidquid vni-
quam se admisisse meminerant, intimo pietatis
sensu; inter quos animi motus, vberesque lacry-
mas, profitebantur vniuersæ illos se dies in sum-
mis suis bonis ducere, cum tam salutari nostro-
rum opera fruerentur, quos vt Angelos sibi de ex-
lo missos suspicerent. Hoc etiam gratior noster
aduentus Virginibus omnibus obtrigerat, quod,
auctore Deo, ipsarumque annuente votis, nos ed
destinatos arbitrarentur; cui supplices sæpè nume-
ro se fuisse meminissent, vti Sacerdotem de So-
cietate

cierate ad se aliquando allegaret, cuius piaculati bene vsæ opera, pacem Superum impetrarent, quietemque animo, ac salutem sibi deinceps assererent. Villacum Carinthiæ oppidum, Hæretici nominis nuper asylum, seditiosorum arcem, ac noui ritus augustissimum sanum, Bambergensis Episcopus, illius oræ Dynasta, duplici iam clade per immissum exercitum afflixerat, vt contumaces ciues, quâ rationibus, quâ ærumnis ad Catholicorum partes inflecteret; tertiâque calamitatem in scelere obduratis minabatur; cum eò nostri sese appulerunt; vt consuetudine impietatis Hæreticæ occalescentibus Villacensium animis, & cladium exasperatis memoria; vix vlla spes melioris frugis inde affulgeret. Coniuratorum mulierum eius generis, cuiusmodi modò significabamus, tanta erat peruicaciâ, procacitas, & pœnarum à Principe imminentium aspernatio, vt eius sexus contumaciâ & ferocitas satis animorum facere videretur Hæreticæ factioni, ad omnes eludendos conatus Antistitis. Ea verò Catholicorum manus, quæ ab Hæreticis diuulsa, paullo antè coaluerat, Principis reuerentia; & multæ metu potius, quàm Religionis studio; haud multò sanior vel sententia, vel moribus erat eâ parte, vnde antè descuerat. Quod autem minùs erga nos afficerentur, incertis auctoribus rumor increbuerat, Iesuitarum omnem esse tetricam, asperam, inclementem, ac superstitiosam rationem agendi, qui hominum mentes acerbissimis scrupulis enecarent, & crudelissimamque exercerent animorum

carnificinam. Sua igitur sponte Villacenses iam auersi ab nostro more, his sermonibus sic alienati sunt, vt suas functiones nostris obeuntibus in sacra æde, mira esset ab oppidanis solitudo; vt nisi singularis quædam nostrorum industria exacerbatis mentibus deliniendis succurreret, summis-
sisque à Principe vir pius ac potens, Aerarij Tribunus, sollemnem strenuamque operam promouendo negotio contulisset, vacuis omni manipulo nobis ab illo agro redcundum foret. Sed post aliquantum temporis, non vulgari arte ad conciliandos ciues adhibita, incredibilis facta est animorum conuersio, nullum vt argumentum testificandæ beneuolentiæ ac venerationis erga Socios à Villacensibus vsquam omitteretur, & mox conciones tota hebdomade auditoribus frequentissimæ, catecheses puerorum globis numerosissimæ, ac discendi studio flagrantissimæ obseruarentur. Confessionum, ante illud tempus, apud oppidanos vicinosque finitimos rara erat mentio, vsus etiam infrequentior; quo de argumento cum accuratè nostri pro concione differerent, audiebantur tota e de gemitus testes impensi doloris animo concepti, vnde sequebatur acris noxarum in vniuersam vitam inquisitio, quam confestim exciperet diligentissimum studium Catholico more consistendi; quo in munere versati sunt quadruplo, aut quintuplo etiam plures, quàm solerent. Hæretici dogmatis nouitas, diuersaque ab Catholicis institutis sententia, nonnullorum animis ita lenocinabatur, vt in summis suis bonis ducerent hanc suam exi-

stimationem de Fidei capitibus singulariter sentiendi, & vt interpretabantur maximam gloriam. Tam inani, tamque pestilenti ambitionis vento sufflatae mentes cum sibi curandas sumfissent nostri, patefacto ambitiosae opinionis errore, quasi putridi abscessus in tumore immisso scalpello, illam stolidae inanitatis vesicam momento difflarunt, & quattuor supra sexaginta de illo vesano conciliabulo ad Catholicae demissionis saniora consilia, velut in quietum portum, subduxerunt: ducentenos ac tricenos, qui haeresi occultae speciosum Catholicorum nomen simulationemque praetenderent, ad Fidem glorioso nomini consentientem pertraxerunt. Ad illam porro disciplinam, quae inducebatur ex Ecclesiae praecipis ac ritibus, accessit & alia ex legum seueritate aduersus quosdam refractarios, nequaquam levis momenti ad compescendam peccati licentiam, indicta grauiore multa vetitos cibos venales habentibus, & usurpantibus; cuius noxae rei Senatores quattuor, praeter ceteram animaduersionem, Senatu quoque moti sunt; aliquot alij eodem nomine octingentorum Florenorum poena multati; vt vel hoc suppliciorum terrore inuitis conciliaretur mentis sanitas. Minister sex & quinquaginta natus annos, triginta ipsos magistrum erroris professus, octauum ab hinc de Catholico dogmate cogitarat, commotus lectione orthodoxi codicis; cuius veritatem dum studiosius examinat, adhibita collatione Calviniani commentarii, eodem argumento scripti, eo demum ex ea veri explorandi palestra est delapsus, vt si

fus, ut si sanus esse vellet, sublata Fidei memoria, putaret sibi credendum esse nihil. Hunc deinde nostrorum auditæ conciones incitarunt, ut ab eis quædam de Fide percontaretur frequentius, quibus in congressibus errata sua edoctus planissimè, post discussam falsitatem Calvinici codicis, qui dogma illud insanum Bellarmini auctoritatibus constitui iactaret; multis lacrymis suam infelicitatem lamentatus, quod pridem in tam peritum, planumque doctorem non incidisset, nostro Sacerdoti se penitus regendum multa canitiæ senex, & in Catholicorum corpus adoptandum, serò licet, tradidit. Quod suum bonum cum vxore participandum cum censuisset, illa & nostrorum, & viri auctoritate se permoueri passa est, subsequutura pòst paullò viri exemplum; de cuius instituto ut fama dissipari cœpit, tota ex Carinthia concurrere spectatores, quibus impensè deſpirantibus Sanctioris Hebdomadæ feria quinta, luce palā, sacra in aede perpetuū Anathema hæresi pronūciat, tamque fortis propugnator Catholici ritus nunc perseverat, quàm impudens nuper fuit assertor Hæretici dogmatis. Hac veluti erroris colūna, & firmissima quidem, feliciter deiecta, Bambergensis Episcopus, uti certè debuit, maximoperè latatus est; tam celebri nimirum Prædicante nostras in partes traducto, ac illo etiam non ignobilis Prædicantis filio, dubium nemini esse potuit, quin ad hæresim profligandam planissima inde via sterneretur. Hunc igitur semel iterumque accersitum omni genere comitatis ac beneuolentiæ prosecutus, ultro ei detulit, quod

postulaturum nosset : quamque non peteret, frumentariam annonam bene amplam, perpetuamque ipsi liberaliter attribuit. Acerba quidem fuit labes, transitione huius Prædicantis, aduersariorum illata partibus; sed plaga neutiquam leuiore causam eorum multauit nobilibus maioribus orta matrona, de illa coniurata sodalitate indigenarum mulierum, quam noster procaciorem in congressu expertus, placidè monuit, vt seposito pertinaciæ consilio, de non adhibenda passim, & à quolibet vtraque Eucharistiæ specie, in templo se disputantem audiret. Vbi eius argumenti concionem excepisset, cùm multis lacrymis ad nostrum adiit, professæ suæ obstinationi cumulatissimè satis factum esse, vt stipitem se dici oportuerit, nisi tanta vis, luxque rationum errorem ab se omnem depelleret; quamobrem, nihil se tergiuersari, sed in Catholicorum cœtum cupidissimè transire; seque ad id impelli diuino quodam oraculo. Nam pridie quàm nostri suas in ædes venissent, candidissimas duas columbas in quiete sibi obuersatas, quas suis manibus cepisset; se verò interpretari columbarum specie nostros designatos, qui se coruino atrore nigriorem dealbaturi essent, & Christo sponsam copulaturi. Ea de muliere vbi ad fœderatum nuper ipsi agmen illud muliebri vulgi sermonibus allatum est, in eius ædes prouolant, furiarum instar, de conuentu insanissimæ quæque, ac in eam dicunt, & moliuntur, quæ impotentissimè bacchâtium furor suaderet. Quibus illa paucis, ac sedato animo in hæc verba retulit; *Quin*
VOS,

vos, sorores, eandem mox initis viam, quam ego prima ingressa sum, vti vobis sequentibus præmunirem? An non satius è probi Sacerdotis manu, cuius integri mores cum sana doctrina consentiant, Christum ipsum sumere, quàm Vtriusque Speciei vmbra nescio quàm ab nefario Prædicante? Nam quid attinet dicere, qua sint religione vestri Prædicantes, quos minimè pudeat, non suppetentibus hostiis, decisos cruda ex rapa orbis corporis Christi loco porrigere Eucharistiam cupientibus: quod ipsi tibi, (vnam certam eo de cœtu alloquebatur) ante biennium memini accidisse. Generoso quidem responso pia matrona tumorem furiosarum Manadum contuderat, non molliuerat tamè peruicaces animos imitandi exempli datum salubre consilium; sed interpositæ ab Episcopo Bambergensi seueriores imminetium pœnarum minæ, quantumuis refractarias mentes, ad officij iusta compulerunt. Expeditionis autem nostræ cùm terminus instaret, & profectiorem adornaremus, adfuerunt de Magistratuum decuriis clarissimi quique, vniuersæ ciuitatis nomine, cum amplissimis muneribus, quæ magnopere admitti cuperem; publicè item scripta, exsignatâque accedebat auctoritas, omnium Societatis munerum rectè atque ex ordine à nostris administratorum, additis magna beneuolentiæ significatione, illustribus eorum elogiis. Testimonio suæ integritatis admissio, nostri cætera modestè remiserunt, morem Societatis mirantibus ciuibus, & abstinentiam donorum prædicantibus; qua moderatione ampliùs etiam

nobis conciliatos prohibere nequaquam potuerunt Patres, quin iidem Magistratus, adiuncta reliquorum ciuium turma, honoris gratia procul vrbe se discedentes affectarentur. Roma per eos redierat dies Bambergensis Antistes, Cæsaris missu legatione functus, cuius mirum est quanta lætitia perfuderit animum nunciata res Bambergensis longè lætior, quàm mente olim præceperat, ut agendarum Patribus gratiarum finem nullum faceret, quos perhonorificè semper habitos, ea etià veneratione dignatus est, ut vltimo digressu, ad eius pedes cùm se abicerent, pacem postulaturi, procumberet ipse quoque in genua, peramanterque amplexatus oscularetur. Eodem porro cùm reditum esset à nostris, atque illius plagæ Rectori, Vicedominum appellant, insedisset consilium hæreseos ab vrbe penitus exterminandæ, adnitentibus suo more nostris, Rectore autem in contumaces exsilij pœnas seueriùs infligente, sumto initio à principibus matronis, nobilium virorum coniugibus, obstinatissima peruicacia hæresin tuentibus, cœpere ipsi etiam refractarij nostros interpellare, ut ipsorum disciplina Catholicis præceptis imbuerentur; quibus vesanum ritum ciurantibus, illæ quoque damnati fœderis auctores matronæ resipiscerent, atque omnis reliqua fæx hæreseos detergeretur.

V V O L F F S P E R G A oppidum amplissimarum Satrapiarum caput, Bambergensis quoque Antistitis ditione continetur, frequens olim Episcoporum sedes, in Lauantina Carinthiæ valle amœnissima

suma vberrimaque, stationem Hæreticis acceptissimam olim præbuerat, diutiùsque erat præbitura, nisi Princeps, Ferdinandus decimo sexto ab hinc anno, tenebrionum impiam legionem inde flammis abegisset. Sed insigni nequitia Parochi, quos inter Sacerdos pater filiusque, perditissimis vterque moribus, alter alteri suffectus, cum deprauatam aliunde plebem regendam suscepissent, rudibus ab Christiana institutione ciuibus magistros se atque auctores ad omne flagitium obtruserunt, quorum scelere factum est, vt oppidani Catholici exiguo postea discrimine ab Mahometanis distinguerentur. Eam vineam nostri frequenter sibi per litteras excolendâ depoposcerant, impetratum tamē nihil erat ab iis, quorum maxime intererat, suas operas in eam culturam diligenter conferre, alienas non prohibere, sed potius aduocare. Quamobrem eò cum adiissemus, & seriò commonefaceremus Parochum, vti ne adspernaretur homines, suam in tanti momenti negotio deferentes industriam, de ipsius auctoritate ac iure nihil decerpturâ, expressimus denique quod cupieramus, triduumque publico abstinentes, dum deliberamus vnde simus initium facturi operæ in ciues conferendæ; quo triduo suspensa consiliorum nostrorum expectatione ciuitas mirificos de nobis, & summa varietate, sermones habuit. Ea tandem sententia placuit, vt ab concione illius agri colendi exordium caperemus, cuius ea frequentia fuit, quam laxissimi templi spatia non complecterentur, quocumque seu discendi, seu explorandi studiosa tūc duceretur;

tur; quod studium si minus liberale fuit initio, ceterè postea in bonum vertit, nam eadem celebritatis ratio festis diebus perseverauit; ut ne autem profestis diebus paucitate auditorum esset in æde solitudo, quæ iure timebatur, Magistratus sedulitas diligenter prohibuit. Assiduitate deinde catecheson & concionum, cum paucis diebus vehementius incaluisset ciuitatis animi, accensis studiis vulgò itum est in crebræ Confessionis, & Eucharistiæ usurpationem, inter quæ pietatis officia vberibus lacrymis obeunda, non sibi temperabant ciues, quin amoris quodam æstu ruerent in colla Patrum nostrorum, quos peramanter amplexantes, suæ secundum Deum, auctores salutis appellabant. Quod prodigij loco fuit in tanta morum corruptela, de illo populo terna millia, iis iniitiis, sacram Pœnitentiæ tabulam inscendentes, ex animorum naufragio emerferunt; ducenteni tricenique ab hæreseon scopulis in tutam Ecclesiæ stationem enauigarunt. Eò corruptæ vitæ licentia euaserat, etiam inter Sacerdotes, ut eorum vnus, super sacerdotium Parochus, sociam tori haberet publicè, atque ex ea liberos, cui, ut Curialium matronarum principi, dignum tam augusta prærogatiua duxerat ipse Curio Maximus, peculiarem sellam, ab turba muliebri secretam, in æde collocare. Hic verò, quasi de Aaronis stirpe aliquis inter Israëlites nepotes, Sacerdoti nostro per familiaria colloquia sacrilegum eius concubinitum obliquè perstringenti, non est veritus Sacerdotalis castimoniam religionem contumaci risu eleuare;

nare; Canonum eas nuptias vetantium auctoritatem, quasi desuetudine abolitā, minuere; exemplo viri primarij de Clero, qui Romæ sibi factā coniugis potestatem, ritu Græco, assereret, suum factū liberius tueri; matrisque familiæ societate Sacerdoti, rustica prædīa possidenti, necessariam affirmare. Postea verò quā noster omnem eius cauillationem rationibus dissiparat, seuerèque suis officij admonuerat, crimen agnouit, cōcubinam procul ablegauit, & sobolem; & noster vtriusque, saluari piaculo Confessionis procurati, rationes in posterum constituit, vti sine noxā & offensione ciuium viuerent. Lutherana virgo, cū Principis edicto sectarij ad Ecclesiæ Sacra adigerentur, Catholicam simulans cælestis agni epulis accubuit, exceptamque ibi hostiam, ex ore in chartam demisit, madefactamque conserpsit in minutas portiones, Catholico deinde nupta viro, factum suū ei aperuit, & chartam tradidit. Vir ratus haud satis tutum committere huiusmodi rem Sacerdotibus, qui tū aderant, parum prudentibus, minusque religiosis, sacrum thesaurum apud se reuerenter habuit, posteaque in nostrorum fide ac manu deposuit, quibus omni cura integritatē sacri depositi explorantibus, post vicefimum annum ab admisso sacrilegio, sacri pignoris omnes portiuuncule deprehensæ sunt tabis expertes. In Venetiam quoque penetratum est, decimam olim Italiæ regionem, Hadriatico imminentem mari, *Taruisanam Marcham* nunc vocant, ab Taruisanis montibus, ac principe oppido Taruisia, in quo & aliis tribus

quattuorve, quidquid Hæretici nominis residuum fuit, quinquagena ferè capita Lutheranam perfidiam dedocta sunt.

GLACIENSE COLLEGIVM.

AN NIS, inuauetudine, sed ante omnia meritis rectè factorum grauis, Antonius Catana, Formatus Coadiutor, anno priore ineunte ab hac Familia in cælitum societatem demigravit. Discipulorum prouehendis ad altiores facultates ingeniis, Rhetoricæ schola cæteris adiuncta est; dictūque ab adolescentibus in funebri pompa Christi demortui tam appositè ac efficienter ad dolorem simul & amorem conciendum, vt ipsi Hæretici dictionem omnem excipientes auidè palam profiterentur, nihil eiusmodi piorum affectuum erga Seruatorem Christum ab suis solere commoueri. Qui Prouinciæ cum imperio præest, gentis præcipuo vocabulo *Capitaneus*, tametsi ab ritu Catholico alienus, nullum erga Socios Glacienses beneuolentiæ, ac benefactorum genus prætermittit, de quæ Catholicorum publico ita benemereri solet, vt Magistratus de ipsorum corpore Hæreticis Magistratibus libenter substituat. Hac gratiæ ipsius obsecundante aura Catholicis rebus felicem navigationem polliceri nobis possumus, facilioremque Lutheranæ sectæ nostras in partes transitionem, vnde Romano gregi decem & septem accefferunt priore anno, posteriore sex dumtaxat; sed non vulgare tamen pretium operæ, cura Prædicantium

cantium exedriis circumfideamur vndique. Fundum nostrum Collegio continens vi vsurpabat multos annos nescio quis, cuius demortui hæres re aliena spontè cùm decessisset, destinatas pridem eo in prædio scholas exædificare cœpimus; in eamque fabricam Carolus Austrius, Vratislauiensis Episcopus, trecētenos annuos Florenos, donec imponatur operi fastigium, liberaliter attribuit; Hæreticis quoque studio & fauore id ædificium promouentibus in scholasticæ nostræ disciplinæ gratiam, quam nobis magnopere gratulantur.

Nissæ duo Socij apud Carolum Austrium, Vratislauensem Antistitē, in Aula; duo in ipsa vrbe, solo sanequàm difficili vtiles posuerunt operas, duodeuiginti Lutherò subductis asseclis; quodque non minoris sit negotij, tricenis ab Sacri Calicis vsu retractis: nam qui se ab eo sinant auelli, haud leuioris culpæ apud suos rei fiunt, quàm vt morte digni censeantur; adeò sibi persequendos eos ferro putant, è templo egredientes, si quid tale commiserint.

RATISBORIENSI Missioni ansam præbuit sceleratus Curio, ex Lutherana disciplina, in ganeis & lustris clamculum educatus, cuius clandestinis institutionibus trecenta ciuium capita Lutherū egregiè combiberant, antea in oppido incognitum; quibus tandem patefactis, audaciæ tantum insedit, vt Silesiis indultam facultatem Lutherani dogmatis assumēdi, rem in hac vrbe prorsus inauditam, suo velati iurē sibi deposcendam putarent. Eò igitur adiocati quidam de nostris ab
Vratif-

Vratiflauienſi antiſtite, Carolo Auſtriaco, Auguſtanæ Confeſſionis recens exortam luem, & Vtriuſque ſpeciei veteres quosdam propugnatores, confutandos aggreſſi, Deum ſuæ doctrinæ adſtipulatorem, vrbiſ verò Senatum indiſtriæ fortem adiutorem experti, aduerſariorum partes haud modica labe affecerunt. Cum enim ſectarij ſibi ſuffiſſent, vt Hæreticum Prædicantem repugnantiſſimis Catholicis in urbem inducerent ipſo Pentecoſtes die, Senatus edicto portis triduum occluſis, ciues interdium nocturne in armis fuere, nec mediocriter Hæreticam compreſſere audaciâ; quam pæne fregit, aliud deinde Senatus decretum, noſtris auctoribus factum, vti ciues per ſuas tribus in curiam euocati, auitæ fidei tuendæ ſacramento adigerentur; quibus adactis, trecentorum Auguſtana illa manus mox ad ſexaginta rediit. Tertium quoque illud à prudente pioque Senatu acceſſit Romanæ Fidei præſidium, vt veterum vrbiſ prærogatiuarum, Cæſareo diplomate accerſito, inſtauraretur viſ & auctoritas, quarum vnum caput eſt, vt nemo Hæreticus, nec Vtriuſque Speciei ſectator, ciuium numero cenſeatur: quibus ſubſidiis firmata Religione, aduerſarum partium vires animique conciderunt. Prodigiorum verò quoddam ab Deo proſectum genus terruit Hæreticos, Catholicos in ſuo ritu magnopere affirmavit. Maioris leiunij primo Dominico die, noſter pro Concione quaſtionem de non attingendis vetitis opſoniis agitarat acriter, quo ipſo die primaria matrona, æternæ Lutheri memoriæ pollucibiliter opſonatura, lanienâ

lanienā suis ipsa manibus instituerat domi, multæ bubulæ ac vitulinæ dissecandæ ampla imminuens securi, quasi eodem ferro Catholicā abstinentiam, Prophetæ suo victimam, iugularet, concionatorisque argumenta conuelleret; cū securim molienti desubitò brachium dirigit, conantique nihilo fecius, quod destinarat, exirequi, epilepticus mox affectus toto insedit corpore, qui atrociter vexatam biduo confecit. Alio die noster Lutheranæ cœnæ ineptias, & insulsam commentationem populo explicabat tam apertè, ut qui aderant eius affectatores complures, impatientia illatæ mysterioris suis ignominia, de concione palam se subducerent, ut feruido iure aspersi canes; quorum duo maximè ubi concionatorem fœdissimis probbris tota vrbe laccrauerant, fortè sibi obuium in publico, quemadmodum in proximum profluentem demergerent, funesta ipsi consilia ita inter se agitarunt, ut facinus decernerent. Sed nocentes ultor Deus à tergo sequitur; eodem certè momēto uterque ardentissima & letali correptus febri, paucis diebus, nullo concepto noxarum dolore, infelicissimo casu interiit, quorum alteri morienti sedulam operam noster, sed irritam præsens detulit.

ZAGRABIENSE COLLEGIUM.

DE C I S V M de huius Familiæ corpore membrum robustissimum, utilissimūque, cæterarum partium vires haud mediocriter imminuit;
Pater

Pater scilicet Ioannes Missenouicz, ob eximia virtutum decora ciuitati vniuersæ iucundissimus, fructuosissimusque, Societati nostræ perhonorificus; quod eum prouexerat Diuini honoris flagrantissimū studium, & nō minùs incensa salutis animorū sollicitudo. Quantus verò æstus amoris erga Deum atque homines ardēbat in hominis pectore, tantū fortitudinis ad profligandas quantumuis arduas prouincias, eadem caritatis illa flāma subministrabat, vt quæ facinora ingentis cuiusdam difficultatis formidine alij exhorrescerent, ipse arriperet cupidè, inuictoque animo vnus exsolueret. Diuinę gloriæ perpetuò sollicitum animum, & in assidua quadam venandorum animorum indagine defixū, nulli hostium, tota licet regione grassantium, terrores vmq̃a prohibere potuerunt nocturna æquē & diurna peregrinatione, locis etiā formidolosis continenter obeunda. Concionantis ex ore velut igniti globi, ex intimi pectoris ardenti quadam fornace prompti, tanto impetu ferebantur in audientium animos, vt eo dicente auditor, odio sui, & Numinis succensus amore, totus æstuaret. Ei mortuo tota ciuitas piis votis lacrymisque officiosissimè parentauit; funus quàm amantissimè ac honorificētissimè prosecuti sunt, Ciuium lectissimi quique, Magistratus, Clerus; neque suam præsentiam funebris pompæ subtractam esse voluit Vesprieniensis Antistes, qui cum in vrbe casu versabatur. Expeditionum aliquot in agros susceptarum supra manipulos alios ea messis fuit, vt quinquaginta in Fide vacillantes, desertionique proximi

ni roborarentur in eius fortiter retinenda proposito: quique saginata aluo venire consueissent ad nocturnas Nascentis Christi vigilias, damnato veteri more, totum ante triduum piis exercitationibus exculi, & inedia domito abdomine ad Diuinas epulas ea nocte accumberent: agrotis duobus pæne desperatis persuasum Confessionis antidotum citam facilemque sanitatem attulerit. Insequente anno Zagrabia: Lutherani toxici virus ex intimo pectore duobus & triginta expressimus, in quibus fuere aliquot viri nobiles, ac de ciuibus homines honorati, quorum error pridem latuerat, sed cum audiendarum concionum vsus expromsit: in istorum quoque societatem captius Turca venit, Baptismo inani Circumcisioni appposito.

LINCIENSE COLLEGIVM.

PRIORE annus totam hanc Familiam grauiori valetudine conflictatâ, reliquis Sociis demum conualescentibus, trium Sacerdotum funere multauit, primùm quidē Patris Valentini Klinckardt, Fuldensis, annorum vndequadraginta, ingressi Ordinem nostrum decimo quinto ab hinc anno, cuius cætera opera utilis, triennium verò totum fidelis exstitit, in huius Sedis administratione. Patri Ioanni Kadlouio, Nissæ in Silesia nato, secunda fors obrigit, anno vitæ altero & quadragesimo, impetratæ Societatis decimo tertio, cui & traditæ

traditæ in Scholis Humaniores litteræ, & Procuratoriæ functionis, aliquot locis obita, Religiosa ratio, utilis operæ inter Socios nomen pepererant. Pater Henricus Dregeus, Vvestphalus, vnum & tricesimū ætatis annū in viuis degens, & in Societate decimū, dum iuuetute sanctis moribus ac literis imbuenda occupatur assidue, studioseque, ad laborum stipendia in cælum aduocatur. Seu turpes vernæ, geniti seruis parentibus, in Lutheri familia, seu fædo mancipio in eandem are libræque suo ipsorum vitio adsciti duodequingenta in Ecclesiæ sanctam libertatē asseriti sunt, posteaquam conditionis suæ indignitatem eis patefecimus; tres è vinculis, imminentiùsque scelerum suppliciis, nostra opera exempti sunt. Altero anno, iis, quos nunc recensuimus, duo plures Luthero sectatores extorti sunt; celeberrimi, & amplissimi Cœnobij disciplina pæne funditus collapsa, omnium primo Antistite sacris commentationibus per quindecim dies exculito, in antiquum splendorem, magno plurimorū bono, est restituta.

PASSAVIENSE COLLEGIVM.

LEOPOLDVS Austriacus, Ferdinandi frater, cum huius sæculi anno vndecimo Passauiensis Sedis insulas iniret, pro eo quantum Societatem amauit semper, & coluit, indignum fore suo in eam amore putauit, nisi eodem tempore Sociis ac sibi perpetuam domum Passauij collocaret.

Antiquius

Antiquius ergo nihil habuit, quam ut ex quinquagenis Florenorum millibus, quæ Ferdinandus frater ipsi annua patrimonij nomine numerabat, coempto fundo perpetuum caput annuarum mercedum Societati, loco idoneo, constitueret, quo ex capite tercia Florenorum millia vectigalis annui futuro Passauiensi Collegio penderentur. Quem fundum, ubi emerat, Societatiq̃e eintum attribuerat; Ferdinando, & reliquis duobus germanis consociis auctoribusque, suo, fratrumque signo munitas emtionis tabulas nostræ Prouinciæ Præsidi, cū plenissima suæ in nos beneuolentiæ præfatione, in manus dedit; optionemque fecit deligendæ tota vrbe areæ domicilio nascentis Collegij excitando. Quoniã verò dum, exædificantur nobis, ædes, voluit nos esse. Passauij, suam intereâ Basilicam bene amplam, & instructam, Sociis commodauit, ut ne qua munium Societatis exercendorum mora ipsi, & ciuitati fieret; quamobrem eiusdem anni Martio exeunte, septuaginta non amplius coeuntibus discipulis, duæ sunt omnino institutæ scholæ, in quibus docendi exordia caperemus; quibus scholis, insequenti anno, aucta iuuentutis multitudine, duæ superiores aliæ accesserunt. Dirutis eodem anno vetustarum ædium parietinis, positisque nouarum fundamentis, strenue cœptum est ædificium nostrum promoueri, vrgentibus nostris negotium non ardentius, quam ipso Principe optimo, cui rerum Societatis cura suarum studio vix potest esse posterior: cuius prouinciæ administratio assidua duodecimum & se-

quentem ab sexcentesimo annum bene operosum habuit, animorum verò tota vrbe, egregiè Catholica, sicut facilem nostris operis laborem, ita laboris fructum locupletem peperit. Proximo autem ab illis anno, ex Passauiensibus Collegis decessit vndequadagesimo vitæ anno, vicesimo quàm Socius nobis esse cœperat, Pater Gaspar Franck, Silesius, Rhetoricæ hoc anno institutæ Professor, cuius breue illud, sed honorificentissimū proditur elogiū; Viua fuit totius Familiæ Religiosè viuendi regula; qui suam operā docendo, concionandoque cum Societati diu commodarit, non potuit, ex ea virtutum officina proficiscens in externos labor, non eis esse maximè salutaris. Ex Principis ædibus, splendidis quidem, sed nostræ rationi parum opportunis, demigrauimus in longè commodiores, nostroque vicinas ædificio, cuius tertia portio cum absoluta sit, & reliquarum acceleretur opus, proximum est vt in eas cum scholis, vniuersoque instrumento, transeamus.

H O M M O N E N S E C O L L E G I U M .

GEORGIVS Drugethius, multarum illustriumque Satrapiarum in Vngarico regno Dynastes, nobilitatis antiquitate, auitæque Fidei studio, inter sumos regni proceres celebratissimus, instaurando, ab Calviniana vastitate, per Hommonensem ditionem, Catholico ritui, quinqueque totum Hommonæ apud se aliquot de nostris

stris habuerat. Quòd autem Fidei Catholicæ amplius se debere crederet, quàm vt illatas ipsi Calviniano scelere plagas in præsentia modò obligaret, futura vulnera non prohiberet; perpetuum ei præsidium Hommonæ, valido expeditoque milite instructum, collocandum statuit, aduocata Sociorum Familia, quam Catholicæ militiæ arci, quotidianisque ex illa expeditionibus, præficeret. Vetus Monasterium solo æquauerant Caluini asseclæ, sacrum Monasterij ædem superstitem pecori stabulando addixerant; qua æde repurgata, ædificioque in Cœnobij ruinis instituto, Societatis Collegio domicilium destinatum, summa Dynastæ cura cœpit assurgere, incredibili Catholicorum voluptate, Calvinianorum, & Schismaticorum, quibus hîc nihil est frequentius, mœrore nō dispari. Exactis tota regione bene ampla Ministellis, quòd cæterorum Sacerdotum vix adhuc vlla superet copia, nostri Patres in vicis pagisque Curionum vices interim explere solent, perlubentibus rusticanis, suamque conditionem, præ illa, quæ sub Calvinica tyrannidq, ignorantia, & insulitate fuit, cum multo gaudio anteferebantibus. Tenebrionum huiusmodi oratio quàm sit hebes, quàm nullius roboris ad ingenerandos in animis auditorum pietatis, pœnitudinis, cæterarumque Christianarum motionum sensus, vel vna meretricula potuit dispicere, quæ illis monitoribus ad relapscedum momenti cum nihil hauriret, delapsa deinde ad nostros; vbi seriò suarum partium est commonita, sua sponte in triennium solidum, per

ternas cuiuslibet hebdomadæ ferias, aridum panem ac frigidam, iisdemque diebus ieiunium non sibi modò indixit, sed certorum quoque dierum verbera, & bene magnum precum, ac peregrinationum numerum, quorum omnium obseruantissima etiamnum perdurat. Mille, quadringentis, triginta & septem, aut Calvinismo, aut Ruthenico schismate illigatis, funesta detracta sunt vincula, vni etiam Turcæ Mahometismus excussus est. Batskores, Ruthenici seu Russiani Schismatis Sacerdotes sunt, singulari omnes ignorantia, quæ deprehenditur ex ingenti stupore illius plebis, quæ ipsorum diuturno magisterio docta est nihil omnino sapere, cuius sūt apud nostros de suis, magistris graues querimonie; quoties suam ipsi altissimā rerum Fidei peregrinitatem exprobramus. Eius generis Sacerdotum ducentenis plures sunt in Hommonensis Satrapæ ditione, quibus auctoritate Pontificia præest, qui Munkazio in Cœnobio celeberrimo Basilianorum Caloietorum, sedē habet, idemque Munkaziensis Episcopus appellatur, quocum frequentes nostris intercesserunt congressus, vt is cum vniuerso Clero suo ad Ecclesiæ Romanæ communionem adduceretur, sed euentu in hunc diem irrito. Eo igitur descensum est, cum alia nullā suppeteret eius communionis iungendæ ratio, vt Dynastes Hommonensis appellaret eius controuersie disceptatorem, Ruforum Vladicam, hoc est Ruthenicarum partium Archiepiscopum vltimā ferme in Russia degentem; quem Ecclesiæ Romanæ sententia & volun-

tate

tate coniunctissimum, nemo dubitaret Munkariensibus Ruthēs societatem cum Catholico nomine facile persuasurum. Hic est ille Vladica, Societatis nostræ amantissimus, Athanasius Krupetsky, Præmissiensis Antistes in Russia, de quo superioribus Annalibus scripsimus in Sede Præmissiensi Polonica Prouinciæ, qui Comitibus Drugethij litteris ad hanc conciliationem inuitatus mox à Russia Hommonam aduolauit. Eius nec conspectum nec aduentum sustinuit Munkariensis Episcopus, conscius sibi noxæ cuiuspiam; citati nihilominus Basiliani omnes Caloieri, Ruthenique Sacerdotes reliqui, Vladicæ rationibus & auctoritate adducti iurarunt in nomen Romani Pontificis, id vnum modò veteris moris sibi reseruantes, vt Græcanico ritu Sacris operari liceret. Cœnobium Religiosa nuper disciplina florentissimum, ædemque Cœnobij Magnæ Matri sacrâ, quotidianis pæne prodigiis illustrissimam tertio ab Hommona milliari, Caluimianus aliquis, de gente Drugethij Comitibus, odio Catholici nominis euerterat funditus, populariumque sollemnes peregrinationes ad illius ædis ruinas indicta pœna vetuerat; sed cum nullius supplicij metu coercita plebis Fides ingentibus venerantium agminibus sacri loci vestigia celebraret, longè vberiore celestium munerum fenore cum officiosis Clientibus beneficentissima Patrona certabat. Hommonensis igitur Dynasta, & fouendæ indigenarum, aduenarumque religioni, & suæ in Cæli Reginam magis magisque declarandæ, in ipsius ædis afflictæ

ruinis, miraculorum quoque crebritate ac magnitudine inclytis augustum Virgini templum anno superiore instaurauit; quod ex Polonia, Russia, & longinquiorebus etiam prouinciis, huius sæculi anno quarto decimo, ipsis Pentecostes diebus, affluerunt Virgini piè supplicantium tredecim millia, sub vexillis mille quingentis, & amplius. Eò cum antecessisset singulari erga Virginem religione vir, Vladica, qui Hommona adhuc versabatur, subsecutus est deinde Comes, cui appropinquanti totus ille supplicantium exercitus, instructa sub vexillis acie, gratulabundus venit obuiam, cum multa grati animi significatione, & commemoratione meritorum, ob restitutam tam sancto loco religionem, & cum religione dignitatem, Sacrorumque Diuinorum augustam maiestatem. Is erat Pentecostes sacer dies, quo post rem diuinam mensa Comitum acceptus Vladica narrabat, pridie sibi ad Virginis adem venienti, cum vno abesset milliari, speciem elegantissimi templi, purpureis parietibus, & coruscantibus, in sereno cælo esse oblatam, quo spectaculo se attonitum, id comitibus ostendisse, comitesque eiusdem prodigij spectatores fuisse. Interpretationem eius ostenti, aliud alij coniectantes, ex aliquo euento suspensi præstolabamur, vnum in primis veriti ne quis aduersus casus Ecclesiæ prænunciaretur; quem ille ipse dies, neque multò post eam horam, nobis indicauit. Conuestiendis ad maiorem dignitatem, religionemque interioribus ædis, Vladica sericæ vestis & argenteorum vasorum bene magnam copiam

piam à Comite sumserat, rectaque in templum à mensa venerat, vt præesset ædem ornantibus, suâque ipse manu ornaret, quo munere vt tanto expeditius quietiusque defungeretur, tumultuantem turbam tantisper iussit è templo facessere, foresque occludi. Erant in aduenarum Russorum agminibus sacerdotes aliquot, nuper Schismatici, quibus etiamnum dolebat, Vladicæ imperio se ad Romani Pontificis communionem adactos; cuius rei nonnulla facta mentione inter turbam, vbi ad pronas aures accidisse sua verba obseruassent, Vladicæ cœperunt liberiùs maledicere, indigenas monere, indeque hortari, ne tam graue iugum sinerent ceruicibus suis iniungi. Illo temerarij sermonis flabello in circumstantium indigenarum animis suscitata mox est odij ac iracundiæ flamma in Vladicam, & ex eo quod tum gerebatur in templo clausis foribus, quasi ex funesta indigenis coitione, captata est seditionis occasio, itumque est tumultuosè ad ædis valuas, & insolentius postulaturn, vt æe recluderentur, sinereturque populus religioni operam dare. Quod non aperirentur euestigio, sed vrgentibus responderetur, non esse absolutum negotium, cuius causa essent obductæ; moræ impatientia, & iracundiæ impetu, ad portas moliendas se furiosorum manus conuertit, iisque reuulsis, ferro in Vladicam, eiusque comitatum, grassari cœpit. Tranquillo animo, comi vultu, atque oratione ferocitatem æstuantis turbæ delenire cœperat Episcopus; cùm verò sibi manus intentari sentiret, suæque familiæ, vim ferro defen-

identi acerbissima quæque à furente turba immi-
nere aduerteret, quæ eniti potuit, in sacrarium se
abdedit, sed ubi per fenestram à circumfusa multitu-
dine telis atrociter impeteretur, lædereturquæ.
Domesticorum vnus aliquis, agrè, cùm se subdu-
xisset parricidarum manibus, euadit ad Comitum
templo iam fortè appropinquantem, nunciâtquæ
quantum periculi Vladicæ impendat; nisi sacrile-
gorum manu iam occubuerit. Comes cum arma-
ta satellitum manu accurrit in ædem, ferro sæ-
uientem turbam indigenarum momento difficit,
templo exactos prehendi, & in vincula trahi gras-
satores inbet, Vladicam saucium è sacrario recipit;
cuius illa prima vox ad Comitem audita est, qua
rogabat, vt suæ innocentia violatoribus ignosce-
retur. Latronum sanguinaria illa factio, quod sce-
leris conscientia, & militaris cohortis, immixta à
Comite, perculsa metu in proximòs montes sil-
uasque concesserat, ad Vladicam reconciliationis
studiosum retrahi non potuit; is ergo, cætera mul-
titudine in propatulum aduocata, vehementi, ani-
miquæ plena oratione sui facti rationem eam red-
didit, quæ magnopere ab auditoribus probaretur;
cùm verò perquàm hilari fronte, humanissimis-
que verbis pronunciarer, se omnibus, quorum ini-
uria læsus esset, Christi causa, lubentissimè nõ-
xam remittere, tum certè vniuersæ concionis mi-
stificè exhilarauit animos, ac sibi conciliauit in
perpetuum. Ab eo sermone Comitem & nostros
in ædem ipse cùm intromississet, certum locum
suo, ac familiaris Sacerdotis cruore aspersum in-
dicauit,

dicatit, tum hæc Latinis verbis effatus cum esset, sanguine fundata est, sanguine assurrexit, & diffusa est Ecclesia Dei, sanguis, inquit, hic meus testis est, eritque postea, quanti mihi steterit communio tam Catholica Ecclesia, cuius nomine delibatum mihi est, ipsam etiam vitam inter cruciatus profundere. Hinc ab omnibus summa itum est alacritate ad vespertinas preces sollempni ritu continendas; cuius alacritatis ea vis fuit, & pietatis contentio in omni multitudine, vt totam insequentem noctem, posteraque lucis dimidium continentibus precibus in æde traduceret. Cuius suæ constantiæ, & ardoris, religiosus in Dei Parentem populus id præmium merito suo tulit, vt quaternis cæcis lumen, toridæque mutis vocem, per eos dies suarum precariorum fervore impetraret.

VNGVAR est arx, arcique substratum oppidum, Hommoma celebrius, & incolis frequentius, in aliâ quadam Satrapiâ Drugerhij Comitris, vbi Caluinianæ huius multæ ac fœdæ reliquiæ, quibus detergendis Sociorum duo vtiliter occupantur, vicens quinque civium ab ea colluie in hunc diem exemptis.

BRVNENSIS PROBATIONIS

Domus.

BERNI huius altera pars ex Hæreticorum corruptela integritati Catholicæ octogenos ternos alumnos Brunæ peperit, centenos, hisque plures altera. Picarditæ Ministri petulantia nobilis

K 5

matro

matronæ animum offenderat, quòd Diuinæ potentia multum in concione detraheret; vnde ab eo, & dogmate quoque abalienata, nostrorum institutionem in Fidei rebus expetiit, secundum quā Catechesin morbus in eam inuasit, qui ad vltima deduceret, quam ægrotationem non sunt veriti Hæretici asseuerare Picarditici ritus neglecti esse inflictam pœnam diuinitus, eoquē importunius matronæ instare, vt rediret, vnde discesserat, si exemptam se grauiore supplicio cuperet. Diuturnæ fuerunt cohortationes istiusmodi, sed inanes apud feminam constantis animi, quam ingrauescens in horas valetudo admonuit, vt se nostris permitteret Catholicis initiandam sacris, & eo quidem tempore, vt Pœnitentiæ ac Extremæ Vnctionis animo eius adhibita fomenta decumbentis occasus continuò excepturus, quin etiam antegressurus putaretur. Præter tamen omnium spem, ab ipsa Sacra Vnctione derrepentè melior longè facta est, ac non ita multò post penitus conualuit; quòd beneficium sanitatis vtriusquē memori gratoquē recolens animo, Deo acceptum referre perseuerat, & secundum Deum Societati adscribit. Anno priore Collegis tribus orbatifumus, totidemquē Tironibus; omnium quidem primo Patre Petro Torrentio, septuagenario, huius Domus Rectore, Vota quattuor professo, inter Socios quadragenario. Eximia in homine morum sanctitas, quam impensè venerarentur extranei quidam, vitæ integritate clarissimi: singularis in præsidendo suauitas, prudentiaque incredibilis; vexationum corporis

poris grauium, perpetuarumque tolerantia tanta, ut in dissimulante vestigium vix appareret cruciatu, licet acerbissimi; arctissima cum Deo, & Cælitibus, assiduæque familiaritas, & quæ his virtutibus aliæ dotes comitari solent, hunc verò magnū virum inter domesticos externosque prodiderant. Leonardi Puchler funus haud longo deinde intervallo subsecutum est, cui sexagenario, quinque ac triginta annorum in Societate, rem domesticam strenuè gerenti, nequaquā inopinata mors obrepfit, sed longè antè, ac semper præuisa; quem nimirum operi licet intentissimum, perpetua comes affectabatur animi summi tranquillitas, testis utriusque hominis ad omnes euentus rectè comparati. Pabulum huic quieti iuge subministrabat pia, inter faciendum opus, cælestium rerum commentatio, quæ maximè operoso laboris omnes leniret, abstergeretque molestias, & in summa corporis animique contentione summum conciliaret otium. Petro Grossoto, Vallisliensi, curator quoque rei familiaris, sexagenarium supergresso, par quoque fuit in grauioribus laboribus, morbi que cruciatibus, mentis ab rectæ vitæ conscientia iucunditas, cuius hilaritatem in sedecim annorum assidua fatigatione curandæ Fabricæ, non domestici magis, quàm extranei demirari solebant. Eius in ore numquam piū exaruit canticum, quod inter opus frequentaret, si aberat arbiter; quod musitaret, si testis aderat; sermonum verò de cælestibus rebus, vel audiendorum, vel miscendorum, sitis quædam ardentissima in eius animo insidebat,

& ea quidem perpetua. Voluntarias corporis vexationes eo imperu animi obibat, quo feruentissimi quique ac validissimi Tirones, qua ætate, ac fractarum virium ærumnis, octauo ante obitum die, verberibus dorsum in cœnaculo acriter cecidit, prædixitque sibi eam vltimā diuerberationem fore, quasi præsagiens instare sibi obitum, qui ex præcipiti casu ei paullò post accidit. Operis nescio quid curabat in recentis ædificij summo tabulato, cùm fallente pedem substrato solo, præceps in terram ex loco sublimi corruit, suoque pondere grauiter humi afflictus vtramque coxendicem supra genu fregit, letali secundum ceruices insuper accepta plaga; quo infortunio multatus, vbi se collegerat, ex incussio stupore toto vultu pristinam hilaritatem prætulit. Viginti dies illi ruinæ superstes fuit, in perpetuis & atrocissimis cruciatibus, quorum immanitas nihil vñquam aut insitæ serehitatis ex vultu, aut æquitatis ex animo illi decerpere potuit. Ex Tironum familia duorum prior decessit Daniel Kragius, Danus, quarto & vicesimo ætatis anno, mense decimo octauo ab inita probatione, quem longiore vita dignum singularis virtus, littæ, ingeniũmque præstans, & ab his dotibus spes cumulatissimæ frugis, ostendere videbantur, nisi satius multo esset, optimè mori, quàm incerta exitus conditione, diutissimè viuere. Alter Ioannes Nouakh, Silesius, altero & vicesimo anno, quàm occæperat viuere, quinto mense quàm in Nouitiis censebatur, magna irem sui exspectatione concitata, tranquillo


genero

genere mortis solutus est, quam mortem ipse præ-
lagierat, & sodalibus in Tirocinium secum adeun-
tibus ita denunciavit ut inter eam significa-
tionem plenissimæ gaudio lacrymæ
vberius eum perfunderent.

★ ★
★




PROVIN



PROVINCIA

RHENANA.




EAMILIIS vicenis quaternis So-
 cios quingentos vnde quinquaginta
 priore anno censuimus in Rhena-
 na; posteriore quingētos vnde octoginta
 vicenis quinis domiciliis: Collegio
 Coloniēsi binos tricenos toto biennio; vicenos o-
 ctonos, aut tricenos singulos Treuirensi: Domo
 Probationis eiusdē vrbis octogenos singulos prius,
 posterius sexagenos quinos: Moguntino sexage-
 nos senos aliās, alias ternos his amplius: vicenos,
 & vicenos singulos Spirensi; Herbipolensi quin-
 quagenos binos, ac etiam quaternos; senos vice-
 nos modò, mox quoque quinos & tricenos Ful-
 densi: Heiligenstadiensi vnde vicenos, ac vicenos;
 quaternos & tricenos, postea singulos & tricenos
 Molshemiensi: Confluentino vnde vicenos: binos
 ac tricenos primùm, deinde quinos & quinquage-
 nos Paderbornensi: Monasteriensi vicenos qua-
 ternos: vicenos binos, aut quaternos Hildesien-
 si: Embricensi singulos vel binos vicenos: vnde
 nos, duodenosque Aquensi: Bambergensi nunc de-
 nos

nos nouenos, mox videnos singulos: Vvormatiensi veroque anno denos: nouenos Hagenoensi: Erfurteni Sede vel septenos, vel octonos: ternos Bomieni: Aschaffenburgensi quaternos: binos Missioni Sanctensi: Ellendienti binos: binos, aut quinos Mappensi: quorum Sacerdotes tum centeni octogeni quini, tum iis amplius seni: Magistri octogeni bini quaternive: Discipuli octogeni, aut paullo pauciores: Domesticae operae administri denique fuerunt centeni triceni septeni, vel his tredecim frequentiores. Quo de vniuerso corpore integrum biennium videnos quinos absumsit, ac ferò quadruplum eorum loco restituit.

COLONIENSE COLLEGIVM.

ALVMNOS octo Societatis Tirocinio peperit hæc Familia, duos ex suis anno priore cælo donauit, Ioannem Theodoricum, & Conradum Hungenum, vtrumque ex familiaribus Operis, ac ætate grauem. Prior septuagenarium excesserat, vixerat in Societate annos quadragenos, & his amplius, ac eos omnes ingenuæ summisionis erga vniuersos Socios, obsequij in Præsides, austeritatis in seipsum, assiduorumque laborum gloria insignes, nec minùs orandi studio, vt ad terminandum Religiosissimæ vitæ stadium vna optanda videretur mortis felicitas, quâ ei quoque liberaliter Deus impertiuit. Sexagesimū annum alter propè attigerat, vitæque duas tertias Societati sicut fidelissi

deliffimè , ita vtiliffimè commodarat , vt virtutis
tam diuturnæ , tamque accuratæ , conscientia fre-
to nunciij mortis grânes effe non pollent: quos nū-
cios, adeoque ipsam mortē, ei stupor Apoplecticus
attulit. Hæretici dogmatis inter fe pugnantes, &
impias sententias, vbi nobis earum interpretibus
dispexerunt euidentius septuaginta, sibi penitus
consentientein, & sanctam, Ecclesiæ Romanæ Fi-
dem auidius amplexi sunt, quorum in numerum
venit Anglus, Academiæ Cantabrigienfis Doctor
Theologus, Regique Britannorum à concionibus.
Ei humanarum diuinarumque litterarum apprime
perito frequentes erant in manibus de Fidei Con-
trouersijs Catholicorum commentarij, quibus
studiosè volutandis hausit in multis capitibus Ca-
tholicam sententiam, itaque defixit in animo, vt
publicè, quoad pateretur loci conditio, Romani
dogmatis fundamenta stabiliret; Catholicorum-
que vel metu, vel ignorantia fluctuantes mentes
in veteri proposito confirmaret. Hoc vsurpando
instituto cum tamen ea quies non affulgeret, quæ
spe præcepisset, migrandum sibi omnino putauit
in Britannia, vt liberior cum Catholicis viris con-
gressus certo limite se in rectæ Fidei claram aper-
tamque lucem induceret, ad quam, tenui diutaxat
fulgore deprehensam, ipse sibi dux, & magi-
ster esse non valeret. Regio igitur, per causam
curandæ apud Spadanâ balnea valetudinis, expres-
so comæatu, in Britannicæ Principis, Palatino
Comiti per eos dies nubentis, comitatu profectus
venit primum ad Spadanas aquas, & inde Colo-
niam

niam, vbi nostris ab nobili viro Britanno commendatus, paucis quibusdam explicatis capitibus, de quibus ambigeret, facile persuaderi se passus est, vt ex Tridentina formula, sectarios execratus, Catholicum palam in templo profiteretur. Ex eo die non desinit amicos & notos, in Regia Britannica relictos, priuatis scriptionibus docere ac cohortari ad eandem inspicendam & amplectendam lucem, quæ sibi copiosa inuestiganti affulsit: luculentum interea parat commentarium earum rationum, quæ se non inuitarint modò, sed adegerint etiam, vt in Romana Ecclesia salutem sibi quæreretur, quam mortalium nemo alibi nanciscatur. Calviniana mulier, pertinacissimi animi, in tuendis suæ sectæ pronunciatis, curiosius penetrarat in ædem Capuccinorum, studio noui concionatoris audiendi, vnde postea inter confertissimam turbam non parauit exitus, cum sub concionem cœptum est fieri sacrum, quo nihil eius oculis animoque odiosius poterat obuersari. Loci ergo ac rei necessitudine cogitur inter Catholicas mulieres in genua procumbere, ac earum exemplo, aræ, Diuinisque mysteriis, quam minimè vellet, adhibere venerationem; & tum quidem maximè, cum Sacra Hostia supra verticem ab Sacerdote sublata, circumstantibus adoranda proponeretur. Porro inter eam Christi corporis elationem, nec Sacerdotis surrecta brachia, nec ipsius reliquum corpus, tametsi valdè ipsi propinqua, Hæretica femina dispicere potuit, sed eius loco ei se obtulit vultus hominis cuiusdam, eo habitu, quem ipsa non

L posset

posset exprimere, sed cuius aspectu grauissimè cōcuteretur, vnumque suo pauidi superesse remediū crederet, si euestigio ad Sacræ Pœnitentiæ confugeret ancoram. Domum suam certè vbi se receperat, multis cum lacrymis, acerboque fletu. marito asseuerat, nec cibi nec potus quidquam se prius adhibituram, quàm ritu Catholico apud Sacerdotem omnes noxas expiauerit: quare ad nostrum aliquè perducta diligentissimè recognouit quidquid vniquam deliquerat, ac deinde Cælesti epulo recreata, mox ardens imbibit Religionis Catholicæ studium, in quo lætissima perseuerat. Peregrè quoque itum est ad finitima oppida, in quorum vno quattuor Hæretici, quattuordecim in alio nouum Lutheri Euangelium veteri ac Romano commutarunt: duobus perillustribus Virginum Cœnobiis, quorum alteri præfuerant Hæreticæ aliquot Antistitæ, alterius iuniores Virgines hæresim docebantur, & Religiosa disciplina, & sana Fides opportunè admodum sunt restitutæ.

Alter annus duos item Collegas huic Familiæ subtraxit, quo tempore ipsorum opera domi erat fructuosissima. Patris certè Martini Thomæi, quinquagenario haud multum maioris, alterum & tricesimum stipendium in Societate merentis, & tredecimum inter Spiritales Coadiutores, tum exemplo tum reipsa Sociis extraneisque vita erat apprimè utilis, pro eo quantum eximiis virtutum laudibus insigniter eminebat. In hoc laboriosæ vitæ stadio fortiter constanterque decurrentem violenta mors intercepit, copioso sanguine per fauces

fauces eiecto, ex antegressâ vehementiore tussi, qui affectus cum viribus & anima triduo exhaustis. Stephanus Ruperti, sexagenarius, Collegij opsonator, vbi fortem fidelemque operâ Societati nauarat triginta & sex annos totos, æconomicis rebus administrandis, quasi nunc primum negotiosæ procurationis palæstram ingressus, cum opus vgeret ardentius, vt suæ conditionis hominem decebat, in operosa contentione occubuit. Horum duorum vacua loca non leui compendio impleuerunt adolescentes sedecim, omnes ferme ex Marianis lecti manipulis. Epicurea ganea nihilo saniorē sanctiorēque Lutheri disciplinam, admonitoribus nostris, agnouere duodeseptuaginta; qui nec momentum putarunt sibi harendum in ea vitiorum sentina, quam rectis moribus ac Fidei exitialem senserant. Essendienſis Monasterij Antistita in Principibus Imperij censetur, ampla ditione, clientelarumque numero ac nobilitate potens: de cuius Cœnobij dignitate multum proximis annis decesserat, quodd & oppidani Essendienſes, & illustre Comitum Collegium, adeoque ipsæ Antistitæ nonnullæ dogma Hæreticum amplexatæ fuerant. Quæ verò proxima post illas Cœnobio præfederat, nobilitate præcellenti, parique religione femina, ingentibus animis exorsa Fidei, disciplinæque Monasticæ instaurationem, nostros eius consilij adiutores euocarat superiore anno, vt nunc indicabamus; cuius præclare cœpta præproperus interpellauit occasus, nostrosque tatum non Essendio exturbauit, oppido toto acriter fre-

mentibus Hæreticis, vt Iesuitæ, importunum genus hominum, mox dimitterentur. Interim ab vniuerso Virginum Collegio itum est in suffragia legendæ Cœnobiarchæ, conspiraruntque omnium sententiæ in designandam eam Prælidem, cuius vnus auctoritate ac gratia res nostra per eos dies stabat; tum illius, & nostræ studia strenuè conuersa sunt ad Catholicum dogma stabiliendum, restituendamque Religiosam disciplinam. Cui negotio ne qua mora iniiceretur, vti assolet, ab ipsis domesticis, ex ipsius Antistitæ, seu Principis familia exacti omnes Hæretici, quos multos adsciuebat superiorum annorum corruptela, recens autem demortua Princeps, victa iniqui temporis conditionibus, tolerauerat. Exinde Principis familiæ bonorum morum vsus, ædi splendor, veneratio sacris, odeo psalmorum cantus, idonei pastores curiis, sacra tractantibus sui muneris religio, populo rectè sentiendi agendique scientia, felicibus exordiis est inducta; quæ nimirum omnia Lutheranæ petulantia diuturnus dominatus aboleuerat. In alia quinque Monasteria inuasérant Hæreticorum manus, vberioris prædæ cupiditate, in quibus extinctam Hæretico afflatu religionem, exsuscitauimus, postquam eorum possessio ad Catholicos rediit. Antistitæ nuper demortuæ testamento septingenti Cæsarei Taleri, pensionis annuæ, nobis sunt attributi, ad perpetuam Sociorum Sedem Essendij collocandam, vbi nuper ædes in eam rem coemptæ sunt ab Cœnobij optima Præfide, cuius singulari fortitudine, industria, & pietate

tate speramus Lutheranismum breui hac vniuersa plaga exterminatum iri.

TREVIRENSE COLLEGIVM,
& Probationis Domus.

ALterum tantum iuniorum Sociorum nostro corpori adiunximus, quantum veteranorum extulimus, sed iacturæ dispendia non satis æquantur fenoris compendio; nam tametsi ratio accepti numero maior; expensi tamen potior æstimatione fuit, pro eo nimirum, ut Triariorum Velitumque militia longè est dissimillima. Patrem Henricū VVerh, Vota quattuor professum, quattuor annis sexagenario maiorem, quarto & quadragesimo anno quàm in Societatem venerat, letalis morbus otiosum deprehendere non potuit, occupatissimo tamen, Sanctioris Hebdomadæ diebus, tanta vi se intulit, ut ex æde, audiendisque confessionibus detraheret, ac quinto die acutissimis laterum doloribus conficeret. Summa in vrbis æde concionatorem assiduum agebat, quantumque ab ea opera residuum ipsi erat temporis, Virginum Cœnobiiis maximo Religionis sensu instituendis, cæteraque animorum procuratione vtilissimè transigebat. Incenso studio Religiosæ disciplinæ propagandæ, pietatisque in omni hominum genere exagerandæ, illi iugiter animus ardebat: atque uti vehemens in eiusmodi certamine illius erat contentio, par quoque insidebat constantia, & in frangendis

gravissimis quibusq; difficultatibus animi magnitudo; quæ ipsum facerent plurimum insigniumque victoriarum compotem. Patri Sebastiano Clemèti pestifer afflatus certos mortis nuncios attulit, ipso Christi scandentis in cælum die, cuius admonitu vbi seipse Sacra Hostia, eo nomine seposita, communierat, sponte secessit in suburbanum, ne qua contagionis labes ab ipso in cæteros Socios dimanaret, quo in secessu reliquum brevioris vitæ traduxit eo ardore Diuini cultus, qui sollemnis ei semper fuerat. Annos decem vixerat in Societate, iis ingenij, eruditionisque clarus dotibus, quarum optimæ fruges olim expectarentur, vel eò maxime quòd in hominem, Theologicis, Philosophicisque doctrinis, ac variarum linguarum cognitione apprime instructum, confluxerant singularis animi demissio, parque obsequendi studium, ex quarum præceptis omnem actionem moderaturus, nihil non laudabiliter gesturus videretur. Ioannes Schmidt, Faber Murarius, triennium quidem inter Socios nòdum expleuerat, cùm decessit, sed hac paucitate annorum easse Religiosarum virtutum copia instruxerat, quæ nostra non modò militia, sed cælesti etiam domicilio dignum ostenderent. Mulier, violati pudoris impatientia, voluntaria morte infamiam illius labis sibi eluendam statuerat, eoquè nomine de summa ædium contiguatione semel iterumque se deiecerat, Dei Matris priùs implorata ope; qua ex duplici ruina cùm incolumis superfuisset, tertio summa domus conscendit, vt maiore vi præcipitans corpus elideret;

nec

nec multum abfuit, quin grauiffimè afflicto ad pauimentum capite, in ipfo ſcleris veſtigio interiret; ſed ei, licèt immeritæ, vitam in eo diſcrimine ſeruauit Dei Parens; noſtraque opera factum eſt, vt deinceps nollet inſanæ fortitudinis exiſtimationem. perpetua ignominia, & æternis cruciatibus emere. Peſtiferum Lutheranæ luis ſpolium exuerunt quindenii ſiue hoc, ſiue poſteriore anno, quo vtroque vt minùs multi, minusque frequèter nos ſuis animis adhiberent, fecit perpetuus pæne ciuium toto triennio ſecellus, peſtilitatis funeſto halitu Treuirèſes vel inuitos ſuis ædibus exigente.

E M I S S I ex Tirocinio in finitimos agros Catechiſtæ magnum ardorem in ſuis auditoribus cõcitarunt frequentandarum eiufmodi diſtionum, quarum auditione non eruditiores modò, ſed probiores fieri ſe animaduernerent, vt ſuis magiſtris abeuntibus vltro pollicerentur, tam vtilis doctri-næ, ab illis hauſtæ, altè in ſuis mentibus, ac perpetuò hæſuram, memoriam. Euangelicæ porro ſementis, opportuniſſimè per vicos ac pagos ab Catechiſtis diſſeminatæ, famã magnis præconiis ruſticani longè lateque diſſiparunt, vt eius deinde rei multa mentio fieret inter Senatores Treuirenſes, atque Conſules, Senatus autem ſuum Decretum interponeret, de allegandis aliquot Senatoribus ad Collegij noſtri Præſidem, qui Curix nomine vrbanis templis Catecheſis Interpretes ab eo poſtularent, quibus adhibitis, auditorum cõcurſus tota ex ciuitate factus eſt, qui etiamnum perſeuerat. Fridericus Buſch, domeſticæ rei Ad-

iutor Formatus, primo ac viceſimo anno aditæ Societatis, vitæ autem quadrageſimo quinto, finem viuendi fecit, cùm eum Domus hæc, ſtrenuè ac conſtanter adminiſtrando munere, iam quindecim annos fructuoſiſſimum ſibi experiretur: ciuibus verò non vtilè magis quàm iucundū modestia, comitate, religione, ac probitate ſingulari, qua Societatis decus tuebatur egregiè, omniumque hominum conciliabat gratiam. Paderbornenſis Probationis Domus inſtituendæ gratia, ex hoc Tirocinio miſſa eſt duodetriginta Nouitiorum colonia cum ſuis Præſidibus, vti Rhenanæ Prouinciæ ſua eſſet aliquando virtutis ac Religioſæ diſciplinæ officina, in qua candidatos Societatis adoleſcentes noſtri moris Tirocinio imbueret.

MOGUNTINVM COLLEGIVM.

MA G N I S cladibus inter Moguntinos graſſante peſtilentis afflatus labe, nos intactos ſeruauit Diuina Clementia, non tamen omnino ſuauerum expertes, quando Patrem Ioannem Michaëlis Apoplecticus ſtupor triduo exſtinxit, quo in morbo feliciter eſt conſecutus, quod ſæpiſſimè in vita diuinitus ſibi concedi obſecrauerat, vt ne diuturna ægrotatione Sociis moleſtiam crearet, atque ante obitum fieret Sacramentorum particeps. Duodeſeptuagenarius occubuit, quattuor & quinquaginta ſtipendiorum in Societate, tria Profeſſus Vota, concionum inſigni plauſu, & pari fructu

fructu per tricenos continentes annos celebris, Heiligenstadiensis Collegij olim fundandi auctor Danieli Principi Electori, cum eius ditiones, in eiusdem circumeuntis comitatu lustraret, ac Divini Verbi semente confereret: quam deinde lustrandi provinciam, magno annorum intervallo, iterum in aliis satrapiis fructuosissimè, cum Adamo Principe, Danielis propinquo & successore administravit. Octoni adolescentes ex huius Collegij palæstra, & in his Artium Magistri sex, sufficiendæ nobis stirpi, atque operarum supplemento, in locum demortui venerunt. Licentioris vitæ perniciosi auctoramento in Statuis Lutheranis exitialem militiam militauerant duo & septuaginta, atque inter eos aliquot viri principes, qui se mortis sacramento nobis exauctorandos tradiderunt.

F V I T & posterior annus vnius funere parum felix, extincto Michaële Krull, Herbipolensi, altero tricesimoque anno ætatis, cum in Theologico studio processus haberet non vulgares, sed in Religiosarum virtutum pulvere haud modico maiores. Ei vita omnis exacta ex Instituti norma, summam animi tranquillitatem pepererat, ut de suo decessu verba faceret, quasi de re sibi familiarissima; lentæ autem ac diuturnæ tabis molestias, quæ stomachum funditus vitiauerant, tam pacata mente ferret, ut eas vix unquam sensisse, aut etiam advertisse, putaretur. Quot anno superiore ab importuoso hæreseon oceano enavigant, totidem quoque insequente, duo nempe ac septuaginta sa-

lutarem tenuerunt stationem Ecclesiæ: neque veritus est in hanc scapham Prædicans vnus pedem ponere, vel inter eos, quorum mentes, vicienis & quaternis annis totis, in vltimos errorum scopulos inuexerat. Is posteaquam fateri coactus est in rebus Fidei longissimè se alucinatum fuisse, nostris suavoribus Diuinarum rerum commentationes aggressus in abdito, ita eis permotus est, vt mox ad sollemnem execrationem hæresis magno ferretur impetu, seque vsurpandis ritè Sacramentis incredibili voluptate perfundi sentiret. Oppidanus miles legendo Veteri Testamento Iudaismum ita imbiberat, vt insana ambitione Iudæum palam profiteretur, coniugemque ac liberos templo, precibus, sacrisque Christianis prohiberet, ac si posset, oppidanorum familiares & amicos in eandem erroium nastram indueret. Quadriennium iam hæresin professus, nequidquam auocantibus à tam fœda noxa Magistratibus ac notis, cùm iussu Principis Moguntini raptus in vincula, indeque in Quæditorum confessum adductus, Iudæum se venditare ausus, & asserere, iucundissimum sibi fore hoc nomine illatum qualecumque supplicium, quo sibi, Martyris videlicet corona inclyto, cælum mox patefieret. Diu seduloque laboratum est à plerisque, vt ne in quo plus cæteris mortalium sapere sibi visus esset, in eo contra sapientū omniū sententiam, & Ecclesiæ præsertim auctoritatem, diutius insanire vellet: quæ vbi nihil mouebant obstinatum hominem, Moguntia euocati sunt auxiliarij manipuli ad contundendam insani capi-
tis

tis duritiem. Venit inter eos vnus de nostris, qui ab arbitris eum seductum ardentem rogare insistit, vti ab Iudicum consilio, damnationis formulam mox pronunciaturus, aliquot dierum inducias postularer, quibus eius animo fieret bene, discutendis errorum tenebris, quæ ipsius imbecillam mentem inuoluissent: sed tum ab eo nihil impetratum est, qui sibi gratularetur, pro recta religione tuenda, impendere supplicium, quo ei nihil posset obtingere fortunatius. Eò quoque inuocari accurrere duodecim Prædicantes, veluti cadaueris odore afflati totidem vultures, quorum coruinam vocem nec ad aures admisit Iudaismi æmulator, sed conuitio ab se procul cum multa indignatione adspersus est: Egone, inquit, vos pecudes audire sustineam, postea quàm Sacerdotis Iesuitæ rationes precesque contemnere potui. Imminebat misero supplicium, cuius ipse præ multa insania horam urgebat, vti quæ se triumphantem sacris Martyrum globis esset inuectura: cum noster, vt extremo malo, vltimum inusitatumque remediũ adhibendum censuit: quare ad vesanum illum conuersus, graui vultu, ac seueris feruidisque verbis; Ego, inquit, pro te miser, meã salutẽ deuoueo, meque ab supremum iudicium exercente Christo pœnis omnibus mactandum addico, nisi, quam tu amplexus es doctrinam, ea falsa est, atque ad exitium via; quam autem te doceo, ea certissima est, in qua vna sita sit mortalium salus. Ad tam acrem, tamque liberam Sacerdotis contestationem, quam reus ex incenso amore profectam non ambigeret, emolli

emollitus, exuit derepēte veterem illam duritiam, iudiciumque ampliari cū impetrasset, seriò adiecit animum ad Catechesin, qua perbene imbutus, Iudaicam perfidiam eiurat publicè, cumque vniuersa familia Sacramentis piè obeundis adhibetur, inusitata oppidanorum gratulatione, cum ipse identidem inclamaret, Iesuitam salutis & vitæ auctorem sibi fuisse.

SPIRENSE COLLEGIVM.

PA T E R Henricus Schurenus, duodeseptuagenarius ætate, in Societate quadragenarius, Vota quattuor professus, multorum annorum Rector, cæteraque variorum munerum administratione clarus, prior decessit è vita, posterior Pater Gaspar Khnem, dum tertium Probationis annum exigit, pestilenti auræ tetroy spiritu improuisò extinctus. Centum sexaginta quattuor ex dissimillarum hæreseon cloaca educti, quos inter Anabaptista, quattuor & viginti annos natus, Baptismi que expers, in bene ampla clarorum virorum corona, repudiata hæresi, ad salutares aquas adiit. VVebstadiensibus oppidanis illata est insignis iniuria, proximis annis, arte violentiaque Hæreticorum, vesani dogmatis Pastore per vim ipsam in Catholicorum urbem intromisso, si qua via posset Romani ritus studiosissimos ciues ad suam impietatem pellicere. Ipsorum integritati conservandæ, augendæque, quoad licet VVebstadium accur

accurremus, summa oppidanorum voluptate, qui se nobis auidissimè curandos permittunt, & in hunc diem intactos ab tetri Prædicantis contagione custodiunt: quibus si non fiat nostrorum Sacerdotum copia, circumiacentes vrbi Curiones de animi sui rebus adeunt, consuluntque frequentissimè.

P A R I B V S nos vtroque anno iacturis Sociorum mors affecit, nam, & hac altera biennij parte, vnum Patrem, Fratremque vnum, ambos isti familiæ perutiles, sustulit. Patrem Ionam Kinbergerum, animis adhuc valentissimum, nisi labores immodici egregias corporis vires ante tempus fregissent, longiore vita dignissimum, Apoplexiæ vis quinque horis oppressit, sexto & quinquagesimo ætatis anno, cum altero & vicesimo in Societatem venisset. Quòd eum impensè caligantes oculi sollemnibus Sacerdotum muneribus arcere cœperant, paullò ante obitum, supplex obtestari solebat domus Præsidem, vti se portis Collegij ianitorem addiceret, ne quod omnino xuo ignorasset otium, vel in ipsa luminum caligine, stantibus, vt ipse quidem rebatur, viribus, cogeretur experiri, magna vtique sua & calamitate, & infamia. Homini scilicet quattuor ac triginta continentes annos in perpetuis ac maximis laboribus ardens exercito (tanta vis est honestæ consuetudinis) nihil poterat videri longius, nihil fieri molestius, quàm momentum temporis ab gloriosæ palæstræ adamatis functionibus summo-ueri. Ab Hæreticis ciuibus domi, foris ab omniū sectarum

sectarum propugnatoribus ; quòd aperto Marte impugnabat , errorem nec aliis , quàm Diuinæ Prouidentiae præfidiis , reclusus incedebat , perpetuæ struebantur insidiæ , ut numquā non perniciēs eius oculis obuersaretur , ipsamque adeo in sinu pæne gestaret ; inter quæ discrimina iugiter versatus , septenis maximè ante obitum annis , cum suam ipse salutem negligeret , mille capitum salutis Deus per eum cauere voluit , totidem enim per eos annos ex hæresi auulsos ipse Deo iucundas hostias redegit. Huic certè bellorum Dei egregio bellatori præcipua ferè præda fuit ex iis præliis , in quibus pugnantium vulgus clypeum abieciisset ; ut si cuius vel obcæcati errore , vel scelere obdurati , refractaria contumacia salutem in vltima deduxisset , Pater Ionas hanc extremam dimicationis aleam sibi vulgò deposceret , neque certamen adiret alacrius , quàm felicius indomitos alioquin animos debellaret. Tantam ipsius verbis efficacitatem Deus Optimus , iustum & sollemnæ præmiū , rependebat ardentissimi erga se , & omnes mortales amoris , incredibilis in Præsides obsequij , inusitatae seueritatis in domandis sensibus , atque flagrantissimæ in orando assiduitatis ; quibus virtutibus strenuissimè adhibendis , quàm proximè ad Cælitum conditionem se admouebat. Ab hoc deinde obiit Guillelmus Binck , duodese-xagenarius , œconomiae rei nauus administrator , quā quattuor ac triginta annis gesserat , fideliter versatus in quolibet illius muneris gradu , nec minùs impigrè , sed ea insuper dexteritate , quæ ut erat omnibus

omnibus Domesticis iucundissima, ita negotio cuiilibet rectè administrando quàm opportunissima. Quod porrò fortium operarum est commune genus leri, ex vehementi, longaque laborum contentione, id ei tandem obrigit ab grauissimo Asthmate, quod, acerbis diuturnisque carptim intercisi anhelitus cruciamentis, vbi eum magnopere diuexauerat, duriter postea oppressit. Lutherano quattuordecim annorum puero, Saxoni, subiit animum scrupulus, num falsa essent de Fide præcepta, quibus esset imbutus ab incunabulis; quamobrem decernit ea de re sibi Cælitum aliquem consulendum, nec alium ex eis quàm ipsam Dei Parentem: mox igitur nixus in genua, rogat ardentissimè, vt si fortè in negotio Fidei adhuc deerrarit, ipsa ne dedigneretur suo supplici viam veritatis & salutis indicare. Ab ea oratione incessit eum cupido nostrarum scholarum Spirensium, ad quas sibi aditum impetrauit ab Lutheranis licèt parentibus, vbi paucis diebus auidissimè adiecit animum ad Catholicam Fidem, quam & arripuit incredibili sensu pietatis, vt inter obeunda prima Catholici ritus mysteria totus præ gaudio diffunderet in lacrymas; deinde verò quoties ad imaginem Beatæ Virginis se daret in preces, eum repente inundantibus cælo affusis deliciis, suauissimo fletu planè colliquefieret. Deus hanc sibi rosam ex Lutheranis vepretis legerat, quam odoris suauissimi, æternùm fragraturam in cælestes puluinos maturiùs educeret: nam paucis hebdomadis quàm Spiram aduenerat, singulari puer
innocen

innocentia, & indole ad virtutem penitus comparata, integritatem animi summis exaggeravit incrementis, moxque genere mortis lenissimo è viuis subductus est. Septem & nonaginta ciues Fidei ac Deo decoxerant, inita cum Luthero sacrorum, fortunarumque exitiali societate, quam vbi nostro consilio resciderunt, eodem loco ab Ecclesia sunt habiti, ac si paria semper cum creditoribus fecissent. De his vnus fuit eruditissimus eloquentissimusque Iurisconsultus, multis nominibus oppigneratus Lutheranae sectae Dynastis quibusdā, Hæretici dogmatis retinentissimus, natus insuper parente Lutheri quondam addictissimo discipulo; quibus rebus fiebat, vt nec Catholicorum cuiquam, nec ipsi sibi vñquam in Romanæ sententiæ communionem concessurus videretur, tametsi nec infrequens, nec leuis, eum subibat cupiditas Catholici ritus cognoscendi, si quid eo melius, quàm Lutherano contineretur. Huius suæ cupiditatis cū in familiari sermone mentionem fortè sereret apud illustrem Baronem, neque huius responsa facerent satis grauiora explicatioaque audire cupienti, hominem acrius cœpit hortari Baro, vti vnā secum ad Iesuitas Spirenses veniret: proficere magnopere illum posse conferenda sua coram cum illorum sententia, & doctrina: futurum porro ipsorum congressum ei longè iucundissimum. Nam quod lecus asserere de Patribus Societatis Prædicantes solent, id odio veritatis ac virtutis eis vsu venire, sicut omnibus improbis, quorum iam alioqui obscurissimis luminibus valde offi

de officit aliena probitas. Apud hominem animi dubium, & consilij anxium valuit amicè suadentis oratio, vt continuò Spiram ad nostròs contenderet, de què Fidei capitibus eos adhiberet arbitros, quorum hortatu demì nostræ dierum aliquot sibi secessum indixit ad deliberandũ, Deumque consulendum. Abellè non potuit, quin lucem studiosè inuestiganti, probæ indolis viro, atque perspicaci, ea in tempore copiosa oboriretur, suauique fulgore animum eius perfunderet: & reuerà, paucis diebus quàm secesserat, liquida ei affulsit veritas, vt iam dubium ipsi esse non posset, quid se amplecti, quid sequi oporteret. Vt ne in blandientis, vocantisque Veritatis gremium festinus accurreret, velut totidem obiectis repagulis, duo quædam incommoda prohibebant, & impenduntia Lutherum abdicanti ex nuper amicis probra, & de complurium Dynastarum largitionibus optimorum stipendiorum decessio, quam vtramque calamitatem, quòd pænè præsentem cerneret, eius metu non mediocriter commouebatur. Aduersus istiusmodi formidines, noster Sacerdos hominis anxium pectus cum sibi visus esset opportunis ad quietem instruxisse præsidis, hunc ab se cum bona pace dimittit, cui accepta à Patre monita attentius animo versanti, recurrentibusque identidem prioribus illis nugis, turbulenti molestissimarum cogitationum fluctus acerbam integræ noctis insomniam arrulerunt. Prima verò luce, cadentibus intestinæ procellæ flatibus, rediit homini sua tranquillitas, eoquè post asperam di-

micationem incubuit eius animus, quò eum Deus antè impulerat, vt totus esset in Patrū nostrorum potestate, quibus eodem ipso tempore se totum permisit, paulloque pòst piacularè Confessionis Sacramentum obiit, largiter continenterque flū-
tibus lacrymis, vt charta vnde noxas recensēbat, vestisque anterior, tota madesceret. Quod autem auctore Deo ingressum se putaret vitæ genus, flagitiosè facturum se ratus, nisi luce palam profiteretur, cum opportunum quoque videretur, eadem opera occupari, frangique mox erupturam veterum amicorū impressionem, Spira egressus, mox toto itinere disseminauit suam transitionem ad Catholicos, vt eius nunciij suum ad domesticos aduentū anteuerterent.

H E R B I P O L I T A N V M

Collegium.

FR E I D E N B E R C H A M oppidum Frāconia, pridem acceptum ab Episcopis Herbipolitanis, beneficiario iure possederant Freidenberchani Comites, quorum omni nuper extincta stirpe, ad nostrum Antistitem oppidi possessio iure Caduci rediit, sed Hæretica lue profus contaminati. Eò cū missus esset Sacerdos noster imbuendis Fide Catholica oppidanis, quòd eius rei edictū nulum, vt mōris est, à Principe antecesserat, nec vllæ quoque littæ huius decreti nunciæ afferebantur; diu pugnandum prius fuit, quàm noster
ad

ad concionandum admitteretur, maximè quòd
eius oppidi mœnibus, vt fera bellua siluestri la-
tibulo, Prædicans se occultabat, cui aduentus Sa-
cerdotis formidolosus accidebat. Oppugnatio-
nem porro hæresis ab ipsa eius arce, hoc est ab
Senatoriis viris, & principibus ciuibz, cùm noster
instituisset, multo licèt ac diuturno labore, tandem
tamen expressit, vt vniuersus pæne Senatus Fidem
Romanam alacriter amplexus, eam in summa eade
palam obeundis Sacris profitendam sibi ad ceteros
ciues permouendos exultimaret. Quod exemplum
momenti tantum habuit ad vniuersam plebem
concitandam, vt iam oppido toto Hæreticus nul-
lus deprehendatur. Per illa autem felicia primor-
dia hæresis in ciuium primoribus debellandæ, cùm
non nemo coniiceret ex animorum motu qui cõ-
citior cernebatur, vniuersam ciuitatem breui
ad Catholicos ritus sese appulsuram; Senator qui-
dam, Deus, inquit, omen auertat tam infaustum,
ac potius pestilentis halitus dira tabe nostrum
conficiat caput. Seu assensere, qui aderant, im-
piè ciuitatem Orco deuouenti, seu agnitam Nu-
minis offensam contemnere, reorum certè capiti-
bus haud ita multò pòst tetra insedit lues, quæ pau-
cis mensibus sexcentos de plebe, ac inprimis sacri-
legum illum, nefariæ Deuotionis auctore, de me-
dio sustulit. Lutherani ritus Confessionibus au-
diendis, per eos dies, operam dabat Prædicās Frei-
denberchenis, qua defunctus opera, cerebri ani-
mique leuandi gratia, properabat in popinam, quòd-
que auribus exceptas noxas curialium suorum vel

mentis angustiore sinu capere, vel frigidiore stomacho concoquere non poterat, inter pocula plenis buccis eas apud suos compotores, proditis auctoribus, eructabat. Inter numerosam recensio- nem alienorum delictorum, accidit ut euulgarer oppidani cuiusdam adulteria, & parricidium in uxorem admissum, ut, ea sublata, mæchandi maior tutiorque libertas esset; quo Prædicantis sacrilego indicio ad parricidam delato, is, grauiore suppliciorum concepto metu, voluntaria strangulatione iudiciorum seueritatem anteuertit. Ferro flammaque piandum facinorosi Curionis flagitium in id tempus incidit, cum Lutheranae sectæ turpitudinem ab nostro patefactam, eò foediorem ostenderet, faceretque ea impotentis linguæ procacitas, quæ Sacrorum arcana cum scurrili ganearum petulantia confunderet; ut, vel furciferi vnus inexpiabili sacrilegio, suam insaniam edoctos Lutheranos eius aliquando pœniteret, puderetque. Per maioris hebdomadæ sollemnia Mariani Sodales, animi acrius ad pietatem inflammandi causa, in supplicantium pompa Christi patientis mysteria solent exhibere, interque cætera cruciatuum Seruatoris simulacra, prægrâdis Crucis gestationem vsurpare. Anno superiore matrona suum coniugem receperat ab supplicatione fatigatum fractumque, ac sudore totis membris diffluentem, postea quàm gerulum Crucis inter Sodales egerat; quem, animo egregiè comparatum hoc anno ad idem onus humeris excipiendum, uxor non destitit obsecrare, dum eum ab sententia

ria deduceret. Rediit ille quidem immunis ab laboriosa gestatione, sed longè deteriore valetudine, quàm nuper ab sacra sarcina reuenerat, adeò scilicet debilitato corpore, quasi mulcatis contulisque omnibus membris, vt pedibus non insisteret; quæ inualerudo quartumdecimum continentem diem ita tenuit, vt singulis momentis efflaturus animam putaretur. Ignotam medicis morbi causam mulier facilè agnouit, suæque molliæ ac infano in coniugem amoris dolens meritoque attribuit; cui Numinis benignitas culpæ supplicium deprecanti salutem mariti condonauit, vbi ea sanctè adiurarat, coniugis animum ab officio Christiano nunquam se auocaturam.

ALTERO anno Sacerdotes duos veneranda senecta, & rebus gestis claros, funebribus iustis profecuti sumus. Pater Sebastianus Kollerbnam sexagenarius obiit, cùm quadragenarium inter Socios ageret; quòd omne tempus religiosè vtiliterque vel Humana in scholis, vel Diuina Sapientia in primariis templis tradenda, impendebat. Pater Gerardus Phien duodeseptuagenarius, Spiritualis Coadiutor, quadragenos septenos in perpetuis frugiferisque laboribus Societati commodarat, & quidem singulari semper Diuini cultus promouendi ardore, què ardorem fractæ annis & perpetua laborum contentione vires tantum abest vt extinguere potuerint, vt etiam visæ fuerint in vltima senectute accendere. Pessimè affectis pedibus, vt vix consisteret, numquam domi acquiescebat, quin aut de superiore loco ad concionem

diceret, & quidem sapius in die, aut salutare operam alicui ciuium nauaret; nullus vt Collegarum eo frequentior adiret peste aliave contactos labe; aut sua praesentia & industria egentibus commodanda esset occupatior. Insitam natura, diuturnoque studio & vsu auctam, propensionem subleuandae inopum mendicitatis, nouis argumentis ac stimulis in se quotidie acuebat, vt cum sua benignitate omnium egestatem complexus magnopere folaretur, non in ciuitate modò, sed Franconia vniuersa pauperum ideò haberetur parens, quoniam reuera esset. Singularem in eo vitae sanctimoniam Deus sic adamauerat, vt eam eximiis ornaret prerogatiuis, cuiusmodi fuit potens in Cacodæmonas imperium; quibus exigendis procul ab Herbioli frequenter aduocabatur. Eius funus cum multa luctus testificatione celebrarunt viri ciuitatis principes; ac in primis Episcopus, qui secundum exequias seipse apud nos ad prandium inuitauit, & à mensa, nostris omnibus conuocatis, longum disertumque panegyricum dixit demortuo, cuius inter cæteras plerasque laudes, illam commemorauit, & extulit, huius Patris industrię deberi magna ex parte Fidem Catholicam in hac prouincia restitutam. Septuaginta seu ciues, seu exteri, adulterino patre Luthero repudiato, Romanam Ecclesiam, vt germanam parentem, agnouerunt, in eiusque familiam & Sacra commigrarunt.

FVLDENSE COLLEGIVM,
& Heiligenstadiense.

PATR I Iodoco Barloë viuendi finis fuit tricesimo & altero anno, quàm Societati fuerat auctoratus, cuius militiæ omnem rationem cum principio egregiè combibisset, & subesse ducibus, & præesse Sociorum ordinibus, ita solebat, vt eximij ductoris ac militis omnes numeros insigniter expleret. In Seminario degebat, vbi cum anniuerfarij secessus, & piæ commentationis octonarium religiofè decurrisset, venerat in Collegij cœnaculum, pro more deprecaturus erratorum veniam, cui muneri studiosius intentum vehementioris Apoplexiæ stupor sic incurfauit, vt cum feptenis horis, sed mentis femper compotem, extinxerit. Andreas Bettendorffius, indolis optimæ ac Religiofi animi adolefcens, dum studia decurfata intentius recolit, in diuturniorem tabem delapfus est, quæ cæleftis vitæ cupidiffimum eò denique deduxit, quò multis præclarisque nobilium virtutum edendis facinoribus pridem afpirauerat. Ab hærefeon fœdiffima feruitute in Euâgelij certiffimam fplendidiffimamque libertatem duodecim ex multis afferuimus, cæteris eiuſdem iniicimus non vulgarem cupiditatem.

POSTERIORE anno duos iis plures eadem sanctæ libertatis prærogatiua donauimus. Duodecimesimo ab hinc anno decefferat de poteftate

mentis Pater Ioannes Huckelus, dum se ardentius ad concionatoriū munus comparat, ad quod ingenij, eruditionisque facultatem eximiam allaturus videbatur. Ante aditā eiusmodi calamitatem, super cæteras Religiosi hominis laudabiles dotes, insigni perpetuò fuit in Præsides obsequio: ab illa verò mentis aberratione ad hunc annum, qui ei fuit vltimus, tractabili perseveravit ingenio, vt ei dementia non videatur fraudi fuisse ad salutem.

HEILIGENSTADIANA plebs exemplo, consuetudine, hortatuque triplicis Sodalitij nostri, eam morum probitatem indeptā est paucis hisce annis, ad quam nulla legum seueritas eam vquam adigeret, tantoque studio in Christianas virtutes hoc vtroque anno incubuisse obseruata est, vt tam lætam sanctorum morum frugem ei meritò probi omnes gratulentur. Duodecileptuaginta seu Lutherum seu Calvinum sibi exitialem, eorumdemque sacra fuisse pestifera, eitorarunt; quibus certæ salutis spes in Ecclesiæ gremium venientibus est constituta. Paralyticum linguæ vsus cum destituisset, auriumque sensus, multiplici noxarum index in charta longo descriptus ordine ipsi à nostro Sacerdote oblatum est, vt inspiceret quarum sibi esset conscius, digitoque indicaret: quā industria rectè vsus, apertis figuris ostendit, quid quantumque in eo genere criminum deliquisset, incussa identidem ad pectus dextera, vt se admissorum significaret pœnitentem; quibus edendis argumentis absolutus ab Sacerdote, Christianè vita functus est.

MOLSHEMIENSE COLLEGIVM.

MICHAELE Senheem, altero Theologici stu-
dij anno, diuturna Phthisi contabuit, ado-
lescens orandi, ac cæteræ pietatis, patientiæque
laude insignis. Hæreticis Popis suas sibi res esse
iusserunt vnde viginti, atque in his tres nobilissimi
adolescentes, ex honorario comitatu Hæreticorum
Dynastarum, quibuscum acriter depugnarūt huius
libertatis adipiscendæ gratia. Puer in Germanis
perillustri loco natus, annis duodenis paullò ma-
jor, idiōmatis Francisci gratia in Aulam Lotharingi
Principis missus, aleam exercebat cupidè, lucròque
ardentiùs studebat, cui ludus die quodā infelicior
loculos cū exensississet penitens, & alieno ære apud
collusores obstrinxisset, aduerso casu mœrens, de-
que sarcienda iactura sollicitus, in propinquū hor-
tū egressus est. Ibi solitarius inter inambulandum,
pecuniæ qualibet via nanciscendæ vehementiore
studio elatus, apud se in hanc sententiam loqueba-
tur: Si mihi nunc Cacodæmon legitimæ mone-
ræ, quantum opus est, concederet, admitterem
libens, eoque nomine cum eo ius perpetuæ so-
cietatis contraherem. Vix tantum effatus erat mi-
ser, cū ex Orco se illi sistit ad latus veterator
argentarius, puerili specie, cultuque ac ornatu
eodem propè, qui erat se vocantis, cui exhorres-
centi alterum humerum concussit Tartarus Da-
nista, bonoque animo esse iussit, ac pecuniam ab
se sumere, quam ille sumpturum se negat, nisi pro-
bam,

bam, & qua sumenda nihil à Dæmone in se no-
 xia contrahat : à quo vtrumque pollicito num-
 mos accipit, repetitaque alea, collusoribus no-
 mina dissoluit, & amissam pecuniam nullo nego-
 tio recuperat. Inde, lætus, facili, vberique com-
 pendio, ad condictum sibi à Dæmone locum re-
 greditur, cui fortunatam aleam deinceps spon-
 denti, eiusque felicitatis mercedem corporis mē-
 brum deposcenti, aut schedulam iis conceptam
 verbis, quæ ipse Dæmon dictauerit, prius postu-
 latum abnuat, posterius pæne vltro detulit. Pueri
 cruore faciendum erat scriptum, & ex illius sini-
 stra eliciendus sanguis, quam puer, non nihil tergi-
 uersatus, porrexit asserenti dolorem absfuturum,
 ex quâ longiore ductu tenuioris musculi sine sen-
 su euellitur in musculū, vnde fluens cruor iuglandis
 exceptus cortice cum esset, eo describit puer partim
 Græcis, partim ignotis litteris, manū dirigente Dia-
 bolo, schedas geminas, alteram minutissimā, paullo
 ampliorem alteram. Priorem Dæmon in recisi mu-
 sculi plagulam indidit, qua indita, mox obducta
 est sua sponte cicatrix; cuius schedæ vis fortuna-
 tura erat dedititij pueri aleam, cæteramque om-
 nem actionem: posteriorem teter animorum lici-
 tator sibi seruauit, obsides nempe tabulas, capitis
 æterno mancipio ipsi ab demente puero dati, cu-
 ius mancipij dies septimo post anno exiret. Postri-
 diæ adhuc decumbenti suo discipulo adstitit ad le-
 ctulum, præcationum libellum ab eo sibi tradi po-
 stulat, suadet à precando abstinere, sic enim medi-
 tato, quod gereret, scripto adfuturam multo po-
 tentio

tentiozem efficacitatem, Quo ex die, cum ei factus
esset familiarissimus, vt quouis loco cupienti se si-
steret, cæteris quidem aspectabilis, sed ignotus,
sua disciplina paucis diebus puerum ita depraua-
uauit, vt eorum flagitiorum, quæ eam ætatem ha-
bere solent infestam, ille nihil non auderet, & ad
vicesimum vitæ annum perpetraret impunitimè.
Vicenarius ex aula Principis Lotharingi domum
cùm reuertisset, apud sororum natu maximam,
virginem honestissimam, genere vitæ cum primis
illiberali, mox offendit grauissimè; cui familiari-
ter cum eo expostulanti, ex tam religiosæ aulæ
sancta disciplina tam flagitiosos mores, clarissimo
loco natum adolescentem, retulisse; paucis, ac præ-
cise sorori retulit, ac deinde matri, necessitate ad-
actum sceleratam se vitam agere, his legibus, scri-
pto cruento chirographo, Cacodæmoni adstrictū
se octauum iam annum viuere. Ei parum præsidij
fuit in matre, Schuuenckfeldiani dogmatis asse-
cla, cuius multa in eo fuit opera, vt natum, cer-
tam iam Orci prædam, damnatæ item hæresis mā-
cipium faceret, nec alienum ab suo sensu calamiti-
tosi adolescentis animum offendit, cuius per id
tempus certum instabat exitium, cum traditæ Dæ-
moni syngraphæ, ac deuoti capitis dies exisset.
Quamobrem ex eo tempore Tartareus ille mango
acerrimè vrgere adolescentem, vt Deum ac Cæ-
lites execraretur; vtrumque parentem, duos ex
famulis, oblato puluere medicato, exstingue-
ret; arcemque parentis sibi dederet delendam in-
cendio; ipseque sibi denique mortem conscisceret;
cui

cui, minùs properè obsequenti, atri leonis figura, in matris ac sororis oculis sēuos intentans vngues, diu multumq̃ue vexato tantum non exitium attulit. Inde patri eius, Catholico viro, necessitas imposita, grauitè querentibus cognatis, dilata in eum diem remedia, adolescentis Molshemium ad nos destinādi, si qua ratio apud nos suppeteret imminētis cladis ab eo auertendæ; quò cū adductus esset catenis ligatus, iussit eum Pater Rēctor solum vinculis in custodia certi Sacerdotis inter nostros agere, adiicere animū ad subsidia idonea suo malo capeſſenda, eum dēinque ad spem sanitatis cum Diuina ope erigere. Primis diebus, dum adolescentis custos Pater cum eo agit, auditi sunt in propinquo grunnitus, & peregrinarum belluarum fremitus: vbi verò de seria Confessione cōceptum est agi, misero Dæmon inquietos dies creare, hospitij nostri, & sacræ Pœnitentiæ ingenerare fastidium. Eas hostis fraudes dum ille dissimulat, tametsi vultu tristitiam prodente, Cacodæmoni animos facit, & ad se aditum parat, vt auderet, in ambulanti in pergula, hirsuti, ac siluestris Fauni habitu, se cōspicuum dare, atque suadere, vt adulterinum chirographum suo cruore describeret ei simile, quo se nuper Dæmoni mancipasset, quod humi abiectum, & à nobis inuentum, nos pro legitimo haberemus, rati ab seruitute Tartarei prædonis liberum adolescentem, quē sic delusi, vt sanum dimitteremus. Expresſo igitur ex manu cruore, Cacodæmone argumentum dictante, peregrinis notis simulatus syngraphus

exara

exaratur, pro verò substituendus, cuius clandestinæ scriptioni cum famulus interuenisset, & ab scribente abigeretur, suspicionem sagaci homini mouit quæsitâ ad scribendum latebra, ansamque præbuit scrutandarum vestium dormientis hominis. In femoralium perula exitiale syngraphum cum deprehenderetur, ad aspectum cruenti, peregrino idiomate, scripti famulus exhorruit, exploratum tamen in eâdem peram abdidit, ne hero ferociori stomachum moueret, admonito interim Sacerdote, adolescentis curatore, cui visum est rem dissimulare, quoad se idonea occasio aperiret. Posterum diem egit ille dissolutissimè, vt faciliè constaret, in gratiam cum Dæmone, atque ad ingenium rediisse; ad quem sub vesperam cum adisset Sacerdos, seueris verbis castigauit hominis, in grauiore suo periculo, negligentiam atque proteruiam, deque recens exarato chirographo percontatus, rationem eius iussit reddere. Asperioribus verbis denunciata veritas continuò ab alienati ab sua salute adolescentis contumaciam emolliuit, culpamque libenter agnoscentis expressit lacrymas, promissumque frugis melioris, cuius argumentum illud esse, quòd illa ipsa hora veniret in Patris potestatem, in qua perpetuò esset futurus: syngrapham auctore Diabolo, decipiendis Patribus scriptam à se, mutato tamen consilio certum in locum abiectam, quem indicaturus esset, vt tolleretur, vnde & sublata est. Quòd autem animum, ex eo die, seriò appulerat ad salubria consilia exsequenda, infestiores sentire cœpit

pit hostem, eoque solitudinem minimè ferre, ut
cui, absentibus arbitris, consueffet incurfare mo-
lestissimè. Depellendæ igitur tam periculosa in-
cursationi, recipiendisque geminis chirographis,
cœpimus hominideditio adhibere exorcismos,
in B. Patris Nostri sacello, quos confestim secu-
ta est adolescentis maior tranquillitas, & ab Ca-
codæmone leuior molestia. Diu tamen pugnan-
dum fuit, ut ad Pœnitentiæ Sacramentum addu-
ceretur, quod occulta fraude aduersarij repugnanti-
ssimè inibat, cui tandem id ingressio frequentes
grauēsque horrenda forma aspectabilis Dæmon in-
cutiebat terrores, paullatim tamen minùs formi-
dabilis, ut in dies Confessionis vsus iterabatur.
Quoniam verò haud satis diligenter videbatur
sibi cauere ab aduersario, cuius instinctu impo-
tentiùs in famulum efferebatur iracundia, multa-
que frequenter peccabat vitio impatientiæ: data
occasione Pater Rector hominem sibi sumsit libe-
liter obiurgandum, quam obiurgationē hic paul-
lò post agnouit sibi vtilissimè cessisse, ut quæ se
multiplicium noxarum admonuisset, quas, non-
dum animaduertas, in Confessione tamen recen-
feri oporteret. Inde ad Eucharistiam participan-
dam cœpit studiosius comparari, cuius tamē sum-
tioni ipse præuenteret sollempnem Catholice Fi-
dei professionem, eodemque tempore Cacodæ-
moni ex scripta formula inter Sacrum renuncia-
ret, quam formulam legendo decursam sacrifi-
canti Sacerdoti traderet, tota nostra familia ora-
tionibus, & afflictationibus corporis, futurum eius
certa

certamen ardentè adiuuante. Inter illud sacrum adolescenti quiescè fuerunt omnia vsque eò, dum Cælesti epulo refectus esset, atque Pater Rector ab eo acceptum renunciationis scriptum in ara deponeret: quo ipso tempore in eum repentè irruit animi tanta perturbatio, quantam non meminisset expertum se esse, vt, solatij accersendi gratia, tremebundus ad Sacerdotem, curatorem suum, se applicaret. Adstabant Cacodæmones duo, caprina effigie, in posteriores erecti pedes, alter præ altero ad altare conuersi, quorum prior sublati anterioribus ungulis vtrumque adolescentis syngraphum præferret, ostentaretque impensè perturbato; cuius terrori, & Dæmonibus amolientibus, cum adhibitus esset exorcismus, adolescens sibi restitutus est, hostesque fugati sunt: quibus exactis, alterum chirographum, sinistræ pueri nuper à Dæmonè insertum, humi, ad læuum cornu altaris, ab studiosè vestigantibus nobis inuentum est. Læta de Orco spolia spem haud leuem splendidioris victoriæ, acrioresque animos ad reliquâ pugnam fecerunt. Semel itaque, & iterum exorcismorum vis grauiter in Tartareum raptorem intorquetur, quorum primum impetum fuga elussit, alterum declinare non potuit, quin ciconiæ figura se sisteret, sed, vt semper, vbi ipsi iuueni aspectabilis, cum pendula ex rostro altera cautione, conspicuis etiam singulis eiusdem versiculis, vt facillè numerari possent, quam & victus super aram deposuit, illo ipso vespere, quo exorcismis fractus est, vbi postridie manè illam Sacerdos, adolescens

adoleſcentis cuſtos, deprehendit. Nihilo tamen minùs per Sacra omnia viſus eſt adigendus Dæmon; vti præſens coram adeſſet, ac proderet, ſi qua ei reliqua poteſtas eſſet in adoleſcēte: ſed, poſt iteratos ſumma vi exorcifmos, nihil Tartarei vñquam comparuit, neque vlla iuveni reſidua deinceps fuit ab hoſte periculi, vel formidinis ſuſpicio: cuius animo iatereà validiùs ſanctiùsque muniendo, adhibitum eſt Confirmationis Sacramentum. Excifì verò muſculi cicatrix, in adoleſcentis læua manu, olim eminula, vt præteritam plagam argueret, poſt eductam inde, ſine iuuenis ſenſu, auſpicata illa ſchedula, ſic etiam oblitterata eſt, vt oculos fallerent tenuiſſima eius veſtigia.

IN SEQVENTIS anni fuit non levis plaga ex deceſſu Patris Ioannis Hertingij, viri planè ex germano Societatis ingenio, qui ex ſuæ parentis alto quodam ſenſu iudicaret omnia, & ſtrenuè ageret, ad vltimum vitæ ſpiritum, quem quinquagenarius efflauit, primo ac triceſimo anno, quàm in noſtrum Ordinem conceſſerat. Multiplex eum, ac politiſſima litteratura diutiſſimè in ſcholis exercendis attinuerat, quòd eximix illius eruditioni comitaretur ſingularis induſtria iuuentutis vtiliter educandæ: qui ex eo ſtadio ad cōciones honoratis locis habendas tranſlatus, poſteà quadā propenſione libèter deuolutus eſt ad ruſticanorū animos catechiſmo imbuendos, qua in palæſtra dici vix poteſt quàm fructuoſè ſit verſatus. Is tamen occupatiſſimus domi, euolabat in agreſtium cœtus quàm ardentiffimè, atque in idem ſtudium,

ſum

summa arte, ac inulitatis blanditiis, traducebat de familia quàm plurimos poterat. Quidquid autem operosissimo homini vacui temporis suppetere umquam potuit, id sollertissime ab eo collatum est in fructuosos Latini sermonis codices vernaculè reddendos, cuius ingeniosa & elegans interpretatio, & argumenti dignitatem ornaret non mediocriter, & cupiditatem legendi magnopere acueret. Adiungendorum itaque Christo animorum quòd pleræque ac singulares in eo dotes emicabant, de illo inter omnes Collegas vox illa increbuerat, Patri Hertingio promptum expeditumque perpetuò hære in manibus hamum, quo callidissimè homines Christi amore inescaret. Eum decumbentem Princeps Leopoldus cum amantissimè inuississet, viri sanctitate recreatus maximo perè, non potuit, quin apud cæteros Patres tantæ virtuti multam cælo quæsitam felicitatem pronūciaret. In silua erranti sub vesperam adolescenti, viri nobilis famulo, Cacodæmon specie canis aliquantulum viæ præcucurrit, dum ad Danubij ripam peruentum est, vbi assumpta desubitò figura pullati hominis, iuuenem interrogat, numquid suus esse velit, secumque viuere, si cuestigio amnem traducatur: cuius imprudenter assentientis præceps responsum vix intercesserat, cum repente adfuit scapha, quæ prius nulla toto eo litore fuerat. Versabatur temerarius adolescens in medio amne, cum nauicularius ille carnifex, qui esset, apertè professus, summa vi cum adigit, uti se sibi deuoueat, Deum, & Cælites sollemnibus

N

verbis

verbis exsecratur, mox fædo gurgite absorbendus nisi pareat; quibus minis deuotionem ab tærrito extorquet. Tam impio nauulo traiectus miser, vix sæuissimi prædonis manibus subducere se potuit, quin, eo stipulante quadrimæ diei certam fixamque corporis & animi deditionem, conceptis verbis, suum exitium ipse restipularetur, ac repromitteret; sed interuenere prætereuntes arbitri, qui, euanescente Diabolo, stipulationem dirimerent. Huius addiætionis tã sceleratæ cùm eũ deinde pœniteret, eiusque rationem piis viris exponeret, adhibiti sumus, ad facinorosum eius cùm Orcino Tyranno dissolendum commercium. Ei, cùm suadentibus nobis, se obstrinxisset voto certorum dierum sacre Confessionis ac inedia, perque Pœnitentiæ Sacramentum ritè procuratus esset, adhibiti sunt exorcismi, tribusque continentibus diebus inter Eucharistiam ab eo sumendam, excepta est scripta eius syngrapha Sacerdotis sacris operãtis manu, qua syngrapha Deo se totum dederet, Dæmonem habere res suas iuberet. Eiusmodi triũ Missarum, eam quæ Beati Ignatij fuit propria, quòd eius suffragia maximè poscebantur in hoc negotio, Cacodæmon mirificè interturbare conatus est, vt interim apud se vix esset Sacerdos, tetra ipsi oblata specie, quæ proxima fenestra irrupisset, fœdè fluentibus, etiam nulla spirante aura, cereis, molestissimisque intemperiiis circum aram obstrepentibus. Sed qui dies plus habuit certaminis, is fuit & nuncius, & obles impetratæ victoriæ, nam ab eo die adolescenti, nuper dedititio quietissima

ma & iucundissima fuere omnia. Alterius pueri, ex nostro Molshemienſi gymnaſio, plures, grauioreſque fuerunt cū eodē graſſatore pugnae, ſed tanto illuſterior & glorioſior de eodem triumphus. Tenuitatem fortunarum eius crediderat ſibi profuturam ad eius animum expugnandum, quam obrem variè priùs tentato vim magnam pecuniæ deſert, cuius abſtinentiam ubi labefactare nequirit; ad atroces minas, & immodicos terrores conuerſus, non die non nocte illum quietum eſſe ſinit. Fortiter obluſtantis probi pueri conſtantia Dæmoni ut grauis ſemper fuerit, nihil ei tamen grauius, quàm quòd nihil ſuo, ſed noſtrorum omnia conſilio gereret, in eo certamine; cuius noſtrę opus uſu in præſentia, in poſterū ſpe, ut eū deiiceret, nihil nō eſt molitus, ac die quodam propemodū deiecit, ut ad nos deſperanter adiret, inaniaque deinceps noſtra præſidia ſibi futura tantum non arbitraretur. Sed Sacramentis religioſè procuratum, viſ exorcifmorum, porrectaque inter rem diuinam Sacerdoti noſtro ſyngrapha ſua, cuius verbis ſe antè Deo conſecrarat, Dæmonis conſortium deteſtatus, Dei beneficio, cætera omni vexatione illum abſoluit. Alteri quaterdenū annorū puero, quem ſua mater Lutherana, & ſagarum regina inter populares, panè infantem Orco addixerat, Beati Patris Noſtri ſuffragia exemerunt ſæuiſſima Cacodæmonis ſeruitute. Multa interuenerant eius promiſſa, cum matris ſuaſu, tum violento hoſtis imperio, ac diris vexationibus, quibus ſe & ſua omnia crudeli Tyranno deuoueret: ſed perſcripta ipſius cruore

atque manu cautio, sollemni magorum ritu, eum Tartaro certiùs addixerat. Ei deinde iam pubescenti, cum truculentus ille dominus matrem horrendo leti genere subtraxisset, mendicitasque peregrinationem suasisset, oppida varia temere obcunt, tandem VVormatiæ puer eius æqualis persuasit, ut ab Luthero descisceret; ubi res suas nostris aperuit, quorum litteris commendatus est Molshemiensibus Sociis, Beati Ignatii patrocinio sanandus. De via tamen Molshemiensi volens deerravit, Dæmoni obsecutus, quem ferè comitem habuit tota peregrinatione, atque ad vetera flagitia in patriam rediit. Haud multò post tamen, ubi Molshemium rectà contenderat, litteras Patribus reddit, quæ ut rem non aperirent, sic ipse puerili simplicitate reticuit, quoad eum conscientia periculumque tandem adegit per colloquij occasionem cuidam Patrum exponere: qua ex die infestissimum passus est Dæmonem, à quo, per illius silentij tempus, acciderat mira tranquillitas. Septenas totas noctes ea pugna tenuit, nouum deditionis chirographum imperiosius exigente Tyranno, & ab monstrosissimis laruis pueri terrore exaggerante, à quo tamen extorquere nihil potuit, nisi ut, post graua incussa verbera, nocte quadam, nudus in medio veneficorum choro, saltaret, vapularetque, qui ut ad se rediit, dum inter plagas recitat salutationem Angelicam, chorus & choragus, ut fulmine icti, momento dilapsi sunt. De die in nostris ædibus attinebatur, ut, memoria recolens, quæ sibi horrenda scelera contigissent
in sacri

in sacrilegis olim cœtibus, ea describeret, inter quam occupationem, non rarè se illi sistebat nefarius ille flagitator, noui aliquid postulans, à quo vicissim puer suam repetebat syngrapham, & quod mirum sit, per ipsa etiam terrorum ac verberum discrimina, frequentissimè, ac intrepidè repetuerat. Septima demū nocte teterrimæ formæ bellua decumbenti oblata est, quæ deformi ac productiore rostro suspensum gerere videbatur cruentum chiographum, quod pridem exigeretur, quo ex ostento puer venit in spem eiusdem recipiendi, vt illud pridie, Virginis rosarium decurrens, cum multis lacrymis ab Numine impetrare studuerat. Porro adhibendis exorcismis frequenter interiecta fuerant Beati Ignatij suffragia, pro quæ imperio iussus erat dolorū artifex, quem flagitio stipulatus esset ab incauto puero syngraphum, eundem ad pedes ipsius Beati, super aram exstantis, sine dolo malo sistere. Nec igitur sua fiducia puerum fefellit, nec irritæ fuere Sacerdotis iussiones de restituendo chiographo, & quidem quo loco designabat: nam postridie quàm fœdum illud visum puero se obiecerat, Sacerdos, hora pomeridiana tertia, ingressus Beati Ignatij sacellum ad iterandos summa vi exorcismos, cum multo suo horrore incidit in cruentam schedam, ad pedes Beati Patris aræ impositam, quam puer, omnibus indiciis & argumentis exploratam, illam ipsam esse agnouit, qua se nuper, à matre deceptus, Orco addixerat.

CONFLVENTINVM COLLEGIVM,
& Paderbornense.

ACERBITATEM superiorum annorum hic annus videtur quodam modo mitigasse, cum magnis cladibus, grassante licet in populum lue, omnib. nostræ familiæ, ac gymnasij capitibus, eam Diuina benignitas arcuit. Singulare autem illud accidit ad memoriam, atque ad exaggerandam religionem erga Dei Matrem, vt quamdiu Litaniæ sub vesperam ei sunt à Discipulis decantatæ, nemo vnus ex eis, in tam inquinata ciuitate, contingeretur: simulatque verò abesse res periculo videbatur, ab litaniarū cantu discessum est, illo ipso die, quo pium illud carmen desit, discipulorum vnus letali vlcere decubuit, moxque alij duo extincti sunt, magno terrore vniuersæ iuuentutis; quo documento percussī, ad litanias nos reuocauimus, & in annum totum protraximus, quo anno toto iuuentus vixit incolumis.

Alter annus paulò liberalius nos admisit in familiaritatem cum ciuib. & aduenis, pestilenti iam discusso afflatu, vt etiam licuerit Lutheranos in rem præsentem manus cōsertum vocare, atque Ecclesiastici fundi possessionem, perpetuis auctoritatibus probatum, ex eorum vindicare manibus; qua vindicanda vnde viginti ex ipsorum grege, vbi didicerant, apud ipsos Ecclesiæ nullum residere vestigium, ad nos libentes transiere.

PADERBORNENSES scholas pestifero
contactu

contactu prohibuit eadem religio, quæ Confluentinas, inter creberrimas ciuitatis plagas, & quotidiana funera, vt in medijs veluti bustis periclitantes, tamen litterariæ palæstræ suas exercitationes nihil intermitterent. Qui aliena omnia de Fide sentirent cum Catholicis nihilominus communem sepulturam in vrbe ambiebant, & reuera etiam adhuc obtinuerant, nimia magistratus indulgentia: sed hoc tandem anno euicimus, vt hæc prærogatiua excluderentur, extra pomærium in agros exportatis eorum cadaueribus: quam ignominiam plerique Hæreticorum veriti, ex ea sumserunt ansam Catholici dogmatis sub exitum vitæ amplectendi; cuius generis homines vndetriginta in Ecclesiæ sinū admissos, ad sacræ sepulturæ iura lætissimos proueximus. Quo ferè tempore Christianam fidem, disciplinamque accuratiùs edocti Iudæi duo, cum alterius infante filiola, nostris Sacris, magna sua voluntate, ac ciuium gratulatione, imbuti sunt. De horum altero, sibi noto ac familiari, cùm inaudisset Lutheranus, familia nobilis, ad Catholicos breui migraturum, conatus est eum traducere ad suum gregem; sed respondentem libentiùs se in Iudaismo perstaturum, quàm vt Lutherismo inquinaretur, hanc hominis ingenuam libertatem Hæreticus acerba contumelia iniuriæque vltus est. Per summum enim Catholici ritus ludibrium, barbam, capillumque ipsius, ex Monachorum formula, tonderi ad curtem iussit, & eiusdem caput ab aure ad aurem, atque à fronte ad occiput decussari: suo insuper equo

impositum malè multari verberibus, ac dimitti.
Sed tam contumelioso probro Iudæus ab instituto nequitiam deterritus, quod animo destinarat, est reipsa exsecutus fortiter, alacritérque, nostramque deinceps ædem persistit religiose frequentare. Scholarum nostrarum eximia celebritate ac disciplina permotus Antistes noster, pridem de Academico instituendo splendore apud nos cogitabat, cuius consilia nunc cò prouecta sunt, vt, de futuræ Academiæ amplissimis prærogatiuis, apud Germanici Imperij Catholicos præceres seriò iam actum sit, quindenâque Dalerorum millia in eam rem ab eo nuper assignata, in Danistærum mensis, luculento censu annuo in dies exaugeantur. In vicinam Satrapiam peramplam, Hæretico veneno pessime affectam, sæpius itum est ab nostro Sacerdote, ac tam felici demum exitu, vt principem feminam viduam, eius Satrapiæ Dominam, ipsius filiam, ac de clientibus complures Hæreticos, Catholicis adiungeret, in eamque constantiam Romani tuendi ritus induceret, qua ex constantia, cognatorum, licèt præpotentium nemo; sed ne Imperij quidem Princeps aliquis, ei loco vicinus, sua auctoritate potuerit eas feminas demouere.

Posterior annus Academiæ, cuius modò mentionem intuleramus, felicissima dedit primordia, neque minùs fausta Domui Probationis, cuius vtriusque auctorem conditorémque se præbuit Illustrissimus Antistes Paderbornensis, pro sua in Societatem eximia beneuolentia, de cuius Præfulis manibus, Pater Prouincialis ex ipsa ara, vbi faciebat,

faciebat, sollemni ritu scriptam quindecim mil-
 lium Dalerorum cautionem excepit, caput scilicet
 annui vectigalis, Theologicis, Philosophicisque
 Magistris perpetuò fouendis, ab ipso destinati. Hoc
 eodem igitur anno factum initium est Academi-
 carum exercitationum ab Logicis præceptionibus.
 Quo item anno exordium cepere cum Ecclesia
 sentiendi quinque ac triginta Hæretici.

*MONASTERIENSE COL-
 legium.*

LUTHERANAS copias in vrbe vno vicenum
 capitum manipulo infrequentiores fecimus,
 altero item manipulo tricenum hominum, pro-
 pinquo in oppido: cæteris locis aliquem etiam
 numerum detraximus. Extremæ huius Diœcesis
 tractum, versùs Frisios, Emslandiam appellant,
 septuagesimum annum Lutherana tabe perditum:
 sed hoc anno exactis ab Antistite, eodemque di-
 tionis Principe Prædicantibus, nos, cum aliquot
 Curionibus, ad Hæretica lustra repurganda, missi
 sumus duo Sacerdotes, qui Meppenæ, principe
 in oppido degeremus, vnde in circumiecta oppi-
 da & pagos fierent excursiones. Meppeniis oppi-
 danis, hominibus nequaquam malis, Lutherum
 dissuadere laboriosum non fuit, nisi existimatio-
 nem suam in eo agi putarent, & Catholici moris
 Confessio paullo durior videretur. Tricena tamen
 capita se abduci passa sunt ab rustica eiusmodi ve-

recundia, vt iam cæteris, cateruatim ad conciones & Sacra confluentibus, ea res non adeo salebrofa videri cœperit. Celebrarunt vtroque anno gymnasium nostrum frequentes discipuli, ac posteriore quidem duodecies centeni, quorum non pauci, Hæreticis orti parentibus, ea sunt constantia in suscepto semel Catholico dogmate tuendo, vt vitam quàm Fidem potiùs sibi patiantur eripi. Ciuium quidam, apud nos Deiparæ Sodalis, nundinariis diebus, ac Maximi Ieiunij tempore, hospitem magnum numerum domi suæ acceperat, quorum nonnulli carnem sibi apponi postularent, quos ante accubitus iussit eo nomine suis ædibus excedere, quòd nullo iure hospitij posset adduci, vt in diuinas leges fraudem admitteret: qua denunciatione hospites illi se ad licitos cibos accommodarunt. Ex alia centuria sedecim non escas modò veritas, sed vniuersum Lutherismum funditus à se abdicarunt.

*HILDESHESEMIENSE COL-
legium.*

CALVINIANVS Friso, apud suos maiorum gentium Theologus, ad nos deductus ab amicis, vbi coram congressus est, haud erubuit fateri, suam Theologiam nostræ longè inferiorem esse: vtque se ostenderet haud alienum ab nostris rationibus, germanum suum ab Lutheranis, suis olim magistris, auocatum, nostræ disciplinæ, tantò, vt

ed, vt ipse cenſet, potiori, tradidit. Caſtellana nobilitas, Hildeshemio propinqua, Lutherani licet dogmatis, vt primum cœpere noſtri eam viſere, atque officiis colere, continuò ſe non tantum beneuolam, ſed beneficam quoque in Societatem oſtendit: vt fuerit ex ea vir primarius, qui ſalarium veſtigal annuum Collegio attribuerit, nullumque ſinem faciat egregiæ in nos voluntatis exhibendæ. Eiufmodi generis homines nonnulli auidè ad noſtras adeunt conciones, & vt affici cœperunt, Prædicantium nãias auerſantur: cuius alienationis cauſam proferre quidam rogatus familiariter ab æquali, etiam ipſo Prædicante coram, ac Senatoribus aliquot, liberè profeſſus eſt, Ieſuitarum diſtione ſe ad pietatem commoueri ſummoperè, apud ſuos nullam guttulam hauriri poſſe pietatis. Cum altero, ſimul, atque noſter eſt congreſſus, ſermone captus eſt mirificè, vt, ſuper cætera beneuolentiæ argumenta, non temperaret ſibi, quin digredientis in ſinum, atque repudiantis, duodenos Daleros effunderet. Per hæc initia reuiuifcētis in hoc agro verbi Euangelici, eo diſſeminando ex Lutheranis ergaſtulis ſeptuagenos in Eccleſiæ liberam, iucundamque cuſtodiam tranſcripſimus.

SECUNDVS annus totus grauiùs habuit totam pæne Familiam, duosque Socios ad vltima deduxit, quos conclamaueramus, niſi de calo præſidium aduiſſet, etiam extra ordinem. Alterius peſtilens, vlcus ſuppurare cœperat, cui præſentem tulere opè religioſius acciti Cælites ipſi tutelares
ab al

ab altero suspenſa de collo Beati Patris Ignatii manu ſcripta epiſtola, cum precibus & voto, Tympaniten ſemeſtrem, eoſque diurniorem, cum omnium ſtupore depulit. Claro loco natam virginem Hæreticam malus Dæmon inſederat, multaque pertinacia obtinebat, cuius expugnationem fruſtra ſæpius tentatam Prædicantes noſtris relinquere ſunt coacti, quorum opera, ex Eccleſiæ ritu adhibitis exſecrationibus, de veteri ſtatione deiectus eſt, poſtea quàm illa deſciuerat ab hæreſi, vnde deſciſcere ſoror eius maior quia noluit, perſtitit in ſua poſſeſſione Cacodæmon. Decem & octo Prædicantes, numeroſa utique Molofforum caterua, è Tartari luſtris immiſſam geminam hanc feram, cùm ſibi ſuiſſet potenti latratu exigendam, alius alio tempore, & loco, aliaque latrandi formula, plurimùm inanis operæ, cum multo ſuo dedecore perdidit. Enimverò vel ipſis Lutheranis ſpectatoribus tã inepta inſulſaque ratio ſuorum Populorum, in oppugnando Dæmone, viſa eſt, ut miſeros cachinnis ac ſibilis obruerent, ac pleroſque, vel hoc vno argumento, ſui dogmatis pigeret, puderetque. Longum ſit recensere, quàm longè petitis, quàm alienis & frigidis ſermonum ambagibus, non impeterent Cacodæmonem, ſed obſeſſis puellis ſomnum conciliarent, auditoribus ſtomachum mouerent. Triumphabat ſcilicet utraque illa Orci bellua, ſuis in latibulis, oblatas ſibi ad certamen meras latrantium canum laruas, metumque ac fugam ſimulabat interdum, acuendę aduerſariorum ferocię, quam cueſtigio ad dictoria &

ria & iannas erecta obrueret. Nihil falsorum conuiciorum fingi potest, quo illi, omnis proteruitæ architecti, dicacissimè non aspergerent huiusmodi Bœoticos Lycistas; nihil verorum probrorum tam occultum in Prædicantibus esse potuit, quod non palam reregerent, quibus lacessentium ora cum rubore non perfunderent. Hianti ore Ministellorū vni cū Dæmon aliquando illuderet, Sacerdotes nostros, fiducia sui Ministerij, stolidè imitatus nebulo, sacrilegos digitos immisit in hiatum, quos non nisi pænè concisos retraxit. In parentis ædibus cū Euangelici Præcones has puellas curarēt, quasi Lutherani flagelli acerbitate fractus veterator, exclamauit sibi excedendum, aperirentur mox fenestræ, inferri sibi vim, cui par nō esset: decursū est certatim ad fenestras recludendas; tum ille sublimè clatā vnā virginū, formidoloso volatu, diu tota aula circumuexit, Prædicante interim efficacitatē verbi sui demirante, quasi alterius Elisæi, cū desubito puellam pænè deficientem humi demisit, ingēti Prædicātis ludibrio. Quidquid sacrosancti suis in adytis fuerat, quidquid in armamentariis Lutheranis validi & infracti, expromserant magna vi & inusitata ambitione Martinianorū Mystarum proceres, vt Martini veterē infamiā detergerēt, longēque Martino se venditarēt sanctiores, sed Tartarea Viuerra de suo scrobe tamen trāuersum vnguē nō moueri; ignauarum canū inter mortuos latratus deridiculo habere, iis illudere, ac insultare. Collatis itaque inter se capitibus, maiorum gentium Popæ disquirere sedulò, quod tantæ suæ imbecillitati,

litati, quod fœdæ ignominia honestum tegumentum prætexerent; & venit in mentem præaltè meditatis ingeniosissimum, & Lutherano acumine dignissimum inuentum, vt apud vulgus, velut ex tripode oraculum proderent; Sacrae Scripturae aduersari obsidentium corpora Cacodæmonum oppugnationem. Quærebatur tamen, quando tam modestum & sanctum genus hominum, Prædicantes, religione prohibebantur hoc curationis munere, ab instructissimis ipsorum nartheciis, atque auspiciatissimis manibus, ab huiusmodi Diuis Aesculapiis, ad quos tandem Machaonas infelicissimæ virgines amandarentur. Hic Hippocraticæ Decuriæ Patres gaudere, ac sibi gratulari non mediocriter, cum suus Senatus de integro consuleretur, in re admodum perplexa: ad consultandum itaque denuo confidere; qua in deliberatione sententiis variatum est, alij enim Adscriptitiorum Patrum censere, curationibus abstinendum, idque mali cum tolerantia permittendum Diuinæ Prouidentia: alij sanationis accersendæ gratia, si quorum mortalium adeundæ manus essent, videri conuenientius ad veneficos & magos, quàm ad Iesuitas confugere. Vnus tamen & alter de hoc Prophetarum choro, & quidè inter consilij principes, non est veritus dicere, vitio non esse verendum, si demum ad nos decurreretur: quam sententiam ipsa necessitas persuasit, cum iam pridem vis omnis, ars, consiliumque sagacissimam Prædicantium gentem, cum Lutherani nominis infamia, defecisset. Euocati ergo nostri ad eas virgines,

gines, rem difficultatibus haud leuibus implicitam cunctantiùs aggrediendam rati, suam operam vt non negarent, eam tamen differebant, ne res Catholica Hæreticorum ludibrio exponeretur, si in Lutheranis puellis, & apud Lutheranum populum, euentu minùs felici cum Dæmone pugnaretur. Aduentum itaque suum proferentibus nostris, puellas ad eos adducendas sibi sumserunt cognati; sed iter detrectante Tartareo prædone, virium inopia Hæretici adaçti sunt, ad Catholicorum, Ecclesiæque opem flagitandam, vt Sacerdotibus Stolis constrictæ virgines ad nos traherentur, nullis viribus alioqui perducendæ; quibus tamen iniectis vinculis, impotenter furentis Dæmonis sæuitia omnis resedit. Hoc argumento vel ab inuitis Lutheranis iam exprimebatur confessio, Iurisdictionis Ecclesiasticæ apud solos Catholicos vigētis, eaque præsigitio credebatur fausti certaminis, nostræque victoriæ; sed quanto cū pudore, doloreque Prædicantium! Vbi se nostro Sacerdoti stiterunt virgines, is graui oratione ostendit, quantum præsidij, ad debellandum clandestinum ipsarum hostem, in Catholico esset dogmate, in Lutheranismo quantum obstaculi; proinde si per Catholica remedia sibi meliùs esse cuperent, ad nostrum ritum cupidè adiicerēt animos, fore alioqui spem salutis exiguam: quibus verbis minor puellarum ad Catholicos voluntatem libenter appulit Quaternûm denûm dierum sedula Catechesi ad induendum Catholicum nomen præparata est, interimque Tyranni eam insidentis compressa ferocia

rocia Beati Patris adhibendis reliquis : quena sic edomitum decimus quintus dies secundum rem Diuinam , atque exorcismos, debilitatum penitus fractumque , de aliena possessione felicissimè depulit , ingenti Romanarum partium existimatione. Hanc veluti Marpessiam caudem, ad quam Lutheranae sanctitatis Heroes suae temeritatis alliserant rostra , obtriuerautque , tam nullo negotio à nobis fuisse deiectam , & in illorum quidem oculis , quos testes suae infirmitatis Prædicantes habuerant : perinde quasi fuit atque ipsum Lutherismum imis radicibus , in ea regione , conuellisse , ac eadem opera , Lutherano in solo, asseruisse Catholici ritus dignitatem, sanctitatemque. Quò autem minùs ambigere possent aduersarij , Ecclesie Romanae propriam esse prærogatiuam potestatis in Cacodæmones , percommodè accidit , vt per eosdem dies, ab eodemque Sacerdote nostro, puella, decimum & septimum abhinc annum Energumena , sanaretur , quam rumor proximè collatae sanitatis procul ad simile subsidium exciuerat , simul & puerum beneficiis teterrimè affectum, cui allatū remedium salutare fuit. Tam felix leuandis corporibus euentus ansam præbuit quàm plurimis, salutis animorum expetendæ, atque consequendæ , quem in numerum allegi voluerunt Hæretici plùs sexaginta. Principis Corbeionis propinquus adolescens , in Hæretica familia , ipsi nomine Catholici ritus infestissima , integritatem morum ac Fidei sanctissimè fortissimèque tutatus est, sed in morbo præsertim ; qui ei fuit vltimus, cùm
piè

piè oranti, petulanter familiares illuderent, ipse contrà hoc ardentius frequentiusque precaretur, Catholico more, Fideique suæ professionem, ex formula, vernacula lingua, vti omnes caperent, identidem pronuntiaret. Eius demortui corpus per densissimos Hæreticorum cuneos Sodales nostri extulerunt, illustri ac numerosissima pompa, tetràm freudentibus Lutheranis, tamque audaci Catholicorum facinore suæ sectæ grauem imminere plagam præfagientibus.

EMBRICENSE COLLEGIVM.

PATRI. Nicolao Stein hic annus vitæ postremus fuit, at ille quidem, sicut ab consuetudine ipsius religiosissimæ vitæ, præclararum actionum laudibus insignis; ita diuturni molestiæque morbi conditione singularium virtutum edendis facinoribus perillustis. Aetatis mediâ ex æquo partem Societati fidelissimè ac vtilissimè commodarat, natus, cum obiit, annos quadraginta, decimum autem agens ex quo in Professorum cohortem allectus erat. Viginti annorum adolescens Anabaptista, contra sui gregis morem, cum de nostro audisset, quod omnium grauissimum est periculorum, imminere sibi periculum, nondum Baptismi aquis expiato, consilium salutaria suadentis cupidè arripuit, & Catholicis perlibenter aggregatus est. Embricensi cuiuspiam Calviniani Popæ annos nouem iam imposuerant, cui apud
 O illius

illius sectæ procures de sui dogmatis capitibus cōsultanti aliquando accidit seiscitari, numquid ipsi apud Deum, agentem olim seuerum omnium mortalium iudicem, pro se, in ea secta morituro, sponsores intercederent. Homines alioqui præfidentes, suæque nihil non tribuentes causæ, terruit ea percontatio, perplexæque mentis conscientia spondendi fiduciam ademit, vt præcisè negarent, eo se genere sponsionis certaturos. Vanitatem dogmatis, paullo antè anxio, facile persuasit ea suorum magistrorum diffidentia; quamobrem ille ne momentum quidem in eo luto sibi hærendū ratus, ad nos confestim adiit, & cum Christo sponsaque ipsius Ecclesia reconciliatus est. Opini stipendij lenocinio illectus noster quondam discipulus, bonè Catholicus, eò fuerat delapsus, vt apud Hæreticos ecclesiasten ageret, animo tamen Catholico; cui hoc anno cum formula quædam Catechismi auditoribus explicanda obtruderetur, quod ea forsitan discretius exprimerentur atrociam hæreseon capita, huiusmodi sacrilegio abstinendum sibi ratus, discessionis ab illis partibus inde ansam arripuit, neque se vllis vel precibus, vel donis distineri passus est, quin ad nos aduolaret. Eum cupide aduentem cupidius etiam excepimus, piisque commentationibus per dies aliquot ex cultum domi, magna ipsius voluntate, Deo Ecclesiæque restitimus, cuius in societatem alij quinque ad triginta ex Hæretica gente concesserunt. Ex itinere ad nos diuertit Mauricius, Comes Nassauus, cum esset in comitatu filiaë Britannici Regis

ei Regis, Palatino desponsæ, cui ad nos adeundi non aliam, quam beneuolentiæ fuisse causam, facile ipsius ex vultu, sermonibusque perspectum est, quod quam familiarissimè, ac humanissimè versatus est nobiscum, atque in digressu suam operam prolixè detulit, seque amicum futurum vltro est professus. Ea beneuolentiæ significatio vt sermonibus vulgi hoc toto tractu dissipata est, Hæreticorū ferociā erga nos, & petulantia repræsentat summopere, vt eo velut improviso telo percussi, abstinuerint obtrudēdis Comiti supplicibus libellis, quibus summa quæque indulgeri sibi, Catholicis sua iura valdè minui, postulabant.

SECUNDVS annus duodesexaginta Catholicos Ecclesiæ peperit, ex contumacissima licet schola Sectariorum, & in iis quidem Iurisperitum haud ignobilem, celebris gymnasij apud suos Rectorem, cuius scripta, propediem vulganda, non parum auctoritatis habitura creduntur ad persuadendam Hæreticis veritatem. Exinque pietatis tredecim annorum puellam, inter ipsa religionis officia sedulo aptid nos obeunda, morbus contumax ita lectica affixit, vt paucis hebdomadis, præter foedè inflexam dorsū spinam, crurum etiam vsu misellam multaret; non tamen de pietate illius quidquam detergeret, sed vehementer accenderet potius, vt fucillis, ægrè licet, innecta nihil quoad niti posset, veterum officiorum erga Numen omitteret. Ei sua mater cum pridie natalem Beati Laurentij auctor fieret, vt tam acerba passio, Martyri sanctissimo, affinitatē quādam poenarum

velut confors, fidenter supplicaret, noxis diligēter expiata, neque vereretur erga se tam gratiosi apud Deum patroni sperare voluntatem propitiā, & opē salutarē: & pridie Natalis, & ipso Natali die, nostrā in ædem Sacramentorum causa venit. Sed, vt erat egregiē pia, eum supplicandi modum adhibuit, qui non potuit Cælitibus non gratissimus accidere, ac Numinis non sibi conciliare benignitatem. Nam cū laboriosissimē ad sacram mensam nixa fulcris adrepisset, cælestiquē recreata epulo, haud minū incommodē in suum se recepisset locum, diutiū intentiūque orauit, ægrē licet nitens genibus, & sensibus propemodum alienatis; qua ex aberratione vbi ad se rediit, valetudinis & furcillarum oblita, vti se erigeret, connixa est, quem inter conatum crepitus & fragor ossium in ea est auditus ab circumstantibus, ipsa verò valida insistens pedibus domum abiit, deinceps incolumis. Vefaliam, nobilissimum oppidum, Cliuiensis dirionis caput, expugnante Marchione Spinola, Batanicus exercitus, vt damna damnis compensaret, toto Montenſi tractu, finitimisque locis, acerbam, & fœdam intulit vastitatem, ciuesque Embricenses ad deditionem adegit; qua ex deditione faciliè intelligi potest, quantum incōmodi nostris exercitationibus, quantum periculi omnibus nobis, accesserit. Hæreticis nimirum castris ad urbem confidentibus, frequentes militum cohortes oppidum ineuntes, visendi studio ad nos adibant; quos inter vt multi quidem nos perhonorificè haberent, plerique tamen ex Hæreticorum ingenio,

ac ca-

ac castrensi petulantia, negotium, periculumque non mediocriter facessabant. In ea certè militari proteruia, vna nos, secundum Deum, Mauricij Comitum reuerentia tutabatur, quòd rumoribus acceperat miles, ipsius erga Socios apertam esse beneuolentiam, nosque illius nomen, auctoritatemque aduersum petulantes fidenter appellabamus. Huiusmodi tutoris nostri frequens appellatio pudorem metumque infensissimis quibusque iniecit, vt ultra minas & conuicia eorum indignatio progredi non auderet.

*AQVISGRANENSE COL-
legium.*

GEMVERVNT & hoc anno Aqueses Catholici sub ciuium suorum Hæretica tyrannide, vt vna modò spe cælestis præsidij afflictos animos solarentur; cui præsidio facilius promerendo, sedulam dedimus operam Catholicorum animis multa caritate inter se deuinciendis, vt superiore anno cøperamus. In eam rem iis indictæ sunt Ianuariæ kalendæ apud nos, Sacramentis vno in cœtu publicè obeundis, quod vbi concordissimis animis, & inusitata religione fecerant, prandium ipsi, summa voluntate, domi nostræ nobis lubentissimis condixerunt, interque lætissimè agitarum frugale conuiuium, de ciuili concordia fouenda sanctissimè pacta conuenta renouarunt. Nihil æquè connitentibus Hæreticis, quàm

vti suis partibus perpetuum vrbis dominatum as-
 fererent, eoque nomine, quàm plurimos Catho-
 lici ritus ciues ad se adducerent: nostris Patribus
 defudandum fuit magnoperè, vt nequam ouium
 de Christi grege paterentur elabi. Acre telum Hæ-
 reticis subministrabat, ad plerasque familias ex-
 pugnandas; extrema rerum omnium inopia: qui-
 bus familiis, vt ne ab sua egestate crearetur infā-
 me Fidei naufragium, Patres nostri, de sua tenui-
 tate, quam non mediocriter auærat captiuitas
 vrbis, suppeditare non destiterunt; quo subsidio,
 ac beneficentia opulentiorum ciuium adiuti sunt
 ita inopes, vt nemo vnus ad aduersarios muneribus
 pellicientes adspiraret. De illorum vtrò castris,
 quod eos sui dominatus felicitas longè arrogan-
 tiores fecerat, vt sibi hanc perpetuam faustitatem
 ominarentur, suoque Euangelio incrementum mi-
 rabile, vix vnus & alter passi sunt transiitionem
 sibi ad nos persuaderi.

Sed p alter annus, recentis Imperatoris auspiciis,
 ductuque, opera verò Marchionis Spinolæ,
 huc ab Augusto cum Imperio & mandatis destina-
 ti, omnes Catholicorum molestias feliciter ab-
 sterfit, cum publica res Aquensis ad veterem re-
 uocata statim, de Romani dogmatis corpore ad sua
 gubernacula rectores de integro adhibuit. Mar-
 chioni Spinolæ, legatus Coloniensis Electoris ge-
 rende rei comes aduenerat, cuius vtriusque in nos
 eximia beneuolentia argumenta cōstituerunt, atque
 hoc luculentiora, quod, ad multā propensissimi ani-
 mi significationem, insignis quoque accessit libe-
 rali-

ralitas, quingentis Philippeis ab Archiduce Belgico in scholarum fabricam attributis. Restitutis porro in integrum Catholicis, sapientissimus Senatus animum solleter ac fortiter appulit ad ciuitatis partes integras cōseruandas, errorumque cōtagione prohibendas, maximè quod Anabaptistarum propè infiniti greges, per turbulenta Hæretici principatus tēpora, in urbem irrepserant, vt sexcentæ iam familiæ huiusmodi pestis numerarentur; quas, vbi nulla dabatur spes melioris frugis, omnes edicto adegit è cinitate procul faceßere. Adolescens, mulierque sæuiore Cacodæmonis dominatu apud nos, sollemni exorcismorum adhibita formula; vindicati: & conclamatae valetudinis grauida femina Beati Patris Nostri admotis reliquiis ad optatissimum adducta puerperium.

B A M B E R G E N S E C O L L E G I V M.

L V T H E R A N I S, ac cæteræ faci Hæreticorū, mirum quantum doluit hætenus, nihil se vquam salutatis opis nactos, esse, aut posse hodie nancisci, suis in morbis, quantumvis leuibus, apud sui dogmatis venerandos Antistites: quam sanitatis conferendæ impotentiā, vt suis Prædicantibus cum stomacho, non exprobrent, interdum nequeunt abstinere. Hæc igitur suorum Sacrificolorū destitutione haud leuiter perturbati, ad imitanda Catholici moris vota, peregrinationes, ac huiusmodi alia, urgente valetudinis incommodo,

O 4

velint,

velint, nolint sæpius delabuntur: quibus, licet immeritis, Numinis benignitas haud infrequenter indulget sanitatem, ut ea beneficentia inescatas impiorum hominum mentes ad veritatis amorem alliciat. Bambergensem ciuem fontica vexatio habebat pessimè, ac eo peius, quòd ex sui ritus Sacris leuandæ valetudinis spes nulla planè affulgebat, quamobrem ad alienæ, atque aliòquin inuisæ, gentis religiones animum sibi appellendum statuit, nuncupato ex Romani ritus formula voto, depellendæ sæuientis pestis gratia, Vbi verò Deus profani hominis preces neutiquam erat auersatus, sed, in supplicantis obsecrationes propitius, Comitialis tabis venena ex eius corpore penitus absterferat, tanto beneficio ab Numine occupatus Hæreticus, credidit integram animi salutem inde sibi hauriendam, vnde tam facili negotio membrorum abstulerat salubritatem. Igitur, reclamante quantumvis matre, se, suaque omnia, magna voluntate, incensoque Catholici dogmatis studio, ad Ecclesiæ partes, Lutheranis tantò sanctiores, honorificentioresque se transtulit: quam in eiusdem transitionis nauem alios vnde septuaginta imposuit consciëntia rei malè gestæ nonitios inter Euangelicos. Iniectam ab nostris religionem fouendarum carimoniarum Ecclesiæ tam auidè arripiunt plerique Catholicorum, ut earum obseruationem in nullo capite sibi patiantur auelli; quo de genere singulare illud fuit in femina, cui ex nostra disciplina ingens studiū Catholici ritus infederat. Quosdam sui corporis, tametsi rectæ Fi-

dei

dei studiosos, deprehenderat ferri paulò licentiùs in veritos cibos, quæ gulæ infamis labes ne suū quoque virum contagione affiniū inquinaret, ei finitimos mercatus, negotiandi causa, continenter obeunti, perpetuum viæ comitem se adiunxit, vsu religiosarum escarum inhibuit, sicubi opus esset, Romani moris opsonium instruxit, nec ab huiusmodi officio ullis sui comitatus diæteriis, contumeliisve potuit auocari, quin maritum ab nefaria hac esculentorum ingluvie immunem præstaret.

POSTERIOR annus infaustior nobis excurrit funere Patris Ioannis Hommari, huius Familiae, ab ipsa primùm instituta, in hunc vsque diem, Rectoris, ea insignium laudum celebritate clari, ut, si & domesticos, & extraneos consulas, vix potuerit desiderari eo quidquam absolutius, & apud Principem nostrum, totamque adeò ciuitatem acceptius. Ad cæteras præclari moderatoris eximias dotes accedebat comitas tanta, & flectendis quibuscumque ingeniis dexteritas, nihil ut eius imperio, tamen nec de disciplina quid remitteris, esset optabilius. Concionibus frequentissimis apud ciues habendis erat consecutus, ut eos, quacumque incubisset dicentis oratio, facillimè inflecteret; fuit autem eius sermo. huiusmodi, qui non oblectaret modò auditorem, sed aculeos in animis altè defigeret. Confessionibus excipiendis tamen negotiosissima cæterorum munerum functio eum meritò absoluebat, iis tamè & frequenter, & diutissimè distineri se patiebatur, incenso iuuantium ciuium studio; quibus officiis, & eius

generis compluribus, totius ciuitatis voluntates ita sibi dēmeruerat, vt in oculis omnium ferretur. Eius funus omnes non modò ciuitatis ordines, sed & Princeps, incredibili mœrore ac lacrymis celebrarunt; cū palam prædicarent, magno suo incommodo periisse germanum Bambergensium Apostolum; cuius exitus in quadragesimum ætatis annum, & aditæ Societatis decimum sextum incidit; vt pænè viridi iuuenta occidisse videatur. Ipse Anristes, & idem Princeps noster, saluberrimū piæ comēntationis secessum suo, vt assierit, summo bono expertus sæpenumero; non desinit principibus de Clero, & populo illius vsū comēndare magnopere, & suadere, quæ plurimis quoque sua auctoritatē facile perfradet; vt quæ omnium ciuiū mentes tanti boni nōitiā imbuerentur, iussit de superiore loco à Concionatoribus eius rationem disertius explicari. Virgo Norimbergensis honestis & copiosis nata parentibus, Lutheranò in ritu, Angelicæ Salutationis formulam ex Catholico didicerat, eamque Dei Matri studiosè recitabat, quo genere officij assecuta est, ignota licet, vt Deiparam sibi conciliaret; cuius per quietem admonitū iussa est Bambergam proficisci, erudienda Catholicis institutionibus ab eo de nostris Patribus, qui designabatur. Cuius nocturni visi vt maior constaret fides, ille idem Sacerdos à Beata Virgine iussus est aduenientem puellam excipere, iis indicatis argumentis, vndo posset agnosci, adiectis etiam ad cæteras notas singularibus euentis, quæ virgini Lutheranae omni vitæ obrigerant, vel

iis quo-

iis quoque, quorum vnum Deum conscium haberet. Hinc deinde in Ecclesia sinum admittit, cum singulari sua voluptate res sacras obiret, & Deipagam veneraretur, sollemne fuit, Dei Matris crebram mentionem inducere, atque asseuerare, nulli Hæretico posse accidere, ut cum hæresi è vita decederet, cui Cælestium Regina: fuisset in honore. Coniugata mulier quinquennium totum incuboni Dæmoni se substrauerat, cuius nequitia, atque intemperiarum truci inuicem denique peritæ, flagitij rationem marito aperit, usura eius consilio atque ope, quo stem percontante Prædicantis super ea se sententiam, sacrilegi hominis scelerata perfidia, etiam adulteræ mox ad magistratum defertur, cuius decreto ad Bambergenses Quæstiores vincit perducitur. Nulla mora fuit, quin sua confessione damnatam, Iudices secuti, ac deinde rogo addicerent, cui Hæretica id boni contigit in extrema vita, ut nostrorum ope Catholicis instructa præfidiis morte plecteretur. Mulier de vita petulant, & minime omnium sollicita de animi salute, repudianti etiam obstinatissime familiarium salubria in eo genere consilia; noster Sacerdos, ægerrime licet, post multas preces, atque instantias de cælo grâues minas, persuasit tandem, ut sibi medicum animi adhiberet. Tum illa, quoniam hæc causa non admittit arbitros, quotquot adestis, hinc facessite properet; cui ut mos gestus erat, ut primum loqui exorta est in auribus Sacerdotis, eius contux, assistens ad cubiculi fores cum Sacerdotis socio, fiderato similis

milis derepente corruit, Iesum, & Mariam cum
 horrendo ciulatu inclamans. Ad vociferantis
 intensum, lugubremque clamorem, tota vicinia
 cohorrui, accurritque in ipsius ædes, ex quo
 tandem recreato audiit, vbi primùm cœpisset la-
 bra diducere sua vxor, exstitisse ipsius ex ore im-
 manem draconem, igne micantem, fluentemque
 cruore, qui suos oculos, fulminis instar, præter-
 uolasset, & circumfusum aërem incendisset lon-
 gè lateque, vt eius aspectu, afflatuque crediderit
 vitam sibi ereptum iri. Alteri feminæ, ad mortem
 decumbenti, longè peius consultum ibant Tartar-
 rei veteratoris insidiæ, nisi nostri Sacerdotis sol-
 lertia, & constans assiduitas, opportunè occurreret.
 Ea nempe vt Confessionis, ita precum abiecerat
 consilium, vt benè suadentibus conuicia proca-
 cissimè ingereret, nostrumque Sacerdotem obs-
 cenis dictis ab se amoliretur. Cui, vrgenti vt spem
 omnem sui conatus vno verbo præcideret, sibi cer-
 tum esse illo statu emori denunciabat, neutiquam
 verita digito indicare adstantem ad latus Caco-
 dæmonem, quem, blandiore voce, suum appel-
 laret, triduoque se cum eo migraturâ assereret; in-
 terimque illa horrendum in modum exclamare,
 vetare vti nemo sibi Pœnitentiæ, nemo precatio-
 nis faceret mentionem: edicere domesticis, Iesui-
 tam ex ædibus exigent. Hic noster prouolutus
 in genua Deo ardentissimè pro emotæ mentis fe-
 mina supplicare, orandoque vsque eò prouchi, dū
 se aliquid profecisse crederet; sed obdurabat impo-
 tēs sui mulier hoc animū magis, obsurdescebātque
 vche

vehementius, ut cum omnia iam deficerent nostrum, ipse demum ad Beati Patris Ignatii reliquias, ut ad ultimum amuletum, duritiæ auertendæ deuolueretur. Eius scilicet meritis atque gloria hanc palmam Deus reseruauit: enimuero cum primum sacra imposita Lipsana caput furentis attigerunt, lætum ipsa vultum induit, hilarique voce exclamauit, en Cacodæmonë, metu perculsum se propere hinc subducentem: euge, nunc, nunc tempus est orare; vos modò mihi precationum verba præite: sed uti proficiant preces, flagitia, quæcumque memini ab vltima pueritia, huic ipsi Sacerdoti, contrà atque pernegaram, in præsentia retegere certum est. Confestim ergo, adhibito nostro Patre, magna intimi doloris significatione noxarum omnium recensionem instituit, qua defuncta cum fide, sacroquæ instructa viatico, spei plena placidissimè decessit.

VVORMATIENSE COLLEGIUM.

OBSTINAVERANT animum Hæretici, ut quacumque arte ac vi possent, Vvormatiæ aditu nos prohiberent, aut certè ut, ne institueretur admissis perpetuum domicilium; sed utroque suo conatu deiecti Antistitis, eiusdèque Principis, summa in nos beneuolentia, & in res Catholicorum studio; ut hoc anno licuerit nobis publicè oblato inter rem diuinam cereo legitimi Collegij eum conditorem agnoscere. Hæretica quidem plebe

plebe adhuc infestiore in nos utimur ; sed Senatorij Ordinis viros, & primarios ciues eiusdem dogmatis, multo æquiores experimur, ut nostro triclino accipi se interdum, neque inuiti, permittāt. Frequentes ad nostrum Concionatorem Hæretici confluunt, atque in his, Calviniani, omnium à nobis alienissimi : sed frequentiores multò Catechesibus solent interesse, ac maiore inde suo compendio, quàm ex ipsis concionibus. Huiusmodi commercio sensim demitigantur eorum mentes, & aboletur vetus odium, ut multò æquiores arbitros rerum nostrarum se præbeant ; interimque apud eos eruditionis ac probitatis existimatione haud mediocriter proficit Societas, cuius virtuti suum testimonium quandoque non subtrahunt. De Cacodæmonibus exigendis ex Energumenum corpore, apud omnes huius tractus Hæreticos in confesso est penitus, vnis Iesuitis concessam esse hanc prærogatiuam ; nam Prædicantibus quidem formidationem minimè leuem incutit hoc dimicationis genus, siue Lutheri etiamnum terret eos infortunium in ea palæstra, siue ab hoc puluere atcēt miseros suā infantiā, qui meminissent, se illi Tartareo mimo ludōs in hunc diem fuisse, quoties in hoc certamine cum eo manus conseruerint. Per hos certè dies cum paganum agriculturam senem intemperie quadam exercebant, in ditione Comitum Hæretici, acclamatum est ab omnibus indigenis, præcipuam nobis hanc delegari prouinciā, quāobrem & Satrapæ ipsius, & Ministrorum comitatu aduocamur ad eam curationem.

tionem ; deprehensum tamen est à nostris , debilem senem aberrare modò sensibus , non autem infessum esse à Dæmone ; quam in rem , cum opportunis præsidiiis eum nostri communissent , suam operam Hæreticis magnò pere probarunt , cum in cæteris , tum eo nomine , quòd perlibenter , & quidè gratis , suū laborem còferebāt ægro . Hæretici magistratus seверо decreto vetiti sunt , non minùs Euangelici præcones , quàm vniuersus populus , cum Iesuitis venire in colloquium , tum vt transitiones ad Catholicum institutum prohiberent , tum vt ne Ministrorum inscitia , dogmatisque infirmitas , à nostris deprehensa , deinde palam prodideretur : nihilo tamen minùs vicena septena capitula eiusmodi edictorum septa sive transilierunt , vt lubentibus animis in Ecclesiâ quoque nallam subierint . Theatralem nostri gymnasiū laudem , amulari studebant . Hæreticæ iuuentutis magistri detritio , ex Sacræ Scripturæ historia sumto argumento , quod quia , licet luculenter pro suo capitu , reuera tamen frigidè ac ineptè tractauerant , vetuit eos Senatus Hæreticus , in scenam actores producere , ne priuato suo dedecore , ac probro , existimationem causæ totius inquinarent . Suis quidem castris summâ vigilantia incubant & Prædicantium decuria , & magistratus , quò minùs tamen satis amplas inde manubias anno altero auferremus , non potuerunt euincere ; nam , præter integram familiam , sexagenos hinc inde illis extorsimus .

HAGENOVIANSE COLLEGIVM.

HA V D procul occasu suo aberat hæc Sedes, cum ei nomen, prærogatiuam, ac prope idoneum iusti Collegij vectigal Imperator, Austrij Principes duo, Hagenouiensisque ciues, decimo quarto huius sæculi anno, attulerunt, quamquam eius ab Societate admissi auctoritas non adfuit Roma ante kalendas Ianuarias anni proximè insequentis. Opinam olim nobis futuram messem ex bene amplo in hac vrbe agro Hæreticorum, rectè nos sperare iubet plebis Hagenouiensis incensa cupido nostri Concionatoris audiendi, à quo celebrando eam auellere nequeunt vlla Prædicatorum interdicta: quo de grege quinque ac triginta vel isto vel superiore anno, nihil sibi deinceps cum Lutheranis fore cõmercij sanctè ac palà sponderunt. Leonardum Scheffer, rei familiaris nostræ curatorem strenuum, sexagenarium, horis non ampliùs vicenis quaternis vexatum Apoplecticus stupor exstinxit, quem multa virtus & industria vt Sociis vtilem & carum, ita extraneis fecerat acceptum, vt eius obitu dolerent, funusque celebrarent frequentes, & officiosissimè

*ERFVRTENSIS, ET BONNEN-
sis sedes.*

HARVM Sedium prior nunc quindenos, nunc videnos quinos, Catholica Adrogationis beneficio iure, Christo adoptauit, ex variis Hæreticorum familiis, quorum duo eruditione celebres, haud vulgari iactura suos olim tribules hac destitutione affecerunt. Alterius certè vehementer tentata est integritas, atque constantia, cum ei, Gymnasiarcha cum laude annos aliquot agenti, Mansfeldianam in Aulam, stipendiis bene amplis delatus est gradus honoris, ut pro Nouati Verbi Præcone apud illustres Comites gereret. Sed homini, nequaquam ad lucrum auido, salutis potior longè cura, quàm compendij fuit, quantumvis opulenti; cuius verè Christiani animi documentum præbuit sanequàm illustre, modesta simul, & religiosa eius responsio; saluo nempe Dei honore, animique integritate, illius se doctrinæ præconem non posse agere, cuius de veritate non solum ambigeret magnopere, sed apertam quoque falsitatem perspiceret. Duobus aliis tantum insedit suæ conditionis gaudium, in adepta recta Fide, ut, inter aduersariorum minas vexationesque, haud modica voluptate perfunderentur, nec paullò minore afficerent molestia sectarios, quorum opera commissi cum iis Prædicantes, rationum telis confossi, concisique, cum sua multa ignominia exarserunt è prælio.

-- B O N N Æ Catechetica pueritia grassantem magnis stragibus lucem, instituta, in aliquot hebdomadas, ad sacra loca extra pomerium supplicatione, ciuium captibus penitus auertit, vt pluribus mensibus occideret nemo, præter primarij ciuis filiam, cuius scilicet parens supplicantium studium damnauerat, ac nonnullos de suis eo nomine malè multauerat. Virginē ante initam Cœnobiticum institutum procus amauerat, nec deinde infano amorì temperabat, sed importunis nuncijs Christi sponsam menses aliquot ab Votis emittendis inhibuerat, cui suum aduentum in urbem, & nuptias denunciabat. Sacerdoti nostro perplexa Virgo cum suam anxietatem aperuisset, iussit ille Dei ancillam se totam ipsi permittere, proci nec nuptias nec litteras tantillum morari, Deum vindicem libertatis & castimonie ipsi affuturum; & affuit reipsa, illis ipsis enim diebus, in singulari certamine amasius ille membris ita mutilatus est, vt præ pudore amatoris personam exueret. Marianorum Sodalium vnus septuagenarius, cum humanis Diuinisque subsidijis procuratus propè abesset ab discessu, summa sua voluptate ad adstantes Sodales verba faciens, sibi ac ciuibus suis Bonnensibus gratulabatur ingentem Bonnæ religionem, præ ea, quæ nuper fuisset, cum specimen aliquod pietatis edidisse publicè, non modò non haberet commendationem in vulgus, sed offensionem atque inuidiam apud conscios & arbitros, quorum conuicia contumeliasque in te præclare factis concitares. Iam verò tota vrbe sic feruere

Diui

Diuini cultus studium, vt in eo genere palæstræ Bonna facilè cum religiosissimis vrbibus certaret, cuius Diuini beneficij cogitatione ac gaudio elatū se triumphantis in morem ex hac vita decedere.

ASCHAFFENBURGENSIS

sedes.

SA G A R V M, quæ se horrendis flagitiis lubentes Orco consecrarent, amplam mensem prior tulit annus, idemque nonnullarum maleficia sic prodidit, vt, grauissimorum criminum compertæ, rogo addicerentur. Sed duarum in primis vt insignia fuerant ad omnem impietatem facinora, ita singularis ad notam exstitit sacrilegiorum pœnitudo. Altera quidem, quò maiorem iniret ab Auerni Principe gratiam, exceptam ore sacrilego Diuinam ei detulit hostiam, quam ille, gaudio exsiliens, mox iubet ab impia muliere procalcari, cui parere tergiuersanti multa ingerit verbera, dum ad execrandum facinus inuitam adigat. Sed proh scelus! ter obtrita pedibus Christi Diuinissima caro, ter tota maduit cruore; cuius aspectu sic inhorruit infelix, vt ab eo momento deinceps numquam eius conquieuerit animus, vt ipsa erat solita dicere, dum adfuit tempus eius sacrilegij supplicio eluendi. Hoc suæ impietatis singulare argumentum, inter cætera multa, palam pro tribunali venefica sponte profitebatur, & inusitato cum gemitu, eiulatuque, damnabat, qui

acerbitatem doloris ex admissis abunde testaretur. Alterius animo tam tetras offuderat tenebras Tartareus canis, tamque cæcam noxarum obliuionē, ut id vinum posset effari, omnibus suppliciis se dignissimā esse, nullam verò flagitiosissimę vitę culpā sibi succurrere, vel maximē cupienti, quā in auribus Quæstitorū deponeret: optare tamē sibi acerbos adhiberi cruciatus, expiandis inquinatissimæ vitæ flagitiis. Quæ ut in tam aperto salutis discrimine sibi nequaquam deesset, ad preces assiduissimas, ardentissimasque adiecit animum, quibus Dei Parentem sibi propitiaret, eiusque patrocinio eliceret ab Numine antea actæ ætatis recognoscendæ memoriam. Huiusmodi precationis, studio defixa, cum per alta noctis silentia, & densas carceris tenebras, Virginem Matrem sollicitaret impensius, derepentē copiosissima lux se oranti circumfudit, cuius aspectu recrearetur mirificē, multò tamen iucundius interioris claritatis sensu, qua subeunte in animum eius, velut in apertissimo speculo, per omnem ætatem commissā ipsius memorię obuersarentur. Eo illapso in eam cælesti lumine, vix præ gaudio sui compos, desubitò in-
clamat custodes carceris, admonet infusam sibi diuinitus lucem, & recordationem vitæ præteritæ, eapropter euocetur sibi & magistratus & Sacerdos, cupete se rationem flagitiosæ ætatis apud eos explicare; qua exponenda postriedie ratione, palam in ipso tribunali, admiratione sui, & commiseratione, audientium defixit animos, cum Deo, Deiparæ Virgini, Iudicibusque destinati sibi gra

bi grauioris supplicij nomine gratias haberet, & ageret. Sed affusæ de cælo alacritatis ad cruciatuū carnificinam non tolerandam modò, sed cupide optandam, illud manifestum fuit argumentum, quòd est audita vox illius, sanctissimè asseuerantis, si procul inde, ac sui quidem iuris & arbitrij abesset, sponte tamen ad supplicia redituram fore, vt, expiandis admissis in Deum sacrilegiis, se illi victimam ardentissimo studio consecraret.

ALTERIVS anni manubiæ de victa hæresi non quidem numero amplissimæ, sed genere ipso fuere satis illustres, per quas etiam futurus gradus speratur ad illustriores; cum præsertim illustrissimus Elector eò suam ardentissimè conferat operam, vt huius rei studio lacrymæ ac gemitus ipsius apud Deum inter incensam orationem exaudiantur. Cuius studiosissima erga Diuinam gloriam cura, & propensissima in nostram Societatem, spè nobis ingentem facit, nostræ operæ hoc vniuerso tractu fructuosissimæ olim futuræ.

SANCTENSIS SEDES.

SANCTI sexagenos annos totos, eoque amplius, Sacrorum vsus, & Catholicæ consuetudinis ritus ita iacuerant, vt iam instar miraculi videatur, ipsis etiam Catholicis, cum reuocatur aliquid istiusmodi, quod desuetudine oblitteratum erat. Inde illi ciuilis & agrestis multitudinis concursus, ad inauditum rumorem prodituræ aut per-

vicos vrbis, aut extra pomœrium pompæ supplicantium; inde quoque grandi natu ciuium, nobis ac Sanctenſibus gratulantium, noſtra opera redintegratum priſcæ pietatis morem ſanctiſſimum. Marianorum porrò Sodalium ſingularis virtus incenſumque ſtudium propagandæ in ſuos ciues integritatis moram, ac religionis, ingens affert momentum ad noſtræ procuratiônis inſtitutum promouendum, quod & omnes ciues ſunt, nec obſcûri plerique nominis; inter ſe agunt concordiſſimè, & vniuerſæ ciuitatis rationem perſpectiſſimam habent: Caluinianiſ autem Lutheraniſque, numero & robore inferioribus, ſolent eſſe formidini. Hæreticorum autem hanc cuiuſmodicumque cohortem, detractis ex ea quadragenis quinis capitibus, & noſtro numero adiunctis, tantò infirmiore fecimus, quibus initiis freti non dubitamus fore, vt vnus rectè ſentientium ex omnibus ſectis conuentus breui coaleſcat, quando vel ipſa Sodalium exiſtimatio, & quorundam ex eocœtu congreſſiones cum Hæreticorum deprauatiſſimo, quem omnium turpiſſimarum hæreſconſcœditas inquinauerat, ad ſanæ Fidei, atque Sodalitij ſocietatem adiunxerunt. Sanctenſi cuidam tantū Catholicæ doctrinæ odium occuparat animū, vt ſuperiõribus diebus cū vigintiquinque paris animi & ſectæ hominibus, adiecto iureiurâdo, ſœdus iniret, numquam ſe, vel intercedente grauiffimo periculo, in Papiſtarum partes conſeſſurum; quotamen ex conſilio vt per grauioris morbi moleſtias deſciſceret; inque verba Eccleſiæ tantò ſanctiùs

ctius iuraret, noster Sacerdos rationibus opportunis impetrauit.

D E altero insequentis anni fuit longè celebrior triumphus, quòd is ingenio, & natalium claritudine inter Calvinianos Gueldrios facilè princeps, vt longiore acrioreque dimicatione contra veritatem depugnauit, ita nobiliorem peperit certaminis exitum. Errorum auspices ac magistros habuerat, appposito ad combibendam pertinaciam tirocinio, Bezam, Pappium, Paræum, Grynæum, aliosque insignes animorum, ac Diuini Verbi corruptores: quibus præfidiis septus, factoque insuper natura, & arte ad dicacitatem, & acerbos sales ingenio, quibus Romani ritus homines nusquam non configeret, Catholicæ nobilitati se formidolosum præbuerat. Ei, vicens quaternis horis ante decessum, noster Sacerdos Catholicū dogma persuasit, per diuturnas de Fide pugnas, eodemque tempore totius vitæ noxas recolentem audiuit, cuius sacro ritu expiati fuit illa, grauibz expressa verbis, asseueratio apud nostrum Patrem, coniugem, liberos, familiamque vniuersam, nunc, exhausta noxarum ex Catholico instituto sarcina, animi sui conscientia longè tranquillius ac suauius esse, quàm vel tota vita fuisset, vel ipse dicendo posset exprimere. Eius demortui, transitionem ad Catholicos, quòd paucis horis ante obitum acciderat, propinquorum Hæretica factio conata est inficiari, vel certè ambiguam in vulgus facere: sed eorum oppressit impudentiam funebris oratio, qua, vti verè Catholicus, in

amplissimo nobilissimorum equitum consensu semel , iterum , ac tertio diuersis diebus laudatus est : & adiecerunt huic lætitiæ cumulum alij vndetriginta , quorum facta est ad Romanum gregem accessio.



PROVIN



PROVINCIA

GERMANIA

SUPERIOR.



DOMICILIIS decem & nouem, hoc est, iustis Collegiis vndecim, vna Probationis domo, ac septem præterea Sedibus diuisi, hanc Prouinciam gesserūt Socij omnino quadringenti, nonaginta & septem, priore anno; posteriore his plures tres ac viginti eandem administrarunt, quorum toto biennio sedecim occubuerunt feliciter, sexaginta in demortuorum stationem successerunt.

INGOLSTADIENSE COL- legium.

IN Mariæ clientela, pietatem studiosè colentium Sodalium corpus triplex religiosarum actionum gloria floruit, vt cum maximè: nec enim, quod ciuili ex cætu nuper coaluit, fas putauit Veteranorum laudibus concedere: adeò nouitius ardor,

P 5 & suo

& suo ipse impetu, & alieno exemplo incensus est, vt sæpenumerò publicè spectatus insignem virtutis commendationem habuerit. Facile sit, de aliis duobus veteris, & laudatæ disciplinæ, illustria documenta ponere, sed in præsentī vnus dumtaxat commemoratione facinoris res tota intelligatur. Sodalis adolescens veteratoris propolæ fraudem odoratus, cuius nefario præconio passim exercebatur clamularia nundinatio tabellarum turpissimo argumento pictarum, paucis horis tam strenuum licitatore[m] egit, vt exitialem mercedem, quasi eius annonam suo emolumento compressurus, vniuersam non exigua pecunia redemerit, eademque opera libidinosis oculis certam flagitij materiam subduxerit. Hac sua emtione, auersam, turbatamque Stygij mangonis negotiationem, latatus summo opere, simulque execratus sceleratam pictoris manum, ne cuius animum illæ tedæ libidinum exurerent, de pudendo artifice & opere, vna eademque flamma supplicium sumsit. Pueruli tres rusticani conceptam ex Catechismo religiosorum opsoniorum abstinentiam mordicus tenuerunt, etiam aduersus Hæreticæ matris sæua imperia, terribiles minas, duræque verbera; quorum constantiam visa sibi est aliquando fractura crudelis, impiaque parens, si alteri mucionem cultri furibunda intentaret, alterum, noctis appetentibus tenebris, mensa & lecto prohiberet; sed crudelitatem muliebrem vicit puerilis fortitudo, impietatemque matris filiorum intacta religio. Capita quædam de Fide ore Catechi-

stæ

Ita interpretantis rusticus hauserat auidius, quæ in Hæreticum deinde tanta sollertia & vi contorsit, vt eo telo adigeret ad infantiam, necessitatemque ad nos adcundi, quibus magistris hæresin dedoctus, eandem quoque est execratus. Vni de Sociis vehementissimè condoluerat caput, cui feliciter obrigit, vt per eosdem ferè dies sortiretur Beatum Patrem Ignatium proximo Quintili tutelarem menstruum, cuius dies extremus, Parenti Nostro sacer vtrique, cum illuxisset, quasi ex condito, desuere cœpit capitis æstus, quàm aliàs vmquam, atrocius, & exaggerari pænè in momenta singula. Multa incurrebant eodem tempore, quæ hominem simul admonerent familiaris, auspiciatque præsidij expetendi ex Laribus ipsis, cum ille Beato Parenti supplicare cœpit impensius, & salutarem schedam inter multas eius generis sibi legere, quam ægro cerebro imponeret; sed fallente similitudine manum, oculosque, admota capiti ea est, quæ non quærebatur; vnde nihil quoque manabat leuamenti. Errorem deceptæ manus patefecit medicinæ imbecillitas; arcessito igitur certiore oculorum arbitrio, inuenta est schedula doloris legitima expultrix, quam adhibitam fronti morbus neuiquam tulit, sed momento ipso lapsus est, vt ager tam repentina mali fuga defixus obstupesceret. Egregiè pio militi sua vxor ægra & grauida geminam vno funere iacturâ minabatur, & caræ coniugis, & immaturi fetus, cui trimestre solidum in vtero adhuc debebatur. Periclitanti ergo religiosæ feminæ suggeritur, vt, Beato

Igna

Ignatio deprecatore, ipsa sibi ventrique suo cautum velit, quod consilium arripuit auidè, perque morbum illi patrono frequenter supplicauit, nihilò tamen minùs oppressa vehementiore malo interiit, cùm medicus & chirurgus adstarent, qui ex defunctæ aluo fetù mox eximerent. In tempore autem adfuit Beatus Pater, cùm minimè adfuturus putaretur; nam, ipsius ope salutarì, exspirantis ex ventre fetus emerfit sua sponte, ac ille quidem viuus, euentum supra naturæ leges maximopere demirantibus medicis, vt dubium nemini esset, quin pueri ex mortuo vtero viuentis salus Beato Patri meritò adscriberetur, simulque illud breue tempus, quod superstiti datum est, ad Baptismi beneficium consequendum. E Collegio Ingolstadiano prodire lucubrationes non pauca, tempori accommodatæ, quibus Hæreseon variarum iugula ictu haud inani peterentur, & Prædicantiũ opportunè reprimeretur fastus & audacia.

EYSTADII cū ipso Principe duo de nostris fructuosam posuere operam, dum constituendi Collegij negotium Princeps optimus vrget studiosissimè; traducta etiam Catecheseon & Concionum exercitatione ab oppido in vicinos pagos, non exiguo rusticanorum emolumento. Cùm autem Paschæ appeterent sollempnia, ex perspecto oppidanorum ingenio Princeps prudenter interpretatus eorum à nostris inurbanam auersionem, qua prohiberentur adire ad ipsos Confessionis gratia, vt hanc moram in perpetuum discuteret, salubri planè inuento, iubet nostrum Sacerdotem summa
in xde

in æde palam omni populo assidere, cuius ad genua mox ipse accidit, Pœnitentiæ piaculo eiusdem opera procurandus. Vix inde assurrexerat, & ei expectatus facti sui euentus luculenter comprobavit, quantum valeât Principum exempla: enimverò, Decanus ipsum imitatus, apud Patrem mox procubuit, cuius studium alij deinde complures subsecuti promiscuè, ad trecentos & quinquaginta peruenere; quæ tam læta initia is postea progressus excepit, vt nostri Sacerdotes nulla sua assiduitate audiendis oppidanis sufficerent.

PATER Ferdinandus Krendelius, hydrope ac stranguria excruciatum acerbum in modum, altero anno nobis decessit, vir Græcis Latinisque litteris, & omnis antiquitatis disciplina excultus quàm accuratissimè; sed qui alieno iudicio peritissimus, suo valdè imperitus sibi videretur; quod autem scire credebatur, quantumcumque illud esset, beneficij loco duceret, si quis ab docendi cupientissimo velleret condiscere. Votorum formulam animo volutabat assiduè, cuius ex verbis diuino se conspectu indignissimum ita cogitabat, vt nihil vel iniuriarum, vel contumeliarum putaret sibi à quoquam posse contingere, quod animo non ferret æquissimo. Cuius rei perpetua meditatio tam singularem ipsius animo sensibusque indiderat moderationem, vt non nemo studiosè contemplatus optimi Patris omnem in dicendo agendoque rationem, pronunciaret, vix se incidisse in tam compontæ modestiæ Iesuitam. Quod Religiosi hominis eximium decus, quantum fuerat integra

tegra eius valetudine, clariùs eadem pessimè affecta potuit deprehendi, cùm resciri non potuit, quibus remediis, quibusve opsoniis recreari se potiùs agnosceret. Inualescentis deinde hydropis summa vi, cùm occuparentur iam præcordia, & infestis in aquis periculosè natarent, cruciatuum immanis & illa facta est accessio ab vndecim dierum ardentissima stranguria, quibus totis diebus lotij nulla stilla flueret: per quam dolorum carnificinam, vir, animi summa disciplina temperati, nec voce nec vultu cruciatus vllam significationem edidit. In quo Religiosæ patientiæ ac tranquillitatis clarissimo triumpho, cùm Sociis breuissimè, at multo cum sensu mutuam commēdasset caritarem, non quæ verbo vsurpatur, sed re ipsa exercetur, animam exhalauit, anno ætatis duodexagesimo, aditæ Societatis vndequagragesimo. Istius mortem excepit obitus Patris Sebastiani Heissij, Votorum quattuor Professi, quem tres & quadraginta modò annos natum, tertio ac vicesimo, quàm Societas eum sibi adoptarat, intempestiuè sibi ademptum vniuersa meritò dolet Prouincia. Nam singulare ingenium, doctrina eximia, & par vtrique, virtus de homine pollebantur, quo ne plus Societas de suorum quoquam exactura videretur. Eius ætatis homini, magno planè Theologo, vix vllum scripti genus occurrere poterat, quod legendo non accuratè excussisset; quodque non meminisset, legere non contigerat. Luculentis disputationibus editis, suorum temporum, hæreses exagitatat, eruditiorum

rum approbatione singulari : affectos præterea reliquit commentarios , sibi postumos , ex quibus liceat coniecturam facere , quantus olim futurus fuisset , cum diuturna exercitatio & ex ea iudiciū absolutius hominem denique perpoliuiſſet. Eius ardorem aduersus litteras si velles intueri , crederes illum , non interdiu , non noctu , ab libris tantillum auelli : eundem tamen deinde tam assiduū in publicis priuatisque precibus , omniq̃ officio obeundo deprehenderes , vt ad libros ne addicere quidem oculos meritò posses suspicari. Quo certè tempore apologeticum pro Ecclesia est commentatus , quantum quotidie Sacrorum summa in ara factum est , eis omnibus interfuit , per illud saltem interuallum , quo Diuina veneraturis attollitur hostia , cuius adorandæ finem nullum sibi modumque statuebat. Per ægrotationem , infirmos licèt pedes , ad cætera officia , iubebat sibi sacrificaturo validos ad id munus sufficere , ac deinde genua debilia ministrare : audituro alterius Sacerdotis facientis sacrificium ; quam legem sibi perpetuam indixit , quoad semianimem Socij ex ara auulsum composuerunt in lectulo , vnde postea non assurrexit. Prius verò quàm eò compelleretur , gemino morbo pertinaciter obluſtatus est ; nam , neque noxio humori , cuius vis mollitam spinam dorsi perincommode inflexerat , neque succedenti paullo post hydropi vsque eò concesserat , vt non assidue aut precaretur , aut scriberet , dum cum summa virium imbecillitas lecto perinuitum affixit , atque è viuīs sustulit. Innocentiæ
simul

simul & auitæ Religionis stolam auspicatorum assumpturi septemdecim homines, Lutheranae leprae infames exuuias abiecerunt.

EYSTADIANA SEDES.

QUOD in Eluacensi Sede anno superiore significauimus, ad insulas vocato illius ciuitatis Antistiti, & Principi ad Eystadianum Pontificatum, familiare fuisse asserere, ubi Pontificium tribunal sibi decerneretur, sedem quoque nostræ Societati omnino futuram, id reipsa exsequendum sibi sumsit, simul atque Eystadij pro Pontifice gerere occæpit, & perfecisset euestigium, nisi Canonorum Collegium, in negotij societatem ab ipso adscitum, minus idoneis conditionibus interpositis obstitisset. Quamobrem is aliam per seipsum rationem ingressus, dum à Canonicis deliberatur, super duos Patres, quos secum principio habuit, alios idem tunc aduocare, nunc hos, nunc illos, per causam verò alicuius negotij apud se distinere, dum eis vacua sedes in VVilibaldino gymnasio comparatur, vnde dimissis Ludimagistris, ipsorumque alumnis, continuò decem de nostris eorum introduxit, quo ex die Grammaticæ, Humaniorumque litterarum scholæ omnes ab eis sunt institutæ. Exinde quæ iustorum Collegiorum sollempnia sunt, vniuersa per nostros & nauiter procurata, omnibus ciuitatis ordinibus Sociorum industriam mixtè collaudantibus, eorumque opera lubentissime vtenti

utentibus ; inter quæ initia videnos senos latissimis Catholicæ rei auspiciis, hæreseon implicitos laqueis explicauimus.

DILINGANVM COLLEGIVM.

PRINCIPIS, eiusdémque Antistitis Augustani, qui multus Dilingæ versari solet, nisi aliunde perspecta esset in Socios beneuolentia singularis, vel eo documento parefieret, quòd nullam non exercitationum Religiosi nostri moris studiosius æmulatur; proinde diurni otij partitionem, accuratè consuevit obseruare, vt sua cuique tempori functio tribuatur; sed matutinam in primis quietem sacræ commentationi dedicat, quæ sit nefas ab interuentoribus interpellari. Quem verò nondum acceperat semestris nostræ Confessionis ritum, vbi primùm nuper fando inaudiit, mox ad eam se comparauit imitandam, ipsaque nocte, Christo Natali, Collegium inuens, eius anni facta sua omnia cū nostro Sacerdote recoluit. Inter inauguratos ab eo nostra in eò Sacerdotes, ipse quoque Princeps Eluacensis, iam sexagenarius, in Diaconū est consecratus, cuius tum illa vox audita est, testis eximie in nos voluntatis: Repudiatum se omnino fuisse Pontificiam prouinciam, nisi consilio & ope Societatis in ea administranda in primis niteretur.

IN SEQVENTI anno Princeps & Antistes noster optimus, ad consuetam piarum functionū

Q

accu

accurationem hoc corollariū adiecit, vt anniuersaria secessio, diuinis per dies octo contemplandis non iam domi, vt olim, quæreretur, sed, assumpto de nostris vno Socio, vbi solitarium in Cœnobium concessisset, denos dies solidos strenuè animum in res cælestes intenderet, sensibus interea egregiè maceratis, multa tenuitate, & asperitate victus, vt mens liberior in Deum assurgeret. Cuius præclarum facinus cum ad alia multa contulit, atque collaturum est, tum ad exemplum in primis, vt de Cœnobitis & Clero primarij viri simili secessione animum salutariter excolerent. Othonis Truchsessij, Rom. Eccl. Cardinalis, Augustanique Antistitis, Dilinganæ Academiæ pridem conditoris beneficentissimi, cineres hoc demum anno attulit Roma Bambergensis Præsul, nostraque Academia quàm ornatissimo potuit apparatu recepit, & honorificentissimè condidit, Romæ in eum diem asseruatos ab anno septuagesimo tertio suprà quingentesimum.

*ELVVACENSIS, DONAVER-
dana, & Fneffensis sedes.*

NE C D V M finis est E L V V A C I expiâdis immanibus sacrilegiis veneficorum sanguine, vt eorum numerosi exercitus reuiuiscere penè videantur ex aceruatim congesto bustorum cinere; adeò nulla Lerna vniquam hydrarum capitibus feracior fuit, quàm Eluuacensis ager pestifera veneficorum

neficorum segere, vt vel hæc vna prouincia cruciaria, hoc etiam toto biennio, Sacerdotem vtrumque, inibi agentes, bene negotiosos habuerit. Permirum autem plerisque, rem seridæ æstimantibus, nec immeritò videri solet, quanta ex multitudine atque atrocitate scelerum, ad quantam quoque flagitiosissimæ vitæ pœnitudinem Diuina bonitas id hominum genus reuocet frequentissimè, atque in his pueros puellasque, immanium criminum reos. Et deprehensum est plerumque, crudelissima Stygij carnificis tyrannide, dominatum impotentissimè in hanc seruorum sæcè exercentis, eò adigi quàm plurimos, vt præ illius superbissimo imperio iudiciis indictos sibi cruciatus anteponant. Puellæ certè, vix sedecim annorum huius biennij principio contigit, vt excutiendo intolerabili Diabolicæ seruitutis iugo, quòd se miserâ opprimeret, cùm nefandi còsortij plerosque, quibus septimum annum iam assueuerat, viuos in rogam raptari videret, & eius nomen adhuc detulisset nemo, ad Quæsitores veneficiorum adierit, ipsa se sponte ream eiusdem maleficij fecerit, supplex postularit, vt lege in se ageretur, magni beneficij loco habituram, si darent operam Iudices, vt vel ferro, vel igne irrogandis sibi suppliciis, ipsam è sæuissima Cacodæmonis tyrannide in libertatem, ad quam adspiraret, assererent. Atque, vt constaret, non vitæ odio, non desperatione, non furore actam, ad tormenta properare, admissorum flagitiorum eum dolorem Christiano ex more præferebat, & animi sui, consilii que

adeò se compotem probabat , vt eam volentem
Quæsitores in reos euestigiorè referrent, & in custo-
diam abderent. Ex eo momento , vt quæ Tartarei
tortoris exisset dominatu, ad Christum , suauissi-
mum Principem , cogitatione , studiis, sermone,
precibus se totam conferre ; pueritiæ suæ dictu,
audituque horrenda scelera dies noctesque cum
lacrymis exsecrari ; decussatis ante pectus brac-
chiis Christi Seruatoris acerbissimos cruciatus,
sibi peramanter ab eo impensos , assiduo cum
gemitu recensere ; vt ne sua sacrilegia illorum sa-
lutari fructu immunem se facerent , ardentissimè
Christum parentem optimum obsecrare. Iam ve-
rò cum exisset legitimæ pœnæ dies , & vincula
confortibus ducendis illigarentur , eorum vicem,
quasi triumphantium , æmulata , cupidè appetiit
eius generis torques suo collo inseri , quibus ad-
stricta forti animo , vultuque alacri prodire cœpit
ad patibulū, quasi ad nuptiales epulas; ex qua cum
aliquis percontaretur , essetne , detestandorum
scelerum gratia , constanti , æquoque animo sup-
plicium perpassura : si vno, inquit, corpore multi-
plices gererem ceruices , vniuersas eo nōmine
sanequam libenter securi subiicerem. Et certè quā
prolixè voluntarias pœnas fuerat professa, tam
liberaliter etiam carnifici iugulum porrexit; **Q**uæ-
sitores nimirum , & ab puerili ætate , & ab inge-
nuo eius candore , rogam abstinendum censue-
runt. Vicenario adolescenti , ab corporis & inge-
nij dotibus bene parato , & alteri feminæ, crimi-
num eorundem societate infamibus , Deus , infi-
nita

nita sua clementia, parem quoque doloris sensum de admissis, & in luendis cruciatibus, æquitatem animi non dissimilem tribuit.

D O N A V V E R D Æ nondum satis condocefacti ciuium animi, vt ab eorum plerisque æquis animis audiamur; quamobrem leniter agendo, perdurandoque nobis eos conciliare studemus, interimque suburbana excolimus, vbi procliuior res est ad messem, quod dum agimus, & in aliis multis fructus operæ constitit, & ab Lutheri ganeis ad Christi salutare exedras sex & quinquaginta lubentes trāslati sunt, priore quidā anno, posteriore autem quadraginta. Istorum vni ferro accessita, per impotentiam animi, præpropera mors sanæ Fidei & salutis nanciscendæ occasionem attulit. Cū in potestate mentis non esset, incidit in gladium temerè, quo furenter vsus in seipsum, luculenta plagā ventrem sibi aperuit, momentoque multam profudit copiam sanguinis, in quo dum turbulenter volutatur, ex propinquo exciuit, qui casum eius miserati, rogāt num velit accersiri Iesuitam, quo annuente, mox noster adfuit, cuius opera & hæreseos, & noxarum virus ex animo eiiceret. Vembdigam aduocati vt extraordinaria pœna plectendis reis & animos, & medicinam faceremus, fecimus eorum tribus peroptimè; sed vni præsertim, latrociniorum grauitate in paucis claro, cuius membra, substratę rotæ implexa, radiis cū altera desuper impacta rota, præferratis canthis sæuum in modum per interualla elideret, eodemque tempore subiecti torterent ignes; inter atro-

cem ferri flaminarumque carnificinam, gemitum non edidit, vocem non emisit, nisi qua Christum & Mariam religiosè appellaret, & animo suo postularer esse propitios.

FV E S S E N S E M rē tres Socij gerunt quàm fructuosè, populo siquidem vtuntur bene docili, & comparato ad excipiendos Christianæ legis satus, quod aliquando Concionator felici euentu expertus est, cū vehementiùs inuectus in temulentiam, ostensa grauitate huiusce flagitij, seueras quoque pœnas ei legibus diuinis infligendas indicauit; ad eiusmodi nempe minas sensit illacrymantem concionem, & ex ea plerosque auditores exscendenti sibi ex suggesto vidit aduolutos, vt eo apud Deum interprete veteres noxas eluerent. Cæteris porro ciuibz Concionatoris sententiam studiosè amplexis helluo quidam nobilis discessit in alia omnia, ne quid de largiore cupæ demenso in diem sibi deperiret; sed eius insanæ cupiditati atque contumaciæ frenum repentini morbi Deus opportunè iniecit, neque strenuus potator non facillè agnouit, eam pœnam sibi refractario diuinitus, & quidem merito suo, inflictam; quamobrem, Diuinæ vindictæ grauioris auertendæ, voto se adstringit seriæ Confessionis, cuius voti nūcupati exitus, exordium mox fuit consequentis sanitatis. Neque minùs feliciter concionum flabello dissipatæ, penitusque discussæ sunt, impiæ superstitiones quæ vtilitatis specie in vulgus magno Christianæ disciplinæ, animorūque damno, inueterauerāt; quòd, depellēdis morbis veneficio contractis,

venefi

veneficia impunè, passim, & quidem religiosorum amuletorū nomine, adhibebātur ab iis, qui suo fa-
cto prætexerēt, non obesse posse animo, quod cor-
pori certā, præsentemque conciliet salubritatem.

MONACHIENSE COLLEGIVM.

DI V T V R N A valétudo vnius è domesticis il-
li abunde procurando commodum fecerat
otium; sed alterius præcipitatus morbus, atque
violentus, nec medicinæ, nec consultationi lo-
cum reliquit. Pater scilicet Christophorus Osten-
berger, Spiritualis Adiutor, dum moribundi ex-
tremum spiritum, incenso iuuandi eius studio, ex-
cipit, venenum letale hausit, vt, post paullò ma-
gnitudine doloris, à mente, atque à se ipse disce-
deret, quam inter aberrationem animi, concepta
intimis visceribus mors, hominem Societatis mu-
neribus idoneum, ac bene vtilem, breui exstinxit,
duobus annis quadragenario maiorem, vno au-
tem & viginti in Societate versantē. Noëmo Leo-
ni, septuagenario, in familiaribus operis annos
duodequingenta, longè productior lucta, eo-
que laboriosior fuit cū importunissimo hydrope;
cuius hominis, ætate florentis, vt erat singularis
commédatio ab membrorum firmitate ac robore,
sic eximia laus, toto vitæ decursu, ab ingentis ani-
mi multa magnitudine, quam ad Religiosi moris
capeffendas virtutes ardētī studio cōtulit. Magna-
nimitatis eiusmodi, ab exordio ipso ambiendæ So-
cietatis, edidit illustre documentum, cū facta

eius adipiscendæ nonnulla spe, si litteras condisceret, quarum planè rudis erat, ætate virili homo, summa se alacritate, ad elementa legendi, pueriles inter greges, publicè demisit. Sed hanc mentis celsitatem haud lætior & promptior hoc aditu Religiosorum carcerum prætulit, quàm toto stadio constantior exhibuit. Aded Præfides hoc eius animi robore, cui socia esset multa prudentia, nitebantur, ut eo laboris administro nihil non effecturos se confiderent, atque hoc quidem magis, quod accedebant ad geminas eas laudes, in omni negotio gerendo, sed erga suos Antistites in primis candor mirus, fidesque singularis. Vultus hominis totus, atque habitus eam spirabat comitatem, quæ ut index erat egregiæ in omnes voluntatis, ita omnium, quibuscum congrederetur, benevolentiam, non sibi conciliaret modò, sed blandissima violentia raperet. Mutuam inter socios caritatem, ex maiorum nostrorum, quibus olim assuerat laudatissimo instituto, & perpetua formula, solebat exigere, quam non levis quidem atque compositis verbis describeret; sed rebus ipsis expressam tam luculenter adhiberet, ut, eo per exempla quàm illustria doctore, facilis claraque evaderet tanti boni disciplina, plus iusto plerùmque neglecta. Ex nobilissimæ virtutis liberalissima indole suavissimum illud eius studium existerat in agros Socios, quorùm procuratione accurabat tam sedulò, tàmque hilariter, quasi hoc adhibendo ministerio lautissimè epularetur. Sed infracti pectoris illà firmitudinè, uti cæteris quibus-

que

que casibus egregiè ostenderat , ita in diuturnis, ac perquàm molestis longioris morbi tentationibus adeò serena fronte , pacatoque animo præ se iugiter tulit, vt nisi alinnde nosset , ægrotum minimè agnosceres. Aqua certè inter cutem cùm tā- to opere iam exundaret , vt præcordia ei mergerentur, prohibereturque omni accubatione, quo nuncio intelligeret, mortem stare in infidiis ad ianuā, eam præsentī, ac imperterritō non tantūm animo, sed placido etiam vultu, in sella exspectauit, & excepit. Magnis itineribus ad exitum vitæ , animique exitium properabat ciuis Monachienſis , tamen salubria monentibus aures occluserat adeò, vt Sacerdoti nostro conuicia ingereret hoc nomine , ac domo sua exigeret. Non tamen fuit abigē- tis ab se medicum obstinator pertinacia , quàm fortior medicinam ægro animo facturi constantia: octauū enim , & cum stomacho reiectus noster, haud est veritus , vt perniciosè insanienti prodes- set, nonūm etiam ac decimū inferre se infensas in ædes , vnde tandem non excessit, quin obdura- tum animum pertunderet , eiusque fœdam vomica exsecaret.

N O S T R A M militiam fortiter fideliterque professus , vnumque & quinquaginta emeritus stipendia , Pater Melchior Vitrimontanus , gente Boëmus , altero & septuagesimo ætatis anno, sufficientibus adhuc , & ad laborem vigentibus in senili corpore animis ; sed diuturno molestoque fastidio stomachi omnem cibum respuente , ita confectus, vt in perpetua inedia eum denique vita

deficeret, anno altero huius biennii. Is humilitatem munerum in Societate principio ardentem amplexus, quibus sciret à Christo magnificentissima præmia rependi, numquam passus ab iis se auelli, quoad Præsidium venia licuit, ut eis occuparetur. Vicenarias operas continentes dedit in Elementariorum, neglecto aliis quibusdam, puluere, ipsi autem adamato, supra summas Academicorum exedras. Qua ex palæstra, Designatorum iussu, cum in Confessariorum decuriam commigrasset, mediæ ac vltimæ ætatis dies in ea sic trāsegit, ut, ab assiduissima illa cura, quidquid residui esset temporis, recognoscendis prælo destinatis libris fructuosissimè impenderet. Internecinum scilicet odium bellumque ipsi cum otio interceserat, ut nisi morbus, quasi societate bellorum cum aduersario inita, fortem athletam omni commœtu intercluderet, validis etiamnum viribus, sed præsentiore tamen animo, is ad cessationem dedicationemque vitæ non adduceretur. De Sociis nonnullos alios vis morbi cum adegisset ad extrema periculorum, tamen visum est Diuinæ Clementiæ ad spem sanitatis, adeoque ad ipsam sanitatem eos reuocare, quorum deinceps vteretur opera. Ad id boni momentum singulare contulit omnis Boïcorum Principum familia, quæ inuositata se humanitate in nostros, per ægrotationem procurandos, effudit, ut satis non ducerent, si summissis ad quemque cibus exquisitis, non & ipsi quoque frequenter iacentibus assiderent, & sermonis idonea fomenta suggererent humanissimè.

Senior

Senior certè Princeps vni ægrotantium tam assiduus, tam sollicitus affuit, vt si omnes sui periclitarentur, nihil vltra videatur ad sollicitudinem adiecturus fuisse; nempè qui perquàm anxie medicos in singula pænè momenta de ægroto consuleret, quos, de sua cohorte adhibitos, non interdum non noctu pateretur ab illius lectica discedere. Atque, vt tanto humanis validiora subsidia è cælo arcesseret, peramplis largitionibus egentium animos ad precum officia studiosè inuitauit eo nomine, publicèque nuncupatis pro ægri salute votis, superos officiosè adeò sollicitauit, vt decumbentis sanatio perdifficilis ipsius obsecrationibus, vt cælestibus quibusdam euocata tandem machinis, meritò sit credita. Luthero, & alijs Fidei morumque corruptoribus, vnde septuaginta sacerdotum, omnisque commercij, ac vsus Societatem renunciarunt: in qua censione professi sunt Dynastæ Boëmi, duo fratres, genere perquàm illustri, quibus mater ab infantiâ Hæreticum venenum ea cura instillarat, vt intimis sensibus virus adhæreresceret. Ei maculæ tam tenaciter insitæ, nostris artibus abolendæ, adolescentium pater, Boëmiæ regno cū potestate præfectus, ad nos Monachium filios adduxerat, eadem opera quoque litteris imbuendos; nostramque sollicitudinem in fœda rubigine puerilis animi detergenda impensius expectauerat. Quæ parentis auctoritas tametsi validum telum subministrabat nobis ad expugnandas adolescentium voluntates, haud tamen sine certamine se passi sunt à praua opinione abduci: maior præsertim

præsertim fratrum, cuius in mente, quod hæresis cal-
lum iam obduxerat, is eam pugnacius tuebatur.
In eam mentis duritiam emolliendam, cum nostri
peculiares preces adolescenti suaderent, ut consi-
lium non est aspernatus, ita non irrita Deo vota
fecit, cuius sacro instinctu ad veritatis studium
continuò se sensit adeò permoueri, ut eam aperto
sinu exciperet.

*EBERSPERGENSIS SEDES,
& Oettingensis.*

GVILHELMVM Riaufz, Græciensem, vice-
nos annos in Sociorum numeto versatum,
vñ Epilepticum vitium administranda schola nu-
per auocarar, ita quinquagenarium quinarium,
repentino casu infelicitè eliso capite exstinxit,
Spem non vulgarem sui concitarat, dum in scho-
lis erudiendę adolescentiæ vtilis operas daret; sed
vbi, publico exemptum munere, grauis ille corpo-
ris affectus cum priuatæ vitæ addixit apud Eber-
spergam, multiplicium virtutum, earumque il-
lustrum, laudes facillè indicarunt, innocentem
hominem cælo pridem destinatum. Principio ni-
mirum sui à publico secessus, ita se animo com-
parauit, eamque sibi dixit perpetuam legem, uti
se omnium Sociorum vile mancipium duceret,
atque reipsa præberet. Vnde illud factum est, ut,
omni reliqua vita, cuiuscumque domestici verba
pro legitimis haberet imperiis, quæ non modò
excipe

exciperet lubens, & alacriter exsequeretur, sed auidè quoque præciperet, ac præriperet. Sollemne ipsi, perpetuumque fuit ab obuiò quoque studiose percontari, numquid curatum vellet; siquam verò sollicitudinè ex incessu ac vultu illius deprehenderet, non desistere hominem inquirendo fatigare, dum resciret, in quo suam illi operam commodaret. Totos dies latissimus transigere solitus in abiectissimis rei familiaris operis, si quid aliquando superabat otij, conferebat id laboriosissimè in vberimos bibliothecarum instruendos indices, quorum multos iam absolutos habebat. Rerum deinde ab Sociis gestarum exempla collegerat ingenti numero ex nostris libris, rerumque huius generis copiam maximam, quibus digestis, & exscriptis, qui vellent domesticorum vterentur. Iam verò tametsi eius operæ quotidianæ fructus constabat, & quidem luculentus; si eius in precando assiduitatem spectares, vix posses suspicari, ad opus ei superesse quidquam residui temporis: quem numquam non ad Virginis aras nudatis nitentem genibus obseruares. Si cuius Sociorum valetudini factum esset deterius, aut cum casus alius malè haberet, sollicitus & anxius præstò aderat, & cum in cæteris suam industriam ei prolixè commodassèt, defererebat ultro suarum precum subsidium, curriculoque in templum, & quidem sæpius per diem, eo nomine aduolabat. Quo etiā officio defungebatur quotidie, in reliquorum Sociorum gratiam, qui eadem familia quoque censebantur. Ut autem multa essent, & magna, quæ palam

lam exerceret in Fratres ardentissimo caritatis studio: longè plura tamen, & illustriora in eisdem ab eo clam profecta beneficia, eius tegebantur dissimulatione: quibus celandorum benefactorum artibus tacitus in sinu magnopere letabatur. Voluntariæ inediae, cilicini saguli, cæteræque asperitatis ad diuexandum corpus arcessendæ, ut huic homini fuit usus frequentissimus; ita semper adfuit, quantulacumque maculæ ab animo prohibendæ, studium perquam singulare; ut Sacerdos, qui erat à Confessionibus, perspicacitatē incredibilē in diiudicandis, in auersâdis tenuissimis labeculis, animi teneritudinē impensè demiraretur. Sed eximiæ planè virtutis illud fuit, & verè Christianæ Sapientiæ argumentum illustrissimum, quod vulgò creditus est ab Sociis, violenti morbi crebris diuturnisque vexatus cladibus, nonnullam aberrationem mentis incurrisse, ut qui plerumque prudenti homine aliena loqui videretur. Quam sui estimationem, ab eo multum aberat, ut ex Sociorum mentibus cuperet euellere, qui tantò maiorem in dies creare studeret, suumque interea consilium tegeret quàm sollertissimè, ut vix, nisi attentissimus, eius artes quisquam dispiceret. Neque verò hanc sui despiciatus opimam frugem suodumtaxat compendio dirigebat, sed ex ea non exiguam usuræ partem transcribebat in Sociorum commoda. Enimuero inter familiarem congressum, si cuipiam Fratrum excideret eius rei mentio, quæ silentio premeretur rectius, tum Guillelmus in eam rem interfari quidpiam, verbisque suis

suis consultò nubeculam amentiaẽ obtendere , vt
 absurda locutus , effusum audientibus risum cie-
 ret, & omnium animos, sermonemque ab eo, quod
 non satis cõsideratò dicebatur, auerteret. His gra-
 dibus Guillelmus, inter vilissima quæque fami-
 liarium munerum, euectus est ad eiusmodi Reli-
 giosæ sapientiaẽ fastigium , quò rari adspirant co-
 rum, qui celebrium functionum clarissima in luce
 versantur. Tamen, quæ occulta fuit Numinis sen-
 tentia , per omnium virtutum præclara facino-
 ra in dies magis ac magis clarescentem acerbis
 exitus , non tamen incautum , imparatumve op-
 pressit ; vt quem attentissima , perpetuaque mor-
 tis meditatio semper occupatum haberet. Et qui-
 dem pridie quàm occubuit sacro pastus erat epu-
 lo , cuius diei postridie , pium iuxta ac longum
 carmen de morte legendo decurrerat, cùm inam-
 bulare cœpit , interque ambulationis spatia Ma-
 riam ex corolla salutarer; cui vt quinquagies id of-
 ficij derulerat , Comitialis affectus vis maior ita
 corripuit , vt humi affligeret grauissimè , substra-
 toque saxo ruentis illideret caput tam vehemen-
 ter, vt diffringeretur caluaria , & ille mox exspira-
 ret. Explorator tamen nobis sanctitas hominis
 fuerat, quàm vt ei tam infaustum occasum fraudi
 futurum putare possimus. Sociorum alter febris
 iactationem, se permolestè, ac tertium ex interual-
 lo incessentem, adoptato in valetudinis tutelam
 Beato Patre Ignatio , tertium quoque ab se de-
 pulit.

V T superiore anno Maximilianus Austrius suã
 fami

familiæque salutem Beato Sebastiano, tutelari nostro, acceptam retulit, cum per Comitiales conuētus, grassante lue, periculosissimè laborasset: ita hoc altero anno Principes Boici, simili ex causa, huc ad eiusdem Martyris aras veneratum adierunt. Manus altera viro cuidam pænè computterat, ut iam chirurgis certum, decretumque esset, prohibenda brachij contagione, inutile noxiumque membrum amputare. Imminentis carnificinæ horror acuit in periclitante orationis studium non mediocriter, ut eapropter sedulus versaretur nostra in æde, propitiando sibi Martyri; & habuit ita propitium, ut tabida manus planè consanesceret. Peregrè huc aduecta erat virgo desperatæ valetudinis, accersendi à Martyre auxilij causa, quam vis morbi sic afflixerat aliquando, ut sensibus destitutam custodes haberent proposita; qua in trepidatione aduocatus noster Sacerdos nihil habuit, quo propemodum exanimi puellæ bene faceret, nisi ut rem diuinam pro eius salute voueret. Redit igitur domum, & ad aram mox adit votiuis operaturus factis; quibus dum defungitur, sui compos fit puella, viresque colligit, & quidem paucis tam validas, ut eodem die sana Monachium reuerteret.

OETINGENSIVM Sociorum industria creuit Catholicorum cœtus, nunc octonis, nunc tricenis capitibus, ad Christum traductis ex vario Hæreticorum conciliabulo. Duorum de nostris aduenientium in propinquum oppidum fama inde nefarium Sacerdotem, Nosocomio præfectum, exegit

exegit, quod sacrilegij sibi conscius, eorum presentiam, censuramque verebatur. Quas enim habebat ad rudem plebem conciones, sic pridem instituerat, quasi Lutherani verbi præconium facturus, ut, præter viuendi licentiam, superstitiones insanas prono ad hauriendum venenum populo propinaret: ac super cæteras fraudes, edendæ carnis in Quadragesimæ dimidium, vltro faceret gratiam. Propius nihil factum est, quàm ut ex damnato semine pestifera seges se profunderet, nisi erumpentes iam fibras nostri opportuna runcatione radicitus exstirparent.

AVGVSTANVM COLLEGIVM.

HVIVS familiæ res, trium capitum iactura, deterior facta est, quibus saluis illustrium operum futura erat ingens accessio. Primæ cladis vulnera sensimus in Patris Christophori Amani decessu, quem tribus annis quinquagenario nauiorem exstinxit febris, tricesimo quàm Societati se adrogandum dederat. Strenuissimæ operæ insignem navitatem, vel hoc vno documento, cæteris in rebus possis coniicere, quòd hominum millia quindecim ille vnus anno vno Confessionis piaculo nuper lustrauerat; & hunc numerum ferè de plebecula, quod genus ambitiosius ille consecratur, quasi ea in humilitate conditionis Christum clariùs agnosceret. Deducendis damnatis, stipe corroganda egentibus, Catechesi pueris tradenda, is

da, is ardor animi, & sensus pietatis hominem agebant, quem accensæ verborum faces, & omnis habitus corporis vehementer testaretur. Numquam vilus est cogitasse, quo loco domi haberetur; sed negotio continenter impenseque intentus, id vnum studuit, vt exemplo ac reipsa domesticis extraneisque prodesset quàm plurimum. Per sæuientis morbi initia cùm vniuersę vitę commissa ritè recensuisset, placido quodam genere alienationis discessit è potestate, quod tridnum. cùm teneret, illa ipsa perpetuò dixit fecitque, quorum illi sollemnis vsus fuerat erudiendo quàm accuratissimè populo, vel concionibus, vel catechesi. Post triduū dilcussa phrenitide, impendētis exitus è vita nuncios excepit ab domus Præsīde, animo sedato lætoque, vnam modò stipulatus dieculam, induciarum nomine, qua se compararet ad æternæ quietis com meatum. Et ratas habuit Deus tantulæ moræ inducias, quarum cùm exisset hora, exiuit & ipse corporis vinculis quàm placidissimè. Philippo Cassano, vnde septuagenario, in familiaribus operis cum singulari fide fructuque annos vnde quinquaginta versato, quàm fuit laudatus vniuersus transactæ apud nos ætatis cursus, tam suavis & fausta mors obtigit. Egregiè suo animo in omnibus moderantis argumentum in eo perpetuum fuit, quod è litteraria olim palæstra traductus ad domesticæ rei procurationem, deprehensus est numquam vel meminisse, vel cogitare rationem conditionis præteritæ. Romanum iter frequenter emensus in comitatu Procuratorum Pro-

uinciæ

nūciā industriam, strenuitatem, fidem germani Socij omnibus probauit semper vt maxime, quam domi perpetuò gerendis rebus ostenderat. Innocentiam hominis, sub deuexam senectam repuerascentis, aperte indicabat morum simplicitas eximia, perferendisque linguæ aperte stupefcentis hæsitantia, & cæteris morborum aduentitiorum iniuriis, haud imputata mentis tranquillitas: In pari quoque Religiosæ vitæ laude, spatia ætatis decurrit, absolutque Pater Ioannes Volkius, Boius, tria Vota Profellus, quinquaginta ipsos annos, per varia Societatis munia, continenter exercitus, & perquā fructuosè. Iniuriarum & periculorum quæ imminerent ab Hæreticorum fraude ac odio, quasi ad eum nihil pertinerent, erat insita homini contentio tanta, quantum hostibus studium notendi, atque audacia. Veri & æqui religiosissimus æmulator pro utroque pugnabat studiosissimè, atque hoc sæpenuerò feliciter, quèd in eiusmodi causa idonea inerat libertas dicendi, & facultas. Eis, qui in Sociorum conuentu multis laboribus & vita defungerentur, suam sortem cum singulari voluptatis sensu gratulabatur idem: talem, quàm felicitatem, vt ei tantò liquidius ipsa experientia Deus existimandam præberet, tri-
 du dumtaxat morbo tentata leniter eius valetudine, integerrimis fruētē scilicet ad se in quietem aduocauit. Hæreticæ pestis sibi passi vlcus pertundi exsecarique, quattuor & quinquaginta, ea excisa tabe allekti in iura Catholicorum, consuetudinemque. Ex variis opificum collegiis nū-

per apud nos coaluit Mariana Sodalitas, insigni-
iam, per ipsa huius militiæ rudimenta, pietatis
ardore, ac virtutum studio; vt fuerit, qui setosi
cilicij asperitatem duos menses totos non posue-
rit: alius qui solido bimestri durum asserem sibi
substrauerit per quietem: tertius, cuius humeri
bis quotidie concrepuerint incussis flagris per
inenses toridem.

ALTERO item anno haud multo pauciores
eo de genere persanati sunt, pari confossa vomi-
ca; euulsaque penitus ex pestiferè affecto pectore.
De his vnus Lutherum auidè hauserat, cui deinde
periculosè decumbenti fidem salutis facere non
poterat Lutherani dogmatis auctoritas, vt sibi nō
temperaret, quin nocte intempesta posceret ab
Lutherana coniuge, vti mox Sacerdotis de Socie-
tate copiā faceret; cui libentiùs obsecuta vxor, quā
sperari poterat, nostrum euocat, qui properè, læ-
zusque aduolauit. Concitati diuino instinctu ani-
mi, ad detestanda eluendaque ritu Catholico fa-
cinora, indices fuere abruptæ crebris singultibus
voces inter consistendum, & anteaactæ vitæ cætera
omnis execratio, quæ piū erga Numen animum
planè indicaret. Ea verò parte Catholici hominis
rectè defunctus æger, cum Diuinam quoque Ho-
stiam; cupidiùs expeteret, ad Christiani officij
tantò ampliorem cupulum, arrhamque salutis ed-
certiorem; neque huic bono moram vllam attulit
Hæretica vxor, sed Parochum sedula ad id munus
accerfuit, haudquaquam ex reliquarum mulierū,
& Lutheranarum maximè, ingenio. Primarum par-
tium

tium vir quidam, vel potiùs sine consorte primarius in æde principe, Augustanoque in territorio, quàm longe porrigitur, censuræ morum præfectus, vbi apud nos per otium diuina erat commentatus, sic se affici hoc genere disciplinæ sensit, iisque stimulis ad Christiani hominis perfectum officium commoueri, vt in eam rem leges ipse sibi priuatim diceret, scriberetque, quas ad Sacerdotem nostrum, arcanorum ipsi consilium, afferret ea mente, vti ob signatis tabulis secum ageret, exque syngrapha se compelleret ad officium, si quid earum vmquam legum ab se præteriti animaduerteteret. Marco Fuggero, non patriæ magis, quàm religioni auspiciatissimè nato viro, Augustana Respublica, importuno occasu tanti hominis iure merito lugens, funus se facere maximo opere indoluit. Haud facillè rota Germania quisquam alius in causa bonorum depugnauit acriùs, constantiùsque, vel insaniam Lutheri validiùs refutauit. Pares autem Regiis pænè copiis opes, & clarus in paucis fortunæ splendor, cum summa eius modestia coniunctus, raro inter mortales fœdere, plenum Numinis sensu & amore pectus arguebant. Et reuerà cælestium desiderio sic efferebatur, vix vt humana cogitare posset putari. Valetudinem, quæ in bonis prima ducitur, præ Dei gloria, quo loco haberet, grauis morbus, qui hominem confecit, apertè ostendit, cum inter acerbissimos dolorum morsus, non ingemuit, non sibi meliùs fieri optauit, sed tolerandi eam constantiam, & quietem prætulit iugiter, ad quam adstantes obstupe-

cerent. Animi arcanis arbitros Sacerdotes nostros videns morientique perpetuò adhibuit, quorum qui extremum eius legit halitum, oculosque clausit, & funebri panegyrico rogatus celebrauit, ad moriendi felicitatem in eo desiderari nihil posse asseruit. Beati Parentis pileolus apud nos religiose asseruatur, quem adolescens, piè Beatum veneratus, imposuit capiti, cuius diuturnis doloribus fere adigebatur ad insaniam, neque mora facta est, quin cuestigiò sensu doloris absolueretur.

OENIPONTANVM COLLEGIVM.

PRINCEPS noster, qua religione est in Beatum Parentem Ignatium, eius reuerentiæ tributum id esse voluit, vt cum securi feriendus esset capitalis noxæ reus, nunciareturque ipsi dictam supplicio lucem Beato Patri festam esse, ducendo mox reo promeritæ infamis necis perlubens gratiam faceret. Inter Fidei desertores nimium quantum emanferant quinque, suo ipsorum scelere non leuiter multati, cum, aduerso Numine, iis nihil ex sententia cederet, quibus tandem ad Christi salutaria castra est patefactus reditus. Pestifero tabo contactæ mulieri euocatus Curio, cui non liceret tùm pedem domo efferre, suam opem cum nauare nequiret, per nuncium suaserat, vt, intimis sensibus concepto noxiarum suarum dolore, cætera Diuinæ providentiæ permitteret: quod ei cum satis non videretur, ipsa nouq
religio

religionum genere animum suum sibi procurandum sumit. Inaudierat Lutherano ritu comparatū esse, ut priuatorum quilibet suis sibi auspiciis Sacra faciat, cum Prædicantes quod frequenter accidit, præsentia suæ, sacrosanctæ scilicet, non faciunt copiam: qua ex formula mulier de eadem fidelia se, & sacerdotio initiat, & sine fumo, præcipui ritus operatur Sacris. Enimvero, defecta ex angusto penu cibarij panis ofella, & mensulæ imposita, ore profano carmen concipit in substratam buccellam, quod eam Lutheranæ Præficæ docuerant, ea fiducia, quasi effanti mystica sua verba, patefcente cælo, sibi, ac turundæ suæ, diuina quædam vis se desubirò infunderet. Non erat miseræ cella vinaria, cuius de cupa meracius vinum ad familiarem libationem promeret; eius itaque penuria cyathum frigidæ haurit vicino de puteo, quem arcanis itidem verbis impertit, inoque fauces, ac mentem etiam, utrisque Lutherani mysterij symbolis animosa perfundit. Non visum est clementi Numini ab incestis operata Sacris flagitij pœnas repetere, à qua etiam prohibuit sæuè grassantem vim pestilentis vlceris: ex quo ubi conlanuisset, adiit ad Curionem suum, & perpetratorum ab se Sacrorum rationem exposuit: forte ut eorum inusitatam efficacitatem ipsi venditaret. Acerbè increpitæ mulieri, stolidæ simul atque audaci, Parochus noxiarum sedulam & festinā Confessionem imperat, ac minimè quidem reluctanti, nisi quod, in recognoscenda vita antea acta, illam Sacrorum vsurpationem præterit, quam for-

tasse in delictis non duceret. Hoc erroris, & inanis fiducia iniecto veluti hamo, mulierculam suæ assertam seruituti Dæmon credidit, ut ad eam incautam apertè ac liberius iam posset adire, & adire ipsa, cum eam sua egestas acerbiorè morfu, die quodam, laceggeret, secundam cœnulam omni opsonio destitutam. Mœreni enim, & suam inopiam impotentiùs querenti, derepentè adfuit laqueo instructus parricida, oblataque recte, patibulum ipsi de proxima trabe suggererat, ut, semet elisis faucibus, multiplicis miseriæ sensum in posterum aboleret. Hac intentata sibi ad perniciem machina, sensit imprudens mulier, quò malorum sua se temeritas prouexisset, cui Iesu nomen inclamanti adfuit de cælo præsidium, ut mox sanguinarius ille euanesceret, ipsaque curriculo Oenipontem ad nos aduolaret, apud quos animo ritè instructo, subsidia inueniret, quæ se sartam testam aduersus Acheronticæ fascina præstarent.

POSTERIORE anno Pater Ferdinandus Melchiorius, gente Tridentinus, cum secundo Danubio Ratisponam veheretur, magna nauicularij culpa naufragio periit. Dum enim sui ac nauigij nimium ille securus, portorij à conuectoribus exigendi studio intentiori elatus, à clauo abest diutius, in sublicium pontem transuersi fermè antè delabuntur, quàm ad clauum rediret gubernator, qui, ut eum magnitudo periculi seriùs aduerterat, ubi redimere impetu studet tarditatem, clauum diffringit, victusque fluminis violentia, cymbam fluctibus permittit, quibus yrgentibus semel iterum

numque ad pontis sublicas allisa, effusis triginta vectoribus, derepente vorticibus hausta interiit. De toto illo numero, vix tres quattuorve, immanes inter undas eluctari diutissimè, tandem enauigarunt, quibus, quantum meminisse poterant, renunciatis, de illius naufragij ratione aliquid accipi potuit. Patris autem Ferdinandi sedulitatem, animique constantiam, hominis alioqui parum audentis, prædicabant, & quidem singularem; vt ab eo nihil prætermisum assererent, quo vectores egregiè animarentur, ad imminentem casum forti, Christianoque pectore sustinendum. Eius cadaver, procul vnde merus erat, undarum impetu delatum, ac deinde in glaream eiectum, multis post diebus, eius ripæ accola fortè inuenit Curio, quem minimè agnitum ei prodidit familiare Sociis flagellum è relictis; digna tellera, quæ Ordinis atque virtutis indicium faceret. Annos septem & triginta, & in Sociorum quidem grege, vnde viginti expleuerat, Humanioribus litteris tinctus, Rhetoricâ scholâ professus annos bene multos cū lande: in summo semper modestiæ studio, quæ multarum fida custos virtutum esse solet: cui comitaretur singularis mansuetudo, idonea conciliandæ alienæ beneuolentiæ illecebra. Mariano Sodasitio gerendo planè à natura factus videri potuit: vt cum cætera munera rectè atque ex ordine administraret: hæc tamen vna censeri posset eius ingenio præcipua functio. Magnam Matrem eo cultu semper habuit, quem decuisse crederes Marianæ familiæ assiduum curatorem

tozem, ac magistrum, vti sit fas piúmque sperare, tam mitem patronam clienti suo funesta in clade periclitanti propitiam adfuisse. Præter Oenipontem urbem ibat Hæreticus, alius cogitans, cui, quò intenderat, iter persequenti ad aures accidit clara vox, incerto tamen auctore, qua iuberetur Oenipontē rectà inire, atque à nostris disciplinam veri haurire: quod ubi fecerat diligēter, eā sibi vocē salutis nunciam fuisse deprehendit. Eadē senserunt alij octo Hæretici de iis, quos ad agnoscendū Catholicum dogma auctores, magistrosque habuerant. Pridie salutata ab cælesti nuncio Virginis, in suburbano viculo, cui Milium nomen est, sub vesperam, occupatis iam postera diei religione animis, famulus iuebatur ab hero caupone, iuncto equis plastro, finem in vicinum agrum subuehere. Cui aliena tempore ac loco imperanti, cum minister, recepto more illius vesperæ, Cælitū hominumque futuram offensionem modestè excusaret, neque harum rationum fides hero fieret: paruit, inuitus licet, famulus, onustoque plastro in herilem fundum perrexit: sed non tam facile, quam equos induxerat, ex agro reduxit. Conuerso ad regressum vehiculo, per eundem heri fundum ducturus erat, cum ad eius limites terram præ ipsis equorum pedibus dērepentē subsidentem animaduertit, eodemque momento priores equos subitario hiatu aurium tenus demersos sensit; quo euentu grauitè primùm attronitus; deinde ne qua & equos, & se vastior labes absorberet, connisus omnibus viribus iumenta contendit

dit educere, sed conatu penitus irrito. Adhibita
plurimū hominū manu, terra pænè obruti cūm expe-
direntur equi, res miraculo visa est similis, eo loco
solidioris utique soli, terram nulla antegressa na-
turali causa, euestigio discessisse: procul autem
concurrentium indigenatum, spectandi exploran-
dique studio, sententia, longēque dissipatus ser-
mo, præter vſitatum naturæ ordinem illi agro su-
bitum specum accidisse vulgauerat. Princeps ipse
rumoribus permotus de sua cohorte allegat peri-
tos, qui de illa causa cognoscant, & disceptent;
quam in controuersiam nostri quoque discepta-
tores adhibeantur. Re accuratius explorata, eò
incubere omnium sententiæ, ut inusitatus euen-
tus ille iudicaretur, quique à ratione portentum ne-
quaquam aberraret. Ad affirmandam vespertinæ
illius vacationis religionem casus eiusmodi valuit
in vulgus plurimū, cui Mariani cultus violati
vindex illa vorago ante oculos iugiter versabatur.
In Vennonibus, Vinscouiam nunc appellant, hoc
biennio versati sunt duo Socij, Curiensis Antisti-
tis accersitu, quo præeunte indigenis exemplo suo
ad omne pietatis officium, multoque nostrorum
labore factum est, ut qui durior ad culturam ad-
mittendam ager visus est initio, saturationem, adeo-
que messem feliciorē polliceatur in posterum.
Athesinam vallem, Tridentinis substratam Alpi-
bus, ab Athesi fluuio irrigante dictam, occulta
hæresis ita occupare cœperat, ut, nisi maturè ob-
uiam iretur, graues sequerentur animorum clades.
Maximilianus igitur Austrius, & Cardinalis Ma-
drucius

drucius, postea quàm id rescuerant, legatis cò-
eruditis ac piis viris, qui inorum ac librorum se-
ueram censuram exercerent, conati sunt grassan-
tem contagio pestem auertere. Censorum certe
decreto magnus noxiorum codicum numerus in
foro deflagrauit: plerique indigenarum iussi sunt
temeritatem legendi Confessione eluere: alij di-
cta multa vetitis coacti abstinere opsoniis: vt fue-
rit, qui iactaret se duarum librarum carnis intem-
pestuum esum redemisse aureis quinquaginta: nò-
nullis ne inflicto quidem exilio praua sentiendi
studium ex animo auelli potuit. Quòd ea cura
non proficiebatur, quàm res visa sit expetere:
duo illi Principes de nostro conuentu sex operas
postularunt, quarum industria & assiduitate gli-
scentis mali detergeretur labes: duæ tamen dum-
taxat in præsentia mitti potuerunt, quibus sua se-
dulitas, multis licèt difficultatibus implicita, sa-
tis cumulatè respondit, ac secururæ frugis exspe-
tationem non leuem concitauit. Sub redditum ad-
ministratæ prouinciæ rationes relaturi, Tridentum
ad Cardinalem contenderant, quas, ipso absente,
deposuerunt apud ipsius Vicarium, magna eius
approbatione. Inde ab summo Forensis rei Præsi-
de Bolsanum ad prouincialia Comitata deducti,
eius rogatu publicam tabernam librariam reco-
gnoscentiam susceperunt: oblato postea librorum
indice, quos probos iudicassent. In digressu deinde
cum delatam ex communi ærario vim magnam
pecuniæ respuissent, abstinentiam ipsorum mi-
rè collaudantibus indigenis, desideriumque hu-
iusmo

iufmodi hominum cum fingulari beneuolentia
teftificantibus , decefferunt.

H A L E N S E C O L L E G I V M.

BE A T O Parenſi noſtro coleado impenſè ad-
dicta mulier duorum menſium importuniſſi-
ma feбри vires amiſerat , quarum iactura non tam
dolebat,quàm,quòd appetente illius Natali , præ-
uidebat obſuturam ſibi corporis imbecillitatem,
quò minùs pridie ſacri diei anniuerſarium ieiun-
ium, ſollemnèſque preces obire poſſet. Roboris
tantumdem ſibi precario ad tempus commodari
cupiebat, quantum modò ſatis eſſet , ad religioſæ
inediæ , orationiſque interuallum : plus tamen
multò impetravit ſuo illo voto,quàm optare auſa
eſſet : illo enim ipſo.momento diſcuſſa febris per-
ſanatam eam in poſterum reliquit. Trimeſtres
dentium , eòſque continentes,cruciatus patieba-
tur vir claro cum primis genere,ac exigua quidem
ſpe ſanationis , cùm adhibuit vota Beato Ignatio,
& reliquias eiufdem ſibi admouit , doloriſque ſe-
cuta eſt nonnulla mitigatio : adſcitis ſociis ad
opem tutelaribus ædis noſtræ Martyribus. Intereà
Sacerdos noſter Ignatiana in ara rem Diuinam fa-
cit,adſtante,ad demerenda Beati ſuffragia,ægroto:
& ſecundùm illud Sacrum vis doloris,quaſi diuina
manu detergeretur , ſubitò diſcuſſa eſt,nec deinde
vllum eius veſtigium reſedit.

Altero anno quidem ad nos cùm equo vectus
conten

contenderet, hæresis spoliū domi nostræ sibi detracturus, manifestas, molestasque sensit sibi ab Orci tyranno insidias strui: nam iumentum multis annis sine noxa ipsi perpetuū probatum, euestigiū tam vehementer occæpit furere, ut aduersum frenos & calcaria contumaciter refractarius, sessorē scædē excuteret. Non excussit tamē equus indomitus, nec eius agitator Cacodæmō, sui consilij certo viro voluntatem ineundæ vrbis, & male sani dogmatis exuendi: tametsi ædem nostrā ingressō manū occultā iniiceret, prohiberētque ab Sacerdotis tribunali: sed cōstans in cœpto suo vit animi fortis repugnantem vim vi maiore perfregit, nec nisi positis infamibus exuviis ab æde discessit.

RATISPONENSE COLLEGIVM.

NON dextrantario tantū, quod etiam graue futurum erat, sed quadrantario quoque fenore, nostram familiam mors exercuit, sublati continenti funere, de vicenario cœtu quimis capitibus: & quidem omnium ptimo domus strato ianitore, quasi extinctis vigiliis, & occupatis foribus, in sui iuris arce liberioris dominatus potentiam vendiraret. Is fuit Ioannes Grintgrer, Bōiūs, quem suspicio erat contagione adeuntium ad Collegij fores hausisse aliquid pestiferi halitus, sed in mortui membris nullæ eius mali signa comparuerunt. Fide aduersum Societatem fuit insigni, parique ardore in omnes iuuandos, quibuscum congredereetur, quorum permultis egregie carus
ab

ab sincero candore, ac simplicitate morum eximia, sui desiderium reliquit, quadragesimo septimo anno ætatis mortuus, quartoque ac vicesimo, quàm eum Societas sibi adiunxerat. Ab hoc deinde interiit Pater Christophorus Schenk, natus annos quattuor ac triginta, quorum duodenos perquàm laudabiliter in Societate posuerat. Frequentissimus autem & ciuium & aduenarum ad nos commeatus, per generalium Comitiorum tempus, cum eum implicaret omnis ordinis hominum necessariis congressibus, declinare non potuit, ut reuera aspiratione non perfunderetur ab aliquo, cuius veneno etiam extinctus est. Hunc iam puerum omnes virtutes visæ sunt educandum suscepisse, atque cum eo adolescere, traditumque Societati longè augustiore comitatu perpetuo cinxisse, ut de illius sanctimonia facile iam esset principio coniicere, hocque minùs dubitandum sit, quia cælo maturum Deus ad se, vel hac ætate, traducere voluerit. Nicolaus Milcher, Landspergensis, decessit tertius, quinto anno quàm eum Societas conscripserat, submissione animi, & obsequio clarus in primis, quem venenati quoque halitus malignitas excepit, confecitque, dum emotionibus, & oeconomicae rei fideles dar operas. Huic quartus accessit Simon Lecsfelder, item Landspergensis, huc Landsperga missus ex Tirpicio, suppetias impeditæ huic familiæ laturus; cui adhibito ad ægrotum procurationem, ardens, sed incautum studium obeundi ministerij, exitium attulit, dum ægrotantium vestes colligit, con-

trectat

rectatque inconsideratiùs. Caritate in Socios, officiosaque sedulitate promeritus est, ut, nuncupatis votis, in Societate decederet, quam nuncupationem præpropera mors pænè intercepit. Adamo Sander quintus atque vltimus actus datus est, ut tragicum drama clauderet, vno ac vicesimo anno aditæ Societatis, cui operis insignibus, & virtutum egregiis monumentis, sui desiderium non mediocriter reliquit. Tota prouincia notissimus, carissimusque, cuius pleraque Collegia, non leuiter ad memoriam impressis rectè factorum vestigiis, mirabiliter affecerat, ut expereretur vndequaque, numquam sine dolore amitteretur: vti omnium munerum suæ conditionis perquam idoneus administer, quæ cum scienter in primis, expediteque gesserat, tamē sibi videretur, nihil scisse, ac gessisse nihil. Aderat homini huic præterea, summa comitas, ingens omnibus gratificandi studiū, multa prudētia, fides, obsequium, religio, quibus dotibus erat affectus, ut absoluti Adiutoris verus canon haberetur. Tam impigrum operarium in puluere atque sole non moriturum, haud fuerat vero simile iis, qui eius animum & virtutem nouerant: nec conditionem ipse potiorem vllam duxerat, quàm ut, inter vilissima quæque officia Sociis adhibenda, viuendi vltimo munere defungeretur: quibus in officiis aura pestilēti afflatus paucis diebus interiit, annos natus vnum & quadraginta. Cætera familia, vno quadrante diminuta, non destitit tota vrbe, malè affectis corporibus plena, versari, luc contactis frequenter adsis-
confi

confitentes passim audire, ipsa tamen incolumis: ut visus sit vnus periculi contemptus periculo nos abstinere: Numine suarum operarum alacritatem prerogatiua salutis inter ipsa funera remunerante. Ad sartam tectam nostrorum incolumitatem, & illud honorifici corollarij accumulauit Deus, ut, per id quoque temporis, tres & quinquaginta subductis de grege capitibus, rem Hæreticorum deteriores fecerimus. Eorum vni cuidam, defectionem à Zuingliano sacrilegio meditati, nocturnæ larvæ obiciebant spectra horrida, lectoque octies exturbatum, & domo, eius consilij religionem intentabant: quibus cum terriculamentis absoluerunt sacer Agnus, & Sebastiani Martyris reliquiæ. Coniugem Catholicam Hæreticus coniux bis collo tenus immerfit Danubio, aquis præfocaturum denunciando, nisi Catholica esse desineret: quæ nec responso ferum carnificem dignata, Fidei animique plena, Iesu ac Mariæ piè appellatis nominibus, incolumis euasit. Demerendæ Numinis benignitati, uti Comitiorum consilia & psephismata omnia vellet Ecclesiæ fortunare, quadragenarum horarum supplicatione indicta nostro in templo, & indigenas, & aduenas cum primis, per frequentes habuimus, & ei negotio, quod gerebatur, animis studiisque maxime intentos: cui non intererant modò assidui, sed exemplo quoque præerant, Apostolicus Nuncius, Elector Moguntinus, alique de Clero, Imperatoriaque Aula viri principes. Ipse certè Imperator huius familiæ Rectori ad colloquium adhibito,

bito , super alia plenissima humanitatis responsa, se Societatis causa semper cupiuisse hactenus, neque animum deinceps mutaturum perbenignè asseueravit.

Alterius anni spolia de victa heresi fuere homines duodequadraginta, quorum nonnullis, velut capitalis fraudis eo nomine compertis, magno stetit huiusmodi transitio apud Hæreticum magistratum. Primarius nominatim cuius, quòd propensioris animi aduersùm Catholicos notabatur, in carcerem actus est, ibique seuerè de ipso exercitis quæstionibus, ad singula capita iuratus respondit: quorum vnum illud fuit, quonam eius tam familiaris vsus cum Catholicis spectaret. Prudenti responso cum omnem criminationum materiam Quæsitibus præscinderet, suspiciones tamen non abstergeret ex eorum mentibus, absolutus quidem est claustris carceris, sed iussus tamen vrbs pomœrio vti pro libera custodia. Alter Catholicæ Fidei posthabuit honestam conditionem in Palatini ditione, vnde cum tota familia excessit, ne qua vis eum adigeret in Religionem delinquere: cuius excessum consecutæ graues ærûnæ animi constantiam minimè infregerunt. Voluntarij exsiliij causa solum vertit adolescens, locupletis cuius filius, vbi eum tota familia conuiciis atrociter, atrocissimè deindè plagis acceperat, acerbius prætereà intentans quidpiam, nisi, proximis Natalibus, sese impuris Lutheri Sacris perfunderet: quo scelere ne se contaminaret, maluit ipse sibi patria interdicere. Iniquiore Senatu
Ratif

Ratisponensi, penitus Lutherano, vñ eramus: sed hoc demum anno cùm importunioris ad ædificationem aræ necessitas nos ad eius implorandam humanitatem adegisset, facilem & propensum illico experti sumus. Petebamus liceret nobis, aræ nostræ paullulum prolatis finibus, publico inædificare, vt obtusioris anguli deformitas ædificio sublata, tantumdem hortuli angustias laxaret: cui rei diiudicandæ Senatus mox dixit, & allegauit arbitros, quorum decreto, quantum soli necesse fuit, attributum est, coemendæque materiæ facultas, quæ antea negabatur, est concessa liberaliter.

LVCERNENSE COLLEGIVM.

MICHAEL ViCTOR, Boius, Monacensis, ex Adiutorum manipulo naturę concessit, quadragenario tribus annis maior, agens in Sociorum cœtu quartum annum & vicesimum, cui adolescenti Societatem ineunti fiebat optio litterariæne mallet, an familiares operas profiteri: quod tutius videbatur, quoniam abiectius, id prudenter optauit. Inde suam industriam, sollicitam omnino ac fidelem Societati commodauit ianua Collegij, & culina procuranda, cæterisque obeundis ministeriis, cum approbatione omnium, cuius cum multa in agendo prudentia semper obseruata est, tum singularis cautio, vt Societatis decus integrum in omnibus tueretur.

N E Q V E secundus annus funere fuit immunis,

quo elatus est Pater Christophorus Rheinardi, Oenipontanus, Adiutor Formatus, tricesimo anno adeptæ Societatis, vitæ initæ primo ac quinquagesimo, tertio & vicesimo quàm huic familiæ suas operas addixerat. Domi ac foris laboribus infractus vir, mitissimi ac lenissimi congressus, atque ingenij, quo nomine, iucundus æquè omnibus exteris, ac domesticis: quidquid ab assidua intentorum laborum palæstra ei superabat otiosi, fructuosè conferre solitus in pios libellos, conscripserat, quod aliis quoque prodesset, speciatim verò in Suriij libros vberimum indicem, quæ Sociis magno compendio vtendum fruendum legauit. Matrona, nostri Ordinis amantissima, ætatis ad multam senectam deuexæ, frequenter animo agitauerat quemadmodum omnis antegressæ vitæ rationem confessione sedula recognosceret: sed eam ab hoc consilio aliæ res super alias auocant inuitam; cùm eam suus Confessarius domi ea cogitatione defixam aliquando deprehēdit, cuius tamen ignarus, inter cæterum sermonem, id etiam suggessit, vt id ætatis admissa omni æuo recolenda quàm primùm susciperet. Id sibi ineditatum pridem illa respondit, & propediem eo se officio studiosè defuncturam: Quin in præsentia, retulit Pater, præstat ea exponere, quorum succurrit memoria, cæteris in proximum diem reiectis. Diuinitus iniectam Patri mentem, vt id matronæ, bene alioquin habenti, suaderet, quæ tertia hora quàm ei fuerat obsecuta, velut funesto ista sidere, apoplectico affectu strata obmutuit
penitùs

penitus, postridièque animam exhalauit. Mulieri
 algoris tanta vis, & malignitas pedes adusserat,
 vt, iis vsu suo pænè destitutis, insideret grauis
 dolor, & fœdi puris multa sanies, qua iam aliquot
 menses fluerèt, accessione interim acrioris crucia-
 tus & adustionis: cùm casu inaudiit vincendorum
 morborum magnam vim Beato Paréti nostro esse
 Diuinitus attributam. Ei ergo quidpiam vouet, in-
 terque vota dolor ei omnis abstergitur, ac triduo
 proximo pedes penitus consanescunt. Pari reme-
 dio vsis, Sacerdoti moribundo, vita: feminæ ab
 cruris dolore; adolescenti, ab diuturna febre, sa-
 lus est restituta.

F R I B U R G E N S E C O L L E G I V M.

RE C E N S templum magnifico apparatu inau-
 guratum ab Lausanensi Episcopo, cuius in iu-
 risdictione sunt Friburgenses, tutelarique adsci-
 to, Beato Michaëli est dedicatum: in quo tridui
 gratulationem Cælitibus habitam religiosissimè
 celebrarunt ciues frequentissimi, vt eo triduo tria
 hominum millia cælesti mensæ accubuerint. Con-
 stituendæ scholasticæ disciplinæ politicis quo-
 que sanctionibus, siquando vsus exigat, nostram
 in gratiam intercessit Senatuconsultum, vt qui-
 bus adolescentibus Præsidium nostrorum auctori-
 tate interdictum esset gymnasio, iisdem etiam ne-
 fas esset intra pomœrij fines versari. In vrbe sep-
 temdecim, sex in Landeronensi expeditione do-

gna Hæreticum dedocti sunt, & execrati.

POSTERIORE anno tres item ac viginti, vrbe in ipsa, seu à Caluino, seu ab cæteris blateronibus recepti, ad Castra Ecclesiæ instructiores ab Catholicæ rei commeatu rediuerunt. Quod nequidquam antea tentatum erat, hoc demum anno est perfectum, vt singulis scholis adhiberentur magistri Gallicè pariter ac Germanicè periti; feliciterque accidit, vt ex scholarum vna prodirent tres ac viginti adolescentes, qui totidem omnino, id est vicens ternis linguis Sæcti Spiritus persequerentur elogia. Friburgensis ciuitatis duoperillustria lumina, pessimo publico, hic annus exstinxit, alterum de Senatorio, de Clerico ordine alterum. Ioannes VVildtius eorum vnus, Friburgensium Prætor, totius gentis eximium columnen, vir apprimè nobilis, & clarissimarum rerum iis instructus ornamentis, quæ hostibus æquè ac suis essent admirationi: vix apud nos, Liberalibus ipsis, admissorum à pueritia rationes cum fide retulerat, cum domum regresso insidens molestior epiphora, eum grauius habere cœpit. Postridie igitur nostrum Sacerdotem ad se aduocat, iteratoque totius ætatis labes apud eum detergit, cælestis epuli extremum viaticum vltro sibi deposcit, & quia instare decessum aduertit, religiosè ad eum se comparat: imminente autem obitu, ad adsistentem sibi Senatui ea verba fecit, quæ omnium lacrymas exprimerent. Hunc ipsius postremum sermonem, ea sapientia, coque sensu amoris ab parente patriæ habitum, censuit omnis Senatorius

natorius ordo , vti de eo in publicas tabulas totidem referendo verbis, decretū intercesserit. Suam in nos beneuolentiam , quam illustribus beneficiis egregiè olim ostenderat , nunc etiam centum Ducatorum legato piè testatus est. Per idem tempus alterius luminis occasus accidit , Sebastiani Verronij, celeberrimi Theologi , cuius vel vnum hoc præconium satis sit attingere: fuisse ipsi Patrē Canisiū perfamiliarē, huius verò illum imitatorē, & imitatorē perfectū, in cuius eximias dotes obseruandas, nisi fuisset intētissimus, quas nobis deinde cōsignaret, earum pleræque, ac insignes quidem, nostram ac posteritatis fugissent notitiam. Dixerat hic in funere Canisij de illius laudibus quā copiosissimè : hunc rursus noster pro suis meritis panegyrico celebrauit : quæ honoris prærogatiua his ferè duobus Friburgi tributa perhibetur post hominum memoriam. Magnam sanctitatis opinionem de se viuis concitauit , demortuus maiorem quoque reliquit : vt populus cadaueri venerabundus accideret , atque ad rapiendas ex eo reliquias se certatim compararet. Diutissimè vixerat in amplissimis honoribus , cuius tamen mortui ex lauto quondam peculio ad egentes , præter meras lacrymas , nihil peruenit. Viuis scilicet omnia benignè contribuerat , ne, quod residui esset , aliena fraus post eius mortem auerteret. Qui certè in hoc , præ aliis multis , sapere visus est, atque commississe , cur ex hoc vno facinore, pleræque ipsius aliæ virtutes faciliè æstimentur. Fregerat crus alterum puer, lapsus ex imprudentis ancillæ

manibus, cùm mater, & infantis malo, & multò magis mariti offensione grauius anxia, positis humi genibus, Beatos Ignatium & Xauerium impensè institit rogare, vt iracundiæ mariti auertendæ puerum sibi præstarent incolumem: quæ vt exsurrexit ab illis precibus, sollicito adhuc animo, crus infantis explorat, idque, modò truncum, coa-luisse, planeque consanuisse deprehendit. Alteri mulieri emortuus partus enitenti, qui ab concurrente vicinia tota immobilis aliquandiu exanimisque versaretur, quoad vna è conuentu feminarum priuatim supplex facta Beato Ignatio, Patri Canisio, Mariæque Matri, tribus simul appellatis, effecit, vt post paullò motus ac sensus expers infans moueretur, atque in hunc diem superstes perseueraret. Terriq; cuidam examines fetus omnes effundebantur, cui rosarium Patris Canisij appensum mox felicitis puerperij faustitatem attulit.

BRVNTRV TANVM COLLEGIVM.

A VOLATICIS Hæreticorum castris in tantò tutiora Ecclesiæ Statura tredecim transcripti sunt, & in iis quidem copiosus mercator, multos annos inuenerat, quibus notis veræ religionis bona internosceret: quam in rem assiduas preces Deo fundebat, vt caliganti sibi faciem præferret. Interea verò auditione accipit Fauernensis Hostiæ inusitatum illud prodigium, de quo in
Dola

Dolano Collegio Lugdunensis Prouinciæ, litteræ anni sexcentefimi octauî capita quædam maxime illustria prodiderunt : quam Hostiam sibi oculis sumit lustrandam, vt eius prodigij fidem testimonio sensuum in animo suo certius consignaret. Siue autem rei veritas oculis vsurpata seipsam obstinato Hæretico non satis probaret, siue is dissimulabat, quod crederet, Bruntrutum redit incertus consilij, multosque dies præterea velitari quadam dimicatione cum nostro pugnauit : ad extremum tamen, datis manibus coniugem, licet principio valdè reluctantem, secum ad Catholicos traduxit. Sacerdoti nostro in agrum prodeunti ad rusticanas conciones, Natali Beatæ Magdalenz, germanus Basileensis Antistitis, eiusdemque Brûtrutani Dynastæ, dat se viæ comitem inuito licet, & multa excusanti, ne illa conditione vir, ipsius causa, itineris huiusmodi se molestia fatigaret. Quòd tamen ille instaret vehementius, & causam comitatu obtenderet suam Confessionem, aliaque pietatis animo destinata officia, Sacerdos vltra rîndere non ausus, eum comitem accipit. In pago religiosè defunctus Pœnitentiæ ac Eucharistiæ utroque Sacramento, cælestibus plenus incedens lætitiis, redit cum nostro Sacerdote Bruntrutum, toroque itinere piis de rebus, nominatimque de contemptu mortis, mirificos sermones miscet : Deo scilicet eius animum comparante ad proximè secuturum euentum : eodem enim ipso die, violentia morbi, quo deinde confectus est, è potestate inentis exiit : sic tamen vt omnis ser-

mo delirantis esset pia cum Magdalena, & reliquis cælitibus collocutio.

Secundo anno Beati Patris Nostri segmentum vestis fuit oppidò salutare vni è Fratribus, cui ad acerbos renum, & lateris cruciatus, pestilens facta erat accessio, vt contagionis metu omnes domesticos ab eius congressu secluderet medicus. Qua ille familiarium secessione perculsus, se planè depositum cùm putarèt, arcessenda humanis potentiora è cælo præsidia sibi esse constituit: quãobrem Ignatianæ vestis breuem laciniam lateri admouet, cuius contactu victus lateris dolor abigitur ad humeros, eodemque amuletò inde pulsus, alias & alias quasi fugæ suæ latebras occupans, tandem toto corpore extruditur, quatrduoque pòst æger incolumis existit è lectulo. Vir militaris, genere illustri ortus, clarisque naturæ atque artis dotibus insignis, hæresis dediscendæ consilium cepit ab acerbo illudentis Cacodæmonis in se, vt Hæreticum, iactato conuicio. Spectator fortè aderat in Italia, cùm ex Energumeni corpore aduëtitius Orco inquilinus exigeretur exorcismis: inter quam pugnam, veterator ille obuios quosque de circumstantibus dicteriis figere, atque in aliis multis, hunc nostrum, ei negotio curiosius intentum, ludibrio habere, falsis mordete scommatis, patria ipsius lingua Teutonum vocitare, sed, illiberali adiuncto, Hæreticum. Ab Acherontio ludione notatum se publicè, ac eo quidem probri genere, inhorruit videlicet militaris vir, eiusmodi contumeliarum insolens: hoc

uno interim suum dolorem solatus, quòd circumstantes Germanicè loquentis circulatoris verba non satis caperent: cuius projecta dicacitas, ne qua grauiore plaga suum nomen conuulneraret, alia omnia simulans, è corona properè se subducit. Ex illa hora, quòd erat sua secta ei facta suspectior, creberrimè cum Theologis de rebus Fidei congressus, multa solitus est ponere, quibus agitando veritatem apertiùs dispiceret, donec ad nostros Bruntrutenfes deuolutus, & de paucis quibusdam velitatus aliquantisper, in deditionem lubens venit. Et nunc quidem eò prouectus est ardore Fidei Catholicæ, vt importunas Hæreticorum, se hostiliter appetentium, insidias non modò nihil moretur, sed seriò meditetur etiam de Sacerdotio, vt tantò meliore loco sit res ipsius in Religione: hocque illustrioribus argumentis suam ipse Fidem, cùm res tulerit, ostendat.

CONSTANTIENSE COLLEGIVM.

PATRI Michaëli Eifelino, Sueuo, quattuor Votorum Professo, sex annis quinquagenarium antegresso, duodetrigesimum agenti apud nos, funebria iusta hoc anno persoluimus. Ab ipso Ti-rocinio Philosophiâ publicè docuerat, inde Theologiâ videnos binos cōtinēter annos explicauerat, ingenti plausu, parique fructu, nec intercalares alias operas, quæ in eius conditionis hominem incurrerent frequentes, intereà omittebat. Vnde
 necesse

necesse fuit hominem diuturnis laboribus, ipsisque annis iam fractum, viribus tandem debilitari non mediocriter, maximè cum duobus illis malis accessio fieret affectus molestioris asthmatis, ex eoque insomnia, vt vix iam suis pedibus insisteret. Eum verò, cum Præsides, si Superis ita videretur, multos annos saluum cuperent, de medicorum sententia, cæli mutatione subleuandū decernunt: sed qua via lecto se subducit, in leti laqueos impigit, apoplexiæ tendicula irretitus, quæ imbecillum corpus non integro biduo exstingueret, vix octo progressum ab Constantia milliaribus. Hæreticus senex inuitari se ab nostris ad ponendas errorum exuias ferebat ægerrimè, vt capropter nostrum conspectum auerlaretur: sed cum Dei clementia vel repugnantem adegit, vt eorum præsentiam, & allocutionem vltro ambiret, quorum vel nomen oderat. Immisso etenim grauiore morbo, quo se, vt intentatis verberibus, diuinitus intelligeret officij admoneri: certum quempiã de Patribus accersiri iussit, cuius nomen, quia vis morbi linguã præpediuerat, creta suo nuncio descripsit, cum effari non valeret. Hic igitur, serò licet, ac pænè coactus, in Petri nassam inductus est, neque solitarius, sed, adiunctis aliis in eundem piscatum, septimus ac vicesimus. Superioribus annis ab Magistratu contenderamus, vti Lutherani Ludimagistri, quibus doctoribus pueriles greges legendi vernacula discunt elementa, cogerentur scholarum suarum pueritiam ipsimet ad nostras deducere Catecheses: quod demum hoc anno, fremen-

tibus

tibus licèt aduersariis, impetrauimus. Nobis quoque adlaborantibus decretum est, ne Hæreticorum pupillis, quorum quotannis ferè magnus est numerus, ciuitatis ius quasi hæreditate cederet, nisi Catholicæ Religionis capita legitimè professis. Qua vtraque lege facilis planaue sternitur via Romanæ Fidei amplificandæ: Lutherano autem supplemento soboles idonea subtrahitur.

H V I V S biennij annus posterior viuendi fuit vltimus Michaëli Heller, Adiutori domestico ex Formatorum decuria, sexagenario, quartum & tricesimum stipendium inter Socios merenti, quæ cæli clementia, spe iuuandæ valetudinis, Bruntruto huc allexerat; sed siue senij, siue morbi vis ea fuit ad corrumpendam sanitatem, quæ cæli bonitate nõ vinceretur. Huius animo natura indiderat rei mathematicæ quædam elementa, vimque præcipuam ingenij ad eius disciplinæ perscrutandos intimos recessus, vt, illiteratus planè, ad eius artis recondita arcana peruaserit, quæ periti suspicerent. Geneuensis Ministri filius Caluinianum dogma exsecratus apud nos est, tanto ardore Catholici ritus, vt quam suorum institutis alienissimam nosset Castitatem, eam in nostris moribus adamaret quàm maximè, adeoque se illius vinculis, nuncupato voto, illigaret: quattuor & viginti aliis in eandem Ecclesiæ nauim ex hæreseon fœda lacuna transgressis. Constantiensis Senatus luculentissimo rescripto aduersùs famosum libellum in Socios vulgatum, tam honorificè testimonium dixit pro Sociis omnibus, & hac nominatim Familia,

milia vt meritò videri potuerit optanda calumnie
plaga, quæ adeo illustrem innocentia nostræ au-
thoritatem expresserit. Lustrandis tota ferè vici-
nia oppidis, ad cæteram bene opinam laborum
messẽ, accessit vndecim Hæreticorum in Chri-
sti conuentum transitio.

LANDSPERGENSIS DOMVS

Probationis.

VNVS & triginta Tirocinium priore anno
ineuntes, stratis per vias & compita magnis
ægrorum & egentium gregibus, amplum opero-
sumque campum statim nacti sunt, in quo prima
stipendia vtiliter glorioseque ponerent. Et certè
huius Familiæ ardor in ea sibi palæstra vindican-
da, quam nullus iniret ex tota ciuitate; Marianos
Sodales in eiusdem operæ ac laudis societatem,
in signi ægrotantium bono, euocauit: inter quam
corporum procurationem, & animorum quoque
ratio est habita, eaque multò maior, vt sex etiam
ab hæresi abducerentur. Beati Patris Ignatij ad-
motæ reliquæ feminis duabus, aut veneficiis, aut
alia peste, toto vultu deformatis, repentinam at-
tulere sanitatem. Nostris ex oppugnanda hæresi
præda octonum cessit caput, quæ se auelli ab
æceleratis castris non abnuerunt.



PROVINCIA FLANDRIA.



R I O R annus in vniuersa Prouincia, domiciliis sedecim, quingentas septuaginta duas operas occupauit: his pauciores quattuor annus alter; illo vndecim, isto septem decessere: adlectorum in Societatem non est satis apertè inita ratio.

LOVANIENSE COLLEGIVM.

P R O P V G N A T I O N E positionum de vniuersa Philosophia defuncti sunt duo de nostris, ea eruditionis & industriæ commendatione, quam plerique negarent vllum antea vumquam Louanij esse promeritum. Letifero vulnere ab riuiali appetitus adolescens, in aduersarij perniciem tanta obstinatione conspirauerat; vt eum tota Gallia Italiâque fugientem, infestis animis, armisq; persequeretur iam solidum biennium, nec cuiusquam

cuiusquam vel auctoritate, vel precibus pateretur se ab vindictæ studio auocari. Deo tamen auspice, nostrorum vnus furentis odio pectus ita emolliuit aduersus hostem, vt ei adducto in conspectû, præsentibus testibus, osculum amplexumque peramanter tulerit, perpetuam quoque necessitudinem sibi cum eo fore iuravit in posterum. Urbani Cœnobij Virgines omnes ab Antistita sua, & inter se singulæ infestis odiis dissidebant, neque cuiusquam industria vel dignitas ei malo medicinam facere potuerat in eum diem, cùm Archiepiscopo venit in mentem nostris multam inesse tractandorum animorum facultatē. Quamobrem ad se vocatos ei componendo mulierum cœtui adhibuit, quorum operam Deus ita fortunauit, vt mox gratia vniuersarum in Præsidem, & singularem mutua reconciliaretur: cuius euenti felicitate Antistes optimus, sua & nostra causa, lætatus est adeò, vti se non tenuerit, quin nobis tantum bonum peramicè veniret gratulatum. Hagam missu Antvuerpiensis Antistitis quattuor nostrorum per Paschæ sollemnia versati, Batavicæ ditionis in oppido miserè habito, locupletissimam segetem ex Catholicorum ignorantia, Hæreticorumque peruicacia collegerunt.

LEODIENSI nostro in Collegio accensis ciuium studiis recens excitata Philosophia posteriore anno, Louaniensibus Academicis turbâdi multam præbuit, & sine causa, materiam: ratis nimirum, aut se ratos simulantibus, hanc quantamcumque nostri Gymnasij Leodiensis accessionem fore

fore non decessionem modò , sed interitum quò-
 que suæ Academiæ. Illa igitur seu ex opinione,
 seu ex opinionis vmbra , æmuli nos de scholarum
 templorumque pulpitis lacerare acerbius , & in-
 dignos asseuerare illius vrbis domicilio , quàm clari-
 destinis consiliis euersum ire studeremus : ideoque
 suos nostra æde , nostro congressu arcere. Atque
 vt maleuolis sermonibus suscepta temerè odia hæ-
 rent contumaciter interdum , flagrantque vehe-
 mentiùs ; hac inusta nomini nostro calumnia , cœ-
 pimus vno tempore inuisi esse tota ciuitate , vt
 ciuiù vel maximè antea necessarij , amicitiam no-
 bis apertè ac præcisè renunciarent. Quæ inuidiæ
 tempestas maledicorum hominum flabris delata,
 sic vniuersam prouinciam occupauit , vt nos ini-
 quorum consiliorum apud Principè insimulatos,
 omnium pænè mortalium excluderet patrociniò.
 Eas machinas intenderant , & multa quidem arte
 aduersarij , quas ad causam nostram euertendam
 intelligerent esse omniù validissimas , cum sic ege-
 runt apud Principem , vt ei persuasum esset , no-
 stro facto suam peti procaciùs , violarique aucto-
 ritatem , quasi ei , de Leodiensis Philosophiæ pri-
 mordis amplius pronuncianti , parere præfractè
 respuissemus. Criminationibus ita nos traduci , vt
 earum calumnia optimi Principis aures defensi-
 onis nostræ occluderentur , vulnus certè fuit prio-
 re vulnere tantò nobis acerbius , quantò indignius
 est hoc te nocentiorum iudicari , quo tu sis inno-
 centior. Dandus tamen fuit inuidiæ sanguis , &
 æquo animo excipienda calamitas , quando &

aduersarij & iudex sic animo comparati ad causam descenderant, ut illius suum nulla æquitate metirentur: iste de suo non mediocriter deminui putaret, si nos causæ dictione non prohiberemur. Ut civilis odij aduersum nos flamma exarserat, per huius turbulenti motus initia, nemo peritus non planè crederet, ab urbanis hominibus multos in menses vastam futuram in nostra æde solitudinem: triduo tamen Liberalium, & rota Sanctiore Hebdomada, inusitatæ frequentia ab amicis est adinuerfa celebritas, ut eorum nonnulli mirabundi tantæ celebritatis felix omen nobis gratularentur. Octoni variarum hæreseon exsoluti vinculis, & Catholica libertate donati. Adolescens, per illustri natus familia, inter Tirones Societatis ex eius formula peregrinatum dimissus, cognatum, lasciuis moribus adolescentem, qui ei se comitem vix dū adiunxerat, opportunis sermonibus perpulit ad Pœnitentiæ, & Eucharistiæ Sacramenta: quo in genere hic tã seridè versatus est, inito sanctioris vitæ consilio, planè ut asseueraret, antè sibi quouis cruciatu vitam creptum iri, quàm rectè viuendi decretum. Sed, ô adolescentiæ rationem, statimque lubricum! sapiens ille noster admonitor, dignus in quem illud veteris Comici: Qui sibi semitam non sapiunt, alteri monstrant viam: ab eo rectè factorum calle, quò induxerat propinquum suum, turpiter ipse deuertit, vel ante ipsius peregrinationis exitum. Veterum enim sodalium ad se visentium suasionibus, & claudestina matris epistola nequiter fractus, octano ferè die quàm in

Tirocinium reuenerat , causariam missionem a Præsidibus expressit : moxque sceleratis meretriculæ amoribus , & coniugio , ac panem etiam hospitii sui cæde , pauculis se post diebus inquinauit. Alij duo , clarissimo genere iuuenes , ineunda Societatis , quò diuinitus vocabantur , aut prolato , aut abiecto consilio , procliuēs ruebant in eius artatibus ac moris vitia ; & qui coniunctissimè vixissent adhuc inter se , vt non nisi fratres mutuo appellarent , dum , ex diurna computatione vīno pleni , cœnant in caupona , alterque potus largius propinanti alteri non satis respondet exhauriendis liberaliter poculis , orta ex eo rixa , super mensam ab sodali confossus exanimis corruit. Percussori verò , intempesta nocte latebras quærenti , nullum est visum tutius , quàm nostri Collegij , effugium , vbi tantisper delituit , suæ desertionis scelus manifestò incusans , dum ad munitius asyllum transiret , vbi etiamnum mœrore confectus iacet , percussū propinquis nullam satisfactionem admittentibus. Bataui adolescentis grauius hoc quoque anno cōcussa est constantia , quem scripsimus , anno sexcentesimo duodecimo , matris fraude Antvverpia extractum in Batauos , pio postea dolo in Mechliniensem Probationis Domum aufugisse. Is primum matre & auunculo ad priuatum colloquium Louanij admissis , & suadere conantibus , vt secum rediret domum , interque suos versaretur , dū vicenario quinario factus maior , quid è re sua foret , cœtius disiudicaret : acutè constanterque retulit , ad neutrius conditionis , aut eius , in qua es-

set, aut illius à qua descivisset, rationem periclitandam secessu illo sibi opus esse: cum & illam, nimium quantum sibi perspectam, exhorreret: & hanc, magno suo bono exploratissimam, haberet vita sua cariorem. Deinde verò, quod sibi absurdius ab iis proponi posse consilij genus, quàm ut Religiosæ vitæ caperet experimentum extra Religiosorum hominum contubernia? Numquid matrem & auunculum, ut Religiosæ palæstræ idoneos Agonothetas, istius gymnadis familiarē dia-tribam, privatos inter parietes, sua causa excitaturos esse? His, siue responsis, siue percontationibus, postea quàm utrique os ita obduxerat, ut pudore suffusi verbum deinde nullum mittere audent: se ad parentis pedes abiicit, rogatque supplex, ut ea & conscia, & auctore, Religiosis Votis sese Deo filius obstringeret: quod nec ea, nec postera die, quintum ipsi ad genua prouolutus, cum posset euincere, illius expugnandæ obstinationi potentioribus telis sibi grassandum esse decernit. Nixus ergo genibus, intenta in Christum suffixum dextra, per sacra ipsius vulnera matrem obtestatur, uti se lubenti animo patiatur in Christi Societatem venire, ubi sit futurus parenti suæ, ac ipse sibi utilior, honoratiorque: quæ si pergat crudeliùs, quàm matrem deceat, secum agere: sicut illa exuat animum, conditionemque matris, sic se filij rationem prorsus à se abdicturum, inque Virginis, & Magnæ omnium Matris, filio eius fraternitatis ius ultro deferente, adrogationem drepentè concessurum. Flecti videbatur dura parens, victa

viſta præclaro filij facinore, vt eius votis obſecundaret : ſed à fratre ſeduc̃ta ſeorſum , & ab eo inſtituto auocata, filio præciſè ſuum aſſenſum denegauit : cuius ille veniam nihil ampliùs moratus, poſt paullo æternis ſe Votorum nexibus Deo illigauit.

ANGLICANVM COLLEGIVM

Louanij.

AD Britannorum circumfuſam noſtra in æde coronam Britannicè verba facta ſunt, tum cæterorum auditorum multo compendio , tum hiſtrionum in primis quorundam , quos ſiue curioſitas, ſiue fors eò appulerat: vt poſt excepta Cõcionantis documenta , ſuæ artis pertæſi, ab ea, velut ſaluti ſuæ aduerſa , continuo deſciſcerent. Muſicæ artis callidiſſimus Anglus , eoque nomine, Doct̃oris Muſici prærogatiua donatus in Oxoniënſi Academia , cum huc ſiue caſu , ſiue conſultò delatus, de Religione Catholica inaudiſſet, quæ ipſius afficerent animum ; vel opulenti honorarij, apud Britannia Regem attributi iactura , Fidem Catholicam , cum inopia coniunctam, redimere nihil eſt veritus. Chriſtiano tamen eius ſtudio Diuina prouidentia in tempore non deſuit , qua factũ eſt, vt Archidux Belgij Albertus eum in Symphoniz ſuæ corpus allectum , idoneo ſtipendio proſequeretur. Ex primaria Britannia nobilitate perilluſtris adoleſcens , Montacutij Vicecomitis frater , per illa ipſa tempora , quibus alia omnia

meditaretur, haurit e caelo missas cogitationes, quæ se ad nostrum Institutum allicerent, quibus obsecutus, se nobis adoptandum singularibus virtutum experientis dedit. Totus erat in Venatoriis opetis, ac ludicris militaribus, & de repente infedit eius animum cupiditas, venerationis ergo, ad eundem Lauretanæ Virginis; cuius cupiditatis ea vis fuit, ut, canibus & seruitiis inter amicos illico diuisis, e Britannia transiret in Franciam, indeque recta contenderet ad Audomarenses, Italica peregrinationis mox facturus initium. Ibi Sacerdos noster cogitata viæ studio æstuantem agerrime potuit tantisper distinere, dum Confirmationis muniatur Sacramento: quo impetratum eum adduxit eo etiam, ut itineri suo ad Diuina meditando secessionem dierum aliquot domi nostræ ptergeret. Huius quietis feriari quam appositè dies multam eius animo lucem, summum rerum caducarum tædium intulerunt: ut ex eo pietatis tirocinio egrederetur, certus omnes præsentis vitæ curas exuendi: quo animo confestim, ad componendam rem domesticam, in Angliam regressus est. Sanctaudomarum postea ut reuerterat, ab herico facinore sanctioris instituti felicia ducens auspicia, maxima pecuniæ vi coemptas peramplas ædes Britannicis Virginibus fugitiuis, ad Religiosæ vitæ palæstram aspirantibus, benignè attribuit. Tum suam secum ipse rationem putans, quâ studiosissimè, adscito in primis eius arbitro Namine, ab altissimæ demissionis fundamento salutaris suæ negotium sapienter instituit. Honorifica
condi

conditionis oblata ansa, hoc est Sacerdotij prærogatiua, Benedicti huius Ordinis Patres ei receptum apud se ultro deferrebant: quibus tamen cum honorem modeste reititaciuit, meritorum suorum ac virum præfatus tenuitatem. Ad nostrum deinde sua sponte conuersus institutum, admauit in eo, quod ab luce, atque oculis hominum animaduertit, esse remotius, familiaris rei ministerium, in cuius parte sortem sibi expetire, quam adeptus pergit in dies insignibus eximiarum virtutum illustrare monumentis. Ad hoc adolescens, reclamantibus nequidquam amicis, in eunda societatis sponsione eidem suam obligarat, adscita etiam promissi sui Dei Matre arbitra, cuius consilij ardor valde refrixerat, & memoria præne aboleuerat apud Belgas Hispanosque, inter obeunda studia litterarum. Cui executione torpori, morbus à celo impactus hominem adigit ad instaurandi Voti officium, adoptato Beati Ignatii patrocinio, cuius tum erat Natalis præmi felici euentu, vniuersum consequeretur sanitas. Verum quam citus deinde rediit languor animi erga Voti religionem, tam velox adfuit ægroratio, quæ iteratæ perfidie reum acerbius tanto multaret, quam antea, inque vltima vitæ deduceret. Hoc secundo verberè admonitus æger, vnum è Patribus nostris aduocat, supplexque contendit, tamen minimè promerito, id solatij sibi moribundo indulgeatur, vti se legitimis Sociorū Votis Numini obstringat. Quod postea quam impetrarat, exiitè potestate mentis, vitio huiusmodi affectu in multos dies prolato,

per quem vix alia eius est audita vox, quam, se Religiosum esse: in cuius scilicet meditatione defixum, cum phrenitis occuparet. Tandem, mirantibus medicis, & menti & sanitati redditus, restituta iter intendere coepit in Tirocinium: sed ubi via nonnulla interiecta est mora, euestigio in cessatorem febris ex condito incurrit, ut aliquando is condisceret, eis modò legibus precaria se vsurum valetudine deinceps, si cum fide se promissis exsolueret. **Quinquagenarium** manipulum Hæreticis cohortibus detractum in Catholicas copias transcripsimus: in illo autem errantium coetu, facturum mox Noui Evangelij præconium, eò adduximus, ut concrematis multa cura descriptis concunculis, ipse salubriorum fieret auditor. Transfuga ex Ecclesiæ Statuis, Sacerdos, dignò suis sacrilegiis auctoramento cohonestatus apud Hæreticos, strenuum agebat vexatorem Catholici ritus hominum, adeoque lictorem etiam, si quis eius nominis ducendus erat in compedes. Sed in eà scelerum profunda voragine demerso affulsit Diuinæ bonitatis lumen, quod ut ipse in animum admiserat, co-duce ad nos delatus, & domi cum cura sacris meditationibus exercitus, vitam Sacerdote dignam seridè inire instituit. Ex comitatu Britannicæ Principis, ad Palatinum recens coniungem, iter intendētis, plurima Anglicana nobilitas, Romani & non Romani ritus, promiscuè ad nos adiit peramanter salutatum: quibus in congressum nostrum familiariter venientibus valdè probabatur nostri moris Religiosa disciplina. Docu-

mentum eius rei esse possit, quòd Nouitio, per id tempus domus ianuam procuranti, accidit cum torquato Equite, nobilissimæ arcis apud Anglos præfecto. Percontabatur hic nescio quid, paullo curiosius fortè, ab ipso ianitore, qui se vt respòdendi officio honestè absolueret, id modò sciscitanti modestè retulit: se, vt Tironem, iniussu Præsidis prohiberi legibus, sermonem cum extraneo miscere. Quo responso Eques mirificè delectatus, coepit palæstræ nostræ rationem palam efferre magnificis laudibus, eamque seueriori bellicæ disciplinæ planè consentientem cum voluptate asseuerare.

I s s D E M parietibus clausæ, vnoque iunctæ contubernio duæ familiæ, Sociorum scilicet huius Collegij, ac Tironum, non sine aliquo vtriusque corporis incommodo, huius tandem biennij altero anno, ædium varietate dirèctæ sunt, Tironibus in propinquum domicilium, fornice nobis iunctū, migrantibus. Hanc habitationis laxitatem conciliauit nobis vir Anglus perillustris, annuis censibus octingenū aureorum huic Collegio in perpetuum attributis: quam domesticæ rei commoditatem, alacritas maior obeundarum functionū, vt par erat, in vnoquoque Collegatarum mox est consecuta; & hanc alacritatem operæ vbertas mensis amplior continuò excepit. Anglorum huc ad nos confluentium benè multi recta de Fidei rebus sentire ac proloqui demum edocti sunt, quos punderet tamdiu falsa pro veris & censuisse, & turpiter venditasse. Dubia multorum & perplexa Fi-

dei ratio perspicuis, solidisque præsidiis ita affirmata est, ut deinceps fluctuaturi minimè videantur, neque suas mentes allisuri ad inanum dubitationum scopulos. Concionatorem Britannici Regis egerat Beniaminus Caterius, quem Fors fortuna cum ad nos appulisset, Cardinalis Bellarminij de Fidei Controuersijs libros is auidè percurrit, proque ingenua indole non dissimulauit, vinci se illius comimentarij momentis, in quibus nudam germanamque sinceram Fidei veritatem agnosceret: uti datis ad eundem Cardinalem litteris deinde libens professus est. Curus veritatis studio elatus mirificè, nihil habuit antiquius, quàm ut eius se alumnum primò, ac deinde defensorem assertoremque palam omnibus proderet. Quamobrem regressus in Angliam, nescio quid residuorum in Belgis negotiorum causatus, ab Rege impetrat diuturnioris temporis commineatum, moxque ad nos reuolat, euulsurus scrupulos, qui reliqui in animo residerent: quibus exemptis ad Collegas nostros Louanensis Collegij clari transit, ubi Fidei Catholicæ mysterijs, magna sua voluntate, initiatus cum esset, denuo ad nostrum conubernium rediit. Aemulorum quorundam crebro inuitatu fatigatus, ut a nobis demigraret, nunquam se persuaderi passus est, nostro semper hospitio, consortioque usus, singulari sua letitia, ut eo nihil sibi iucundius accideret frequens constaretur: cum interea totus in eam iucundaretur curam, ut simul excipienda docentium institutio, simul singulorum præclare factis studiose

notandis

notandis, Christiani hominis omne officium, sanctosque mores ipso usu combiberet. Non facile dictu sit, quam frequentibus, & officiosis contestationibus, quamque luculentis argumentis suam benevolentiam, acceptique per Socios beneficij memoriam nobis perspectam fieri contemderit: a quibus se diuelli non sustinuit, quoad accessit Cardinalis Petronij transit in Franciam, ubi Haud ita multo post sanctissima morte acquieuit.

ANTVERPIENSE COLLEGIUM.

PA T R I Ioanni Dauid huius saeculi annus decimus tertius, primus ac tricesimus initi nostri Ordinis, septimus & sexagesimus aetatis, & vitae supremus, quattuor Vota professo, fuit. Magni nominis, & sanctae vitae Curionem Cortiaei olim egerat, in natali urbe, unde illum eximia sua virtus, quod Haereticorum luminibus obstrueret, ferris iam exactum, exulare cogebat; eum Societati se adiunxit, quo totius suae ambitionis oculum praeclari adiecerat. Sic familiae rationem compositam Parochus habebat, ut, ne matris quidem admisso contubernio; domi omnia dirigerentur multa morum seueritate: cuius ipse austeri viuendi exemplo, lex mera verius, quam legislator esset. Vilissimum perfunde atque durissimum ei fuerat perpetuo stratum; secundum quod iaceret sepulchralis ex assensibus locus, extrema hora

mon

monitor assiduus, &, siquando substratæ cuban-
ti duriores palææ mollius blandiri viderentur, de-
sultorius lectulus, in quem ex quotidiana stibade
transiliret. Cæterum instructissimo solidarum vir-
tutum choro eius animus celebrabatur: quarum
indices erant, atque fideles administræ maceran-
di corporis istæ, quas diximus, exercitationes tam
sedulæ: vt ei ad Societatem accedenti, non modò
subactum esset iam pectus ad illustrium facinororum
excipiendos satus: sed multa etiam præclare agen-
di facultate, ac rectè factorum vberi melle fecun-
dum. In Tirocinij nostri vmbra versabatur, cum
Cortracensis Senatus, sui olim Davidis destitutus
præsidio, Societatem nostram expetiit: cui Sena-
tui vt idoneas suppetias ferrent nostri Præsides, è
domestico otio in puluerem aciemque mox pro-
ductum Dauidem Cortracensibus suis summise-
runt, qui eo loci familiæ nostræ præsideret, &
contra perduelles in Christi causa sacrum bellum
administraret. Caput familiæ Cortraci octonos
annos, inde Bruxellis, post Gandauim egit, atque
iterum Cortraci, magna cum sua laude, omnium-
que, quibus præfuerat, approbatione. Gandauim
cum pro Rectore gereret, concionibusque ad ciues
panè occuparetur assiduè, non destitit in sædam
sacrarum statuarum cladem, ab Iconomachis
Caluinianis illatam, acriter dicere, quoad frequen-
tibus tota vrbe basibus signorum suorum pigno-
re orbatis, aut publico, aut priuato sumtu, suæ
statuæ de integro inducerentur. Ei porro in Dei
castris plurimarum nobiliumque palmarum bel-
lato

latori, cum, fracta laboribus senecta, regendarum Familiarum & munerum cæterorum vacationem demum impetrasset, Antverpiam capeßendæ quietis missus est: vbi, paucorum mensium iucundissima consuetudine, solidissimæ virtutis expressam spirantemque effigiem in Sociorum animis consignauit: hocque defunctus, extremo erga nos officio, ad euocantem se Imperatorem, palmam accepturus accurrit. Beata Virgo Aspricollina, Fratris nostri, diris tetri morbi cruciatibus conflictati, votis sollicitata, eum derepente perosanuit, in quem summa Medicorum ars suam vim omnem frustra expromserat. Ei, ad straguriz, cruentique vomitus & laterum acerrimos dolores, accesserant atrocissima frequentium conuulsionum cruciamenta: vt ex copia fœtidi puris ab ore manantis, & intolerabili immanium dolorum carnificina, medici coniicerent ei omnia viscera fœdis abscessibus, aut gangrænæ pestibus, tabida frustillatim decidere: vnde nulla vis humana eum ad vllam spem sanitatis vmquam excitaret. Itaque quò minùs præsidij sibi reliquum factû vidit æger in mortali ope, hoc acriùs & confidentiùs animum erexit ad immortalium patronorum exoranda subsidia: sed nominatim Magnæ Matris Aspricollinæ: cui, bona præsidum venia, cum vota nuncupasset, euestigiò confanuit. De cuius morbo & sanatione iurati Medici scripto suo & chirographo deinde responderunt: grauitatem multiplicis mali eam fuisse, cuius efficiendæ sanationi, non repentinæ modò, sed cuiuscumque, ars nulla hu

la humana par esse potuerit. Quinis conuentibus
 dispersiti, variorum Ordinum, ætatumque Sodal-
 les milleni quingenteni, eoque amplius, non ma-
 gis numerosi agminis celebritate, quam in assi-
 dua virtutum palæstra, præclare factis, Sodalitij
 germanum decus tueri perseverant. Ex Virginibus,
 quæ bene multæ perpetuam castitatem, abiecto
 vestium cultu, in parentum ædibus sibi indixe-
 runt, vnius ad stuprum atrociter appellatæ, for-
 tis ac eximia in primis fuit constantia. Huius in-
 diatus solitudini amator nequam, inopinatò in-
 uolat in imprudentem: plenaque manu oblati
 nummis aureis, ad flagitium studet pretio allice-
 re: cui, cum indignatione tetrum scelus auersan-
 ti, stricti mox pugionis mucronem nudo pectori
 admonet, ad exprimendum terrore assensum, quæ
 preces & pretium non cuincerent. Hic virgo, non
 animis perinde consilioque, ac viribus defecta,
 intentis in cælum oculis, clara voce Christum ap-
 pellans: Per ego te, inquit, quæcumque iura spō-
 sis sponsas iungunt, Castitatis suasor vindexque,
 precor quæsoque, hoc ferro mihi pectus hauriri,
 & hanc animam exigi, patiari potius, quam vt
 tuis Hymenæis sacratio pudori labecula vlla infe-
 ratur. Diuini amoris plena vox, de casto prompta
 pectore, occulta vi, vim parantis tetrum furorem
 inhibuit euestigiò, succésamque Tartareo igne flā-
 mam libidinis, instar glaciatae aquæ subito affusa
 oppressit: voluntatemque insuper proterui homi-
 nis, virtutis admiratione, ita demeruit, vt qui
 crepturus pudicitiam venerat, eius conseruandæ
 in puel

in puella institutum nunc contra mirificè prædicaret. Fregisti, inquit ille, fortissima Virgo, libidinosi hominis ardentem impetum tua castimonia : & eius certè hominis, qui hoc genere pugnae nunc se mauult, & tuis quidem auspiciis, victum quàm victorem. Perge igitur, inuictis his animis, & mei similes, & teipsam, perpetuata victoria, debellare : cui ego maximo opere cupio Superos hanc triumphorum gloriam fortunare. Sed intereà, quod vitando purissimo corpori comparatum erat pretium, tu præmium sume pudoris heroico facinore propugnati. Quibus dictis, proiecito ad pedes auro, se properè subduxit, victricique Amazoni, & prælij campum, & triumphigloriam fruendam reliquit. Honoratissima matrona, ventrem gerenti, sancta cupido incesserat, illo ipso die fundendi sui partus, nono vertente mente, quo die, in eam rem fortunandum, apud nos Diuinam sumserat Hostiam: cuius optatis obsecundante Deo, commodum reuerterat domum, cum feliciter peperit. Auctam deinde mulierem cupita prole subiit hæc cogitatio: satius longè fuisse non suscepisse liberos, quàm peccaturos aliquândo in Numinis sacras leges eduxisse : quamobrem ex ea hora institit Deum supplex orare mater, vt si quidem sua filiola commissura quidpiam esset incum facta grandior, vt adhuc prauis rectique nesciam maturè ab se raperet. Atque vti biennis puellæ animus, antegressis ætatem, viuendique cupiditatem desideriis, occuparetur, cœpit parës puellulæ auribus occinere frequentes narratiunculas

de An

de Angelorum choris innocentium animos in cælum lætanti pompa euehentibus : cuius lenocinio & assuetudine carminis pellecta filiola, quam mater studuerat , combibit melioris vitæ cupidinem; & in cælitum beatos cœtus adspirare ardentem instituit. Non alienam Diuino consilio fuisse matris filixque cupiditatem euentus proximè intercedentis morbi ostendit, quo vt vehiculo elatum iri ad cælos natam suam rata parens, post aliquot dies nostram in ædem venit supplicatura secundum Diuini Epuli mensam , vti eo die, si Deo ita videretur, ægrota è carcere corporis euolaret. Vbi autem suas in ædes regressa, visit ad decumbentem, & cum ea queritur , longiorem videri Angelorum moram, puellula, quæ sextum iam diem , superante morbo vires , siluerat, iis quæ locuta erat parens , respondit: Ita est mater , atque inter eam responsionem, suauiter matri arridens , placidissimè animam exhalauit. Vtriusque porro anni opera, domi forisque , reconciliandis Deo Ecclesiæque non paucis Hæreticis variorum dogmatum perfructuosa fuit.

BRUXELLENSE COLLEGIVM.

TR I C E N A R I V M, ac maiorem eo , concionatorem cùm ageret, & quidem inter eius muneris principes viros , Pater Ioannes Gaudanus , Votorum quattuor Professus , pænè ab pueritia prima in Socios allectus, ex corporis erga stulo-

stulo absolutus est. Felicissimo ingenio decurrerat multa cum laude omnium disciplinarum gradus, euaseratque in earum fastigium clarus, quibus deinde vteretur appositissime in procuranda salute mortalium. Huic cum alia quamplures inerant egregia dotes, quae hominum conciliarent gratiam, tum ea iucundissima, quod animo & fronte perpetuam laetitiam praeferret: quae usque eo perseverauit, ut non desereret letali morbo affectum: ut nec ipsi, nec valetudinarii ministris molestiae morbi graues esse possent. Vicefimo ferme ab hinc anno Sacerdos ab nostra Societate defecerat; Leodij adhibitus ad Sacrarum rerum exercendas Quaestiones; post variis locis Parochum egerat, nusquam animo acquiescens, ut tandem ad Bernarditarum familiam transfireret, si quo pacto mentis iugiter oblatrantis tumultus sedaretur. Eius Ordinis cum esset, negotij gerendi gratia Braxellas venit, ubi grauior eum insedit agrotatio, secundum quam Patrem de Collegio nostro aduocat, quem palam omnibus aduentantem, ita compellauit cum gemitu, lacrymis ore toto fluentibus: Heu Pater mi, heu miserum me: cur ego imprudentissimus istam vestram, tam sanctam Societatem, bonam meam olim parentem, meo magno malo, deserui! Studui ego quidem, quoad licuit, hoc inito Ordine, quem nunc profiteor, sarcire illam meam culpam, qua temerarius excidi è Societate: sed pacis ac quietis nancisci nihil dum potui. Et quidem omni asseueratione tibi affirmo, nulla cogitatione angere me tantopere,

quàm dum obuersatur animo , & obuersatur perpetuò , ille supremi iudicij confessus , meæ causæ arbitris, Iesu & Ignatio , vtrisque olim parentibus meis optimis, à quibus , infelix , turpi defectione descuiuerim. Certè illud me terret , cùm memini, ex quo à vobis defecerim, etiam post initum , exque formula studiosè obseruatum, Beati Bernardi hoc Institutū, liquidæ voluptatis nullā me particulā Diuinis in rebus haurire potuisse. Iam verò, si Numini visum erit, ex hoc morbo me fieri aliquot dies superstitem: quī mihi non sapiui, dabo sedulam operā, vt alij meo exemplo sapiant. Scribam vestris Tironibus , & scribam disertè , vt intelligant , discantque meo periculo admoniti , excludere omnes omnino ab se cogitationes, alienum quidpiam ab Societatis Instituto , quacumque specie boni, suggerentes: ne perniciē sua emanēt inutilem olim futuram pœnitentiam.

Annorum quattuor & sexaginta viuere desiit, posteriore anno , Pater Ioachimus Arents , Bruxellensis, in Societate agens quartum & vicesimū, ab singulari vitæ innocentia , & religione, iam inde à puero , celebratus inter suos. Obsecurus olim amicorum consiliis, Iurisprudentiæ laureā insignis in Causidicorum Detursam venturus videbatur: sed potioris fori studio ductus ad Sacerdotiū se conuertit, & quidem opportunè Bruxellensium Catholicorum bono , quos perduellium iniuria publico Sacrorum vsu orbauerat. Per illud enim Hæreticæ dominationis tempus, occultis habendis rerum sacrarum conuentibus , in ciuium animis

HIS Catholicam Fidem vehementer affirmavit, quoad pio eius dolo rumoribus manante ad aures aduersariorum, vrbis pomœrio carere iussus est. His in alienam salutem procurandis muneribus, solum in eius mente idoneum parabatur inferendo postea Societatis Instituto: cuius deinde factus particeps, incensum illud iuuandorum animorum studium exaggeravit magnopere, acerrimo flagelli, & continenti panè inediæ ac cilicini saguli vsu adhibito, quibus comitabatur iugis, & ardentissima præcatio. Religiosissima ei perpetuò fuit Obedientiæ lex, vt iniussu Præsidentum, nihil eorum sibi omnino indulgeret, quorum vel pessimè affecta valetudo ei multam necessitatem imponeret: vt sæpenumerò sit obseruatus, multo manè, pluuio aut niuoso cælo, plus centenùm passuum via, Patrem Ministrum Collegij adire, cuius bona venia nocturnæ insomniæ graues molestias aliquantula quiete in lectulo mitigaret. Vilius in Societate munerum non patiens modò, alacerque administrator, sed flagitator quoque ambitiosus, ætate ad senium deuexa, quinque fratrum ex eadem familia in Societate maximus natus, vnus diutissimè vespertibus ad mensam Collegis egit anagnosten. Princeps Araussonius Guillelmus, prouocatus Beati Guillelmi sibi cognominis, in scenam producti, quàm lepido dramate, millenos auctores templi nostri fabricæ donum misit.

G A N D A V E N S E C O L L E G I U M

VNDE QUADRAGESIMVS ætatis annus, tertiusque decimus susceptæ nostræ militiæ, Patri Philippo Noorman initium vitæ melioris in cælo fuit, quem eximia innocentia, singularisque morum candor, visa sunt meritò Beatissimis adscripsisse, quoad humana rem tantam dispicere ac diiudicare possunt arbitria. Antistes Gandauensis, propagandis tota diœcesi, ad Ecclesiasticâ rem rectè administrandam, idoneis Theologis, Seminarium Clericorum in vrbe instituit, eidemque adiunxit scholas, quibus nostrorum duos præfici doctores voluit: admissis in auditorum numerum, præter alumnos Seminarij, nonnullis selectis adolescentibus, quorum aduentitio manipulo lectiones fiunt celebriores. Quod mirum censeretur iure possit, in tantâ gentis obstinatione, Zeelandiana integra familia, nostris facem præferentibus, lucem veræ Fidei aspexit, atque amplexa est.

GRANDI natu venerat in Societatem, è familia nobili, Pater Petrus Iserhendricx, qui tamen, quod reliquum fuit apud nos, tam fructuosè posuit in sua, & cæterorum salute vindicanda, ut paucorum dierum compendio multas annorum centurias adæquarit. Cum cætera omnis functio Religiosi hominis in eo fuit eximia, tum illa inter paucos singularis, quòd egentium imbecilla vel morbo vel fame corpora, sed animos in primis

mis seu ignorantia seu noxiis affectos administrauit tam sollicita cura, vt infinitos, pænè ab omni humana ope desertos, vnus credatur in salutis portum inuexisse: quò & eum speramus appulsum esse, anno huius sæculi quartodecimo. Ex Hæreticæ seruitutis nexu emancipati duodecim, ingenuitatis eo iure, quò optimo, in Ecclesiæ regno donati sunt. Herniam pueri nulla medicorum industria sanabilem, post multorum annorum inanes curationes, simulac eius mater Beati Patris Nostri aræ, voto ei obstricta, stitit puerum, puer ipse sensit persanatum esse, ab cuius sanationis die annus iam processit, testis penitus affirmatæ valetudinis.

B R V G E N S E C O L L E G I V M .

Q V I N D E C I M nobis auctoribus Hæreticam infamiam deterfam illustri perinde vt fructuoso Catholicorū nomine commutarunt. Vnus aliquis, noster olim discipulus, ingentis contumeliæ loco habuit, alieno die illatas sibi ad mensam carnes ab hospite, vt calidas iurulentasque in os apponentis impingeret; cui suo, haud planè liberali factò, hanc intereà speciem æquitatis obtenderet: Non iis cibis, tali die, ab Iesuitis magistris se nuper assuefactum esse. Coniugem adulterij compertum vxor implacabili furens odio, extinctum velle cœpit tam impotenter, vt magna pecuniæ vi comparatum sicarium ei contru-

cidando apponeret: cuius flagitio iugularetur omnino, nisi Sacerdos noster, conciliata maturè gratia coniugum, percussorem ab meditato scelere auertisset. *Damnus*, in propinquo oppido, præsidariis ex militibus Sodalitium Marianum excitauimus, cuius iam se ostendunt vberes fructus, & expectantur vberiores, ipso maximè cohortis Præfecto familiam ducente in hac pietatis palæstra. Desponderat sibi Hæreticam puellam, quàm diutissimè adamatam, ritu Hæretico ducturus Catholicus adolescens, spe illius ad Romanum dogma olim pertrahendæ: quæ vt ante nuptias in hæresi occubuit, mirè cruciari sponsus, ac pro ea, si forte morientis animum pœnitudo falsitatis cepisset, preces ardentes fundere. Sed ei rosarium ea causa enixè decurrenti vltimicibus flammis circumfusa visendam se præbuit, denunciauitque arbitranti gloriæ indices illas esse flammæ, sibi vt Hæreticæ perpetua esse iniusta supplicia, pariaque sponso indicenda fuisse, si eos copulasset vnà Hugonotici moris triste matrimonium.

I P R E N S E C O L L E G I V M.

EX A V C T O R A T V M se Monastica militia vir nefarius, veluti augustioris cuiusdam sacramenti castra initurus, armatum satellitem nescio cui cùm se addixisset: qui abiecto pridie cucullo caput suum exaugurauerat, credidit sanctiùs se inauguratum iri, vbi adscita concubina scelus
 scele

ſcelere nauiter exaggeraſſet. Hunc , octona iam ſtipendia in Martiſ , ac Veneriſ vtroque exercitu , pari conſtantia merentem , ſui Ordiniſ Præſideſ in flagitio deprehenſum , vti pium faſque fuit , Monafterici Sacramenti ſceleftè violati reum in cuſtodiam & compedes dederunt. Ad quem , immanis ſacrilegiſ pœnas luentem , noſter aliquiſ adhibituſ perfecit ſuadendo , vt nullū non ſupplicium ſacrilegio ſuo deberi lubenſ agnoſceret , perpetuamque ſanctioriſ vitæ legem ipſe ſibi vltro imponeret. Quinūm dierum intolerabiles in moliendo partu doloreſ ab matrona depulit , felicemque nixum impetrauit, B. Ignatiuſ.

Altero anno Ipreniſiſ adoleſcens , in Hieroſolymitana peregrinatione captuſ ab Turciſ piratiſ , ſemel iterumque ad Mahometanæ Circumciſſionis , Turciciſque coniugij nefanda ſacra pretio pœnaſque appellatuſ , Terram Sanctam , cuiuſ in conſpectū iam veniſſet , Chriſtiſque conſtantiaſ veſtigia , prædonibuſ fortiter denunciavit , aditurum ſe lubentiūſ quorūmviſ ſuppliciorum carnificinam , quā vt Mahometiſmi ſacrilegiſ ſeſe inquinaret. Religionem hominiſ Numini iucundam cecidiſſe inexpectatuſ docuit euentuſ , cū truciſ homineſ ad oblatuſ ab adoleſcente conditioneſ deſcenderunt , qui ſibi vitam libertatēque ab eiſ pactuſ trecentiſ quinquaginta floreniſ Belgiciſ , Ipreſ miſit , qui ſuiſ neceſſariſ rationem ſuæ captiuitatiſ nunciaret. Ei redimendo pretium , viaticumque reducendo ad ſuoſ , Collegij noſtri Rector ab Ipreniſi Magiſtratu cū eſſet promerituſ ,

postea è nautico ergastulo reducem, & Societatis nostrę beneficium inulitatis gratiis prosequētem, ad Magnę Matris Sodalitium idem Pater Rector valdè cupientem admisit. Casleti, ad occasum orę Flandricę, quaternis Sociis, eam agrum culturis deinceps, sedes constituta est, magna spe messis longè vberriam. Ballioli quoque, tertio ab Ipris milliario, in possessionem fructuosę missionis venimus, repugnantibus tamen auctoritatis multę viris non paucis: quorum vim perfregere pari auctoritate gratiaque alij municipales. Horum unus, in suadenda publicè huiusmodi Missionis, rationum pondere, atque ardore dicendi ed prouectus est, vt stuporem audientibus incuteret: quibus, vt sumtum eximeret sollicitudinem, tergiversationisque omnes ansas amputaret, prolata syngrapha, fortunas suas omnes Missioni fouendę obligauit. In quam excipiendam incumbentes municipum animos, ab ea oratione quam diximus, Benedictini Ordinis in propinquo Cœnobiarcha, peramicè suscepta causa Societatis, omnino perpulit.

CORTRAC EN SECOLLEGIVM.

GENERIS egregiam nobilitatem maiore virtutum exornauit claritudine, tam viuens tum moriens, Pater Philippus Zueveseel, Flander, quem Adiutorem Spiritalem quinto & quadagesimo ætatis anno extulimus, in nostro cœ-

tu vicenarium quinarium. Ad Religiosi hominis proprias dotes, plurimas & singulares, corollarium ei Græcarum litterarum pernobile amplumque accumularat sua industria: quibus tradendis disciplinis multos annos celebrem doctorem egit: sed quem cætera omnis virtus, magis etiam, quam rara doctrina, commendaret. Anxietate conscientie tantum non perditæ matronæ, ut mole angoris oppressus animus ad desperationem vergeret, pacem salutemque peperit triplex votium Beato Ignatio sacrificium, & ad cenotaphium, pridie Natalis ipsius, pia oratio. Alteri feminæ in vitæ periculum adductæ grauiore febris æstu, altero die, quam pro ea Beati Parenti est supplicatum, incolumitas planè restituta est.

VINO CIBBERGENSE GO L-
legium.

QUADRAGESIMO altero quā viuere, decimo sexto quā esse noster cœperat Pater Ioannes Canisius Neomagensis, rationes cum vita supremas putauit, easdemque probauit Numini, ut vita eius acta ex virtutis norma, & Religiosi Instituti formula, nos sperare iubet. Moralis Theologiæ idem magister, ad ciues Concionator, auditorque Confessionum pænè assiduus, cum hæc munia obiret strenuè, residui tamen temporis aliquid nancisci solebat, ut ad agrestes excurreret. Biennium versatus in castris frequenter

conferuit manus cum Hæretico, & vbicumque
 fors tulit; vt in hoc hominum incideret genus, acriter
 eos animo semper agitauit: qua ex acie, vt copiis
 instructior perpetuò redibat, ita paratior industriis
 ad impugnandos hostes, quos & scripto volumi-
 ne confutauit: Petri illius Canisij dignus prone-
 pos. Canisius alter, cui Petro nomen, Gandau
 natus; agens inter nostros annum septimum, tri-
 cenarius cùm ad nos adiit, singulari pietate in Dei
 Matrem, quæ non vana est probitatis nota, eo-
 dem pæne tempore decessit. Duobus Martyribus
 excipiendis Gerontio, eiusque socio, aduectis ad
 nos Roma, Bergenses ciues pios se iuxta & ma-
 gnificos præbuerunt: nominatim verò, in huius
 triumphii cohonestanda liberaliter pompa, Mun-
 darum Abbas suam Bergensibus Societatiq; be-
 neuolentiam impensè commendauit; cùm Sacra-
 rum ab se obitam reliquiarum transuectionem
 terminauit splendido epulo, domi nostræ, Clero
 ac Magistratibus dato, postridieq; discipulis no-
 stris, lepido dramate hanc vrbi faustitatem gratu-
 lantibus, munificè præmia diuisit.

Annus secundus, idem funestus huic familiæ,
 duorum iactura Patrum: idem lætus iis quos con-
 tinenti panè funere abstulit. Pater Matthæus Eu-
 chronius, Iprensis, vnde septuagenarius, assiduus
 eximiisque annorum quadragenum quinum labo-
 ribus in Societatis stadio clarus, non potuit non
 felicem iucundumque ducere sui exitus diem. Tri-
 cenaria ei fuerat concionum opera; Confessionum
 vicensaria senaria: quibus muneribus, industria
 singu

singulari , nec absimili religione obeundis , cum cæteris , quorum animus excoluerat , tum Hispaniensi militiæ in primis , gratissimus euaserat . Præferuido impetu cum natura eius ageretur , sic domitos habuit omnes animi motus , ut eo nihil temperatus , obsequentius nihil fingi posset : multa scilicet , ardensque oratio , qua potentior nulla est machina frangendis , quæ virtuti obsunt , impedimentis , hanc ei moderationem , veluti natiuam adsciuerat . Thomas Hallæus , Hibernus , octonum dierum intermissa ab exsequiis cessatione , ad integrandum funus nos reuocauit , octauo anno quam in nostris census erat , quinto & tricesimo ab ineunte vita . Theologicum penum quam instructissimum in pectore sibi viderat , sed omnium virtutum refertissimam in primis apothecam , ut , hoc utroque præsidio validè septus , popularibus suis iret suppetias . Huius tam prolixæ voluntatis eandem atque ipsius reipsa gestæ provinciæ rationem Deus habuit , exemitque molestia Hiberniæ , ac reliquæ omnis palæstræ ineundæ , ut compendiarie via in meditata victoriæ triumphos induceret .

TRAIECTENSE COLLEGIVM.

NE QVÆ funebris officij & narrationis hic factus adhuc modus , quando duo quoque Socij hanc familima operis suis in perpetuum orbarunt quorū vnus non editur nomen : vbi de eo memoratum est , otij minimè patientem fuisse , ac eum
qui

quidem inter familiaris ministerij Adiutores. Sacerdos alter Pater Remerus Ryľvvyk, septenarius in Albo nostræ familiæ, cui se vicenarius addixerat, omnium maximarum virtutum studio ardens inusitato, vt iam plurimarum studiosa cura eum faceret compotem, factura cunctarum, si vita longior suppeteret. Precationis ardentissimæ quotidianus vsus, diligentissimeque perscripta ratio omnium beneficiorum, quæ oranti sibi diuinitus acciderent, momenti multum afferebant in dies ad minimè vulgares virtutum processus: vt est scilicet diuinis donis promerendis expeditissima via, eorum recordatio perpetua, gratique animi testis commemoratio. Mentis cum Numine coniunctissimæ, ergaque illud inusitatæ reuerentiæ index in illo fuit cogitatio tam potens sui, vt inter orādū, vix aberraret tantillū ab eius obtutu, quem nusquā non sibi præsentē veneraretur. Gemino argumento colligi potuit, alūnum Ignatij, vt cælo maturum, euocari ad præmia, sui que occasus præmoneri; quando & ipse Beati Parentis Natali ægrotare cœpit; & bimestri pia lectione ante obitum, quidquid duplici codice legendum incideret, alterutram induceret, aut morbi aut mortis mentionē. Rheni alueo fermè insidentia oppida quatuor, Grollā, Rhenobergam, Olderaliam, Lingā, ab Marchione Spinola perduellibus Batauis nuper erepta, Patres duo restituenda in integrum, hæresis vastitate, susceperunt, opera primū difficili, sed læto tandem fructuum prouentu. Fuit vbi non admitterentur principio, aut acciperentur

tur cum indignatione : sed postea ex fructu animorum cum operæ ratio constare cœpit oppidanis, illa prior ab alienatio mentis vertit in beneuolentiam venerationemque, vt priuatim publiceque nostri colendi ac prædicandi finem nullum facerent. Vnde, tametsi res gestas, & latos expeditionis euentus, singulatim scribendo non persequamur, intelligi tamen facile possit, quanta labes & vastitas ab nobis illata sit ignorantia vitio, hæresi, annum iam quintum decimum ea tota regione bacchantibus.

SILVADVCENSE COLLEGIUM.

LVSTRANTI, ex Societatis formula, Pro-
uinciam hanc eiusdem Præsidi, Patri Guil-
lmo Verannemano, quasi eius aduentus bona huic
Collegium inuideret morbus, in via ipsi hostiliter
insidiatus, pestilentis affectus labem inussit, quæ
vicesimo sexto die corpus ægrum conficeret. Cu-
ius viri, planè magni, vt perdifficile scribenti fue-
rit, eximias laudes subiicere legentium oculis, ita
crit ei quidem procliue, audientium verò condi-
tioni opportunum, quo præclaræ huius hominis
comprehendantur vniuersæ dotes, vnum modò
eius facinus, quod postremum in vita edidit, po-
nere. Ab inusitata cuiusdam demissionis animi
studio singulari, & intimo sensu, hanc ex suis fa-
miliis vnâ, cuius in oculis occumberet, exem-
plis quàm verbis instituere ratus longè fructou-
sius,

sius, hoc dumtaxat allocutionis genere moribundus affari voluit, uti nos erratorum suorum veniam ei daremus. Prouincialem deinde cum sibi subrogasset, mandatorum ei nihil aliud iniunxit, iniunxit autem quam accuratissimè, uti tota Prouincia scriptis suo nomine litteris, ab Sociorum singulis noxarum suarum sibi gratiam flagitaret studiosè, impetraretque. Quæ optimus Pater, cum faceret, ingenio suo, atque penitus insitæ modestiæ tantum obsecutus, aliud omnino agens, & quod omnium minimè cogitaret, seipse qualis quantusque esset, quam appposito, ad delitescentium suarum virtutum exprimendam speciem, penicillo figurabat. Quadragenarium contumaciæ calum obductum erat cuiusdam animo, ut nullius Confessarij aut iudicium, aut etiam vultum subiret, cuius duritiæ molliendæ ut religiosa coniux, propinqui, & amici, rationes plurimas excogitassent, nulla processerat adhuc, cum nescio cui venit in mentem, ut eius vxor eum quatumque machina induceret ad Concionatorem nostrum audiendum. Ut id saltem daret rogantibus, persuasus tandem est, nec citius aures dicenti præbuit, quam ex oculis se profuderunt copiosæ lacrymæ, colliquefacti pectoris testes, ut mox quadrageno situ coucretam mentis illuuiè apud nos detegeret. Eodem remedio factum melius est adolescenti nuper Lutherano, cui, ab detersa hæresi, multo vsu inoliti mores profligati sic adhærescebant, ut nihilo probior, quin improbior esset, quam fuerat, nondum posita hæresi: quem illico sibi dis-

similli

sumillimū fecit vna auditione Cócionatori nauata opera. Beneficentia Geisberti Masij, Siluaducēsis Antistitis, huic Collegio in perpetuum contributa sunt rusticani Cœnobij octingentū Florenū vectigalia annua: cui Episcopo, eidemque Sodalitatis, ab Visitantis Virginis mysterio dictæ, apud nos Præfecto, insequenti anno mœrentes parentauimus, cū, euocante ipsum Patrona Maria, ipso die sacro eius cognatam Elisabetham visentis, suauissimo leti genere decessisset.

RVREMVNDENSE COLLEGIVM.

ANQVISITVM est capite in bene numerosam mulierum decuriam, veneficij comperitam, de maiore septingentarum cohorte, quæ, infandarum Manadūm ritu, sanctioribus diebus profligatissimæ impuritatis Bacchanal celebrarent, ex sectæ suæ instituto, ad mysteria nostra si fieri posset, sacris religionibus suis exauguranda. Quod autem Orcus diuturna eis flagitiorū communione consueuerat, vt inusta deprauatis animis scelerum cōtumacia disciplinam recti sanctique non admisura timeretur: adhibiti sumus studiosè, ad prætēandas idoneo sermone abalienatas ab sua salute mentes, si qua industria eius neglectæ cupido eis ingenerari posset. Vna vel altera in sua perniciē occupatū Cacodēmonis fascino pectus obdurarūt, reliquus tamē numerus, quò impellebāmus, se adduci denique passus est, luendisque deinde supplicis

ciis æquitatē mentis prætulit sibi salutarē. Armata ab nobis cereo agno, Cacodæmonis vim fraudemque in carcere facilè ab se auertebant, quæ sacro amuleto non se exuerent: sed vna Tartarei amatoris studio adhuc implicita, cū ille arceri se fateretur virtute cereæ plagulæ, ne propiùs adiret, orabat vti eam, velut suis naribus fœtidā, abiceret: quæ vt ei obsecuta est, mox integrato inter ipsos amatorio fœdere, quod sacra cera abruperat: miseræ illi factum est peiùs, quàm antea fuerat. Aliæ quinque sagæ attinebantur eadem custodia, quibus vt ille sanguinarius prædo suadere non potuit, vt salutari se clypeo exarmarent, ita quoque illo arcente inhibitus est, quò minùs in mulieres inuaderet.

Ad insequentis quoque anni partem non minimam pertinere frequentes de veneficiis quæstiones, vt hoc biennio plus sexaginta sagæ, immanium scelerum damnatæ, in accenso busto deflagrarent, plurimam partem nostra opera expiatæ. In hoc maleficij genere formidolosissima est eorum factio, qui, lupina specie ac ingluvie sanguinarij, dentibus furenter grassantur in mortales: quo de grege ad vnum, supra cæteram improbitatem, etiam Hæreticum, cū propinquo in oppido agrotaret, euocati sumus. Ei grauissimorum flagitiorum reo noster tam acres admouit orationis faces, vt eum vehementissimè concitaret scelerum suorum pudore ac odio: quæ non est veritus in frequenti Hæreticorum corona singulatim exponere, atque detestari, vnaque falsum dogma,
indigna

indignatione frementibus Hæreticis, atque hoc grauius, quòd ad reliquæ vitæ exitum constanter in recta Fide perseuerauit.

TIROCINIVM MECHLI-
niense indigenarum, & Anglorum
Louaniense.

CAROLVS Bosso, Bruxellensis, annorum vndeugintri, per multas longioris morbi molestias insigni patientiæ laude, cùm ad suos curationis gratia remittendus esset, virtute sua promeritus à Deo videtur, vt antè decederet è vita, quàm è fratrum contubernio domum ablegaretur. Duodesexaginta Tironibus aucta domus est priore hoc anno, & eorum quidem nonnullis aper-
tissimo Diuini vocatus testimonio concitatis. Senserat vnus aliquis eum Numinis instinctum, cui ne obsequeretur, ipse sibi obtendebat sinistri oculi quoddam vitium: sed pilæ ictus cùm dextri acie ferè præstinisset, intellexit calumniandi causa diem se frustra exemisse: Deo siquidem non posse imponi. Octauum tamen annum præterea comperendinatus, in æquales personatos bacchantium ritu tota vrbe inuehens, prehendentis morbi repente incurfu audit se diuinitus ad vadimoniũ citari, quod se obiturum, votis per inualetudinis graue periculum Beato Ignatio nuncupatis, spondit. Adeptæ tamen nouo beneficio sanitatis

X

iucun

iucundior vsura & benefacti & sponfionis obliteratebat memoriam, nisi potentiore machina durum pectus Deus ita cōcussisset, vt ad obsequium propè adhuc repugnantem adigeret. Ab altero parens promissum expresserat, vt ne ante decursum Philosophiæ stadium iniret Societatem; intereà verò adolescenti penitus refrixit animus ab Religiosæ vitæ instituto; cū ecce tibi, anno euoluto, eadem ipsa die, horaque sponfionis, ab stipulante patre expressæ, quinque grassatorum gladiis infesta manus adolescenti, domum vespere redeunti ac inermi, tantam vim affert, vt momento conficeret, nisi vicinas in ædes fortè patuisset effugium. Neque ipsius parenti sors illo ipso die felicior obtegit, sub vesperam in equo suburbanos hortos ad-eunti, cui præceps grauiorque lapsus ex iumento plagam eam inflixit, vnde post paullo interiret, cuius tanti infortunij acerbior nuncio perculsus filius, ne salutatis quidem necessariis, cuestigio in Tirocinium conuolauit. Puerulus Societatis antè cupidus, quàm eam nosset, scholarum nostrarum à parente impetrauerat potestaté, in quas quo primū die pedem intulit, molestissima rauis eius insedit fauces, quæ trienniū teneret, eumque suis votis excluderet, ardentius sollicitato precibus piis Beato Ignatio, & huius Prouinciæ Præsīde, ab illo suauitatem restitutæ vocis, ab hoc Societate impetrauit. Zelanda puella, cū Hæretici dogmatis tuendi inaudita peruicacia, tantum nostri horrorem combiberat, vt nec nos audire, nec etiā videre sustineret. Eam Catholicus frater Mechliniz

niæ degentem, per causam visendorum amicorum, deduxit in nostras ædes, certumque Patrem euocavit: ad cuius illa conspectum, vocemque ita inhorruit, ut, in fletum effusa, oculos & aures obduceret manibus, quasi verita, nequid ad suos sensus ex eo emanaret. Quoniam igitur nullam factura videbatur congressus copiam, reducenda domum fuit; vix tamen ædium suarum lumen superanti Deus tanta vi mentem illustravit, & emolliuit, ut eundem Patrem, quem non erat alloquio dignata, mox arcesceret, quocum leuiter velitata, manus animumque dedit Fidei Catholicæ.

E Louanienti Anglorum Tirocinio tres in Britanniam, honorificentissimo iuuandorum popularium comœatu, dimissi: quattuor panè ante initam nostræ militiæ sollemnem dimicationem ad præmia emeritorum sunt euocari. Roberto Campiano prima fors obtigit, cui adscritum id cognomen erat, eius gentilitio ex causa supprimendo, & denuo suscitandæ isti appellationi, claro in adolescente, illi olim Campiano moribus non absimili. Excellentis indolis, magnarum virtutum, eruditionis pro ætate singularis, luculentum in Audomarensi ac Romano Seminario specimen dederat: ut cum probatissimos mores, & naturam compositissimam in Tirocinium intulisset, studio autem ingenti perfectissimæ vitæ duceretur; non potuerit paucis diebus summos in virtute non habere processus. Quam viam ardentè ingresso febris incessit, cuius æstu vehementiore

grauiter exercitus , incredibili semper æquitate animi , atque moderatione ; quamdiu autem violentia mali abrepta mens deliraret , ea sermonis modestia , quæ summam argueret innocentiam ; sed , florente licet adolescentiâ , morbo ferendo impar , tandem extinctus est. Ab huius funere itum est, interuallo aliquo, ad exsequias Patris Nicolai Harrington, duodecticesimo ætatis anno, Probationis suæ primo, quem litteris ac sanctis moribus expolitum dederant Audomarense Hispanenseque Seminaria, eumque obsequij aduersû Præsides, & Religiosæ disciplinæ, quàm obseruantissimum faciebat multus amor erga suum Institutum. Pridiè illius diei, qui fuit ei supremus, sanctissimo exarserat odio in admissas omni ætate noxas, ut diffluens lacrymis, magna vocis animique contentione audiretur, Deum per quæque sacra obtestans, uti admissorum sibi veniam daret, recipienti, si suppeteret vita, ærumnosissimæ cuiuscumque afflictationis optionem, in promouenda Numinis gloria. Quo die hunc extulimus, eo ipso interiit Christophorus Michæl, absoluto Tirocinij biennio, emissisque votis, anno vitæ suæ vndecticesimo; cuius erat omnis agendi ratio Præsidibus multò acceptissima, & magno quidem ipsius merito, aded, in summa vitæ innocentia, factum fictumque ipsi erat ingenium ad omnem exercitationem cæteræ virtutis, in primis verò ad Religiosi Instituti egregiam functionem. Funerem rem & pompam clausit Pater Henricus Lamannus, annorum octo inter Socios, triginta inter

inter viuos , nullis viribus , nulla valetudine homo , sed animi robore , vigilantia , sollicitudine , alacritate tanta in ægrotis , quibus præerat , vt vnus omnes eorum molestias sustinere , animique ægritudines leuando planè obliterare videretur . Summam in eo lenitatem naturæ , comitatemque agendi , iucundissima suauitas oris , hilaritasque perpetua , condiebat , mira congregientium voluptate : quas naturæ dotes iam per seipsas impensè amabiles , cum studio etiam & arte quadam excoleret , eius consuetudo suauis in Sociorum animos influebat mirabili quodam sensu iucunditatis , qui vel inuitos raperet in hominis inusitatam beneuolentiam . Tam suauium morum homo , ingenique tam lepidi , quanto esset leuamento malè affectis vel corpore , vel animo Tironibus , vix dici aut etiam cogitari potest ; cui tam validas mentis vires , in summa imbecillitate corporis , Deus reseruatas vsque eò esse voluit , dum , suæ procurationis Nouitiis , aut recreatis ex morbo , aut eius vi extinctis , ipse nobilium palmarum medicus honestissima morte defungeretur . Recentem è Batavia Hæreticum adolescentem , pictorem , vbi Antverpiam sese appulisset , sectarij vetabant seuerè omnino cum nostris in congressum venire , hominibue scilicet factis ad incautos præstigiis illaqueandos , quorum fraudibus , qui captus teneretur , se postea numquam expediret . His occupato documentis adolescenti visum per quietem offertur eiusmodi , quasi ædem is ingrederetur , auditoribus frequentissimam , ad quos nostrum vnus

verba faceret, cuius ipse dicta ponè columnā primū exciperet, quæ vt placere valdè cōperant, propius audiret: ac demum nostros priuatim conueniret, cum eis mox eadem in Fide sentiret. Postridie cū eius animum valdè vrgeret obiecta dormienti species, repugnantibus nequidquam contubernalibus, domo se eiicit, mox incurrit in templum in somnis oblatum, animaduersum nūquam antea: ingreditur, respondent cætera, quæ occurrerant quiescenti: audit dicentem, eius hamo capitur, venit in congressum: hæresim ab se abiudicat, inque Societatem se cooptandum impetrat: tumque sua fides somnio fuit: nec eum postea iis se dolis ductum, quibus se non explicaret.

C A S T R E N S I S M I S S I O.

HÆRETICIS, & Calvinianis maximè, princeps sanctioris Fidei caput est, quin & ipsius religionis summa, quoque iure, quaque iniuria, suarum partium rationes ita promouere, ac eò vires adducere, vt dominatum in alios quosque ipsi exerceant, aut certè in nullius cogantur esse dominatu. Ex illo sollempni pronunciato, tamquam principe ex fonte, huius generis existunt multiplices cognatarum sententiarum veluti quidam riui: vt sibi sumant pacis, fœderum, induciarum iura, ea modò religione metiri, quæ suis asseruiat commodis, aut obsit, aut non prosit alienis. Ab hac consiliorum disciplina egregiè parati

Bata

Batauicæ factionis coniurati Hæretici, simulata quadam induciarum reuerentia, in Belgio per hosce annos aperta quidem vi abstinuerunt, hostilibus tamen seditiõibus & armis vicina omnia perturbarunt, vt Belgij Principibus in alieno periculo damnoque incommodarent. Ab hinc triennium obiectam Coloniz urbem arcemque, in aduersa Rheni ripa, moliti sunt: Aquensem inde magistratum Catholicum, Societatemque nostram suis sedibus per factiosos Lutheranos egerunt, nostras expilarunt ædes: Neoburgensẽ Ducẽ, odio Lutherismi ab eo nuper eiurati, suis ditio- nibus excludere tentarunt: Rheno finitimis cæteris, ac de Clero maximè Principibus, ita sunt infidiati, vt animis armisque comparati, iam imminere prædæ viderentur. Atque hoc tanto audaciores acrioresque inuehebantur in aliena, quòd Belgij Archiducibus rarum esse sub signis militem animaduertebant, vt non vererentur, quin, legitimi exercitus aduersum conatus suos cogendi, tempus insigni aliquo facinore anteoccuparẽt. Quam eorum opinionem frustrata est Marchionis Spino- læ, digna clarissimo Imperatore, celeritas atque industria, qua factum est, vt, delecti militis iusto exercitu paucis diebus educto in conspectum hostium, proiecta ferociter exsultantium copiarum mox inhiberetur audacia: &, qui nunc ludibundi alienas incursarent possessiones, inopinato casu attoniti, suis protegendis finibus multa iam sollicitudine distinerentur. Adsciti verò de nostris in eam expeditionem Sacerdotes quinque, Adiutor

vnus, & voluntariae operae duae, nostri Ordinis
candidatae; castrensibus concionibus lingua quin-
tuplici habendis, caeteraque omni ratione procu-
rando exercitui, pro Societatis instituto. Religio-
nis studio egregie comparatis nostris copiis, & ab
omni commeatu copiose instructis, cuius in pri-
mis agebatur causa, cum Imperatori militique stu-
diosissimè propugnanti, Deus secundissima ope
adfuit, & omnes conatus abunde prosperauit.
Enimuerò, ut Aquas ventum est, vrbs confestim
recepta est, & eius dominatu deiecti Hæretici, Ca-
tholicis magistratibus in integrum restitutis, ad-
motisque ad ciuilis administrationis gubernacula,
vnde iniuria partium aduersarum exciderant. Quæ
rerum commutatio bonis quidem omnibus, etiam
priuatim, commodè; Societati tamen percom-
modè cecidit, quæ compilatis nuper ædibus suis ex-
acta, vrbs tamen si pomerio non prohibebatur,
domesticae tamen rei molestas sentiebat angustias,
& in perpetuo grauioris fortunæ metu versabatur,
seditiosissimæ plebis cincta manipulis, & quoti-
dianis obiecta tumultibus. Imposito autem vrbi
ab Spinola, coercendis Hæreticorum motibus, va-
lido militari præsidio, sicut reliquis Catholicis
ciuibus, ita Sociis quoque, in ea vrbe ab hostili
violentia peropportune cautum fuit in postærum.
Aquensibus rebus ad eum modum compositis, pro-
fectus inde cum exercitu Prætor, & munita, & mu-
niendo idonea castella oppidaque, illius tractus
capere occupauit, & præsidis sibi adstringere, ne-
qua vis aduersariis, velut arcibus, in Aquenses &
fini

finitimas Catholicorum vrbes vteretur. Progredi-
enti verò ab ea castellorum expugnatione Cli-
uiam versùs, Rhenus medius intercurrerebat, quem
pedum millenùm & sexcentenùm ponte iunctum,
ad oippdum Rinsberkam, traiekturus Imperator,
iubet nostros Patres celeri comiteatu vniuersas
copias anteuertere, araque ad aduersam ripam ex-
citata, eis præstolari, quas inibi sacris operatas,
ad Vesaliam, Cliuiæ urbem oppugnandam, rectà
traduceret. Vesalia ciuibus frequentissima, merca-
turis celebris, locuples opibus, ædificiorum bo-
nitate ac pulcritudine amœnissima, sed hæreseon-
turpitudine, annis iam octogenis propemodùm,
valde infamis, omniũ toto Belgio ea lue contactu-
rum commune fuit receptaculum. Eam, siue dedi-
tione, siue oppugnatione capram, obtineret Spi-
nola, intelligebat se aduersariorum rebus maxi-
moperè incommodaturum: quamobrem positis
inopinatò ad eam castris, oppidanos iubet se mox
dedere, aut æcerbam oppugnationem continuò
exspectare. Quibus, per causam ciuilis consultatio-
nis, bellicas interim machinas ad aggeres molien-
tibus, Spinola pluribus locis oppidi mœnia & por-
tas verberare acriter instituit, vt paucis glandibus,
vna portarum conquassata, irrupturo militi pæne
iam idoneus pateret aditus: quo periculo tam re-
pentino admoniti Vesalienses deditiõnem hone-
stis conditionibus fecere: Validæ cohortes ibi col-
locatæ, quæ oppido præsideret: excitataque muni-
tio firmissima ad vrbis latus; quod Rheno alluitur,
comprimendis ex ea seditionum moribus: tum re-

liquus exercitus in statua propter urbem eductus, ibique in tabernaculis habitus, dum sese aduersariorum conatus clariùs aperirent. Embricam enim & infirma quædã alia oppida, cõtemtim ab nostris deserta, inuaserant, & castra, castris nostris haud ita magno interuallo dissita, posuerant, omnique incurfione militẽ abstinebant. Per eam igitur quietẽ nos Vesaliensem populum, demta vna Patrum Carthusianorum familia, Hæreticum penitùs, adorti, animos eorum à nobis tam abalienatos, vt congressum declinarent, demitigare commoda oratione tentauimus. Quam inter ciuium peruiaciam studiosè molliendam, peritus Iuris medio foro vnum de nostris aggressus variis interrogationibus appetere, quibus expeditiùs satisfieri, quàm vellet, vbi animaduenterat, & eum iam fortè tela deficiebant, mox incusso sibi protrahendæ dimicationis pudori prætexuit conditionem Iurisperiti, non verò Theologi. Sed cùm illigatus eorum defensione, quæ temere antè profuderat, eò tandem adaectus esset, vt fateri cogeretur, Biblia esse oportere animo prædita, quo iis velut arbitris, quod volebat ipse, omnes Fidei controuersię diiudicarentur: idque ineptissimè admisisset, circumfusæ plebi opiparè deridendum seipse propinavit. Obstinatis Vesaliensium animis medicinam in præsentia facere nequaquam potuit, facturũ fortè ex aliquo interuallo, spectaculum eis mansuefaciendis in ipsa vrbe comparatum. Commiserāt duo milites de nostro exercitu, cur laqueo plecterentur, quibus ad Christianè moriendum egregiè

giè animatis , visum est , in oculis Hæreticæ ciuitatis, legibus sancita supplicia eis infligere, si quid ea res prodesset contumacibus, maximè verò cum illi rei religiosè morerentur , interque cæteram Catholici moris professionem , caput illud magnopere inculcarent : felicissimam eò se sortem suam ducere , quòd in Catholicorum cœtu obirent , extra quem nec esset , nec posset esse vlla spes salutis. Indignatione non modica perculit ea vox morientium animos populi Vesaliensis, vt ad eam audita , ex ipso patibulo , fremens corona & aures & oculos manibus obduceret.

B A T A V I C A M I S S I O .

HO L L A N D I C Æ coniurationis ciuitatibus omnibus idem vsuuenit, quòd cæteris populis solet, opes aduersùs legitima imperia quauis ratione anquirētibus, vt, aperto quibusque aduenis asylo , bonorū morum, adeoque religionis ipsius disciplinam , in ea hominum colluione , amittant. Nam ex quo Batavicę genti ea incessit cupido, amplificandarum quacumque ratione fortunarum, Amsterodami quidem excitatum est emporiū è celeberrimis locupletissimisque tota Europa vnum: reliquis autem eius oræ vrbibus , vt quæque fuit opportuna mercaturis faciendis , rerum omnium paucis annis facta est ingens planè accessio: sed tãtam viuendi corruptelam secum inuexit illa fax deprauatissimæ multitudinis , eò confluentis, vt
maxi

maximis animorum impendiis insulani omnes redemerint illa exaggeratarū opum cōpendia. Amsterodamēsis certe vnīs Caluiniana secta trium infensissimarū sectarū inter se capita peperit, Arminiorū, Gommarorū, Mediorumque inter istos, implacabilibus odiis vicissim pugnantīū, quę sæpenu-
merò in atrocissimas dimicationes erūpant, vt hæc vna triceps Hydra, vel aliis sectis fermè infinitis quiescentibus, ciuitati funditus euertendæ satis superque futura sit. Ingenium porrò his inest hominibus siue naturæ factum, siue fictum quodam mali studio, ad comminiscendas in momenta singula nouas hæreses: neque, aut aliunde susceptis, aut inuētis suo Marte, peruicaciter tuendis minor adest vel impudentia vel contumacia. Quamobrè nostris hæc prouinciā sortitis, tā multiplici arduoque difficultatū nexu implicatam, hoc impensiore opera his perrumpendis enitendum fuit, quò se infesta vis mali acrius intenderet. Et verò, contentis ipsorum laboribus benigniùs obsecundante Numine, vel ex asperrimo solo plerumque fructus existunt lætissimi: vt vnus Patrum, priore hoc anno, in oppido Delfensi, nouem integras familias ex Hæreticorum damnato Albo exem-
erit, præter alios bene multos, quos singulatim variis detraxit conciliabulis: centum verò & triginta idem audiit, qui cum Deo rationes vitæ totius inirent quàm accuratissimè. Aliis Patribus istius generis permulta vsu venerunt, etiam ubi quis minimè crederet. Mulierī nuper Hæreticæ prauī dogmatis iustissimum odium est inustum
aui

auri sui Hæretici funesto casu, quo in eum sera licet Numinis vindicta non acerbius quam æquius defæuit. Sacerdotem egerat annos aliquot, quæ in functione, cum necessariæ castitatis eum nimio plus tæderet, consortem tori adoptauit mulierculam, utque omni re gerenda strenuum præferret nouitij Euangelij assertorem, eius præconium in vicino pago factitate cœpit. Per Sanctioris autem Hebdomadæ dies, ore impuro cum eius temporis sacrosancta mysteria violaret, reiecta inter dicendum linguæ portiuncula, vocem desubito amisit, postque paulò insigni scelere pollutam animam efflauit. Tam illustris supplicij cogitatione mulier, illius sacrilegi hominis ex incesta filia neptis, se factam grandiusculam ita commoueri animo solere, ita exhorrescere, narrabat, uti nusquam conquiesceret, quoad ab impura sacrorum consortione descisceret. Lugduni Batauorum vir, quidam pessimè vitam exorsus, nulla religione, nisi quòd cum Catholicus non esset, eum qualis qualis foret, Hætici sibi ultro vindicabant, in multos iam annos prouexerat impietate, grauique morbo conflictatus, Numinis ac sui, penitus immemor, ruebat præceps in Tartara. Ei noster, quà opportune quà importune, non destitit, etiam refraganti, medicinam facere, tanta industria, & assiduitate, ut, se de cælo copiosa infundente luce, Deum, seque ipse agnosceret æger, rituque Catholico sacris instructus, mirantibus probis, improbis frendētibus, è vita decederet. Harlingæ in Frisia vir inter suos claro nomine, cum anno superiore dumtaxat in
Catholico

Catholicorum partes transisset, per ea primordia Catholici ritus initi, eius quocumque suo periculo tuendi ardens studium præ se tulit, & quidem perillustri singularis magnanimitatis, prudentiæque facinore. In eius ædibus, celebri quodam die, Catholicorum conuentus habebatur ab Sacerdote rei Diuinæ gratia: cuius coacti cœtus cum in suspicionem venisset Hæretico Prætori, derepentè in ædium ipsius intima irrumpitur, tãque improvise, ut, vix bene occultaro Sacerdote, reliquus ferè Catholicorum globus in conclavi deprehenderetur. Prætor singulorum nomina postea quàm retulerat in codicem, eam omnem turbam contumeliosè traducit per ora plebis illudendam, ab Catholici nominis hostibus insensissimis: postque dies paucos Familiæ patrem vocat in Curiam, de suo facto rationem Hæretico magistratui redditurum. Interrogatus primùm an Sacerdotem domi suæ tùm habuisset, Quæsitore retulit: Nulla se teneri lege, de se ac suis ea prode-
re, quibus prodendis, periculum sibi apud iudices crearet: ipsos enim studiosè omnia domi suæ inspexisse, quàm sollester esse scrutatos, nullis tamen vestigiis Sacerdotem comperisse: eis autem se cogitandum relinquere, an potuerit, sine Sacerdotis opera, Catholicum gregem conuocare. Edicti autem violati eum insimulantibus Magistratibus, & multæ hoc nomine commissæ illum admonentibus, alacriter respondit: Compertas sibi fuisse huiusmodi pœnas, procellasque iis tantò grauiores, suo imminentes capiti, antè multò

multò quàm se Catholicis adiungeret , non esse veritum in eas scientem incurrere, qui animi salutem quouis pretio sibi esset redempturus : sibi autem constare , illius asserendæ nullam omnino, nisi Catholica in Ecclesia , suppetere facultatem. Quæsitum deinde ab eo cùm esset , quam Fidei formulam profiteretur : ipseque , pronunciato Apostolorum symbolo , nihil adieciisset præterea : vnusque confidentium Iudicum eodem se vti quoque symbolo excepisset : Iam verò nos , inquit ille, Fidei nostræ rationem non nudo verborum sono, sed sensu quodam interiore, altioreque, metimur. Contendentibus postea cum grauiore culpa & ignominia non vacare , qui se adrogandum in sanguinariorum hominum pestiferam sectam imprudentissimè dedisset, quorum sceleratæ manus innocentium multorum cruore , religionis causâ trucidatorum, essent turpiter inquinatæ : paucis indicauit, iure cæsos à Principibus Catholicis perduelles , qui per inanem religionis causam , omne ius humanum ac Diuinum funditus euerterent. Atque de sanguine ac cædibus si agitur , piget dicere , quàm vestra sit longè grauior noxa in hoc genere : pacis & beneuolentiæ , velim dicatis , sintne vlla vestigia , in quopiam corpore variorum dogmatum cum Ecclesia Romana toto Belgio pugnantium. Mihi verò salutè, extra tam fœdas de Fide cōtrouersias, inquirēti, quis vestrū , amabo, indicauerit, vbi consentientis ea de re populi futura sit copia, nisi in Catholicorū tutissima simul & tranquillissima castra cōcessero

cessero. His grauitè prudenterque pronuncian-
dis responsis vir probus ita vniuersum consiliū
defixit, vt alto silentio diu taciti sese circumspi-
cerent, alij aliorum sermonem quasi præstolan-
tes: cumque nihil cuiquam in rem occurreret,
alio deflexere orationem. Ad extremum, subridens
consilium ex eo percontatur, præsentem mallet ir-
rogatam ipsi patria lege multam dependere, an,
producta eius die, suo deinde numerare commo-
do: acutè, ac facètè cùm dixisset, gratius casu-
rum, si ea sibi condonaretur, cum bona pace di-
missus est, nec vñquam deinceps aut Fidei aut
pœnæ nomine interpellatus. Quam profitendæ
Religionis fortiter ingenuam libertatem familiari
& illustri beneficio Deus continuò rependit, im-
pèrtiendæ eius filio, grauissimè affecto, inusitatæ
rationis sanitate. Decennis pueri morbo pericu-
loso erat accessio facta furiosa phrenitis, quæ il-
lam æratulam ad horrenda verba, & impias exse-
crationes, nusquam fando auditas, adigeret. Pius
pater adedò nouis intemperiiis filii perculsus non
mediocriter, Patrem è nostris accersit, cuius con-
silio & ope vtatur in sua calamitate. Cui de pue-
ro nonnulla sciscitanti, vbi renunciatum erat, eum
neutiquam adhuc Baptismo tinctum esse, haud
dubius, quin ea tanti præsidij destitutio, mor-
bi princeps causa putari deberet: continuò lu-
strare instituit, lustratūque patri reddit corpore
prorsus incolumem, ac mentis functionibus lon-
gè expeditiorem. Honestissimæ matronæ tanti mo-
menti nostrorum opete in eo tractu videbatur, qui
omnium

qui omnium bonorum itidem est sensus , vt ipsa se Deo victimam dedicaret pro salute nostri Sacerdotis, periculosissimè decubētis, supplexque instaret apud Numen , vti deriuaret in se priuatam, sua morte incommodaturam nemini , grauiorem Patris valetudinē, in cuius incolumitate tam multorum salus, in morte verò pernicies esset constituta. Ratam Deo fuisse hanc precationem , ipse precationis exitus indicauit, cum mox ea malè, noster bene habere cœpit, ac eo quidem vtrimque progressa & vicissitudine , vt vbi nostro melius, illi deterius in dies fieret: cumque tandem conualesceret hic penitus, pia femina honestissimo leto defungeretur. Clementius habuit Catholicum viram , quàm huius ipsamet vxor , Minister Hæreticus , vt est ingenium muliebri sui plerumque impotens. Aegrotabat ille vehementer , nec vllis prectibus ab vxore Hæretica euincebat , vt Sacerdotem subsidio sibi venire pateretur , cuius missu contrà Minister aliquoties adiret ad decumbentem , quasi ad suarum partium hominem. Is verò quoties agro adstiterat , perquàm comiter ab eo dimissus, intellexit , quod nescierat, sibi rem fuisse cum Catholico; cuius moderatione delectatus , cognita vxoris illius inurbanitate , animum libenter adiecit , vt , ea ignara , marito Sacerdotis copiam ipsemer sufficeret. Itaque Catholicum priuatim admonet , vt , condicta die , adhibendi Sacerdotis arriperet opportunitatem, quā esset ipsi conciliaturus , vxore , adeoque tota eius

familia, per variarum officiorum causam, seu-
cata. Quam operam ægro nauauit, etiam maiore,
quàm receperat, fide, vt Sacerdoti & ægro tran-
sigendi perutilis negotij, magna vtriusque volup-
tate, amplissima facultas daretur.

A L T E R O quoque anno in Batavis felicissi-
mæ fuerunt nostrorum operæ, qua in felicitate
nihilominus de capite interdum periclitatum est,
sed vel humana industria, vel ope diuina declina-
ta est, quæ videbatur imminere certa perniciēs.
Roterodami certè ipso Natali Christi, noster Sa-
cerdos nocturnum conuentum habebat, eumque
frequentissimum, ad quem vt verba fecerat, aram
iniuit Sacris operaturus, cùmque iam Euangeliũ
pronunciaret, irrupit vrbanus Prætor in confer-
tissimam turbam, & instructam aram, & pro ea
facientem Sacerdotem animaduertit. Verumta-
men siue dissimulauit; siue Deus alio auertit eius
animũ, prius vicina conclauia hominibus referta,
quàm illud ipsum, vbi fieret, lustrare aggressus
est: quæ ipsius mora exuendæ sacræ vestis otium
sacrificanti dedit, quasque vni de populo, in con-
ferta turba loci occupandi. Recensenti demum
magistratui huius exedræ singulos homines, Sa-
cerdos incidit in manus, ab eo, vt quidem credi-
tur facile agnitus, sed quem tamen vt ignotum
præteriret, nec molestiæ prætereà quidquam reli-
quis afferreret, quàm vt à duobus eius conuentus
p̃ncipibus viris multam sibi eius cœtus nomine
depacisceretur, restatus pœnitere se, quòd eò pe-
cẽm intulisset. Sed aliud quiddam cecidit eodem
tem

tempore in gratiam eius conuētus peropportune,
 quod sit illustre in suos documentum Diuinę pro-
 uidentię. Posticam faciem earum ædium, quę cę-
 tum exceperant, alluit Rotta fluuius, vnde vrbi
 nomen est, cuius ad ripam cymba vacua cū de-
 prehensa esset ab fugientibus Catholicis, & quā
 multos ceperat, vno comineatu transmississet in ad-
 uersam ripam, inde iterum, ac tertio, nullius
 impulsu vi, sua sponte rediit, ad excipiendos re-
 liquos donec omnes traicerent. Non veritatis
 modò fulgor Hæreticorum ita discit cęcitatem,
 vt eā ab Catholicis stantem per medias etiam te-
 nebras agnoscant, & vel inuiti venerentur: sed
 multa quoque morum probitas, propria Catho-
 licorum tessera, sic infensissimos quosque aduer-
 sariorum demitigat, ac eorum denique animos de-
 meretur, vt non defugiant aperta beneuolentię ar-
 gumenta. Lugduni Baratorum Catholici magni-
 ficum apparatus in Beati Parentis Nostri natalem
 instruebant, inque ipsius aram ornandam, pridie
 Consulis vxor; nuper Iesuitis infensissimi; flores
 legebat: cui suus vir, eccui. Festo ij pararentur
 tum illa, Pater, inquit, & certum quemdam ap-
 pellauit, me ad Beati Ignatii Natalem inuitat.
 Quibus auditis Consul calathum sibi sumit; flo-
 rum lectissimos quosque carpit, & vxori porrigit,
 suū ei apparatus ac pietatem grātulatus. Aucto-
 res non tantum factę sunt Catholici ritus partes
 accessu transeuntium ex castris aduersariis, sed il-
 lustriores etiam conditione principum è nobilita-
 te virorum, se nobis adiungentium. Ioannes qui-

dem Nassavius , Comes , Mauricij Comitis propinquus , clam nuper ab Haga Comitibus ad nos Leidam profectus Sacramentorum participandorum gratia , nunc ex Italia recens , Hagam Leida Patrem de nostris arcessiit, quem sibi adhiberet in consilium de grauissima sua cum Batauicis principibus viris , ac maximè gentilibus Nassauij nominis, dimicatione. In inuidiam scilicet , crimenque vocatur, Catholici ritus adsciti nomine, quasi hoc suo facta contumeliosissimā æternę ignominie notam genti Nassauicę inuulerit , cuius iam nemo vnus non aliena Romano dogmate sentiat, loquatur , & studeat. Vt tamen Comes acutè ac prudenter vidit, quantum in Catholicis sacris inesset boni : quod clarè perspectum cupidè amplexus est, id quoque generosis animis, vti sua stirpe dignum est , tueri destinat. Et verò primariis Batauorum per hos dies in eo criminantibus illud dedecus, quod crederent ab eo illatum Nassauiorum generi , ad rem quàm appositè retulit ; se , contrà , in auitam Nassauiorum gloriam primum de suis postliminio pedem posuisse , quæ primus exciderat, secumque traxerat posteros, qui primus nouitiam sectam ingressus Arausionensium Princeps, nuper & ab Rege suo , & ab ipso Deo descenderat , quo flagitio , is vnus maximè Nassauicę gentis splendorem obscurasset. Nam , per , ego vos , generis vestri claritudinem , & maiorum reuerentiam, obtestor , quid æquius , gloriosiusque fuit , me de solidæ Religionis suscipienda formula sollicitum, amplecti & sequi , an hominum nouorum , & , si
fas

fas est dicere , quorum hominum , numquam sibi
cohærentem sententiam ; an maiorum meorum , &
totius antiquitatis , vniuerso diffusam orbe , nulla
dogmatum anxietate vacillantem doctrinam , & in
Romana Ecclesia semper coniunctam cum eximia
morum sanctitate ? Atque vti perspectam consilij
mei rationem habeatis , videre , obsecro , quàm
non leuiter adductus sum , vt ad Catholicos tran-
sirem : En vobis Leonardij Lessij , cruditi homi-
nis , eo de argumento accuratè scriptam consul-
tationem . Eum commentarium de Italico in Ger-
manicum verterat , politissimeque sua manu des-
criptum asseruabat , vt eius lectione subirati pa-
rentis animum leniret , ipsique probaret , meritò se
iis rationibus persuasum in auium Fidem remi-
grasse . Porro studia in contraria , inque maximè
pugnantes sententias , diuisis nuper , vt perpetuò ,
Caluinianis , cùm odio aduersi dogmatis , in eius
fautores stylus vicissim distringeretur acerbissime ,
ac partiù studiosissimi quique mutuis se conuiciis
conscinderent , in vnum aliquem ardentissime in
ea dimicatione versatum , grauis morbus incurrit ,
qui letalis crederetur . Hic autem , tametsi acerrime
pro Caluino erat digladiatus , vbi se manus cõ-
sertù vocari nominatim ad extremâ palæstræ con-
tentionē animaduertit , antiquius habuit nihil , quàm
vt nostrū Sacerdotē accerferet , à quo hæresim de-
doctus , inque Catholicorū allectus cœtum , Sacra-
mentis instrueretur , multa indignatione fremēti-
bus Hæreticis , qui , quem pridie suarum partium
pugnacissimum assertorē nouerant , nunc experian-
tur ab se alienissimum .



PROVINCIA

BELGICA.



FAMILIIS primùm denis septenis, deinde octonis denis, biennes suas operas dederunt huic Prouinciæ, nunc quingenti octoginta & duo, nunc supra quingentos nonaginta & nouem Socij, quorum priùs tredecim, totidem posterius decesserunt, adoptati sunt aliunde duo & triginta.

DVACENSE COLLEGIVM.

SCOTICÆ iuuentutis Seminarium priore hoc Anno excitauimus, atque cum eo incolere cœpimus ædes, idoneo vrbis loco, Catholici Regis sumtibus exstructas: quarum alioqui lata nobis auspicia, Dauidis Christi, Fratris nostri, acerbis exitus pæne funestauit. Is componendis ad vsum commodiorem nouis ædibus trabium quiddam exportabat per apertum tabulatum, vnâ cum duabus operis, qua multum degraunte sarcina,

cina, & deerrante pede, lubrici soli vitio, ad marginem tabulati, præceps in caput corrui, fractaque caluaria, vulnus accepit, ex quo paucas post horas interiret. Huius improuisi occasus formidolosissimam alcem Diuina Prouidentia benignè præuerterat, quòd triduo antè Sacramentis erat munitus, &, quod caput est, totos decem annos vixerat in Societate singularium virtutum nomine illustris, quarum nos recordatio mœrore tam funesti casus eximeret. Alius itidem Adiutorum, Venantius Mille, de hac familia, Insulis obiit, quò venerat, salubrioris cæli hauriendi gratia, de quo postea dicemus. Terruit deinde vniuersum Collegium, sed nihil aliud quàm terruit, grauis cuiusdam ruinæ labes, vi Austrorum prius excitata, quàm potuerat animo prouideri. Theologicæ, Philosophicæque, ac sollempniū exercitationum amplissimæ exedræ, vix annum ipsum steterant, magnis Aquicinctini Præsulis exædificatæ sumtibus, cum prima luce ab Austro ingruens tempestas turbulentissima ingentem adificij molem luculenta strage derepente afflixit, antè tamen quàm discipulorum quisquam eò coiuisset. Quæ verò in nos Præsulis optimi beneuolentia & liberalitas, vbi de labefactato gymnasio inaudiit, mox adiecit animum ad illud idem, ampliore accessione adiuncta, instaurandum, vt qui cum eo, quod nuper fuit, nunc velit contendere, vt in hanc excresceret speciẽ, existimare possit suam ipsi ruinã profuisse. Relata in codicem ab nostris omni ciuitatis pueritia, vt eius per Catecheseon palæstram erudien-

dæ apertior constaret ratio : eam nobis suorum liberorum tam impensam curam Magistratus , & ciues vniuersi mirificè gratulati sunt , seque huic nostræ adeò frugiferæ ac liberalis operæ subsidio venturos prolixè receperunt , nec defuit ex inopum muliercularum cœtu , quæ suam egestatem defraudatura , menstruæ pecuniolæ quidpiam , coëmendis Catechetica scholæ præmiolis , si audiretur , addiceret. Amuletum , auertendis inter peregrinandum latrociniorum periculis , adolescens alicunde nactus , quoad secum habuit , tamen cum cura educatus ab optimis parentibus , in perpetuis flagitiis volutatus est , quod tandem vbi nostro auctore , abiecit , mox eum incedit tam ardens pietatis studium , vt iam rectè viuendi normam quam optimam cæteræ omni adolescentiæ præferat. Graui græ alieno Collegium obruebatur , cùm Dei Prouidentia liberalitatem in nos suscitauit hominis locupletis , filium Sacerdotem habentis in Societate , cuius supremis tabulis hæredes facti ex assè , vetera nomina feliciter explicauimus.

V I X E R A T ad annum huius biennij alterum Pater Ioannes de la Haie, Seruius, Votorum quatuor Professus , annos quattuor & septuaginta , inter Socios vndequinquagenarius , cùm eum confecit trium dierum ægotatio. Hunc inter maximè illustria Belgicorum Patrum lumina , multæ ac eximiæ virtutes claris in Societate muneribus assiduum ferme admouerant , toto Belgio principum virosum adiunxerant beneuolentiæ , nominatim
verò

verò Collegij Duacensis conditori, qui eius singulari prudentia, innocentiaque delectaretur maximoperè, ac consilio valdè vteretur. Huius Patris ingentibus laboribus Duacense Collegium sua primordia, progressionem, & hoc sui splendoris Fastigium in primis acceptum refert, deincepsque referet quàm libetissimè. In tempora verò difficillima cùm incidisset eius ista procuratio, & eò tamen res prouerherentur, quò non facilè quisque sperare ausus esset, quæ summa ei viro inerat Numinis fiducia, angustis sæpe rebus se apertè prodidit cùm ea fretus nihil quantumvis ardui non susciperet alacriter, feliciterque perficeret. Cur autem rebus maximè dubiis tantopere Diuina ope confideret, obsides habebat domesticos, & egregiam vitæ innocentiam, & ardentissimum Diuinæ gloriæ studium, quibus comes accedebat iugiscū Numine per assiduas preces veluti cōsuetudo, vnde tam certam prosperorum euentuū fidem eius animo afflari solere, sit quàm probabilissimū. Mirati frequentissimè sunt Præfides in eo liberum prorsus omni sollicitudine animum quamdiu administravit numerosissimam Duacensem familiam, nullis propemodum certis nitentem vectigalibus vnde aleretur, vt angustiarum familiaris rei mentionem numquam sit auditus intulisse: id modò causatus silentij sui argumentum Præsidibus percontantibus: Non solere Numinis beneficentiam ipsius ope confidentibus alumni vmquam deesse, qua vna cogitatione mentem suam diceret planè acquiescere. Hominis &

litterarum & negotiorum bene prudentis, exercitissimi præterea in tractâdis hominum quorumlibet ingeniis, inusitata modestia ex eo vno perspicui potest, quòd epistolas ad viros graues dare nõ solebat, quin Spiritualium rerum Præfecto excutiendas ita detulisset, vt nihil nisi eius arbitrio liberum sibi sua in scriptione vellet. Quo de homine illustria quæque dixisse tamen minùs quàm pro eius meritis videatur: quoniam tamen facile cætera ex his capitibus æstimabuntur, plura scribere in præsentia superfedemus. Iacobo Leslæo, Scoto, & hic annus vitæ supremus fuit, quartus in Societate, quinquarius vicenarius ex quo in hanc lucem venerat, Braunsbergæ in Prussia vnum annum litteris mansuetioribus excultus; vnde Romam cum venisset, Aronam Tirociniij causa, postea Duacum missus, in Philosophiæ studio ætatis curriculum multarum virtutum laude terminauit. Sacra corpora Beatorum Terentiani, eiusque Socij, Martyrum, Roma huc ad nos ab Reuerendo Generali nostro Præside transmissa, splendidissimo instrumenti apparatu, lectissimaque pompa omnium Ordinum ciuitatis nostram in eadem religiosè inuecta sunt, & ibidem condita.

AVDOMARENSE COLLEGIVM.

ILLVSTRIVM pariter atque fructuosarum Operarum functione clarus inter Socios Pater Christianus Dalmerius, vota quattuor professus, annis

annis quattuor septuagenario maior, laudatissimam ætatem honestissima morte conclusit. Alterum & vicesimum annum huic familiæ præsedit, approbantibus omnibus eius rationem magistratus: quadraginta dixit annos, & hoc amplius, è celeberrimis pulpitis, eo spiritu plenus, qui non afflatur nisi diuinitus, quod, incredibili fructu audientium, vehementes animorum commotiones testari perpetuò consueuerant. Multa senectæ, immodicique longioris vitæ labores, tamen si acerbos artuum dolores, aliaque incommoda, nec pauca, nec leuia ipsi arcessiuerant, sanctæ hilaritatis iucundo sensu & fructu eum tamen numquã defraudarunt, quod vnum esset inter multa innocentis animi argumentum non mediocre. Ei aduersus Beatam Vrsulam propensissima semper fuit religio, quòd in eius sacrario prima semina Instituti Societatis eius animo Deus inseuerat, cuius beneficij numquam satis pro suo sensu poterat exaggerare magnitudinem, tanto autem ipsi iucundio-rem nobilio-remque, quòd ipso eiusdem Virginis Vrsulæ Natali Deus ipsum ex corporis ergastulo ad cælestes epulas euocauit. Patribus nostris agrestem expeditionem longè lateque prouehentibus, vni ex eis contigit excurrere in alieni Principatus pagos, vbi lubentissimo populo, quæ huiusmodi functionis sollemnia sunt officia, exercebantur fructuose, dum quibusdam inces- sit non bene sana æmulatio, qui alieni hominis aduentitia opera offensi, eum exigendum cararent cum ignominia. Commodè tamen incidit per hoc ipsum.

sum tempus, vti suam diœcesim obiret Antistes, qui eius rei à probis commonefactus, Patrem humanissimè appellatum, gratulatus tam fructuosè nauatam suo gregi operam, honorificè apud se habuit, rogauitque, vt susceptam Spartam ornare perseveraret. Postea verò, in amplissimo indigenarum conuentu, grauiter questus iniuriam Patri, omnem beneuolentiam humanitatemque pro merito, contumeliosè illatâ, edixit & rectissimè fecisse antea, & quod deinceps faceret, auctoritate ac nomine Antistitis, qui probaret eius dicta factaque, legitimè facturum: quamobrem eum nemo sua opera prohiberet, contra omnes recta sanctaque præcipienti dicto audientes essent. Inter quam dictonem, manu apprehensum compellauit beneuolentissimè, apudque auditores mirificè collaudauit, proborum, qui Patris concionibus profecerant, summo gaudio & approbatione, sed Hæreticorum tanto acerbiorè inuidia. Grauelin-gam quoque urbem, ac munitionem maritimam delatus est ardor missionũ, vbi militares inter manipulos vehemens animorum commotio in multam pietatem exarsit, cuius fouendæ iniecta Sodalitatis sacra cum esset mentio, nomina mox dabat vniuersum præsidium, sed, potiorum delatu habito, coaluit illico numerosus iuxta & pius conuentus Sodalium. Urbis Præfectus, Centuriones cohortium militarium, honoratissimi quique ciues, se gregario militi ea in dignatione posthabitos doluerunt granissimè, aditoque Patre, queribundi exposulabant, nec futuram exposulationum

num finem asserebant, donec eodem loto & honore inter Sodales, quo turba saltem militaris, haberentur: quibus facere satis nequaquam fuit difficile. Oppidanorum omnium ardebant odia in suum Curionem, ut pessimum exitum res habitura videretur: cui malo Sacerdos noster ut occurreret, singulorum ciuium obiuerat ædes, & ad communis pacis studium adduxerat eorum animos: quæ ne, omnibus expugnatis, conciliaretur, qui vnus reliquus erat mitigandus, odiorum auctor, vesperi adit ad oppidi primarium virum, & orando adigit, ut secum crastina die rus venturum polliceatur, quod se subtrahat Patris nostri oculis & precibus. Sed fugientes Sacerdos affecutus, quæ rationum, & precum momentis, quæ Diuinæ iræ ac vindictæ grauib. denunciationibus interponendis, nihil omittit quo mollire vel saxea possit pectora, vel frangere: irrita tamen per eum diem opera. Quamobrem Sacerdos & socius, ubi humana vistantæ moli euertendæ infirmior erat, supplices fusi in vota, opem de cælo potentio-rem exposcunt, nec frustra: postera etenim die bene inanè, ad nostrum adit vir ille princeps, hesternæque contumaciæ veniam impensè rogat, se in Patris potestate recipit futurum, cuius opera mox vsus noster, habito omnium dissidentium conuentu, æquis conditionibus conciliatur pax, & eius perpetuandæ in posterum idoneæ leges perscribuntur. Diuturno, acerbissimoque ex morbo receptum nonnullum sæpe impetrarat puella, Beati Aloisij nostri expetito cum fiducia præsidio, denique

nique verò cum periclitaretur grauissimè , haustis Beati cineribus , eò angustiarum adducta est , vt iam conclamaretur eius salus , cum ei fortè cinerū sacrorum quidpiam infusum secundò est , opranti quidem , sed ad postulandum defectæ viribus : quã alteram sorbitionem consecutus caloris , & virium regressus sanitatem prænuñciauit , postque paullo integram restituit.

TORNACENSE COLLEGIVM.

EXIMIÆ artis opificium exercuerat in Germania Bataviaque ciuis Tornacensis , vbi Calvinianorum animos commouerat cupiditate artis artificisque in suas præsepes traducendi , quò & improuidum traduxerunt. Decimum ferè annum venerabatur , & colebat insulsa illa Caluinici mysterij prahdia , cum nos cum tantò augustiora Sacra & sapere & amare docuimus , quibus ille probatis vsuque , perspectis lubens adhæresceret. Popis Calvinianis , Poparumque tribulibus , permolesta cecidit eius hominis ad nos transitio , cuius vt animum demererentur , blanditiisque ad se pellicerent , omni arte , operaque adlaborarunt , toto biennio. Validæ admouebantur machinæ homini , quàm tenuiter parato ab re domestica , expugnando , quòd annuus comineatus deferebatur ampliter : sed nulla copiarum illecebra opibus tenuem , multa Fide diuitem hominem potuit demulcere. Sollertis animi atque constantis argumenta prætulit

tulit omnis illius ad Calvinianorum conditiones cauillationemque responsio : quam Tornacensis Magistratus perspectissimam habuit, mirificeque in huiusmodi homine comprobauit : porrò de illius virtute iudicij documentum id exstare voluit, vt is amplo congiario publicè donaretur, quò Fidem tueri pergeret alacriùs, & artificium, quo excellerat, luculentiùs factitaret. Nostra autem in æde Sacrorum vsum constanter ac religiosè obire perseuerat, ex quo descinit ab Calvinico conciliabulo.

B I E N N I O pænè vertente demigrauit è viuētium contubernio Pater Antonius Dautrout, sexagenarius, annos ab hinc quattuordecim allectus in Societatem, quod omne tempus quàm vtilissimis transegit operis, ac præter cæteras quidem, Historico Catechismo instruendo, cuius editione auctiore diuulganda, dum tertium volumen prælo subiicitur, grauis eum sopor mēbrorū occupat, & imbecillitas memorię, vt omnium repentè obliuisceretur. Tres circiter hebdomadas tenuit ille stupentium sensuum, & labantis memorię affectus, quo deinde paullulum discusso, senecta morboque victus, bonus Pater religiosè animam exhalauit. Totos nouem annos bis quothebdomadis virorum Cœnobium adire solitus excipiendis ipsorum confessionibus, magnis incrementis disciplinam Monasticam apud eos, pietatemque promouerat. Sanctorum statuas hac regione quàm multis locis, Hæreticorum scelere, aut deturbatas, aut comminutas, vt publica auctoritate, impensaue

penſaque reſtituerentur, effecerat ſuadendo, magna proborum voluptate, diuini cultus propagatione non mediocri.

LEODIENSE COLLEGIVM.

CR E V I T decreuitque alternis mutationum vicibus Collegarum numerus, vt addita gemina Logica perueniret ad quinquagenarium vniuerſa familia: ex qua deinde Patres duo, Frater vnus, aut ſenectâ, aut morbo, demerentur. Septuagenario iam, & ſua ſponte ad obitû vergenti, Patri Ioanni Hallenio, pulmonû exulceratio, pituitęque profluencia non parum anticipauit extremę diei ſortem, quietemque. Eum nuper è Gallia communis Sociorum proſcriptio Montes, Hannonię in vrbeſem emiſit, vbi Sociis præfuit ſexennium; tandemque ſuos ad ciues Leodienneses cûm deueniſſet, quam ſollertiam ſedulitatemque adhibuebat iuuandis extraneis, eandem, adeoque maiorem popularibus impertiuit. Hic cum arderet alienę ſalutis ſtudio, eamque animo combibiſſet de Catechetica inſtitutione opinionem, quam Decem-primorum Patrum res geſtę præferunt prædicantque, incredibili cura eò ſuam mentem appulerat. Tam impenſę verò curę par frugis euentus respondebat, quòd mirificę indiſtrię artifex cûm eſſet, inſinuando rudium ingeniis Catechiſmo, vrbaſta ruſticaque plebè utebatur admodum docili, cui videlicet ſui Doctõris diſcipulorum

totum tarditati se tam anuere seduloque accommo-
dantis, iucunda in primis erat humanitas. Quoad
senectus corporis vires non penitus infregit, om-
ni tempestate agros, æque ut urbem salutaris disci-
phina imbuat: degrauiante postea senio membra,
in Hiberna ciuili plebi, Actiua modò agresti ad-
dicebat: quo genere saluberrimæ institutionis be-
nèuolentiam omnium tota regione popularium
incredibilem collegerat, sibi quæ ac Societati, ad-
hibendo gratissimo indigenis officio, nomen cla-
rissimum fecerat. Magister Stephanus Massæus,
Leodiensis, annorum sex & viginti, à vicissimis
ætatis, seu erudienda iuuentute, seu debellandis
se iugiter impetentibus morbis, exercitus variè,
tandem horum vi maiore oppressus interiiit. Patrè
denique Anselmum Deschamps, pessimè affectum
Spadanæ aquæ, quibus aduersus grauiorem va-
letudinem vsus erat, non prohibuere, quò minùs
ab eum inde regressus malo succumberet: nulla
tamen vis morbi, vel etiam mortis, hilaritatem vni-
quam ex illius animo, vultuque, depulit. Secun-
do Numine, hominibusque iuuantibus, Summo
scilicet Pontifice, Coloniensi Electore, eodemque
Leodiensi Episcopo ac Principe, Leodiensium ma-
gistratu acciuitate vniuersa, eodem conspiranti-
bus, Philosophicam scholam hoc anno institui-
mus, centum & quadraginta mox frequentem au-
ditoribus, quam si aduersa vis nulla disturberet, læ-
tis inchoatam auspiciis, fructibus vberissimam
futuram speramus. Hoc Collegio Philosophicis
institiando disciplinis mysteriisque interesse voluit

Antistes ac Princeps noster, suaque præsentia, & insigni religione cohonestare Sodalium conuentum, ac deinde, remisso cuncto comitatu, & satellite, priuatus apud nos prandere. Præter inuitatæ beneuolentiæ aduersus omnes ac singulos Socios luculenta argumenta, mirabilem tanto in fastigio augusti natalis honorisque modestiâ perpetuò prætulit, vt nullo nec fellæ, nec vasañj discrimine à nobis distingui voluerit: quin, & detergendis post lauationem manibus, ad Sacerdotum inuitatus lintea, se non Sacerdotem causatus ad pensile Fratrum mantile, ductus religione, transferit. Non parum valuit huius Principis graue testimonium, ad comprimendos æmulorum iniquos sermones aduersum Societatem, quòd ipsius in eam criminantes huiusmodi exceptum est responsum: Alieno vel iudicio, vel auctoritate nihil sibi opus esse in Societatis æstimanda innocentia, cuius à puero haberet quàm exploratissimam probationem. Spadanæ aquæ communis vsus cum Britannici Regis medicorum decuria nostrum Sacerdotem frequentibus de Fide disputationibus illigauit, ac peropportunè quidem affirmandis Romano ritu Catholicis, qui fortè aderant, quòd ex iis medicis non pemo veterum Patrum aciem vniuersam, velut suo dogmâti fauentem, obiceret. Sed adfuit in tempore qui cornicū oculos ita configeret, vt ne deinde acutioribus luminibus vellent videri, quàm essent, neque rudioribus imponere auderent. Agendi verò comitas, quam perpetuam tota concertatione noster

Sacerdos

Sacerdos adhibuit, ita ei conciliauit Hæreticorū hominum animos, vt huius mansueti moris laudandi nem nullum facerent: in Angliam verò postea reuigaturū, ad eundem Patrem nostras in ædes officiosissimè venirent salutatum.

E X A R A N D O Hæretico solo, tametsi, præter inanem sudorem, nihil plerumque compendij fiat, posteriore tamen anno denos septenos inde manipulos sustulimus, & nonnullos memorandis impulsos ad Fidem euentibus. Diētis gestisque proteruiam gloriabundus factitabat aliquis de Clero, multa cum offensione ciuitatis, quem vt nulla proborum monita deducerent à flagitio, funestus tamen casus auocauit. Per nocturnam cursationem, in qua multus esse consueuerat, cum cinctus gladio, expeteret auidè sibi occurrere aduersarium, vel ex Orco ipso, si non suppeteret aliunde, quicum ferro congregi ad satietatem posset; inclamaret porro intenta voce, vt prodiret in medium, cui esset animorum satis ad conflictū, de Tartaro prouocatus duellator mox existitit. Sed acuendæ in aduersario cupiditatis ad pugnam maioris, innolutus pallio simulauit ex metu fugam; passus tamen haud multos emēsus, sibi acrius instantem ab tergo prouocatorem, euestigio conuersus, stricto ense repressit, paucisque digladiandi satietatem intulit. Nam, cæsim punctimque congeminandis validè petitionibus, vt stolidi hominis defatigarat vires, artēque hebetauerat, graui confossum ictu ad ædis propinquæ fores humi affixit, vt in re desperata, salutare nomen Iesu lu-

gubri voce appellansem, qua nomenclatione percussus victusque, Tartareus bellator, momento evanuit. Sauciato postea noster Sacerdos adhibitus interiorum plagarum vulnerarius, tam appositè animum eius versavit, ex recentis cladis summa opportunè ansa, ut eum accenderet studio vitæ sanctioris, quam exorsus deinde in hunc diem egregiè promouet.

I N S V L E N S E C O L L E G I V M.

FVNERE Socios duos priorè anno extulimus, Sacerdotem alterum, alterum recentem ex Tirocinio adolescentem. Patris Henrici Huberti anno-rũ triũ super quinquaginta, Boscoducensis, Professii Votorũ quattuor, priores fuerunt exsequiæ, civium extraneorumque mœtore insignes. Cum cætera virtus multiplex, tum congressus, morumque incundissima suauitas, ei conciliauerant, quidquid hominum ferè unquam viderat, animos, ergaque ipsum sic affecerant, ut ei gratificandi ansæ omnes undique captarentur. Quare, quod eius in mendicos singulare multis notum erat studium, vel ex ipsa vltima Hollandia destinabatur ad eum ingentes pecuniæ, in egentes erogandæ. Documentum, eius in hoc hominum genus beneficentiæ, petatur vno ex capite panis distributi: cuius nomine vna dumtaxat pistoria officina ei accepta retulit remnâ Florenorum millia. Qui tam profusæ benignitatis affectus in alienam egestatem, ex
incenso

incenso videlicet Diuini amoris æstu expressus, quàm frequenti, quàmque honorifico præcellentium virtutum comitatu cingeretur, ad existimationem fidemque pronius est, quàm vt. longiore sermone sit explicandum. Arnoldum Deschamps, Insulensē, mensis sextus ab Tirocinij exactis stipendiis, hæctica febris tabefecit, eximiarum virtutū insignem laudibus. In Numinis de se suisque arbitrio totus acquiescebat quàm pacatissimè: si liceret. tamen aliquid suo iudicio in causa sua optare, longiorem vitam libenter sibi ab Deo pacisceretur, vt ingentiū laborum inter Socios exantlandorum ei copia fieret: quorum materiam sibi ante tempus præripi doleret. Gallo mercatori Hæretico, dum in classe Turcica hostium potiretur, constantia repudiandi Mahumetani ritus, multarum blanditiarum illecebra studiosè propinati, vtramque & mentis & corporis libertatem ipsi à Deo promeruit. Post septennem quidpe captiuitatem è vinculis exempto feliciter, perque Belgium iter ad suos intendenti, Catholicorum ædes sacrę pio elegantique ornatu, & cærimoniarum augusta maiestate, stuporem incusserunt. non modicum, sed maiorem multò ad Beatorum reliquias edita miracula. Exinde igitur is animo vehementer angere, & assiduus compungi scrupulis, num ab Calvinianis falsitas, veritas ab Catholicis faceret: quo angore vt animum absolueret, nostrum adhibuit arbitrum, apud quem vt rationes exposuit, quæ se in Calvinismo adhuc distinebant, & earum vanitas fuit ostensa, quàm lubentissimè amplexus

est, quam venerari & adamare iam cœperat Catholicorum Fidem.

AL T E R annus viuorum numero exemit Patrem Stephanum Fouaquierum, Atrebatensem, senio grauem, in Societate quadragenarium, excipiēdis Confessionibus strenuū, assiduū, industriū cū primis hominem, in se penitus inclementem, in alios omnes mansuetissimum. Nosocomio urbano, & ei præfectis Cœnobitis Virginibus annorum quattuordecim culturam saluberrimam contulit, ex qua Diuini cultus, disciplinæque Religiosæ quàm optima ratio deinceps existeret. Ex vicinis septenis Germaniæ prouinciis frequentissima hic versatur adolescentia, varij ex causis variis, ad quos, suo ipsorum idiomate, statæ sunt nostro in Collegio conciones: quibuscum seriò actum hoc anno, ac perfectum etiam, vt quæ semina pietatis auribus solerent excipere, obeundis cum cura & religione frequenter Sacramentis, ea in animis altiùs ad spem frugis secuturæ defigerent. In Batauico exercitu, Embricam Resamque, Cliuenses vrbes, expugnante, merebat Hæreticus miles, quem capta Embrica incessit cupido visendi nostri ea in vrbe templi, vt aliquando nosset, quid rerum ageretur in Catholicorum sacris ædibus. Inгредиētis animum affecit illico multa sacri loci dignitas, & omnis instrumenti elegans venerandaque compositio. Maxime verò placuit frequentis populi summa modestia; silentium altissimum; incensa precandi religio: veneratio erga res Diuinas singularis; quibus argumentis sensum pie

sum pietatis non vulgarem animo suo iniici mox animaduerneret. Eam ob rem de ritu Catholico sublimia quæque cogitare, ac existimare cœpit, tū etiā fermè persuaderi, apud eius sectæ homines residere sinceræ lumen Fidei, quos tam sancta disciplina Sacrorum imbuisset: cuiusmodi nec tenuissimum vestigium deprehenderat vîquam in pudendis Calvinianorum lustris, vbi omnis petulantia, velut in castris impiorum dominaretur. Hæc per aliquot dies meditati, non decernenti tamen, quod optimum videretur, incidit velut à tergo morbus, qui resistentem adigeret, quod Deus benignè vocabat. Opulento seni mediis Batavicæ perfidiæ tenebris immerso, inter obstinatissimas in errore cognatorum phalanges, Deus inspirauerat venerationem cupiditatemque Catholici dogmatis, adeò vehementē, vt nisi se illi adiungeret, in nulla re speraret se posse acquiescere. Neque tamen erat ipsi dubium, quin vt eò adspiraret, quod cupidinem adiecerat, & patria, & opimum patrimonium sibi esset prorsus abdicandum. Hæc tamen viliora ei visa sunt, quàm vt, ipsis conseruandis, Fide Catholica excluderetur, cuius Sacrorum experti nulla spes salutis fieret reliqua. Sollicitudine igitur caducarum rerum expeditus recta Insulam contendit, nostrisque sibi adhibitis religionum magistris, animi sui rem omnem tuto loco constituit.

*MONTENSE ET LVXEMBUR-
genſe Collegia.*

QUAE ſua grauiffimo flagitio procliuior, propinquiorque fieret gradus ad ſanctimoniam, ſic mortaliū nonnullis vſu venit, vt inſigni aliquo ſcelere implicati ſub vitæ exitum, ipſitatae pœnititudinis glorioſiſſima clauſula ætatem concludant, viamque ſibi ad æternæ felicitatis epulas fruendas aperiant. Sapientiſſimum vtique Diuinæ Prouidentiae conſilium eſt, eos non prohibere caſu tuſpiſſimo, qui ſux ex rûina generoſiorem impetum capturi ſint, ad virtutem ſuis in annis validius poſtea, magnificentiſque ſuſcitantam. Hoc euentus genere proſtigatiſſimè ruit Montibus annis ſeptuagenaria, cui ſuam fortunam, ab inopiæ anguſtiis fortaſſe, lugubri querimonia in hortulo querenti, adſtitit ex improuiſo Acherontius Danifter, & aliquot nummulis neſcio quid ab vetula licitatus, eam ipſam ſibi pactus eſt, quo voluit pretio, vbi ea ſe ſacrorum, Deiſque omni abiudicarat commercio, porrectoque trine Tartaræ militiæ auctorauerat. Ab tam ſacile legis impiorum initiorum carceribus, laxis habenis decurſum eſt ad quorumvis flagitiorum conſuetudinē, incubone Dæmone nihil non per impuram veneficam audente, perficienteque, quoad eam vulgatiſſimorum ſclerum atrocitas in nernum, ac in buſtum deinde compegit. Poſtea verò quàm in

vincit

vinculis eam conscientia criminum imminenti supplicij commonefecit, æquitate animi ad luendas pœnas, & religione in Deum inaudita, se comparare instituit: ut qui alacritatem properantis ad paratum necidui, & inquinatissimam senectam execrantis, lacrymas gemitusque animaduertent, fletibus ipsi præ miseratione non possent temperare. Porro in tolerandis accensæ pyre cruciatibus, fuit in muliebri animo tantum roboris, & in effeto corpusculo tantum virium, præ interiore Divini amoris flamma, ut spectantium corona planè obstupesceret, tamque felicitis occasus sortem turpissimè nuper mulierculæ gratularetur, uti & nos quibusdam aliis gratulati sumus exutū Hæreticæ superstitionis spoliū.

L V X E M B U R G E N S I B V S Sociis templum exædificare instituit priore anno Episcopus Azo-
tensis, Suffraganeus, ut vocant, Treurenſis Archiepiscopi, mirabili concursu indigenarum: ad describendorum finium, & inaugurandæ aræ sollemnes ritus propius cognoscendos, affluētium, Cui fabricæ auspicius inchoandæ, ac fortunatius promouendæ, architectus, vir planè probus, ab religiosissimæ legis sanctione pium opus aggressus est, : convocata siquidem omnium operarum turba, & pauca in rem præfatus, docuit, non ad profanos vsus mortalium cupiam inanem substructionem apparari, sed Regi Regum immortalis Deo exstructum iri templum, ubi, quotidie incruenta hostia crebrius immolanda, Numini litetur. Quamobrem intelligerent omnes puris

corporibus animisque huic ædificio dandas esse operas: sibi quidem certum esse laborem nullius admittere, qui non iuraret in verba suæ sanctiōnis. Dicti autem factive noxa grauior Dalerio, hoc est aureo dimidiato, sanciebatur in cæteris; in ipso autem architecto, tot Daleris, quot noxiæ suæ conscios testes ille habuisset, cuius legis conditionibus ubi fabri vniuersi, operæque omnes se volentes adstrinxerant, conspirantibus omnium animis, in opus itum est vndique. Postridiè admissa in legem fraude à quopiam, eius lator depensa multa minimè contentus, reum à se ablegauit, dum Sacramento Confessionis esset expiatus, cuius persoluti officij syngraphum ab Sacerdote cum hic afferret, quindecim tamen dierum ignominiosa missione plectebatur insuper, nisi Patris Rectoris suffragiū interuenisset. Seueritate scilicet supplicij adhibenda principio, amputare studuit bonus Architectus effrenatam plebeiū hominum in peccando licentiam; neque spe sua frustratus est, nam cætera omni ætate sectorum structorumque numerosissimam officinam sibi obsequentem, & egregia modestia compositam habuit. Siquid minùs ex artis disciplina, vel non satis sedulò à quoquam administraretur in opere, non iracundè peccatē vltus, non conuicio, vt sit, appetiit negligentem operarium: sed iniicienda religione castigauit: Opus videlicet Magnæ Matri dicatum esse, in quod diligentia fidemque quisquis non contulisset, graui scelere suum caput obstringeret. Quibus verbis idemtidem inculcandis facillimè

cillimè impetrabat, vt quidquid operarum fabrilia inibi mereret stipendia, pro se quæque negotium suum strenuè accurarent. Pueri puellæque quàm alacriter, vel inuitis parentibus, se adiunxerant Catholico gregi, tam fortiter aduersùm machinas & vim luorum in cœpto perstiterunt, vt neque familia exacti, nec appetiti, conuulneratique saxis à suis fratribus, in Fide vñquam vacillarent. Posteriore anno exeunte, quà senio, quà laboribus fractus, migrauit è viuentium commercio Pater Antonius Haëck, annorum sexaginta quatuor, vñum & quadraginta Socius noster, ex Spiritualium Adiutorum Decuria, cui diuturna plaga grauitè obliſi lateris, inter audiendas assiduissimè confessiones, letalis fuit. Ei erat imis insitus medullis Diuini cultus amor, & intima cum Numine per continentem allocutionem consuetudo: vñde nascebatur eorum omnium quàm ardēs studium, quæ Deo grata esse vel nosset, vel coniiiceret. Hominum abiectissimæ conditionis, quorū vel ab suo, vel ab alieno neglectu, salus plerumque periclitatur, nempe rerum salutarium supina ignoratione: peculiarem sibi delegerat institutionem, & curam in omnibus quàm sedulam; in huius suæ tutelæ causa commemoranda libenter præfatus: se curare videlicet ipsa Dei membra, ei quā coniunctissima, carissimæque, quorum ideo consuetudine delectaretur mirificè. Fœdis, & insanabilibus affectos morbis, ab contagionis metu ferè in solitudine desertos, humanoque destitutos subsidio, ipse suæ clientelæ proprios ducebat, ima
vrbis

urbis regione abditos, præcipiti asperninoque descensu, grandi licet ætate, incommodaque valedudine, vivebat sæpenuerò. Quibus laudibus & diutissimè, & quòd caput est, ad extremum vsque diem floruit, vt eius meritorum memor ciuitas, eius funus vniuersa sibi cohonestandum putaret. Patrum vnus, aliquot Missionibus, pænè septies millena hominum capita Confessionis Sacramento expiauit.

VALENCENENSE COLLEGIVM.

MA T T H Æ V S Accobt ætatis anno quinquagesimo tertio, suæ in Societatem adoptionis decimo septimo, ab ianuæ domus religiosissimè obito ministerio facilem in cælos aditum sibi visus est patefecisse. Perillustri siquidem multipliciũ virtutum coronæ hanc gemmam scitè sapienterque illigauerat, qua cæteræ omnes connexæ tantò ampliùs ornarentur, vt insigniter pius erga Numen esset, cuius quàm accuratissimo cultui, ad venerandum pægma Sacrosanctæ Hostiæ tribueret quotidie, quidquid otiosi supererat ab sollicita forium procuratione. Grauioris fraudis in Deum admissæ reus, ita cæteras omnes expiabat Confessione, vt hanc soleret obstinato silentio præterire, interim tamen, animum dilaniante conscientiæ carnificina, Beatæ Mariæ Hallensi vota faciebat, procul abse amoliendis exulceratæ mentis molestiis. Sed voti exsoluendi gratia cum ad

Hal

Hallenſe templum adiret, occulta vi ſenſit prohiberi ſe aditu ædis, & agnouit illico ſacrilegī hominis votū præſentiāque integerrimæ Virgini fuiſſe inuiſum: quare apud noſtrum exhausta fœdi pectoris ſentina, ſtudit redire in gratiā cū Virgine Matre, ac verè rediit, & per eam cum filio. Batauorum, Zelandorum, Anglorumque bene magnus numerus noſtrā opera in Eccleſiæ, Sacrorumque communionem receptus eſt. Beati Seuerini, eiſque Socij, Martyrum, Sacra oſſa, è Priſcillæ cœmeterio eruta, & ad nos tranſmiſſa, incredibili ciuitatis, finitimique populi cōcurſu ac religione, magnificentiſſimo triumphī apparatu, Atrebatenſis Epīſcopus noſtram in ædem inuexit. Eos Valencenſium ciuium perpetuis Tutelaribus Senatus adſcripſit, noſtrisque Patribus ſignificauit ſibi fore gratiſſimum, vt, bona ipſorum venia, veteri ciuitatis more, horum quoque Martyrum, cum cæteris Valencenarum Præſidibus, eſſet anniuerſaria diē tranſuectio. Secundū hoc tempus ardebant piæ cuiſdam matronæ artus intolerandis podagræ doloribus, & iis tantillum leniendis Medicorum ars, pharmacorumque vis hebeſcebat: vouit igitur mulier feſtos ſibi futuros, omni vita horum Martyrum, & Beati Ignatiij Natales, continuoque, ſtupentibus inuſitati euentus miraculo domeſticis, è ſella incolumis exiliit. Ciuium animos ſtrenuè fructuoſeque curantibus. Sociorū aliis, alijs peregrè ſunt proſecti, magno indigenarum compendio. Ventum eſt in lapidinas ſubterraneas, conditione loci hominumque inibi degentium

gentium planè horrendas, ut Orci facies verius, quam humani moris contubernia victusque cereretur: sic omnem humanitatem religionemque aboleuerat diuturna vitiorum consuetudo, & cultura negligentia. Idè enitendum fuit multa Carthagini frequentia, ut Christiani officij vehemens religio efferatis pridem animis primùm induceretur, ac deinde Sacrorum usurpatio: quæ hominibus, operi ac lucro acrius intentis, nisi eas in specus aliena cura inuheretur, ipsi numquam per se accerserent. Erectum eapropter in propinquo sacellum Dei Parenti; cultus quotidie Deo adhibendi scriptæ leges; indicta multa religionem Numinis, & rectam morum disciplinam violantibus; qua cura salubriter perfectum est, uti à ferino vitæ genere ad civilem Christianumque reuocarentur vilis nupex scelerum Dæmonumque mancipia. Virginis Matris elegantissima è Siche mensi quercu efficta sigilla, variis ea regione templis, nostrorum hortatu, collocata, continuò celebrari cœpta sunt multiplices depulsorum morborum prodigio.

ATREBATENSE COLLEGIVM.

PAR quoque Martyrum, Beatum Florentium, & commilitonem ipsius, Generalis Præpositus Societatis ad nos Romæ delegauit, quorum aduentu Atrebatenses omnes, luculentissimo impensa lætitiæ, ac religionis argumento, effudere se in omne genus

genus sumtuosissimę simul & splendidissimę pompę, vt intra extraque mœnia vrbis nihil, ad varietatem, elegantiam, magnificentiamque celebrari triumphi, posset desiderari. Heroibus suis, si bique delatum honorem, tam incensis animis, tamque profusa sumtuum liberalitate, Deus iucundissimam suę maiestati accidisse, procul etiam vrbe ipsa degentibus Martyribus, excitando vno alteroque prodigio, Atrebatibus compertissimū esse voluit. Intra ipsas vrbis portas, confertissima turba, pio contingendi studio, sacrę transuectioni destinatum pilentum circumfidente, duodenū annorum puer à proximè vrgentibus in rheda orbitam deiectus est, cuius rotę renes, dorsum, & scapulas ipsius antè decurrere, quàm adstantium clamore admonitus auriga incitatos equos inhibere potuit, quibus repressis quod dextrum pueri tempus vna rotarum iam inscenderat, eidem toto carpenti degraũante pondere insisteret. Atque quod vsu solet venire in rebus trepidis, vt impedita magis ipsimet implicent, qui nituntur expedire: de turba iubent alij rhedarum habenas adducere, alij remittere, cuiusmodi ad imperia pugnantia dum hæret anxius, pueruli malę insistens rota eum obterebeat. Sed demum interuenit animi plenus Sacerdos, qui omnibus conspiciens viribus, rotam & cissum molitus puerum præsentissimo exitio subduxit. Obuersa solo mala liquoris nonnihil, altera impressorum clauorum vestigia, corpus aduersum totum scatificatę cutis purpuream lineam dumtaxat prætulere, incolumi ceterum

terum puero, ut merito prodigiosi euentus exemplum vniuersi conelamarint. Alio quoque documento idem Beatorum par, se, maximè propitium, huius populi elientelam somnere prænunciavit, cum imponenda rheda triumphali sacra sarcina, frequentissimus populus rei spectaculo defixus teneretur, in quem bene stipatum, magni modi quadratus lapis è proximæ dõmus fastigio periculosa ruina delapsus est, sine cuiusquam pernicie ac vulnere. Ex quo autem augustissima excepti cella iuge sibi apud nos domiciliũ delegerunt, arserè perpennò votiui cerei ad ipsorum aram, & affigi donaria perseverant, aperta symbola multis ægris impertitæ per eos sanitatis. Princeps matrona, recens nupta, primarij apud Atrebatès Præsidis filia; Medicis ab sua arte & spe destitutis sacro inuncta oleo, deficientibus iam omnibus sensibus, extremo conflictu cum morte luctabatur; & ad Martyrès, novos hospites, velut ad sacram ancoram, visum est confugere: quorum ex sacris ossibus pulvis de iuseulo eum in semianimis os instillatus esset, mox receptis sensibus, iudicio, ac voce, stupente adstantium corona, Collegij nostri Rectorem, proximè nitentem genibus, cæpit affari. Ab eo igitur iussu postulare opem Beati Florentij eiusque comitis, ut ipse Rector, cæteri que adstantium pro ea tum postulabant, eorum sæpius appellato nomine confestim habere cæpit melius, postridioque diuturna insomniâ liberatur, suavi eam complectente soporè. Cum primùm ad aram Martyrum Sacerdos pro eius salute facere instituit

instituit : inualeſcentibus exinde in momenta viribus, donec planè conſaneſceret.

I N annum quoque inſequentem iidem Sancti beneficia ſua in clientes ciues propagarunt, conclamato Curioni reſtituta valetudine, ac mulieri emortuam prolem effundere ſolitæ, felici deinceps partu impetrato. Duodecim annorum puellæ ad greſſum nixumque crura & pedes prorfus erant inutiles : cuius vterque parens, inter alia, nouendialis precationis ad Beatorû capſas voto ſe obſtrinxere, quas preces quo die inſtituere filia niti ſuis plantis, altero progredi cœpit, tertio, ac ſemper deinceps, pedibus cruribuſque valentiſſimis uſa eſt.

*CAMERACENSE COLLEGIVM,
atque Namurcenſe.*

S O C I I S Cameracenſibus cum ex ciuili, tum Sex agreſti opera, ruſticanam plebem, numeroſo agmine, frequenter in vrbe accipientibus, per amplos vtroque anno fructus rediit, quòd adducti ſunt plerique vti hæreſis exuuias, numquam repetituri, ponerent, hiſque multò plures Chriſtiani hominis officium, quod vel ignorarent, vel negligerent, uſu magis, quàm nomine profiterentur. Cui cuidam decimum tertium iam diem obſtructi renes ſeu calculo, ſeu alio vitio, poſt diros cruciatus, ſæuiſſimæ mortis neceſſitatem arulerant, vt Medici decernerent duodecima poſt

A a

hora

hora eum superstitem non futurum. Ad vim mali tam importunam exigendam, quiddam reliquiarum Beati Patris nostri admotum tandem est, postque horam vnam, patefactis renum cauis, dolor sedatus est; & erupit geminus calculus mediocris modi, cuius emissionem collocata deinceps in tuto sanitas videretur.

Q uo vno argumento ad seditionem maximè concitari poterat Namurcensis ciuitas, eo vsi sunt aduersum nos calumniatores, vt tantò acerbiorè nobis conflarent inuidiam. Vnum mensem vrbe iam aberat Collegij Rector, opportunè aduersariorum consilio, ad captandam ex absentia huiusmodi ansam calumniæ, quibus inde liberum fuit asserere, ipsum Bruxellis versari, suis artibus experimentem à Principe ius amplissimum tributum Namurcensibus imponendi, ad magnificam Collegij nostri fabricam absoluendam. Simile vero commentum fiebat ex eo, quòd citaretur testis nescio quis, cuius in manus incurrisset illius tributariæ facultatis obsignatum diploma, in ipso Principis tabulario: atque Bruxellensis cuiusdam accederet auctoritas, quam super eare scriptis ad Namurcensem familiarem litteris consignasset. Genere autem tributum, quod iactaretur, Namurcenses hoc omnium maximè offendebantur, quo scilicet indicendo, eorum, vna libertas consultò peti, affligique videbatur. Belgicarum ciuitatum sola Namurcensis hoc iure vititur, proprio sibi præcipuoque, vt ciuium quilibet vniuersæ familiæ ceruicem domi de suo coquat, eiusque nomine genus vectiga

vestigalis nullum Principi dependat : qua videlicet prerogativa libertatis Namurcenses gaudent mirifice glorianturque , ut acerbius iis possit accidero nihil, quàm si ea parte quis vel minimum laeserit. Principio quidem in plebeiorem modò circulis iste rumor iactabatur : qui , postea quàm inualuerat vehementiùs , primariis quoque ciuibus nostra pridem causa cupientibus, occasionem sermonum præbuit, & cuiusdam abalienationis materiam subministravit. Ut tamen nulla esse potest ad veritatis imitandam speciem callidè adumbratæ calumniæ vis tanta, ut eam tempus non aliquando discutiat : ita huic, ignotis disseminatæ in vulgus nunciis, non fuit diuturna fides, quòd eius proferendæ in medium principes, nullo scilicet testimonio freti, criminationum suarum auctoritatem studiosè defugerent. Prætor igitur, & populi optimates quique, omnibus vestigiis harum accusationum originem persecuti, ubi nihil omnino compererant, plebem esse iusserunt sine sollicitudine: Patribus enim nihil umquam rei eius in mentem venisse : quorum virorum testimonio cùm plebs acquievisset, illa criminationis procella momento dissipata est. Concionum in urbe, ac in agris, sed Catechescon in primis fructus toto priore anno longè vberissimi constiterunt. Posterioris verò anni & plures expeditiones, & momenti maioris fuere, oppidanæ vicinæque, plebis ingenti gaudio, compendio neutiquam minore; ut plerisque locis magistratus publicè nostris suam aduentum & operam amplissimis ver-

bis gratularetur. Honestissimo loco natus adolescens amplissimum patrimonium, luxu & ganea, paucis mensibus, concoxerat, cui repentina penuria grauius acuebat amissarum opum desiderium, & ardentio rem quærendarum sitim, vt ea cupiditate accensus ad maiorum subsidia decurreret. Ab iis in tenebrosissimæ siluæ abdita detrusus, Plutoni ærariæ rei potentissimo sistitur, cuius hortatu faciliè adducitur, vt Numen velit exsecrari, sed Beatam Virginem minimè omnium, tametsi nisi eam detestatus, venire non poterat ad omnium fortunarum felicitatem, quam Dæmon iis conditionibus deferrebat. In tam facinoroso homine, ac vix expiabilis sceleris reo, deprehendit tamen Numinis benignitas, quod placeret: Matris Dei habitam esse ab impuro adolescente rationem, quæ vel ipsius Dei non esset habita: hocque argumento exorari se passâ est infinita bonitas, vt resipiscenti condonaret maiestatis noxam, & eundem ad pristinas rei familiaris copias eueheret.

D I O N A N T E N S E C O L L E G I V M.

CI V I T A T I S huius in Cælites egregia pietas, impensumque aduersum nos studium, tametsi prodiderat se antea luculentissimis sæpe numero argumentis: quoniam tamen per hosce dies negotium eiusmodi obtigit, in quo quantum vellet possentque seu Cælitum, seu nostra causa, quâ facillimè esset ostensura: vbi primû à nobis est eius rei facta significatio, & magistratus, & ciues vniuersi propensissimis animis, quod cuperemus ample

amplexi sunt, & prolixiùs etiam perfecerunt, quàm ausi essemusvel postulare,vel cupere. Templo nostro idoneis Tutelaribus instruendo ad nos Roma summittebantur Beatæ Polychroniæ Virginis Martyris, & Sociæ ipsius, veneranda corpora, iamque haud procul Dionanto aberant: quibus triumphantium honore in urbem, ædemque nostram, inducendis, Dionantensis populus, quidquid ipsi opum, animi, virium, industriæque potuit suppetere, non magnificè modò, sed regificè quoque, ac summa quidam alacritate contribuit. Cuiusmodi liberalitate munificentissima vti nostram Familiam sibi deuinxit in perpetuum, ita speramus Sacrarum Virginum ciuitati suæ demeritos eam esse beneuolentiam, quæ tutissimum ipsi præsidium, æternamque sit conciliatura felicitatem.

Electör Ferdinandus, anno altero, cùm vnum modò diem esset futurus Dionanti, eumque grauius operosum negotiis, asseruit tamen nobis ab se negari non posse, quò minùs principem ædificio nostro fundando lapidem poneret. Qui nostra causa nihil cuperent, eumque sibi occupare studerent, ambitioso agmine, supplicantium instar, prodituro præstolabantur ad fores arcis, si possent aliò auersuri: sed is neminem salutantium moratus, ad nos per mediam rogantium aciem citus & rectà còtédit. Vbi adfuit, perhumaniter singulis porrecta manu, ita est prolocutus: Multorù se precibus, ac ferè manib. distinere conâtibus, aduolasse tamè, quò se animi voluntas cupidissimū impelleret:

pelleret : moxque, posito galero & chirotheciis, inscriptum suo nomine lapidē imis fundamentis, operi bene precatus, collocavit.

HEDINENSE, AC ARIENSE

Collegia.

HEDINVM oppidum est, situ, aggeribus, militari præsidio, munitissimum, in Atrebatum, septentrionalisque Franciæ, seu Picardiæ, finibus, nostra memoria, id est, superioris sæculi anno quinquagesimo octavo & nono conditum, vno fermè lapide ab eo loco, vbi eiusdem nominis oppidum per eos dies deletum fuerat. Hedinum vetus, Teroannam Morinorum, & aliquot alias arcēs bene firmas, tormentis quassatas, vi ceperat, funditusque deleuerat Emmanuel Philibertus, Dux Allobrogum, cū Caroli Quinti auspiciis, suo autem ductu, bellum in ea regione administraret : eodemque tempore, propulsandis hostibus Atrebatum ora, idoneo loco, amplum castellum, munitionibus validissimum, cū exædificasset, Hedinum fert de veteris arcis nomine, suoque gentilitio symbolo, appellauit. Eò cæli solique bonitas, habitationisque tuta conditio, paucis mensibus, frequentissimos incolās conuocauit, vt pro modicis pomærij finibus, in celeberrimum oppidum euaderet. Huius præsidij ciues ingenti Societatis desiderio tenebantur, sed in præsentia facultates eis non suppetebant, vnde nobis para-

rent

rent & annonam perpetuam, & domicilium, fuit tamen eorum in petendo ram incensus ardor, tantaque importunitas, vt pro eis copiolis, quæ ip-
sis tùm essent ad manum, trium scholarum magi-
stri, & Sacerdotes aliquot, concederentur sub sa-
cri Paschæ sollemnia, quibus duæ prætereà sunt
adiunctæ proximis Remigialibus. Ex trecentis
gymnasij auditoribus mox aliquot Sodalitia coa-
luere, ac rectam morum, pieratisque disciplinam,
audis hausere mentibus. Statis quidem habendis
concionibus, ciuium præfidiariorumque militum
animi ad Christianum officium incitati sunt ve-
hementer: omnium tamen fuit vna sententia, &
procerum oppidanorum in primis, familiarem
Catechistæ institutionem cuicumque auditori cæ-
teris omnibus præceptionibus esse longè salubrio-
rem: ad eam itaque accurrunt toto ex oppido vni-
uersi ordines quàm cupidissimè, fatenturque ple-
rique animi anxietatibus molestissimis ea se audi-
da esse absolutos. Panculis excursionibus refrena-
ta circumfidentium nos Hæreticorum audacia, &
ad ius suum, munusque ruendum, egregie ani-
mati Catholici, ac inter eos toris agris rusticani,
quorū numerosi greges in vrbe confluerè cœpe-
rūt, Christiana munia religiosè ac frequèter obitu-
ri. Nobilis matrona, in agro degens, propinquis
nostrorū freta subsidiis, Calvinianorum conuen-
ticulum ausa est suis ædibus exigere, vbi olim suus
vir Hæreticus sedem eis destinarat: ad quam agro-
tam Sacerdos noster, procul ex pagana ade, Di-
uinam Hostiam, spectantibus, & freudentibus Hæ-

reticis, attulit. Militaribus autem manipulis apud nos Catechetica opera commodè nauari non potest, quòd eorum ferè assiduam præsentiam frequentes aggerum portarumque stationes exigunt: quamobrem festis diebus ad ipsos adimus centuriatim coactos ipsis in excubiis, & eo quidem cū eorū emolumēto, quod se prodit postcà, cū cateruatim ad Sacramenta participanda confluunt.

S E C V N D O autem anno, vti par fuit, de ignorantia, vitiorumque compilatis castris copiosiores manubias tulimus. Et quidē triduo ante Cineralia, promulgatis moris nostri sacris Indulgentiis, præter Hedinenses oppidanos, præsidiumque vniuersum, exciuiimus omnibus ex agris integros & frequentes pagos cum suis Curionibus, supplicantium instructa acie accurrentes, vt Sacerdotum, quod erat in vrbe, ac ex agro confluxerat, id tamen satis non fuerit, pro numero confitentium. Urbanis Sacerdotibus prodigiosum videbatur, posse nostros tam diuturno molestoque labori audiendorum pœnitentium sufficere, quo per eos dies quererentur se feruè obrutos. Oenopolæ verò diram perniciem suis tabernis metuebant, si pergerent istos Sacrorum conuentus frequentius agere, quibus nec peregrinus nec ciuis suas cauponas vel aspectu dignaretur. Non piguit octogenarium Francum, cum vxore anu, excitatos fama Pontificiæ Indulgentiæ, itinere pænè diei vnius ad nos contendere tanto fruituros beneficio: quibus, serò licèt aduentantibus, abunde tamen factum est satis, quam in rem & ipsi strenuè vicissim

vicissim adlaborarunt. Studio perdiscendæ Catechesis, rationisque de ipsa reddendæ apud nos, publicis in conuentibus, ardent rustici, ut densis agminibus hoc nomine in urbem adeant, rectaque in stadium ipsum huius concertationis egregiè comparati conuolent. De hoc grege vnus audierat, ex nostris per Catechismi explicationem, de Cerei Agni dotibus, auditorumque memor, sibi detraxit ex collo, quem pretium suæ industriæ acceperat, magnaque fide coniecit in latissimè sparsum incendium, quo amplissima granaria frumento refertissima tantum non ablumebantur, præualido vento flammæ eò impellente: idemque cum fecisset alius rusticus, mox sublimis elata vis flammarum sese à proximis tectis auertit, ac tantisper impetum sustinuit, dum frumenta omnia exportarentur. Mulier annos plerosque fœdam noxam in sacra Confessione præterierat, rata eius labis memoriam, sensumque, diuturnitate silentij tandem oblitteratum iri. Sed quò tempore procederet longius, hoc acerbius eius animum conscientia laniabat: ut desperatione sanitatis decerneret Confessionis vsu penitus abstinere. In hac sententia obfirmatæ, festoque die sub auro-ram in lectica quiescenti, adolescens adstitit, qui laqueo in eius vlnas inserto, se in uitam pertracturum ad præstolantes in publico matronas assereret, nisi sponte ipsa sequeretur: habitura nimirum religiosas feminas suæ salutis duces. Ea vis fuit opportuni admonitoris, ut, qui ad manum fuit, vulgari amictu raptim assumpto, ipsa prodiret, & du-

cibus matronis nostram ingressa ædem, veteres animi ruinas quàm digentissimè sarciret. Patri Aegidio VVrincre, Insulano, ætatis primo & tricesimo anno Hedini parentauimus, cum eum maligna lues febris, occulta tæbe viscera depascentis, nono die confecisset. Ei religiosissimè apud nos traducti octo anni, cum apud domesticos, tum apud externos caritatem omnium conciliarant, atque venerationem. Hoc se studium tota in ciuitate prodidit, cum renunctato eius pio decessu, iacturam nostram sibi communem querebantur officiosè, posteaque ipsius funus frequentissimi cohonestabant.

A R I A M, in Atrebatensis agri urbem, Franciæ ad Austros finitimam, acciti sumus ineunte huius sæculi anno decimo tertio, atque in ternis modò scholis, exeunte Quadragesima, docere instituiamus. Nobiscum inductæ sunt in oppidum statæ Dominicis diebus per totum annum conciones, quarum vsus antea non fuerat, moxque inuitati sumus ad sacri Aduentus, maiorisque Ieiunij concionum sollemne munus, & quidem ad nos confluente bene frequenti, honoratissimoque auditore. Hæreticum virus hauserat mulier in Batauis multos annos versata, vnde cum reuerteretur, canis rabidi pestifero morsu sauciata grauitè, ad Beati Huberti, proximè Ariam, adibat remedium suo malo petitura, vt est mos indigenarum huius prouinciæ. Sed, Ariæ cum esset, audiuit de Catholiceis, nihil opis à Beato Huberto, cæterisque Cælitibus, Hæreticos impetrare: quare mox venit in

nit in nostram ædem , palam , & ex sollemni formula , execratur hæresin , sacra Confessione accuratè animum expiat , quo perfuncta munere , illati vulneris diram lucem discussam esse illico apprehendit.

TORNACENSE TIROCINIVM.

PA T R E M Tironis è Francia Tornacum nuper fuga elapsi , nobis tandem conciliauit aduersa valetudo , cùm eius violentia se ad mortem appeti , non inanibus coniecturis , credidisset. Vnum iam annum , hocque ampliùs , Rothomagensis , Parisiensisque Curia decretis nos vexauerat , sed , ex suo ingenio , non satis grauitè ; quare auctoritatem Reginae per Aulicos proceres moliebatur , vt , ea suam in causam inflexa , citiùs validiùsque negotium conficeret. Cui machinae in nos intendendae impensius defixo grauis morbus derepente insedit , cuius inopinata impressione territus animum planè ab suis conatibus , consilioque , auocauit. Eum Rothomagi decumbentem noster quidam visere cupiit , eius filij olim præceptor , vt infensissimum sibi placaret , de cuius cupiditate vt inaudierat , id verò significauit fore sibi iucundissimum : adeunti que , manantibus vbertim lacrymis , suum factum excusauit diligentissimè , causatus vim paterni animi aduersum liberos , sed in primis amicorum importuna cõsilia studiaque , quibus se passus esset inconsideratiùs abripi. Vix se domum

domum receperat noster, post adhibita agro idonea fomenta consolationis, cum ab eodem reuocatur, oraturque, uti ne grauetur ultimum, maximeque amicum officium morienti tribuere: se videlicet doceat Christianæ vitæ rectam, salutaremque clausulam, qua studiosè adhibenda superioris ætatis omnes negligentia suppleantur: maxime verò sibi noxas à puero per Confessionem recognoscenti aures beneuolè præbeat. Qua parte Christiani hominis religiosè defunctus cum esset, extremæ voluntatis tabulas descripsit, quarum princeps caput fuit, quo peteret sepulturam sibi concedi apud nostram Rothomagensem Probationis Domum: tam scilicet acerbius alienati paulò antè animi erat immutata ratio. Simō du Forest Nouitius, editis per vtriusque valetudinis, firmæ, affectæque, religiosarum virtutum luculentis facinoribus, migravit è viuīs, quo die optauit magis, quàm quo aut medicus credidit, aut ipse sperare potuit. Sacris Magnæ Matris diebus insignia diuinitus ei ceciderant beneficia, & illud nomen, quòd Salutatæ Virginis festo venerat in Societatis Tiocinium, quo itidem die, si Superis videretur, cuperet dimitti è corporis ergastulo. Cum igitur Sacramentis semel iterumque procuratus, ut affectis erat viribus, in momenta expectaretur eius obitus, orabat sibi prorogari diem octauum, Virginis è cælo Salutationi sacrum, ut eadem Dei Mater ineunti Cælitum choros dux fieret, quæ fuerat Societatem adeuntri. Ratum fuit eius votum cælorum Reginæ ac Deo, nam eo ipso die

so die tranquillissimè obiit, cùm eius vires ita medico probarentur, vt perstaturas in aliquot praterà dies crederet.

P A T R I S Oliuerij Manaræi, viri planè magni, exeunte anno posteriore, funus incerentes duximus, primo & nonagesimo anno quàm natus erat, sexagesimo quarto quàm Societati se addixerat, quæ ipsum ad Vota quattuor admiserat anno sui aduentus decimo: fractum autem ingentibus laboribus senem effectæ vires toto quadriennio lecticæ affixerunt, vnde suborta cruris gangrena languentem paucis diebus exstinxit. Quo de homine vbi plurima summaque dixeris, fateare tamen necesse est, imparem tuam dictionem eius æquandis meritis, quem Deus vnum ex Societatis Heroibus esse voluerit: cui tamen vt videaris adscripsisse, quod omnium instar esse possit, elogium, satis erit asserere: qualem, quantumque inter Socios futurum Beatus Pater Noster præfagierit, talem eum, ac tantum ab eodem paucis pòst annis agnitum, probatumque. Videlicet is fuit omnino nostri conditor Ordinis, qui quos homines suo Instituto idoneos animo esset complexus, ac ipse reipsa exprimeret, vnus posset sua institutione conformare, sed exemplo in primis absolutos numeris omnibus fingere: cuiusmodi hunc, quo de agimus, figuratum expressumque sua ex officina emisit, aliis ad eandem perfectæ disciplinæ normam expoliendis futurum olim cis Alpes archetypum. Ob quas igitur præcellentium virtutum dotes Beatus Pater eum posteris

steris magistrum discantibus, imitantibus exemplum præscribebat, ob eandem quoque Deo insigniter carus, summè familiaris, multarum magnarumque rerum, luculento Diuini erga se amoris argumento, factus erat conscius, ut, quod pertinet ad Socios, amicosve, priuatim aut publicè, nihil futurorum euentuum ipsum lateret, postquam se orationi ea causa dederat: nullus eum casus perturbaret, quòd huiusmodi esse consilium Dei nouerat. Laureti cum Sociorum Familiæ præesset, horæ quadrante ante prandium, Promus eum admonet, panes perexiguos quinque dumtaxat in penu sibi reliquos esse, quos sexaginta & quinque accubituris apponat: eam ob rem se non audere, nisi secus ipse iubeat, dato signo vocare Socios in cœnaculum: cui, domesticas angustias trepidè nuncianti, nihil aliud responsi dedit, quàm ut domesticæ partitionis horas ex more seruaret, de cætero nequaquam sollicitus. Suis igitur tempore, prodeunt omnes in triclinium, ignari penariæ tenuitatis, & mensam incunantibus adfuerunt in singulorum quadris vnus modi panes integri, quos mortalium nemo in mensam intulisset, ut nullus dubitare potuerit, quin nota Rectoris virtus, summaque apud Deum gratia, hoc beneficii sue familiæ, consueta vi precum, momento impetrasset. Ex eodem Collegio emisit aliquando suum Oeconomum ad faciendam cum creditoribus nomina, vestemque mutua pecunia procul emendam, Recinertensibus nundinis, cum notissima scilicet omnibus nostra inopia omnem Oeconomo spem
fidei

fidei creditique apud homines copiosos adimeret. Eum tamen iubet Pater, certus Diuinæ Prouidentia, plenum spei administrare negotium eorum hominum, qui se totos Diuinæ curæ permisissent: quo dicto non tam animauit Procuratorem, quàm perfecit, ut is quantum æris opus esset, ab obuiο creditore mutuū facillimè obtineret. Vix autem Oeconomus vestiaria ex annona redierat, cū Neapolitanus quidam, Societatis candidatus, inter obscundam peregrinationem Lauretanam, Patri Oliuerio, de Numine omnia bene speranti, aureas Hispanienses Duellas ferè trecentas in manū liberaliter coniicit, vnde creditori mutuū repræsentaretur, & domus angustia multiplices opportunissimè laxarentur. Fuit & illud, erga Patrem Eleutherium Pontanum, cū in Tirocinio adhuc ageret, facinus hominis futurorum præscij, & apud Deum longè gratiosissimi, quòd imminentes ipsi acerbissimas animi molestias diserte prænunciauit, &, cū eis obrutus, adigeretur ad desperationem, adhibito breuis, sed incensæ, precationis officio, in tricenos reliquæ vitæ annos, est ipsi promeritus à Deo quàm maximè liquidam mentis tranquillitatem. Cuius calamitatis non prius se deprecatorem professus est, quàm grauissimè laborantem docuisset, per eiusmodi luctarum acerbitates, breuiore via perueniri, secundissimo Numine, ad illustrium virtutum amplissima compendia, quarum sublimi fastigio solerent procul abesse, qui huius dimicationis asperitate terrentur. Animi videlicet sui Heroica
illa

illa magnitudine, cuius esset, summa facere, maximaque pati, cæterorum animos, viresque metiebat: aut certè quos minùs valentes cernebat, iis quacumque ratione poterat, ad excelsissima quæque pro Deo audenda, vires addebat, & alacritatem.

* * *



PROVIN



PROVINCIA POLONIA.



SOCIETAS, latissimis huius Prouincię cō-
prehensa finibus, in solē eduxit, vel in um-
bra exercuit operas, anno priorē quadra-
genas denas, posteriore plures illis quinas vice-
nas; quarum Sacerdotes prius centeni septuage-
ni terni; pōst centeni octogeni septeni; Sacris non-
dum initiati nunc centeni triceni septeni, nunc
his plures septeni; Adiutores rei domesticę pri-
mū centeni, deinde supra hos quaterni; Nou-
enos singulis annis amissimus; tricenos anno alte-
ro, altero tricenos septenos accepimus; vniuer-
sum porrō numerum perpetuis domiciliis quat-
tuordecim, non perpetuis tribus distributum.

*CRACOVIENSIS PROFESSORVM
Domus.*

STANISLAUS VVoiciechonich septimum
Annum suę apud nos nauiter decursę militię,
B b singulari

singulari exemplo diuturnæ patientiæ, religiosissimaque morte terminauit. Tribus ab Ecclesiæ capite fœda secessione diuulsis; vni ac triginta dogmatis nouitate ab ipso Christo dissentientibus, cæ sunt intentatæ concionum, colloquiorumque machinæ, quibus victi, deinde volentes ad officium redirent. Horum vnus, septuagenarius ciuis, olim inter primos hæresis venenum in hac vrbe cupidius hauserat, quem, quò propiorem tumulo, eò sibi cura impensiore studebat asserere noui Euangelij artifex Acherontius, ipsiusque satellites Ministri: sed potentior veritas, dicentis Concionatoris ardenti sermone vibrata, obstinatæ mentis duritiam perrupit, fraudulenterque obnitentium Prædicantium calliditatem dissipauit. Non modò enim adductus est, vt, id ætatis, & prudentiæ vir, in tam aperta re fateretur se lapsus esse: sed vt, in principe quoque vrbis templo, frequentissima ciuium corona, suum errorem agnosceret, cumque indignatione detestaretur, vniuerso plaudente populo. Ad Slauios in fines Vngariæ traiecimus, accersitu Hommonensis Dynastæ, Georgij Drughettij, aduentitiam eius ditionem repurgaturi ab hæreseon funesto lolio, quod annis aliquot disseminandum curarat eius regionis Satrapa, cuius occasu res Catholicorum facta est longè melior, successoris pietate ac diligentia. Duo Patrum eo cùm venissent, hoc eis amplior campus, & operosior offerebatur, quòd nulli Sacerdotes operæ adiutores, aut ex Cracouia, pestifero halitu afflata, aut ex vniuersa Vngaria, bellis

bellis deflagrante, deduci poterant, quibus postea Parochis populus vteretur. Id tamen feliciter effectum, ut nullius Hæretici Ministri vox toto eo tractu deinceps audiri posset, vno ex iis, iam septuagenario, ad bene sentientium partes transducto, cæteris silentio perpetuo, & Ministerij sui gestione, multatis. Plebs minimè mala, reuocatis sedulò, & cum splendore simul, ab longiore intervallo sacris cærimoniis, cum in antiquæ pietatis possessionem vsuque denuo mitti se animaduerneret, exsultabat videlicet gaudio, & grauem earum iacturam lacrymis itidem prosequeretur. Momentum verò habuit non leue, ad suscitandum in populo amorem & venerationem Catholici ritus tantò vehementiorem, funus matronæ frequenti ac religiosa pompa procuratum, habitaque insuper concio de Catholica sepultura, de prærogatiuis morientium in Ecclesia, deque infelici obitu à Fide aberrantium, cuius auditione plebs suum sibi reditum ad Catholica Sacra mirificè gratulata est. Interea casus incidit, quo Hæreticorum ferocia, & in Catholicam plebeculâ petulanter grassandi libido, validè contunderetur, erigerentur Catholicorum animi ad suum ius liberius fidentiusque persequendum. Ex Evangelicæ factionis primoribus vnus, ut potens opibus, sic insolentia, superbiaque facile princeps, plebeium Catholicum, tenuis fortunæ hominem, verberibus mulcavit atrociter, suoque scelere ita gaudebat, ut eius noxæ citatus ad Capitales Quæstiones reus, non modò crimen non inhiaretur,

sed gloriabundus etiam apud confidentes iudices suum factum vendicaret. Sed decreto consilij eius humeris liberaliter incussum fustuarium, ad ipsas Curiae valuas, tam proiectam, ostentandæ iniuriæ ab se illatæ, compressit in homine contumacissimo alacritatem, &, opportunè inhibita eius gregalium petulantia, Catholicis multam libertatem, quietemque asseruit. Ruthenici diuortij Popas quinquagenos, (sunt eius gentis Sacerdotes) Ecclesiæ summo capiti volentes adiunximus, & suo Vladicæ, hoc est Episcopo, fecimus in posterum obsequentiores, cuius primum id documentum fuit, quod publicè operanti Sacris, in cætero canentium choro, ipsi quoque canentes adstiterunt. Iis porro, quodd, extra ædem sacram, nullo vestis, aut tonsuræ discrimine inter noscebantur à reliquo plebis vulgo, persuasum est, ut Clericis idoneo amictu, tonsuque vterentur, qui eos secerneret à plebeiis, & ab quotidianis contumeliis, iniuriisque vindicaret: quo nomine honorificas immunitatum prærogatiuas ipsis optimus huius oræ Dynastes impertiit.

Secundus annus Schismaticos binos, quindenos Hæreticos salubriora sapere ac profiteri docuit. Sodalium quidam, captato leui offensionis erga nos argumento, decem & octo menses pio sociorum conuentu & exercitationibus abstinuit, intereaque, coactis variarum criminationum in Societatem vndeque centonibus, & adhibita in calumniandi societatem studiumque maleuolorum manu, nobis maledicendi finem faciebat nullum

lum : maledictorumque suos commentarios , adscripto nomine , idemtidem ad nos per contumeliam summittebat. Vna nostris visa est suæ conditionis , & hominis ingenio congruens respondendi ratio , nihil procacissimo conuiciatori respondere : sed , tacentibus non sibi consciis , Diuina non siluit ultio ; inopinatus enim morbus , grauisque , iniuriosum hominem deiicit , cui noxam pœnamque dissimulanti acerbior plaga mox ingruit , quæ vel nolentem adigeret fateri , suo sibi merito inflictam Numinis manum vindicem. Quã obrem Sacerdoti nostro , qui Sodalibus præsideret , aduocato , palam omnibus enunciat , quantum sibi mali , & quã grauibus , quamque frequentibus suis culpis accidisset : sibi enim , sæpenumero noua crimina in nos comminiscenti , admonitorem , ultoremque Deum perpetuò adstitisse , qui , tentata variis modis valetudine , à flagitio , quoties peccaret , voluisset abducere : se itaque qui ultro debuisset , Diuino iussu coactum , omniam criminatione absistere.

CRACOVIENSE TIROCINIVM.

SECEDENDVM nobis fuit , vel cum familiaris rei non exiguo incommodo , vti vrbanam luem rusticana excursionem declinarem , vnde in agrestem multitudinem , Christiani officij maxime rudem , superstitionum præstigiis perniciosè implicatam , Hæreticorumque assidua consuetudine , ac fraude , in plerisque Fidei capitibus la-

bantem, deriuata sunt admodum opportuna subsidia. Multiplici tamen sollertia, nec dispari constantia, certandum fuit cum populo, vel sua sponte minùs docili, vel Ministrorum artibus à nobis abalienato, vt vltro gratisque salubris sermonis commoda inuehentibus se attentum præberet. Postea verò quàm & Veterani & Tirones eam inurbanam rusticitatem multa patientia vicerant, & demulserant humanitate, non modò non captabant siluarum latebras, quod factitarant principio, sed aduenientibus Sociis in pagos & vicos suos officiosè prodibant obuiâ, inque sacras aedes & priuatas domos deducebant amicissimè. Cecidit & illud perbellè, ad eiusmodi negotium tantò fructuosius promouendum, vt agrestium Satrapiarum Dominis, tamen Hæreticis plerûque, parû iniquis vteremur tota istiusmodi expeditione, quibus procuratione nostrâ vel tacitè præbâtibus, vel dissimulâtibus, paganos, eorum clientes, longè obsequentiores haberemus, &, in salutis causa, rei suæ multò meliùs gerentes. Non sit proclive scribendo persequi, quàm densas insectiæ nebulas, quàm crassam, scedamque superstitionum illuniè detergendam præbuerit nobis rusticana multitudo, præter insitam ingenij duritiem, multos iam annos idoneis rerum sacrarum magistris destituta. Quod vsuvenire solet vbinis gentium, pueritiam, simulac Fidei rudimentis sedulò imbueramus, eadem, veluti magisterij vicaria subroganda, feliciter vsi sumus, ad parentum autorumque, ac ceteræ familiæ ignorantiam expugnandam: quòd tenella

nella ætas, quæ semel animo combiberat, ea puerili more domi, quodam genere intercalaris natiuitatis, ita interdum noctuque canendo frequentabat, ut toties audita domesticorum, etiam aliud agentium, memoriæ penitus adhærescerent. Porro, in multa, diuturnaque aduersum Hæreticos opera, id dumtaxat in præsentia sumus assecuti, ut Calvinianos duos à perfidia vindicaremus: cæterorum animis ij stimuli sunt sæpenumero iniecti, unde olim exspectari possit veterum errorum pœnitudo.

POSTERIORE anno adolescens, Instituti nostri cupidissimus, paternarum aurium duritiem inclementiamque sæpenumero expertus, quæ nullam eius rei mentionem planè admitterent, ubi parentis animus tempore obsequioque nihil mansuefiebat, eius missionem non moratus, parato ad conflictum animo, si res postularet, contendit in nostrum Tirotinium. Eò haud ita multò post venit pater, filium, quacumque ratione volentem aut nolentem abducturus: & reuera, ut filius venerat in eius conspectum, valida iniecta manu, eum conatus est subducere: sed obnitente, qui prehendebatur, consilium alio conuertit. Multa primùm differuit, nostris audientibus, ut filio discessionem persuaderet, quem ut nihil commouebat, sine arbitris sibi compellandum censuit, ratus suas petitiones apud solitarium validiores futuras. Bona igitur Præsidium venia Tiro cum patre secedit, qua in solitudine, prolis amore impotens sui homo, ubi nullum blanditiarum genus

cedebat ex sententia, descendit ad infima quæque ac parente indignissima, vt etiam ad nati pedes pronus & supplex aduolueretur, suam miseriam fœdis lacrymis, ac muliebri eiulatione contestatus, & omni humana infelicitate acerbiores calamitates, nisi filius ad commiserationis studium aliquod sibi pateretur animum emolliri. Vim paternæ caritatis in liberos ex potentissimo illò naturæ ductu estimabat quidem suis momentis adulescens, parentisque indignum factum excusabat eo nomine: quòd tamen eo facinore formidolossimæ tegebantur insidiæ, obdurauit mentem eò magis, vt omnino ad postulata patris nihil inflecteretur; quod eius decretum vbi aduertit parens, à precibus ad inclementiam conuersus, desubito gladium stringit, constantiam filij tetro patricidio multaturus, nisi è propinquo nostri Patres accurrissent. Postero die ad instaurandum certamen cum rediisset homo iracundus, sui copiam, tam iniquis conditionibus vt faceret, Tiro iustum non censebat, nec æquum videbatur eius Præsidibus, vt ad id compelleretur imperio, qui suæ virtutis luculentum alioquin experimentum præbuisset: ille igitur cum bona pace dimissus abiit, cui meliorem mentem natus non cessat precibus, voluntariisque flagellis, è caelo postulare.

P O S N A N I E N S E C O L L E G I U M.

R E R V M caducarum graues iacturas cælestium opum tanto vberiore compendio, priore huius biennij parte, fenerauimus. Periit nobis, sibi sospes esse instituit, Pater Stanislaus Grodicius, singulare Societatis ornamentum in tota Polonia, ex quo inter mortales agebat, anno septuagesimo & altero, inter Socios tertio & quadragésimo. Is Romæ Theologicis apud nos instituebatur, illiusque studij attrigerat calcem, adhuc incertus quod esset genus vitæ sortiturus, cum Beato Kotstkæ, ipsius populari, felix obtigit obitus, cuius ipse funus officiosè pièque comitatus, seriò secum de reliquæ vitæ statu consilium iniit, subductisque rationibus omnibus, animum ad Societatem hanc, seque ipsum totum studiosè appulit, assumpta iussu Præsidentis Theologici Doctoris laurea. Tirocinij palæstram iis eximiarum virtutum gradibus decurrit, quæ illum ad opinionem proueherent multæ olim sanctitatis, quo nomine, Pater Claudius Aquaviua, eorumdem tum rudimentorum commilito, cum singulari beneuolentia est complexus, ac in magnis viris semper habuit. Eius autem reditus Roma in patriam incidit in calamitosissima Lithuanix tempora, cum laxissimæ prouinciæ, ac Religionis olim florentis laudibus, Calviniani, Lutheranique incendij funestissima labe, omnis ora miserè deflagraret. Vt nouarum rerum.

da esse solet experientia, rudibus facillè imposuē-
rant Hæretici, delinētis præsertim licentioris vi-
tæ illecebra, quam Erebo missi, Epicurea ex dis-
ciplina, Euangelij specie, propinabant sycophan-
tæ, vt numerosos confestim sectariorum greges
ex Ecclesiæ castris abducerent. Vbi verò Patris Sta-
nislai singularis eloquentia, eximia éruditio, &
vtrisque clarior potentiorque vitæ probitas, pro
auito Romanæ Ecclesiæ tuendo ritu, acre ex ad-
uerso certamen concionum instituit, & Lithua-
nos popularis sui luculenta vehemensque aduer-
tit denunciatio, quæ admonebat, ruere vniuer-
sos in certissimum exitium, tùm quasi frenis in-
iectis, plurimorum est inhibita curiositas, cupi-
ditasque noui ritus cognoscendi experiendique,
atque ad Patrem audiendum repentina facta est
animatorum conuersio. Non difficile fuit homini
apprimè docto conuellere fundamenta impiorum
dogmatum, & ea dicendo scribendoque Lithua-
nis vt execranda, sic deridenda quoque propone-
re, quorum apertè reuincenda falsitate, ac exa-
gitandis ineptiis, est felicissimè consecutus, vt
Lithuaniæ gentis copiosas multitudines, sed illu-
strum in primis virorum bene amplas decurias,
ad Catholicæ sententiæ studium reuocaret, ea po-
pularium gratulatione, vt vulgò totius Lithuaniæ
audiret Apostolus. Vilnensi nostræ Academiæ cō-
plures annos Theologicas quæstiones dum inter-
pretatur, magno ingēnij, eruditionisque præco-
nio, quam concionibus non mediocriter stabili-
uerat Catholicam Fidem, eamdem, luculentis
com

commentariis , pro re nata diuulgandis, magnopere affirmavit , & eius profitendæ, ac retinendæ cōstantiùs, alacritatē multis indigenis attulit. Octo eius exstant cōcionū volumina, quibus ingeniosissimæ simul & religiosissimæ se prodit mētis inusitata industria , pietas , eruditio , & erga suos caritas , in Christianorum morum assèrenda disciplina , & integritate Fidei vindicanda , aduersum Calvinianæ Lutheranæque vesaniæ perduelles. Nam qui se incomparabili sedulitate diuinis muneribus excipiendis compararet, proque modo capacissimi pectoris, affusam Diuinæ auræ copiā iugiter hauriret, non potuit non abundare omnium rerū penu apparatissimo, quē, in Christi causa, pro veritate, ac popularium salute assidue propugnantem, deceret. Qui Sacerdotalis prærogatiuæ inexplicabile beneficium , in participanda quotidie Sacrosancta Hostia, exque huius beneficii magnitudine, numquam satis diligenter expensum, Sacerdotis officium suis momentis æstimaret , interpretareturque , vbi religiosissimè Sacris fuerat operatus , homo negotiosissimus, numquam habendis agēdisque gratiis loco excedebat, quin horā solidā in gēna prorsus expleffet. Vnde cū exsurgeret, merum pietatis ignem verbis animisque spirabat. Studium summæ demissionis in eo perpetuum licuit observari, ac in duobus quidem nominatim, quod domi eius erat omnis ferè consuetudo cum Fratribus Adiutoribus, neque vñquam destitit multavi precū & lacrymarum Præsides vrgere , vt ne ipse aliis præcelleret, aut præsidendi prouincia,

uincia, siquando esset iniuncta, liberaretur. Contumelias & iniurias, in Christi maximè tuenda causa, quàm auidè appeteret, exciperetque alacriter, vel vno documento, eoque singulari, procliue sit ostendere. Publica vrbis via ei transeunti Hæreticus puer, siue ab insito petulantia studio, siue ab odio Catholici ritus, & notæ virtutis in homine, os ei fœdissimè consputauit, sed tam æquo animo, placidoque vultu cõtumeliosum ludibrium accipienti, quàm tenellus pusio impressum a matre suauium. Non perinde tamen accidit ad oculos Catholicæ matronæ tam indignum facinus, quæ sancta æstuans iracundia, pro sceleris grauitate vltum ibat importunam pueri procacitatem: quod dum exsequi contendit ardentius, seditionem in vicinia pænè concitat, accensis contra eam, adeoque ipsum ius, aduersarum partium studiis. Bonus verò Pater, cuius vnus agebatur causa, cum pia muliere supplex agit, vti honesto studio susceptam sui honoris defensionem, honestiore contrà Diuini ac sui etiam honoris ratione deponat: Nam si honoris causa huiusmodi estimanda sit, nihil sibi honorificentius, nihil suæ professioni congruentius posse obtingere, quàm vt Christi nomine contumeliis obruatur: qua sui animi testificatione, & mulierem admiratione virtutis defixit, & nascentem in plebe tumultum momento compescuit. His affectum sublimium rerum sensibus & studiis hominem, inque horas singulas ad maxima quæque decora se concitato cursu prouhentem, id excepit genus mortis, quod
insigni

in signi sanctimonia transactum longioris ætatis curriculum præfagiret. In ipsis regni visceribus residentium Hibernorum militarium diuturnitas, sæuitiaque, barbaro quodam vexandi genere, non acerbissima dumtaxat, sed propemodum funesta & agris, & ipsis fuit urbibus, quòd eorum tota ratio, castrensis moris commeatibus exigendis, hostili vastationi propior erat, quàm quæ meritò timeri debuisset ab indigena exercitu, tametsi petulantissimo. In tam aspera prædiorum villarumque populatione, cum rusticana plebs spoliaretur funditus, necesse quoque fuit nos, cum villicis nostris directos, omnibus fundorum mercedibus destitui; cui calamitati & aliud infortunium accessit, ut frumentaria nobis annona, quanta erat domum coacta, in horreis inopinato incendio deflagraret. Miles porro, parum bene de nobis meritis in agris, nostram operam opemque exoptavit in vrbe, ac beneficam sensit, cum minimè cogitaret. Enimverò urbana plebs, præter factas domi forisque iacturas, quotidianis in vrbe vexata castrensis turbæ molestiis iniuriisque, ubi eam tædere cœpit tam diuturnæ nefariæque crudelitatis, signo dato concurrat ad arma, factoque impetu in palantes incautasque decurias, diram momento carnificinam vrbe tota excitauerat, cum nos prodiimus, multosque militum certo exitio subtraximus, nec sine capitis nostri periculo. Fœdam profectò morum corruptelam inuexit militaris licentia, manipulis otio, ganeis, in urbana copia, solutis: nostris tamen Scholis sua in hunc diem facta

farta rectaque mansit disciplina, & eluxit nonnul-
lorum insignis probitas, animique fortitudo in
propulsanda proteruita. Præcellenti forma & pu-
dore adolescens diuertebat ad honestum ciuem,
cuius parum pudica cohiux multos dies inusitatis
blanditiis insidiata iuueni, vbi aduertit castum
pectus non emolliiri lenocinio, aperte importun-
neque ad societatem stupri eum appellat. Ille
procacitatem impudicæ feminæ demiratus, nihil
aliud, quàm modestè retulit, si quidem de amo-
ribus agatur, vni Cælitum Reginae suos amores
se addixisse, cæteris feminarum abdixisse in perpe-
tuum: quibus verbis Circem illam funestam ab se
ablegavit, moxque in conclaue abditus, duram
verberum grandinem suis incutit humeris, amo-
liendæ ab se procul damnati scorti flagitiique me-
morix, ac inde rectà in Collegium adit, suum pe-
riculum Confessario nunciaturus. Noui Euange-
lij futurus olim præco sedulam apud nos operam
litteris nauabat, quibus aduersùm magistros ali-
quando vteretur: atque, vt tectior esset perfidia,
sacrilego animo, quæ sunt Catholici hominis offi-
cia omnia, in nostra æde obibat, dum inter audien-
dam cohortationē, ad discipulos certo die habitā,
Deus ita eius animum perculit, vt diuturnum fla-
gitium exsecratus, mox sese aperiret nostro Sa-
cerdoti, & germanum Catholicum deinceps age-
ret. Ex variarum Sectarum colluniæ octogena ca-
pita in vnam, & eadem vbique sentientem Eccle-
siam coaluerunt. Beati Kostkæ suos inter popu-
lares frequentia sunt prodigia, & Posnaniæ qui-
dem

dem hoc anno septena obseruari contigit, de quibus illa maximè insignia, quòd Matronæ perpetua laboranti abortione felicitatem partus attulit, ternosque ægrotos insanabili morbo absoluit.

R E I familiari nuper afflictæ grauitè, accessit insequente anno labes Florenorum quinquies millenûm, amico, indigenaque exercitu, hostilem in modum grassante totis agris: leuis tamen hæc plaga censerì possit præ ea, quàm inflixit & nobis, & maioris Poloniæ incolis, occasus Patris Ioannis Conarij, septuaginta & quattuor annorum senis, cuius quinquagenaria opera fructuosissimè vsa erat Societas, digni certè, qui æternûm viueret, si & eius merita inspectarentur, & Poloniæ nobilitatis vniuersæ vota audirentur. Huius Collegij Rectorem vicanos, Gymnasij Præfectum plurimos annoa egerat, Concionatorè fere perpetuû, quibus administrandis muneribus vniuersi Cleri, Nobilitatis, cæterorumque Ordinum, animos ita sibi deuinxerat, nihil vt apud eos esset toto regno carius, nihil gratiosius, honoratiufve; sed nominatim viri nobiles, ac mendici, honoris & amoris indice vocabulo, suum patrem, cætera nomenclatione tacita, vulgò appellabât. Facile nequeat iniri numerus pacificationum, quarum arbiter felicissimus fuit, & quidem grauissimis in rebus, primarios viros inter, & conuentus, periculosè dissidentes. Quidquid fermè Dynastarum ad Catholicos ex Hæreticis rediit, tota regione, id eius industriæ acceptum est ferendum: quam in recensionem veniunt & oppida ipsa quædam integra, quæ

quę cum suis Satrapis Ecclesię restituit. Extremam porro vitę clausulam egit apud nostrum Antistitem, qui eum sibi à Confessionibus præfectum legerat, vbi cū die quodam Sacris religiosissimè vt solebat, operatus, curru veheret, inter decurrendum Marianum rosarium, pæne sine sensu animam exhalauit. Eius obitu indoluere vniuersi Ordines acerbius quàm dici potest, sed nobilitas omnium grauissimè, cuius illę voces diu auditę sunt: Luctuosum hunc annum duris calamitatibus sibi accidisse, sed eius viri occasu probis viris nihil potuisse cōtingere calamitosius. Triginta ex lulentis hæreseon lacunis emerferunt, quos inter nobilis virgo, vna pedissequa conscia, ementito vestitu clam ad nos adiit, vt graue sibi hæresis spoliū exueret.

CALISSIENSE COLLEGIVM.

VT vix indigenarum quemquam intactum hac vniuersa regione reliquit militaris violentia, sic neque huic Familię condonauit, tametsi longè mitius cum ea egit, quàm cum vllō Calissiensium ciuium. Regni rebus perquàm turbidis, huius Proincię fluctuantem statum conuulsura videbatur duorum ex Proceribus diuturna simultas, quę in hostiles, apertasque inimicitias eruperat, populariumque studia in geminam pugnantium factionem distractum ibat. Eis reconciliandis primarij quique prouincialium in priuatis amicorum cœribus,

tibus, publicisque totius gentis Comitibus, omnes industria, auctoritatisque nervos sæpenumero, sed frustra intenderant: quibus pacificationis spem abijicientibus, huius Collegij Rector, Divina ope fretus, negotium ab aliis desperatum aggredi non est veritus, singulisque seorsum conuentis, post diuturnas velitationes, demum persuasit, ut nostra in æde mutuum in conspectum venirent, ubi, principum virorum prudentia sublatis dissidij causis, tota plaudente ciuitate, ipsorum reconciliata est gratia. Reuerso ab expeditione Moscho-nitica Polono milite, atque hic in Hibernis aliquot mensium stipendia exspectante, ne quid molestiæ ab eo discipulis nostris, quocumque nomine, inferretur, Nobilitas, ex Comitibus missa ad cohortium Præfectos legatione, diligentissimè admonitum voluit, professà, præ adolescentiæ institutione, se reliquas suas iacturas facillè contemnere. Sebastiano Chodeliensi, vndecim annorum in Societate, hic annus extremus fuit, vnde fecit initium capiendæ mercedis, quam ei fortis fidelisque opera curandæ rei familiaris, in cælo pepererat.

Insequente anno ex secunda Grammaticæ schola, cui præsidebat, in cælum euolauit Ioannes Schiidloroski, annorum modò quattuor in nostri Ordinis militia, sed pro stipendiorum paucitate, multiplices eximiarum virtutum palmas adeptus. Per octonùm mensium Hiberna militem assidua opera excoluimus, effecimusque, ut illatas rustico iniurias vel pecunia compensaret, vel cer-

tè ab se laesum esse doleret, cui non posset rependere: seruitiis autem plerisque iniecta est religio rapinae herorum iussu contrahendæ, ut auderent iniusta imperia, in huiusmodi flagitiis, detrectare. Quinquaginta seu Hæretici, seu Schismatici ab sectariorum foedo commercio penitus abducti Catholicis se adiunxerunt.

LVBLINENSE COLLEGIVM.

SA C R A Martyrū trium ossa, Roma huc ad nos transmissa, magnificentissimæ pompæ perquam læto triumpho per urbem circumueximus, indeque honorificentissimo condidimus loculo, gestiente gaudiis vniuersa ciuitate Futuræ transuersionis nuncius uti erexerat Catholicorum animos exspectatione iucundissimi spectaculi, sic factionem sectariorum mœtore graui afflixit, ut publico decreto sibi aliquot dierum inedia indicerent, spectaculo eiusmodi auertendo, rati eam gratiam sibi concessum iri diuinitus, ut, turbidum per eos dies cælum, impensius turbaretur, & nos sæuæ tempestates sacrilegio, ut ipsi loquebantur, & impietate prohiberent. Sua illa insana spe, ac sceleratarum precum fiducia, tantisper sunt elusi, dum illuxit triumpho sacro dictus dies, qui ex turbidissimo repente vertit in serenissimum, ut vix meminissemus pridem tam claram lucem huic urbi affulxisse. Graui pœna sanxerant Hæretici, nequis sui ritus pompæ sacræ interesset, neu etiam oculo

oculorū curiositatem eò adiiceret : quamobrē Senatoria matrona peregrino habitu velata, ne proderetur, vt cupiditati faceret satis nostram in eodem penetrauit, cui cum omnia nostri ritus valdè probarentur, futuræ transitionis spem nobis fecit nō modicam. Equestris Ordinis Hæreticus, audiente Catholica, non potuit linguam tenere, quin conuicia per iracundiam iactaret in Martyres, quē pia mulier admissæ noxæ subitò admonuit, adiecitque illam ipsi non futuram impunè, nec inania præfagiuit, morbus enim properè inuasit in conuiciatorem, qui haud immemor denunciata diuinæ ultionis à matrona, Pattem de nostris aduocauit, moxque abdicata hæresi, religionis in Cælices plenus, ad Catholicos transiit. Lublinensis ciuis coniux, desperata per eos dies, valetudinis, ab supplici cōiuge, secundum ægræ lectulum, Beatis Martyribus commendata, post paullo penitus conualuit.

A L T E R o anno asperi creditoris vexationum, atque inde ipsius vitæ, pertræsa mulier, crudele in semetipsam parricidium destinabat, eoque animo conclaue ingressa, præ multo mœrore se dedit in lacrymas, postque paullo, degrauante corpus tristitia, corruit in lectulum. Continuo ei adstant ad latus Erebo missæ, laruæ geminæ, Monachorum ornatu, quarum altera; Torqueris, inquit, alieni æris magnitudine, & acerbitate creditoris, sed tu mihi caue tua syngrapha, & hic meus Frater numeratæ pecuniæ, quoad satis sit, mox afferet, vnde nomina dissoluas. Inhorruit

misera, & Tartarei grassatoris agnouit insidias
 quibus vt se expediret, porrecta ad frontem ma-
 nu, impressura erat Crucis signum, & filium è
 propinquo inclamatura, nisi dexteram laruæ di-
 stinerent, & os occluderent. Filij nomen ei reuo-
 cat in memoriam Beatum Paullum, cui sacer ille
 dies erat; & ad opem eius exposcendam animos
 facit, quem vt magno enixa conatu tandem ap-
 pellarat, vti fulminè afflatæ pestes illæ, desubito
 assumpta equina specie inde auolant. Hic aduer-
 sus casus illius tantò funestioris mulierem admo-
 nuit, in quo versaretur, cùm impatientia mole-
 stia suam necem meditabatur: quamobrem rectà
 nostrū ad Sacerdotem accurrit, eius ope, grauitè
 faucio animo factura medicinam. Viduæ non ad-
 erat vnde pupillos aleret, ad Arianos igitur transi-
 tionem cogitat, vt inde stipis aliquid corroget,
 egestatis suæ solatium; & eius rei gratia subito
 contendit ad conciliabulum Arianæ factionis. Ad
 fores iam peruenerat, & ingressum parabat, cùm
 occulta manu est incussa ipsi alapa tam validè, vt
 quattuor ipsos menses in affecta mala liuor adhæ-
 resceret: vt ei iam dubium esse non posset, quin,
 inuito atque vlciscente Numine, grande scelus
 fuisset exorsa. Afflicto igitur animo, & inopia &
 grauis noxæ memoria, domum regreditur, per-
 que viam obruente animum tristitia, se humi ab-
 iccit, cuius calamitatem miseratus Deus, septen-
 nos nummos, ex officina recentissimos, ei iacenti
 apponit ad latus, quo beneficij genere disceret,
 quò sint angustia maiores, eò certius esse Diuina
 ope

ope confidendum. Vnde uiginti variarum hēreseon
pedicis explicati, tanto sanctioribus, ac lætioribus
vinculis Christianarum legum se volētes adstrin-
xerunt. Septuagenario rustico semel dumtaxat per
omnem vitā, & adolescentulo quidem obtigerat
Confessionis piaculo animum curare, cui vicinū
in pagum accersito accidit, audita vnus de no-
stris concione, ad Confessionis studium vehemē-
ter commoueri; sed ne stimulantī Deo in præ-
sentia obsequatur, à seipso petit inducias, & repu-
gnante licet conscientia, etiam extorquet, domū-
que iter intendit. Ei vadenti adolescens peregrī-
nus fit obuīam, manuque prehensum percontatur,
velitne iam noxas confiteri, uti senem decrepi-
tum deceat, atque Christianum: tum ille, Cæ-
lum, inquit, voluitur, diemque ducit de die, &
ducat deinceps, ut mihi liceat facere, quod po-
stulas: iam enim negotioso non satis mihi licet.
Contrā iuuenis, nisi exsequeris actutum, quod
iubeo, ecce in lacunam hanc te præcipitem ago:
erat autem præalta lacunæ fossa, & liquatis ad
summum plena niuib. Periculi metu perculsus
senex, Iesu nomen inclamat, cui adolescens: **Qui**
tu, stolide, sacri nominis tutela studiosius vteris
in salute procuranda? quibus verbis à rustico Cō-
fessionis obeundæ promissum expressit, continuo-
que euanuit. Eo ex oculis sublato, promissorum
immemor vetulus domum abibat, cum aliquan-
tum progressō se iterum sistit, subirato vultu, idē
peregrinus, iniecta que in perfidum manu; Num
inquit, mihi pergis, Deoque illudere? inter quæ

verba miserum in profundam cloacam, pæne ipso metu exanimem, proturbat. Illi tamen, Iesu nomen appellanti, manum porrigit, è fossâ grauitè perculsum eximit, iussumque confestim adire ad nos in urbem, ab se dimittit, quo, adhibita coniuge comite, venit adeo territus, ut vix vel pedibus confisteret: cui maximè salutaris fuit illata vis ab homine ignoto ad vniuersam vitam seriæ Confessionis spongia detergendam. Vngaro, nobili viro, incesserat cupiditas cum Sacerdote nostro congregiendi, ut ei se probaret fortem peritumque suæ sectæ propugnatorem: cui noster condicit in crastinum, suas eo die causatus occupationes audiendis Confessionibus, monito intereâ si cuperet felicem exitum eius congressionis, uti vnius veritatis studio iniret certamen: quare, memor cultus Deiparæ Virgini à maioribus suis impensè, eam sibi agnoscendæ veritatis per preces magistram adscisceret. Secundùm hæc verba digressus, codicem sibi mutuum sumit Hæreticus à Ministro, eiusque lectione ad dimicationem se comparare instituit, priùs tamen in abdito conclauis, ut iussus erat, Mariæ Matris opem in genua prouolutus exposcit, inde assidens suam lectionem aggreditur. Sed ei, vix oculos in apertum volumen demittenti, augusti oris formosissima virgo adstitit, excussitque procul è manibus damnati argumenti codicem, intentatis minaciter pœnis, si pergeret porro legere: qui tamen siue audaciæ ostendendæ, siue ab impotentia mentis, librum humi colligit: quam ad contumaciam, ex-

cande

candescenti similis Virgo iterum , sed asperius , librum deiicit, additque seueræ expostulationis hæc verba: Hæccine promissorum fides , quibus te adstrinxisti , cùm inter precandum me consuleres? Tantum verborum locuta cum indignatione , lumen exstinxit, & abiit, vehementer emollita hominis contumacia , cui Numinis opem intentius appellanti , tota nox , insomnis fermè in eodem vestigio effluxit , vt qui sacro horrore defixus, pedem è conclauì efferre non auderet. Postera verò dies vix illuxerat, cùm accurrit ad nostrum , ad eiusque pedes abiectus, vbi paucis rem gestam perstrinxerat , accenso animo hæresim est execratus: quem si reliquis adiungas , vel domi , vel foris quadraginta omnino Hæretici aut Schismatici esse desierunt.

LEOPOLIENSE COLLEGIVM.

DE C E M & septem annos meruerat in nostris castris Pater Petrus VVrede , Pruthenus, ferè duodequadragenarius, cùm eum febris ardentissima, in medio honestissimæ contentionis cursu, oppressit. Prussiæ laxissimi fines ipsius industriæ campus obtigerant affirmandis in auito ritu , & probitate morum Catholicis , Hæreticis à falsitate abducendis , quam prouinciam incenso animi ardore, multaque dexteritate , ac paribus vtrorūque commodis obibat. Præter quattuordecim ab Schismate , sex ab Hæretico cœtu abductos , Ha-

licienſis diœcelis Rutheni omnes magno numero Popi vnum in conuentũ coacti, perſuali ſunt rationibus idoneis , vt deſciſcerent ab Schiſmatico Epifcopo , concederentque in iurisdictionem & Sacra conſentientis eum Eccleſiæ capite Antiftitis, quod & reipſa fecerunt. Anno biennij huius altero , Andreæ Galcziński , optimo adoleſcenti, obitus accidit feliciffimus , cùm exſpectationem concitaret ſingularis virtutis , & magnorum facinorũ in Societate, ſi diutiũs vita ſuppeteret: ſed iis meritis; quorum præſens eſſet copia , contento Deo viſum eſt eum maturiũs ad præmia euocare. Seceſſionem à Chriſti Vicario quinque & triginta nobis auctõribus damnauerunt, prauam in Fide ſententiam vndecim. Proſecti de noſtris nonnulli cũ exercitu ad regnitutandos fines , aduerſum ingruentes Scythas , præter altam rei Chriſtianæ ignorationem , in milite deprehenderunt perpetuam rerum ſacrarum cum Schiſmaticis communionem, & cætera vitia, quæ huic confuſioni commitari ſolent , quibus abolendis haud mediocriter deſudandum fuit.

I A R O S L A V I E N S E C O L L E G I V M .

SEXAGESIMVM alterumque natus annum Pater Staniflaus Alandus , in Sociis quadrageſimum agens , Spiritualis Adiutor , niſi vicenariæ herniæ grauior ærũmna vires affligeret , neque ſeneſcæ , neque aſſidui laboris vlla vi fractus, nobis

bis tandem decessit cùm eius industria esset maxime frugifera. Sicut ardentem animum attulerat Russis ad vnum Ecclesiæ Caput adiungendis, sic erat in eam rem Diuino munere singularem nactus industriam: vt hos non minùs quàm Catholicos, quàm priuatis congressibus, quàm concionibus publicis, maximopere commoueret. Insitam sibi naturæ ductu misericordiam aduersùm infirmæ fortis egentes homines, assiduo studio ita pro-uexerat, vt in eis procurandis miraculo proxima ei quædam succederent, dum sua manu parata herbarum medicamenta ægrotis adhibet, vnde grauium sæpe morborum vis omnis profligaretur. Eorum greges alebat sua industria, qua beneficentiæ illecebra parabat sibi animorum docilitatem, vt se doceri salubria paterentur, quod animi pabulū vt eis instillaret, mirum erat, quàm tetri halitus loca quotidie subiret, quàm tabidis, quàm cadauerosis, & vel ipsa specie horrendis cum hominibus perpetuò consuesceret. Prodigio simile fuit in homine, qui tam acerba iugiter pateretur, tantum superfuisse viriū, vt tam assiduam, tam difficilem ipse morbosus operam nauaret, cui Deus, pro ea scilicet ferendorum cruciatuum alacritate, qua multum valuit, id prærogatiuæ loco tributum esse voluit, vt in sauiissimis herniæ doloribus, quasi vnus de Martyrum decuria, vitæ inuneribus tandem defungeretur. Patri Ioanni Buconio lōgè breuior fuit cum morte dimicatio, cui letalis febris biduum dumtaxat reliquum fecit, ad viam in cælum præmuniendam, diem neutiquam

breuem ei , qui se vndecim annis totis in Societate studiosissimè comparasset, sed valdè compendiarium tam diuturnis , tamque certis bonis in cælo perfruendis. Homini Valacho tam hebes ingenium obtigerat , tamque praua educatio , vt eius mentem nulla vel Numinis vel religionis subiret vquam cogitatio ; cum tamen frequens iniret nostram ædem in Principis comitatu , concionibus audiendis , & obseruanda cum ciuium , tum iuventutis nostræ multa erga res Diuinas veneratione , & assiduitate precum , cœpit non mediocriter commoueri , suique status deplorandam rationem agnoscere , ac eam denique cupere fortunatiorem. Heræ igitur suæ , Principi cum primis religiosæ , supplex accidit ad pedes ; oratque vt hominis infelicissimi curam suscipere ne grauetur , tradatque alicui salutaribus documentis imbuedum. Nihil famulo poterat euenire opportunius , nihil dominæ optatius , quàm vt hæc ad eiusmodi causæ patrociniū vocaretur , cuius voluntate mox nobis traditus est erudiendus admodum rudis Tiro , sed qui discendi cupiditate vinceret incredibilem naturæ tarditatem. Bis ad nos quotidie ventitabat ardenti disciplinæ studio , atque tametsi parum proficeret , mirabili constantia seipsum ad condiscendum vrgebat: cumque singulis diebus , multa contentione , vix singula verba memoriæ commendaret , ingentem vim stupidissimo inferebat ingenio , vt fidei rudimenta in animum subirent. Ex tam supina mentis tarditate ansam illico arripuit Erebi latebra erumpens insidiator,

impor

importuniffimi tædij in tenebricosum pectus infundendi, si qua fatietate duriffimæ palæstræ, hominem eius maximè insolentem, ad eamque omnino minimè idoneum, à cura salubrium commentationum possèt auocare. Sed contrà, quàm funestus interpellator cōiiceret, fecit ea oppugnatio Tironem nostræ consuetudinis disciplinæque cupidiorē, quòd deprehenderet, intolerabiles illas delusæ inquietæque mentis molestias tranquillari penitus, simulatque se ad ædium nostrarū fores appulerat. Polonici Regni Senator quidam, inter eius Ordinis viros auctoritatis summæ, probitatis verò non disparis, ex quo apud nos Diuina piè meditandi rationem hausit, numquam illius formulæ codicem è sinu dimittit, nulla vel occupationum multitudine, vel difficultate itinerum horariæ meditationis secessum patitur sibi vniquam detrahi: quin ad quotidianum eiusmodi pensum sui comitatus honorarios ephebos idētidem cohortatur, frequenterque argumentum piæ commentationis excipientibus ipse suppeditat. Comitiali morbo absolutus est annorum septem puer, viri Nobilis filius, huiusmodi affectu antè habitus grauissimè, vbi primùm eius pater, nostra in æde, Beato Martyri Valentino ea causâ supplicauit, ad eumque sistendi pueri voto se obligauit: idēque Iaroslauienti puello trienni, & in eiusdē vitij calamitate accidit. Penetratum est à nostris in fines Vngariæ, ac in eò confinio prædonibus, montes latrociniiis infestos habentibus, iniecta est mens melior, & latrocinandi est adhibita religio:

Hæc

Hæreticis persuasum, ut extemplo decederent Ecclesiasticorum fundorum possessione, quos per vim annos multos occupauerant; coniugatis Sacerdotibus incestarum nuptiarum est illata verecundia, atque pœnitudo. Principis Ostrogianæ filia; natu minima, inanum curarum nuper æstu concitator, ex quo nostra in scena Beati Crispi res gestas spectauit, cum sibi patronum legit, & perpetuum conformandæ vitæ archetypum, cuius vitam libello descriptam numquā ponit de manibus, & viuendi tenet institutum, quod omnes noti demirentur, probissimi quique mirificè prædicent. Martino Ploski, strenuo rei familiaris administro, vita plerisque in Collegiis religiosè trāfacta, ineunte anno posteriore, felicem occasum peperit, spemque melioris æui fruendi attulit. Grauioris noxæ vicanos annos rea mulier, &, quod vulgo creditum est, vindice Numine Comitalem affectum diutissimè passā, nostrorum cuiusdam frequenti hortatu permota vouit Beato Valentino, se ad eius nostro in templo aras supplicem adituram, & quidem precario viatico, quò ubi primum aduentauit, deterfam sibi sensit fœdi morbi molestiam, incolumisq; in hunc diem perseuerat.

LVCEORTENSE COLLEGIVM.

ADAMO Bakonski, ætatis anno vicefimo sexto, è puluere Grammaticæ palæstræ ad perenne cælestis vitæ gloriæque stadium obtigit
feli

felicissima transitio, in septenarium æstiuorum in nostra militia expleuerat, summa disciplinæ obseruantia. Moschorum in Polonia numerosissimi versantur greges, post vastatam à Polono exercitu Moschouiam, quorum vix vllus Romanum agnoscit Pontificem, Græcanicis præterea erroribus inquinati sunt eorum plerique, frequentes tamen ad nos adeunt, & Sacramentorum sibi copiam fieri, vel nostro more, postulant ita, vt si suo merito repulsam ferant, velut affecti grauiore iniuria, offendantur. Euicinus tamen rationibus, & quoties etiã res tulit aperta & seria denunciatione religionis, qua prohiberemur, vt, ægre licet, æquo tamen animo, suis exclusi postulatis, abscederent. Foris vicanos senos à Schismatis studio auocauimus: Principem Græcanici ritus, sua sponte in nos bene animatum, officiis ita demeruimus Societati, vt eius causa se nihil non cupere ostendat. Vocatu ipsius Christi Natalibus eum adiuimus, & in templo Græcanico per eos dies defuncti sumus omni munere Catholici ritus, stupentibus Popis, ac etiam rationem nostram collaudantibus, siue non aduerterent, siue dissimularent, se à Principe, præ Romanarum partium Sacerdotibus, esse neglectos. Præterquam quòd in Societatem hic est liberalissimus; quos ei caros esse nouit, in eos quoque beneficentiam confert amantissimè, quo nomine, nuper Contubernio egentium discipulorum aream percommodam emit, eidem annua vectigalia parat constituere.

Altero anno decessit Albertus Baltrouici, hoc est, decimo septimo quàm familiares operas fidelissimè

fortissimeque Societati dedit, cuius virtute Calis-
fiense Collegium bis olim conseruatum est, cum,
pestilenti tempestate dilapsis pene omnibus Sociis,
ipse animi plenus residuorum, qui diro afflatu ex-
stinguerentur, funera suis manibus procuraret, fa-
miliæque rem omnem sartam & rectam custodi-
ret. Slaunonicae linguae scholam excitauimus, in
gratiam Russianæ iuuentutis, gymnasium nostrum
frequentantis, quod illi genti hæc lingua ferme
sollemnis est in Sacrorum procuratione: cui no-
stro instituto Iosephus Rustki, Catholicorum Rus-
sorum ritus Græcanici Archiepiscopus, omnem
suam opem detulit, destinata nobis in eam rem
librorum copia, magnopere delectatus multipli-
ci Slaunonico carmine, quo cum nostræ Scholæ
ad nos visentem consalutarunt.

TURONIENSE COLLEGIVM.

N I H I L sibi reliqui faciunt Turonienses Ma-
gistratus Hæretici, quo possint nostris incō-
modare scholis, ac eò magis, quod eas numero au-
ctas vident, adiecta hoc anno Humanitate, dis-
cipulisque quàm olim frequentiores. Nihil porro
sua consuetudine alienum tentauere proximis
Comitiis, cum, largitionibus & multo ambitu cō-
parata factione potentium virorum, eas publico
Prouinciæ decreto dissolutum iri, falso tamen, cre-
diderunt; vt minùs mirum sit, quod duos disci-
pulorum nostrorum bimestri captiuitate vexarunt
in car

in carcere , quasi vnum Hæretici ritus adolefcentem , cui consueſſent familiariter, ad noſtras Poſnauienſes Scholas induxiſſent. In multa peruicacia indigenarum deerrantium in rectæ Fidei capitibus , ingenti compendio apponendum eſt, quod ab erroribus paſſi ſint auocari ſe quattuordecim. Hæretica pueſta , in grauiore morbo, vnde poſteà interiit , duas horas omnibus ſenſibus abalienata iacuit , vt animam exhaſſe putaretur, quo ex ſopore cùm ad ſe rediiſſet , vnum de noſtris Sacerdotem , quo vteretur ad procurandam animi ſanitatē , frequenter appellauit , cui properè accurrenti Hæreticorum manus fores obdidit , planeque prohibuit aditu: cùm ægra interim non deſiſteret adſiſtentem ſectariorum turbam commonefacere ſui periculi, ac vehementer hortari, vt dānato abſtinerent ſano ſuo , Sancti Ioannis ædem, id eſt noſtram , ſtudioſè inirent. Per viſum ſibi oſtenſos memorabat de ſuo conciliabulo numeroſos greges, quos decliuīs, & laxiſſima via , conſertos ad horrendos flammarum cruciatus deuolueret , ac nomine designabat non paucos : Catholicorum verò exiguos manipulos anguſta ſemita euehi ſuſum ad gloriā. Sed neque narranti eſt habita fides , neque obſecranti conſeſſum , vt ſibi adhiberent Sacerdotem ; vt iis ſubſidiis deſtituta triduo vita deſungeretur. De primoribus Hæreticorum ſæpe deprehenduntur orantes in ædis noſtræ angulis, quos Romani ritus cupidos prohibet metus Magiſtratum, ne ſuo animo faciant ſatis. Extraneus Miniſter arentes multa ſiti fauces , & vacuum

cum ventrem huc attulerat, qui ut hunc ingenti opsoniorum mole saburrauerat, illas verò frequentibus sextariis meraciùs perfuderat, impotens degauantis saginæ, pronus decidit è fenestra, effusoque cerebro, substratum pauimentum cruentauit: cuius tamen occasum de Adscriptitiiorum Patrum decuria nescio quis laudauit pro concione: indignum forte, qui, nisi Heroum alicuius auspicata manu, occumberet, ac Liberi Patris maxime sopitus lagena.

POSTERIOR ANIUS Rhetoricam, Germanicæque linguæ publicas exercitationes, Gymnasio nostro adiecit, vnde ipsi conciliauit è Nobilitate castellana multò frequentiores auditores, ideoque apud Hæreticos Magistratus tantò acriorem inuidiam, quam sollemnium Rogationum statis supplicationibus, manifestò præ se tulerunt, interposito edicto, ne quis publicè supplicaret, cui cum neque nos, appetiti nominatim eo decreto, neque de Clero vllus obsequeretur, intercludendo supplicantibus itineri, vias passim catenis obtenderunt, ad quæ repagula ordinatorum prodeuntes obuium armatorum agmen telis, & aduersariis infessa summa ædium, lapidibus nos prohibuere transitu. Ingentes factiosorum armatæ copiæ, quæ sibi Fœderatorum nomen adsciuerè, tota pæne Polonia prædonum ritu grassantur, omnibus agris oppidisque infestissime, dū nescio quid legitimorum stipendiorum, quibus se fraudatos aiunt, dependatur, quibus prædatoriis legionibus, ut hoc Regnum absolueretur, multum pridem, sed frustra laboratum

laboratū est. Cū ad eiusmodi exercitū, suis adfectorū auspiciis, legationē adornaret Torunienſis Episcopuſ, ſuo comitatui vnum de noſtris adiunxit, quo apud illos graſſatores trimēſtri concionatore uſuſ quā opportunē, corraſſa latrociniiſ pecūniæ vim magnam ex eis redegit, quæ in commune ſarciēdiſ popularium iacturiſ redhiberetur. Eorum etiā pleroſque inceſſit cupiditaſ Sacramēta participandi apud noſtroſ, ſed Sacrorum communio eiſ præciſe à nobiſ negata eſt, quoad legitimē dirimeretur perduellium ſclerata factio, quæ neſariē adſcito ſœderiſ titulo, contra iuſ faſque coiuerat. Vnde uiginti ab infania hæreſeon reſipuerunt, vnus à Mahometiſmo, quem puerum hunc ad Turcaſ abductum, & inter eoſ diu Mahometiſ ſacrificulum, pœnitudo flagitiij tandem in auitam patriam, religionemque redintegrauit. Catholicarum partium mulier in lucem editum recēſ infantem, ſpe lucelli cuiuſpiam, ab Hæretico luſtrari paſſa, eueſtigio acerbis cruciatibuſ, qui octo dierum perpetuam inediaſ inſomniamque parerēt, horrendiſ adiunctā vociferationibuſ, in quibuſ omnium Sacrorum expers interiret. Aſſumptæ in cælum Virgini ſacro die Hæreticuſ Catholici operam erugendæ argillæ conduxerat, quibuſ, ſub meridiem, ad oſ effoſſi ſpecuſ cibum ſumentibuſ, imminens vtriuſque capiti velut quidam fornix terreuſ, repentina ruina occupatoſ oppreſſit, mox exſtincto Hæretico, altero ſeminece, cui, poſt-procuratam apud noſ conſcientiam, nihil ſāctiuſ fuit, quā ex Catholici rituſ formula aſſo-

nes omnes dirigere : mœrore interea defixis
 grauitèr Hæreticis , quòd infauſto eo euentu di-
 uinitus damnatam ipſorum fidem inſidam vulgò
 iactaretur.

SENDOMIRIENSE COLLEGIVM.

TRIVM & ſexaginta annorum valentiſſimus
 Athleta , Pater Gaſpar Nahauis , vota quat-
 tuor profellus , triceſimum primum iam emerit-
 us ſtipendium in noſtris caſtris , non niſi labori-
 bus attritus arma poſuit , & tumultuoſius irrum-
 penti leto conceſſit. Trans Ruſſiam in Scythiſ ſeu
 Tartariſ natus , in Ruſſorum fines populatum ir-
 ruentibus eiꝯ gentilibus , cum patre puerulus
 venerat , cui tenera ætas , ſuâque innocentia ſalu-
 ti fuit, cum Scythicus exercitus, præda onuſtus, in-
 tercluſo ſibi reditu ab Ruſſiſ , interneccione dele-
 tus eſt. Eo prælio feliciter defunctiſ Ruſſiſ , cum
 apud exercitus Prætozem miles capta de hoſtibus
 ſpolia profiteretur , captiuꝯ quoque productus
 eſt puer , cuiꝯ eximia indole mirificè delectatiſ
 omnibꝯ , qui aderant in Prætorio, eum ſibi à mi-
 lite , cuiꝯ eſſet captiuꝯ , Imperator ipſe depo-
 poſcit , & deinceps perbenigne apud ſe habuit.
 Prætor autem poſt annos aliquot aduerſa tentatus
 valetudine accerſitum ad ſe medicum excepit , at-
 que ſemper habuit perhonorificè , quamdiu apud
 eum diuerſatus eſt, eam venerationem demirante
 puerꝯ Scythia , eiꝯque cauſam ab domeſticis cu-
 rioſius

riofius ſciſcitante. Ut verò ex eorum ſermonibus didicit, inſignis eruditionis, & experientiæ ſingularis opinione tantam medico conciliatam eſſe gratiam, auctoritatemque apud viros principes, ſenſit generoſi pectoris puer, paris celebratæ ſibi conciliandæ ſtimulis, animum ſuum haud mediocriter comynoueri. Opportunè itaque uſus heri perſpecta erga ſe benenolentia, rogare inſtitit, uti erudiendum ſe litteris ad ſcholas amādarct, quod ab homine faciliè impetrauit, cui ſumma in puero modestia, morumque grauitas, ut magno-
pere probabatur, ita mirabilis cuiuſdam virtutis antegredientia ætatem documenta præmonſtrabat. Beneuolentiſſimi ergo heri liberalitate verſatus eſt in Gymnaſijs uſque eò, dum emenſus Philoſophiæ ſtadium, ad Theologicas diſciplinās animum appelleret, quas ut Romæ apud nos cognoceret, eius inſtituto peropportunè cecidit, ut per idem tempus e gente Koſtka vir primarius liberis ſuis Romam ſtudiorum cauſa deducendis, regendisque, moderatorem ſibi quæreretur, conſuleretur autem ea de re Gaſparis Scythæ patronum, cui nihil viſum eſt congruentius, quàm ut Gaſparem, expertæ probitatæ adoleſcentem, præficeret muneri. Per eam ſtudiorum quietem ſeriò cogitare Gaſpar inſtituit, quid ſe deinde futurum eſſet, nec dubium ipſo etiam initio ei eſſe potuit, quin ſe Religioſæ militiæ deberet addicere, futurum ſibi olim, alijsque non paucis fructuoſum: cumque ad Dominicanos aliquādiu propendiſſet, aliò ſe poſtea vocari apertè ſenſit, ac ſe Ordini noſtro ad-

iungendum dedit. Quo de suo instituto cum antea per litteras commonefecisset heros utrosque, Comitem Tarnouium, patronum optimum, & Dynastam Kostkam, cuius filiis tum præfesset, ille nuncius mirificè ambo oblectauit, ut profiterentur, nihil sibi iucundius, nihil etiam honorificentius potuisse contingere, quam suis sumtibus in eam ipsem educatum esse Gasparem, ut in Societatis membrum coalesceret, cuius deinde auspiciis fieret vniverso Polonico imperio salutaris. Neque ipsos sua fefellit opinio, Roma enim transmissus in Poloniam, eius plerasque prouincias, & Podoliam, VVoliniam, ac Russiam denique vniversam, tricenaria propemodum opera, sic excoluit, ut, quidquid ferè Catholicorum iis regionibus nunc censeretur, suum ad Ecclesiæ castra felicem regressum Patri Gaspari, animo perquam liberali, acceptum ferre soleant. Animum scilicet ad Societatem attulerat non nisi grandium facinorum cogitationibus plenum, cuius integritatem cum in momēta exaggeraret seuerissima disciplina, procliuius erat nihil, quàm ut eius omnes conatus Deus benevolentissime promoneret. Qui verò suæ salutis, in densissima grauium discriminum turba, rationem prorsus nullam duceret, ubi Diuini cultus propèhendi vel minima se aperiret occasio, cum Numinis prouidentia peculiari quodam studio sibi tuendum sumserat. Apud gentiles suos Scythas grauissimè offenderat, discessione facta in ritum alienum, studioque plurium pertrahendorum ex popularibus ad easdem partes: quamobrem

obrem infensissimis animis frequētes periculosas-
que ipsi struxere insidias, designatis etiam acerbio-
ribus suppliciis, quibus cum comprehensum diue-
xarent: sed miris eum rationibus ipsorum fraudi
sæuitiæque Deus perpetuò eripuit. Quos non fa-
cilè poterat ab adamatis pudendarum
noxarum illecebris, inusitata iis aliquando adhi-
buit remedia, quorum vim fortasse inutilem, ad-
eoque noxiā, si eis alius vteretur, malè tamē affectę
mentes salutarem sibi experirentur, peculiari quā-
dam aura propitij Numinis eius omnibus institu-
tis obsecundante. Quod genus fuit illud mulieri
aliquando intentatum æterni cruciatus experimē-
tum, cū in nobilem matronam incidisset, impu-
ris adeò irretitam amoribus, vt, vsu peccandi
animum obcæcante, paratas flagitiis in altera vita
pœnas in fabulosis commentis, atque insomniis,
haberet, eiusque opinionis obtentū omnes salu-
bria monentium sermones eluderet. In eius collo-
quium cū venisset Pater Gaspar, & contumacis-
simam experiretur, vel inuitam adegit, immisso
digito flammam propinqui funalis tantisper pro-
bare, dum ardoris infestam vim non posset susti-
nere: cuius documenti exitus is fuit, vt non mo-
dò illa inuitanti Patri ad pœnitudinem mox obse-
queretur, sed ex eo etiam momento fœdæ libidi-
nis omni titillatione absolueretur. Acumē, & ner-
uos eius disputantis Hæretici reformidabant sum-
mopere, ac Ministri quidem in primis, tametsi
non quærebat id, vt vicissè videretur, sed vt vi-
cti veritatem agnoscerent & amplecterentur, quod

eius optatum frequenter cedebat ex sententia. Dux Ostrogienſis, ac idem Kiouienſis Palatinus, studio vexandarum Catholici nominis partium, ex Lipſienſi Academia ſubtilem Caluinianum, & argutandi peritum, amantemque, acceſſiuerat, cuius fraudulenta loquacitate, tamquam ariste, Dux omnem Catholicae arcis aggerem ſibi diſturbaturus triduo videretur. Duci familiariter notus erat Pater Gaſpar, Patrem igitur Aulici noſtrarum partium hortabantur, Ducem veniret ſalutatum, ut ſi qua ſe daret inde occaſio congreſſus cum Miniſtello Sophiſta ineundi, eam ne pateretur elabi. Acceptus menſa Ducis Pater, cui argutus Sycophanta etiam accumberet, idonea quaſtione poſita, diſputationis alias cupidior, nunc tamen reluctantem, ad conferendas manus cum pertraxit, atque tamen primum acriter in tuenda Caluini cauſa velitantem, deinde tergiverſationibus ſe regentem, obſtructis captionum exceptionumque cuniculis omnibus, cum breui ad infantiam redegit. Caluinianiſ accidit luctuoſa haec dimicatio, ſed Miniſtello in primis, qui ſuas de Catholicis victorias manubiasque gloriabundus ſoleret recensere: cui iam elingui aliud ſuperabat nihil, quo ſuos gregales ſolaretur, quam ut frigide ſponderet, paratior ſe inſtauraturum ſuis partibus glorioſa iucundaque praemia: ſed diem ex die ducentibus Caluinianiſ, quo ſuum athletam denud producerent, Catholicos eius ſpectaculi avidos afficiebant permoleſte, donec liquido conſtitit, nullam eis horam poſſe illaceſcere, quae

con

contractam superiore pugna infamiam detergeret. Enimuero validis lacertis vibrata veritatis fax, tamen si obluſtanti, Hæretico pectori vim potentior intulerat, multaſque radians luce penetrarat intima præcordia, ut vel invito Sophiſtæ confessionē ſuæ infirmitatis exprimeret, quam tamen diſſimulauit in præſentia. Satis quidpe ſuum ad inſtitutum eſſe ratus, ſi clam conuento Patri ſe aperiret, apud eum ingenuè profeſſus eſt, Catholici dogmatis ſolida fundamenta ſe agnoſcere, ac venerari: quosdam tamen reliquos ſibi eſſe ſcrupulos, quos condicta die Patri proponeret euellendos, in nulla deinde futurus mora, quod minùs ad Romanum ritum rationes ſuas, ſequē ipſum totum apertè tranſduceret: neque plùs triduo expediendis dubitationibus conſumto, hæreſin interpoſita repudiatione procul ab ſe adſpernatur. Inde Academia Vilenſi prolixè commendatus epiſtola Patris Gaſparis, in Seminariumque Pontificium admiſſus, ſeriò ad ſuperiores diſciplinās adiecit animum, quibus excultus, luculentò edito commentario, ſectariorum fallitatem multa cum ſua laude, ac voluptate Catholicorum refutauit. Sed pæne quotidiana fuerunt Patri Gaſpári ſpolia decoraque huiuſmodi præliorum; quibus aut hæreſibus, aut moribus mortalium deprauatis, diras clades inueheret; ſed eos triumphos, ut ne diuturniores Eccleſiæ Dei conciliaret, inmodicis concuſſa laboribus ſenecta eum præpropèro ſtratum occaſu abſtinuit.

• A L T E R quoque annus vnum de Familia de-

cerpsit, Matthiâ Ianoroïci, gente Lituanum, quinquagenario grandiore, cuius ætatis partem æteram ex æquo Societati fidelissimè impenderat, perpetuis coquinariis operis, vnde se aliquando leuandis laboribus exentum à Præside, prædemissionis, & caritatis in Socios studio, doluit magnopere, nec precib. vrgere destitit, sua vt ei Sparta redderetur, cui strenuè procurandæ immortuus tandem est, plenus meritis, celeberrimè inter suos Religiosissimi viri præconiis. Iudaismum detestandi exuendique causam habuit vnus inquietæ mētis perpetuos angores, quibus derepente absolutus est, cum ad Christianos sincero animo transisset: cuius transitioni accessere decem Hæretici, atque in his Iudæa, quæ olim Christiana, cui Ariana hera desertionem Fidei fraudulenter induxerat.

C A M E N E C E N S E C O L L E G I V M.

R V s s i quattuor & triginta in Romani Pontificis iurisdictionem concessere, ac præter hos, Græcæ secessionis Macedo, & Armena mulier. Viri principes duo Hæretici, nobiscum congregiendi finem non faciebant, conferendique de Fidei capitibus, quod eis nostræ sententiæ ratio maximoperè arridebat, sic tamen vt in luto hærent nihilominus: sed eorum alteri apud Moldauos legationem gerenti, Patris Scargæ per oriū lectæ conciones hæresin auellerunt ex animo: huius exemplum, & auctoritas, errores veteres damnantis

nantis, pertraxerunt sociū quoque in rectè sentien-
tiū gregem. Quaternis Sociis in Vkraïna, regione
latissima, perpetuò degentibus, ab omni pæne
Christiano subsidio deserta ora, negotij multum,
exiguam in præsentia sui laboris messem, attulit,
spem tamen fecit post diuturniorem culturam fru-
gis vberrimæ. Quæcumque cogitari possunt in
Christiano populo, præter ipsum nomen, ea omnia
deerant istis hominibus, & eapropter supplenda,
pro præsentibus copiis, fuerunt. Quòd autem nec
Sacerdos ullus, nec conuentus habendi locus
suppetebat, viginti totis oppidis, quæ, ab ineun-
te Quadragesima Octobrem ad mensem, noster
Sacerdos semel iterumque decurrit, ædes amplæ
cogendo cætui; & ciuium religiosissimi, regen-
dis sacris conuentibus, & piæ lectioni per festos
dies habendæ, ab nostro destinati sunt. Dara est
insuper opera, vti Procerum sumtibus cuiusmo-
di octona sacella excitaretur ad tempus, ne plebs
sacrarum ædium penuria omnem memoriã Chri-
stiani exueret, à quo iam erat iusto ampliùs aliena:
quibus procurandis effectum est, vt sensim & Sa-
cramentorum & Cærimoniarum vsus abolitus re-
uocaretur, & quidem apparatu, quàm fieri po-
tuit splendidissimo, vt hic Diuinæ rei splendor
in gente incultissima augustiorem venerationem
concitaret. Vinnicæ, in eius oræ oppido primario,
duo Socij sedem nunc habent perpetuam, ubi
Catholicis sua est ædes, & ab assidua nostrorum
cura Christiani ritus paullò splendidior species,
quàm in regione reliqua: cui oppido cum inris-

dictione imperioque, more ac nominélatione gen-
 tis, præest Capitaneus. Ad hoc munus euehi con-
 tigit hoc anno Ruthenici Schismatis virum pri-
 marium, cuius alienior mens ab nostro, & Catho-
 lico nomine, nec iniuria metuebatur: vnde tan-
 to studiosius eum suæ causæ nostri demerendum
 arbitrati, capeffentem & magistratus & vrbis pos-
 sessionem adierant honorificè salutatum. Nulla
 comitas, nulla beneuolentiæ maior significatio
 exspectari poterat, & quidem ab iam noto & fami-
 liari, ea humanitate vultus & sermonis, quā nostris
 salutantibus prætulit, quos non tam inuitauit, quā
 secum abstulit ad conuiuium, vbi eos inter pro-
 ceres cohortis honorificentissimè habuit, atque
 iucundissimè. Super mensam omnes eius cum no-
 stris sermones fuerunt ab animo beneuolentissi-
 mo, cum multa nostri Instituti commendatione,
 vnde id haberemus, vt in Catholicum ritum pro-
 mouendum Sociorum industria vbiuis terrarum
 elaboraret quam strenuissimè: quam in rem ipse
 suam auctoritatē, operam, pecuniamque prolixissi-
 mè deferret, moxque aduocato rei familiaris Œ-
 conomo nostris omnia de suo suppeditari affatim
 iuberet. Eodem porro tempore præstò cum mune-
 ribus ei adfuerunt sui Popi, quos nec sedere ius-
 sos, nec vlla omnino dignatione affectos, non si-
 ne contemptus nota quadam, breuissimo responso
 à se ablegauit, vt, ex illius in suos nostrosque præ-
 senti studio, si rem æstimare liceat, non verendum
 sit, quin apud eū Catholici quàm Ruthenici cor-
 poris longè causa sit potior. In Tartaros, Capham
 ad vr

ad urbem, vnum de nostris penetrasse, antio superiore scripsimus; cum in Valachienſi clade à Scythiſ captus, & deinde abductus eſſet: cuius nunc aſſiduus labor conferretur in Iacolidenſes Catholicos excolendos triceſimo ab Capha milliari. Turcica ſeruituta ſupra modum diuexatur ea omnis ora Scythica, Catholicorum plena, quorum duriffimam ſeruitutem miſeratus Deus, preſidij quidam iis populis nuper excutiendo iugo videbatur ſubminiſtraſſe, cum Pater inde ad nos litteras daret, quæ illum Ipſes ſolabatur in eæ rerum omnium vaſtitate, & futuræ aliquando vberioris meſſis viam, tamenli dubiam, aperiret.

ANDREAS Moraikouici, grandi natu, ſedulus adminiſter familiarium munium, ſecundo anno ex hac mortali vita in aliam tanto meliorem, cum multa virtutis laude, tranſlatus eſt. Omnis Podolia, cuius Prouincię vrbs eſt Camenecum, vbi degimus, magnopere vtitur noſtrorum opera, non modò Camenecenſis populus, cui, beneuolentiſſimo erga nos, omnis Sociorum labor, vt hac tota ora iucundus, ita fructuoſus eſſe conſuevit, quod & ipſe Camenecenſis Antiſtes, cum hinc ad Leopoliensem Pontificatum tranſiret, vltro & palam, cum honorifica noſtrorum inentione profeſſus eſt, Triduo toto ante Cincralia ciuitas vniuerſa, & vrbi circumiecta oppida pagique, ſplendidiffimo ædis noſtræ apparatus exciti, perpetua oratione apud nos ſupplicarunt, Armeni etiam, & Ruſſis cateruatim eò confluentibus, vt Podolica nobilitas ſuum ex ea frequetia, pietateque gaudium

dium profusis vbertim lacrymis palam testaretur. Et Hæreticæ vastitatis deserto agro rediit ad Christum manipulus capitum quindenum, nec aberant Armeni ex eo numero, quod in hac regione sit prodigio quam simillimum. Insani amoris æstro percita mulier magica vi sponsum procul agentem, properè sistendum, sibi pepigerat cum Saga, & iam Stygius emissarius pudicum iuuenem, & Marianæ disciplinæ studiosissimum incessebat: cuius ut acriores stimulos inpingi sensibus suis aduertit adolescens, ad nota Magnæ Matris subsidia illico animum adiecit, nec mora intercessit, quin cælitus affusa aura Tartaream flammam obrueret. Irritæ oppugnationis acerbæ pœnas sua cute dedit venefica Tyranno Acherontio, cui excandescenti videretur indignissimum, ab Mariano cliente opera tam facili, sua esse restincta incendia. Fatuæ autem amatrici sua libido impietasque permagno stetit, cui per eos dies Turcica manu captæ, biennioque vix toto undecies venditæ, dominorum totidem contigit in dura seruitute immanitatem experiri: unde tandem elapsa post laceffitōs multis precibus ac votis Cælites, sacre Confessionis adhibito malagmate vesanis illis ardoribus continentia salubres aquas denique infudit.

GEDANENSE COLLEGIVM.

QUONIAM hinc rerum potitur Hæreticus, & procul absumus ab Regia, tamen nostram

nostram in gratiam frequentia intercesserint & a Principe rescripta, & ab Comitibus Prouincialibus decreta, publicis Instituti nostri functionibus prohibemur Gedanensis Curiae senatusconsulto; operis tamen erga ciues priuatis, & publicis extra pomerium non arcemur. De Gedanensis plebis bene multos constat auctoritate Procerum, Magistratumque metu teneri, quò minùs se dedoceri hæresim patiantur: nam in anxiis suis rebus nos priuatim adit quàm libentissimè, consiliis nostrorum vitur, & ad suos ægros non admittit modò, sed euocat etiam, patiturque iis Catholicam Fidem persuaderi, quòd nostra remedia sibi salutaria multo vsu comprobarit. Quantum porro est orij ab ciuili procuratione; tantumdem nobis negotij apud extraneos quotidie nascitur, finitimis oppidis, vicis, Cœnobiis lustrandis, vbi ex continenti cultura lætissimus fructus redit, & is quidem cum vberi fenore. Vtroque loco, & in vrbe, & foris, permulti abducti ab Hæreticorum consortio, communioneque Sacrorum, ab hærese non labe còplures repurgati, quorum primo anno numerus non redditur, altero autem vndetriceni recensentur, in quibus fuere, qui ab suis paterentur acerbas vexationes assumpti Romani dogmatis causa, inter alios æger adolescens lecto ædibusque à vitrico exactus, hanc iniuriam ignominiamque, studio iniiti cum Ecclesia fœderis, tulit patientissimè.

A N N O altero inter lustrandam Diœcesim Gedanum venit Antistes, vbi Socios amplexus quàm
aman

amantissimè, mirificè collaudauit eorum industriam excolendis omniùs agris Gedano circumiectis, sed indoluit vehementer silere nobis gymnasium & ædem sacram, Magistratus decretò tribus iam fermè annis occlusa: & quacumque potuit ratione Gedanensem Senatum ab eius decreti seueritate deducere, sed frustra, connisus est. Quæ machina cū ei non succederet, eò delapsus est commiseratione nostri, piorumque ciuium, ut templum nobis suo in suburbano excitaret, quò & ciues & oppidanorum vicinorumque propiores Sacrorum gratia ventitarent, dum se meliorum temporum aliqua ratio aperiret.

*RAVENSIS AC PRÆMISLIENSIS
Sedis.*

QUO anno primùm Rauæ Sedem fiximus, hoc eodem decessit huius Familiæ Præses, Pater Florianus Garlinski, vicenarius inter Socios, cū vix tricesimum septimum ætatis expleisset annum, longiore dignus vitæ cursu, nisi eum Deus cælo maturum euocaret. Huic homini, omnem in occasionem rectæ rei gerendæ intentissimo, dura tēpestatis ratio amplissimū argumentū dedit multiplicis virtutis, interque cætēras eximæ benignitatis in egenos exercendæ, cū passim iacerent, vel in ipsis sterquiliniis plebeiiorum fame morboque confecti greges, in quos rarissima exstarent beneficorum ciuium subsidia. Horum curam cum ipse si

ipsi sibi sumsisset Pater Florianus, cæteris Socio-
rum aliò delegatis, nihil omisit omnium offi-
ciorum, quibus egentium animis corporibus-
que meliùs fieret, subministrandis ex con-
quisita stipe, cibis, vestibus, lecto, ac lectica: sæpius
etiam deiectis auribus ad semiuiua cadauera,
putri stramento demersa, vt ne, inter brachia
humo tollentium, non procurati animam sponte
fugientem exhalarent. Cui negotio studiosissimè
instantem villatica paganaque Nobilitas, dum rei
gerendæ gratia in vrbe versatur, frequenter ob-
seruauit, eoque nomine ipsius virtutem suspexit,
coluitque maximopere: ciues etiam ipsius exem-
plo inducti consilium inierunt mendicitatis ple-
beiorum publico sumtu subleuandæ. In hoc pie-
tatis stadio ardentius currentem bonum Patrem,
ne qua pars ciuitatis operæ tam officiosæ non par-
ticeps ipsi elaberetur, grauius affecta valetudo
citiùs, quàm vellent ciues, putarentque, ad fru-
dam laborum coronam cælo inuexit. Præter pau-
cos ab hæresi & schismate receptos, Statui exer-
citus egregiè compressa est licentia omnis diurna
nocturnaue, quâ priuatis congressibus, quâ con-
cionibus nonnullis, eo argumento ad milites ha-
bitis, vt iam ipsi mirentur, quæ tandem ratio suam
insolentiam adeò compescuerit.

PRÆMISLIENSIS Familia posteriore an-
no septenos dumtaxat ab Hæretica factione ab-
iunxit, sed ampliores tanto Catholici nominis
greges, quos, vel suum ingenium, vel assi-
dua cum damnatæ opinionis hominibus com-
mercia,

432 PROVINCIA POLONIA.
mercia , eò prouexerant , diuturnitate flagitio-
rum , vt corruptissimis Hæreticis essent peiores,
diligentissimæ culturæ assiduitate ad
bonitatem præsentis futuræque
frugis denique com-
pulerunt.



PROVIN



PROVINCIA

LITVANIA.



LITVANORVM Sociorū trecētena septena capita primū censa sunt, illis deinde amplius quattuordena, Sedibus denis quaternis, in quibus Sacerdotes centum triginta tres, Magistri quadraginta, nonaginta Discipuli, Adiutores, Tironesvè reliqui, aucto superiorum annorum numero accessione duorum ac viginti Novitiorum, eodemque hoc diminuto denis ac septenis huius biennij funeribus.

VARSAVIENSIS PROFESORVM

Domus.

VICENIS quinis seu Hæresin, seu Schisma, tametsi altissimè defixū, ex animo tandē auellimus, vnius quidem viri Nobilis annos decem totos obluētante contumacia, quam tandem expugnauit, suāsu nostrorum studiosè adhibita, veterum Pa-

trum, de Fidei capitibus mirè consentientium, multa & diligens lectio. In quorundam flagitiosissimos numerosa iam serie annorum mores, cum frustra detonuissent intèratæ Diuini iudicij comminationes, horrendum fremens de cælo fulmen, quasi surdarum aurium duritiâ prouocatum, ita refractoriorum pectora concussit; ædibus prope modum labefactatis, vt imminenti ad ultionē Numini reluctandum diutius non putarent. Nostram erga se beneuolentiam, fidemque habent eo loco ciues, vt in summis suis commodis ducere soleant, paribusque studiis nobiscum certare contendant, vt nonnullis, animi quadam propensione in nos immoderatiùs elatis, suus amor exitio penè vertat, cum, in subitis & periculosis valetudinis aduersæ casibus alios, quàm nostros, animorum suorum medicos sibi non patiuntur adhiberi.

*VILNENSIS PROFESSA DOMVS,
atque Probationis.*

SINGVLARI planè veneratione celebratur, hac omni regione, Beatus Casimirus, cuius nomine insignem ædem molimur, sed, dum reliquæ partes assurgunt, in operto iam ante ac circum intimam Cellam sacro Vestiario, rem Diuinam facere occœpimus, incredibili certè ciuium, cæterorumque frequentia, vt quotquot ferè aliis in templis Diuina mysteria obiuerunt, vix vllò die Christianis officiis se defunctos putent, nisi nostra
in ædi

in ædicula quoque suas preces de integro instaurarint, ac eius lucis patronum sibi adoptarint Sanctū Casimirū. Huius rei gratia viam septuagenūmillium emensi duo senes, propemodū octogenarij, quam defatigationem grauiore ex itinere contraxerant, eam sibi videbantur penitūs absterfisse post adhibitam ei Sancto piam venerationem, multò autem magis vbi se sacro Epulo refecerant, vt iam, valentissimorum instar adolescentium, alacribus animis ad longinquioris viæ spatia iteratò decurrenda se mox compararent. Tam certi opis impetrandæ procul venere nonnulli, vt votiuas secum adueherent tabellas: cū essent vota in hac ipsa æde nuncupaturi, quo defunctis officio aliis subitò est restituta sanitas, aliis factum longè meliùs, vt integri beneficij lætum nuncium se accepisse neutiquam diffiderent. Anabaptistarum impietate prohibiti sunt pueri nonnulli, adhibendis salutaribus, aquis aduersùs Hæreticam labem in tenerum pectus iam influentem: plerique item à cæteris damnatis dogmatibus, non sine multa contentione, auocati.

DECVRSO Probationis legitimo biennio Tironum vnus, Ioannes Bororesky, ægrotare ita cœpit, vt postea numquam exsurgeret, quasi ad vnā condiscendam rectè moriendi rationem biennis piarum exercitationum ei concessa fuisset nominatim palæstra: & reuerà, toto ægrotationis tempore, omnis eius sermo, & actio fuit eiusmodi, vnde constaret, quacūque fors, aut longioris vitæ, aut præproperæ mortis, ipsi obtingeret, in

utramvis partem esse perbene comparatum. Illustris familiæ adolescens, Societatis cupidissimus, in missione impetranda parentem difficillimum, ac diutissimè quidem expertus, eo ipso telo paternā duriitiam expugnauit, quod ad eius auertendum consilium intendebatur. Enimuerò parens, homo copiosus, nati animum suo ex sensu metiens, optimi patrimonij amittendi metu commoueri eum posse ratus, post diuturnam repulsam, graue sibi quidem esse affirmauit, ablegari ab se procul carissimum filium; quando tamen ipse vrgeat tam obstinatè, facturum abeundi, quò velit, copiam, sed non alia lege, quàm vt is apud Magistratum se abdicet spe omni hæreditatis in posterum. Itaque stipulante patre bonorum patriorum in Iure cessionem, auctore stipulationis Prætor, filio contra sibi restipulante liberalem manumissionem, & parente repromittente, concipitur legitimis verbis hæreditariæ abdicationis formula, scriptoque consignata in publicas tabulas refertur, quo, veluti comineatu domesticæ seruitutis iugo expeditus adolescens, & caducarum rerum omni absolutus cura, continuò in Tirocinij nostri stationem aduolauit, incredibili triumphans gaudio, tam longinquis ac incensis votis optatam ab se conditionem, tam nullo pretio sibi redemptam esse. Alteri adolescenti codex fortuitò apertus sententias aliquoties obiecerat, quibus ad Religiosum Statum inuitaretur, quæ sortes ne temere obtigisse viderentur, easdem sibi sæpe ac sæpius iterandas putauit, iterantique frequentius eiusdem semper argumen-

gumenti acciderunt: quo velut cælesti oraculo admonitus votum Religiosæ vitæ nuncupavit, sed sponsonem sacram iuuenili leuitate postea neglexit. Huic liberalibus ipsis genialia studia fidentiùs persequenti repentinus periculosusque morbus incidit, atque inter decambendum tetra species immanium monstrorum oblata est, cuius vel aspectu ipso mirum quantum cruciaretur, unde cum declinaret lumina, grandioribus consignata litteris vox huiusmodi, V O T V M, ex conspicua tabula illius oculis importuniùs obtrudebatur, cui comes aderat seuerus promissorum exactor, his grauitèr intonans verbis: *Redde quod debes*: quod & se facturum ægrotus spondit. Siue autem religio dilati, aut neglecti Voti, siue spectrorum horrenda facies, responsum ab ægro expressit, sponsonemque fidei exsoluendæ; tametsi, adhibitis nostris, iterato se deinde Voto adstrinxerat, conualueratque post triduum, visus est tamen rem minimè contemnendam haud magnopere curare. Ecce igitur tibi cælo irato immissus idem planè morbus, nec ita multò post, quàm discussus erat, nec mitior, longè verò diuturnior, cuius vexatione ad officium reuocatus, instauratiua deuotione omnia sua Deo arctiùs addixit, exemploque Beati Stanislai perpetuam Castitatem vouit, vbi autem consanuerat, animum ad Societatem, adeoque seipsum totum studiosissimè appulit. Discipulorum cuidam inter Sodales Parthenios in menstruorum Tutelarium sortitione obtigit scheda eiusmodi, cuius omnes partes ad Religiosum

stadium inuitabant, ac nominatim Beati Ignatii Loiolæi patrocinium, & indicta pro eius Societate oratio, quorum omnium audienda lectione cohorrui, moxque ad vberes lacrymas delapsus, cœpit cogitare apertiozem vocantis se Numinis videri voluntatem, quàm vt vlli tergiuersationi locus relinqueretur: quamobrem ex illo ipso momento adeundæ nostræ Societatis consilium iniuit. Quod institutum suum agitati attentius periculosa incessit ægrotatio, quam tamē Beati Ignatius, Stanislausque, in subsidium ab ægro, Patribusque nostris vocati, ad eò feliciter depulere, vt ab sanandi ratione miraculi species quædam non abesset, cuius sanationis exitus adolescenti fuit initium nostram ad Societatem appellendi.

V I L N E N S E C O L L E G I V M.

VT ne in amplissimo apertoque vtilium laborum campo annuas operas integras darent tres Socij, morbus eorum, & ex morbo matura aliis, aliis immatura mors vetuit. Patri Iacobo lenkievvikz, Litvano, sex & quinquaginta annorum inter mortales, apud Societatem tricennum tetnum operario bene gnauo, vna vis mortis eam palmam de manibus potuit extorquere, vt in hoc exercitu pilanorum aciem suo more non duceret. Eum multa illustriaque huius militiæ decora plurimos iam annos Sociis ac ciuibus valdè commēdabant: duorum Aestiuorum incredibilis labor, indu

industria, & in omnes populares caritas, procurandis lue contactis ægris, ciuitati vniuersæ non bene fructuosam modò, sed salutarem quoque fecerat: quibus in cladibus vt ne occumberet, Diuina factum est Prouidentia, quæ illius necessariam operam aliis prætereà mortalibus destinabat. Hermannus Balster, Belga, post decimum quintum annum sedulæ contentionis in administranda re familiari, postque illustria documenta omnis Religiosæ virtutis, cursum vitæ feliciter expleuit. Neque Georgio Piekielevikz, Lituano, annorum viginti quattuor, quorum partem ex æquo tertiam discendo docendoque multa cum probitatis significatione posuerat, secus in exitu vitæ accidit, quæ decursu toto contigerat, vt qui piè admodum vixisset, cum singulari pietate occumberet. Repudiatis tandem dissentientium dogmatum alienissimis à ratione ambagibus, septuagena capita vnâ, & sibi constantem veræ Fidei normam amplexa. Sacrilego consilio adibat ad Confessarium vir quidam, suppressurus, quæ animum inquinarent maximè, cum subito linquentibus eum sensibus horas vicens quaternas pro mortuo iacuit, horrendis intereà viis eum mirificè vexantibus, quorum aspectu, quæ suarum partium in Confessione forent, est admonitus, vt redeunte deinde animo iudicioque mox sacram Confessionem summa fide institueret.

SE Q V E N T I anno de variarum Hæreseon nostris præda fuere septuageni quini homines, ad Romanum moris Sacra transducti. Ex agresti turba,

E c 4 . Chri



Christianæ legis ignorantissima, reuocati nō pauci ab Idololatriæ insanis ritibus, quos stolidi superstitio, rei familiaris tutandæ, augendæque cupiditas, Veneficorumque fraus, rudibus animis, ab Christiana disciplina destitutis, induxerat. Frequentis sacrilegij, inter sacram Confessionem admissi, mulier pœnas dabat atrocibus omnium mēbrorū tolerādis doloribus, suūque scelus vniuersæ circūstanti vicinæ ultro euulgabat, ad quam cum adisset noster, eāque ad legitimæ Cōfessionis inuitaret munus, illa fanaticæ similis, suppressa voce, exertā productiūs linguam, atra pice nigriorē, Sacerdoti pro responso fœdē ostentabat. Biduum, eoque ampliūs, insaniēti assedit noster, monendique constantia & dexteritate, consecutus demū est, vt dimidiatarum Confessionum integram seriem diligenter instauraret, cuius animo vt ea ratione factum est bene, corpori quoque firma valetudo rediit. Anus Festos dies seruilibus operis assueta violare, altera verò parte corporis capta inutilem panē alteram sentiebat, vt ei dubium esse non posset, damnari, multarique in ea neglectæ Religionis flagitium: cui vt persuaserat noster, se iuberet asportari ad proximam Virginis Matris ædem, vbi Deum venerata, noxæ veniam postularet, nuncupatis eo loco votis, planè con-
sanuit.

BRAVNSBERGENSE COLLE-
gium.

PATRI Roberto Abocrombio, Scoto, octogenario, extrema vitæ clausula cupide præstolanti, priore anno exeunte, obtigit. Eum olim Pater Laines Romam Tridento ad Tirocinium ablegarat, dignum eius temporis Magistrorum in Religiosa disciplina discipulum futurum. Prima Colonia de Romano nostro conuentu in Polonicum regnum deducta, sedes ei obtigit Braunsbergæ in Prussia, Pontificiæ iurisdictionis vrbe primaria, in rebus Fidei grauitè nutante, qua in Familia tres & viginti annos industriam suam, & fidem, administrandis nostris muniis, maximè verò Tironum contubernio, fructuosissimè commodauit. Cracouiæ nostrorum Tirocinio initia dedit felicissimè, ac iis institutionibus informauit Nouitios, vt eorum disciplinam iam tum suspiceret vniuersa ciuitas, noster deinde Ordo utilissimam omnibus suis gerendis muneribus experiretur. Vnde viginti annos postea versatus in Scotica Missione, præter diuturnum carcerem, infinitum sit recensere, quàm grauib. ærumnis vexatus, quantum salutaris frugis coegerit ex oppressis dira tyrannide Catholicis. Edicto Regio pronunciatum librarum decies mille præmium ei, cuius opera Pater Robertus comprehensus Regi sisteretur, plurimorum animos ad eius acquisitionem prouocauit: quæ tamen denunciatio, &

secutura comprehensionem supplicia, hominem non abstinuerunt, quod minùs toto regno sacris animorum venandorum expeditionibus incumbere. De Scotica Nobilitate, Ordinibusque cæteris, numerosos greges, vel in Fide vacillantes affirmavit, vel iã deprauatos abduxit ab Hæresi. Certis indiciis cum aliquando eum deprehendisset Minister Hugonoticus, in ædibus cuius cuiusdam, & inuentæ prædæ indicium palam fecisset, maximo tumultu eò accurrere Fraterculorum venaticæ cohortes, quasi ad votiuam Romani Sacerdotis viscerationem, illo intereà in carioux arcæ vacua per domesticam trepidationem abdito, cuius, seu non animaduersæ, seu sponte præteritæ, latebras nemo scrutatus est, cæteris ædium angulis omnibus perdiligenter exploratis. Ea porro defunctum quàm laudabilissimè prouincia, ad tam arduos labores non suppetentibus deinceps viribus, Braunfberga cum recepit, clarumque rerum gestarum, & sanctimonix præconio in Cælitum choros, patrônnum sibi olim futurum, allegauit. Vicenis ternis, Hæreseos expresso veneno, salutare sinceræ doctrinæ succum feliciter infudimus, vt eorum vni adolescenti, Lutheranis parentibus copiosis nato, nullæ suorum acerbitates, etiam trahenti animam, Romanæ Fidei studium, professionemque potuerint extorquere, aut vetare, quo minùs, Catholico more procuratus, piè defungeretur.

S E C V N D V S annus pares prioris anni exuias de Hæretica Hydra sibi decerpfit, tribus ac vicenis hominibus de Lerna illa traductis in amœnissimos hortos Matris Ecclesiæ:

PULTOVIENSE COLLEGIVM.

QUO D Vilnensibus ciuibus triennio antè acciderat, vt sua vrbs tota funesto incendio deflagraret, nosque in communi calamitate priuatam experiremur, idem Pultouiensibus, ac nobis etiam obtigit hoc anno, vnus horæ nō diuturniore flamma vniuersæ vrbs in cinerem redactis ædificiis. Tam repentinus incendiariæ cladis impetus præripuit nobis, vel diligentissimis, subtrahendi ex subitario ædium busto instrumenti domestici magna ex parte facultatem: quæ domus strages ab medio Augusto ad ineuntem Nouembrem tenuit, cùm, reuocatis frequentissimis discipulis, Gymnasij sollemnia munera instaurauimus. Quod vt possemus, alioqui viribus nostris alienissimum, fecit propensissima in nos Antistitis Pultouiensis beneuolentia, effusaque liberalitas, assignatis Familiæ nostræ in quadriennium Seminarij sui vctigalibus, instauratoque hac causa ædificio: ad cumulum verò amoris & benignitatis, cùm inaudit cogitare nos laxiores Collegij de integro statuendi sedes, vltro adiecit, si solido auro essent fundatæ ciuium ædes, perfecturum se tamen, vt opportuno nobis loco cederent: quamobrem libere inspiceremus, referremusque ad se, quæ vrbs regio nostris vsibus esset maximè idonea. Urbana hec nostra calamitas veterē, & cum ciuibus communē, rusticanae rei labem excepit, qua nos pridē multare cœpit

cæpit coniuratarum cohortiũ violẽtia, quarũ tota regione grafsãtium furore immanis infertur agris pagisque vastitas; vt eis quã prece, quã pretio demitigandis, quæ prædiis nostris villicisque infestæ solent esse, omnes ferẽ Collegæ possint occupari.

POLOCIENSE COLLEGIVM.

TRẽ s Polocia Socios hoc anno absumsit, eorumque primum Patrem Gregoriũ Tolszcziik, quadraginta & sex annorũ, viginti quinque apud nos Aestiuorũ valentissimum militem, cui summa oris, omnisque actionis modestia veneratorem, gratiamque bene multam conciliaret apud exteros, domesticosque in primis, quibus virtus eius intima, cum ea compositione consentiens, esset perspectior. Blasio Iodovvicz, vndetricenarius in Societate inter mortales duodesexagenario, tãto exploratior probatiorque fuit Religiosę vitę ratio, quod vna fermẽ in Familia laboriosissimẽ sēper exercuit pensũ Oeconomicę procurationis, cũ pari pietatis ardore, vt eum immodicę contentionis diuturnitas ad semestrem Paralyfin, extremamque vitæ metam adegerit, qui eadem seu patiendi seu agendi alacritate perpetuò vigeret. E Tironibus N. Kraïeroskij excessit, recẽs è Rhetorico Gymnasio, sed paucorum mensium consuetudine nobis cognitus iis virtutum eximiarum argumentis, quæ spem facerent insignis suo tempore sanctitatis. Ab Schismate nouem, tres ab Calvinismo recepti.

Foris

FORIS ab incurfante Moſcho, ab indigena milite domi grauiter turbatum eſt, altera parte biennij, atque hoc militari tumultu prohibiti ſunt noſtri plerumque ſuis muneribus fructuoſè obeūdis. Oſto Caluiniani poculi propinatum olim toxicum cum horrore deſpuere, inter quos cenſeri quoque voluit Miniſtelli filia, & altera claro genere, grandique natu mulier, cui ab infantia diuinitus ſubiiciebantur ſtimuli ad veritatem Fidei capeſſendam, ea tamen contumaciùs obnitente, quoad grauiter affecta valerudinis telum potentius eius duriciam perfregit. Ruthenici Schiſmatis inanitatem edocti ſexaginta, caput & interpretem Religionum eum agnouere, quem vnicum in terris Chriſtus eſſe voluit.

NIESVISIENSE COLLEGIVM.

QVATTOR ægrotis repentinam ſanitatē ex diuturna ægrotatione peperit, magno cōſciorum omnium ſtupore, adhibitum ſacræ Confeſſionis pharmacum. Veneficiorum uſu, inter agreſtes homines longè familiariſſimo, graui religione iniecta, prohibiti plus ducenteni homines, atque in his veneficij docendi magiſter ipſe, exercendique auctor, quem in genua nixum apud Sacerdotem, Confeſſionis gratia, Erebo allegatus interpellator inde abduxit, noſter tamen deinde in priore inſtituto confirmatum Pœnitentiæ piaculo priſtinis ſcleribus abſterſit. Græcanico ab diuor

diuortio abstracti sexaginta Romani Pontificis iurisdictionem subiungere: concessere autem in Catholicorum castra sententiámque magno numero Hæretici, sed quod mirum sit pro insita obstinatione, quattuor Calviniani eis se comites addidere. Religioso die cum nescio quid operis faceret mulier, leuiter digitum conuulnerauit, quam plagam tanti esse non censuit, vt curationem posceret; verumtamen cum ad plagulam dexteræ Sacer Ignis accessisset, occupata mox tota scelerata manu, feminam impiam, stupentibus familiaribus & notis, triduo ipso enecauit.

V E L O C I V S fuit, altera parte biennij, Diuinæ animaduersionis telum, acerbiúsque pro tempore, in virum Nobilem, Christiani negotij malè gerentem, iniquum præterea omnis religiosi moris, pietatisque censorem. Is post pocula inuitatus in templum ab amico, illico excandescit, amicúmque ac sacram ipsam ædem, iubet ire in malam rem: dein cæpit tantum probrorum ore impurissimo effundere in res pias, vt audientium animi exhorrescerent, Salubris vindictæ calamitatem Deus non distulit, vnde hic aliique Numen reuereri condiscerent suo periculo. Illa ipsa luce flagitiosi hominis caput inuadit tam acerbus dolor, vt eum de statu mentis pænè deiceret: cuius doloris accessio longè etiam infestior, immane vlcus erumpit illico è maxilla, indèque momento proserpit in fauces, earumque intima sic obstruit, vt esculenti poculentique nihil transmearet. Sensit præsentem vim Numinis, & reformidauit, ho-
mo

mo procacis linguæ, ingeniique proterui, qui paullo antè, intempestiuæ libertatis æstu prouectus, cælum, superosque conuiciis lacefferet: extemplo vocat nostrum Sacerdotem, & altè concepti doloris luculenta testificatione, multorum annorum noxas per sacram Confessionem reteggit, certus vitæ religiosius componendæ in posterum; neque Diuina Bonitas corporis supplicium vltra protulit, quàm vt animo rediret sanitas: nam subito ab Confessionis obito munere omnis remisit ægroti dolor, postque paullo ipsam etiam apostema planè discussum est. Alteri cui-dam oculos infederat ignotus morbus, & ex eo deinde orta cæcitas hominem, grauium culparum sibi conscium, sic luminibus orbauerat corporis, vt mentis aperiret lumina, vnde dispiceret, huiusmodi tenebris infligendis, repeti ab se pœnas criminum diuinitus. Eapropter inijt consilium ædis nostræ adeundæ, vnâ verò leucam aberat, vt; accuratissima Confessione obeunda; Deum animo suo propitiet, quàm inter deliberationem, necdum iter ingressò, quod cogitauerat; offusa est cælitus orbis ipsius oculis, non tantum animo, clarissima lux: quod tantum beneficium, vt eò illustrius Deo sibi que i gratularetur, gaudio exsiliens, ad nos euestigiò properauit; scdâsque ac veteres sceleratæ mentis exuuias, multa cum pristinæ vitæ detestatione, posuit. Ducentos & duodetriginta sectarios Calvinianis Ministris, Ruthenicis Popis viginti & quattuor subtraximus.

R I G E N

R I G E N S E C O L L E G I V M.

QU A domi, quâ foris de Caluini ac cætero-
 rum loliaria segete frumentariæ spicæ decer-
 ptus est centenarius vrcenarius manipulus. Con-
 iugum centena quadragena septena paria, ritu nul-
 lo, non legitimo sociata, ad sollemnes Eccle-
 siæ cęmōnias reuocata denuo, & ritè coaluerunt.
 Lutherano Catholicæ puellæ nuptias ambienti
 erat facile polliceri, copulatam sibi Romanis mo-
 ribus, & Sacris sponsam, in auita Fide profitendæ
 suæ sponsis apud se futuram: sed facilius itidem
 fuit, datam fidem Deo, & affinibus, fallere, vt
 Luthero Caluinoque sua religio est in partes om-
 nes versatilis, quâ se aperiunt commoda. Re-
 cens nimirum ab eius pactionis dicto sacramento,
 auspice auctoreque Prędicâte, nuptiarum sollem-
 nia celebrat, securus infortunij, quod immine-
 bat negligenti fortasse in tuendo Catholico ritu
 coniugi suæ, quam, per idem fermè tempus, mes-
 soribus in agro adstantem, vehemens turbo subli-
 mem abripuit dimidiatoque inde milliari expor-
 ratam in palustres lacunas abiecit semimortuam,
 vbi solidum triduum sensibus defecta iacuit. Eam
 paludis accolæ cū extractâ è cœno, velut è sepul-
 cro, detulissent domū, nosterque aduolasset curri-
 culo,prehendit viribus imbecillimam, maxi-
 meque perturbatam, cui vt persuaserat Sacramē-
 torum vsum, & ei volenti adhibuerat, mox ei ro-
 boris quantum vinqum habuerat, & animi liqui-
 da tran-

da tranquillitas est restituta. Suadebat noster Sacerdos mulieri, ut suppleri pateretur in sua prole sollemnes Baptismi caerimonias, quibus cum Minister Hæreticus non accessisset, perperam à matre adhibitus ad lustrandum infantem: quibus verbis offensa iræ impotens mulier, iactatis in Sacros ritus scomminatis, ac maledictis in Sacerdotem, cum malam in crucem cum suis caerimoniis adscititiis abire iussit: nec triduo tardior insecuta est impietatis poena, eodem puero, adhuc trimo, collabente in puteum, vnde non emerfit.

A N N O altero sex & quinquaginta Hæresin dedidicere, lubentesque posuere. Ministro parente nata mulier, iracerbissimis puerperij doloribus, passa est ab nostro Sacerdote sibi virus Hæreticum detrahi, spe felicitis partus, quem & confestim est consecuta: sed pactorum conuentorum postea inmemor, non modò ad veteres sordes rediit, sed coniugi, Catholica Sacra iam capeffenti, prope modum auctor fuit, ut ab præclare coëptis descisceret. Sed femina ingrata, contumaci, ac impia sub illud tempus improuisa iuxta & acerba incessit ægrotatio, quæ refractariam ad extrema vitæ malorumque deduceret; quibus meritò conterrita eundem Patrem exciuit, professa, sibi nunc certum esse ad Romanam Ecclesiam sincero animo redire, in eius sententia viuere perpetuò, ac emori, cui, triduo quàm noster Catholica Sacra fuerat impertitus, est reddita sanitas, quam ut Numini luculentius acceptam referret, proximo Palmarum die, publicè in æde sacra cum suo coniun-

ge, cælestis epuli mensæ accubuit. Magicorum maleficiorum comperti ciues quinque de suis nocturnis conuentibus horrenda prodidère: sed de eo, quem habere consueissent Rigæ, ipso in Calvinianorum fano, quod olim sacrum erat Beatæ Virgini, nunc impietate Hæretica exauguratum, enunciarunt eius generis non pauca, vt tam familiari, frequentique communione templi sacrorumque, secum ab Veneficorum vniuersa tribu, eiusque antistite Diabolo, tam studiosè affectata, vehementer attonitos eos suæ conditionis maximo-perè pœniteret, puderetque. Regium solum sublimis insidens, humana specie, frequenti circum-sistente epheborum corona, serico pulloque Regis regionumque puerorum vestitu, Erebi germanus senutn inibi exercebat imperium in deuota sibi diro sacramento-capita, iussa quippe singulatum, & palam recensere quot, quamque diras pestes in corpora, familias, pecora, fata, & reliquas fortunas quorumque mortalium intulissent. Referentibus autem singulis plura grauioraque de se facinora, quam potuissent edere, nihilò tamen minùs erant de toto conciliabulo acerbiores Tyranni querimoniam, quàm Linoniam leuiorem, quam pro eius odio, intulissent vastitatem; quam si acriter exaggerare deinceps pergerent, apud Inferos pollicebatur delicias infinitis partibus cumulationes, quas cælo affingere solent Christiani. Interrogati porro veneficiorum rei, quidni conuentus agerent in Catholicorum templis, respondebant eorum se ingressu prohiberi Diuinæ Hostiæ potens

potentissima virtute ac , respectu aquæ lustricæ : quarum rerum cum ne umbram quidem haberent Hugonoti , non arceri posse ipsorum fanis, sed ad ea potius allici multa similitudine ingenij, rituuro, ac doctrinæ , qua vtriusque partis valdè conciliarentur animi. Hæc , aliaque huiusmodi , publicè à veneficis , & secundùm ipsam supplicium, Hugonotorum plurimis sui suæque sectæ pudorem , ac Calvinismi horrorem incussere , vt eo deinceps abstinerent.

DERPATENSE COLLEGIVM.

IN præteritarum cladium bustis ,* fermè adhuc fumantibus , septem de nostris , exigua manus , pro commissa agri vastitate , incolimus , multamque in eo ponimus operam , vt ciues exterique se ab nobis volentes patiantur iuuari. Toto certè hoc tractu diuturna Hæreticorum consuetudo ingeneravit in Catholica plebe incredibilem Diuini cultus ; Christianæque disciplinæ contemptum, sed duritiam animi , cæcitatem, stuporemque incomparabilem , vt vix eam possit afficere cælestium præmiorum, aut æternorum suppliciorum cogitatio. Ea scilicet vis est prauæ consuetudinis, vt pessima quæque , longo tandem vsu , boni speciem quamdam induant , quæ assuetudine sui adeò fallat incautos , vt recti prauique seu confuso , seu sublato discrimine , faciendi de apertis rebus iudicij eis adimat facultatem. Præter insitam plebeis

stuporem : Curionumque vel paucitatem , vel in
 rudium instituendis animis inertiam , quòd Cal-
 uinianis pronunciatis eiusmodi pridem personarèt
 omnium aures , quibus suaderentur , cuique mor-
 talium suo in dogmate certæ salutis rationem esse
 constitutam : non fuit mirum in eam opiniorem
 rudes homines esse delapsos, vt promiscuè Catho-
 licum Hæreticumque ritum vsurpare se iure arbi-
 trarentur. Huic rituum , factorum confusione , seu
 rerum Diuinarum potiùs sacrilegio abolendo, no-
 stri , & in vrbe , & extra urbem , singulorum fa-
 milias sibi lustrandas sumserunt , & reipsa lustra-
 runt , vt dissimilium rituum discretis vbicumque
 capitibus , sui muneris quemlibet de familia seriò
 admonerent : Catholicorum nempe singulos , ne
 vlla ex causa in sacris rebus , cum alieni dogma-
 tis hominibus communione vel leuissima illiga-
 rentur : Patres verò familiæ Hæreticos sui iuris es-
 se paterentur quemlibet de suis Catholicum , in
 profitenda fide. Feliciter cessit plerumque nostro-
 rum hæc diligentia , vt herorum in famulos , pa-
 trum in liberos seueritas remitteretur , & eos de-
 inde suis sinerent viuere ritibus , persuasi Patrum
 nostrorum ratione , qui dicerent , non vi , sed per-
 suasionibus , res Fidei esse tractandas. Antea cer-
 tè seu filij seu famuli Hæreticorum , tametsi Ro-
 mani ritus essent , ad Ministrum adigebantur nup-
 riarum iungendarum gratia : iam verò præcisè ne-
 gant , se Pastoris Hæretici vsuros opera , qua con-
 stantia euincunt, vt suæ coniuges, rituum nostrorū
 sanctitate delipitæ , & adactæ occulta vi , ad eo-
 rum

rum professionem voluntariam transeant. Lutheranæ mulier libenter audiebat conciones nostrorum, cui magnopere arrisit, quod aliquando exceperat de colendo ieiunio, ut mox consilium caperet eius adhibendæ medicinæ ad sedandos alui cruciatus intolerabiles, quibus frequentissimè vexaretur: ea igitur causa vouet perpetuū dierum Veneris ieiunium, quo nihil ad cibum esset additura præter panem, & frigidam, raphanum & salem, quo medicamento vsa, primo ipso die ventris illos immanes dolores penitus exstinxit, ac deinceps ieiunij religionem colit diligentissimè.

Quantum malignæ cæcitatis, præfractæque obstinationis eorum pectoribus infundat Calvinismus, quos semel infederit, superiorum annorum, sed secundi huius experientia maximè didicimus. Oëstonum animi, quorum in finibus est Derpata, natura sunt ad pietatem propensissimi, sacrarum rerum indigenæ cupidi, ac reuerentes quàm maximè, vix ut cogitari possit, non tota modò Polonia, sed Europa etiam, religiosior populus Oëstonum gente vniuersa; quibus id accidit, quod sapiens quisque facilè coniiciat, ut naturali hac inductione mentis erga Diuinū cultum occupati, quidquid religionis specie aliquando combiberint, in eo tenacissimè adhærescant. Derpatensium ergo ciuium plerique Calvinismi tetris erroribus implicati, tamen si proximorū annorum iis vexati calamitatibus, quas nemo, nisi sponte cæcutiens, dubitarit, Hæreticorum vlciscendis immanibus sacrilegiis è cælo inflictas, perstant tamen in Hæ-

resi, vana illa sanctioris adepti Euangelij opinio-
 ne ipsos illudente, nostrosque labores in se co-
 lendis, ferè irritos in hunc diem esse sinunt. Quā-
 obrem, ad rusticanae plebis institutionem tradu-
 ctis operis, villas, agros, siluas obitus continen-
 ter, ingenti agrestis multitudinis ad solidam pie-
 tatem progressu. Nostros gregatim prodeunt obuiā,
 ac velut cælitus missos ad se nuncios, summa ex-
 cipiunt veneratione, mox verò, antiqua gentis
 consuetudine, poscunt sibi Apostolos designari,
 hoc est, Tutelarem Cælitibus aliquem, cuius se
 custodia septos velint, cuique honorem solent
 habere singularem, ac nominatim, pridie Nata-
 lis eius, domesticos accipiant cœna lautiore, ip-
 sum autem Natalem colant sanctissimè. Secundum
 hanc petitionem sunt & alia religiosarum rerum
 postulata, vt sacrarum Agnorum, & huiusmodi,
 quorū apud eos est veneratio supra quā credi po-
 test: tum prolatis sale, aqua, & variis frugibus,
 poscunt in hæc omnia Sacerdotum ex Ecclesiæ ri-
 tu faustas præcationes, quibus impetratis, nihil sibi,
 rebusve suis, funesti vet à mortalium quoquā, vel
 ipso ab Orco solent metuere. Ac eorū quidem re-
 ligiosæ Fidei, Deo propitiō, respondē reuentus feli-
 cissimi, vt quidquid morborū, quidquid aduersorū
 casuum ab Cæcodæmone, ac Veneficis, ingruat, his
 amuletis instructi ab se nullo negotio amoliantur
 Sacerdotes omnes, & in iis nostros præsertim, vt
 aliquem Cælitum, pro eamuneris dignitate, qua
 norunt eos fungi, Christi obeunda vite in Sacro-
 rum procuratione, reuerentur, & res quasilibet,
 ipso

ipſorum contactu , Sacrae dignationis quiddam fortitas eſſe autumant. Fenum quidem , noſtris Sacerdotibus apud ſe cubantibus ſubſtratum, ſtudioſè à reliquo ſecernunt, & , æquis per ſingula capita portionibus , pecori ſuo ſolpitando diuidunt , quoniam , inquiunt , Sacerdos ſuper id pabuli & quieuit, & orationes fudit. Erga Diuinam Hoſtiam Oeſtones feruntur religione incredibili, qua vna illecebra reuocantur ab Hæreſi, maxime vbi deprehenderint, in Hæreticorum frigida Cœna, præter proſani panis buccellam , nihil ſubefſe, aut ſubefſe poſſe. Eiufmodi turundæ guſtatu, quòd nemini vmquam mortalium ab ægrotatione factũ ſit melius, Romani verò moris Euchariftia piè uſis, quòd ſuorum plerique reſtitui quotidie amiſſam valitudinem obſeruant, id verò argumenti habet inſtar omnium, cur dubitare neutiquã poſſint, ſtare ab ſuis partibus veritatem : Calvinianosque, ad edendum Diuinæ alicuius efficacitatis quidpiam ex ſuo arcano panario, audacter , & cum ludibrio , prouocent. Sanctos , cælo fruentes , Catholicorum omnes Curia , ſecundum Deum, piè colunt , ſuique cultus vberes uſuras à Beatis ſolent accipere: quamobrem , qui ſunt in poteſtate Hæreticorum Satraparum , ſtudioſè ipſorum gratiam demerentur , vt iis lubentibus Beatorum ſibi liceat Natales feriatus ducere. Eius autem ritus Dynaſtarum vnus, cum ruſticani conuentus poſtulata in eo genere auerſatus , veniam non daret Beato Laurentio feſtum diem religioſè traducendi , prætereaque cum ſtomacho ſubiungeret, fe-

tiarum nihil deberi Laurentio, cuius dignitate sua dignitas esset utique augustior sanctiorque. Sub idem verò tempus, intimis in horreis impij Sarrapæ, ignis, occulto casu conceptus, paucis horis frumentariam eius annonam planè corrupit: unde rustici didicere, quem Cælitum auertendis incendiis piè solerent appellare, Diuinæ ipsorum atque suæ iniuriæ vindicandæ, vtricibus flammis aduersum barbaram impietatem iustissimè fuisse grassatum.

L O M Z E N S I S S E D E S.

L I G N E O adhuc temporarioque sacello utimur Lomzæ, dum opportunius ædificium Deo colendo, nobisque collocandis, apparatus, religione tamen floret nostra ædícula quàm maximè, ut quotidiana ferè votorum nuncupatione ac solutione celebretur à ciuibus. Quattuor matrônæ nobiles, partus acerbissimis cruciatibus triduum vexatæ, concepto Eucharistiæ in ea ædícula firmendæ votò, mox omni dolore absolutæ peperere feliciter: totidem aliæ item primariæ feminae, in granibus morbis, eodem usq; remedio, pari euentu confanuerunt. Ciuitatis porrò vniuersæ tam propensum est in nos, & nostra omnia studium, ut sperare liceat, in tam bene affectos homines nostram operam utilissimè collocatū iri.

A L T E R annus initium dedit Lomzensi Collegio, felicibus utique auspiciis Premetenſis nuper

per Abbatis, eiusdemque nunc Episcopi Camenensis, cuius munificentia huic familiæ attributo prædio annuorum florenorum plus vicenū millium, iusta nobis vectigalia in perpetuum sunt constituta. Incunte Quadragesima tridui supplicationem instituentes nostro in sacello, admirationem concitauimus rei nouitate, nihilque prætereā primo die; altero autem vnus diuitat, sed è primaria nobilitate vir, se palam omnibus Diuinis imbuendum mysteriis obtulit, cuius auctoritas ad id valuit, vt paris conditionis homines aliena suis moribus & officio facturos se putarent, nisi Christiani facinoris locupletem auctorem imitarentur: tertia igitur die, principes viri frequentes apud nos Sacra obiuere. In plebeios quoque peruasit horum dierum religio, vbi rem perpenderant attentius, vt fuerit caupo, qui è taberna sua potantium greges exigeret, seuerè in hæc verba præfatus: Alias fortasse, sacris etiam diebus, apud me vobis fiat vini copia: nunc verò Lomzæ id sollemnium mysteriorum genus institutum est, quod nefas sit vestri moris potationibus inquinare. Religiosa autem Parasceues luce, & Parentis nostri Natalibus, ciuium bene longus ordo ex æde nostra prodiit in gemina vibis templa, totòque itineris productiore tractu flagellis terga mulcauit.

O R S S E N S I S E T P L O C E N -
sis Sedes.

HARVM Sedium prior Hæretico gregi septenos de suis, Schismatico denos his plures abstulit. Matronæ Catholicæ stolidus in coniugem amor suaserat, vti cum eo secessionis fieret particeps, cum secundum hanc impietatem in eius oculos eiusmodi lippitudo inuolauit, vnde ipsa cæcitas fermè nasceretur: grauitas porrò tanta pedum, ac deinde imbecillitas secuta est, quæ statum gressumque inhiberet. Nihil alio admonitore fuit opus, vt imprudens femina intelligeret, se Diuina ultione sacrilegij ream peragi: cui calamitati ab se depellendæ, vouet reditum in Romanam Ecclesiam, eoque nomine adit nostram ædem, vbi, Sacramentis expiata, vtrique morbo amoliendo efficax accersuit amuletum. Altero anno triceni vel ab Hæresi, vel ab Schismate nostris hortatoribus desciuere. Absente Duce, in geminam factionem discesserat exercitus, iam iamque concursuris tubarum tympanorumque cantus animos iramque acuebat, cum è propinquo nostri aduolant; in medias irrumpunt acies, dereptisque tubis & tympanis è canentium manibus, ac interposita ea oratione, cuius copiam faceret tumultus, reconciliant gratiam pugnantium factionum. Constabat exercitus cohortibus Catholicis Hæreticisque promiscuè, æquè tamen vtrisque partibus gratissima opera nostrorum accidit, vt omnium

elium centuriarum suffragiis , ac Hæreticarum nominatim, postularentur de nostris Patribus, qui fouendæ militari Christianæque disciplinæ , in castris essent assidui.

P L O C E N S E S nostræ operæ suâ prouinciâ gerit eo minore molestia , lætiore ac vberiore fructu, quod Hæreticum semen eo in agro raras stirpes egit , qua de paucitate nouem etiam reuellerunt, vt infirmæ iam factæ sint reliquarum fibræ. In excolendos igitur Catholicorum animos strenuè iucumbitur, & constat pretium operæ, in optimæ indolis populo , & Instituti nostri amantissimo, quorum piis studiis , vt ne faciamus satis , prohibemur Sociorum infrequentia.

*K R O Z E N S I S , S M O L E N S C E N S I S .
ac Vendenfis Sedes.*

S A M O G I T I A M vniuersam animo complexi , totum iam sexennium Krozis in assidua statione sumus , vnde , pro tenui copia operarum, excurrimus longè lateque , opportuniorem interea sedem explorantes , quam huius oræ Antistes nobis assignat Verniis , apud Aulam Pontificiam, alij locis aliis , pro suo quisque ingenio. Calvinismi laqueis tres ac triginta, Arianismi vnus sacrilegio expediti : Hæreticæ mulieri , ad nos simulato studio Confessionis adeunti , vt eius ritum in suorum conciliabulo postea illuderet , Diuina benignitas animum derepentè sic immutauit , vt
prauis

prauis consilij noxiâ complurium horarum vberri-
 mis lacrymis, in ipsa aede, omnibus palâ, expiaret.
 Infamis Idololatriæ altè adhuc impressa vestigia,
 in agresti, & ignorâtissima Christiani ritus, multi-
 tudine, locis aliquot aboleuimus, demirante pri-
 mum rudi plebe, receptum pridem suis in pagis
 Sacrorum morem à nobis tantopere condemnari,
 ac deinde, cum errorem dedocta esset, sanioris dis-
 ciplinæ ritum sibi nobisque vehementer gratulan-
 te. Fuit vbi, maiore vi fugatis agrestibus Sacrifi-
 culis, sacrilegiis inquinatissima esset ara funditus
 conuellenda, prohibendis anniuersariis cruenta-
 rum pecudum victimis, quibus senumerosæ Deo-
 rum decuriæ barbara plebs litare crederet, vbi la-
 niati viuentis agni lacera membra concremasset.
 Viri nobiles quindecim à Caluini strophis vindi-
 cati, Catholicorum animum ritumque induère.

S M O L E N S C V M anno huius sæculi duodeci-
 mo sibi Regiis armis creptum Moschi doluère
 grauius, biennio igitur post amissum recepturi,
 acerba obsidione nos vexauere, ut cumciuis miles-
 que diuturna iam fame pressi compectu undique
 intercluderentur, deditiorem denique cogitarent,
 vbi cibariorū nulla spes ampliùs affulgebat. Quod
 in eiusmodi ciuiū angustiis nostratum erat partiū
 nihil publicè vel priuatim est omissum. Arden-
 tium verò precum machina, qua potentior nulla
 est, aduersum calamitates vltimas, intentata
 est constantissimè, ut ea se victum Deus videri vo-
 luerit. Enimuerò res civilis militarisque ad des-
 perationis extrema panè redierat, cum Regij
 exerci

exercitus summus Prætor per medios hostium cuneos , deiectis ipsorum munitionibus , valida manu ad nos penetrauit , amplissimoque ciuitatem refecit commeatu . Per eas etiam obsidionis asperitates , duodecim passi sunt Hæresim sibi auelli ex animo , Schisina autem viginti : ciues porrò vniuersi , præsidarii que, ac in his clarissimi quique , cum aliàs semper , tum præsertim ab egregiè nauata ipsis obsessis opera , nos amant , coluntque magnopere , ac in oculis ferunt.

V E N D Æ inter Lotauos, populum mirè factum ad pietatis studia , fructuosissimè operam collocamus , longè fructuosius positura , si plurium Sociorum adesset copia : frequenti tantum doctore opus est , ingeniis ad disciplinæ flexum cera mollioribus , quibus hoc ardentior fit ad condiscendum sollicitudo , quòd decennij bellico tumultu se fraudatos pia institutione , ingenti suo damno , agnoscunt. Centeni & quinquageni , deterfis fœdis Hærescon maculis , eandem religionum palæstram cum cætero Catholicorum grege ingressi. Ter huius sæculi anno decimo quarto , istius gentis aliquot hominum millia peregrè duximus supplicatum , quorum ea fuit toto itinere ad eximiam modestiam pietatemque compositio, vt castellanis, vicanisque passim prodeuntibus , peramanterque excipientibus, ad idem sacræ exercitationis studium exemplo inflammatis gratissimi gaudij lacrymas eliceret. Fuisse in triplici ea peregrinatione obeundorum Sacramen

cramentorum cupidissimi, tolerantissimique ad-
 uersarum tempestatum, vt siue in oppidis, siue in
 agris, sub dio cubuerint ternis quaternisque con-
 tinuatis noctibus, & caelo interdum maximè plu-
 uio. Cùm ad Beatae Virginis precantium acie ordi-
 nata illemus, omnis supplicantium ordo reli-
 gionem animi sui erga Magnam Matrem, lucu-
 lento documento declarauit, qui nefas sibi putauit
 sacram ædem subire, quin ipso genuū nisa, arden-
 te in manibus cereo, ter eam, venerationis gra-
 tia, circumiuisset, vbi & concionem exciperet ani-
 dè, & Sacramentis sanctissimè defungeretur. Fati-
 gationis penitus expertis genus hominum putares,
 obeundis huiusmodi cultus Diuini muneribus,
 quos longa & difficilis via, cantus, inedia, noctur-
 nus diuturnusque imber, insomnia, non sic affi-
 cerent, vt non accuratè otiosèque omnia pieta-
 ris officia obirent in templo, suum in oppi-
 dum regressi, prius quàm curandi cor-
 poris, aut lustrandæ familiae,
 vel cogitationem dum-
 taxat admitte-
 rent.

PROVIN



PROVINCIA FRANCIA.



FAMILIIS decem & octo, Sociorum capita sexcentena octona censuimus, hoc medio biennio; eodem exeunte, illis amplius vicena terna, vnde viginti domiciliis: quorū toto biennio interiere quattuordecim, centum & tres ad nos aliunde aduenere.

PARISIENSIS PROFESSA

Domus.

INSIGNES Missiones duas prior annus peperit, quarum alteram Statuis, urbanisque castris contra ignorantiam impietatemque politis, campatribus excursionibus frequentem alteram administramus: utramque affirmandæ Religionis ac disciplinæ Christianæ, Calvinismoque & corruptelæ morum infirmendis fructuosissimā. Duos Patrum Cardinalis Perronius lustrandæ Senonensis diocesi, cui iurisdictione Pontificia præest, destinavit,

qua obeunda trecentos pagos supra urbem, Archiepiscopi sede illustrem, Evangelica semente conleuerunt, incolarum omnium singulari fructu gaudioque. Sacerdotum vnus, Lingonas euocatus, Calvinianæ perfidiæ arcem ipso statim initio cum inuasisset, deiecitque, cætera omnia deinceps habuit longè procliuiora. Errorum fauorem doctoremque, Minstrum scilicet, disputatione aggressus, spectatibus primariis viris, ita exagitauit, abiecit, fregitque, tam luculentis probationibus Romanæ Fidei veritatem demonstrauit, vt ex allessorum corona vir nobilis exclamaret, et doctrina, quam noster explicaret, nihil esse, nihil fingi posse liquidius, cuius ad tam apertam lucem hauriendam, si quo suo fato in Hæresim esset delapsus, videatur sibi necessariò fuisse accursurus. Illustri loco perpetrata falsitatis conuictio, Calvinismi hinc supinam fatuitatem, inde malignitatem incredibilem, longè lateque prodidit, & afflixit: Lingonensium quosdam, Hæresis clandestina labe contactos, occultæ pestis exitio absoluit: vacillantium in Fide animos confirmauit: ex cõtumacissimæ peruiaciæ adolescentis animo Calvinianum toxicum, intimis conceptum visceribus, cū priuato congressu doceri se non pateretur, tandem aliquando expressit. Alter quoque retrum Hæreseos spoliū excussit, quod ei adhuc puero inductū fuerat, cuius probri dāniūque grauis accessio facta erat perpetua Stygij monstri per importunissimas illusiones vexatio, qua eius animo illata fax sinceri dogmatis eam derepentè vindicauit. Tre

tat. Tertius, pretio conductus Calvinus discipulis sacramēto dixerat, octauumque iam annum, atrociter eum torquente proditris animi conscientia, diuinam seruitutem seruiebat, vnde assertus est in suauissimam tranquillitatem mentis, simulatque postliminio in Ecclesiam rediit. Is postea, cum praelato Crucis labaro, quod munus sibi ardentissimè depoposcerat, transvehenda publice Sacrosancta Hostia, in prima magnificentissima pompæ acie, & Catholicum palam, & Catholici agminis vexilliferum cœpit agere; mirum quàm exultarunt ciuium animos, quàm honorificis præconiis suo se facto cohonestauit. Septenos domi Concionatores habuimus, quorum dictione frequentissimus auditor fructuosissimè distineretur, totidem vrbis templis celeberrimis, per quadragenarium Ieiunium, Eucharisticasque ferias. Liberalium sollempni apud nos triduo, tamen, ad cæteram eius temporis licentiam, accesserant Fratricorum Principum, exquisito nouoque apparatu, equestres detursiones, saltationesque, delectum ciuitatis florem rebus Diuinis nostra in ade assiduissimum habuimus, etiam per ea interualla, quibus tympanorum cantu vndique nostra perstrepebant atria. Calvinianæ lepræ intinum vlcus excruciamus primario viro, quem impotentia iracundiæ ad erroris magistros appulerat, præter quæ, in aliis quinque parem animi labem absterfimus.

Vix interquieuimus annum totum superiorem, tantulum interuallum, & continētibus fœdisque priorum annorum tempestatibus, cum bre-

uium Alcedoniorum pacem immanis Izuorum Aquilonum turbo nobis interpellauit. Pontificiæ auctoritatis defensionem, à Patre Soario Franciæ finibus procul editam, aduersùs Britannicum illum commentarium, Summo Pontifici omnia ferme sua iura detrahentem, maleuoli homines, compluribus accersitis exemplaribus, passim legendâ disseminarant, ac pænè inuitis obtruserant, vnde in nos inuidiosè captarentur speciosæ ansæ maledicendi, nocendique. Ipsum codicis argumentum, in Francia, iis temporibus, eo maleuolorum numero, ingenio, ea arte, audacia, auctoritate, non potuit non multiplicem suppeditare cauillandi, carpendi, lædendique materiam. Primum igitur argutuli alienæ commentationis interpretes, ac, si Superis placet, strenui Regiæ maiestatis vindices, propugnatoresque publicæ tranquillitatis, palam iactare Iesuiticum ingeniû odiosis, nouis, regno perniciosiss edendis in momenta singula commentariis natum esse: insanam hanc, pestiferamque pessimo publico scribendi pruriginem, iniustis acerbioribus pœnis, esse in perpetuû excindendam. Vt autè eius criminationis inuidia latiùs funestiùsque serperet, inuento ad calumniam fraudulentius potētiusque conflandam peridoneo, & ad ingenij sui rationem maximè appposito, vniuersa ex scriptione malitiosius decerpunt quosdam singulares locos, quibus suo ex corpore auulsis, quasi genuina membrorû sede, adeoque anima ipsa, destitutis, ab maligno interprete affingi sententia quâ odiosissima poterat.

Trun

Francis istiusmodi capitibus ad arbitrium digestis, totaque Francia vulgatis ad colligendam consilii suis existimationem summa æquitatis, nobis verò tantò acerbiorē concitandā malevolentia, de Senatu quidam, pessimè in nos animati, pridemque publicis honoribus, & iurisdictionis fastigio in Societatis perniciem iniquissimè abutentes, de Soarij commentario atrocissimam relationem apud consilium Patrum instituunt, vrgentque vti de illius voluminis toto argumento, nominatimque de exscriptis ab se capitibus, consilij sententiæ rogentur. Eò igitur cū ventum esset, vt Senatorius ordo singulatim interrogaretur, variatum quidem est sententiis, nullæ tamen dictæ nisi & in codicem, & in eius scriptorem, & in nos omnes, admodum seuetæ, asperæque, vt varietate dicendi quæsitæ videretur nouitas, grauitalque acerbitalis. Biduum tenuit ea opinionum disquisitio, inusitata contentione animorum rem disceptantibus, pro suo quisque sensu, Patribus, aliis, vt nobis omni nostra functione interdicere-tur; aliis, vt, quàm latè patet Senatus ditio, ea extruderemur: aliis tendentibus, vti commentarius, Carnificis manu discriptus, palam, ad imas Basilicæ scalas, infamibus flammis vtularetur, quam in sententiam denique discessit bene frequens Curia. Rege Reginaque Matre auctoribus Secretioris Consilij decretum intercesserat, ante habitam in Senatu rei huiusce relationem, quo decreto de hac causa referri à quoquam, cognoscique verabatur: sed dissimulata huius Interdicti

auctoritate, seuerum in nos pronuntiatur Senatusconsultū, cui pronuntiando in Iure palam quaterni de nostris adlisteri iussi, audireque de huius causæ argumento duriora Senatus monita. Ibi, de Præpositi Nostri Generalis decreto aduersus alias in Tyrānicidij materia disputationes, præfatus eius Quæstionis Præses, ex consilij sententia edicit, quando illo decreto rectè atque ex ordine de tam odiosi argumenti commētariis exceptum est, vti eius omnia capita religiosè seruentur in posterum, ac ipsius decreti sanctio proximo semestri diligenter instauretur: caueant porrò nostri, cuius disputationis, pessimo Regum Regnorūque bono, inuentores ipsi fuerint, vt ne vīquam gentium, vllum iis consciis vestigium prodeat, si saluam in Gallia Societatem esse velint. Durissima omnia expectantibus, tametsi reipsa peracerbus, at suauis visus est, multa indignatione in nos collectus, capitibusque nostris asperè intentatus huius procellæ impetus, quòd omnes colonias nostras in terrarum vltima non eiecit. Seipsā sponte suppresserat odiorum acerbitas, cogendis ex mora viribus ingentioribus, quarum tota simul erumpens moles, funestiore ruina, proximis vniuersæ Galliæ Comitibus, omnium Ordinum decreto, nos obrueret. Comparandis igitur Francorum omnium voluntatibus ad meditati facinoris secum ineundam societatem, ad eius verò approbationem, cæterarum nationum animis, per emissarios diuulgant geminum commentarium; alterum Latinogallicum, vt exteris quoque venenum propinetur, quo docent

docent nostri Ordinis pridem corruisse omnem disciplinam, ad quam erigendam Clerici Laicque nominis Principes quosque cohortantur alterum, qui eius disciplinæ restituendæ rationem ex ipso- rum ingenio explicet. His duobus coniurationis initæ Prodromis vadabantur omnium mortalium animos, & tacita veluti sponsione conflandi nobis exitij, quasi aliud agentes, implicabant. Hac proluſione feliciter exorſi diram, & nobis inauspicati exitus, tragædiam, immanibus criminationum voluminibus aduersum nos instructi, prodeunt in Gallicani conuentus theatrum illustriſſimum, expromturi palam, & summo conatu in nos, quidquid complurium annorum implacabilis ipſorum maleuolentia, sceleratiſſima iniquitas, fraus exquisitiſſima, perfidia inaudita, sæuiſſima crudelitas, in calumniarum infinitū acervum potuit congerere. Qui hominum in nostrum caput coniurantium multitudinem, odium, artes, audaciam, potestatem, gratiamque haberet perspectam, noſſet etiam ab eis tam ardentibus animis nostri peruerſendi conſilium eſſe initum, is haudquaquam poſſet ambigere, quin Societatis nomen in vniuerſa Francia, paucis diebus, interreret. Ita ſcilicet mortales, humanis inducti argumentis, de noſtra cauſſa exiſtimarent, niſi eodem tempore propitij Numinis longè alia intercederent conſilia, quibus periclitantis noſtræ cauſſæ omnis ratio derepentè conuerſa, optimo loco poneretur. Enimuerò trium Gallici nominis Ordinum duo principes Ordines, Clerus atque Nobi-

litas in postulatorum suorum commentariolis, inter cetera capita, nominatim ac impense ab Rege flagitabant, vti non modò restitueretur Claromontanum Societatis Collegium Lutetiæ, sed vniuerso planè Regno nobis liceret nouas ducere Sociorum colonias, omne genus nostrarum functionum liberè obituras: subiiciebant porro studiosissimas preces eo nomine, vti aduersum infensissimas aduersariorum petitiones Regia benignitate nobis præstaretur incolumitas, eaque propter Rex humanissimus Societatem Franciæ finibus comprehensam, in tutelæ suæ portum sinumque interiorem acciperet. Tam illustribus consignata monumentis, eius vtriusque Ordinis adedò propensa in Socios voluntas coniuratae in nostrâ pernicië factionis animos conatusque, tametsi viriû suarum fiducia, nostri que nominis odio, vehementer incensos, non repressit dûtaxat ab cogitato scelere, sed penitùs quoque in præsentia exstinxit: reputâtibus apud se nostris inimicis, post eâ Nobilitatis & Cleri professionē, in quâ instructâ aduersariorum impares viribus & auctoritate incursum essent, si porrò pergerent eo nos genere pugnae lacerare. Decē & octo Calviniani auctoramenti sacrilegū ius detestari, ab insanę damnatęque militię signis ad Ecclesiæ vexilla transiere. Ad remum damnatis, triplici, ac bene numerofo grēge, ter, nostra in æde, vindictis adhibita sunt Sacrorum subsidia, & deinde in atrio domus inducta vestis necessaria, & prandiam copiosè appositum. Franciscus Motus, grandi natu, familiaris operæ nauus
admini

administer, ad tricenarij laboris, fideliter constanterque in Societatis negotio positi, præmia fruenda demigrauit.

*PARISIENSE COLLEGIVM,
& Pontifarenfis Sedes.*

ILIVSTRIS Marchionis piam coniugem viri aduersus quidam casus inauditus sic conturbauerat, vt, trium mensium prægnantem, tristis nuncius, animi corporisque grauitæ ægram, mox lecto affligeret. Vehemens illa commotio immaturum fetum sollicitauit adeò, vt iamiam erupturus putaretur, sed, nequidquam allaborantibus contrà obstetricæ ac medicis, abortionis cruciatus iacentem diuexabant atrociter, & loco suo aliquantulum dimotus infans in angustiis adhærescebat. Noster Sacerdos per eam trepidationem aduocatus, cum periclitanti suggestisset Beati Parëtis vulgò propitiæ parturientibus opem, ipsa ei votum facit, subitoque fetus, medicamentis sua sede antea depulsus, in eam sponte redit, paulloque post, parëte incolumi, ac doloris experte, suauiter effluxit ex utero. Pontifaræ, septima à Parisiis leuca, Iouisfæi Cardinalis sumtibus anno altero constituta nobis est demum Sociorû perpetua Sedes, & Collegij Parisiensis Colonia, valdè lubentibus oppidanis, nostrorumque præsentiam & operam mirificè sibi gratulantibus.

FLEXIENSE COLLEGIVM

NO V I T A T E M Calviniani Evangelij mendacio & scelere nixam nostris admonitionibus agnouere tres hoc anno, sex insequente, ab illiusque peste descivere. Cogitatas à filio nuptias se inconsulto inuitoque parens tam impatienter ferebat, ut natum fugientem insequeretur ad necem, iamque misero armatus imminebat, cum astutis iracundia in nostrum Sacerdotem incurrit, cui tam idonea verba iram lenienti, tam potentia contumaciam retundenti Deus subiecit, ut, suppresso primum furore, composito deinde ad noxæ pœnitudinem animo, planè sibi restitueretur, sanguinem filij paulò antè sitiens, continuoque ad pedes nostri se dmitteret, iussis ipsius oblecturus. Impetratum est ab homine, ut quantum superiora vitæ meminisset, sacra Confessione admissorum omnium rationem ederet, quod ei consilium ad salutem profuit maximopere, ut cui tri-duo vltimus ætatis dies illuxit.

IN S E Q V E N T E anno, Flexienses Scholas Regæ Reginaque, cū suo comitatu visendi causa incūtibus, non commisere nostri, quoad humana ratione prouideri potuit, ut excipiendis tam benefici Principibus suo muneri viderentur defuisse: cecidit autem omnis noster apparatus eis adeò iucundus, ut cū auribus, oculis, animisque multam ac variam hausissent voluptatem, Regiæ iudicium testimoniumque fuerit, quidquid artis, elegan

elegantie, dignitatis, magnificentieque in eo pompæ genere posset optari, cumulatissime accuratum fuisse à nostris, ut nihil à quoquam meritis desideraretur. Vestibulum, atriumque Collegij, propinquum arboretum, Conuictorum impluvium, & huiusmodi loca, amplioris structuræ accipiendæ capacia, suis quæque insignita spectaculis, argumento & ratione inter se aptis & connexis, commissam seriem varietatemque suavisimæ voluptatis intuentibus ostentabant: eò maxime collata industria, ut Rex & Regina, in Musarum sacrario, ab earum alumniis se, ut ipsorum Apollinem Pallademque, intelligerent excipi. Præter erectos in vestibulo fornices: structam in Gymnasij atrio porticum, Borboniæ, Medicæque gentium scriptis, pictisque præconiis magnificè illustres: inibique sublimem, ac bicipitem Parnasum, Musarum choris frequentem: nemus conuentu Siluestrium Deorum nobile: præter hæc, inquam, aliaque infinita oculorum auriumque iucundissima lenocinia, & eruditæ mentis singularia oblectamenta, in primis affecere audientium animos septemdecim lectissimi oratores, linguis totidè Regi exponentes capita suæ legationis: &, secundum hæc, progredientibus oblati inusitata proceritate, augustissimoque ornatu visendus Obeliscus. Huius molis ingeniosa conformatio lumina & mentes intuentium admiratione artificij magnitudinisque continuò defixit, quòd, interrogata, occulto ex ore diserta responsa funderet; tacita verò, pænè spirantis picturæ quodam sermone lo-

queretur. Atque hæc quidem fuit, per matutinum otium, labyrinthi velut Circi vaga quædam decursio: pomeridianis autem horis sedentariam spectationem præbuit theatrum, incredibili adstantium voluptate, argumenti dignitatem, industriam poëtæ, actorum venustatē, mirifico plausu celebrantium. Patri Iacobo Furnerio hic annus feliciter fatalis ad religiosissimum obitum fuit, eum sortito vitæ finem, quem summa, perpetuaque alacritas in exsequendis Instituti sui muneribus polliceri videbatur. Raphaël des Mœurs dignum item præmium pia morte tulit eius operæ, quam decimum quartum mensem in Tirolino, multa cum approbatione, nauauerat.

*M V S S I P O N T A N V M C O L-
legium.*

SOLLEMNE suum tenuere nostri, anno utroque Pontamussij, altero Metis, pueritiæ urbana, suburbanaque, sedulo instituendæ, ad Sacrosanctæ Eucharistiæ primùm libanda mysteria, ut teneris mentibus de diuino epulo eæ religiones ingenerentur, quas nulla temporis longinquitas, vel morum corruptela possit abolere. Quingentorum impuberum ordinatissima, & linteata cohors Pontamussij, Metis haud multò infrequentior, processit in sacram ædem epulatura cum Cælitibus, religiosissimoque spectaculo mirabilem in omnibus ciuibus morum pietatis concitauit. Vicini

cini oppidi rem omnem ita conturbauerant principum ciuium duo, funestis simultatibus diuisa in factiones duas infestissimas ciuitate, vt quoniam aduersę partes in aduersas perpetuis insidiis eruptionibusque grassabantur, latronum præsidium eo pomœrio veriùs, quam iure sociatorum oppidanorum conuentus claudi putaretur. Eam verò pacis & amicitia inter partium duces reconciliandę felicitatem Deus Sacerdoti nostro impertitam esse voluit, vt vtrosque ad templi valuas perductos, stupente ac exultante ciuitate vniuersa, inter se amicissimis congregientes verbis animisque committeret, iteratisque amplexibus firmata concordia, eosdem adhiberet suę quemque partis cū aduersa factione pacificatores, quorum opera in multam animorum consensionem reuocatis oppidanis omnibus, publicę asserendę in posterum tranquillitati, religiosè obeundis Sacramentis, pax Numinis postulata est, ac secundum Sacra in communes epulas passim discessum est, ingentibus perpetuandę beneuolentię studiis. Inibi claro genere matrona Hæretica, vno contumacissimę peruicacię telo nostrorum congressum retundebat, quos vt inauspicati aduentus nuncios auersabatur maximoperè, vt, cū proximè redituros ad se arbitraretur, Metas properè, simul abducta familia, se auferret. Acerbissimè ferebat tantum honoris haberi ab Catholicis Virgini Matri, cui vt venerationem detraheret, quantum poterat, ipso Diuini Conceptus, Marię nunciati, Festo die, lanci linteivę operis nescio quid ac pingere petulan

tulanter occæpit , quasi contribulium suorum insigni quodam operæpretio litatura manibus; at ecce, obstinati sacrilegij vindex stupor maleficio suo contumaciùs instantis animum membraque occupat desubitò , & vi tanta , vt voce ac sensibus momento suppressis , ore turpiter fluente , pænè dimotis sua sede oculis , furenti similem , in eodem vestigio, exstingueret.

M V S S I P O N T E M curriculò aduolauit, anno posteriore, supremæ Parisiensis Curiaë causidicus , impensèque rogauit , vti secundò allegeretur in Marianum Sodalitium , vnde sua graui culpa pridem exciderat, sui que huius postulati rationem hanc afferebat. Per affectam grauissimè valetudinem, vnde nullus sibi esset respectus ad vitam, cum , exsoluendæ omni noxa conscientiaë, admissa toto æuo attentius excuteret, animo succurrit neglectæ desertæque Virginis piaculū, cuius ex memoria tam acerbus hæsit in mente aculeus , vt eū deinceps nullus assiduorum precum ardor , nulla Confessionis iteratæ vis , nullum damnatæ desertionis odium , ex intimo pectore auelleret. Quouis sæuissimæ necis cruciatu illa mentis carnificina crudelior , hoc miserum torquebat atrociùs, quòd & erat assiduissima, & , alioqui iam iam morituri, perpetuando supplicio , animam videbatur distingere. Post adhibita nequidquam insanabili dolorum acerbitati quæcumque alia fomenta, tandem perditè afflicto venit in mentem vouere Magnæ Matri reditum in eius Parthenium gymnasium , qua sponsione vbi se deuinxerat , continuò agnouit

agnouit æger ex remissione doloris vim morbi suppressam esse diuinitus, idque liquidius, quod sæuus ille angor animi simul omnis absterlus est. Ut igitur ei virium tantum est redditum, vt sedere posset in equo, citas ad nos accurrit, amissumque sua culpa ius Sodalitij, precariò sibi postulauit restitui, eis legibus, quas in officij sui negligentes iure nosset esse sancitas. Non potuit videri sua petitione meritò excludendus, cui Præses ipsa, Materque sacri conuentus, manifesto prodigio eius repetendi auctor fuisse proderetur: quare, admissus ad formulam sollemni ritu pronunciandam, eo sensu pietatis, suauis lætitia conditæ, legendo eam decurrit, qui etiam in audientes refunderetur. Alteri, eiusdem cœtus desertori, mox vltices flagitij tedas tam diras assiduasque admouit consciëntia, vt, non die, non nocte, vsquam mente acquiesceret: circûsideri se ratus perpetuò Stygiorû monstrorum infestissimis globis, ab eisque in barathrum suppliciorum abripi, quoad rediit ad legitimum Sodalis officium, Magnæque Matri supplex aduolutus, eam sibi placauit.

VIRODVNENSE COLLEGIVM.

VENEFICIJ damnatos quinque, ac eodem absumendos rogo, ad supplicium felicissimo euentu deduximus, vt si abesset flagitiosæ vitæ infamia, præ religiosa ipsorum morte optabilior nulla possit existimari. Eorum vni sagarum
verius

veriùs inuidia, quàm suum scelus, perniciem attu-
 lit, sed, quam iure posset, innocentiam nullam ac-
 cusationi prætexuit, ratus sibi conducibilius fore,
 imprudentiæ suæ noxam vel ipso interitu expiari.
 Pascenti gregem in solitudine Acherontius Fe-
 nerator improuisò adstitit purpuratus, complu-
 riùmque aurcorum gratuitam stipem ab se iubet
 accipere, beneficium haud iniucundum homini
 egentissimo, & aduersùm veteratoris insidias ab
 ingenij tarditate imparato, cui nec venit in men-
 tem fraudes suspicari, cùm abstrusos in sinum a-
 dulterinos nummos post paullò deprehendit esse
 mera aridorum foliorum ludibria. Ad irretitum
 primo illo congressu agrestis indolis hominem re-
 dit post dies aliquot sycophanta Stygius, iubetque
 sibi comitem adesse aliquod properanti, abicere
 verò procul sacro ritu lustrati panis buccellâ, quâ
 apud se haberet, cui non obsequenti multas inge-
 rit plagas, vique adactò sacri panis amuletum ex-
 cutere, subsequendî necessitatem tantò liberiùs
 imprimi, eumque in propinqui montis latebras,
 magicum ad conciliabulum, abripuit. Ibi acceptus
 liberaliter ab epulantium, deinde saltantium fre-
 quenti cœtu, postea inuitabatur ad horrendi mo-
 ris sacrificia, quorum fœditatem animo auersatus,
 IESU ac MARIAE nomen appellat, quibus
 enuntiatis, quasi flantibus Aquilonibus, instar fru-
 mentariæ glumæ omnis ille sacrificantium diffu-
 tus est globus, horrorisq; plenissimus pastor ad
 gregem e colle degressus est. Detestatus est homo
 idiota hunc ignauiae imprudentiæque suæ lapsum
ranto pe

tantopere, ut cum se veneficarum odio prodicium
eius maleficij quæstitoribus inaudisset, ideoque
capeffiuisset fugam, ipse ultro ex fuga se reuoca-
ret, sponte luiturus, quod se commeruisse arbitra-
retur, impia stoliditate, supplicium, ut & postea
luit, inaudita tranquillitate animi, singularique si-
gnificatione pictatis. Alterum, ab incunabulis
mater inauguratum sacris magicis, feralis carmi-
nis cærimonia Orco desponderat, quem, longè
post ea Tartarea initia, immanium maleficiorum
compertum, formidolosorum spectrorum quoti-
dianis terroribus à Pœnitentiæ instituto Cæcœdæ-
mon auocare conatus est, cuius grauissimas im-
pressiones cum iugis orationis clypeo retradisset,
ad extremum cælestis visi iucundissima specie re-
creatus, acerbissimorum cruciatuum incredibi-
lem cupiditatem animo induit, quibus alacriter
excipiendis, Christo pro virili paria rependit. In
equuleum tolli sæpius expetit, eoque nomine,
comperta crimina infitatus aliquando est, ut sui
denuo torquendi necessitatem indicibus afferret.
Damnationis seuerissimam formulã lætissima ex-
ceptam gratulatione, prouolutus, in genua postu-
lauit exaggerari eo pœnarum corollario, ut sibi
circum fori vacua, lictoris manu sæuissima ver-
bera tertio prius ingererentur, quam rogi ultimum
supplicium iniret: quod ubi non concedebatur,
ipse suis humeris acerbissima flagella in carcere
admonit. De illo reorum quinario vetula incubo-
nem ex Erebo diutissimè, ac intolerandis quidem
vexationibus, passâ, tyrannidem eius ab se ran-
dem

dem vexationibus, passa, tyrannidem eius ab se tandem solido anno prohibuit, cum instituisset quotidie aliquantum lustralis aquæ ante opus m-
nè haurire.

BITVRIGENSE COLLEGIVM.

SOCIORVM vnus à Præsìde suauiter officij sui monitus, cùm post paulò eandem in noxam inpegisset, ratus Cacodæmon eius animo ad defectionem impellendo patere sibi aditum, Patris Ministri effigie, ad varios affectus conciendos, fraudulenter composito vultu ac sermone, ipsi se sistit, & eum sermonem adhibet, vnde ille intelligat, omnia sibi naturæ gratiæque præsidia deesse, quæ ad Religiosum Institutum sint necessaria, paucosque sibi dies apud nos concessum iri. Miratur quidem, tam præcisè, tamque præter consuetudinem, ab vno Præsìdum ea sibi denunciari: suo tamen merito arbitratus dura sibi verba ingeri, omnia tacitus & libens accipit: eoque in primis nomine, quòd suam probari patientiam existimaret. Exiguum excesserat temporis, cùm idem redit, docet adesse à Prouinciali epistolam, quæ eum missum faceret ab Societate; vt amicus hortatur, ignominiosæ missioni præuertat honestam com meatu petitionem, huius anteoccupationis gloriosum futurum sibi & ingressum & exitum: interea iubet eum deinceps administratione certi muneris abstinere, ad quod, lapsus memoria, cùm rediisset,

rediisset nihilominus, & ille monitor ex eo cogere, esse huic misero ad Religiosa officia ineptum penitus ingenium, hac denunciatione perturbatus adolescens, quid secum agatur, Spiritualium rerum Præfectum admonet, & hic vicissim Patri Rectori significat. Præses Patrem Ministrum percontatus discit, nihil eorum ab se contigisse, quæ in illum Fratrem commissæ essent, ut iam nemini dubium fieret, quin illis in præstigiis fraudulentæ laterent Stygij quadruplatoris insidiæ: quamobrem Socio toties iterata impressione perculso Rector animos facit, hortatur aduersus tenebrionem, nihil nisi ex occulto molientem, strenuè audeat omnia, & si quidem in conspectum venerit, per summum despicatum, eius vultum liberaliter despuat. Hic tamen si egregiè animatus discessit, ad insidiatorum procul exigendum, nihilò tamen minùs ferè totus obrigit, ubi se ille vaser obtruserat, ut aliud nihil, quàm stuporem sensuum, & animi caliginem præferret, dum insimulatur nimis facilitatis in re aperienda, quam vulgari utile non esset. Debelatum esse postremo illo conflictu putauerat impius carnifex, ultimam ergo adhibet machinam, ut sua opinione fractum fustumque procul etiam Familia exterminet. Instauratiuis Votis dies predicta erat, eoque omnium domesticorum se studia conuerterant, vnde ansam arripit Acherontius parricida nostri hominis peruertendi: dicit Pater Rector, inquit, tu vnus absis à conuentu Sociorum Vota iterantium: vide, quid consilij tibi capiendum putes: tui periclitandi hæc perquam

idonea, postremaque captatur occasio: si sapiēs, cogitabis obsequij liberalis sacrificium Deo futurum iucundius reliquorum Sociorum consecratis per Votorum sollemne victimis. Compos hūc sui fuit noster, quia præsēntis Numinis præsidium aderat: nihil itaque cunctatus, lustricæ aquæ vrceolum, quem Fors obtulit, validè impingit in os sacrilegi, seque hac vna petitione diro monstri congressu, & impugnationibus absoluit in perpetuum. Discipulorum quidam terrum in flagitiū ferebatur tanto impetu, & ita inueterauerat in eius animo sensuque peccandi libido, quæ in ceteram quoque adolescentiam contagione serperet, vt humano consilio reliqui nihil fieret, ad eam pestem eluendam. Itaque ad preces studiosè descenditur, quibus sollicitato dies aliquot Numine, adolescenti decumbenti per nocturnam vigiliam immanis monstri species offertur, & illa quidem tam truculento & horrendo aspectu, vt ea vel animaduersa miser, repentè defectus viribus animisque, ferre contabesceret. Vbi vero funesta belua, dirum fremens, horrificis vocibus atrocium minarum ferale carmen cœpit infringere, quorum illud vñq̃ caput erat: Pergeret porro sceleratus in flagitiorum sentina volutari, breui adfuturam horam, quæ ambos ipsos æternorum suppliciorum societate coniūgeret: tūc hic dehiscentem terram sentire visus, inauditis terroribus æstnabat: neque aliud frenum nefario iuueni deinceps opus fuit, quo inhiberetur ab sceleris inueterata consuetudine. Parthenius Sodalis & alter,

eius

eius condiscipulus dum nescio quid Philosophicæ
cōmentationis corū alij scribenti dictat alijs, tur-
bidiorē iam cælo, intendētibz se deinde maio-
ribz tenebris, aëre verò tumultuosius concre-
pante ab ingeminatis tonitribz, accurrunt specta-
turi ad fenestras, vbi eos horrenda obiectæ regio-
nis facies ad precationis officium inuitat, quā piē
defuncti assurgunt, seq̃ue ad pensum reuocant.
Vix vnum aut alterum versum scribendo promo-
uerant, cū cuestigio Parthenius cælo delapsa
flamma totus circumfunditur, sed impunē, ac post
eum ille alter puer, cuius globo circumuolente
se, sine vulneris vestigio exstinguitur. Creditum
est, inopinanti licet, haud imparato tamen, in-
faustum letum obtigisse: nam eius ad fenestram
spectantis audita eiusmodi vox erat: Pro, quā
formidolosus nunc terror incutitur mortiferę cul-
pæ sibi consciis! cuius sententiā hemistichio sub-
secutus Sodalis adiecerat: Quamq̃ue ad omnia ful-
mina pallent: secundū quæ verba vterq̃ue Deo
supplex procubuerat in genua. Parthenius certē ad
collabentis socij extrema suspiria nihil antiquius
habuit, quā vt humi accidens declinati periculi
beneficium religiosē agnosceret, seq̃ue, sospitanti
Patronæ tantō impensius perpetuum clientem de-
nuō addiceret. Eiusdem Sodalitatis alumnus alijs
ad res Philosophicas percipiendas Bæotica qua-
dam stupiditate suffusus, & plumbeo velut inge-
nio, cū penitus hebesceret, votis Virgini Ma-
tri nuncupatis, huic duritiæ mentis amoliendæ,
tantum postea perspicacitatis nactus est, affuso

ipsi, Virginis opera, clarissimo lumine, vt de Philosophicis enigmatis abstrusissima quęque liquidò peruideret.

Insequentis anni haudquaquam lata nobis, adeoque vniuersę Franciæ, tempestas fuit, importuno leto præcellentissimi pace belloque viri, Claudij de la Chastre, Galliæ Mareschalci, rebus gestis florentissimi, meritissimique Biturigen- sium & Aureliensum Gubernatoris, cui, quam- diu stabit, Francia plurimum debebit nomine aui- tæ Fidei sanctè acriterque propugnata. Incensum eius in nos perpetuò fuit studiū, vt non modò, propè sublatam in humeros suos Societatem re- uexerit Biturigas, sed in omnes de nobis bene me- rendi occasiones iugiter excubarit, cuius liberali- tate iam aliquot annos ducenteni aurei huic Fa- milia numerabantur: cuius aucti benefactis, & auctoritate gratiaque, qua multū valuit, cū egregiè tecti, quoad vixit, fuerimus, haud abs re patrē ap- pellauerimus. Ei viuenti frequens in ore ille sermo fuit, optare se id modò vnum de nobis, vti ne morienti vñquam deessemus, cuius officij haud illo cupidiorē, quam nos essemus, cecidit euentus planè vtrisque ex sententia, vt is inter nostrorū manus vita religiosissimè defungeretur. Terni Concionatores de nostra Familia fructuo- sissimas operas ciuibus dederunt, sed qui dixit in æde principe, præconium tulit omnium suffragiis, ante vicesimum annum tam claro plausu, tamque vberi fruge hic habitas non esse conciones.

NIVERNENSE COLLEGIUM,
& Augense.

NIVERNIS, utroque anno, & in ipsa vrbe & foris, pestis intestinæ nauscam vomitūque ciētibus nostris, aliquot Caluinianū toxicum eiecerunt. Accersito hinc Concionatore Aurelias, eruditissimæ honoratissimæque cōcionis ea perpetuò frequentia fuit, ut incuncti suggestum Sacerdoti sæpenumerò aditus præcluderetur: quo ex audiendi studio, & illud secutum est, ut ad perpetuandam adeò fructuosæ dictionis copiam, omnium ciuium animi accenderentur cupiditate Societatis suam in vrbem inducendæ, quod iam olim cogitauerant, nunc autem reuocatis ardentius primis eorum studiis, domicilium deinde nobis est apud eos constitutum. Mulieri, perpetua sterilitate medicorum pronunciatis damnatæ, certis cōditionibus factum Beato Parenti nostro votum, nono mense, quàm conceptum id fuerat, prolem feliciter impetrauit.

AUGENSIS ciuis, à pietatis commendatione nobilissimus, & fabrilis ferrariæ, horologiorūque in primis, scientissimus artifex, exarsit in studiū expeditionis Canadiæ, vbi audiuit eò proficisci vnum de nostris, notum sibi Sacerdotem, cuius in comitatu ut decederet, ægrè licèt, ab sua coniuge impetrauit, vtilissimas scilicet operas Christianæ Colonix in peregrina ora nauaturus exi-

mio artificio, neque minùs vtilis ab infita pro-
bitate religioni daturus. Nauta Lemurum assiduus
molestiis vexatus, sacri Agni plagulam, ab nostro
acceptam, cum sibi adhibuisset, importunis spe-
ctorum intemperiiis subito exsolutus est: sed ubi
verecundia Hæreticorum, apud quos degebat,
potens amuletum excussit, exarsere tantò acer-
bius in eum diurnæ nocturnæque Furia, atque ad
veteres terrores, etiam verberum sæuitiam ad-
iunxere, quibus se nunquam exemit, quoad re-
diret ad sacræ ceræ præsidia.

*ROTHOMAGENSE COLLEGIVM,
& Rhedonense.*

Q V A R T V M annum inter nos egerat Pater
Antoniùs du Thot, Rothomagensis, cum
animam egit, in ipso ætatis flore, atque robore
confirmatarum in eius mente multiplicium nobi-
lissimarumque virtutum, quarum splendor vsu
nobis exterisque iam cognitus, triste huius viri
desiderium reliquit. Expugnata contumacia octo
Caluistianorum, sed mulierculæ vnius inusitata
peruicacia negotij plus peperit, quàm obstinatissi-
morum soleant multiplices decuriæ. Amplum
patrimonium, ingenium, multam industriam, ac
malitiam, caput denique ipsa suum deuouerat di-
uexandis quacumque ratione Catholicis, quo no-
mine coniugem sibi adsciuerat Typographum, &
atrocissimis in Ecclesiæ Romanæ, ac Iesuitarum
nomen

nomen, commentariis conquirendis, edendis, tota Gallia disseminandis, perpetuam acerbissimamque calumniam ingenti ardore factitabat. Eam multæ fraudes in vincula tandem compegerunt, vbi, seu quia iam decoxerat, seu quia laborabat causæ infamia, sui sectarij eam omni destituere subsidio, vt ea in solitudine, rerumque angustijs, sensim multū de veteri ferocitate remitteret, nec ea deinde pigeret aurē nostro accommodare, Catechismū in custodia explicanti, nisi cæterorū captiuorum conuicijs, vt sacrilega, eo cœtu excluderetur. Admittenti benignæ orationis solatia, & mentionem quoque de Fidei capitibus, studiosè sunt adhibita ea omnia, quæ viderentur personæ temporique idonea; sed irritò complurium dierum labore; postea verò sua sponte professæ est, certum secretumque sibi esse ad Catholicos transire, atque huius consilij sui ex eo ipso die testē habere cupere vniuersā victorum multitudinem, adeoque ipsam totam ciuitatem, cuius suæ denunciationis, & promissi formulam, scripto consignari mox postulauit, cui suum chirographum adscripsit, nostroque seruandū tradidit. Data sedulò opera, vt eximeretur vinculis, quibus absoluta, nihil non molientibus, quo iure, quauē iniuria Hæreticis, vt ne à suorum grege descisceret: publicè, summaque alacritate, apud Antistitis Vicarium, hæresin execrata est.

Altera parte huius biennij fluctibus Parisiensis tempestatis nos quoque non parum vexati sumus, vt in hanc Familiam infesta odia, maledictaque atrocita. Ordinum omnium erumperent apertissi-

mè : fuere tamen de ciuibus viri principes, qui hoc studiosiùs, luculentiùsque publicè ac priuatim, beneuolentiam erga nos suam ostenderent, professi hanc nobiscum inuidiæ societatem sibi iucundam accidere, paratis fortunarum omnium, ipsiusque vitæ periculo pro Sociorum incolumitate certare. Horum singularis alacritas constantiaque in tuendo nostro iure, prætereaque manifestum in nos studium huius Prouinciæ Præsidis, & Sacrorum Adiutoris, ab Ioiusæo Cardinale summissi, nubem illam calumniarum maleuolentiæque paulatim discussam absterferunt.

R H E D O N I B V S Patri Ioanni Dalbino aditum ad æternitatem aperuere Religiosæ disciplinæ studiosissima obseruantia, obitque multo Diuini cultus ardore labores nec pauci nec modici, quorum in stadio sibi ac ciuibus fructuosissimè versantem prior huius biennij annus ad præmia emisit. Maclouiensem diœcesim rogatu Antistitis duo Sacerdotes nostri vberrimo indigenarum cõpendio lustrauere, summaque Pontificis voluptate. Architectum Catholicum, pretio redemptum, Hæretici fano sibi exstruendo admouerant, reclamante Antistite, ac in operis redemptorem Ecclesiasticas stringente Censuras: quarû seueritatè, reuerentiamque nihil moratus sacrilegus, fanum pænè ad fastigium perduxerat. Diu cum eo nostri operam luserant, sed non perinde cum eius operis, quæ, iniecta sibi religionis impietatis admittæ, in sceleratum delubrum sic iracundia exarsere, vt maxima tecti parte, ac eo, quòd recentis structuræ fuit,

ra fuit, deiecto, suam noxam detestantes, excederent ab opere: eius loci Dynasta, & toto Hæretico nomine, in tanta sui ritus contumelia, nequidquam frendentibus. Effectum denique ut damnatæ fabricæ præfectus, agnita grauissimæ offensionis toto eo tractu culpa, ipso in vestibulo ædis Pontificiæ, ex veteri Ecclesiæ ritu, publica defunctus pœna, illatam Catholico nomini infamiam abstergeret.

ALTER annus Patri Nicolao de Martigny prosperè fatalis fuit, cùm altero mense, quàm huc venerat, Rhetor in annum sequentem designatus, sanctè interiit, congruenter anteaactæ vitæ, ab eximiarum virtutum ornamentis valdè illustri: cuius, supra cæterum decus, Religiosa humanitas ciuium animos ei iam magnopere conciliauerat. Quadragenûm horarum supplicatio, nostra in æde his primùm Liberalibus instituta, concursu omniû omnino ciuitatis Ordinû, celebritatis, religionisque habuit quâ plurimû, ut vicena millia hominû apud nos cælesti mensæ accubuerint, silente per illud triduum, publicè priuatimque, omni bacchantium licentia.

*MOLINENSE COLLEGIVM,
atque Ambianense.*

TR E S ac sexaginta natus annos, Patrem Franciscum Bonaldum, singularis moderationis, prudentiæ, pietatis, obsequiique virum, huius

ſæculi decimus quartus annus è confortio noſtro
& è viuis ſuſtulit : cuius funus , pro ea ſanctimo-
niæ opinione, qua valuit apud omnes exteros, to-
ta ciuitas eſt honorificentiffimè comitata , eique
priuatis ſermonibus celebres dixit panegyricos,
collaudanda , in complurium magnarumque vir-
tutum nexu , eius animi demiffione incredibili.

A N N O priore Ambianenſibus ſcholis nata eſt
Parthenia Sodalitas , eodemque illi exſtinctus eſt
totius Mariani chori flos delibatus, annorum duo-
decim , Peronenſis puer , quem iam inde ab incu-
nabulis Magna Mater ſibi delegerat, inuſitatæ cu-
iuſdam ſapientiæ , innocentiaque futurum pueris
ac viris exemplum ſingulare. Eius indoles ad om-
nem religionem egregiè comparata, octauo ætatis
anno, ardentiffima cæleſtis epuli fame cœpit con-
citari , cuius uſu aliquamdiu prohibitus , vt æſti-
mandæ tantæ rei minùs idoneus , vt tandem frue-
retur , rationibus haudquaquam puerilibus impe-
trauit. Vt autem inaudire de noſtrarum ſcholarum
diſciplina , incenſo rerum diuinarum ſtudio, qua-
rum ibi fieret vberior copia , precibus expreſſit,
vti ad nos mitteretur. Diſcipulorum noſtrorum
cœtum ingreſſus , quali nouus, & inſito ſplendens
lumine Sol, inter minora ſidera exortus, euſtigio
cũctos in admiratione ſui rapuit, beneuolentiã-
que : ſuauiſſima nempe ipſius erat conſuetudo,
mores compoſitiſſimi , ſermo totidem panè ora-
culis , quot conceptus verbis , erga res Diuinas
ardor incomparabilis: quibus ſe abſorbendũ ſum-
ma ſua voluptate magnam temporis , partem da-
bar.

bat. Sed vel tā sancti pueri præsētia indigni erāt mortales , vel Cælites non digni diuturna vtrique eiusdem absentia, vt paucis mensibus ei propemodum viuēti suauissimè animus euelleretur è corpore, beatorum ehoris mox inuehendus. Symphonia Præfectus rupta in pectore vena multum inde cruoris vomuerat , liberaliore præterea sanguinis missione iussu medicorum exhaustus propemodū viribus , certissimam mortem exspectabat , vna ei reliqua spe in patrocinio Beati Parētis Nostri, quē musicis canticis celebraret lubentissimè , ac piè cōleret : qua in cogitatione cēpit cum eupido reliquiarum ipsius, quibus allatis derepente venæ solutio suppressa est , robur restitutum , ac deinde secuta sanitas.

RHEMENSE AC CADOMENSE

Collegia, & Caropolitana Sedes.

PERDITÆ valetudinis trienni continenter vexatus ærumna Pater Ioannes Du Bois , æquitatem animi , & alacritatem , serenitatemque vultus eam iugiter ostendit , quæ altis radicibus affirmatæ virtutis argumenta præberet illustrissima , vnde salutaris disciplinæ documenta vniuersi hauriremus , ac tantò cupidius , quòd , iis tranquillæ patientiæ calcandis ad extremum gradibus , aditum in cælum sibi tandem aperuit. Sacerdotes duo , missi Antistitis Suesſionensis , partem non minimam eius diœcēsis obiuere , vberimo Catholi

tholicæ Religionis, disciplineque Christianæ pro-
uentû , abolita sacrorum rituum ; proborumque
morum corruptela , quam passim ignorantia vel
negligentia officij vulgauerat.

Cadomensis agri solum , Caluiniano lolio mul-
tis locis oblitum , ipso runcando , pastinandoque
negotiosissimas nostras habere solet operas, neque
semper inani labore , quando , priore anno qua-
dragenas binas , posteriore quinquagenas illius
ingenij stirpes explantatas , feliciorique sulco im-
missas , generosi frumenti clara ingenuitate dona-
uimus. Retegenda porro nouarum sectarum infam-
ia, exponendoque Romani ritus genuino splen-
dore, adiiciunt Hæreticorum simplicissimi oculos
ad lucem veritatis quàm lubentissimi , vt & ipsi
pueri , vel inuitis , vel ignaris parentibus , vulgo
Catholici nominis , & Sacrorum communionem
ambiant.

C A R O L O P O L I T Æ Socij Sedanensibus se-
ctariis , omnium tota Gallia peruicacissimis, plu-
rimum per frequentes excursions facessunt nego-
tij, quodd non modò eorum fœdè laruatam doctri-
nam per aures indigenarum ignominiosè tradu-
cunt, sed fama sui nominis plurimos quoque de
Caluini schola pelliciunt, trahuntque suas ad con-
ciones , quibus , vt non intersint frequentes , ne-
queunt edictorum seueritate deterreri. Monacho
ingenioso eruditoque, transitionem ad sectarios
molièri, opportunè interuenire nostri, suaque ope-
ra tanto flagitio inhibitum in sacro Instituto con-
firmarunt. Vndecim annorum puerum Stygius
mango -

mango sibi manciparat, fraude mulieris veneficæ, impressisque vnguibus sinistro eius humero, velut sui gregis pecudem, familiari consignauerat symbolo: sed exitialis mancipationis vinculo eum exsoluimus, adhibitis Sacramentis, Agnoque cereo.

*NANCEIANA, ROTHOMAGEN-
sis, Parisiensisque Probationis
Domus.*

VN o Tironé, Veterano vno, vtrisque suo in ordine clarissimis militibus, minuta est, priore anno, Nanceiana Familia. Nicolaus VVapy, annorum duodeuiginti, paucorum mensium Nouitius, vti ab incunabulis vixerat integerrimè, ita sanctissimè occubuit. Beati Aloisij nostri proximè consecutus sacra vestigia, quem sibi olim sumserat omni contentione animi exprimendum: quibus studiis defixum eum complexus cælestium donorum copiosus imber, mirabilem exquisitæ cuiusque virtutis vbertatem in eo suscitauit, promouit, perfecitque. Iam antè initum Tirocinium ea vitæ sanctimonia floruit, vt testatus sit Sacerdos, omnium eius arcanorum conscius, infusam ipsi per Baptismum lustratæ integritatem animi, nullius mortiferæ labis accessione inquinatam, perseuerasse purissimam vsque ad obitum: quam, inter quotidiana perfectæ vitæ incitamenta, exaggeratam in Tirocinio maximopere fuisse oportuit.

euit. Patri Innocentio Piquet, septuagenario, dimidium fermè vitæ in Societate versato quàm religiosissimè, par ætatis exitus obtigit, quem sperari fas erat ex anteaacti temporis glorioso curriculo. In Tirocinij Statiuis complures iam annos fructuosissima merebat stipendia sacri belli miles experientissimus, cuius assiduo exemplo ad omne genus armorum, bellorumque salubriter informaretur, iuuetus, quæ rudimenta ibi ponebat. Ea senectæ vir non sineret quemquã iuniorum sibi aut alacritate, aut perseverantia in vlllo genere laboris præire, cui omnis profectus dies, ab aurora ad vesperam, in templo domi: festus verò in agris, rustica plebe instituenda transigeretur, summa virium contentione, in qua interdum validi adulescentes ei non responderent. Secundo annò vnus quoque Tironis funere multati sumus, Anneti Aymardi scilicet, cui longinquæ febris diuturna molestia vt multam præbuit patiendi materiam, ita ille oblatam cupide arripuit; eaque exercenda multarum ei conitum virtutum illustria documenta continenter dedit.

ROTHOMAGENSIS Domui videbatur graui-
ter incommodaturus vir potens opibus, dolore
amissi, vt interpretabatur, filij, qui, postulata im-
pensis diuturnisque à parente precibus nostri Or-
dinis inuendi copia, repulsamque passus immeri-
tò, receptum apud nos sibi tandem parauerat. Ira-
to in nos ac in filium animo venerat, iudicio, &
vi etiam, cum reperiturus, si vel obstinatè retine-
remus, vel ipse patriæ auctoritatis rationem non
habe

haberet : sed admissus liberalissimè ad nati congressum , cum sibi priùs sumsit suam in sententiâ rationibus perducendum , quibus nisi vinceretur , aliorsum oppugnationem conuerteret. Qua verò parte se instructiorem fore putauerat , ea fuit imbecillior : adolescentis enim defensio accusatione senis , vt potior iure , ita pondere argumentorum validior , aduersarium loco facilè deiecit : quam ad vim rationum cum accederet dicentis summa venustas , & in aperta causâ victoria , moderatio animi verborumque singularis , ratiocinatione ac urbanitate filij parens victum se palam professus est , moxque ad illius consilia & vota paternæ auctoritatis suffragium adiunxit , & eodem tempore animum ad nostras rationes egregiè affectum , cuius in hunc diem argûmenta existunt cum primis illustria. Rothomagensis Curix Senator , filiorum duobus ad Religiosum Institutum iam transgressis , duorum reliquorum altero Societatem appetenti missionem præcisè negauerat , postque adhibitas eo nomine frequentes Deo preces , recusaturus etiam erat in posterum ; sed per nocturnam eius rei meditationem subortæ vberes lacrymæ , mentisque anxietas , permouere hominem , vt super eo negotio Diuinam mentem diligentius exquireret. Vbi ergo se lectulo eiecerat , religiosè antea fuis precibus , rem Diuinæ Prouidentix , ductis ex Dauidis psalterio sortibus , permittere constituit : bis autem de filij missione sortienti exiit accommodatissimus ad causam psalmi versiculus , prior hic , Nonne Deo subiecta erit anima ?
iste

iste posterior, Beatus quem elegisti, & assumpsisti: quo utroque cęlesti oraculo demum acquiescens, aduocatum mōx filium sua manu libens emisit. Postera verò luce eundem adducit in nostram Probationis Dōnum, vbi pię contestatus ducere se in summis suis bonis eā filij ad nos transitionē, eoque nomine religiosē Numen veneratus, nato- rum sibi carissimum ei consecrauit. Adolescentis acerbissimam herniam conquisiti vndique pręcellentes medici aliquot annos curauerant irrito conatu, cū ægro subiit consiliū vouendę Castitatis, & nostri Ordinis amplectendi, quasi posita in eo certa spe sanitatis; quam inter deliberationem solidum tamen biennium effluit, laxati porro ventris plaga in dies ingrauescebat. Virgente igitur malo acerbius, Beatī Parentis nostri opē exposcere cępit ardentius, eoque in studio complures dies perseuerare, voti ab se concepti inferre mentionem, quasque ex sponso cum Beato agere, quod dum facit contentius, & pendentes ē collo reliquias Beatī reuerenter suauiat, desubito perfanatum se animaduertit, qui, deinde factus Societatis compos, inter nos viuit valetque.

PARISIENSIVM Tironum spectata in triclinio ab Cardinale Iouisæo eximia modestia & sobrietas multā ei admirationem cum pari voluptate peperit, vt inter suos deinde, quod iucundissimē spectauerat, summo opere prædicaret: quę tamen animi commotio, vt in tam pio Antistite minimē noua, ita singularis non fuit, pro ea, quam eadem morum orisque compositio in militari viro

conci

concitauit. Nostro in horto fortè ambulabat vnus aliquis, bellica laude clarus, gratiosusque apud Dynastas, & incurrit in Tironem, aliquid mandati operis exsequentem, cuius aspectu, ore ac membris totis meram modestiam innocentiamque spirantis, mirificè captus, congressionem eius priuatumque colloquium illico cœpit, vt sibi frugiferum, expetere vehementer, eoque quærît de ianitore, num eas Tironis conueniendi futura sit copia. Postridie itaque redit, & sapius deinceps, eumque sibi Christianæ disciplinæ doctorem adhibet, hauritque quàm auidissimè prompta e Nouitij pectore de omni vitæ ratione salubria documenta: & cecidit quàm bellissimè in militare pectus ea puerilis institutio: eo enim magisterio inductus bellator ad seriæ Confessionis studium, compositionemque vitæ reliquæ, nunc, in mediis Aulicæ consuetudinis fluctibus, pacatam piamque vitam-viuit, magistrique sui recolens identidem magna voluptare memoriam, cognomine grati animi perpetuo indice, solet eum suum appellare velut seruatorem. Ignatius Cottonus, annorum duodeuiginti adolescens, octo mensium continēti, grauique vexatus morbo, Niuerni, quò venerat hauriendi mitioris cæli gratia, occubuit, Tiro multiplicium præcellentiumque virtutum clarus iam athleta, cui si euadere in virum liceret, expleturus videbatur eximiæ Religionis numeros, ita eū natura expresserat, finxerat cultura paucorū mensium ad Instituti nostri maxima quæque decora.



PROVINCIA

AQVITANIA.



S E N I S Familiis, ducentenis ternis aut quaternis Sociis, ad operas emissis, hanc Prouinciam toto biennio coluimus, in culturæ partem venientibus pro virili duobus & octoginta Sacerdotibus, Magistris quadraginta, septuaginta Discipulis, Adiutoribus sexaginta, Tironibus cæteris, quorum tredécim priore anno, posteriore sex & viginti adscripti sunt, vtroque anno ex omnibus Sociis nouem decessere.

BVRDIGALENSE COLLEGIVM.

Q V A T E R N I S huius domicilij funeribus initium dedit Franciscus des Barres, Senatoria familia natus Burdigalæ, in patientiæ schola diu exercitus, multa cum sua laude, nec dissimili meritorum prouentu, dum quotidiana & longa veluti morte illum phthisis conficit, donec penitus ex

ràs exstinguat. Patri Ioanni Hauureo & viuenti & morienti longe fuit acerbius inter diurnos iugesque calculi cruciatus, quem, atrocissimorum dolorum alto velutimersum pelago, aut tacitum perpetuò vidimus, aut in sacris Iesu & Marię nominibus leuiter ingemiscēte audiuius. Tertius locus inter obeuntē obfigit Ignatio Torreto, adulescenti eximia spe rerum magnarum inclyto, sed quem Deo visum sit ad maiora fruenda euocari. Quarta fors Ioannem Barin, Adiutorem septuagenarium ē viuis exemit, cum in eo feterent pietatis & laborum studia non secus quàm in florentis ætatis ardoribus. Luteria huc euocatus ab Cardinale Sordisio, concionum gratia, Pater Gonterius, principum virorum frequentissima perpetuò concione auditus est, cui, sollemne illud suum Hæreseos exagrandę obseruanti, accidit, vt Calvinianorum scriptorum imbelli manu peteretur, in quos ille stricto validius stylo luculentas plagas intulit, & intulere alij, eius studiosissimi, eruditique viri, quibus iustam bilem mouerat Hæreticorum petulantia. His errorem suum obliuiscēte tuentibus, de eorū gregalibus omnino quinquaginta oblatam ab nostris lucem dispexere, neque causati sunt quidpiam, quò minùs perspectam in animum admittereēt, Catholicum ritum publicè professi. Monachus, Superiorum grauib. Censuris adactus, Præsidis sui flagitia retexerat, cuius indicij mercedem deinde tulit ab domesticis vexationes acerbissimas, quarum granitate in desperationem actus, Rupellam, in Hæreticorum ca-

stra transfugit, vbi annos decem totos scortator-
rem egit, congruentissimo Caluinianæ militiæ au-
ctoramento. Adolescens Burdigalensis, decurso
apud nos politioris litteraturæ studio, ad compen-
diariæ Philosophiæ aliud quoddam Lyceum com-
migravit, neque multum inde abiit temporis, quin
gregales inter homicidio adfuerit, cuius noxæ cau-
sa cum ignominiosam multam commisisset, eaque
iam irrogaretur, qui altos spiritus gereret, noui-
rate infamiæ factus sui mox impotens, in iudices,
ipsumque Deum, ore spurco & impio, cœpit hor-
renda maledicta vomere. Huius impietatis vindi-
candæ retruditur in custodiam, consilioque iudi-
cum reuocato ad dicendas sententias, impius ado-
lescens infelici arbori addicitur strangulandus.
Perierat miser, nisi funestiore sibi exitu pereun-
dum sensisset: enimuerò ita fracta est contumacijs
animi durtia, denunciata suspendij necessitate, vt
totus in lacrymas & pœnitudinem solueretur, tam-
que piam obiret mortem, vt ea damnatio pluri-
mi redimenda fuisse videretur.

A N N V S alter ex dissipatis Caluini mapalibus
quadragenos homines in vnū ac legitimum Chri-
sti conuentum redegit. Anus octogenaria, filia
victa continuis precibus Sacerdotem nostrum ac-
cessiuit, Catholici dogmatis amplectendi gratia,
nec amplius tres horas ab eo adepto superfuit. Ad
demortuæ cadauer, sacra instructum cruce, mox
aduolauit examen Caluinianorum, cui horrorem
quidem incussit signum Crucifixi mortuæ imposi-
tum, non vetuit tamen, quin, veluti pro suo iu-
re graf

re grassantes, corpus auferrent suo more humatur-
ri. Homines scilicet ingeniosi occupabant, Calui-
nici ritus sepultura, sicut cadauer, ita veritatem
rei gestæ obstruere, vt ne crederetur ad Catholicos
viva transisse, quæ mortua Calvinianum nacta es-
set tumultum. Noster igitur aduersariorum vi de-
iectus sua possessione, adit ad Cardinalem, eum-
demque Burdigalensem Antistitem, eius aucto-
ritate ius suum vindicaturus, qua factam est, vt,
inuitis cedentibus Hæreticis, res sua rediret ad
Catholicos. Patri Matthæo Morello, septuage-
narium supergresso, mors videri non potuit im-
matura obrepisse, seu eius ætatem spectanti, seu
mores probissimos, cui semper comparato nihil
improvisum, seni nihil præproperum accidit. Fra-
tres duo adolescentes maximam sui expectationem,
in virtutis, ac litterarum studio, concitauerant:
sed visum Deo est, non expectatis eorum maturis
fructibus, crudos adhuc flores sibi legere.

AGINNENSE COLLEGIVM.

MVLIERI emorienti in diuturnissimis acerbis-
simisque partus doloribus, cum eam obste-
trices ac medici destituisset, desperatione remedij,
& ea Sacramentis ad extremam luctam se compa-
rasset, prosperitatem partus & valetudinis attulit
Beatus Ignatius, cui per sacrum Votum ipsa pro-
lem seque commendauerat, auctore Sacerdote
nostro, vbi eam defecerant humana præsidia. Hæ-

reticus cum vno de nostris secundo flumine vehēbatur Aginnum versùs, & summa forsitan occasione cauillandi ex Iesuitæ præsentia, in Pontificiam Sedem, adeoque in eius Principem Beatum Petrū, cœpit aliquando atrocissima quæque dicere, neque destitit suo scelere, ab nostro semel iterumque amanter admonitus, contra, inde factus procacior, adiecit etiam acerbiora. Non terruere sacrilegum intentatæ verborum minæ, offensi Numinis ultionem denunciante, sed coërcuit ipsamet ultio, de repente inflicta, quam dissimulauit aliquandiu miser, vt occultam, sed eum vis mali, vt se proderet, adegit. Acutissima pleuritide affectum pessimè latus tam grauitè ei condoluit, vt urgente Dei vindice manu, impotens sui, ad nostri Sacerdotis opē, quē modò exhorruerat, supplex confugeret, inque ipsius sinum perlibèter deuolurus suā salutem in eius beneuolētia collocaret. Hūc terrorem alius consecutus est casus, vnde colligeretur, funestiore plaga iram Dei fuissè grassaturam aduersùs impiam linguæ procacitatem, nisi ea priore supplicio compesceretur. Enimuerò commodum vectores omnes exscenderant, cū in oculis ipsorum, cælo aquisque placidissimis, quo vecti erant nauigium, pondere nullo degrauatum, sua sponte subsidit, nec postea emerxit. Condomij, quæ vrbs est Nouempopuloniæ, vir quidam, cæteroqui honestissimus, pridem cœperat de nobis sentire ac loqui quàm inuidiosissimè, omnemque in nos malè dicendi occasionem occupare: sed in nostrum Parentem odio erat singulari, cuius res

ius res gestas carpendi studio curiosè ac malignè lectitabat, quòdque còmentitium arbitraretur totum illud argumentum , famam hominis ignominiosissimè traduceret ad populum , & perpetua probrorum acerbitate laceraret. Huic nocte quadam suo in strato decumbenti , per somnum an vigiliã incertum est , multa coruscans luce Beatus Ignatius noster est oblatas, quẽ Angelorũ circumstans chorus religiosa veneratione acciperet; quod visum postquã tenuerat paullò ampliùs horẽ quadratè, Beatus Ignatius suauiter coniectis in iacentẽ oculis, mox euauit. Sed blandissimus ille oculorũ coniectus tanta vi penetravit infensi ante hominis pectus intimum, vt cum impetu exsiliret è lectulo , perque ipsas tenebras arrepta è propinquo Beati Patris factorũ historia , vt inde venerationis exordia sumeret , appressò ad pectus codice, prouoluitur in genua , & ardentissimam Beato precationem adhibet , illi se impenso studio committendat deuouetque, nominatim verò postulat, vti sibi à Deo impetret propensiores ad pietatis studia voluntatem. Patronum in ea causa nactus officiosissimum , accepit longè plura , quàm poposcerat, & cumulatiora singula , quàm esset ausus expetere: nam ab illo ipso momento erga genus omne religiosarum actionum cœpit mirabiliter affici, crescitque illius ardor in diẽs magis magisque, quo nomine sit in omnium popularium ore ac sermone , maximaque celebritate famæ. Indidem quoque illi est importata rei familiaris tanta felicitas, vt subita quotidianaque fortunarum incrementa

ipse demiraretur, vnde largitionibus magnis in templa & egentes exercendis, cum eundem in fontem cumulatè refunderet, ex quo beneficia in ipsum manauerant, aperiebat sibi beneficiorum longè copiosiores alueos, vt numquam finit Deus superari se cuiusquam liberalitate. Ex eo porro die, quo in gratiam rediit cum Parente nostro, Societatem sic animo est amplexus, sic deinde coluit, vt in oculis eam ferre dici possit: cuius tamen euenti annus iam tertius agitur, sed de quo nobis nunciatum est, anno dumtaxat huius sæculi decimo tertio, quo hæc scribimus. Altero anno ab Hæreticorum partibus octo descuerunt.

*PETROCORIENSE, AC LEMOVI-
cense Collegia.*

PETROCORÆ Calviniana ex Hydra sex decimus capita, & radicitus quidem, vt non eadem pullulatura denuo esse videantur, quorum in censionem venire minimè pudit claro genere ortum virum, cum septuagesimum annum excederet, vt fateretur se tot annis ignorasse, quod cum noster docuerat, quam confessionem à plerisque Calvinianorum perarduum sit exprimere. Beati Patris Nostri effigie insignis creta bulla, Gymnasij nostri alumno puero adnota, periculofam febrem depulit, eiusque euentus felicitas præsentibus aliquot matronis earum bullarum vim commendauit maximopere, quarum eis fides suo bono fa

no facta est luculentior , cū eis deinde adhibitis puerperiorum omnem aleam defugerant.

LEM OVIC I, alioque finitimo in loco , novem Hæreseon vñculis exsoluendos se tradiderūt. Infelicitate partus compluribus iam annis laborantes aliquot matronæ , votis Beato Ignatio factis , eam ab se calamitatem in posterum amoverunt. Duabus ex scholis nostris eximix notæ adolescentes duodequingenta in vnum Recollectorum Ordinem non toto biennio commigrarunt. Rupefocaldij, diœcesis Inculismensis oppido , sacri Aduentus Ieiuniique Maioris diebus, celebres conciones habuimus, & Hæreticis auditoribus frequentes , quorum cupiditati vt fieret satis, medio sæpissimè foro de rebus Fidei controverfis verba fecimus , quòd eò ipsis erat aditus liberior opportuniorque. Aperuere nonnulli oculos pectusque illucescenti veritati , eamque admiscere penitus : plerisque illius dogmatis est iniecta grauis religio , cuius tandem didicerant , aut nulla esse prorsus , aut solo mendacio nixa fundamenta: quæ si pergamus concutere , haud dubium quin, eis prostratis , ad eorum ruinas deinceps nolint adhærescere.

*PICTAVIENSE, AC SANTONENSE
Collegia.*

VNA Pictonum gens, de Franciæ Prouinciis, Calvinismum antè complexa est, admiratione

ne studioque nouitatis , quàm vllus ferme Francorum deprehenderet , quis esset Calvinus, quodque ipsius institutum , quam pestem tota ea regione aluerunt complurium annorum bella ciuilia , impensè adnitentibus Euangelij noui sectatoribus , vt ne flagitio parata possessione pellerentur. Ex quo autem Pietauium , in principem Proinciæ urbem , Sociorum ducta est Colonia , & strenuè impugnari cœpta est Hæresis , & concitari animus Catholicorum ad auitæ Religionis reuocandum tuendumque decus, cum in vrbe primaria, tum totis circa oppidis , rediêre probis vires ad instaurandam pietatem , improborum validdè repressa est audacia , spes Hæreticorum minutæ sunt non mediocriter .Facit porro nobis maiores animos , ad persequendum opus institutum , Pietauiensis populi singularis alacritas, incensumque studium, Catholici ritus in antiquum splendorem reducendi : qua in palæstra hoc libentiùs nos sequitur & hortatores & duces , quòd manifestò deprehendit , se in hunc diem non mediocriter profecisse nobis auctoribus. Rediere ad Ecclesiæ Statua ex volaticis & erronibus Caluini manipulis nobiles viri aliquot , & ex iis quibusdam ea transitio profuit ad salutis æternæ com meatū, cum, sub ipsam Hæreseos detestationem , vita defungerentur. Iulio mense cùm in Pictonibus essent Rex, Regina mater , Regisque soror , Hispaniensi desponsa Principi , visère ad nos summa significatione beneuolentiæ , quorum honorificentissimum aduentum, quanta maxima curari potuit , pompa celebra

celebrauimus. In multiplici splendidoque apparatu, cum placerent omnia, toti Aulæ iucundissimum fuit theatrale spectaculum, in quo Pictonica Nobilitatis se maximè probauit industria. Pastoritia munera in theatro sibi oblata Rex partitus est inter Rhetoricæ alumnos, in Scena primarum partium actores, quos postridie accitos ad se, perhumaniter est percontatus de singulorum gradu & honoribus in schola, iterumque hesternæ Scenæ munus priuatim apud se obire voluit.

K A L E N D I S. Ianuariis anni insequentis Sacrorum primitias Deo dicauius in recenti ade, quo die aperuimus aditum inusitatæ ciuiū & peregrinorum frequentiæ, loci amplitudine, ac venustate sacri apparatus, ad obeunda religionis munia inuitante. Gratulantur sibi priuatis publicisque sermonibus ciues nostram octo annorum fructuosissimam operam, in Fidei morumque suscitanda, promouenda integritate: cuius vtriusque longè illustriores processus sibi pollicentur, nobis in eodem stadio alacriter persistentibus.

S A N T O N E N S E S Socij præter habitas toto ferè anno conciones, duobus locis celeberrimis, magno audientium concursu plausuque quadragenaria Liberalium supplicatione vniuersam ciuitatem ad se aduocarunt, nominatim verò Cleri Curias, & Familias Cœnobitarum, cum sui quæque corporis ordinata precantium acie prodeuntes. De Caluini obstinatissima secta quaterni modò contumaciam sibi deteri euellique passi sunt, sed primæ notæ homines, qui eo in genere com-
plurium

plurium instar habendi sint, tantum momenti habet eorum auctoritas, ad alios eodem incitandos. Patri Iacobo Bördæo, vndequadragenario, Professo Votorum quattuor, Santonenſis Familiæ omnium primo Rectori, extremus dies vitæ obtrixit anno priore, cum vnum & viginti annos fuiſſet in Societate, vbi cum cætera omnia munera, tum concionatorium multa cum celebritate, audientiumque fruge ſuſtinuerat. Indoluere ciues vniuerſi nunciata ipſius periculosa ægrotatione, ac pro ſe quiſque incubuere in conquirenda difficili morbo remedia: & à plerisque incenſo ſtudio decurſum eſt, ad vota Deo nuncupanda pro eius ſalute: cuius deinde interitum luxerunt, vt hominis, quæ ciuitati ſuæ ornameto emolumentoque ſummo eſſe intelligerent, ab multa experientia eius virtutis, & haud dubia opinione ſanctitatis. Ei ſepeliendo non erat locus apud nos idoneus, quare principis ædis ſacrum Collegium eius ſepulturam ſtudioſè ambiuit, vbi ei funus honorificentiffimè procuratum eſt ab omnibus ciuitatis Ordinibus, indiſto per exſequiarum diem iuſtitio: inſequentibus porro diebus parentauere ipſi quoque vrbanæ ſuburbanæque complures ædes ſacræ, ac ſplendido quidem apparatu. Hæreticis aliquot perſuaſimus veritatem, atque auctores fuimus, vt agnitam amplecterentur.

*BENEARNENSIS, CANTABRICA,
& alia Missiones.*

IN Benearnensium finibus Concionatores nostri duo versati sunt, alius Eloroni, Lascurre alius, scilicet ante Nascentis & Resurgentis Christi sollemnia, nunc menstrua, nunc bimestri opera erudiendo populo negotiosissimi, ut ternæ in dies frequenter essent conciones. Simul exorta est Hæresis in Francia, simul Benearnensis ager totus hoc Tartareo lolio est confusus Nauarræ Reginæ imperio, manu que, ut cui gloriosum visum est, per immanes illius temporis nebulas, si Caluiniani dogmatis patronam, adeoque magistram ageret. Ab illa Fidei clade in hac vniuersa Prouincia, infrequentissimos religionum sincere interpretes & doctores habuit vniuersus ille tractus, qui palam eloqui auderent: unde conici potest, quantum resideret ignorantia in iis Catholicorum reliquiis, quas sibi Deus in sæuo illo Hæresis principatu reseruarat; quam rerum Fidei altam inscitiam ut nostri detergerent, assiduo intentoque studio elaborandum fuit. Ut Calvinismus recta est ad Atheismum via, ita necesse est in eo valere abundareque omnium flagitiorum colluuiem, qua gradatim scandatur ad impietatis sublime fastigium. Et reuera deprehensum, ubicumque fixa sint Caluini vexilla, horrendis superstitionibus beneficiisque plebem esse addictissimam. In Boiatum, seu Baïonensium finibus, Diuini cultus

rus regnum quoddam Orcus sibi constituerat, inter barbari cuiusdam moris homines, quibus se foedissima Capri figura adorandum praebebat, cuius sacrilegis caerimoniis abolendis haud leuiter tamen desudauimus. Ex vltima Cantabria venere ad nos Catholici postulatam auxilia contra Tartareas laruas, quarum manibus eicerentur suis cunis infantes, singulis ferme noctibus, & asportarentur ad tempus, quo genere intemperiarum infestissima est tota illa regio: aduersum quas nostrorum admonitu, adhibiti Ecclesiae ritu Exorcismi omnem deliniceps Lemurum molestiam depulerunt. Eius orae Ministellus datis litteris Burgigala ipsorum Archinnagirus vetuerat congregi cum Iesuitis, non se tamen cohibere potuit vius de tribulibus, suo iudicio & aliorum opinione, non imperitus, quin velutatis prolusionis quiddam cum Sacerdote nostro institueret, prolati in medium centonibus aliquot de Rabbinica commentatione, quibus ut ex tempore satisfactum vidit, & plura his, Hebraico de fonte, atque abstrusiora sibi a nostro ingesta, mox cecinit receptui, nec postea comparuit. Hanc suam temeritatem, in Fratresculorum sanctiore conciliabulo acerbè primum increpitus, fuit deinde irrogata multa trimestris abdicationis a suo munere. Cum Eloroni, nostris diligenter satagentibus, ducenti cuiusum Christi Natalibus Sacrae Mensae accubissent, instar prodigij tota vrbe habitum est, id usurpari a tam multis: quod nemo meminisset eo tempore a quoquam factitatum: neque minor
admi

admiratio subiit animos , quòd quinto & quadra-
gesimo pòst anno intermissum sollemne psalmo-
rum canticum videbant renocari , præmittique
Noctis Sanctissimæ mysteriis. Dispexère lucem
veritatis Hæreticorum plerique , amplexi sunt
pauci , cæterum, vt perspectam non profiterentur,
aliæ rationes alios tenuère : hæc vna plurimos,
quòd, potentiorum factione, nondum in ea Pro-
uincia est facta optio vtriusvis dogmatis, sicut in
reliqua Gallia : qui tamen Catholicè sentiunt, au-
dent iam de constituenda ibi Societatis colonia
mentionem interponere. Albæ Terræ nostris Cal-
uinianam falsitatem dedocentibus, vndecim, Ru-
pifocaldia tres, Romanæ Fidei veritatem in ani-
mos admisere.

AL T E R O anno Eloroni certam Sèdem nacti
sunt tres nostri Sacerdotes, & Fratrum Discipu-
lorum vnus, qui tamen numerus semestrè modò
tenuit, duobus postea exclusis ammonæ caritate.
Inibi stamus egregiè, benenotissimo freti præsi-
dio D. Arnaldi de Maytia, Eloronenfis Episcopi,
quo auctore ac duce Instituti nostri munia exer-
cemus publicè, refragante licet Palensi tota Cal-
uiniana Curia, cuius seueris Interdictis veriti era-
mus aures præbere Confitentibus, sed auctorita-
tem suam contrà interponente Antistite, nec in
illum, nec in nos quidquam ausi sunt eo nomine
decernere. Ossaltensem vallem lustraturus Episco-
pus nostrum Sacerdotem sibi adiunxit sociû, eius-
que assidua opera vsus est, & quidem binis ferè
quotidie habendis concionibus. Indicto publicè
tridui

tridui ieiunio , vti Deus vniuersæ Galliæ conuentus prosperaret , sollemnis postmodum eo quoque nomine instituta est supplicatio , quam, præter religiosissimâ Diuinæ Hostiæ circumuectione, celeberrimam fecere agmina Scholasticæ iuuentutis , omnisque Catholicæ pueritiæ , atque Collegia & Sodalitates opificum , vt suum ipsi numerum Catholici demirarentur, Hæreticique obstupescerent. Vix dici potest quantum alacritatis adiciant Romani dogmatis populo restituta longo interuallo hæc argumenta religionis antiquæ, quibus instaurandis, iterum sibi videntur Ecclesiæ nasci, vt tantò fidentiùs ad spem veteris vindicandæ libertatis adspirent. Ea lustratione vallis vnus , præter puerorum magnos greges, plus centenis viris, ex iisque primariis aliquot , ac septuagenario Dynastæ, impertitum est Confirmationis Sacramentum. Illustris feminae filio duodecim annorum, propemodum expiranti, nostri Sacerdotis suasu adhibitus cum cautione Baptismus , cum mater ambigeret, cōnectinctus esset, repentinam attulit sanitatem. Puerum, iam triduo, aspectu , sermone , motu defectum, simul atque commendatus est Beatæ Virgini Saranzienti, ea regione miraculis inclytæ, atque nostri hortatu nonnihil lustricæ aquæ ori eius instillatum est, repente oculos aperuit , & fari cœpit incolumis. Vocatus Sacerdos noster ab vicini oppidi Parochis ad maleficorum pertinaciam antè debellandam, quàm legibus irrogatam necem obirent, eorum non paucos ab vltima pueritia noxis omnibus expiauit.

piavit. Ibi frequentissime fuerunt, vt aliis pluribus locis, parentum apud nos querimoniarum, veneficorum violentia, cui non possent obistere, rapi sibi de sinu per noctem suos pueros, & in Magicum Bacchanal auferri Orco initiandos: cui malo cum alias remedium Exorcismos indixissent nostri Patres, & salutare illud esset permultis, non tamen omnibus, huius rei causam à capite arcescentes, diligentius inuestigando tandem edocti sunt. Eniuverò comperiebant indigenarum sermonibus, fuisse de Clero, ac etiamnum esse, homines sacrilegos, impietati Magicæ, ac ipsi Erebo addictos, qui ex nefandæ coniurationis disciplina infantium Baptismum auidè aucuparentur, eoque impertiendo formulam conciperent, non Dei, sed Beelzebub appellatione interposita, vt iam cum illam à tatulam Tartaro, quoad possent, inaurarent. Inde fiebat, vt Sacramenti præsidio destituta plerisque locis pueritia, veneficiorum sacrilitatæ tam obnoxia pateret, nec eam illorum vexatione eximerent Exorcismorum subsidia, in animos collata Diuina gratia vacuos. Vnum de pueris, quos ad nocturna Orgia impuræ Mænades confuescent rapere, Sacerdos noster sibi sumsit percontandum de nefariorum sacrorum impio ritu, ex quo audiebat, pueris eò per vim illatis cereos Agnos, reliquaque amuleta prius à sagis detrahi, quam cœtum ineant, Cacodæmonis imperio, eademque iis egressis restitui: cuius conciliabuli præsidem Dæmonem, gentis vernaculo idiomate, *Iannam Gorriam* soleant appellare, hoc est, Ru-

brum Dominum , quodd ea coloris specie nocturnis sacris colendum se clientibus præbeat. Non impunè tulit puer indicij facti noxiam , insequentis noctis conuentu Præsidis decreto acceptus verberibus , quorum impressa scapulis vestigia eidem Sacerdoti , qui se interrogauerat , postridie ostendit. Porro aduersus nocturnos puerorum raptus, iussit noster eos clam Baptismate muniri , adiecta conditione ipsius nondum fortassè adhibiti , vti diximus , eoque velut interiecto vallo , exclusæ sunt veneficæ puerorum cubilibus , sacrilegisque conatibus prohibita. Ecclesiasticum prædium , inædificatamque ipsi ædem vsurpauerat Hæreticus , cuius ædis parietes cùm in profanos vsus conuerteret , sectores adhibuit quadrato lapidi suis rationibus conformando , quorum vni , frustra eluctanti iampridem in dolando saxo , è propinqui altaris ruinis vulpecula improuisò erumpens tantum terroris incussit , vt , siluestribus feris alioqui assuetus homo , ex ea trepidatione , decubuerit periculosissimè. Sementis Euangelicæ faciendæ gratia in Aspensensem vallem descendit noster Sacerdos , leucas ab Elorono quattuor , vbi ex vetustissimis membranjs hausit planè memorabilem historiam rei anno trecentesimo duodequingagesimo supra millesimum gestæ , quæ vehementer faciat ad cūincendam & illustrandam Romanæ Ecclesiæ aduersum Hæreticos huius ætatis diuinitus concessam iurisdictionem , efficacitate insignem. Diuturnum de finibus pascuorum intercesserat certamen inter Aspenses & Lauedanenses , finitimorum oppido

oppidorum incolas , in quo isti viribus impares, cum cedere cogerentur, fraude ac maleficio se instruunt aduersum Aspenfes , pecuniis scilicet redempto Beati Sauini Cœnobiarcha , magicis artibus homine infami formidolosissimoque , cuius præsentia freti prodeunt contrà aduersarios in prælium. Vbi venêre in conspectum utræque acies armatæ, dirum illud Tartari mancipium, cum Stygiis membranis sambucû arborē cōscendit, indeque tetri maleficij carmen ex codice in aduersos Aspenfes immurmurat, qui ferali fascino derepentè sunt ita dementati , vt in risum soluerentur, moxque sua sponte in Lauedanensium manus inermi concederent. Abbas ille Sauinianus , sceleratæ fraudis architectus, ante concipiendum exitiale fascinum, ab Lauedanensibus Aspenfium vitam salutemque stipulatione ac sacramento sibi diligenter pactus erat , & stipulanti iureiurando sponponderant Lauedanenses, sed captiuos domû abductos coniugibus suis dedunt trucidandos, quarum immanitate omnes sunt iugulati , ratis interim ipsarum maritis , se religiosè fide sua exsolutos , quòd manus ipsi ab funesta cæde temperassent. Ecclesiastico autem Interdicto , & Anathemate irrogato in omnes impiæ fraudis, & barbaræ crudelitatis conscios, raras habuit Numen inflictas meritissimò in scelestissima capita Ecclesiæ censuras, & pœnarum insuper durissimum collarium nefariis adiecit , cum ad Pontificij iudicij auctoritatem vehementiùs apud mortales sancendam , tum ad perfidam hominum illorum

barbariam iusto supplicio vindicandam. Nam ab inflicta percussoribus Pontificiæ sanctionis plaga, vniuersis Lauedanensium finibus, nulla mulier deinceps vterum tulit, cæterarum animantium nullius generis femina vel peperit, vel concepit, nihil omnium stirpe vel fibra nitentium aut folio tenuissimo, aut gemma etiam fruticauit, quoad septenni iam elapsa naturæ, cælesti imperio suppressæ, orbitate, cum æterna sterilitas illi solo inusta videretur, vt ex se nihil penitus effunderet, Romanam ad Pontificium tribunal damnatæ atrocitatis rei supplices adiuerunt. Acerbitatem quidem Censurarum supplicibus, cælestique plaga seuerè multatis, condonauit Pontifex Romanus, pecuniariæ tamen pœnæ perpetuitate Lauadanensibus admissi flagitij tristem memoriam, sensumque ignominiosum irrogauit, Aspensium siquidem interneccione delectorum posteris eos iussit æternum esse tributarios, quo tributi nomine viginti ac tres pagi etiamnum Aspensibus vectigales sunt, & annuam multam hodieque dependunt. Harum omnium rerum, illo ipso quo gerebantur tempore, perscripta publicè auctoritas in Aspensium tabulario diligenter asseruatur, vnde sibi exscriptum exsignatumque exemplum, oppidano magistratu auctore, noster Sacerdos curauit, quo in stabilienda Romani Episcopi iurisdictione, ac censurarum efficacia, vteretur aduersus Hæreticos. Nostra porro ætate bis venit in disceptationem earum tabularum fides, apud Palensem Curiam Hæreticam, rei gestæ admirabilitate stupentibus disceptatori

toribus , cuius integritas scripti quia & antiquitatis iure, & vniuersæ gentis testimonio egregiè se tuebatur , non sunt ausi Calviniani iudices ei derogare , tamen suo dogmati conuellendo firmissima inde argumenta petebantur. Visum itaque est, perplexis super ea controuersia totius Senatus iudiciis , sacrosancto Ministrorum accersito Collegio , fatidicorum Patrum consulere Pythicam facultatem, & omnis oraculi consultissimam potentissimamque intelligentiam percontati, censuræ Pontificiis execrationibus in Lauedanenses tantum suppliciorum importari potuisse , quanta illæ commemorarent tabulæ. Ea quæstione posita, velut immisso dissidiorum fatali pomò, totum Synedrion mox abiit in maximè dissensu iudicia: seu quod verius est , & hominum ingeniis congruentius , multum ibi rixarum fuit, nugarum plurimum , nihil disceptationis legitimæ , solidæ sententiæ nihil. Vnus tandem aliquis , maiorum gentium Pater, ac illius Delphici consilij fortasse princeps, vbi promissam barbam Socraticè demulserat , ita est effatus : Illum Pontificem, cuius sententiam in Lauedanenses tam acerba de cælo supplicia fuerint consecuta , quàm sint huius sæculi Pontifices , longè sanctiorem videri : atque hæc summa fuit responsorum ad illam consultationem. Porro non Aspenfis modò vallis , sed omni circà regione, auidè nostri expetuntur, vel ad perpetuas, vel ad Quadragesimæ Aduentusque conciones: quò minùs autem valeat eis fieri satis , prohibet Palense Calvinianum totum Tribunal , cuius de-

creto nostrorum numerus vno duntaxat quaternario definitus est apud Benearnes vniuersos, cum tamen plus sexaginta Ministri Calviniani ritus ibidem censeantur. Sed ea est conditio Catholici nominis in hac Prouincia, cuius vix quintam populi partem efficiunt Hæretici, sunt tamen eo iure, vt rerum potiantur, & ea quidem iniquitate, vt exclusis vbique Romani dogmatis hominibus, Caluini sectatores continuent sibi perpetuos magistratus, vel iis in oppidis ac pagis, vbi duo trefve degant modò Caluini affectæ in reliqua Catholicorum ciuium multitudine. Hac dominatus inescati dulcedine, quibus alioqui sua secta erroris est suspecta, nostrumque dogma probatur, volentes hæsitant in luto, ne, Romano ritu assumpto, ex sua felicitate transeant in communem Catholicorum miseriam. Frequentes tamen sunt ex illorum castris in nostra Religionis studio com meatus, sed quorum nequeat à nobis numerus censerì, quòd omnibus ibi Sacerdotibus facultas est Hæreticos admittendi ad iura Ecclesiæ. Casci- gothi apud Benearnes sunt veterum Gothorum reliquiæ, regione, moribus, omni penitus commercio discreti ab indigenarum corpore, quibus nefas videatur cum ea gente connubij ius communicare. Sub eorum olim principatu Benearnes durissimam seruiere seruitutem, quorum excutiendo iugo, quòd diuturnam fortemque operam publico nauarit Nobilitas, præmium olim, de Cleri & Monachorum sacro patrimonio, tulit vniuersa ferè; ac valdè opima prædia, iure primitia-
rum

rum dumtaxat Parochis ad tolerandam vitam relicto : neque illius possessionis nomine defugiunt hodie viri nobiles Abbatum appellationem. Quòd autem acerbæ illius dominationis Gothicæ memoria, petita ex vetustis monumētis, hæret adhuc in Benearnum animis, innato ipsis studio quodam asserendæ libertatis prouecti etiam longiùs, quàm par sit, qui ex eis nacti sunt publicæ rei gubernacula, obtento metu sui iuris amittendi, grassantur in alienum iusto impotentius acerbiusque. Nobis interea in magna difficultate fungendi sollemnis nostri muneris, magno solatio esse consuevit Eloronensis Episcopi ac Cleri propensissima erga nos voluntas. Ipse quidem Antistes huiusmodi suæ beneuolentiæ ampliùs testificandæ, Beati nostri Parentis sacro Natali, nostro in sacello perpetrata re Diuina, impertitoque Confirmationis caractere, cum primoribus ciuium prandere apud nos priuatim & familiariter voluit.

Cantabriæ partem alteram, obuersam Septemtrionibus, Francicæ utique ditionis, ab Hispaniensi Cantabria intercurrentibus disclusam Pyrenæis, anno huius sæculi decimo quarto lustrauimus, iteratis interdum vicenùm leucarum excursionibus. Et insito genti vitio, & rectæ institutionis diuturna penuria, horrendorum veneficiorum infamia laborat vniuersa hæc regio, etiam ad prodigiū: cuius flagitij compertos damnatosque hominum numerosos ex ea Prouincia greges, Burgalæ sæpenumerò flammis exustos meminimus. Sed lentius videbatur negotium, quàm pro illius

pestis latissimè patētis finibus & atrocitate, si Burdigalæ procul exercerentur huius maleficij quæstiones, eò pertractis execrandorum scelerum tam frequentibus reis; eam ob rem consilium cap-
tum est, adeò perniciosæ fraudis indagandæ in ip-
sis eius cubilibus, & inibi opprimendæ. Hoc fuerat
nuper Henrici Quarti consilium, citius missu eò
profecti ex Burdigalensi Curia Præses vnus cum
assessorè Senatore, quattuor aut quinque men-
sium perpetuis in facinorosa illius gentis capita
quæstionibus, immanem reorum stragem edide-
runt, quibus penitus exterminandis cum nullæ
cruces, nulla busta satis esse possent, molestissima
aliquamdiu defuncti prouincia Burdigalam regre-
si sunt. Experientia scilicet didicere prudentes vi-
ri, tam latè fusum, diuturnoque tempore corro-
boratum magnopere incendium, non extinguere iu-
diciorum seueritate, sed occultari dumtaxat eius
flammas ad tempus, intereaquæ ex ipsis latebris
inualescere, ac grassari deinde violentius: eapro-
pter eorum admonitu Regina Mater aliam viam
tantæ cladis persanandæ instituendam sibi censuit,
perque Patrem Cotonum iussit suo nomine mo-
neri nostrum Aquitanicæ Prouinciæ Præsidentem, vt eò
Concionatores allegarentur, se verò sumtus in
eas expeditiones præbituram. Ea re nunciata exar-
sit continuè plurimorum ardor in eiusmodi pro-
curationis labores ambiendos, sed omnibus mo-
ram illius profectionis iniecit Cantabricæ linguæ
inscientia, donec Patrum vnus Cantaber tandem
reperitus est in Tolosana Prouincia, vnde Burdi-
galam

galam euocatus , ad gentiles suos iuuandos missus est alteri Patri socius. Itaque, à Boñatum Episcopo impetrata legatione, Cantabriæ fines mox ingressi sunt , egregie animati ad superandas operis difficultates , quod arduum fore præfagierant : non tamen orta est laborum materia , vnde ipsi principio exspectauerant : nam si se doctum, iuuatumque iri, sperarent indigenæ , vltro sua vulnera patefacturi accurrerent, vt postea exitus negotij docuit. Verùm nostris aduentantibus incescit omnium animos grauis consternatio , quasi Capitalibus Duumviris ad se iterum aduentibus , veneficiorum quæstiones , & damnatorum integrarentur incendia : vt non mediocriter Patribus fuerit laborandum in eiusmodi refellenda vulgi opinione; quæ postquam rationibus, experientiaque vtilis operæ in aliquos collatæ, penitus discussa est, tùm tota se regio in eorum sinum effudit studiosissimè, animique sui morbis curandis medicos vltro adhibuit. In ipso Prouinciæ aditu substiterunt Patres habendis cõcionibus ad oppidanos Sancti Ioannis de Luz , & Moralis Theologiæ prælectionibus ad ipsos Sacerdotes , vbi aperte inuecti sunt de loco superiore aduersus omne genus commercij cum Cacodæmone, quod argumentum attingere antea Concionatores omnino verebãtur: nostros tamen illius exagitari nequaquam pœnituit. Inde progressis longiùs ad interiora Cantabrię occurrebant passim hominum greges , qui nec interrogati, nec aliunde proditi , se vltro veneficii addictos patefacerent , de se deque suis consortibus dictu au-

dituque tetra profiterentur. De Sacerdotibus autē execrandam illam factionem professis infanda narrabantur, vt illi nimirum, ore sacrilego, panegyricos honoris gratia dicerent ipsorum præfidi Cacodæmoni, cui multæ venerationis inter concionandum titulos affingerent, atque vt tantò ampliùs gratificarentur, Diuinæ contrà maiestati, flagitiosè ludificando, acerbìus derogarent, in terrima illa omnis impuritatis ganea, sacrosanctū Missæ sacrificium eumentirentur, ac loco cælestis Hostiæ, nescio quid picei & atri orbiculi adorandum obtruderent. Adultis porrò ad grauiora perpetranda flagitia destinatis, pueritiæ, recens Tartarò initiatæ, id muneris demandari ferebatur, velut sceleris tirocinium in eo posituræ, vt bufonum curent greges, ad rei veneficæ noxios vsus studiosè comparatos, vnde in ipso interdum conuentu in lebetibus ad ignem venena conflantur, ad pestem deinde inferendam satis, pecori, atque hominibus. Numerosæ puerorum cateruæ ab sexto ad decimum septimum ætatis annum ad nos confluebant, qui se tenellos, & doli nescios, quaererentur abreptos à sagis in nocturna magorum Orgia, plagisque adaectos ad Stygiorum sacrorum professionem, vnde nulla se arte aut vi deinceps potuerint eximere, in ea verò impietatis officina, tam acerbam seruitutem seruire, vt fando non posset explicari: magnopere itaque rogare, vt eius declinandæ subsidia sibi præberentur. Exprompta cum essent idonea in singulos sanandos remedia, prouiderat compluribus ad integram sanitatem

ritatem vna curatio, aliis eadem erat iteranda diligentiùs, ipsique sedulò admonendi, vt animum intenderent studiosè ad id, quod agebatur, qua cautione tandem fiebat, vt planè absoluerentur potestate Cacodæmonum. Atque siquando perbene curati sanatique fraude aut vi nefariis cœtibz implicarentur, ipsi sua sponte redibant ad Patrēs, nunciabantque quid sibi accidisset, quibus Pœnitentia lustratis, cæteroque instructis præsidio, deinceps omnia tranquilla à veneficorum vexatione fiebant. Præter puerilem ætatem, de uexæ senectutis non pauci, qui etiam quadragenariam aut quinquagenariã operã Orco scelestissimè nauassent, se nobis planè reficiendos renouandosque obtulere, atque in eorum numerum venit Magus, qui, cum multorum certa pernicie, inibi Magica vulgò profitebatur, cuius id documentum fuit abiudicatæ ab se artis, quod suos commentarios nobis vstulandos tradidit. Postea verò quàm plerique nostris bene vsi remediis incurstatione Dæmonum, & sagarum maleficiis se immunes multis iam diebus senserant, & certa utilitate passim vulgabatur curationis efficacia, haud exspectato, qui nunciaretur, nostro ad se aduentu, quinis & senis procul leucis ad nos aduolabant Cantabri, & quidem concursu tantò, vt templo & cibo prohiberemur totos sæpe dies, ac nonagenos vno interdum die procuraremus, eo sanè, fauentibus Superis, euentu, vt, minùs senis mensibus, sexcentos indigenas, Tartareis sacris exauguratos, cum Christo & Ecclesiâ in gratiam poneremus. Vnum nobis

nobis dolebat maximè quòd duo cum essemus duntaxat , vndequaque accersentibus nostram operam oppidanis paganisque , per primarios ciues , & ipsorum oppidorum Consules , plerisque non poteramus obsequi , etiam cùm cuperemus maximè. Certè adierunt ad nos permulti etiam ex Hispaniensi Cantabria trans Pyrenen , adeoque ab inferiore Nauarra superioreque , inde vsque ab ipsa Pompeiopoli , qui se postularent absolui necessitate facitandi veneficij , quam tyrannica vis Erebi sibi vel maximè repugnantibus imponeret. Patres porrò temporis ac loci opportunitate vsi perlibenter , Beati parentis Nostri Natalem in ipso Loiolæo sacello agitarunt , quàm fieri potuit , celeberrimum , duobus totis diebus , vnde digressi habuerunt obuios ex incolis , qui ad ipsos Loiolam contenderent , diri maleficij ab se auerruncandi gratia , quorum studio vt fieret satis , ex equis exscendendum fuit , vt in ipso vestigio adhiberetur curatio. Inde per inferiorem Nauarram instituto regressu , fanaticorum ea regione , canino more latrantium , magnus est oblatus numerus , quibus ad valetudinem acciderunt salubria in eos collata per nostros amuleta. Inter cæteram verò turbam , vnde viginti annorum puella , nuper inaugurata nefandis Orci Bacchanalibus , eorum Decuriæ est exenta , quæ indicaret omnibus Stygiam sodalitatem ineuntibus , per ipsa initiorum sollemnia , medicati liquoris quidpiam sinistri oculi albo ita infundi , vt inde pes bufonis figuretur , quæ sit germana tessera , & velut syngrapha capi-

tis Tartaro sacrati. Eam verò maculam ipsa in se de speculo vt sæpe obseruasset, ita tùm in puella nondum sanata nobis coram ostendebat : illud in-
super vsu aiebat se deprehendisse, oculo inustam labem in eis omnibus sensim obliterari, quos Patres persanassent, in cæteris iugiter perseuera-
re. Porro iter agentibus, toto eo tractu Nauarræ, pagorum oppidorumque seu Parochi seu viri principes studiosè occurfabāt, qui facturos nos suis medicinam supplices ad se inuitarent. Sanctus Pel-
laius, seu Palladius, Nauarræ nostræ primariū est op- pidū, vbi Supremus confidet eius ditionis Senatus Hæreticus, Catholici quoque habitant nō pauci, ad quos habitę sunt nōnullę cōciones, & catechismus explicatus, responsum de multis grauibque re-
bus, ad Fidem vel mores spectantibus, & cum illius iurisdictionis Procancellario Caluiniano, erudito alioquin viro, de controuersis Fidei capi-
tibus disputatum est : permultis autem venefica labe inquinatis adinota est medicina mentibus eorum salutaris. Serio tandem actum est cum to-
to Senatu, vt quocumque scelerato fœdere con-
sortium cum Dæmone olim contraxissent, si vl- tro se ad curationem animi proderent, ab eis om-
nibus seueritatem iudiciorum abstinerent : hac scilicet ratione longè plures, & multò efficacius salubriusque auocatum iri à flagitio, quàm acer-
bitate pœnarum irroganda: quam nostrorū senten-
tiam visus est Senatus comprobasse, ratamque ha-
biturus postea. Inde rectà Burdigalam, quò aduo-
cabantur, properantibus prodibant vndique ob-
uiam

uiam paganorum vicanorumque cum suis Parochis & Magistratibus copiosi greges, salutem suis tribulibus collatam gratulantes, reliquis idem postulantes beneficium, quibus grauissimum accidebat, quoddam Patres spem redditus faciebant nonnullam, præcisè verò denunciabant sibi, tametsi cupientibus, longioris procurationis otium non suppetere.

BURDIGALENSE TIROCINIVM.

AD O L E S C E N S Pictaviensis civis, copiosæ viduæ filius, toto biennio nostris Præsidibus supplex, aditum sibi ad Instituti nostri communionem patefecerat, matre tum agente Lutetiæ, cuius rei ea admonita, queritur apud Supremam Curiam raptum sibi à Iesuitis filium, sed id modò responsi aufert, ut suæ prolis vindicias ab Pictaviensi repetat Magistratu, cuius decretum mox intercessit, uti liberali causâ puer undecumque matris assereretur manu, erat autem in nostra Probationis Domo, Burdigalæ. Itaque venit eò parens, petit ab Senatu, liceat sibi bona ipsius venia, in eiusdem ditioe, Pictaviensis Interdicti iure ac auctoritate agere, ex eoque suum sibi filium ab occupantibus Iesuitis vindicare: Curia, declinato petitionis argumento, eius libello rescribit, consulat sibi ex Forensi formula in Iure, ubi iam ipsa versetur. Ex hoc rescripto mulier cum intelligeret, in ea causa non facile superiorem se futuram Burdigalæ

galæ, Parisios regreditur, ab Summa Curia Senatusconsultum aufert, quo secundum matrem vindiciæ filij pro libertate darentur, & is sisti iuberetur Pictauij, neque huic sententiæ intercedendum nostri putauerunt. Adolescens apud honestam familiam Pictauensem, ut sequestram, deponitur, ex Senatus sententia, unde illum sua mater alterius filij opera per vim abripit, multaque vexatione toto itinere fatigatum tridui via, in castellum vicinis ab Pictauio leucis, procul ablegat, ternis custodibus apposis, qui interdium noctuque, domi ac foris, eius latera cingerent. Inde post octo dies Pictauium propius, in aliud prædium est abductus, quod parens, minore suo incommodo, cum comitatu esset vêtura, vbi nihil eorum omissum est, quæ idonea putarentur, ad euellendam ex adolescentis animo Religiosæ vitæ voluntatem: sed omnibus eam palæstram ingressis suus conatus cecidit irritus. Clandestinæ verò fugæ consilia cum agitari sensisset, in omnem euentorum aleam mirè intentæ, mulier sollertissima, sollicitæ custodiæ illam inrit rationem, qua videri possent obsepti omnes exitus adolescentis: qui ut aliquando maternas suspiciones minueret, segnioresque faceret excubitorum, vigilas, simulare cœpit remissiores in suo instituto imperus, paulloque licentiùs vellem genio indulgere. Allatam ex Tirocinio tunicâ tres iam hebdomadas non die nō nocte posuerat, sed eam sibi tandem eximi passus est, antè stipulatus eam sibi redditum iri: deuictus quoque asperitate detraxit nonnihil, adhibitis etiam ad colloquium

loquiū domesticis libentiū,quàm erat solitus: qua ludificatione incautis cū imponeret,omnes præstabat sibi minū iniquos,& in obseruādo negligē-
tiores. Quā se demitteret, perfoderat antea conclauis tabulatum, condicta cum fideli amico die; super cœnā, causatus nescio quid necessarij, bona discubentiū venia, deuertit in conclaue,vnde mox suspenso fune deuoluitur ad Sacerdotem infernē sibi præstolantem, quo duce in tutum & abditum perfugium curriculò deuolat, vbi dies aliquot lateret, dum summissi à matre conquisitores procul excessissent, post quas latebras, eiusdem Sacerdotis ductu, itineri se commisit,secundoque Numinis auspicio in expetitum Tirocinij portum aliquando euasit. Alter item Piētāuij natus puer, triennium totum Diuinis motionibus continenter agebatur, quæ modò blandiū oblectarent, modò pænē obruerent animum copia dulcedinis, vt pro vario suo statu aut eis assentiretur, aut obtentu valetudinis, & tenuis corpusculi,reuocaret assensionem, donec explendi voti causa veniret ad Beatę Virginis Ardellanae,vbi cælo missus solito validior instinctus adegit ferē reuoluentē ad virginitatis votum Magnæ Matri nuncupandum. Ex æde Virginis, vbi, voto exsolutus, arctiore aliò se obstrinxerat, domum rediit valens & vegetus, qui aliàs imbecillus semper vixerat, & æger, quo ex die robur animi longē auctius sibi quoque accessisseprehendit; quare, passis velis spirantem de cælo auram copiosam cū excepisset, ex procelloso humanarum curarum oceano, directā breuique

uique nauigatione , in Societatis portum inuectus est. Duos menses transegerat in Tirocinio , cum eum suus pater ex insidiis obseruatum in publico rapere , vique auferre conatus est , sed ea violentia Magistratus auctoritate prohibitus , se conuertit ad Principis Condæi gratiam demerendam , cuius litteris ad tres huius Prouinciæ potentissimos viros impetratis , ad Cardinalem scilicet , ad Aquitaniæ Rectorem , & primum Senatus Præsidem , omnia tentauit , uti eorum vel gratia , vel viribus filius sibi redderetur. Roquelauræus , Regio nomine Prouinciæ Præses , sibi sumisit ut pueri voluntarium sequestrum ageret , à quò tamen cum triduo post recepimus , hortatu parentis rogatūque , quem filij alacris virilisque constantia non placauerat modò , sed mira quoque voluptate affecerat , ut hoc nomine haberet multò cariorem. Ex Aulica nobilitate plerique , ac in his quidem Hugonotti nonnulli , puerum variè lacerauerant , siue animi gratia , siue ut abducerent à consilio , apud quos ille contrà seridò dicere ac agere omnia : magistri morum Fideique grauem personam induere , singulos hortari , monere , docere , quæ Christiani , quæ Catholici essent muneris , commendare ipsis magnopere ; ut in ea ætatula tantum prudentiæ animique omnes vehementer suspicerent. Quamobrem , cum Tirocinijs Rector Dynaltæ Roquelauræi vocatu venisset ad suum reducendum Tironem , apud eum facerè querebatur Nobilitas , cur suum sibi Doctorem adimeret , cuius magisterio multum iam profecerant,

optimis deinceps informandi moribus, si eo præceptore diutiùs vterentur. Tertium Pictaviensem semestris & assidua cum utroque parente, ac cæteris consanguineis, dimicatio, exprimendæ missionis gratia, hoc pluribus & illustrioribus palmis clarum ad nos victorem adduxit, quod uti minùs hostiliter, ita magis periculose, ac diutissimè quidem est impugnatus, & ab iis aduersariis, quibus repugnare pænè impium, quos profligare sacrilegum videretur. Virilis sexus erat parentibus vnicus, utrique, ac suo quidem merito carissimus, quorum canitiem hoc faceret tristiores miserioresque quoddam æternum esset abfuturus, hocque acerbius videndi fruendique accenderetur cupiditas, perexigua tamen expectatione solatii. Duplici genere prælij adolescens appetebatur validissimè, ac suis quidem armis non periculose minùs, quam alienis, infelissimis sanequàm utrisque; nimirum inter quotidianas obtestationes obsecrationesque pater effectis iam viribus tabescebat ploratu assiduo, mater, in acerbis filij abeuntis amplexibus, animo deficiebatur sensibusque, ut idemidem mœnore fugientis animæ iure timeretur interitus: cum filius intereà, ut suum dolorem præmeret sollicitè, lacrymis tamen colliquefiebat. Fuit enimverò excelsi cuiusdam, exaggeratique summa fortitudine pectoris, non superiorem modò, sed incruentū quoque ac integrum ex tam formidolosa aciediscedere. Alium, apud Petrocorios natum, parentis, cui erat vnicus, libellis interpellatus Senatus suo rescripto eduxit è Tironum familia, & ad se vocatum, in frequenti Patrum consessu, interrogavit Præses, cur

parentem descenderet ; vt Christum ait , vocantem
sequar : sed quid speraret ex Religioso Instituto ;
crucem inquit ille : quid esset autem crux , an satis
liquidò intelligeret ; eò veni, retulit , vti præce-
ptis vsuque condiscerem. Acumine , celeritate , ac
breuitate responsorum cum defixisset Patrum co-
ronam , non potuit euincere Tiro , quin suo paren-
ri addiceretur , solido semestri apud eum petici-
tandus. Qua decreti acerbitate consternatus , cor-
ruit in genua , & precibus ac lacrymis demitigare
iudices vehementer insistit , ac lenioris in se arbi-
trij gratiam postulare ; sed Patribus iudicij sui au-
ctoritatem rigide tuentibus , adolescens nihil im-
petrauit. Porro interfatus præses , & multiplicis
æquitatis illi decreto prætenta specie , pueri que-
rimoniis cumulatè sibi facere satis videbatur , cum
ita spondebat : haud illi abfuturam in patriis ædi-
bus Diuinam opem , si quidem è cælo consilium
illud iniectum esset : atqui spe cælestis auxiliij ne-
mini sunt , ait , sponte ac temerè incurrenda peri-
cula , & grauiora præsertim , in quibus circumspe-
ctissimi & fortissimi quique opprimuntur quoti-
die : vt si in eo peream , quò me præcipitem agitis ,
periturus non sum , nisi vestro grauissimo scelere :
vno igitur fretus Deo puer patrem secutus ab eo
ad Tirones socios sui reditus auctorem Deum ha-
buit. Alteri cuidam , clari generis , sed Hæretico
parente ortus cum esset , ab incunabulis varij cuen-
tus obtrigere , quibus deinde cognitum est , eum
cultui Diuino , tantò antè , data opera comparari.
Ei nato Catholica mater Baptismum Romano ,

pater Hugonōttico ritu destinabat, eóq; nomine famulum miserat, qui Ministrum accerferet, sed equū aliàs maximè mansuetū ac docilem, famulus nulla vi aut arte potuerat in viā inducere, sed ingenti pauore plentis redierat, heris suis euentum rei nunciaturus. Puer interim propinquæ mortis aperta præferebat argumenta, quem mater Deo antè deuouerat, si posset euincere, vt Catholicis imbueretur cærimoniis: quare vehemēter instat apud virum, vt ab Sacerdote lustrari eum patiatur, quādo Ministri non sit copia: cui cū victus precibus coniux annuisset, eundem famulum eodem equo properare iubet ad Parochum: cuius equi numquam facilior, promptior, fideliorq; fuerat opera, quàm tum fuit, quo celeriter aduēcto Sacerdote, matri, religiosissimæ feminae, Catholicis aquis expiato infante, cumulatissimi gaudij est allata materia. Bimus cū adhuc esset puer insedit eius renes, calculus tā atrox, vt in momenta doloribus tantū non exspiraret: cui calamitati amoliēdæ, mater eum iteratō consecrat Numini, & eam dedicationē breui secuta est exitialis calculi sine infantis noxa, eiectio. Votum maternorum ignatus pater grandiorem factum filium iā iniziaturus credebatur Calvinianis ritibus, eumque, suæ tuendæ augendæque factioni, fortem olim pilanum, mente prædestinabat, sed intercessit eius cogitationibus celerior occasus, quam putaret, qui adolescentis conditionem in libertatem asseruit. Inde missus in nostra Gymnasia, vbi primū Societatem vidit, cœpit adamare, in quam postea seriō adiecit animum, & seipsum studiosissimè contulit.



PROVINCIA LVGDVNENSIS.



EXeunte biennio suas operas profitebantur Socij quadringenti septuaginta sex, id est, plures sedecim, quàm priore parte biennij; quo toto in partem laborum adsciti quadragenj quaterni; octoni decessere; familiis quattuordecim meruère Sacerdotes centum sexaginta; Magistri participes aut expertes Sacerdotij centum circiter: Discipuli ferme totidem; Adiutores, nunc pauciores jis decem, nunc decem plures: Tirones quinquaginta, vel iis paullò infrequentiores.

LVGDVNENSE COLLEGIVM.

IOannes Marquæus duobus iam annis Theologica merens stipendia, cum vicenarium ætatis triennio excessisset, maximo Sociorum mœnore occubuit. Placidissimum ingenium, & cum singulari actionis sermonisque lepore consuetudo suauissima, in quibus innocentia quam eximia

emicaret, huic adolescenti domesticorum exterorumque summam beneuolentiam conciliauerat vt nemo non eius cominodo, incommodove perinde afficeretur ac suo. Hic aduersus eum animus egregiè se prodidit in molesta ipsius agrotatione, quam suo quisque redemptam vellet periculo, vnde illa precum existerat incensa vis, qua eius interitum omnes deprecabantur assiduè, si superis ita viceretur; sed septimo anno ab inita, & fortiter decursa virtutis palæstra, Cœlestium ille palmarum Designator coronam ei decreuerat. Morbi acerbitas in aliquo alio rerum diuinarum sensum, & vim animi ad illustria pietatis facinora oppressisset: sed in hoc visa est tanto magis acuere, incenderéque: vt scilicet præclaro vsu generosis mentibus insita virtutum semina nullis aduersis casibus se sinunt obrui, sed acrium flammarum instar coactæ se exerunt vehementius. Vt morbi graues molestiæ multiplicem iugemque ipsi sufficerent Religiosarum actionum materiam, aliunde tamen accersebat omnes earum ansas quàm diligentissimè, ne quod breue sentiebat superesse tempus ad obitum, sine fenore præteriret. Pueritiam omnem, & ad id ætatis, flexum adolescentiæ lapsui maximè obnoxium, tametsi sine labe transegerat: concipiendæ tamen sensibus intimis pœnitudini, per frequentes gemitus, hoc carmen, ipse sibi occinebat idemtidem: *Hæu fallax adolescentia, quàm præposterè sum usus annis tuis, & viribus!* Humanis momentis si rem æstimares, lectissimo adolescenti multa inerant

rant, quibus longioris ævi cupiditate tangi posse videretur, nec immerito: ab eius tamen animo nihil visum est alienius; ut contrà suauiter simul & auidè sublati in cælum oculis, cogitatione vitæ melioris, quasi iam prægustatæ, totus inardesceret, quas inter incensas sanctè concitati animi adspirations placidissimè occubuit. Virginum cœnobio, ex duplici labe, propinqua imminere videbatur ruina, quòd votiuæ paupertatis integritas iam pænè obsoluerat, & solutior in plebisque labebatur. Vtrique incommodo est salubriter occursum expolitis, per Diuinorum sedulas commentationes, Virginum principibus, ipsaque inter primas Antistita; quibus factum est, ut instituti Religiosi memoria vsusque reuiuisceret, vnàque de cœtu, paupertatis studio, referret in commune de suo peculio argenti facti, pretiosæque supellectilis bene magnum modum, stupentibus reliquis sororibus, laudantibus Ecclesiasticis Censuris decem & octo annos irretitus ad nos adiit, ut eis tandem expediretur vinculis, sed eorum fuit ea conditio, ut vsque ab Roma necessario esset euocanda solutio; quo ut eo nomine missum erat, ille graui morbo decubuit, vnde non excitaretur postea: sed cuius animus in momenta euolaturus putaretur, supra naturæ vim, occultis illigatus nexibus hæsit in statione, quoad allati Pontificij diplomatis cum auctoritas, multa exemptum, honesta quoque missione corporis ergastulo mox absoluit. Hæreticorum ex Albo expuncti viginti duo, in iisque Sacerdotij

desertores tres, quorum vnus duodetriginta Sacerdotibus sacrilegæ defectionis auctorem se fuisse multo cum gemitu secum ipse querebatur.

Sequentis anni de Caluiniana præda manubiæ ad nos vberiores peruenere, duodequadringenta eius transfugis auspiciore sacramento in nostro exercitu dicentibus, cuius transitionis nomen auctoritatemque non defugerunt Ministri filius, & alius inter suos nuper Diaconus. Adolescens, aliàs Discipulus noster, & Marianus Sodalis, prohibitus assiduitate negotii statos Sodalitii non obibat conuentus, animo tamen stadium erga Patronam fouebat, cuius ei copiosam mercedem Magna Mater repēdit in tempore. Is enim cū operis nescio quid curaret ardentius, maioris modi acum altè defixit in sinistro oculo, cuius plagam vt periclitati sunt medici, decernunt reuocandi luminis spem esse ablatam penitus, in id vnum maturè conferendam artis industriam, vt oris deformitas abstergeretur, cæteram omnem operam planè inauem fore. Per eas angustias humanæ artis opisque, adolescens summo conatu mentem erigit ad extraordinaria subsidia è cælo accersenda, Magnæque Matri supplicat ardentissimè, interpositis triplicium votorum velut obsidibus, vt clienti suo manum admoueat salutarem. Sub illam precationem chirurgos obtestatur, amoliendæ luminis orbitati curationē adhibeant sollertissimè, tantisperque sustineant petitum ab naturæ & artis experientia iudicium, nam magnopere confidere se, ab Dei parente suffectum iri manibus ipsorum inusitatam

inufitatam vim fanationis , eius ductum modò fequerentur, quæ remedia & operam eſſet prosperatura extra ordinem. Medicis ei tantopere roganti obsecutis, paucorum dierum curatione oculus aciem integram, speciemque recepit, tenui dumtaxat vulneris macula residente, quæ Diuinæ manus admotæ veſtigium præferret, identidemque refricaret memoriam beneficentiæ. Amico accepti hoſpitio in agris Patres cereis Agnis armauerant familiam aduerſum inſeſtos Lemures, cæteraque pietatis inſtitutione munierant. Ab eorum digreſſu, cubantibus in eodem lecto famulis duobus, obdito foribus peſſulo, ante ſomnum ad lecti ſpondam, ſe obicit proteruiſſimæ feminae ſpecies, prælato dextera lumine, cuius ſplendore fit ſpectrum vtrique conſpicuum. Alteri cubantium ex repêrina trepidatione fertur animus ad ſacri amuleti nuper accepti cogitationem, cuius ope fretus iubet larvam eloqui, atque ſitne à Deo, an à dæmone, profiteri. Ab neutro niſſam ſe affirmanti, ſed volaticum eſſe genium, nulli noxiū, ille, fraudem iure ſuſpicatus, manum bracchio iniicit, in oculos deinde inuolaturus, ſed, inter eam prehenſionem, ſimulacrum elabitur, & ad oſtium regreditur. Ibi mox induit armati ſquamatique pumilionis effigiem, adunco naſo, villoſis manibus pedibusque, denſioris flammæ circumfuſam globo, quibus præſtigiis, vt vidit hominem nihil commoueri, poſt paullò in ſumum euanuit. Triduo ab illa nocturna ludificatione, alterum ex iis famulis, qui, ſeu obliuione, ſeu contemptu, ſacri amuleti ni

leti nihil sibi petierat , vis quædam vehemens & occulta renitentem maximè , ac vociferantem , eodem de cubili , à capite detrahit , & asportat ad fenestram , aut deiectura præcipitem , aut longius in perniciem auctura. Magnitudo periculi excitat in misero Numinis memoriam , ac Beatæ Virginis , quorum precatus opem , huic votum concipit , euestigióque is funesto raptore absoluitur , & somno socius , qui ad id momenti mirè sopitus , eum tumultum non aduerterat. Dies deinde aliquot ingens hominem horror tenuit , & ad omnes domus fores infesta ei fuere dira simulacra , donec ad nos perductus anteaetam ætatem vniuersam vna Confessione recognouit.

AVENIONENSE COLLEGIVM.

CAtholici nomen & speciem eментitus Minister dolo malo Auénione versabatur , quem sui demum sermones , tametsi callidissimè ad fallendum compositi , prodidere , ac compegère in vincula , ubi , auditis nostrorum ad vinctos crebris adhortationibus , sic affici tandem cœpit , vt colloquium vnus Sociorum ambiret , quocum sapius congressus errorem dedoctus est , eaque ratione ab Hæresi & carcere absolutus. Terrorum criminum reus vir quidam , multos iam annos Deo illudebat , dicis tantum gratia vsurpato Confessionis officio , dissimulatis in eo videlicet reterrimis immanium flagitiorum vlceribus : cui Deus ,
leuiore

leuiore inurenda plaga, horrendi tandem sacrilegii salubrem religionem inussit. Sacrosanctis Paschæ diebus ore animoque impurissimo ad Cælestes dapes se appulerat, reclamante, vt semper scelerum infandorum conscientia, cum, demisso in stomachum Diuino ferculo, ei derepente pectus intumescit, viscera exitiali torrentur ardore, vt lymphato similis, omnibus concuteretur artubus, inauspicatum nescio quid dentibus infringens, ac mox linquentibus animo & viribus, collabefieret nisi exceptum amici domum inter manus asportarent. Post aliquantum temporis sui compos factus, liquidò intellexit, reum se Maiestatis Diuinæ vadari, ob scelestissimè irrogatas Numini diuturnas immanesque contumelias: quo nomine, quem vnum conscium haberet teterrimarum fraudium, Deo tacitus se adstringit vitæ melioris sponsione. Ipse certum de Patribus nostris aduocat, cuius ad aures superioris æui noxias singulas, & horrenda sacrilegia, intimo doloris sensu execratur: neque mora intercedit, quin omni cruciatu eximatur. Ei miserè laboranti præsto aderat amicorum vnus intimæ necessitudinis, qui ad eum diem Catholici pectoris vinbram Calvinianæ fraudi obtendisset, cui æger cum tam repentinæ acerbæque calamitatis rationem familiariter indicasset, is veritus, ac meritò quidem, vltionis Diuinæ iam intentatam fortasse capiti suo machinam, posito infami simulatæ religionis velo, germanum Catholicum sincera mente professus est. Ex adolescentium Sodalium decuria vnum
proiectæ

proiectæ libidinis muliercula, occupatum in strato, laceſſebat ad communionem flagitii, cui ab ſe depellendæ ſetofum cilicium pectori prætentum cum oſtendiſſet, nec illa reprimeretur, hic ad validiora tela conuerſus, promptum è puluinari flagellum acerrime cœpit nudatis incutere humeris, dum ſpectaculi horrore funeſtum proſtibus ab ſe procul abigeret. In ſenioribus Sodalibus cuiſque ſciam vel à natura, vel prauo ab uſu inceſſerat effrenatus ad omnem libidinem impetus, quo urgente per obſceniffima quæque diu fuerat volutatus, unde veteres animi clades recogitanti acerbæ indignatio, & ſui horror ingenerabatur. Efferueſcente igitur vehementiùs hoc doloris æſtu, proſtratus in ardentes preces intentiùs ab Deo efflagitat, vt quoties impuræ cogitationis ſtimulus mētem laceſſeret, de firmitate membrorū, oculorumque acie, ſibi quidpiam decerperetur. Iuſto ſui refrenandi ſtudio concepta obſecratio iucunda Numini cecidit, & habuit exitum, qui optabatur: enimuerò cum poſtea vehemens libidinis titillatio corripuiſſet hominem, & is ad facinus accingeretur, repentina eius oculos cæcitas inuoluit, qua non eximeretur, quoad veſanus ille motus planè concidiſſet. Nemaufi Arecomicorum decem Heretici, obducto Catholici moris ſimulacro, in latebris deinde Caluinum pro numine reuerabantur multos iam annos, quibus adſcititia perſona detracta eſt, & Catholicorum germana inducta. In Hugonotis undecim, ad Romanas leges adductis, poſt longam tergiuerſationem, emicuit mulieris

lieris ægrotæ alacritas & animi fortitudo, in profitenda ratione assumti ab se Catholici dogmatis, Calvinici conciliabuli Patribus summis quibusque palam, atque inexpectatæ huius mutationis causas anxie sciscitantibus. Quod serò tandem ausa est, id ei pridem erat decretum, nisi vanus quidam matris metus, feminæ Caluino addictissimæ, professione Catholici nominis auocaret: nunc verò quod sui consilij esset apertè enunciantem, rebantur, aut se ratos simulabant Calviniani, à coniuge fuisse blanditiis metûve adductam ad cum sermonem, qui non esset ex ipsius animi sententia. Eius voluntatis haud dubiis conjecturis explorandæ gratia, cò accesserat Capitalium rerum Dumvir Nemausensis, præter Calvinianæ scholæ procures, apud quos primùm quæsta est, cum multa sua iniuria, vocari ab Hugonottis in dubium, suone, an alieno ex sensu asseruisset, nuncium Caluino se remittere, quasi mulier id ætatis, conditionisque, ipso pænè in articulo subcundi iudicij Divini, de re omnium maxima, videri voluisset in cuiusquam gratiam ambiguè locuta: deinde graviter, & contenta voce, pronunciauit certum sibi esse in Catholici dogmatis sententia vivere, atque pro eo tuendo sanguinem profunderè, si se Deus hoc beneficio dignaretur. Ab tam luculento edito suæ Fidei testimonio rerum caducarum mentionem non admisit, nec cogitationem; de coniuge ac liberis omnes sermones aliò auertit, vni Diuinarum rerum commentationi affixa penitus, quo cælestia meditandi accenso studio ad decimum

mun producto diem, ipsa religiosissimè occubuit. Omnium qui ad hunc diem Calviniani Evangelij præconium fecere in Gallia, intelligendi ac dicendi sine controuersia Princeps, Ieremias Ferricrus, cuius vnus viribus Hugonotica sententia maxime tota Francia nitebatur, vt eorum partes magnoperè sua destitutione affligeret, si ad nostras traduceretur, ita, qui de Patribus cum eo congressi momentum illud habebant exploratum, cupidè adiecerant animum studiumque suum ad eius periclitandam, & eo concitandam voluntatem. Quod vt maiore fiducia molirentur, suadebat hominis liberale ingenium, & non modica eruditio, quæ duo si adhiberentur, summoto antegressarum opinionum præiudicio, ad dispiciendam veritatis lucem, abesse non poterat, quin vt ea ipsi copioso splendore affulgeret, is eam agnosceret, ingenuèque amplecteretur. Neque secus accidit, quàm illi ex hominis perspecta indole prudenter coniecerant, nam vbi secum agi deprehendit liberaliter & amicè, eò quoque non grauatur mentem appulit, quò inuitabatur, & quod suusus erat, semota omni peruiacia, cum otio, & animi quiete, vim rationū à Calvinismo reuocantium accuratiùs expendit, neque illis cogentibus id quo de agebatur, suum assensum negauit. Exinde per aliorum negotiorum causam, Nemauso Lutetiam eunti redeuntique multiplex cum nostris eo de argumento, locis idoneis, sermo fuit, vt demum eius ad Catholicos transitio decerneretur. Eo certè animo studia sua conferebat in partes Romani dogmatis, vt explodendi

dendi sollempni exsecratione Caluinismi theatrum deligeret Nemausum ipsam, vbi Hæresis propagandæ, ardore incredibili, & summa dicendi gloria, permultos annos florentissimum nomen, inter perpetuos suorum plausus, sibi conciliauerat: fueret tamen amicorum graues sententiæ, cur eo tempore, ac loco, ad tantam celebritatem res non adduceretur. Homo id ætatis, experientiæ, auctoritatis, eruditionis, consilij, & grauitatis, cum ab veteri sententia rituque post multam deliberationem, discederet, potuerat secum pertrahere in idem cõsiliũ quidquid est Caluinianorum in vniuersa Gallia, si quidem res iusta rationum trutina pendetur: sed ea vulgo non sunt Hugonotorum ingenia, quibns tam faciliè receptum ab errore persuadeas, quàm liquidò ipsos errare peruincas, adeò præfractè tuentur, quod semel animo combiberint, ne non satis acuti, & intelligentes in iudicando fuisse videantur. Tantum verò abfuit, vt Nemausensis populus sanum & maximè prudens doctoris sui reuereretur iudicium, cuius in verba velut in sacra Pythici oraculi effata, pridie fuerat iuraturus; vt simul ac obscuris sermonibus dissipatum est, iam alia omnia cum de Fide sentire, cæco impetu rei omnium grauissimæ abstrusissimæque diiudicandæ temerarium insanumque sibi vindicaret arbitrium: quia scilicet apud Caluinianos audacia & ferro potentioris partis est decernere, quid cætera pars in Fide sequatur. Tota igitur Nemausensi vrbe plebeiorum cietur tumultus, animos clam facientibus Hugonotorum proceribus, & passim

passim audiuntur acerbae voces proditorem sinceri dogmatis Ferrierum ex mortalium numero excindendum; ferro ac igne piandum scelus, quod impius in sacram Christi familiam consciuisset; occupandam prius vesani capitis amentiam, quam turpi labe suos nuper consortes inquinaret; & acerbitate supplicij obstruendum, cæteris de suo corpore, ad hoc genus impietatis exitum. Ferrierus, cui plus satis multo ex usu notum esset suorum nuper tribulium ac collegarum ingenium, cum inaudisset concitatos in se plebis animos, furentemque sua sponte procellam occultis maleuolorum flabris vehementius accendi, clam in potentis & Catholici viri ædes perfugij causa demigrauit, diro alioqui membrorum laniatu satiaturus truculentæ plebis, hostili sæuitia ferro & igne grassantis, immanitatem. Ferina rabie instincti homines ubi herum suis ædibus abesse audiunt, ipsas in ædes innoxias, & earum instrumentum acerbi odij tetrum virus exonerant, penuariam cellam, vel corrumpunt, vel cum supellectili eiiciunt per fenestras; heram ipsam, puerperio proximam ex lecto contumeliosè deturbant; geminam eius prolem, teneram adhuc, cum matre incendio communi domus ipsius destinant; inde malleolo & facibus in suburbanam eius villam, infestis omnia deleturi flammis, prouolant; quos nisi villicus supplex inhiberet precibus, eam labem suo futuram periculo denunciâns, eodem tempore urbana & rustica res omnis Ferriero deflagraret. Verumtamen ne sanctæ religionis æstus ipsos nequidquam

ed prouexisset, proculcandis late frugibus, petulanter defringendis vitibus, arborumque tum surculis tum ramis, non modicam consumunt operam, sui semper, ac veterum facinorum memores; ut qui ferro ac igne noui sui Euangelij sementem nuper fecerint, eade ac incendio eiudem auctenda carbunculatione grassentur. Is intererã, cuius vnus maximè petebatur iugulum, suam salutem Catholicorũ septus claustris, & præsidio vallatus, non sine trepidatione, tegebatur, sic animatus tamen, ut si maior vis inde se abigeret, ut incolumis non posset euadere, quacumque pateret exitus, in Patrum nostrorum eniteretur contubernium, uti eorum in oculis, & ad ipsorum, ut aiebat, pedes, pro Catholica Fide mactandum se, Deo victimam, consecraret. Vbi verò furentis plcbis non nihil ardor deferbuerat, opera Catholicorum ciuium, veste mutata, Nemauso elapsus est, tutumque ac honorificum receptum habuit apud Belliquadrenses, ad Rhodani ripam, itidem in Aremicorum Volcarum finibus. Fratri tamen ipsius, clarissimo medico, non adeò feliciter aliquot inde diebus cessit alieno vestitu tentatus exitus, cui nempe, inter efugiendum agnito, intentata sicariorum manibus atrox lapidatio perniciem propemodum ultimam attulit, sed Deo propitio tandem inter diram saxorum procellam euasit. Ea defunctus clade Ferrius, qua Christi Crucem, germanam utique Catholicorum tesseram, per ipsa rudimenta Christianæ professionis sibi desponderat, operam euestigiò contulit ad lucubrationem dignam eo verita-

ris studio, quod per acerba illa initia prætulisset. Breui ergo ex ipsius officina prodit luculentus nulli modi commentarius, quo facti sui eam ratione reddit, quam necesse sit probari ab sapientissimo & æquissimo quoque arbitro, ubi etiam refutatisissimè ac validissimè certa quædam Calviniani dogmatis pronunciata, quibus asserendis olim se intemperatius ipse iactauerat. Massiliensibus & cæcilonaria in primis, & reliqua omnis opera diu, ac vtilissimè nauata est; neque minùs frugifera Rhodani vtriusque ripæ accolis, Cauaribus & Voluis, per frequentia oppida, & pagos non pauciores. In Monbrunensi ora Calvinianus Minister, præsentis eius loci Dynasta, nostrum ausus lacessere, ubi ad ignominiosam infantiam paucis adactus erat, præmium temeritatis tulit Satrapæ indignationem, sui que abdicationem ministerii, noster autem præter eruditionis elogium ab ipso Dynasta Hæretico, eiusdem beneuolentiam, conuiuium, atque hospitium promeruit.

Parte altera biennii vni Discipulorū nostrorum ad sacrā mensā prouoluto, & segniùs rem gerenti, occurfabant frigida Calvinianorum cauillationes aduersum Eucharistiæ veritatem, quas nuper ex illis audiuerat, quatum inanitatem quòd maturè non reiecisset, ipsæ se insinuabant in eius animum, & feruè assensionem iam exprimebant. Interim Sacerdos cum sacrosancta Hostia ei iam adstabat, eam portecturus in ipsius os, sed infelici labra & dentes tam obstinatè occludebantur, vt is omni licèt conatu enisus tātillum non diduceret, quo ca-

su impietatis lux admonitus, in Deum; & in Eucharistiam, quare potest religiosissime, Fidem tenet, eiusque iūdo scelere nunc eo ipso loco violatæ supplicat postulat veniam: neque huiusmodi, quin et recluditur os, multaque mox religio etiam aliud Sacrum diuinitus infundatur. Adulescens gravioris flagitii reus pudore prohibebatur, quod minus feedo ulceri medicinarum Confessione accerseret, iamque menses aliquot hoc pacto illi cesserant, cum Stygio infelix hospite rusticus, quibus litteraturæ ignarus, ei seducto de via, & æqualium cœtu, commemorat occultum illud facinus, & aliquot expressum idiomatis acerbius exprobrat. Graviter attonitus tam inexpectato euentu puer, hæc primum ac pauere; dein culpam agnoscere, ac recipere pœnitentia expiaturum, sed quæcumque illum causa tam salubri consilio abstinere, deinceps hærebat in luto, cum ille idem severus monitor, in adolescentis conclave insinuat, clauis omnibus occupat solitarium, & increpitum aspernit, Deo se auctore denunciare ait, diurnæ contumaciæ iustissimam pœnam, durū & propinquum ipsi è cælo imminere letum, exindeque apud Orcum æterna supplicia, nisi desubito animum adiceret ad conceptū pridem scelus eluendū. Puero vix vix quā alioquin ausuro expromere flagitii turpitudine, necessaria fuerat intetata potentiùs à Deo machina, quæ se adigeret ad Christiani officium, quo religiosissime defunctus est, postea quàm ei tam præcise fuit edita Diuinæ iussionis formula. Septem Missionibus vicina oppida exulta sollemnibus

concionum diebus ante Christi Nascentis Resurgentisque ferias; interque cætera illius operæ compendia, octo Hæreticis fax veritatis illata est, quam & volentes adspexerunt, præsertim verò multæ octogenaria, in qua pridem Theologi non paucum tempus oleumque perdiderant. Inusitato prodigio vnus aliquis, immanium scelerum sibi conscius, inductus ad idoneam homine Christiano religionem, cum participare Sacramenta vel inquinatissimo animo neutiquam vereretur. Ipso sacro Paschæ die ab cælesti Epulo domum redierat, & aduertit vxor ex illius femore cruorem defluere, quo spectaculo attonita exclamat, tata maritum ferro grauitè saucium, quod ille cum negaret, sanguine tamen coxendix & crus manare pergerent, vterque mirari summopere, ac diligenter scrutari fluxionis originem, quam deprehendunt ad summa femoris, inter vestes, in concreti sanguinis grumo mediocris pomi magnitudine, vnde eminula quinque tubercula, totidem papillarum instar, cruento fluore manarent. Adhibiti medicorum experientissimi, ad eius liquoris periclitandam naturam, iurati asseuerarunt, illum sanguinem ab humano neutiquam discrepare: quo miser ille ostento permotus, rationes cum animo suo, ex conscientie pridem reclamantis formula, diligenter sibi putandas sumsit. Apud Belliquadrenses Rhodani accolas, in Volcis, viceni, terni apud Salonos, in Salyis, Caluini lepram exuerunt.

TURNONENSE COLLEGIVM.

VALENTIÆ Canarum vnus de nostris, inter obeunda sollemnium concionum munera, tricenos septenos Calvinianorum cum Romana Ecclesia & sentire & viuere docuit: denos alius alibi eodem volentes adduxit. Matrona nobili genere, nonagenaria, primùm nascentibus nouis Caluini mysteriis infans imbuta, Catholicum non modò institutum, sed nomen quoque, in primis verò Sacerdotum, oderat implacabiliter, vt ad eorum ipsam appellationem exhorresceret. Ad eam, haud procul Turnono, vnum de nostris Sacerdotibus euocant, ex itinere, viri nobiles, qui motibundæ aderant, cuius ad adspèctum recreata mirificè, stupentibus omnibus, desubitò erupit in ardentissima desideria Calviniani dogmatis explodendi, neque vrgendi finem fecit, quoad noster, vix horæ quadrante quàm aduentarat, ei ex sollemni formula Calvinismum execranti, aures accommodaret. Se verò Dominici corporis summa incensam aueritate, non est passa in lectulo, tametsi grauissimè affectam, Diuinis mysterijs imbui, ne quid secus fieret, quàm ipsa dignum putaret reuerentia præsentis Numinis: iussit itaque se deportari ad familiare sacellum, vbi, velut proximè vita functuræ, sacri viatici nomine Diuina Hostia ei porrecta cùm esset, contra opinionem omnium, ex morbo incolumitatem impertiuit. Non diu superstes deinde fuit, sed, quod vitæ

concessum est reliquum, id sanctissime agnoscendo inusitato erga se Dei beneficio transigente. Idem Pater ad inopinantem Hæreticum, quædam etiam ætate senem & ægrotum, introductus, suadendo tantum valuit, ut Hæresin ei extorqueret, quem Numinis benignitas Sacramentis rite procuratum sanitate donavit, quæ tunc fructuosissime vitur redigendis ad Christi gregem tota vixit. Caluini errantibus asseculis. Femina primariæ, laboriosissimi partus angustiis ad extrema deuolutæ, Sacerdos noster accersitus, opis ferendæ causâ, tradidit in manus tenuem asculam ex Spôda B. Patris Ignatii, qua accepta derепente felicissimo foetæ est puerperio. Ad motis eiusdem Patris reliquum, depulso vitæ haud dubio periculo, facillimè peperit. eorum nostri medici, cuius testimonio didicimus nullis humanis viribus matris incolumitatē in eo partu potuisse asseri. Hoc demum anno ab Sociis Turnonensibus recepta sunt ossa Patris Iacobi Salselij & Guillelmi Saltinuchij, ex sua olim familia, quos prioris sæculi annus nonagesimus tertius illustres Martyrj laetæ cælo inuexit. Eorum reliquias Calvinianæ sœuitiæ Albenacensis Matrona religiosissima subtrahens, diuque asseruatas domi occulta in latebra, deinde Patribus nostris Aumonensibus, clam admonitis, summisserat, à quibus sacrum depositum denique acceptum, Cero loco abdidimus.

Secundo anno apud Gratianopolitas seducti de Caluini Schola discipuli amplius viginti, moxque Catholica inaugurati disciplina, in quibus

principes matronæ duæ hoc laudis amplius tu-
lère, quòd, præter Mimistros, eas exagitationi ma-
gnopere propinqui de Calviniana decuria, sed
non alio compendio, quàm sui dederotis. Nollet
porro Delphinates pænè omnes exciuit Gratia-
nopolin, vt eo nomine nouis præliis regiones
vrbis firmarentur: concursum verò coneltauit fa-
ma quadragenariæ orationis, cuius apparatus fuit
magnificentissimus, & apparatus fructus haud ab-
similis. Processit supplicantium acies numerosis-
sima ordinatissimaque, Christi patientis religiose
instructa symbolis; cuius multo maxima pars de
nobilitate fuit virginum matronarumque, vela-
ta fronte, pedibus nudis, virorum reiectis ad fla-
gellorum ictus humeris; quo spectaculo nihil me-
nuerant, quotquot interfuère, ad incutiendam
religionem se vidisse potentius; quæ confessio non
Catholicorum modò erat, sed ipsius Lesdiguiè-
rij, quem curiositas visa est ad spectandum pelle-
xisse, sed tenuisse deinde ipsa rei summa dignitas,
res Catholicorum ex eo vno argumento maximè
intereà stupentem. Is toto triênio concionatorem
nostrum, Gratianopoli versantem, illustri semper
& honoris & amoris loco habuit, & eius illa vox
frequenter excepta est, beneuolentia & veneratio-
ne aduersùs eum Patrem nemini planè se nostro-
rum concedere. Nostrum Institutum ex eodem
Sacerdote cognoscere voluit, cuius rationem cum
inde habuisset perspectam, ostendit illud sibi pla-
cere vehementer, & clarissimè prouocauit, So-
cietatem ab omnibus Francis, qui verè Franci es-

sent adamandam esse mercedem, & unde quaque ex-
petendam. Ut constaret autem quanti faceret Pa-
tris eruditionem, & rerum gravium tractanda-
rum industriam, ei vni duodenos Calvinianos
Gymnosophistas se obiecturum denunciavit, dis-
ceptaturos de igne purgante, & conuersione p[ro]
vinique in Christi corpus ac Sanguinem; sed alie-
res ex aliis hanc cōgressionem auerterunt. Eodem
Patre arbitro diremtæ lites, quæ futuræ immor-
tales videbantur, Episcopum inter & Clerum Gra-
tionopolitem: sopita item in Virginum cœnobio,
duas in factiones distracto, funestissima discor-
dia, cuius eò difficilior erat reconciliatio, quod
utrique factioni aderant firma & manifesta prin-
cipum virorum subsidia, & ex Senatu, & ex Cle-
ro, Antistibusque domesticis atque extraneis. Præ-
sidem de suo corpore utraque Virginum decuria
sibi legerat, fautores verò sui cuilibet suffragaban-
tur Antistitæ, quasi legitimæ: Pater tamen ex sa-
cerorum Canonum formula demonstravit, utram-
que vitio creatam, ideoque magistratu abdicandam.
Quod ubi persuaserat, ardentem cohortatus est v-
niuersas singulasque ad gratiam reconciliandam,
ac inde vnâ sibi Præsidem communi suffragio
legendam, quod utrumque summa omnium con-
sensione impetrauit, Virginibus deinde suum præ-
magnitudine gaudium non capientibus, cum cer-
tatim aliæ ad aliarum exosculandos pedes pronol-
uerentur. Turnoni sex de Calvinianis copiis de-
tracti manipulares, qui Catholicis in castris salu-
briora stipendia mererent, quorum vnus prope-
diem

diem infulis sacri ministerij destinabatur. Turno-
nensis olim ciuis, vndetricesimum abhinc annum
mörtuus, tanto ex interuallo, villicæ spectandum
se præbuit, qui esset multis probante argumentis,
& ad hæredem filium dedit mandata, vti suo no-
mine salis frumenti que certum modum erogaret
in egentes, & Sacra procuraret. Consulti ea de re
nostri Patres, aliquid etiam copiosius, quàm po-
stularat, ei tribuendum censent; quod & factum
est magno defuncti solatio, qui exinde villicam
admonuit satis superque sibi factum esse, iisque ad-
iutum præsidis iam in cælum abire, futurum per-
petuò memorem beneficij apud se in tempore col-
locati.

CAMBERIENSE COLLEGIVM.

BInis locis in vrbe, ternis extra urbem Concio-
natores dedimus, per sollemnes ante adueniē-
tem & resurgentem Christum dies; ac in vrbe
quidem Rectori huius Familiæ verba facienti v-
traque iudiciorum rationumque Curia perpetuò
cupidissimèque adfuit, pèrque illud tempus eius-
dem Rectoris studiosissima cura ingētis molis ne-
gotium quoddam feliciter perpetratum est, cuius
secundo exitu, qui eius nosset conditionem, ve-
hementer obstupescerent. In Iuniorum Sodalium
cœtu detineri se Causidicus indignum sua condi-
tione credebat, ea propter habebat se negligentius
in omnibus, & multa infrequentia nauseam suam

ostentabat apertius. Ei ergo quiescenti oblatum est visum Magnæ Mattis, in puerorum concubitu, eorum singulos amantissime amplectentis, & nullo non blanditiarum genere singularē omnibus corroborantis beneuolentiam, vno inter omnes præmitto neglectoque Caulidico, quem nec aspectu dignaretur, nisi vt, tristioris frontis inculsa severitate, hominis animum eo suæ indignationis percelleret admonitu; quod equidem satis ei fuit, vt suam culpam agnosceret, elueretque in posterum. Huius Sodalitij tanto impetu exarserat studium macerandi corporis, vt nisi mature cohiberentur elatiùs iam prouecti, certam sibi perniciem crearent, lecti, victus, cilicij, verberum asperitate assidua & immodica. Adolescehs deprapatis moribus matri, religiosæ admodum feminae, hoc nomine inuisus erat, quòd velut infensus Nutriui quotidianis sceleribus bonitatem ipsius irritaret; quam obrem pia mulier post diuina irritamque curationem refractario adhibitam, supplex Deum rogare insistit, vt perditio adolescenti eam corporis infligeret vexationem, ex qua redeat saucio animo salus; neque multum abiit temporis, cum voti compos facta est. Intempesta nocte redibat cubulo ex ganea, iamque transgressus erat limen domus, cum exorto foris tumultu regredi ad rixantes gregales voluit, manu & precibus retinente ipsum matre, cuius auctoritatem nihil moratus, se ab ea excutit, & in publicum redit ipsoque ingressu inane vulnus dorso excipit, cuius inaudito pia parens exclamat: Quod animo oio
felix

felix faustumque sit, mihi ac tibi gratulor, tam plagam incussam membris, unde ad salutem proceramque sanitatem auspicata sint nobis futura exordia. Quatuor menses ex vulnere decubui, ex eoque postea interii, sed, optima fatigante matre, perpetuis exercitationibus pietatis omne illud tempus sanctissimè illi traductum est, ut vnum illud infortunium ei deesse videretur ad salutem eius asserendam, cuius religiosa mors spem bonæ matris iure fecit maximam. Anno quoque altero peregritum ab nostris Concionatoribus, & opera omnibus locis posita est fructuosissimè. Alubi de Christi patientis erga percussores suos clementia dixerat ardentè Sacerdos noster, atque ad eam imitandam virtutem, Christiani hominis propriam, vehementer cohortatus fuerat auditores, quorum de numero militiam nuper professus, & in ea ductorem ordinum, sensit dictione huiusmodi se affici magnopere. Huic discedenti e templo fit obuiam plebeius homo, cum primis ipsi pridem iniusus, ex memoria illatæ sibi olim ab eo grauis contumeliæ, quo peramanter appellato, quæ modo, inquit, ab Concionatore accepi de I. su benignissimi Seruatoris mei erga parricidas Iudæos indulgentia, prohibent meminisse tuæ aduersum me quondam iniuriæ, quare iungēdis dextris perpetuum reconciliemus gratiam. Procidit ille ad istius genua, duplicem suam professus culpam, & quod iniurius olim fuerat, & quod per summam ignouiam in officio abolendæ suæ noxiæ aliena diligentia se passus esset præueniri, quo nomine tam clementi

clementi viro studiosissimam volūtatē, fidelemque operam deferēbat in perpetuum.

DIVIONENSE COLLEGIVM.

Geneuensis mulier, capite luitata supplicium, tametsi aliās non admitteret vllam Catholicæ rei mentionem, denunciata poenæ vltimæ necessitate, antiquius nihil habuit, quàm vt nostris mysteriis vellet imbui, rata in Calvinismo morientibus nullā esse spem salutis. Adolescens annorum viginti quattuor, patre natus Geneuensi, copioso, eodem propè tempore ad Catholicos etiam transfreſsus est. Narrabat hic Geneuæ recenſeri amplius mille ac ducentos ab Dæmonibus inſeſſos, & beneficiorum inibi eſſe vſum frequentiſſimum: ſe verò quadrimum cœpiſſe vexari horrendis intemperiiſ, opera Stygiſ prædoniſ, ſuum corpus occupantiſ, cuius tyrannide paucis ab hinc diebus eſſet liberatus. Olim autem cū iam factus eſſet grandior, & in dies ſæuior fieret ſuus ille hoſpes; vel miſeratione, vel cupiditate ductus gloriæ, Geneuensiū Miniſtrorū primariuſ ſibi ſumit inſeſtum aduenam ex aliena poſſeſſione deturbandū. Eo nomine ab ipſo vocantur ad cœnam puer, eiſ parenteſ, & propinquoꝝ nonnulli, ſpectatoꝝ ac teſteſ futuri eiſ facinoriſ, quod licet in Luthero & Caluino, reconcinnati Euangelij auſpicatiſ principibuſ, nec fauſtum nec honeſtum habuiſſet exitum, nunc demum tantò ſanctioꝝ

effica

efficacioribus Ministerij, quàm nuper, infulis, omni faustitate locupletandum esset. Mox à cœna, liberaliter curato corpore, collectis ad pugnam ingentibus utrique viribus & animis, ad Hugonotticifritus novos Exorcismos magno fastu descenditur, eoque vultu ac voce, quibus & Tartari, & Carolorum etiam imperium conceditum putare facile potueris, iubetur satellites Orci ex statione decedere. Risit primam iussionem Acherontius ludio, alteram procacius illusit, cum nescio quid prætereà ingeminaretur ab Calviniano Archimandrita, ne quid unquam huius generis in se auderet ullus Ministellorum, sibi providendum ratus ille veteratorius bellator, ab ludicro ad sæuitiam derepente conuersus, inuolat in malè auspicatum Exorcisten, & nequidquam obnitentibus domesticis hospitibusque, pugnorum & calcium durissima velut grandine contundit, augustumque illud caput, nulla Calvinicæ inaugurationis reuerentia, immanibus concisum plagis undique cruentat, ut miser, post eam cladem, quasi taurus laniena elapsus, sanie totus diffliueret. Sed hanc, licet acerbam, terrior secuta est procella; mox enim per saxneas scalas præceps deiectus, caluariam, & reliquum corpus allisit quàm grauius, dilaniandus omnino ab sæuiente Tartarea bellua, nisi, adhibito quàm maximo ab adstantibus conatu, eius crudelitati subtractus esset. Ex tam infausti certaminis alea Minister, suæ gentis Heroum maximè inclytus, quasi auulsis Erebo cornibus, excussoque diademate, quæ utraque suo adstruxisset capiti, fasciatus, &

cornuta

cornuta fronte conspicuus, triduo pòst, in con-
cionem prodit. Parentibus natus erat adolescens
ille perbene affectis in dogma Catholicum, a quo
nec erat ipse alienus; sed illa tam imbellis Multri
manus aduersùs Stygium Canem, ac Ministri qui-
dem, inagni quondam Bezae successoris, quo tam-
quam fenebra larua, esset abusus, ad ludibrium Cal-
umniani apicis, qua iam exigua spe pridè erat, sani-
tatis & salutis apud eos Popos allequendæ, ipsi
omnino eam præcidit. Consilium ergo inquit tacitus
adsciscendæ Catholicæ Religionis, perque occa-
sionem vilendi ruris paterni, Geneuensibus clau-
stris se elicit, opportunèque in Capuccinos Pa-
tres incidit. Horum sermonibus magis etiam in-
flammatum ad studium Catholicarum partiù, quo-
rum in propinquas ædes habitatus cum venisset, iis
auctoribus Beatæ Virginis patrocinium, diuturnæ
calamitati suæ depellendæ, adoptat, eoque ipso
loco, ad patronæ imaginem prouolutus in genua,
orat quàm ardentissimè, spondetque transitionem
in Romana Castra, si eius ope Dæmonum absol-
uatur tyrannide. Incensas fuisse preces, & pronas
Virginis aures in vota sui clientis, documento id
fuit, quòd ab ipso sponsionis momento infesta
Tyranni vexatione liber penitus in hunc diem vi-
uit. Ex eo quoque audichamus de Monacho, quem
impuræ vitæ licentiæ ex Sequanis Gencuam appu-
lerat; quòd cum aduentasset, Calumnianæ sanctita-
tis exordia duxit ab sacrilego coniugio, atque ut
inter profani verticis Ministellos velut rediuuiam
abiecti Sacerdotij sui facultatem nonnullam ven-
ditarat,

ditaret, cœpit Energumeno adhibere Catholici moris Exorcismos, & sacris quondam digitis obducti otis hiatum moliri, & inde disertum sermonem ab Dæmone postulare. Sed Hæresis & incontinentia exangurauerat digitos, vt eorum dignationem pristinam nihil moratus canis ille Stygius, eos mordicus apprehensos tantumnon amputaret, probro huiusmodi adiuncto; Monache articulorum veterem sanctitatem ardentibus tedis commutasti, quibus apud nos æternum deflagrabis. Quodam in oppido, vbi noster haberet conciones, pueri duo, septem alter, alter vndecim, nati heretico patre, matre Catholica, nuper mortua, huius iam institutionem ita combibcrant, & nostris Catechesibus confirmarant, vt diuturna verberum acerbitate, cæteraque omni sæuitia, pater eos tantillum de sententia Romani ritus numquam potuerit dimouere; quibus denique, victus eorum constantia, fecit sui dogmatis profitendi liberam potestatem.

Insuquenti anno pænè exeunte cessit è viuīs Pater Gabriel Voiretius, vir mitis, si quis alius, quam virtutē eius vultus, & sermo spirauerant totis duodequadraginta annis, quibus in Societate vixerat religiosissimè. Plerisque missionibus multa cum laude functus, egregiè prouexerat Catholici ritus, & Christianæ pietatis studia, quā priuatis quā publicis congressibus validè cōfutata Hæresi. Dicendi eximiam facilitatem, multumq; leporem & suauitatem ab natura consecutus, naturales dotes doctrina & arte vehementer expoliuerat, accedenti-
bus

bus ed eximiarum litterarum ornamentis: & quamquam suaue illud dictionis lenocinium semper ad pietatem suadendam diligenter perpetuò contulerat, tamen, aliquot annis ante obitum, abstinendum eo sibi penitus putauit, ne qua fuci umbra sacræ veritati lic mista videretur. Ei ægrotanti vorum, impetrandæ per Dei Matrem sanitatis, cum suaderetur, præcisè negauit se facturum, ratus indignum sua conditione, vt in re, suo iudicio tam leui, adedò venerandi patrociniij auctoritas interponeretur; suis contrà, & Patrum Fratrumque omnium precibus contendendum à Magna Matre, vt propitiato ipsi filio facilem in cælos aditum aperiret. Pridiè quàm decessit, sancto quodam huius vitæ fastidio, dolebat sibi superesse in sensibus facultatem capiendæ voluptatis ex edulio, quod esset appositum; ex illis autem ingeminatis magno animi sensu verbis; Panem Angelorum manducabit homo, solidioris oblectationis argumenta captabat. Ad extremum vsque spiritum præsentis animi adfuit ei vis maximè vegeta, qua vsus opportunissimè, pia cum Sociis colloquia perpetuabat, interque amplexandos singulos domesticorum, quasi qui esset profecturus peregrè, animo tranquillissimo dicebat, quæ in rem conuenirent; neminem verò ab se dimisit, quin pro te nata vtili quopiam documento in futuram vitam impertiuerit. Transducti ad Fidem Hæretici septem, ex iis Carthusianus vnus octauum annum postquàm maxima Diuionensium ciuium offensione, proculcato publicè cycullo, ad Calvinianos transferat. Caustidicus

cus primariis ferè quibusque Diuionensium affinitate iunctus, vicesimo ab hinc anno sacrorum & sententiæ fœdus inierat cū Hugonottis, omniūq; pertinacissimè dogma illud tuebatur, vt eius inde abducendi spes nulla se ostenderet. Ei autem ægro-
tanti eo morbo, qui postremus ipsi accidit, diutissimè adstiterunt ad fores Calviniani, sed aditu prohibiti à pia ægroti coniuge, irritò conatu tandem retrogressi sunt; optima interim vxore iugibus apud Deum lacrymis, apud virum quibuscumque blanditiis nihil non moliente, vt is salutare de Catholicis rebus sermones admitteret, quod incredibili denique constantia euicit, nostroque Sacerdote admissò, fructuosissimi congressus aperuit exordia. Octo dies solidi abiungere in sedula collatione multorum capitum Fidei, cuius demum is fuit exitus, vt æger supra omniū expectatōne in Catholicas partes remigraret, vnde suo scelere pridem discesserat, quo nuncio tota ciuitate increpuere plausus ingenti significatione lætitiæ. Hugonottis verò hanc ægro voluptatem interpellantibus, quasi sua maximè interesset, vt ille desiperet perpetuò, postulat-
tis codicillis scripsit, se iis ipsorumque dogmati nuncium remittere, scirent autem & ipsi, si eò quidem animum possent adijcere; ad se prætereà ne redirent, cui deliberatum esset, quod nunc denique decreuerat. Secundùm hæc, in celeberrima principum virorum corona, maximè sollemni ritu, quoad procurari potuit intra priuatos parietes, Calvinum, Hugonottica pronunciata omnia ciurauit; sumtoque idoneo spatio eluendæ per Con-

sessionem vitæ vniuersæ, se comparauit diligentissimè, quo deinde munere defunctus quàm accuratissimè, familiam fructuosissimis præceptis imbuuit ad studium Catholicæ Fidei, generumque à Calvinismo ante obitum vindicauit, luculento commentario errores Hugonòticos refutaturus, si vita suppeteret.

H A C T E N V S res alienas nostris verbis reddidimus; deinceps sua cuique gesta, suo etiam dicendi more, cum fide reponemus, quando Anna-
lium editio tam acriter à nobis exigitur, vt quæ comparaueramus, recognoscere non possimus.

D O L A N V M C O L L E G I V M .

E Magistris vnus, Dionysius Iulinus, Sequanus, nobis ereptus est. Erat is Grammaticæ Professor, annos natus viginti quinque, è quibus septem egerat in Societate, magno patientiæ documento, nam dolorem capitis subinde vehementiorem, quem nimia, in meditandis Diuinis, contentione creatum ex Nouitiatu detulerat, ad vltimum vsque spiritum constanter semper ferre visus est. Silentij obseruantissimus; temporis parcissimus: Religiosæ simplicitatis specimen, in regendis Scholasticis admodum industrius, & disciplinæ retinens quos sæpenumero ad saluberrimam mortis memoriam excitabat. Quidam cum Beati Ignatii meritis, & subscriptione manus, pristinae sanitati iterum restitutus

restitutus fuisset, ac in iis exsequendis, quæ piè decreuerat, esset remissior, subtrahente opem Numine, factum est, vt delapsa paulatim valetudo, vna cum vita hominem defecerit. Ille tamen ad extrema perductus, culpam agnouit, palamque confessus, Deumque sibi Beato Patre deprecatore propitium reddere conatus est. Sacerdos noster in via Lugduno Dolam versus, iam sera nocte incertus viarum per agros errabat cum socio, cùm ecce è vicino loco excitos villaticos canes oblatrantes audit, quorum admonitu villani ipsi excitati nostris occurrunt, eosque benignè salutados domum inuitant, vbi æger maturæ ætatis graui morbo implicitus iacebat, Parochi diu expectatam opem desperans. Hunc Sacerdos noster cupide peccata confitentem audit & absoluit, atque eius deinde famulum vię ducem admisit, qui in se diuersorium longinquius deduceret. Surregi in Sebusianis, & Laudonæ in Aeduis, Aduentu & Quadragésima, fructuosissimè ab nostris opera est posita concionibus habendis atque Catechesibus. Laudonæ non paucorum est ciuium Hæreticorum pestifera congressio, qui Hæreticum Ministrum habent, Catholicorum pariter Fidem moresque labefactant. Huc præter consuetudinem, & Consulum inuitatu, ad Festa Natalitia concionibus celebranda euocatus vnus è nostris, simulatque pedem intra portas intulit, vbi Iesuitam Ecclesiasten adesse viderunt, plerique ciuium, etiam præcipuorum, nullam eius concionem sese audituros vna voce contestati sunt. Sed Consules vrbis blandis sermonibus primariis

quibusque persuaserunt, ut Ecclesiastæ nostri conciones tã sollemni tempore suâ præsentia cohonestarent, vel delibarent saltem, & experirentur. Itaque ubi eas multi vel tentandi gratia degustarunt, incredibile est, quanto studio vrbs vniuersa ad nostrum audiendum conflueret. Cum igitur noster præter matutinas conciones, pomeridianis etiam horis aliquot serias Catecheses de Fidei mysteriis, ac potissimum de confessionis Sacramento habuisset, multi torius vitæ Confessiones sua sponte retexere cœperunt. Ipse Hæreticorum princeps & patronus, cuius opulentus, cuius in primis sumptibus Hæreticus Minister fouetur, in familiare colloquium cum nostro Sacerdote ultro in eius hospitio venit, nosterque vicissim illum domi eius de Fidei negotio semel conuenit, Ministro ad fores nutritij sui cum strepitu furentis in modum obambulante; sed has eius minas nihili ducere se ipse patronus etiam palam est professus, nostroque priuatim dixit, sibi in animo esse ipsum Patrem aliquando Dolæ conuenire.

VESONTIONENSE COLLEGIVM.

Femina primaria molestissimum mamillarum dolorem, cuius curationem ars medica non præstabat, clementissimæ Dei matris imploratione, cuius Sichemienfis imago apud nos religiosè colitur, facillè depulit, & factam ex argento mamillam, accepti beneficij, gratique animi monumentum suæ

suæ liberatrici dedicauit. E ciuibus vnus duos ex suis liberis eodem tempore desperatos à medicis, singulari erga sanctissimam Dei parentem fiducia eripuit ex mortis faucibus, ac pristinæ redditos sanitati ad templum nostrum adduxit, vt gratiarum actiones persoluerent, & suam vterque argentæ statuam è tholo suspenderent. Ianuario mense virgines duæ & anus sedebant ad ignem, quo tempore adeò vehemens repente ventus inhorruit, vt tecta, parietes, tabulata validè concuterentur, quare trepidæ ad cubiculi angulum, in quo habebant orandi consuetudinem, se recipiunt, quasi iam morituræ peccatorum veniam à Deo exposcunt, recordantur munificentissimæ Dei parentis erga pios suæ imaginis nostra in æde cultores, illam inde venerantur. Haud vanæ fuere preces, corruente tecto, camino, parietibus domus, perfractoque cubiculi tabulato, angulus tantum ille, in quo orabant, obsistit ruinæ, non tam vi sua, quàm præsidio Virginis, supplicum virginum de vita periclitantium preces audientis, & succurrentis, quæ vicinorum deinde ope, remotis ruderibus, saluæ & incolumes quasi è sepulcro eductæ sunt. Conflagrabant amplæ ædes maximo totius vicinæ periculo, Agni particulæ obuolutæ panniculis in ardentes flammæ coniiciuntur, continuit se ignis omnino ab aliis ædibus, repertæque postcà illæ & omnes Agni particulæ inter fauillas & cineres, non sine stupore intuentium. Simile quiddam alibi accidit, cùm nobilis cuiusdam nocturno incendio stabula deflagassent.

Annò secundo adolescens vltque adedò aleæ se addixerat, vt quo damnosiores experiebatur, hoc impotentiùs in eam exardesceret, nimirum sua damna lucro ducebat; dilapidatis itaque attritisque rebus suis, qua via ægrè vitam traheret ignaro fluctuantique iniectum tandem consilium est vitæ abruptendæ, nec fuit arduum Dæmoni, vasserimo consultori, iuuenem ad desperationis baratrum abripere. Tumulum igitur quemdam, ex quo se in profluentem agat præcipitem, conscendit, vestes exiit, & in vndas mox secuturus præmittit, sed inopinatò adfuere nonnulli, qui hominè ad melioris spem vitæ studiumque traducerent, ad nos in urbem pertraherent, quorum opera à tanta mentis ægritudine conualuit. Vidua egentissima nostrorum hortatù ad spem Diuinæ opis erecta pupillos filios incœnatos cùm aliquando cubitum mitteret, iubebat à Deo bene omnia sperare: ipsa interim in preces se dat, pium obtestatur Nomen, suam vt releuet tenuitatem, pupillorum incolumitati prouideat, & suæ quâ pudicitia, quâ saluti, consueta liberalitate indultum velit. Postridie auditas preces comperit, nam vix illuxerat, cùm variis è locis, tametsi suarum necessitatum participem fecerat neminem, modii aliquot tritici, panum coctorum vis non modica, carnes, aliaque id genus plurima, affatim transmissa sunt. Alicubi cùm in templo magna pompa daretur Catechesis, & is qui Catechismi partes agebat, loqueretur, quidam, perfractis modestæ pietatis repagulis, nescio quid malo multorum exemplo insolentiùs in-
ibi

ibi egerat, cum eidem, hoc ipso sub vesperam die, manus, qua Catechistis insultarat, truncata est, multisque vulneribus transfuerberato vita infelicitate erepta est. Mulier exulceratae conscientiae morfiunculis lancinata importuno quarebat malo remedium, cum obiecta est dormienti cuiusdam imago, qui nostrum monstratet Sacerdotem, apud quem grauissimum retrò actę vitę onus, si bene sibi consultum velit, humillimè deponeret; audire bene monentem illa, & replicata superioris ætatis recordatione, omne præteritorum scelerum virus salubriter euomuit. Sacerdos ab Ecclesię castris transfuga, se ad Caluini vexilla contulerat, iam sub Diabolo stipendia annos circiter triginta fecerat, non tamen erga Deiparam pietatem ab animo expunxerat suo, utpote qui sacram illius coronam circumferret, & idemtidem clam relegeret. Ea vero piissimæ Virginis corona inter infinitas bellicorum tumultuum procellas, quibus in Gallia iactatus est, illi semper ancora, illi Hæresibus circumvallato Palladium fuit. Resipuit tandem, & ab scelerato auctoramento resiliens, ad Fidem Catholicam, repetito veteri sacramento remigravit.

VIENNENSE COLLEGIVM.

DEcessit Magister Petrus Raimondus, qui Diuione, ubi professorem agebat Eloquentiæ, Biterras, in natale solum, ægrotus proficiscebatur, at ingrauescente in dies morbo, id est, longa iam

phthisi cogitur inuitus in media profectioe ad nos diuersari, si periculosus forsità morbus remitteret aliquantulum. Simul ac Collegium iniit, ea patientis animi documēta dedit, vt missus à deo videretur, qui suo in tā molesta afflictatione ad constantiam & moderationem exemplo ceteros pronocaret. Nam ex quo tēpore defixus lectulo iacuit moribundus, nihil habuit antiquius, quàm vt sese ad felicem ex hac vita discessum compararet. Ergo dum totus in eo est, vt de rebus Diuinis varios sermones misceat, de discessione monetur pænè diuinitus, extremo Decembri scilicet per menstruam Tutelaris schedam, quæ denunciaret, moriendum sibi, Deo viuendum. Sacramentis itaque procuratus pridie, ipso Natali Beati Sebastiani, quem tota vita vnice coluerat, placidissimè conqueuit. Gallicanorum Antistitum lumen singulare Petrus de Villars, Viennensium olim Archiepiscopus, cū decederet è vita, sepulturā inter nostros sibi cupidissimè optauit nostra in ædícula, cui de hac familia optimè semper merito, vt & de Societate vniuersa, parentauimus quàm officiosissimè, & studiosissimè debere videbamus. Vxoris ex priore marito filiam constuprarat homo incestus, cuius flagitium, quoniam tegebant propinqui, vt puellæ honos seruaretur, ille nefarius susque deque habebat, nostris porro ex eo erat infensissimus, quòd suam turpitudinem ad eos delatam esse cognouerat. Negotiorum autem causa cū deinde secundo Rhodano Massiliam veheretur, adiit fœdissimam tempestatem, & exinde certum exitij periculum, qui sibi

sibi, præter vota, nihil tuti superesse sentiens, vovet ad nostros se accessurum Confessionis gratia, si saluus evaderet, sitque voti compos, ac postea eius religione se absolvit. Hæretici quindecim ex errorum pelago, diu iactati, ad Fidei pharum aliquando conversi, tenere portum Ecclesiæ, quorum de numero fuit adolescens Anabaptista, Ultrajectensis Belga, pingendi scientia, & indolis bonitate clarissimus.

EBREDVNENSE COLLEGIVM.

DVODEVIGINTI sunt inducti ad Catholicam Fidem, ad quam venturos optimates quidam, non vanam, ut speramus, spem dederunt. Mulier primaria, parentum & viri metu, non audebat palam profiteri Catholicam, quotannis tamen ter aut quater clam nos adit Confessionis & Eucharistiæ gratia, quoad Deus viam aperiat Romani ritus liberiores facultatem. Cultelli fragmentum in genu defixum adolescens decem & octo menses, incredibili dolorum carnificina, gerebat, cum Societatem nostram appeteret, eoque nomine cruciatus suos, & claudicationem dissimularet, ingentis doloris accessione, quod eius supplicium Sacerdos noster aliquando ex quibusdam signis suspicatus, rogando elicit genuinam rei confessionem. Iusso itaque genu retegere clam imprimit signum Crucis, ad ipsam cicatricem, hortaturque sibi adhibeat Patronum mali depellendi Beatum Ignatium, cui

& ipse Sacerdos ardentè ea causa supplicare instituit. Triduo pòst supra genu, & ad latus in femine, sentit adolescens doloris morsum, & ex repentino vlcere pus emergens, quod cùm detergeret, emicuit in genu nuper demersa cuspis, cui educendæ quia non sufficiebat animus, adhibitus Chirurgus extraxit facillimè. Res multis de causis apud homines admirationis tantum habuit, vt qui eliciendo ferro non interfuerant, plerique huius narrationi fidem derogarent, quibus non persuadebatur, & tamdiu delituisse ferreum inuicronem in adolescentis corpore, sine illius perniciæ, & tam altè ab plaga primùm inflicta sua sponte conscendisse. Lupi, qui superioribus annis, diuinæ vltionis administri, multis mulierum præcipuè, & puerorum funeribus, atque adeo plus quingentis, circumfusus circa Ebredunum pagos funestarent, exacto proximè anno, in Ebredunensi etiam solo, in multos mortales grassati sunt, maximus mulierum paganarum terror fuere, quæ malo vicinatum doctæ, maturè sese ad vitæ omni ratione consulendum compararunt. Domo vix excedere audent, nisi exeundi necessitas imponatur grauis; quibus infertur coactio, illæ non nisi verutis instructæ, hastis oblongis, stipitibus ferro præfixis, nec sine comitatu proficiscuntur; quædam animû magis pietate, sanctisque Sacramentis, quàm corpus ferro regunt, nos adeunt, mentem peccatis exonerant, aliaque huius generis idonea procurant. Puella cæteroqui admodum pauida, cùm cereo Agno armata esset, non dubitauit cuiuscumque solita

solitarij loci viam inire, tanta erat sacri amuleti fides, tantum noui roboris, in puellari pectore; in tres ergo lupos cū sola incidisset, sumto in manus sacro Agno hiantibus feris opponit, iis armis diu propulsatur bestiarum impetus. Sed diutina famēs, dulcis & solita praeda humana, ferociores facit, vna de tribus in fauces puellæ furenter inuolat, dentes infigere conatur, aliæ ad laniatum accurrunt, sed hebescentibus ferarum dentibus, intracta perstat puella, vt belluæ sua spe frustratæ in furorem agerentur, mutuisque moribus inter se desæuient.

Altero anno sex ab Calvinianæ hæresis extracti sunt laqueis, quibus haud scio an intricatius adstricti fuerint, quàm alius quispiam obscenæ voluptatis illecebris implicitus, qui annos quattuordecim ab vxore mortua in cōcubinæ societate traduxerat, cuius vinculis non nisi ægerrimè se absolui passus est. Anceps nobis causa cū esset in A- quensi Senatu, suadentibus amicis, triennium iam filebamus, ne ambigui iudicij subiremus aleam; sed aduersario urgente ad causæ dictionem veniendum tandem fuit; tum verò humanæ opis damnatis subsidiis Beatæ Virgini Ebredunensi supplices fuimus. Ad rem vbi ventum est, cū è multis vnus causæ patronus vix reperiretur, qui suam operam nobis commodaret, accepimus quem potuimus, iuuenem quemdam, non imparatum illum quidem à doctrina, sed quem fori subsellia vixdum cognitum, semel aut iterum dicentem audierant: sed Deus neruorum & facundiæ ad rem nostram contulit,

tulit, vt obmutefcentibus pænè aduerfariis, & cunctis admirantibus, qui præter morem frequentiffimi accurrerant, & vicerit luculenter, & celebri sermone vulgatum fit, nihil in hoc genere vñquam auditum eloquentius.

*CARPENTORACTENSE COL-
legium.*

Pater Ioannes Clauerus, diœcesis Carpentoractensis, huc missus æger, patrij cæli hauriendi gratia, diem suum obiit, sexto mēse ab suo aduentu, anno ab adita Societate octauo, ætatis duodetrigesimo, longa tandē confectus tabe, in qua ferenda suam omnibus patientiam ita probauit, nihil vt, exhaustus pridē morbi diuturnitate, vñquā questus sit, ne tū quidem, cū lecto affixus mortem in horas expectabat imminentem, cuius ictum vt nunquam reformidauit, ita perlubēter excepit; & huius rei argumentum fuit, tum singularis illa mentis intrepidæ quies, quam semper prætulit, tum sermo habitus ad parentem suum, qui per illud tempus aderat. Hortabatur pater filium ad ineundam curam recipiendæ valetudinis, & ad id suam operam & preces deferebat; Nolo inquit æger, cuiusquam precibus longiorem mihi vitam postulari, sed id vñum dumtaxat, quod è re mea fuerit. Eius obitus incidit in ipsum Natalem Beati Bartolomæi Abbatis, quē eo mense sortitus erat suum tutelare. Eius inusitata pietatis magnitudo ab iis semper obseruata est,

ta est, qui aderant Sacris operanti, ut eo audiendo spectandóque ipsi non parum commouerentur: cum verò Diuinam Hostiam sumturis porrigeret, incredibili quodam efferebatur gaudio, quod vix ipse caperet, cuiusque non modicam partem in alios deriuabat. Quoties eum confitentem audit Pater arcanorum eius conscius, demiratus est in homine incensum de leuissimis noxis dolorem, tanta Diuini honoris sollicitudo, & amoris flamma in eo pectore iugiter æstuabat. Puella quindecim annorum, honestis parentibus orta, stomacho diu fuerat ita languenti, nihil ut ciborum sumere sine grauissimo dolore posset, quem dolorem violenta neruorum contractio medicis formidandum fecerat. Hinc propè iam deploratæ sunt ad collum suspensæ Beati Patris Nostri reliquiæ, illiusque auxilium imploratum, quod nulla planè mora impetratum est, laxatis mox & neruis & pectoris angustiiis, ac postmodum integra valetudine restituta. Nioni apud Delphinates montanos, præter primæ notæ Caluinianos quattuor, in quibus Conciliabuli Hugonottici Diaconus, & eius filius, integra familia, quæ olim ad eos defecerat, ad Romanum Institutum reuocata est felicissimè.

ROANNENSE COLLEGIVM, ET
Vesulanum.

ROANNÆ obiit Ioannes Dechampfeu, adolescens quâ morum facilitate, quâ mentis candore

dore nemini non acceptus. Paullò ante exitum vitæ, cum nobis tam prope abesse à morte non videretur, ab inuitis ferme, ridenti vultu, expedita voce, summis precibus obtinuit, vt inunctus sacro oleo fortiùs cum morte confligeret, quæ post quatuor horas interueniens, aditù ipsi fecit ad immortalitatem. Cardinalis Ioñusæus, Maiennæus & Niuernensis Duces, pro sua in Societatem singulari beneuolentia, cum hic aliquamdiu subsisterent, humaniter familiariterque viferunt ad nos, multisque argumentis egregiam in nos voluntatem sunt restati; Niuernensis autem nominatim, cuius in ditione sumus, affirmauit se sibi ac suis hanc nostram Roannensem sedem vehementer gratulari. Quindecim dies totos cum hic versaretur, ferè quotidie ad nos deuertit, primariumque ex suo comitatu virum Calvinianum ab Hæresi reuocandum dedit, quo ex cœno, cum Deo fauente, ipsum extractum Ecclesiæ reconciliauimus.

Vesulij obiit Pater Claudius Courtot, exeunte Nouembri, quo die Beatus Andreas Apostolus, idemque Burgundorum parens migrarat in cælum, quam diem vltimam sibi fore designarat, & quidem cum sanus esset, vt dubium non esset, quin aliunde quàm conjecturis, eam habuisset præcognitam.

LVGDVNENSIS ET AVENIONENSIS probationis Domus.

LVGDVNENSIS Tirocinij alumnus Nouitius patri erat vnicus, ariete pietatis omnibus cornibus

cornibus instructo, precibus, lacrymis, argumentis, etiam ex domesticis depronitis rationibus, acerrimè concussus, inter quam dimicationem, dato Sacri signo, ad id audiendum patrem inuitat filius, perducit, totisque viribus animi cæleste sibi deposcit auxilium, nec repulsam passus est: domum quippe ut reuersi sunt, de proposito interrogat pater, firmiter ut illud accepit, genua flectere filium iubet, extempore filio bene precatus, ei potestatem abeundi facit. Nobilis matrona, Hæresi abiurata, cælesti cibo recreari, & Confirmationis muniri Sacramento, nostro in sacello expetiit, ubi etiam vir doctus, magni apud Calvinianos nominis, Hæreticam perfidiam abiurare ac detestari voluit, se in Fide Nouitium dictitans, in domo Nouitiorum Catholicam profiteri Fidem decere; quibus duobus eodem studio & tres alij accessere.

Apud Aucnionenses Tirones obiit Ioannes Farineau, domesticorum operum antiquus Adiutor, singulari in Deum pietate, eximia in Societatem fide, & amore conspicuus, Instituti sui obseruantissimus. Septimum & quadragesimum egerat annum inter Socios, multis quæ domi in re iuuanda familiari exantlatis laboribus, quæ foris peragrandis variis Prouinciis. Opsonatorem egerat diutissimè, quo in munere, ac cæteris omnibus, mirificè sibi ac Societati deuinxerat externorum animos, inusitato quodam genere comitatis. Inter socios festiui erat cōuictus, hilarisq; , sed operis tam studiosus, in eo tam assiduus, ut exhaustis senio & laborum

rum longinquitate viribus, vix momentum cessare
 sit animaduersus. Adolescens, Societatis antè candi-
 datus, inter æqualium malè feriatos greges, pallus
 erat sibi extingui missos è cælo ignes, sed incur-
 santes eum eodem tempore multiplices funesti ca-
 sus, cùm in concursatione nocturna necis pericu-
 lum adiisset frequentius, ad salutis portum, vnde se
 auerterat, reuocato priore consilio, rediit.

N E M A V S E N S I S E T D I E N S I S

Missiones.

Nemausi, anno huius sæculi decimo quarto, vn-
 desseptuaginta sollemni sacramento Hæresim
 ciurarunt. Non in postremis locum habet Mini-
 ster, litteris humanis ac Diuinis, & peruicaci con-
 tumacia nobilis. Is olim cum sancti Augustini te-
 neretur legibus, effractis mox votorum vinculis,
 Nemausi, totos quadraginta annos, in omne flagi-
 tiorum genus, atrodeute semper conscientia, se in-
 gurgitauit. Cupiebat interdum è tam lutulento
 cœno emergere, verùm multis magnisque reuoca-
 tus difficultatibus iactum calculum subducebat,
 vxore, magna liberorum multitudine, inueterata
 vitæ licentia, eum reuocantibus ab instituto. An-
 ceptus hæsit in deliberando, quoad eum vires & sa-
 nitas defecerunt, denique tamen superioris vitæ ra-
 tionem & Calvinianum dogma, iis pœnitentiæ
 argumentis, palam detestatus est, vt cumularentur
 gaudio Catholici, Hæretici mœrore tabescerent,
 secun

secundum quam execrationem multa demissione animi, & ingentibus lacrymis, Sacrosanctæ Eucharistiæ copiam sibi fieri postulauit. Qua ad ægrotum eximio apparatu delata, is egregiam orationem, animi serio resipiscantis indicem Latine habuit, ubi vir doctus nostræ huius ætatis Hæreses Lutheri, Caluini, & iis affines, damnauit ac detestatus est; coram deinde professus, quàm suæ se defectionis pœniteret, quàm cuperet pœnitentia publica suum scelus expiare, quanta animi volupate, si liceret per valetudinē, sanctissima quæque loca pedes & mendicatō inuiseret, libros tum demum summo studio & industria de Sacramentis omnibus ab se elaboratos, in lucem proferendos tradidit. Benignè præterea omnes salutans, veniam dans omnibus, & sibi deprecans, omnes exorans, ut sibi Deum propitium facerent; manu summo animi dolore pectus tundens, ita se verè pœnitentis modo gessit, ut omnibus lacrymas cieret, nec ita multò post piè defunctus, plaudente tota Catholicorum cohorte celeberrimo funere est elatus. Indetalis exitus tali homini concessus credi debet, quòd immensam Beatissimæ Virginis in se misericordiam sit expertus, vna enim domesticorum omnium voce Patri nostro confirmatum est, hominem multis iam annis summo studio & obseruantia Deiparā coluisse, non rosarium tantum frequentissimè percurrēdo, sed ipsa etiam nocte precum recitandarum causa surgendo. Quod ut magis omnibus sit indubitatum, germanam ab illo habemus sententiam, suæ in Deiparam voluntatis obsidem,

quam de immaculata eiusdem Conceptione in ore
& oculis omnium Ministrorum longè aliter sen-
tientium propugnauit acerrimè. Franciscanus no-
bili ortus loco Monspellium cùm venisset, præ-
unte verba Ministro, Catholicam execratus Fi-
dem, subornata mox puella mittitur, quæ ad nu-
ptias eum inuitaret, quam tamen ab se repulit,
quòd de coniugio nondum se cogitare diceret. Id
tamen sceleris auso, quod diximus, adfuit illico,
quæ animum exagitaret atrociter Furia intestina,
quamobrem mœroris plenus contubernaliū se
coronæ subducit animi leuādi per ambulationem,
cui domum egredienti larua occurrit humana
specie, quæ quinquagenos in quemlibet mensem
desert nummos, si perstare velit in instituto Hugo-
nortico, quod esset amplexus. His eius dictis per-
cussus miser, fraudem iure suspicatus, pectori Cru-
cem imprimit frequentius, nam manū ad frontem
non est ausus attollere; quo telo insidiatorem ab
se propulsauit, sed qui aliò deflecenti, breuiore
tempori spatio, septies cum iisdem conditionum
inuitamentis importunè occurreret, semperque
impresso Crucis signo fugaretur. Hærenti magno-
pere, ac consternato grauitè homini venit deni-
que in mentem, vt iniret ædem Beatæ Virginis, vbi
concionanti aures tantisper dedit: tum flexo genu
Numen de more veneratus, facti petiuit veniam,
& saniora promittens, opportunamque nactus oc-
casionem ad Patrem nostrum adiit, recta Nemaus-
sum, vbi meliorem in spem erectus, libelariquæ
donatus viatico, Auenionem conscientiz causa
processit,

processit, unde Nemausum mox reuersus, spei plenus & animi, ad suos se Superiores contulit. Nemausensis adolescens annorum viginti duorum circiter cum nostra opera Caluinisuo renūciasset, à parentibus, nisi à cœpto desisteret, & deuouebatur diris omnibus, & Quæstura exuebatur; sed maluit infensos habere parentes, & honore Quæstorio excidere, quàm Catholica prærogatiua, quam rebus omnibus anteponeret. Vrbe igitur excesserat, ne quid suæ libertati officeret, in quem cum familiarium amicissimus incidisset, sciscitabatur ex eo, quî factum esset, vt Quæstura volens se abdicaret; Non essem, inquit, ego, nisi ea mihi periisset, vt periit. At patriam & parentes, infert ille, vt tibi perpetuò assereres, æquum sanè fuerat, non vt procul exulares. Tum hic intento in cælum digito, patria mihi curæ est, eritque dum viuam; patri autem æterno iam me fouendum regendumque commisi. Quin tu, si sapis, si me amas, vt ego quidem non dubito, mea sequeris vestigia, fruiturus mecum iis deliciis, quibus in Catholicorum cœtu mihi animus suauiter perfunditur: quibus amicè inter amplexus & vberes lacrymas inculcandis, animum multa sibi iunctum necessitudine non mediocriter commouit, vt cum deinde montmorancii Ducis auctoritate inter patrem filiumque reconciliata esset gratia, ille Nemausum redeunti amico lætus occurreret, quosque nosset fore iucundissimos, decretæ sibi ad Catholicos proximæ transi-
tionis nuncios attulit.

Diam, supra Cauares Rhodani accolas, in Del-

phinatibus montanis, Augustam Vocontiorum ple-
rique, nec immerito, esse putant. Diensis vrbs, a-
grique finitimi principatum obtinent, Póntificiam-
que illius diœcesim simul cum sua gerunt, Valen-
tinenſium in Cauaribus Antistites annis amplius
iam quadringentis ac triginta septem, vt constat ex
iis Federici primi ac secundi Imperatorum, quas
aureas bullas adhuc vocant Dienses. Calviniani iis
bullis, cum vniuerso Ecclesiastico instrumento, pro
templi foribus spectante annuentéque sacri Colle-
gij Decano, in ardentem pyram coniectis, non
crediderant Diensem iurisdictionem ad Catholi-
cos vnquam redituram, adeò furenter vniuersa ci-
uitas concepto Caluini dogmate in Catholicum
nomen comuni sententia coniurarat. Octauo
huius sæculi anno missi ed sumus ab Valentino
Episcopo, eodemque Diensi Comite habendis Ad-
uentu & Quadragesima concionibus, deinde ab
eodem stabilis sedes nobis est ibidem constituta,
inotitis maximè Calvinianis, quibus nihil anti-
quius fuit, Henrico quarto vita functo, quàm vt
ab Regina & Consilio missionem causariam So-
ciorum Diensium impetrarent, & reuerà impetra-
tam ab se prætulerunt. Sed viris sua opinione
perquàm acutis & lynceis, inani quadam specie
singularis prouisionis & calliditatis, egregiè ipsis
imposuit præceps in causa ardor & odium in le-
suitas. In supplice libello narrauerant nos homi-
num nostri Ordinis statum domicilium Diæ iniuf-
ſu Regis collocasse, aperuisse gymnasium, reipsa
docere iuuentutem, & ad ipsa vrbs mœnia sedem
delegisse

delegisse, quasi arce posita, cuius velut claustris ciuitatem oppressam olim teneremus; quarum rerum usu & possessione nobis interdictum esse postularent. Rescriptum est à Consilio, ut earum rerum nobis facultas non esset; quo responso exultantes rumore tota Prouincia dissiparunt, Regij Consilij decreto Dia funditus arceri Iesuitas, quod ut cæteris multis, ita nobis quoque persuasum est, quando tam asseueranter id vulgabatur, eoque nomine à Præside nostro Prouinciali assignatæ iam nobis erant certæ Collegiorum sedes, in quas nos reciperemus. Per illud verò tempus Quattuorviri Regionum Edictorum sanctionibus ex formula exigendis, inhibendisque, Prouinciam obeuntes, expectabantur ab Diensibus, quorum auctoritate Iesuitas exactum iri sperabant, & adfuerunt haud ita multò post; dixit autem apud eos arbitros pro Calvinianis Causidicus eiusdem dogmatis, sed ita aduersùm nos, ut meliorem causam nostram faceret, cum asseueraret, nihil esse in quo iure possemus reprehendi, laudaret autem multis ex capitibus non mediocriter; nobis interim domi residentibus, quia nihil erat cur ei iudicio adessemus. In Quattuorviris erant pro causa Catholica Præses Sanctandreanus, & Libellorum Magister Frereus, qui audita dictione Hugonottorum, ad Lesdiguierium, & Crozium, Calvinianarum partium Quattuorviros, conuersi familiariter eos percontabantur; potuissetne dici accommodatiùs, non ad exigendos, sed ad introducendos, Diam Iesuitas, quam dixisset ille ipsorum aduersarius Causidicus; iis autem, po-

tuisse nihil, respondentibus, causa nostra eo ex capite egregiè iam stare videbatur; & planè statuta erat, si vis abesset, quando Consilii rescripto aduersum nos decernebatur nihil, qui nec domum, nec scholas, nec Collegium Diæ haberemus. Ne qua verò fraude nobis officeretur, quibus iure non poterat, obeuntibus Prouinciam Quattuorviris Episcopus Valentinus & Diensis adfuerat perpetuò ad eum diem, qui tum maximè præ se tulit, quo animo esset in Catholicam causam & nostram, cum apertè disertèque denunciavit, quouis sui capitis periculo, se rem nostrā in tuto collocaturum. Post nonnullam itaque disceptationem, quia nulla causa erat vllius decreti perscribendi, nihil decernunt, nisi vt ne frustra viderentur Diam conuenisse, ac in ea quidem verba decretum perscribunt, quibus nos volumus, atque concepimus. Sub discessum ipsorum cum Sacerdos noster ad salutationis officium prodiiisset, vt Ministrorum illuderet ignauia, quibus plus est in aggeribus præsidij aduersus vim veritatis, quàm in æquitate suæ causæ; facetè admonet Quattuorviros, vt Ministrorum animos ab suo Breuiario securos esse iubeant, à quo utique periculi nihil immineat in Dienses aggeres, & murorum propugnacula. Tum Lesdiguierius, ego verò, inquit, in hac causa me tibi locupletem vadem fero, ram scilicet te improbum iudico. Quæso, inquit Noster, docete, qua ratione me cum Diensibus gerere debeam. Id verò tu probè nosti, refert ille idem, eoque minimè nostra eges disciplina. Is denique fuit totius disceptationis exitus, vt ipsi
cuius

eius arbitri hoc vnum maximè curare viderentur, vt nihil statuerent, nisi quod nostris maximè probaretur. Porro ludimagistri Calviniani Dienses, qui sibi ac suis tantopere metuissent ab Iesuitarum præsentia, tam fœdis dissensionibus post paullò laborarunt, vt in ipsorum caput vertisse Deus videatur conflatum nobis eorum opera discrimen; indeque oblato documento iis ostendisse, quàm non aliunde ab iis captari causas oporteret, cur suis metuerent scholis, sed earum originem in seipsis ingenuè agnoscere.

Ab eius periculi ergo declinata feliciter alea, mox conuersi sunt nostrorum animi ad Diensem diœcesin studiosissimè obeundam, cuius describenda sibi geographica rabula deprehenderunt quaternis Archipresbyteriis, vt principibus membris, eam contineri; olim verò in ea censa fuisse, supra minores ædiculas, ducentena tricenaque templa, quorum supersint vndeviginti dumtaxat, immunita sacrilegis Calvinianorum manibus, cætera funditus euerfa. Multa inibi oppida omni destituta Sacerdote; pleraque Calvinianis frequentissima, nullo reliquo capite Catholici dogmatis: aliquot templis Diuina res ab nostro facta Sacerdote, vbi quadragenis annis Sacrorum nihil erat vsurpatum, quot verò, & quàm graues calamitates sint eis consectoriaræ, quas indicamus, facile sit coniicere. Egentium certè Catholicorum, & Hæreticorum ingens est tota regione numerus, quibus, ex Missionis tenui peculio contendimus, vt benignè faciamus, vt molliore via subeamus in eorum animos. Diësiū

quoque mendicorum habita est ratio diligentissime, ac quinta quidem Feria Sanctioris hebdomadæ, in atrio domestico duodecim ex iis, & inter eos Calvinianis nonnullis eluti pedes, & osculo impertiti, posteaque appositum prandium, oppidanis Hæreticis eo spectaculo vehementer attonitis, mendicis verò ipsis ea dignatione affectis, quòd se vilissimos è plebe agnoscerent, inter se mussitantibus, haud quaquam Ministri nostri ad nostros pedes se demitterent: melius omnino consultum rebus nostris fuit, quamdiu omnes Catholici fuimus. Inter hæc quadraginta errabundæ oves in Christi gregē sunt receptæ: in his adolescens cum ipso Paschæ die Catholicam Fidem publicè professus esset in Pontificia Diēsis vrbis æde, Calviniana mulier odio religioſi facinoris contumeliosè in eius vultum despuat, quam ille iniuriam nec verbo nec signo questus est, eius, vt aiebat, reuerentia, quem in Eucharistia ipso eo tempore summisset. Habitæ quinæ Disputationes publicæ cum Ministris, optato atque utili exitu; nam prima, cùm eorum Professor poneret, omnia per Scripturam decidi, & quosdam à nobis pro Canonicis receptos libris non esse Canonicos, rogatus, quo Scripturæ loco decideretur, non esse Canonicos, illico comprehensus est, suomet occumbens gladio. Secunda disputatione, oblata à nostro tres conclusiones Ministris: Extra Romanam Ecclesiam, neque quòd Deus sit, neque quòd Christus sit, quempiam credere: Generationem Abrahamæ, cui soli Iustitia per Fidem comperit, extra eandem Ecclesiam non reperiri:

periri: Ab eadem Ecclesia omnem veritatem teneri, neque esse ullam veritatem ad salutem, præter eam, quam ipsa doceret. Quibus positionibus nullo pacto, vllave conditione adduci potuerunt, vt se opponerent. Tertiæ disputationi ipse Marschalculus Lesdiguiæ inter fuit, cum primario Præsidente Delphinatis Senatus; in qua cum Minister premeretur, vt fidem sine testimonio esse non posse fateretur, nec testimonio communicare inter se, atque propagari fideles posse, nisi sensibile esset, vnde fateri cogebatur, contradictionem inuolui in assertione inuilibilis Ecclesiæ, omnium tam Hæreticorum quàm Catholicorum calculis damnatus est Minister, solutæque est disputatio lepidò dicto Præsidis, cum diceret Marschalco Lesdiguiæ, maximum Cacodæmonum non soluturum argumentum Iesuitæ. Quarta fuit acrior cæteris, & auditorum multitudine celebris, cum Ministro Monspelliensi, qui fortè Diam ad natale solum suum venerat, is est Daniel Peyrollus, qui prius Societatis nostræ transfuga, deinde vt coniugij nomen & vmbra culpæ prætexeret, à Catholica extorris Fide Caluino adhæsit, sed non antè quàm Ordinis nostri desertor, fratrem suum natu minorem Catholica doctrina imbuisset; tanta vis est Diuinæ gratiæ, vt non patiatur vnum excidere, nisi alium longè meliorem antè suffecerit. Hic enim minor natu pietate ac prudentia, vitæque integritate ac constantia claret nunc inter Catholicos, fratris perpetuam leuitatem, lucis inimicam conscientiam, animumque nusquam quietum inculans

sæpe apud Sacerdotem nostrum, quem etiam rogauerat, vt si ad disputationem cum lucifuga illo veniretur, quod sine dubio procuraturi erant Calviniani, plus de istius vnus, quàm de aliorum Ministrorum omnium eruditione confisi, spiritus hominis omnino frangeret, & in vno multos contunderet, in quo ei noster est obsecutus. Peyrollus Ministrum Diensem coarguerat, quòd suo scripto & chirographo confessus esset, vti disputando adactus erat, Productionem totius vnus substantiæ ad alterius totius desitionem, ac proinde Transubstantiationem, nihil repugnans includere; quo nomine Peyrollus ab nostro notatus cùm esset, quia Ministerij socio contradixerat. Ad eam animaduersionem continuò efferbuit, & relicto cæptæ disputationis cursu, Patrem Gallicè interrogat, vrgetque, quid intelligeret eo pronomine, quo in panis consecratione vtimur: quod eo faciebat consilio, vt nostrum Gallicè interpretantem, exponeret imperitiæ ac procacis plebis ludibrio, quæ ex Calviniana indole petulanter solet irridere, quæ de Mysterijs Fidei aduersùm se prolata non capit. Sed incidit in casses, quos alteri posuerat, intelligo, ait noster, idipsum quod tute intelligis per idem pronomen in hac positione, Hoc est vinum, si ea propositione aquam in vinum Christus mutasset; si potes explicare, dic fodes, sin minùs, docebo. Hic Minister, qui summopere, quod est hominis ingenium, cauere, ne si fateretur id explicare se non posse, ipsius coram populo marcesceret existimatio, vt vulgo loquuntur Ministri; materiam dixit se illo
pron●

pronominine intelligere determinaram accidentibus
vino & aquæ communibus. Premit noster, sub qua
forma sit ea materia in pūcto prolationis illius syl-
labæ, *Hoc*; si enim sub forma vini, falsum fore Euā-
gelium, quo constat aquam dumtaxat fuisse in hy-
driis, illo ipso puncto temporis, de quo disputa-
batur. Hīc verò Minister asturiam exclamare, insi-
dias quiritari, de sella exsurgere, in nostrum Sacer-
dotem panē inuolare, vt de moderatione quam
alias tenuisset, fuerit ab eo palam monendus. Cūm
autem pergeret, & se circumueneri clamitaret;
Tuis artibus, inquit noster, caperis, & incidisti in
laqueum, quem mihi tetendisti, extrica te, si potes:
sed cūm responsum negaret, etiam maximè vrgen-
tibus Calvinianis, vt afferret aliquid, & Senator
Gratianopolitanus, qui intererat, enixè flagitaret:
hīc omnium ora ad Sacerdotem nostrum conuer-
sa rogantium, vt nodum ipse solueret, quem agno-
scebant. Fecit noster, quia de Ministri confusione
nullus erat ampliùs ambigendi locus, & ita rem in
aperto posuit, vt ipsis etiam satisfaceret Hugonot-
tis. Quinta & vltima disputatio coarguit Ministrū,
negantem Missæ Sacrificium esse diuinę institutio-
nis, ex eo quodd idem fateretur, institutū esse à Chri-
sto idipsum, quod Missæ nomine sumunt Catho-
lici: qua redargutione in eas angustias redactus est
Minister, vt negaret Catholicos, id intelligere Mis-
sæ nomine, quodd se intelligere profitebantur. His
disputationibus attrita est Ministrorum arrogan-
tia non mediocriter, vt quamuis ed minus visi sint
persuaderi, quodd apertius conuincebantur, tamen
inde

inde nobis conciliati sunt animi Calvinianorum, & minq̃ta valdè est eorum ab nostris Sacris alienatio. Multa item inter disputandum leniendis odiis, & inducendis animis audientium, vt moderatè de se sentirent, intercessere salubria monita ab nostro Sacerdote, vt non tam quæsisse videretur eiusmodi aduersarios sibi subiici, quàm ipsorum nomina cælo transcribi. Siquidem vsu ipso didicimus, meliùs solidarum virtutum, humilitatis præsertim, caritatis, & patientiæ armis, quàm disputationibus, licèt interdum necessariis, Hæreses expugnari. Itum etiam est ad confinia vicinarum Dioceseon, maximè Grationopolitanæ, permissu Episcopi, vt in Synodo Prouinciali Hugonotica, omnibus simul Ministris noster se opponeret. Ibi antè coactum conuentum noster auditor fuit Ministri concionantis, cui exscendenti ex suggesto salutandi causa occurrit, inter cætera placidè interrogat de iis ædibus, vbi concionem habuisset, cum vbinam esset oppidi Ecclesia: Minister, qui se humanitate occupatum videret, inurbanus cenferi noluit, comiterque ducit nostrum, confertim sequentibus Hugonottis, ad fores vsque templi Catholici, & indicat illam esse oppidi Ecclesiam. Hic noster ad Calvinianos conuersus, audistis, inquit, testimonium Ministri vestri; si hæc est Ecclesia, vt dicit, ad illam vos inuito, vt mecum veniatis, audietis refutantem, quæ malè vos docuit. Ad hæc Minister nescio quid subinmurans, quòd præter mentem respondiisset, cum parte assellarum aliò se recepit, aliis cum nostro in templum ingredien

ingredientibus, qui audita per concionem multa, animo dicta beneuolo, suis deinde retulerunt, & fuit ex principibus earum partium vnus, qui asseuerarit, libentissimè de suo collaturum pecuniam illi fouendo concionatori, si eum sibi retinerent oppidani Catholici. Ibi traductæ ad Catholicos nobili ex familia sorores duæ, quarum altera peruicaciam insignem in Calvinismo prætulerat, vt aliquando cogitantes transitionem ad Catholicos pugnandi obstinatione ab sententia deduceret. Hęc autem, deprehensa impudentia calumniarum Ministri aduersum nos, erubuit, studioque in odium conuerso, & improbitatis detestationem, Ministro descendenti ex concione scriptam à Sacerdote nostro refutationem antecedentis alterius concionis Calvinicæ, palam obtulit, obtestata vt siquando putasset sibi tuendam suam doctrinam, eius propugnandæ hanc occasionem ne prætermitteret, alioquin ipsam ad Catholicos transituram illico, vt quæ iure crederet, Ministrum conuictum esse mendacij. Excanduit Minister, quòd eas cogere-
tur in angustias, conditionemque præcisè recusauit, Virgo igitur publicè in templo Catholicum ritum est professa, & exemplo eius idem postea fecere non pauci. Synodus autem Ministrorum viginti ac duorum deinde coiit, qui ad suos concionarentur, quorum dicta Hæretica noster aut extempore, in concione ad Catholicos, refelleret; aut sub vesperam eiusdem diei; scripto etiam notatis ipsorum erroribus, & ad vicinas vrbes transmissis, ita perculit totum conuentum, vt suæ causæ
diffiden

diffidentes Ministri contrà hiscere non sunt ausi; non enim aberat voluntas repugnandi, sed facultas. Nam qui Synodo præfuit Minister, prima concione, spiritu eo scilicet prophetiæ plenus, qui prænunciat ea tantum, quæ facere decreuit, omnino prædixit, quod sexto postea mense Parisiis contigit: Iam Galliæ Comitia sudare, ut aiebat, in explicanda illa difficultate, quam parit doctrina Iesuitarum, de potestate Pontificis in Reges, qua regna euertuntur. Per eos verò dies allatū est parisiensis Curie Senatusconsultum, Soarj in Pontificia contra Anglum tuenda potestate damnati, cuius decreti formulam, cum affixissent publicè, ac in concione pronunciaissent, procaciter quærebant ab nostro Sacerdote, ecquid haberet, quod posset obijcere; quibus ille, adeste mihi dicenti, cum ego respondebo. Frequentes adfuerunt, & in cæteris, de nobilitate is, qui, exitu Synodorum eiusmodi, Ministro principi socius destinari solet. Noster verò, qui necdum sciret, quid decreisset Parisiensis senatus, id satis habuit, ut Ministris, eius decreti buccinatoribus importunis, illuderet liberalissimè. Explicandum igitur sibi sumit, ut coacto manè Hugonotorum concilio, Ministri suæ vocationis perterriti, ad nouum decretorum in Synodo genus apulerint animum, ut constituerint apud se creando deinceps Apparitores, qui Arresta Parisiensis Curie promulgarent, & exsequerentur sedulò: sed hodiernos Apparitores, ut adhuc nouitios, ignaros fuisse sui muneris, qui in finibus Gratianopolitanæ Curie, sine auctoritate, & earum litterarum præsidio,

præsidio, quas, Pareatis, appellant vulgo, Arresta Curiz alterius exsequi auderent, quorum vim non caperent. Valuit ea ludificatio ad comprimendos in præsentia Ministrorum tumidos spiritus, quibus acerbum fuit rideri suos triumphos, in re quam ipsi maximè seriam putarent, noster verò ita eleuaret; id verò præterea nacti sunt, vt Apparitores à plebe deinceps cum ludibrio appellarentur. Extremus porrò Synodi actus Calviniano dignissimus fuit ingenio, & Ministrorum arrogantia, cum aliquis de augusto illo synedrio, sub finem ineptæ declamationis ad plebem, vbi se legitimum Pastorem venditauerat, pronunciauit, potestate de cælo sibi tradita excommunicare se Papam, & omnes Iesuitas. Alius antè multò acerbius exarserat in Patrem, sibi ac tribulibus suis fortasse importunior, in quem pro concione inuehens, non est veritus affirmare, si quid animi ac studij erga communem causam, & Dei cultum, sui auditores vniquam prætulissent, id reipsa ostensuros, cum illum importunum Iesuitam viuum comburerent. Aderat ad valuas fani Hugonottici Sacerdos noster, cum illæ seditionis faces in se iactarentur, & præsentī animo, serenoque vultu, cuius constantia & tranquillitate Ministri, qui eum obseruabant, rumpebantur, cæteri Hugonottorum, certatim coniectis in eum oculis, velut miraculo attoniti, petrarum similes obstupescabant.



PROVINCIA TOLOSANA.



DVCE NTI nonaginta Socij , decem Domi-
ciliis , gesserunt hanc Prouinciam , adscitis
toto biennio, qui aliquando veniant in partem la-
borum , triginta & vno Tironibus , amissis contrà
de suo corpore nouem commilitonibus.

TOLOSANVM COLLEGIVM.

PERIT nobis hoc anno Pater Carolus Pla-
teanus, trium Votorum Professus, magnarum
virtutum homo, sed obedientiæ præsertim, & Re-
ligiosæ demissionis cultor attentissimus, nondum
quadragenario maior; quod decus virtutum, in sin-
gulari eius eruditione, & laude & litteris dignum
est. Nam & omni Humanioris scientiæ insigniter
doctus Græcarum litterarum arcem supra cæteros
rexit. Quadrante horæ ante obitum, adhuc inte-
gris sensibus, adesse sibi Superiorem cum rogasset,
monuit, post quadrantem se non ultra futurum,
itaque

itaque Sacramentis se munire curaret, nec dicto veritas abfuit. Tolofani Senatus summum in nos eluxit studium cum aliàs frequentissimè, tum prior hoc anno, in vniuersæ Societatis tuenda fama. Famosi libelli cuiusdam nomine consultationis ventilatione fama Societatis labefiebat, tum Senatus decreuit contra Remp. videri facere, qui talem librum aut distraheret, aut legeret; ideoque conquisita exempla per tabernas, publicata concerperentur; Religionis enim rem agi, vbi Societatis bonum nomen sine causa periret. Quod Senatusconsultum, quamquam reclamantibus quibusdam primoribus, perscriptum est, iussique sunt ex eius auctoritate agere, quorum id muneris fuit.

Altero anno viginti & quinque à Caluino discesserunt, vt in Ecclesiam Catholicam, nobis ducibus, commigrarent. Reis adfuimus, cum ducerentur, ingenti certè multorum emolumento, quos inter vnus flagitiorum multitudine & grauitate insignis, illustri in Beatam Virginem semper claruit pietate; annum & amplius, ante decretoriam diem, sacros globulos & litanias in illius memoriam percurrerebat, semel, iterum, & crebrius non raro in dies singulos, ardentiusque multo octauum diem ante mortem. Constitit operæ fructus, tantum enim mœoris antea vitæ recordatio iniecit, vt in summis numeraret beneficiis non posse diutius vitam prorogare. Duo ciuium affecta valetudine, luculenter significarunt, quid de Societate sentirent. Vnus accito ad se Patri de nomine & veste tantum sibi noto, voluit sine arbitris, quas asserua-

bat plurimas pecunias in manum tradere, nobis accessuras, si quid ei humanitus accideret, sibi restituendas si eualesceret. Alter Senator, non opimum modò patrimonium, sed & liberos, in Societatis fidem, si annueremus, studuit deriuare.

BILLOMENSE COLLEGIVM.

OP TAVERANT Aruerni, ut in Collegio Bil-
lomenfi Philosophiæ schola poneretur. Hoc
opus nondum patratum perillustis femina, Co-
mes Ludensis, libenter confecit, & Lucalibus pro-
ximis lepidò dramate excepta nouum Philoso-
phum audire voluit perorantem, quo tempore cœ-
pit exponi Theologia Moralis ad Sacerdotes, alios-
que Sacris initiandos. In certo pago quidam no-
stro Sacerdoti infensus, quòd in deprauatos mores,
diceret acriter, ei maledicebat publicè, & ad se
adeuntem respuebat, eiusque odio abiturus aliò ad
Confessionem, iumentum conscenderat, quod post
duo milliaria sibi sensit adeò hætere, ut calcaribus
incitatum non moueretur. Obstupuit vir impius,
tarditatemque ac stuporem equi suspicatus esse ma-
ledicæ linguæ suæ petulantiam. Itaque nostrum
adire decernit, culpam deprecari: atque illico mo-
uit equus; ipse postridie apud eundem Patrem ge-
nerali confessione expiatus, idem ut facerent, ob-
rectationis sociis persuasit. Cuiusdam Patrum gra-
uiter iam quattuor annos condoluerat articulari
affectu siq̃istrum bracchium, quo morbo derepen-
te sana

re sanatus est, cum adhibitis Beati Dominici reliquiis huic Sancto quidpiam vouisset.

Insequenti anno diem clausit petrus Lescelle, Coadiutor temporalis formatus, exactis in hac mortali vita annis nonaginta tribus, quorum maximam partem in Societate vixit: sedulus fuit in officio, sine litteris quietus. Cæterum, excepto continuo ferè tibiz dolore, integris ad summam senectutem sensibus ac iudicio usus, tandem Sacramentis ritè munitus in pace conquieuit. Riomi, in prænobili Aruernorum vrbe, Aduentu & Quadragesima concionatus Patrum vnus, mirabiles tota vrbe, ac circumjecta regione motus concitauit, vt summittedi fuerint Sacerdotes præterea duo Confessionibus audiendis. Egregiè itaque affectis ad omnem religionem animis, quantum cuique Patres voluerunt præcipere tantum impetrarunt. Ibi quoque sanati ab Hæretica lepra nonnulli.

MAVRIACENSE COLLEGIUM.

RHETORICA votis omnium dudum ex-
petita his Lucalibus accessit, ad quam conflu-
xere auditores Eloquentiæ candidati ferè quinquaginta. Aliquot ab Caluino trāslati ad vnā veram-
que Ecclesiam. Quinque annorum per audita, per
Catechismum, quæ dicerentur in temere deieran-
tes, cum altè demississet in pectus, forori aduersus
ea liberiore iureiurando delinquenti colaphum in-
fregit, simulque adiecit verborum animaduersio-

nem hanc, Tibíne tam citò excidit, quod audieras ab Catechiste? Atqui scito imminere à me idē tuis malis supplicium, quoties in hæc verba erumpes. Obstupuere domestici, & laudata pueri religione, ab sororis iratæ manibus eum prohibuere. Vtroque anno creberrimæ in vicina oppida & pagos expeditiones susceptæ, eæque magno animorum compendio feliciter administratæ. Altero anno vulgatis popularibus tota vrbe morbis diffluxere scholarum alumni ferme vniuersi, donec sub aduentum Veris, salubrioris cæli amœnitate recreata sunt corpora, morborumque vis remisit, & scholis sua frequentia rediit.

ANICIENSE COLLEGIVM.

OBIT non domi, sed in proximo Sancti Germani castello, Pater Antonius Morgues, qui lenta phthisi tabescens ex Prouincia Lugdunensi missus ad cælum natale, medicorum decreto, venerat. Is die decimo septimo Ianuarij mensis, ipso Natali Beati Antonij, sui Tutelaris, litaturus in vicinum templum se contulit, quo ex die cœpit febris ingrauescere, vt & purulentum pulmonum vlcus, ad decimum Aprilis, quo sensit sibi vltimum adesse diem. Tunc domesticos obnixè assiduèque orare, vt è specula prospicerent, num aliquis de Societate aduentaret; quas voces idem-
tidem repetebat, donec moribundo renunciatum est, apparere procul duos de nostris. Ingresso Pa-
tr̃,

tri, clarè maturóque iudicio summariam totius vitæ Confessionem exorsus est, sacróque inunctus oleo, eadem hora, piè in Domino Crucifixum amplexatus obdormiuit. Vixerat in Societate annos octodecim, quod omne tempus aut absolueudis studiis, aut docendis Humanioribus & Philosophicis fructuosè traduxerat. Domi verò extulimus Patrem Arnaldum Feuga, Vasconem, Philosophiæ Professore, virum ad magna natum, de quo multa Societas acceperat, plura sperabat. Erat ei animus comis, humanitas singularis, ingenium omni natum culturæ, scientia eximia, magna pietas. Phthisi eius intima depascente, medicorum iudicio Albenacum missus, mitioris cæli gratia, incidit in Apostatam, ad Caluinianos adspirantem, quem rationibus adegit, vt facti apud Episcopum pœnitens, ad Patres Recollectos transfret. Inde, augescente malignitate morbi, ad hoc Collegium reuectus Pater, vbi domus limen attingit, lætus, inquit, nunc moriar. Procurato igitur diligenter animo per multos dies, effundente se tandem multa sanguinis copia ex eius pectore, cum minimè adhuc obitus eius expectaretur, placidè obdormiuit. Optauit hoc sibi bonum, & obtinuit Societatis cupidus adolescens, conditione Sutor, quam domi artem factitabat, qui se cupiit admitteri ad vota Societatis ante obitum, quo bono eum Prouincialis absentia prohibuit aliquamdiu, cū cætera omnia fauerent; sed adueniente demū Prouinciali, & eius permissu ille votis nostris adstringeretur, lætitia plenus deinde occubuit.

B I T E R R E N S E C O L L E G I V M.

DV o supra viginti Ecclesiæ Catholicæ reconciliati. Fuit vir primæ notæ, qui dum valeret, intemperantiùs vitæ agens, & fœdis libidinibus, execrandæque Diuini nominis vsurpationi addictus, omnia pro suo genio exerceret, ipsos etiam monentes diſtictis respergeret. Is dum postremum sibi morbi & vitæ diem imminere sentiret, acriter monitus de salute à nostro Sacerdote, mentem saniores induit, riteque procuratus Sacris omnibus animum inter nostri amplexus emisit, omnibus ad rei nouitatem stupore defixis.

A L T E R A parte biennij huius, grassante febrium lue, multorum de nostris, toto ferè anno, grauissimè afflicta est valetudo, & vnus demum eo morbo confectus, Hugo Regagnacus, Cadurcensis, annos duodetriginta natus, vir ingenuæ, liberalis, & ad pietatem natæ indolis, qui olim Causidicum in Cadurcensi Curia egerat. Cum animum ad Societatem appelleret, passus est grauissimas animi perturbationes, quo nomine pias peregrinationes instituit, ad Beatam Magdalenam in Salyos montanos, & ad Dei Matrem, in Serratum Montem, quibus defunctus se Societati adiunxit. Quinquennium, nec omnino integrum, egit in Societate, magno sanè exemplo singularis erga suum Institutum voluntatis, modestiæ, obedientiæ, caritatis, pietatisque. Harum virtutum exercitatione ut hominibus, ita Deo videretur fuisse gratiosiss

tiosissimus, vnde plerisque mirum visum est, quòd alij lōgè imbecilliores, & diutiùs ægròti euaserint; ipse integerrimis supra cæteros viribus, & quasi in summo efflorescētis ætatis seruire, tam breui tempore fuerit extinctus. Septemdecim, eiurata Hæreseò prauitate, Catholicam Fidem sunt professi. Mariani Sodalitij Præfectus, cū abiret eo honore, postulauit in se reuocari vetus Sodalitatis institutum, vt mox ab sua Præfectura iniret munus Ianitoris; quoniam verò suus successor, Pontificiis infūlis designatus, atque ex Valesiorum gente Regia, non fortasse videretur post gestum magistratum ei muneris addicendus, petebat vt sibi eius loco ianuam liceret administrare. Non ægrè impetrauit prius postulatum; de posteriore cū referretur ad nouos magistratus, ipsumque in primis designatum Præfectum, Ludouicum Valesium, ei petitioni vehementer intercesserunt, quòd ea de suo iure derogaret, qui vilitatem munerum in Beatæ Virginis familia summo sibi ducerent honori.

AVSCITANVM COLLEGIVM.

CENTESIMVM annum excefferat senex paralyticus, pessimè toto corpore habitus, ad quem solandi gratia noster adiit, & inter cæterum sermonem, Confessionis Eucharistiæque mentionem intulit. Negauit senex auricularis Confessionis sibi curam aut scrupulum esse; soli enim Deo aperienda omnia; cætera mysteria sibi religioni es-

se, quæ iuberet per Parochum sæpe offerri. Obstupere domestici ad fictas Hæretici, aut personati Catholici voces. Pater omnem lapidem mouet, & principio quidem frustra, donec, interpositis Diuini iudicij minis, hominem demum permouit, sed de Confessione respondit in tanta atrocium peccatorum multitudine se non posse omnia vel per memoriam dicere, vel per pudorem sibi non licere. Diu pugnandum fuit, vt ille pudor expugnaretur, quo tamen denique profligato, ille grauem sarcinam noxarum ab se eiecit, ad deinde protulit ex latebra Hæretici dogmatis scripta impia, quæ se in eam mentis caliginem induxissent. Matrona septem annos sterilis in coniugio post conceptum Beato Ignatio votum liberis donata est.

E nostris Sacerdotes duo mortis falce fuere demessi anno posteriore, ac vt credimus in horreū cæleste transportati. Pater Iacobus le Preuost, Parisiensis, quattuor Vota profectus, quintum supra sexagesimum agens annum, vir egregius sui corporis domitor, & spectatissimæ planè cum domi tum foris ædificationis. Is lustrata olim magna ex parte orientali plaga, & ex ea magno desiderio terræ viuentium contemplandæ aduecto, nostram Societatem amplexus erat, in qua Superioris, Concionatoris, & Theologi Doctores munera sanctè obiit, quæ sancta etiam conclusit morte; cuius in morbo nullum doloris signum edidit, nihil omnino postulauit, præter breuiarium, cuius ad preces exsoluendas, vt valenti sic ægroto summa & perpetua sollicitudo fuit. Pater Ioannes Ja

Com

Combe Aruernus diuturna consumtus tabe animum Deo reddidit , qui vt erat ad Humaniores artes in primis eruditus, & per alias versatus scientias , multa promittebat, si eius ingepio firma valetudo respondisset. Cùm valeret, ita æternitatis consideratione mouebatur, vt hac cogitatione defixus somnum capere non posset. Alicubi, extra urbem, formata & adulta iam in quattuordecim hominum pectoribus Hæretica pestis exstincta est.

CADVRCENSE COLLEGIVM.

OBIIT Pater Guillelmus Roquanus, in quo mirabilis virtus, & comitas, omnium approbatione planè singularis elucebat. Decē à Calviniano veneno exempti. Altero anno Pater Ludouicus Tatoatus, Procurator Collegij, vir pius, & eximiè mansuetus, ex vndecim Sociis, qui grauissimè decubuerint, vnus vita excessit. In communi totius ciuitatis calamitate, sibi sumserunt duo Sacerdotes obeundam quotidie vniuersam urbem, regionibus partitam, qua in procuratione utilissimam ciuibz operam nauarunt, iuuandis ægrotis omni ope, vt eo nomine publicè grates agerentur Præsidi nostro Prouinciali. Adolescens, anno superiore, valetudine ad desperationem infirmissima, ad Beatum Ignatium confugiens, periculo defunctus fuerat. Hic parem ab eo gratiam hoc anno recepit; nam prima nocte, qua feбри iactari coepit, visum sibi ait non dormienti Beatum Ignatium

propius accedere, ac bono esse animo præcipere, ab illa febre non moriturum. Morbus tamen ingrauescebat, iamque de ipsius salute medicus desperarat; ipse contra præsentī semper animo non moriturum affirmabat. Nec eum fefellit animus, nam post diuturnum lectum, diramque membrorum carnificinam, pristinas vires recuperavit. Seniorum Sodalitas coaluit ex quadraginta primū honoratis viris, Episcopo, nostri amantissimo, ad Præfecturam delecto, Assessoribus ei destinatis Archidiacono, & Cancellario. Præscindendæ autem omnis ambitus materiæ, cū ex omnium sententia decerneretur, ut nullo discrimine servato primæ sedes occupantium essent, ipse Episcopus sua sponte ad ima subsellia se demisit, sed intercessit omnis conuentus, & inuitum adegit, ut seorsum in principe loco sederet, ut qui ea lege non teneretur. Tam multa nihilominus summæ demissionis argumenta edere captareque perseveravit, ut stupori esset Sodalibus, quo in genere viri principes cæteri eius vestigia studiosè affectati sunt. Hæretici decem & novem conceptam à prima ætate prauitatem Hugonotici dogmatis eiurarunt.

*RVTHENENSE COLLEGIVM,
& Alberiacensis Sedes.*

RVTHENIS Caluīniani septem execrantes Hæresin amplexi sunt Catholicam Fidē priore anno, posteriore verò quattuordecim. Cuiusdam è nostris

è nostris salus à medicis desperata fuerat , pro cuius prospera valetudine Pater Rector in Magnæ Matris ara salutare sacrificium obtulit , votoque Anicianæ Virgini ægrum obstrinxit , si periculo emergeret , isque post paullo emerfit , cuius sanationem miraculo affinem medicus asseruit. Primarius Ruthenensium Consul, eloquentia & prudentia Iuris clarissimus vir , ilium cruciatu periculose torquebatur , vixque certas pecunias Bearo Ignatio , temploque nostro vouerat , cum sensit tormina remitti , nec ita multò post in eodem templo , ad participanda suo more Sacra , incolumis est visus.

Albenacensis Familia summittit operarios toti Viuariensi Prouinciæ , quam nostri obeuntes pedibus , humaniter accipiuntur vel ab ipsis Hæreticis , quos afficiunt illæ pedestres sine apparatu & cultu expeditiones. Vnius è nostris opera Dominicanis Patribus instauratum ab indigenis deiectum olim templum , magna Patrum illorum approbatione , ac significatione beneuolentiæ. Religiosæ professionis homo inter viam cœpit rixari cum comite , & abiecto cucullo ab eo discedere ad Hæreticos voluit , & contumax euicit , vt abiret ad eiusdem Ordinis desertorem , vxore iam & liberis præpeditum. Cum non procul hoc ille diuertisset , euocatur , & clam adhibetur ad colloquium , sed alia omnia auditurus , quàm cogitauerat. Nam vetus ille transfuga , insanum ait eum esse , qui hanc defectio- nis viam ineat ; nescire quas in pedicas se induat , qui sibi vxorem quærat , vnde liberorum grauem familiam debeat expectare : omnium malorum sentinam

sentinam esse Hæresin; desciscat à proposito dum ei sunt omnia integra: miserrimum se qui loquatur esse omnium mortalium, quòd magis loqui verbo quàm exemplo possit, atque vtinam, inquit, mihi iam vt sana sunt consilia, ita liberum esset institutum, ostenderem quàm stultum sit, quod ambo tentauimus. Potens ea fuit machina, vt defectionem ingressò reditus ad sua castra suaderetur. Euocatur vnus è nostris, qui emendicatis pecuniis, & idonea veste instructum hominem Episcopo sisteret, à quo in suum Claustum remitteretur, vbi nunc veterem noxam ardentibus pietatis studiis detergit. Anno posteriore triginta Hæreticos afflante opem Deo ad veram fidem adduximus.

T O L O S A N A P R O B A T I O N I S

Domus.

TOLOSANI Senatoris filius iniens Societatem, ius ei attribuit Ecclesiastici prædij apud Cemmenos montes, quo ipse antea fruebatur. Eò missus Sacerdos cum esset, deprehendit indigenas Sacerdotes impatientia vexationis Caluianæ tota pænè regione cessisse; Catholicos in omnibus Ministello promiscuè cum Hæreticis vti pro Parocho; à quo vt auellerentur, ipse Parochi partes omnes necessario instituit obire; ideoque præter cætera, mortuorum efferre cadauera, suis ipse manibus humare, ac eius generis omnia multo labore exsequi, sed vberi Catholici dogmatis compen

compendio. Paucis diebus rei bene gerendæ assiduitas & fama etiam apud Hæreticos auctoritatem ei parauit, vt eius opera libenter vterentur. Certè mulier Calviniana ipso Pentecostes die, sub vespèram, ad eum simplici animo fidentique adit, & obsecrat, vt illa ipsa hora Missam Deo ne grauetur offerre pro salute filij grauitè decumbētis. Pater mirabatur mulierē tam ignāram moris Ecclesię, sed vt accepit Hæreticam esse, opportunè retulit, facturum se quod illa peteret, nisi sciret, non facilè rem ex voto cessuram, nam matris Hæreticę perfidiam filij licet innocentis sanitati officere; ideo esset ipsa Fidei Catholicę morigera, precibusque orantis Deū non defuturum. Hæsit aliquantulum eo responso perculsa, sed manus paulò post dedit, & exsecrata Hæresin, noxis expiata, Sacræ mensę admota est; deinde, nostro sacrum faciente, incolumem filium cū singulari voluptate animi recepit: inde puer ac tota familia Fidem amplexa est. Distribuerat noster Agnos cereos, interque cæteras eorum dotes, commemorat vim parientibus salutiferam; & accidit per eos dies mulierem Calvinianam partus doloribus duos iam dies horribiliter cruciari, cui adesset Catholicus sacro Agno instructus, qui memor dictorum Patris enunciauit adstantibus, habere se præsentē eius morbi medicinam, si puerpera esset ritus Catholici. Nihilominus post multa euincunt ac pænè inuitum adigunt, vt amuletum adhibeat, quod vt parientis collo appendit, euestigio ea feliciter peperit. Cauerat in sponsione Catholicus vt puerperæ fetus ritu Romano lustraretur ab Sacerdote,

cerdote, quod haud repugnantes Calviniani parentes admiserunt. Arnaldus Boretus, in Tolosanae Curiae Senatoribus, antiquitate, splendore, integritate clarissimus, postquam Tolosano Collegio nostro annuos redditus fouendis Theologiae auditoribus attribuerat, eidem rustica praedia duo, urbanaeque domum condonarat, & Tirocinio, praeter ceteram liberalitatem, quaterna librarum millia, semetipsum quoque ipsi dicavit, anno decimo quarto huius saeculi, aetatis suae quarto & quinquagesimo, & in hac domo velut vnus Tironum versatur.

PRO



PROVINCIA TOLETANA.



QUCCURAVIT hæc Prouincia Socios primum quingentos octoginta tres, deinde duodefexcentenos: biennio toto amisit de suis viginti quattuor, duodequingenta sibi adsciuit ex candidatis aduenis.

TOLETANA PROFESSORVM DOMUS, & Collegium.

PERditis moribus homo vagabatur oppidatim, agentibus eum conscientiaë stimulis, cui regiones cuiusdam vrbis otiosè lustranti cupiditas incessit visendæ Domus Hospitalis, in quam ingressus, vidit hominem morientem, accessit, & ad bene moriendum cœpit adiuuare. Aegrotus caligâtes oculos in ipsum immisit, protentaque manu designauit his verbis; En Dæmonem, dæmonem, videte Cacodæmonem. Qui præsentes aderant, insanire præ morbo ægrum existimârunt, nec deinde curarunt,

runt, quæ ab eo dicerentur. Ille homo nequam mente perculsus expectavit tantisper dum arbitri discederent, ac deinde solus cum ægroto cœpit loqui de rebus Diuinis, & arripiens imaginem Crucifixi, adorandam morienti proposuit. Aegrotus tamen animam ageret, viribus omnino destitutus, lecto insedit, illiusque hominis prehensa manu, ita dixit; Tunc verò sic andes coram tanto Deo apparere, eiusque nomen sanctissimum ore spurcissimo pronunciare, cum sis nefarius, & vitam agas sceleratissimam? Vide, quid agas, qui Deum grauitè offenderis; animum expia sacra Confessione, age pœnitentiam, nisi velis iratum Deum experiri. His dictis recubuit moribundus, & vt paulò antè, sic agebat animam. Perditus ille agnouit Diuinam bonitatem erga se, cum sic admoneretur: narrauit puero socio suo, quid sibi accidisset; addidit se velle antea acta peccata deflere, pœnitentiaque diluere; abiret proinde quò vellet; iurauit prætereà se neque comestutum neque bibiturum, nisi priùs apud Sacerdotem nostræ Societatis peccatorum sarcinam deponeret. Aberat à nobis leucas duodecim, neque tamen proptereà despondit animum, sed defessus venit ad nos, & quia meridie venerat, neque de ipsius ieiunio quidquam erat notum, iussus est ad vespèram expectare. Aperuit scelera lacrymabundus summo cum dolore, peractaque pœnitentia saluari ad patriam rediit.

Ineunte Vere insequentis anni obiit Pater Gabriel Ordonnez, quatuor professus Vota, ætatis anno septuagesimo, quorù duos & quinquaginta egerat in

rat in Societate. Vir planè religiosus, qui cum summa laude quinque Collegiis præfuerat, ac demum ante annos triginta, in hanc Domum venit, in qua diligentissimum egit operarium. Cunctos ad se alliciebat hominis sanctitas, & inusitata prudentiæ fama, ut grauioris nihil priuatim aut publice gereretur eo inconsulto. Excursum utroque anno in remota oppida & pagos, missu Archiepiscopi, Concionibus & Confessionibus apud agrestem & maximè rudem plebem obeundis, quam longe studiofiorem sui muneris fecere largæ pecuniæ in egenos liberalitate Archiepiscopi per nostros distributæ.

In Collegio sollemnia litterarum & pietatis curata sunt quàm diligentissimè.

COMPLUTENSE COLLEGIVM.

AD Tordelagunam, & vndecim finitimos populos, Missiones à nostris susceptæ iussu Cardinalis Toletani Archiepiscopi, ad eius largitiones diuidendas, & Iubilæum promulgandum. Alicubi principiò non satis placidè accipiebantur nostri; sed utilitate Concionum Confessionumque perspecta, excitatum omnium studiuni ad eas participandas; ut vicinorum oppidorum Parochi ac Magistratus inuitatum ad se venirent, etiam cum lacrymis, & vno die pleræque huiusmodi legationes aliquando exceptæ sunt. Aduchtantibus nostris in oppida & vicos, plebes occurrebant confertissimæ, in genua interdum prouolutæ, ac cymbalorum pulsu lætitiâ præferentes. Instituta vbi

que à nostris Sodalitas Seruorum Beatæ Mariæ, cum consuetudine confitendi & communicandi singulis mensibus, & quidem tam feliciter, vt Monachorum, & ex Nobilitate plerique adscribi se in eos cœtus cupidè postularent. Mulieres tres erga Dei Matrem religiosè affectæ, illius ope præsentis exitio subtrahæ sunt, quod ipsæ sibi desperatione consciuerant, duæ hausto veneno, vna earum item voluntario suspendio, & tertia lapsu in puteum. Instituta item altera Missio ad quattuordecim alios populos, eiusdem Cardinalis auctoritate, parique aduersus egentes munificentia. Quacumque hora diei oppida inirent nostri, coacto in ædem populo, legationis ratio exponebatur, & vulgò accidebat tam grata, vt Concionibus, Catechetibus, & cæteris exercitationibus adessent perpetuò frequentissimi oppidani. Excitati Parochi ad studium vsurpandæ Catechesis in suis templis per dies Festos, & eius vsum amplexi sunt plerique cupidissimè, vt fuerit Parochorum vnus, qui, publicè apud suam plebem nuncupato Voto, eius tradendæ necessitate sese deuinxerit in singulos Dominicos dies. Earum Missionum opera in consequentem annum continuata, fructus omni opinione maiores attulit.

ALTERO anno decessit Pater Bartolomæus N. huius Collegij Rector, sexaginta sex annos natus, de cuius virtutibus tacere præstat, quàm pauca dicere, præsertim cū sit vniuersæ Societati cognitus. Literatissimus fuit, Abulæ cursum Philosophiæ prælegit, Theologiæ Vallisoleti ac Neapoli, vbi res nostras apud Proreges magnopere iuuat, maxime apud

mè apud Ducem Ossunæ, cui fuit à Cõfessionibus. Baticam Prouincialis administravit, inde Patri Generali Assessor, ac postmodum huius Prouinciæ Præses, omnium Sociorum animos vehèmenter sibi deuinxit. Neque minorem laudem Madritij obediendo inter priuatos eius Familiæ Socios, quàm Prouinciali iure præsidendo est consecutus. Decem & octo menses præfuit huic Collegio, multis imbecillæ valetudinis pressus incommodis, vbi copiosos virtutum thesauros patientia egregia tolerandi patefecit. Eius funus omnes Religiosæ Familiæ, Academia tota, Nobilitas, & plebs, sua cohonestarunt præsentia. Officium Missæ fecit Prior calceatorum Carmelitarum, eique ministrarunt Theologiæ lectores duo. Frater quoque Ioannes Merchante defunctus est, qui tertium annum operam dabat addiscendæ Theologiæ, annos natus viginti septem, de quibus septem in Societate vixit. Hic ingenio valuit, gradumque primum in litterariis licentiis assecutus erat, sed hæc omnia pro nihilo habuit, vt Christum in Societate lucrifaceret. In hecticam febrem cum incidisset, decreto Medicorum ad patrij cæli amœnitatem hauriendam reuissus est perinuitus, affirmavitque se properare ad certissimam mortem, enixèq; petiit & obtinuit vetustam sotanam, & detritam, in qua sepeliretur. Itaque longo morbo diutissimè dispositus, gratias Deo agens maximas, quòd in Societate moreretur, obdormiuit in Domino.

M A D R I D I A N V M C O L L E G I V M.

AMPLIVS millenos Discipulos censemus in nostro Gymnasio, & eos pietati egregiè adiectos, quorum plus sexaginta Religiosam vitam inierunt. Seniorum Sodalitas vna, quæ ciuibus constat, millenos Sodales numerat; altera quæ Sacerdotum est, centenis & quinquagenis continetur, quorum omnium vita est exemplo virtutum insignis. Obiit Pater Ioannes de Cetina, quattuor Votorum Professus, annos natus septuaginta, cum ageret in Societate quartum & quadragesimum, quibus totis ministerium audiendi Confessiones exercuit, quo munere perfunctus est egregiè Romæ, in Hispania, Sicilia, & locis aliis. Sex totas horas quòtidie dabat manè audiendis pœnitentibus, paullòque minus à meridie, cuius assiduæ occupationes de somno & recreatione quòtidie detraxerent non parum, vt recitandis sacris precibus satisfaceret.

Posteriore anno sexaginta quattuor ex Gymnasij nostri alumni in diuersa concessere Monasteria. Rex Calendis Ianuariis Sacra obiuit apud nos, amoris summa testificatione in nostrum Ordinem. Sex Sacerdotes missi ad oppida & pagos concionaturi, ac diuisuri magnam pecuniæ vim munere Cardinalis Archiepiscopi, quarum Missionum nomine studij & gratiarum plenissimas litteras Cardinalis ad Prouincialem dedit, voluitque nunciari Patribus vniuersis earum Missionum fructum sibi iucun

iucundissimū accidisse. Obiit Pater Ioannes Baptista Paciecus, annorū sexaginta quinque, quorum duos & quadraginta in Societate vixerat, Votorum quatuor Professus, Missionum obeundarum strenuus athleta. Tam raro ad eas talento erat præditus, ut quocumque veniret, omnem omnino ætatem & sexum ad Confessionis studium adduceret, etiam paucissimis ibi diebus futurus, cuius opera ex mutatione morū in oppidanis mox sentiebatur. Confraternitates quas vbicumque instituit, post multos etiam annos, pietate, ac integritate morum vigent, ut eo ipso die, quo cœperunt: Spartariam totam, quam Mancham vocant, percurrit, annos multos in Missionibus exegit, magno populi bono. Mortuus item est Pater Guillelmus Vachius, Hibernus, qui Salmanticam venerat, ut suæ gentis negotia quædam ageret; cuius de virtutibus Salmanticenses præclara quæque possunt recensere: nos affirmasse possumus, quamdiu hîc fuit, & domesticis & extraneis virtutum omnium exemplis præluxisse.

MVRCIANVM COLLEGIVM.

LA T R O quidam insignis, ut se periculo eriperet, accusavit Nobilis familiæ adolescentem, qui torquendus cum esset, reiecta res est à Prætoris in diem tertium, eò quod esset peruigilium Assumptionis Beatæ Virginis. Adolescentis mater rogavit Sodales Congregationis, ut cum Sacro adessent

communicaturi, filij causam Deiparæ commendarent. Res mira; necdum omnes Sodales sacram Eucharistiam acceperant, cùm latro ille festinè iudicem aduocauit, ad eius genua supplex se abiecit, suum confessus esse crimen, & illius adolescentis protestatus innocentiam. Ita adolescens ereptus è carcere, magno ciuitatis applausu, enixè petiit, vt in Sodalium cœtum adscriberetur perperuus Beatæ Virginis famulus futurus.

Insequente anno, cùm Ricotenses Mauri exigentur ex Hispania, duo de nostris èd missi sunt, qui calamitosi solatium afferrent. Adhibitis aliquot concionibus excitati sunt ad expianda peccata èd euentu, vt nemo de tota multitudine abierit sine Confessione, adulti verò omnes Eucharistia pasti sint. Manauit hæc quoque utilitas ad classiarios milites, & ipsos Saracenos captiuos, ex quibus ceperunt bene affici ad Christi fidem, nonnulli etiam baptizati. Obiit Frater Franciscus de Espinosa, Coadiutor Formatus, annos natus quinquaginta, è quibus in Societate viginti egerat. Observantissimus fuit silentij, obedientiæque deditissimus, vt nunquam auditus sit de Superioribus conqueri, etiam si quid asperum iuberetur: neque de Officialibus, tametsi necessaria sibi decissent. Vltimam egritudinem satis molestam tres ferè annos patientissimè tulit. Alij quoque duo Fratres Nouitij decessere, qui Villaregio venerant, Hæctica febre correpti, vt patriam cæli temperiem experirentur. Illi tamen cum raro exemplo patientiæ, reliquarumque virtutum nos multum ædificarunt.

*OROPESANVM, HVETENSE, CA-
ranacense, Belmontense, ac Placentinum
Collegia.*

OROPESA profecti duo de Sociis, rogatu Cardinalis Archiepiscopi Toletani, cum eleemosyna pauperibus diuidenda, in Pontem Archiepiscopi, quod est oppidum satis celebre: & primò quidem satis arduus fuit introitus, ut apud homines minùs affectos, & quia Parochus parum fauere videbatur Missioni. Vicit tamen difficultatem vis verbi Dei concionante nostro, & cò usque progressum est, ut manè sex horas totas oporteret adesse, ad audiendos pœnitentes, ac ferè totidem vesperi, præter tempus, quod dabatur Catechesi puerorum & rudium. Itaque concursu ingenti ad nostros, populòque ad pietatem inflammato, Confessiones generales auditæ plurimæ, conciliationes gratiarum perpetratæ, quam utilissimè & frequentissimè. Ab cæteris item Collegiis frequentes obitæ Missiones & cum fructu, maxime Antistitum auctoritate, in suas diœceses studiosè delegantium aliquot ex Patribus.

*SEGVRENSE, TALABRICENSE,
Conchense, Almagrense Collegia.*

SEGVRÆ obiit Frater noster Antonius Rui-
zius, Coadiutor Formatus, triginta octo annos

Qq 4 natus

natus, cum in Societate vixisset octonos denos, vir sane in officio Sacriltæ multum exactus, & in agendo cum secularibus valdè modestus, ac circumspèctus, omnibusque tam domesticis quàm externis prælucebat virtutis exemplo. In febrem Heticam incidit quam anno integro patientissimè sustinuit. Talabricæ duæ Missiones susceptæ iussu Cardinalis Archiepiscopi Toletani, cum eleemossyna, quam ipsius nomine nostri distribuerent, Iubilæo pronunciato, populi summo ardore ad Confessionem accurrerunt; Conchenses nostri eadem ex causa destinati ab eodem Cardinali, septemdecim oppida ingenti bono indigenarum lustrarunt. Eodem quoque genere utilium excursionum nostri Almagrèses missu eiusdem Cardinalis feliciter occupati sunt. Talabricensium Sociorum vni dum versatur in pagana Missione accidit quiddā singulare. In via ei occurrit indigena gratulabūdus, quòd Sacerdotem de nostra Societate cerneret, & significauit suam vxorem, graui morbo decumbentem, toto manè institisse, vt Pater aliquis de Societate Iesu vocaretur. Ingressus noster hominis tugurium, feminam inuenit humi cubantem sub lodice, quattuor iam menses in eo situ exigentem, apostematistoto corpore refertam, & membris contractam, sed cælestibus consolationibus plenissimam. Viso Sacerdote exsultauit, suprà quam credi potest, & lacrymans Deo Sacerdotique gratias agebat. Assedit Pater in putri scabello, cui illa dixit; Nocte superiore se vidisse Angelorum Reginam, cælitibus comitatam, quæ sibi tota nocte ad auro-

ram vsque adstiterat, in eo ipso scabello, in quo Sacerdos sedebat Affirmabat autē non fuisse somniū illud , quia satis aduerterat se vigilare, ac recordabatur omnium, quæ Beata Virgo dixisset: nimirum collaudare mulieris deuotionem, quòd singulis diebus recitasset rosarium, Confessionem frequentasset, & sacram Synaxin, labores sustinuisset patienter, ac tandem monuisse, vt cum aliquo de Societate rem certā tractaret, cuius in Confessione oblita esset annis superioribus. Perseueraret porro in sua deuotione, seque apud Iesum filium ei parrouam futuram: inter quæ verba cum ægra cōplecti præ amore Dei Matrem cupiuisset, ipsa Virgo derepentē sublimis abiuisset in cælum, multa pompa eam comitante. Pater perfecit, vt in Nothodochium delata mulier sedulò curaretur, quæ deinde conualuit, erga Dei Matrem deuotissima, & multum erga Societatem nostram. Veram fuisse visionem apparet ex eius vitæ innocentia, & exemplo animi candore.

SANCTI CLEMENTIS, ET ALMONACIRIA Sedes.

M I s s i duo Sacerdotes in oppidum Sanctum Clementem, excepti sunt amantiſſimè à Senatu, Populo, ac Parocho, cuius postulatu venerant, vt ageretur de instituendo Collegio, moxque ministeria Societatis exercere cæperunt fructuosissimè. Don Andreas Pacheco, Episcopus Conchen-

sis; excitauerat Parochum, vt id faceret; statim ergo atque rescituit aduentasse Patres, aduenit ipse quoque, & magno ardore de fundatione Collegij pertractauit. Parocho igitur iam pridem optanti persuasit, vt donationem faceret inter viuos prædij cuiusdam, ex quo plusquam tres mille aurei in annos singulos colliguntur. Senatui verò exposuit quanti ipsorum intercessit, ne Societas ab oppido discederet: proinde animos aperent, & quisque liberaliter offerret, quo nostri alerentur tantisper donec Parochus fundator moreretur. Ipse in primis Episcopus obtulit bis mille aureos, totamque materiam templo exstruendo necessariam: Parochus annuam tritici & vini satis amplam copiam. Senatus etiam de suo benignè contribuit, itaque accepta fundatione, Lucalibus apertæ sunt duæ scholæ Grammaticæ; ac lectio Casuum conscientię.

Doctör Ioannes Escudero, Almonacirij Parochus, sæpius cogitauerat ex amplo patrimonio aliquid instituere perpetui, quod popularibus prodesset, terque confectis testamenti tabulis, varia in eam rem decreuerat, in quorum nullo eius animus acquiesceret deinde; sed anno septimo huius sæculi testamentum condidit, quod ratum postea esse voluit, ac septimo post anno mortuus obsignatum reliquit. Id ab Senatu & populo cùm publicè inspiceretur, ingentem omnibus peperit admirationem, quòd Societas hæres ex asse creabatur, ea lege, vt Almonacirij Collegium excitaretur, cuius rei ab eo numquam illata mentio fuisset, qui se austerum potius erga nostros semper ostenderet

deret , siquando ex occasione eò diuerterent. Fe-
runt eum viuentem legere consueuisse librum
de Missionibus Indiæ Orientalis , & Iaponiis Insu-
lis , quem Pater de Gusman composuit , eaque
lectione permotum , vt Collegij instituendi consi-
lium caperet. Eo defuncto Magistratus missis lit-
teris admonuit Patrem Rectorem Collegij Com-
plutensis huius testamenti , missique sunt Sacer-
dotes duo , qui auctoritate Senatus hæreditatem
aditent , moxque exordium caperent munerum
sollemnium Societatis in ea vrbe. Propinquorum
defuncti animaduersæ sunt principid quædam à
nobis abalienationes , quæ exciderant hæredita-
tis expectatione ; sed illis ipsis ita placere cœpit
opera Sociorum , vt breui euanesceret omnis si-
multas ; & fuerit ex eis , qui audita Patris nostri
concione affirmaret , pluris sibi videri eam concio-
nem , quàm vniuersas Doctoris Escuderij posses-
siones. Plerique de oppidanis , post explicationem
Catechesis , & sedulam puerorum in ea exercita-
tionem , cum applausu exclamabant in hæc verba ,
Nunc apparet nos omnes Escuderij heredes fuisse ,
ad quos tantum boni ex eo peruenit. Præter fre-
quentem Sacramentorum inductum vsum , subla-
tam morum corruptelam , plerique de Clero , po-
pulo , & Sacris Virginibus ; exulti sunt priuatis
rerum Diuinarum meditationibus , summo om-
nium emolumento & gaudio.

VILLAREGIENSIS, ET MADRIDIANA probationis Domus.

VILLAREGIENSIS Domus Sacerdoti versâti apud Oretanos in Missione res accidit memoranda, quæ faciat ad Pœnitentiæ captandam omnem opportunitatem. Multa de nocte audiebat alicuius Confessionem, quæ magna edidisset signa pœnitudinis; quo defunctus munere Pater ad meditandam sequentis diei concionem se collegerat. Cum fores ac fenestræ vndique essent clausæ, irrupit tamen ventus vehemens, qui Sacerdotis nostri vestem magna vi commoueret; moxque insecta est vox valdè lugubris, quæ horribili gemitu, *Va*, tertio iteravit. Qua voce consternatus primùm Sacerdos grauitè, ubi animum receperat, adiurauit eum, à quo vox flebilis esset emissa, & iussit edere, quis esset, & quid vellet. Tum ille; Tuæ nihil refert nosse, qui ego sum; aliò propero; sed huc in transcursu deductus sum, vt viderem quemadmodum iste pœnitentiæ locum nactus est, à quo ego excidi. Quæ res opportuno tempore pro suggestu narrata, vehementer concussit auditorum animos, neque vulgaris ex ea fructus perceptus est. Alio loco Monachus ex honorata familia culpam admiserat, cum graui multorum offensione, quo nomine publica illi erat inurenda, & acerba infamia; sed elaborarunt nostri vt ea ipsi remissa, offensio tolleretur, ingenti populi totius lætitia.

Quod

Quod officium fuit tam gratum illius Ordinis Superioribus , vt ea causa gratias numquam nobis agere desinant.

Madridiani Tirocinij alumnus , Ioannes Garcia Gallego , Nouitius , felicissimè obiit. Innocentissimè vixerat extra Societatem ad annum vicesimū ætatis,interque cætera argumenta virtutis eximiæ, puerulus adhuc,voto se Castitatis adstrinxerat. Vixit in Tirocinio tres modò menses , sed quorum singula momenta religiosissimæ vitæ insignibus monumentis illustrauit.

DE CASTELLANA Prouincia nihil venit in nostras manus.



PRO



PROVINCIA ARAGONIA.



TRECENTOS nonaginta septem Socios anno priore, posteriore quadringentos & quattuor censuimus in Familiis quattuordecim, de quibus recentes in Societatem venere toto biennio quadraginta quinque, dimissi ab Societate septemdecim, viginti morte sublati.

*VALENTINA PROFESSA DOMVS,
& Collegium.*

DIEM suum obiit Pater Ferdinandus Almaraz, annos natus duodetriginta, postquam magna æquitate animi aliquot annos morbum perpeffus esset. Fuit amabili morum suauitate, animique demissione iusto ardore temperata, ne in remissionem degenerasset nimiam; quo pacto multorum sibi voluntates lucrabatur, & Deo Principe in æde Valentina magno ciuium concursu fructuque nostri conciones habuerunt, nec minore, bi-

nis excursionibus in oppida varia. Setabin vocati sunt nostri, summo Cleri ac ciuium consensu, & pari vtrorumque bono, vnde rediit singularis omnium erga Societatem beneuolentia. Ibi noster à Patribus Dominicanis est adhibitus laudando Beato Thomæ Aquinati, eius natali die, ac prandio exceptus in ipsorum cœnaculo, deinde à prandio, cum sollemnis supplicatio esset, Cœnobiarcha ipse nostrum hominem, vel pertinaciter recusantem, compulit, vt locum in supplicatione quàm honorificentissimum occuparet, magna ciuitatis, quæ tota conuenerat, approbatione. In quattuor item alia oppida expeditiones susceptæ, Concionum & Catecheson fruge quàm vberrima, vt alicubi fuerit, qui vnus concionis auditione decem & octo annorū pellicatus cōsuetudinem aboleuerit, eoque studio exarserit verbi diuini, vt vno die quinquaginta millia decurreret, ne sub vesperam Concioni deesset Valentina Seniorum Sodalitas hoc anno liberauit è carcere ac vinculis ceterum & septuaginta captiuos, dissoluto ipsorum ære alieno. Oppida sedecim Valentix circumiecta nostri lustrarunt, prima de tribus missione. Eorum oppidorum in aliquo dissipatus erat rumor, tam austeram esse nostrorum in Confessionibus rationem, vt omnes oppidani eorum aditu abstinerēt. Venit autem vni ciuium in mentem explorandæ rei causa nostrum Sacerdotem adire, cum ab eo hilari vultu, & amoris magna significatione, de peccatis esset auditus, ac deinde palam, & clara voce professus, mentiri, quæ contrà sentirent ac loquerentur, animum ad eundem cæteris

cæteris fecit omnibus, & mox illi rumores sunt dissipati. Aliquot locis viri ac puellæ, grauibus impliciti noxis, cùm adiissent ad nostros Confessionis gratia, senserunt sibi adstringi fauces, occulta vi Dæmonis scilicet, vt diu connitentes eloqui non possent, perstantes tamen in consilio expiandæ conscientiæ, tandem euicerunt, quod contendebant.

Collegium Valentinum, superiorum facultatum totius Prouinciæ Seminarium celeberrimum, litterarum, & pietatis exercitationibus floruit, vt cùm maximè, hoc toto biennio. Transierunt ex his litterariis castris in Religiosorum Cœnobia egregiæ spei adolescentes: Sodalium verò se maximè probauit in omnibus, & in tuenda Castitate nominatim, cum magnis artibus appeteretur, etiam à principibus feminis: fuit autem ex hoc conuentu adolescens, qui afferret ad Præsidem Sodalitatis amatoriorum codicillorum magnam vim, manu primariæ mulieris ad se scriptam, flammis vstulandam. Misit hoc Collegium ad Superos vnum è nostris Theologiæ discipulis, egregiæ indolis & exempli, quo mirum quantum accenderet ad pietatem omnes, qui secum agebant. Alterum emisit quoque Coadiutorem Formatum, legum nostrarum valdè obseruantem, & laboris ita sitientem, vt ne recreationis quidem tempore de summa contentione quidquam remitteret.

GANDIENSE COLLEGIUM.

PATREM Franciscum Castillo, Gandiæ natum, hoc idem Gandiense Collegium cælo transmisit, quattuor Votorum Profellum, ætatis anno quadragesimo quinto, Societatis aditæ vicesimo sexto: ætate quidem non maturum omnino; sed vitæ sanctimonia, & laborib. pro salute animorum susceptis, bene maturum. Erat laboris indefecti, alienæ salutis sitientissimus, amantissimus excursionum nostrarum, quas cum ingenti proximorum fructu obibat. Reliquit apud exteros magnum sui desiderium, & eximiam sanctitatis opinionem, ut plerique contenderent enixius eius reliquiarum aliquid sibi concedi.

ALTERO anno præsentem Beati Patris Nostri opem sensit vnus Fratrum, qui nono die, quàm eam ad ipsius sacellum implorauerat, pedem alterum fœdis vlceribus saucium, ut eo non vteretur, persanatum deprehendit. Quadriennio antè Madridij defunctum Ioannem Borgiam, Equitem præcellentibus virtutibus in Aula florentem, germanam sobolem & exemplum magni quondam Ducis Gandiensis, hoc anno huc transmissum, nostra in æde, magnificentissimo apparatu, condidimus. Lectissimam Conuictorum Familiam, ex principe Nobilitate Valentina & regni totius, pietatis & literarum disciplina hic informamus, euentu felicissimo. Prorex Valentinus, cùm hac iter haberet, apud nos p. ernostare voluit.

*CÆSARAVGVSTANVM COL-
legium.*

QUADRAGENARIÆ apud nos orationis celebritatem planè inusitatam ex eo sit facilè deprehendi, quòd omnis omnino & Sacer & Profanus Magistratus, multis distinctus Decuriis, vno tempore interfuit, quod aliàs visum erat numquã, eiusmodi concursum studiosè declinantibus eorum singulis, propter sessionis prærogatiuam, quã, alij alio iure, singuli tamen sibi vindicant, cuius tamen nomine dissensionis nihil hoc conuentu intercessit. Seniorum Sodalitas centenos vinctos è carcere sua pecunia hoc anno exemit: opulentus mercator, huic propagandæ benignitati, millenos aureos Sodalitio legauit. Montereгиenses, quorum in agro luculentum nacti sumus prædium, vulgo commemorant, & cum multa grati animi significatione, Beati Patris Nostri meritis toti suo territorio concessam immunitatem à grandine & locustis, quibus erat infestissimum antè, quàm nobis in eo fuisset prædium; qua calamitate circumiectus vicinorum ager etiamnum, & grauiùs etiam, quàm olim, vexatur. Quodam in oppido ad singulare certamen nonnulli vocabantur, libellis in foro publicè affixis; prouocationem incendia sunt consecuta, iamque aliò cogitabant nonnulli, vexationibus ferèdis impares, nec oppidi Satrapa excitatum tumultum poterat compescere. Eius tamen auctor incendij cum interfuisset nostrorum concionibus, poenitentia

nitentia ductus, & se criminum suorum atrocitate, & populum sollicitudine liberauit. Excunte anno Pater Antonius Hurtado, Bæticus, duodetriginta natus annos obiit, dum magna cum laude Humanitatis litteris tradendis occupatur, vixdum studiorum omnium absoluto curriculo. Ludouicus item Sora, Cæsaraugustanus, vndeuigesimo ætatis anno, magnæ spei adolescens, decessit.

SECUNDO anno Patres duo peragrarunt oppida septemdecim huius diœcesis, quorum opera Sacramentis imbuti sunt oppidanorum plus dena millia vix toto trimestri, quo tempore priuatum & publicè omni ludorum genere, ac saltationum abstinencebatur: auditæ sunt iis excursionibus generales Confessiones voluntariæ mille, ac quingentæ, præter has aliæ quingentæ omnino necessaria.

BILBILITANVM COLLEGIVM.

MIGRAUIT ad Superos Pater Antonius Belloc, Valentinus, trium Votorum Professus, in Collegium Valentinum valdè beneficus, cum vixisset annos duos & sexaginta, in Societate viginti. Degerat ille prius in matrimonio & honestè & splendidè, in Diuinis incedens mandatis sine querela: sed ad vltiorem Consiliorum perfectionem accitus, coniuge ad Virgines transeunte, se Christo, & rem suam, quæ annuorum sexcentorum erat aureorum, in eiusdem Societate donauit. Homo in deliciis habitus diu, ægrè dein-

de tulit inter nos , si quidpiam singulare videretur ipsi tribui , aut si mentio inferretur eorum , quæ Societati donauerat . In sola fuit animi demissione singularis ; nam exacto biennio Probationis , cum necesse haberet præcepta Grammaticæ repetere , vltroque Superiores deferrent , vt priuatim doceretur , maluit publicam nostrorum discipulorum scholam frequentare , vbi cum ipsis discipulis & Grammatica præcepta repetebat , & vicissim disputabat . Fuit ei perpetuus sermo de morte , ac eo quidem eius fructu , vt Sacrum facienti Deus instantis obitus diem denunciaret , quo ipso die complexus eū est affectus Apoplecticus , qui quadragesima hora ipsum exstingueret : quo in stupore liber ei relictus est linguæ vsus , vt ex eo auditum sit , singulari Dei beneficio sibi patere in cælos aditū . Lustrata oppida quædam summo incolarum bono vbi sopitæ grauissimæ seditiones , & ex cædibus ortæ inter oppidanorum summa capita , exitiales futuræ non paucis simultates .

Insequente anno mortuus est Michaël Valpicesta , Coadiutor rei familiaris , anno ætatis quinquagesimo secundo , & vicesimo quarto ab Societatis ingressu , in quo emicuit omnium virtutum decus , ac obedientiæ in primis studium singulare . Ianitoris & Aeditui munus obiit pari pietatis , & boni exempli laude , in quo cum suis partibus egregiè defunctus esset , suam operam Sociis liberaliter defererebat .

TVRIASONENSE, OSCENSE, ET
Barcinonense Collegium.

VNius è nostris, Quadragesima in primaria Of-
 censi æde concionãtis, opera Mauritanus, Ma-
 hometane sectæ alumnus, ad Christianã veritatẽ se
 conuertit, qui Baptismo deinde magno mortalium
 concursu initiatus, Diuinæ vocationis beneficium
 prudenter expendens pietatem egregiè colit. Turi-
 asonensis Sodalitatis Marianus letali vulnere acceptus
 cùm exiret è templo, id primùm cauit per Sacer-
 dotem nostrum, qui ad eius Confessionem accur-
 rerat, vt omnes intelligerent, se percussori con-
 donare, quod & apud propinquos ratum esse vo-
 luit: neque caruit mercede illa mansuetudo, nam
 Deipara, cui erat cliens addictissimus, ei sanita-
 tem, præter multorum spem, impetrauit. Barci-
 none quidam multos iam annos peccatum celabat
 in confessione, qui acceptam ore sacrilego Diuinã
 Hostiam non potuit deglutire, vel adhibito fre-
 quenti aquæ haustu, quo casu sui sceleris admoni-
 tus, accidit ad pedes Confessarij, expiatusque, dum
 Absolutionis formula pronuntiatur, fauces sibi
 mox dissolutas sensit, quæ prius veluti duro la-
 queo stringebantur. Beati Patris Nostri patrocínio
 adiutus quidam conualuit letali ex vulnere, cùm
 eius salus iam esset palam conclamata. Gotthala-
 niæ Prorex dysenterico ex morbo periculosissimè
 laborabat, & postulauit sibi afferri quidpiam reli-

quiarum ab eodem Patre, quibus admotis derepente sanatus est, neque se ingratum tanti beneficij præbuit, cuius magnitudinem deinde non desinebat prædicare.

Secundo anno vivere desiit Pater Melchior Miralles, Professus quattuor Votorum, anno ætatis quadragesimo tercio, Societatis initæ vicesimo quarto, indefessus operarius, Missionum in primis studiosus, frequens in Nosocomio, & Custodiis, capite damnatorum comes assiduus. Is excepta in carcere Confessione multarum horarum, non sine suspitione pestiferi halitus contracti, feбри ardenti paucis diebus est confectus. Petrus item Macipe Theologicæ scholæ auditor, annorum vicensimum quinum, & inter Socios nouem versatus, graui & molesto ex morbo occubuit, cuius patientia in eo tolerando mirificè se probauit omnibus. Ipso Circumcisionis diè venit ad nos Illustrissimus Princeps Philibertus, festo corporis cultu, stipatus satellitibus & pedissequis purpuratis, magnaue Nobilium multitudine: qui, re Diuina peracta, vnus prandere voluit apud nos, in communi triclinio, exclusis ceteris omnibus, parato suis impensis lauto conuiuio.

GERVNDENSE COLLEGIVM.

PVER cùm ageret animam, & à parente suo numeraretur in mortuis, accensa candela iacentis naribus applicita, extremum spiritum explorante, noster Sacerdos accurrit cum Beati Patris

tris chirographo. Is ubi pedem in moribundi cubiculum intulit, antè quàm sacra lipsana promerer, sensit morbus præsentem Ignatij manum: nam subito puer, stupentibus adstantibus, lecto exsiliens, Sanctumque Ignatium ingeminans, ad nostrum rectà tetendit; & in lectum à suis coniectus, mox ex eo sanus descendit. Eius deinde mater, repentino confecta morbo, humi iacebat exanimis, rigentibus membris omnibus, marito extinctam eam conclamante, ubi rigor ille corporis aliquot horas perseverarar. Tum puer à Parente nostro sanatus haud ita pridem, matris calamitate permotus, procidit in genua, sublatisque in cælum manibus, hæc verba fidenter, constantique vultu iterabat: Sancte Ignati, ego volo ut matri meæ opem feras; age, Sancte, ego volo: quæ ingeminare diutius perseveravit. Annuit pueri tam ingenuæ precationi Beatus Ignatius, moxque matrem filio reddidit, qui ante matri filium restituerat. Virgo castitatis Deo servandæ studiosissima ægerrimè ferebat, sibi sponsum hominem destinari, quæ Christum legisset conjugem; quamobrem ipso Natali Beati Parentis Nostri, in eius sacello, post Diuinas epulas, postulabat à Beato, ut sibi morbum impetraret, qui vel tuendæ Castitatis facultatem, vel mortem afferret; quæ ipsomet die morbum contraxit, ex quo brevi occubuit. In eius mortuæ mundo reperta sunt flagella multo cruore conspersa, quibus bis terve in hebdomade se acriter exciperet; adhæc gemina vestis cilicina, & earum una rigida admodum, quam indueret sollemnium saltationum diebus.

Altera parte biennij Vrgeliam missus Gabriel Baijle, vt Humaniores litteras doceret, decubuit in via apud oppidum, & deinde occubuit. Ea fuit eius modestia, religio, & patientia, vt eum oppidani certatim viserent, animaduersaque ipsius omni actione, Sanctum vulgò appellarent, ita omnium rapiebat animos, non ipsius tantum pietatis & sapientiæ plenissima oratio, sed ex eius vultu emicans incensus quidam religionis, & Diuini amoris ardor. Renidenti ore, vt semper erat, & ad modestiam compositissimo, intuentes summo opere oblectabat, accendebat autem studio rerum cælestium, quas ipsis oculis spirabat. Morti proximo oblata est Deipara, Cælitum frequentissimo septa comitatu, ac deinde Christus ipse, manibus texens corollam, quibus spectandis incredibiles animo iam prægustaret delicias. Certatum est pia æmulatione Clerum inter atque Religiosos, vtri sepulturæ ipsius & exsequiarum ius obtinerent: sed vicit meritò eius hospes, vir primarius, apud quem decesserat, & Cœnobio Benedictino eum attribuit. Omnis Clerus atque Magistratus perhonorificè ipsius funus duxit, & rapuit sibi de ipsius vestibibus quilibet, quod potuit. Rogati ab nostro Sacerdote num eorum bona venia nos eius ossa inde auferremus: negarunt præcisè cuiquam se condonaturos tam sacrum depositum, quando id sibi Deus commisisset.

*VRGELITANVM, ET ILERDENSE
Collegium.*

VRgelix Concionatoris nostri dictione permoti plus quàm viginti homines, grauium iniuriarum suarum condonationem voluntariam publicis tabulis consignatam esse voluerunt, vt se persequendarum omni iure in posterum exsortes esse testarentur, qui voluntatem nunc abiecissent. Eodem inter dicendum vehemètiùs efferuescente, sublato in manus patientis Christi simulacro, mulier, quæ triginta annos Ecclesiastico viro turpiter cõsueuisset, fufis lacrymis, ductisque ab intimo pectore suspiriis, à Deo culparum, & à populo veniam præbitæ offensionis postulare cœpit. Eius factò tantus in concione animorũ motus erupit, vt vniuersus populus exclamaret, se quoque grauium esse flagitiorum reum, & alius iniuriarum gratiam hostibus faceret, alius admissorum posceret veniam. Defecta porrò viribus mulier, humi decidit, velut exanimis, nec se pariebatut erigi, quia diceret, se Dei nunc factam, quæ fuisset Diaboli, Deo humi operam nauare debere: cibum verò non admisit, donec postera die legitimè esset expiata. Sacerdos autem eius feminæ concubiniarius, sub vesperam aduocatis publicè reliquis Sacerdotibus & Magistratu, prouolutus in genua, Nùmini factus supplex, anteaactæ vitæ pacem precatus est, & ab adstantibus offensionum gratiam; ac deinde omni

præterita turpitudine Sacerdoti se præbuit expiandum. Diem suum Ilerdæ obiit Pater Ioannes Oliua, anno quinquagesimo primo ætatis, & duodecimo ex quo venit in Societatem, Spiritualis Coadiutor strenuus, qui octauo ante die obitum suum præ-nunciarat, cùm bene valeret. Anno decimo quarto huius sæculi Sociis Ilerdensibus datus est aditus in nouas ædes, quò Eucharistiâ sollemni ritu intulit ipse Antistes, Magistratibus, & ciuiû Ordinibus vniuersis pompani cohonestantibus. Eodem anno Pater Cosinus Maïquez, Collegij Rector, ingenij ac virtutis præstans laudibus, exstinctus est quinque dierum pleuritide. Mirificè consensit in omnibus eius voluntas cum Diuina voluntate, ac sub obitum maximè. Nam audito pulsu campanæ, qua Patres vocabantur ad Sacram eius vnctionem, sub-latis in cælum manibus exclamauit, Te Deum laudamus.

*BALEARICVM, ET PERPINIA-
nense Collegia.*

IN Balearium maiore oppidum est Petra, quòd in duas ruptum factiones ad exitium properabat, duobus oppidanis iam occisis, aliis non paucis malè multatis, pluribus fugitiuis, aliis in vincula coniectis. Pridie quàm eò venirent nostri alterũ seditionis caput in templi asylum se receperat, vbi iam versabantur contrariæ factionis duo, vt iis, quod timebant vulgo, concurrentibus, redundatura huma

ea humano cruore sacra ædes putaretur. Noster Sacerdos in eadem æde concionatus nihil omisit & publicè & priuatim, quod valere videretur, ad conciliandam eorum gratiam, sed irrita opera. Igitur postridie inter concionem, in ipso dicendi ardore geminam caluarian humanam profert in medium, & quasi essent duo factiosorum capita, eleganti idolopectia suum statum deflentia, lugubriter induxit, quantum malorum apud Inferos ex simultatibus exceperant, quàm seuerus inibi Deus odiorum ultor esset. Quo spectaculo & lamento ingens animorum commotio in auditoribus facta est, quâ ut vehementiùs incitaret, Christi de cruce pendentis signum eduxit, atque factionum principes publicè appellâs, quàm humanissimè potest per Christum cruci affixum obtestatur, ut in concordiam se patiantur adduci; qua tandem oratione moliti nuper immiti pectore homines concedunt in mutuos amplexus, & horum exemplum mox ceteræ factionum manus reconciliatis animis ad osculû certatim decurrerunt. Illa verò ipsa die omnes ad nostri Sacerdotis genua prouoluti salutari Cōfessione sunt expiati, postridieque sacro pasti epulo, inter quam dapem, Christianæ amicitie notam, & pacis effectricem, noster monuit sedulò vniuersos beneuolentiæ perpetuò fouendę. Eos oppidi Rector omnes conuiuio accepit eodem die, ubi mutuo & officiosè alij aliis ministrabant, eandemque mensæ communionem in suis postea domibus sæpius vsurparunt. Post eiusmodi argumenta reconciliatæ penitus gratiæ, noster Sacerdos vniuersos

fos secum duxit ad Proregem, cuius auctoritate pacificationis ratio publicè in tabulas est relata, renouatis apud ipsum instauratę beneuolentię omnibus argumentis, secundum quę Prorex omnium, quę in leges ac Principem commisissent, gratiam fecit humanissimè.

Posteriore anno in Balearibus obiit Dominicus Iriarte, Formatus Adiutor, Nauarręus, anno ætatis sexagesimo quarto, Societatis adeptę vndetrichesimo. Humilitatem, paupertatem, obedientiam coluit ex animo vsque ad extremum diem, silentij tenacissimus, vbi res sermonem non exigeret, domandi corporis studiosissimus, cuius indices erāt inflicta humeris quotidie verbera. Magno cultu Deiparam profecutus, castitatis, & religionis erga res Diuinas egregiam laudem, ab ea promeruit. Tunetanus Maurus captus ab nostris, ex Insulāriū conuictu cœpit erga res Christianas affici, ac tanto magis cū reuersus in patriam suorū gentiliū barbaros mores cum Christianorū humanitate ac probitate conferret. Igitur hoc anno vectus prædatorio nauigio cum viginti quattuor sociis ad Balearicum littus, se deiecit in continentem, inque propinquam turrim confugit, suumque animum aperuit, vnde ad nos adductus, iam Fidei rudimenta capeffit ardentissimo Baptismi studio. Vitę sanctitate præstans femina, noctes solidas orationibus transigebat, in magna copia deliciarum cælestium, magna Cacodæmonis inuidia, qui eam hoc nomine grauissimè diuexaret. Oblatam igitur ab Sacerdote nostro imaginem Beati Patris Ignatij, cū fiducia

fiduciæ plena ad cellæ suæ parietem affixisset, omni molestitia Dæmonis se sensit continuò liberam. Post annum verò, imagine refixa ad purgandum cubiculum, passa iterum est vexationes à Diabolo acerbissimas, donec requisitam cum cura imaginem parieti denuo alligasset.

TARRACONENSE TIROCINIVM.

EXCVRRERE in duo oppida totidem Sacerdotes ex Tirocinio, quorum ex opera insignia emolumenta in oppidanos redierunt, vt instaurata morum probitate, ac in res Diuinas religione exaggerata vehementer, alia facies oppidorum cerneretur. Tironum vnus vrgentibus propinquis nobis ereptus, & in carcerem coniectus, vt ea vexatio excuteret Religiosæ vitæ studium, quod & simulauit se abiicisse, vt imponeret cognatis, à quibus domum suam abductus, ac deinde missus in Academiam ad Iuris Ciuilis studia, mox vt sui cōpos factus est, ad nos reuolauit, iamque perseuerat singulari omnium approbatione & animi sui voluptate. Missi duo Parrum ad longinqua oppida, quò nondum Societas peruaferat, vbi primùm respondere oppidani eorum se opera nihil egere; mox verò consilij factique sui pœnitentes ad se vltro ad miserunt. Omnes omnino ad Concionē Confessionemque accurrebant, etiā ipso ex aratro agricolæ, qui ante lucem ad templi fores nostris præstolarentur. Quasi ergo discussis tenebris lucem obortam
auidè

auidè adspexerunt , cognita fœditate sui peccati, altè concepto Dei timore, odioque temerarij iurifiurandi, execrationum, detractiōis, quibus assueuerant. Quidam post obitam Confessionem , & sumtam Eucharistiam, dubitare cœpit an ritè fuisset expiatus , adhibuitque sibi Beatam Virginem, vt eius ope doceretur, si quid omisisset; cui per somnum indicata sunt ei certa quædam peccata , quæ iubebatur recolere apud Sacerdotem. Rediit ergo ad nos , ac multo cum fletu iterum confessus , animo deinceps acquieuit , egregiè memor accepti à Magna Matre beneficij.





PROVINCIA

BÆTICA.



VNDEVICINTI domicilia, & Sociorum capita quingenta septuaginta septem anno priore numerauimus, ex iisque Sociis Sacerdotes centum nonaginta octo; Discipulos nonaginta; ducentos octoginta duos Coadiutores; Nouitios quattuor & septuaginta: anno autem posteriore Socios quingentos octoginta sex, Sacerdotes centum nonaginta sex: Discipulos centum quadraginta septem; Adiutores ducentos quadraginta vnum. Nec admissorum nec mortuorum certus numerus perferibitur.

HISPALENSIS PROFESSA

Domus.

ANNO priore decessit Pater Aloïsius Alcazar, Hispalensis, septuagenarius, Votorum quattuor Professor, eximium huius Prouinciæ lumen, ac Societatis vniuersæ decus, quem multæ ac exquisitæ

quisitæ ornabant litteræ, sed quarum esset in eo illud ornamentum longè splêdidissimum, quòd rem litterariam animi demissione sic obruebat, quasi eam non attigisse plane videretur; qua quoque arte vsus est cætero omni opprimendo decore, quo maximè claresceret. Abstrusæ eruditionis, & incomparabilis industriæ monumentum illud in Apocalypsin Ioannis; fuit eius multorum annorum fructuosissimus labor, & luculentissimum pretium operæ, cuius paucissima vidit mandata typis folia, de quibus verò excepta est moribundi vox illa memorabilis: Gaudeo, inquit priùs me animam, quàm illum meum codicem edere. Absolutam reliquit secundam huius operis partem, quam inscripsit Apocalyptrica, quòd loca Scripturæ Sacræ contineat, quæ Apocalypseos obscuritati pleniorē lucem afferat. Integrum scilicet Canticorum Canticum, Psalmos complures, multaque alia Bibliorum capita complectitur hic commentarius, cui edendo diligens datur opera. Sed non ita hæc magna summi viri facinora, quàm maxima in eo homine sui despicientia. Erat certè popularis auræ ac humani plausus avidissimè, ac interdum perquàm faceretè contemnens, despiciens ac illudens in quavis mole, vbi Diuinus honos appetebatur. De bonis, quæ nobis peperit Christus, alto quodam animi sensu frequens loquebatur, in quo, aut simili quopiam sermone, non sibi à lacrymis temperaret. Prosecuta est hæc ciuitas eius mortem eximio doloris sensu; ad funus hominis Religiosi conuenerunt sua sponte variarū Familiarum plerique, multi
etiam

etiam de Clero, & maximo templo nominatim, & honoratiores quidem, alij alijs per interualla succedentes effereudo humeris cadauere. Expeditiones menstruæ susceptæ ad aliquot oppida, vbi opera ingens, sed optimè collocata, cum admotis vehementissimè ad auditorum animos dicendi facibus, continuò à concione certatim se abicerent ad Sacerdotum nostrorum pedes Confessionis gratia; & ij quidem homines, ac ijs de rebus, quibus explicandis fructuosissimè quiuis labor adhiberetur. Inuitantibus ad se oppidanorum primarijs quàm humanissimè officiosissimeque, diuerterunt tamen nostri ad Xenodochium, quò inferebantur esculenta & poculenta copiosissimè, vnde nostri & ægrotis & vinctis bene facerent, & quidem abundantissimè.

Altero anno varijs excursionibus ampliùs triginta oppida, & pleraque montana, lustrauius incredibili oppidanorum bono. Sæpe contrigit desertos montes obeuntibus nobis, vt diem vnum dimidiatumque aquæ nihil libaremus, tantum abest, vt cibo refici possemus: erat autem in summis delicijs panis ater ex alliato, si quando eius fieret copia. In pagos & oppida egentissimæ plebis cum ventû esset, dilabebantur alij aliò, ne si nos acciperent, cibum sufficere aduenis cogerentur; postea verò quàm audierant nos vtcumque viatico instructos, non futuros eis graues impensarum nomine; tum vndique concurrere in templa, & occasione sua bene uti. Fuère non pauci, quos vel noxarum vrgeret pondus, vel metus ne multitudine prohiberentur

à Confessario , ideoque palam omnibus sua peccata vulgarent, vt ea necessitate adigeremur ad absolutionem eis impertiendam. Neque potuere ab hoc instituto abduci , etiam grauium virorum suasionibus , quòd assererent, malle se apud mortales extimationis iacturam facere , quàm ea tuenda non expiari suis flagitiis, & æternis ignibus addici. Qui superiore anno in Fortunatas Insulas excurrerunt, dum Superiorum iussu reditum parant , ab Insularibus præ amore sunt ita reuersione interdicti , vt flagella in baiulos, si eorum vestes; ducetos aureos in quemlibet nauclerũ, si nostros exportassent, Prætor edicto sanciret ; itaque iis interclusis manendi Prouincialis fecit potestatem. Quare Lanzarotem, & Fortem-venturam, quæ solæ de septem Insulis supererant , lustrare sunt aggressi. Hæ duæ sunt Fortunaturum littori Africano propinquissimæ, vt duodecim non plùs horis transfretetur: sunt tamen egentissimæ , vt quæ pluuia vix vmquam imbuantur. Vna sola planities est arenosa , quæ, si opportunus affluerit imber , quinquagesimum , ac centesimum etiam referat suis aratoribus. Extra tritici, hordei , cæterique frumenti culmos , in Lanzarote vix aliam stirpem , aut arbusculæ stipitem deprehendas. Quadraginta ampliùs passuum millia in longum porrigitur , in latum decem millia , & eò magis, vbi ficum vnã dumtaxat, puteo pæne immerfam, obseruare licuit. Fortis-ventura Fortunatum maxima, longa est octoginta millibus, lata viginti , & eò amplius , pauculis hortis confita, aquis plurimùm salis vititur , alendis gregibus maximè

ximè idonea. Incolæ sunt indigenæ partim, partim Africani aduenæ, Christiani omnes; indigenis ferme omnibus intercedit sanguinis cognatio eiusmodi, quæ matrimonia prohibeat, nisi Ecclesiæ soluantur legibus, aut Afris Neophytis copulentur, quod genus affinitatis exhorrent. Destituti sunt pæne omni procuratione, ut vix quarto quoque anno concionatorem audiant, & vnico quidem in templo tota ea Insula, quod olim Beatus Diego suis propemodum manibus integrum exædificauit; quo ex templo exspirare videtur adhuc nescio quid cælestis suauitatis, cuius illecebra in ea gente sensus pietatis fouetur. Qui ab templo, absunt, manipulatim incolunt montes vallesque in summa rerum omnium inopia, ut vix decenti amictu tegantur, cuius penuriæ verecundia templo & Sacris plerumque abstinent, alij verò viæ longitudine, quæ viginti millium est in plerisque locis. Hanc siluam tam horridam aggressuri duo de nostris, duobus aliis in Canaria versantibus, dum Fortem-venturam occupare tentant, ea nebulis excipitur, perque imprudentiam nautarum ad Lanzerotæ littus appellantur. Ibi dum onerariæ duæ se parant ad nauigandum, omnes Epibatæ expiantur: inde, tota lustrata Insula, in Fortem-venturam traiciunt, eamque vniuersam percurrunt. In multa ignorantia Christiani officij, & tanta destitutione subsidiorum, facile sit coniicere quàm locuples materia exercendæ industriæ nobis sit oblata, insularibus certè rem suam nauiter gerentibus, ut ne breui discessuris nostris excluderentur Sacro-

rūm opportunitate; quibus deinde abeuntibus omnium indigenarum fletus sunt consecuti. Inde traiecere in Canariam, vbi Natalem Beati Patris Nostri celebrarunt incolæ apparatus ac frequentia Confessionū, quanta in maximis Hispaniæ urbibus posset expectari. Ad hunc modum perlustrandis septem Fortunatis Insulis, res indigenarum ea felicitate procurata est, vt vulgo dictitarent, suas Insulas eo nomine verè dici posse Fortunaras. Pater Stephanus De Hogeda per illud tempus è viuīs excessit in Professā Domo Hispalensi, cui vita obtigerat in Societate annorum duorum & quadraginta, septuagesimum & sextum nato cū mortuus est inter Professos Votorum quattuor. Cū adiit Societatem, eo nomine in Salmanticensi Academia erat, vt ad summos magistratus apertum iam sibi videret aditum; cuius auctoritatem & exemplū secuti plerique Academicorū, in nostram militiam se adscribendos dedere. Professus annos aliquot Theologiam, mox deinde ad regendum adhibitus, reliqua fere vita in eo munere summa cum laude versatus, eximiæ prudentiæ fama concitauit viros quosque principes in grauissimis negotiis ad suum consilium exquirendum. Vt tutandæ Societatis fuit perpetuò studiosissimus, ita eam defendit strenuissimè sua gratia, auctoritate, consilioque in rebus sæpenumero grauissimis. Comitatus, summissione, religione in Deum, Instituti sui obseruantia, orationis studio, asperitate victus, vestisque in paucis excelluit, vt meritò visus sit apud externos etiam clarere opinione sanctimonix.

HIS

*HISPALENSE COLLEGIVM,
Probationis Domus, & Anglicanum
Seminarium.*

SCHOLARVM nostrarum Discipulus, Hispalensis ciuis, Comitiali morbo laborabat infestissimè, cui Pater vnus de nostris cùm asseueraret habere se potentissimū ei malo pellendo amuletum, & euestigiò promeretur æreum sigillum, effigie Parentis nostri cælatum, & acceptum puer religiosè oscularetur, repentè illo molestissimo affectu exsolutus est, iamque decem menses eo immunis perseuerat. Idem puer Quartana pridem pessimè habitus, eidem Sacerdoti aliquando occurrit, postulatque ecquod haberet aduersus febrim præsidium. Quidni potest, inquit Pater, qui te absoluit Comitiali molestia, febrim quoque abigere, si quidē tu eadem Fide vales, qua tum valuisti? Excitauit in se Fidem puer vt potuit, & preces adhibuit Parēti Nostro, innoxq; iussa Quartana excessit. Eius pueri amita, quinquaginta iam annos Comitiali vexata, vbi de puero sanato inaudiit, misit ad eundem Sacerdotem, qui exprimeret iconem, salutifera impressam effigie; quam misit Pater, sed, iussa muliere, rem Diuinam præmittere, tum malè affecto cordi admonere sigillum; quo appresso mox fugatus est vetustissimi morbi contumax affectus, iamque quattuor menses intactam relinquit mulierem.

Altera parte biennij vita functi duo; alter Scholaris, Gaspar de Velasco, cùm ætatis annum vigesimum, Societatis quintum, Philosophiæ secundum perageret: alter Bartolomæus Gonzales, temporalis Adiutor Formatus, ætatis anno tricesimo quinto, Societatis decimo sexto, ambo Granatenses, disciplinæ Religiosæ studiosi ambo. Tirones admissi ad Probationem quadraginta duo. Ex Seminario duo Sacerdotes missi ad populares Anglos, in Fidei negotio studiosè iuvandos: duo item ex eis alumni in Benedictinam Familiam commigrarunt. Ex Anglia porro tribus his annis Hispali venere alumni omnino sex & triginta, quibus tredecim eodem redire ad Fidem propagandam: sed hoc postremo anno accepimus inde tredecim, septem eò dimissimus, qui operæ hic positæ pretium apud suos facerent. Habitæ sunt ab alumni ad Britannos Hæreticos & Catholicos Aduentu & Quadragesima conciones, & plerique reuocati sunt ab Hæresi ad Catholicam fidem.

*CORDVBENSE, ET GRANATEN-
se Collegia.*

PRODIERE duo Sacerdotes ad menstruam operam in celebri oppido ponendam, vbi aliàs institueramus Sodalitium ex oppidanis, cuius ea sunt incrementa iam & frequentiæ & pietatis, ut vno die Sacram Mensam adierint plus trecenteni Sodales. Anno secundo migravit è vita Pater Fernandus Rodriguez, Votorum quatuor Professus, Lusita

Lusitanus, clarus quidem cæteris virtutibus, sed paupertate, meditandique usu valdè conspicuus. Egerat multis annis concionatorem magno audientium fructu, quos quotidianis etiam sermonibus pietate singulari conditis ita in Deum afficiebat, & sibi demerebatur, ut cum amarent, & venerarentur maximopere. Ad egentium excipiendas Confessiones ferebatur ingenti ardore, in quibus Christum suspiceret veriùs ac suaviùs. Hic denique vir omnino magnus eximiam multarum virtutum decuriam purissimo flore virginitatis ad mortem usque coronavit, quam vitæ apprimè similem excepit valdè alacriter.

Granatæ valet ac viget quàm maximè ciuium pietas in Beatum Ignatium, quam prodigia frequentia exaggerant non parum. Quemdam iliacus dolor vexabat acerbissimè, qui sibi visus est videre ac audire Beatum ita loquentem: Ades animo, nam tuo in me studio hunc à te dolorem statim abire Deo placitum est. Verba continuò sequitur sanitatis fides, quæ suspicionem somnij amoueret. Multa sanguinis copia coëuntis ad fauces pueri vitam ita dubiam fecerat, ut desperarent medici: sed appensa collo ægroti Lipsana Beati Patris causam morbi morbumque ipsum momento discussere. Alius aciem oculorum tantum non amiserat, orat confidenter Beatum, quasi vnus de Familia, quòd Scholarum nostrarum esset alumnus, continuoque vim luminum integram recepit. In huius regni quadam vrbe viri primarij degebant procul ab vxoribus, inductis earum loco concubinis, & manabat res exē-

plo virorum dignitate præcellentium, nemoque
 serpenti malo medebatur, tametsi grauissima erat
 omnium offensus. Noster concionator sædum il-
 lud vlcus tam acriter agitandum sibi sumsit, dum
 fœtore permotus excitaretur aliquis, qui penitùs
 excinderet. Egit itaque toties, tam vchementè,
 tam multis locis aduersùs eā gangrenam, vt ad su-
 premum Consilium Regium deueniret fama, vn-
 de mox missa est syngrapha ad Prætorem, vti con-
 cubinas exterminaret, quibus confestim exactis,
 gratulatum est publicè primatimque Sacerdoti no-
 stro, cuius acri expostulatione illa pestis esset excisa.
 Excursum in summota viginti oppidula, quæ le-
 suitas numquam viderant, rarò alios animorum
 procuratores, vbi operæ plurimum fuit in summa
 indigenarum ignoratja, & peccandi consuetudine,
 sed acuebat animos nostris, viresque sufficiebat in
 rudi admodum plebe summum proficiendi studiũ,
 vbi admonita fuerat, quæ fuatum essent partium,
 & procul quotidie accurrebant nūcij ex aliis oppi-
 dis longinquioribus, qui ad suos inuitarent, ad
 quos cum iter intenderetur, prodibant certatim
 obuiam primarij quique oppidanorum, suam no-
 bis & sibi gratulantes faustitatem. Quodam in op-
 pido passim iacebant, & exstinguebantur populari
 morbo, copia fœtidi sanguinis obstruente fauces &
 strangulante; quod in oppidum vt pedem nostri
 miserunt, nemo eorum qui iacerent perit, nemo
 quæ affectum contraxit, vt mox tota regione vul-
 garetur, nos omnibus morbis facere medicinam,
 & reuera fecere sigilla Beati Patris, cæteraque
 huiusmodi.

MON

MONTELLANVM, ET BAEZANVM
Collegia.

EXCESSIT è viuis Pater Alphonfus De-Siuanez, Latinæ linguæ Professor eximius, cuius singularis ea fuit virtus, vt cum ad superiores Disciplinas esset non parum idoneus, in quibus præclarum dederat sui specimen, cum & in alio genere posset plurimum, maluit multorum magno emolumento ei se totum dedere. Virtutis autem reliquæ vt erat studiosissimus, docendo instillabat suis Discipulis per litterarum suauis illecebras solida documenta omnis religionis. Quo in studio dū prouehitur ardentius, cupiditate communicandæ suis auditoribus doctrinæ accuratioris, præmaturū sibi obitum accersuit. Inuocati vocatique perreximus Montella in propinquos summosque pagos & oppida, mirabili mutatione morum Conciones & Catecheses consequente, alicubi verò institutam rectè viuendi disciplinam Magistratus pœna fanciuit, vt qui nostris legibus mores non direxerit, plectatur, vt assuetudine rectè agendi virtus condiscatur. Secundo anno decessit Franciscus Ferrer, sexagenarius, rei domesticæ Procurator egregius, cui muneri præfuit annos plus triginta, singulari sollicitudine, ac magno virtutis exemplo. Coluit studiosissimè tranquillam in aduersis patientiam, ac in diuturnis præsertim, molestisque morborum vexationibus. Feminarum allocutionem sic perpetuò vitauit, vt neminem admitteret, ac si quid

opus esset dicto, per interpretem id curaret.

Baëzanis Sociis sua vetus manet apud ciues, & vrbis accolae existimatio reuerentiaque, vt nihil operosi negotij cuiquam vel consultandum vel decidendum sumatur, cuius consultatio & arbitrium apud nos & per nos non transigatur. Nostra etiam opera multum est vsus Cardinalis Archiepiscopus Tolertanus, suæ diœceseos obeundis oppidis & pagis, & diuidendis in egenos copiosis pecuniis, quarum excursionum vt laboriosissima fuit ratio, ita laboris seges amplissima lætissimaque. Descendenti ex concione Sacerdoti nostro processit obuiam mulier, & enixè rogare institit, vt se mox audiret confitentē. Narrabat autem cum multo fletu gemituque se pridem somniare solere, sibi demerlæ in luto vnum de nostris funem porrigere, quo apprehenso ipsa emergat, sed multa conanti nihil succedere, quin altius mergi: se autem sæpe miratā, ac sapissimè quid sibi vellet somnium illud, capere nō potuisse, donec concionem Patris audierit. Nunc autem intelligere versatam se annos decem in luto inquinatissimæ cōsuetudinis, vnde sit eam eduēturus Pater. Aggressura deinde Confessionem, mox oppressa est velut torrente quodam lacrymarum, vt reiicienda fuerit in pomeridianum tempus, quo procurata est quā opportunitissimè. Degebant nostri die quodā in egentissimo oppidulo, vbi post multū laboris nihil eis cibi aderat, quo reficerentur: sed eodem tempore Diuina Prouidentia rem eorum sedulò procurabat. Nam in vicino pago vir probus & opulentus occulto instinctu sentiebat se vehementer

menter impelli vt nostris Patribus ferret esculentata, quam motionem vt assiduam esse aduertit, euestigiod paruit, copiosamque annonam attulit Dei militibus, labore ac inedia exhaustis.

MARCENENSE, ET MALACENSE Collegia.

BEati Parentis Natalibus edita domi singulari arte simulacra, quibus illius res gestæ symbolico emblemate proponerentur cogitandæ spectatoribus, magna ipsorum vel voluptate animi, vel utilitate. Marcenæ contrà laboratum serid, vt quædam abolerentur, prauo inducta vsu, quorum esset publicè ac priuatim exemplum perniciosum in primis. Sodalitium Sancti Spiritus vt numero frequentissimum, quadringentos enim & septuaginta Sodales excedit, ita rebus præclarè gerendis clarissimum, ciuitatique fructuosissimum esse perseuerat: nam quot eius Collegij capita, tot morum Censores in plebe sunt, vt nemini liceat iis consciis dicto aut facto delinquere, quin ex tempore Censoria nota, sed perquàm suauis & amica mul-
tetur.

Malacæ quattuor Hæretici, quorum duo annos triginta, duo non minùs quattuordecim, suos errores in animo fouerant, ab Sacerdote nostro Anglo ad Catholicos traducti sunt. Nonnulli etiam ab impietate Mahumetana transiere ad Christianos. Altero anno Pater Guillelmus Ionsonius, Anglus,

Vota

Vota quattuor professus, decessit, vir omni virtute, ac religione in primis clarus, cuius caritas non ad Anglos solùm, ac alienigenas, quos ex professio tractabat, sed ad indigenas etiam porrigebatur. Tredecim ipsos annos id munus obierat, magno cum nostrorum, tum externorum exemplo; quibus amorì pariter & admirationi erat, & eius cum Deo familiaritas, cui magnam dici partem tribuebat, in tractandis hominibus, faciendisque percurtionibus industria. Viget eius memoria non in animis solùm Malacensium, quos arctè sibi deuinxerat, nec in Anglorum, quorum plurimos attraxerat ad fidem, sed in multis etiam congregationibus, quas variis in oppidis coëgit. Impetratum à nostris vt Indos viginti quinque, bello captos, Angli libertate donarent, nostrisque in Fide instituendos relinquerent.

*GADITANVM, ET XERIENSE,
ac Triguersenſe Collegia.*

GADIBVS summa est habita ratio aduenarũ, Commeatus aut commercij causa in portum perpetuò appellentium, vt eorum animis bene fieret, quæ nostra sedulitas felicem vsque eò exitum habuit, vt Hæreticis quoque nonnullis studiũ cultusque Catholicę Fidei sit persuasus. Vtroque autẽ anno susceptis in vicina & lóginqua oppida expeditionibus, nostrę operę copiosis onustæ manipulis reuerterunt. Nostra in æde Xericensi colitur religiosissimè

lissimè ab indigenis Beata Virgo, quam de Papulo vocant, cuius suæ religionis opimam plerumque referunt mercedem. Mulieris mammas teter exedebat cancer, quæ, à medicorum auxiliis prorsus destituta, confugit ad Beatæ Virginis præsidium: cuius lampadis oleo vinctam aciculam cancro ter signum crucis exprimens admouet, statimque illius Fidei respondet euentus; nam sese habere bene cœpit, paullisperque omnino nullo morbi vestigio manente sanata est. Puella in scalas delapsa caput atrociter labefactauerat, quæ à medicis & chirurgis pro mortua derelinquebatur; accurritur ad eandem Virginem; cùm igitur nocte caput sic malè habens medico oleo inungeretur, apparuit puella sequenti die, rei peritis stupore maximo attonitis, reddita omnino sanitati. Haud aliter accidit famulo assiduis febribus laboranti, & præ imbecillitate rationis experti, qui hoc ipso oleo perunctus conualuit.

Anno sequente Hispaniensis Classis in reditu ex India non procul Gadibus adiit præsentissimum naufragij discrimen, vt iam naucleri salutem desperarent, quos noster Sacerdos ad Beati Ignatii opem implorandam adhortatus, protulit eius imaginem, quæ malo affigeretur. Mox circum eam omnes in genua prouoluti voto se adstringunt nudis pedibus adituros ad illius aram, si se naufragio eximeret; quo concepto deferuescere primùm fluctus, mox sedari, & deinde amœnissima redire tranquillitas. Xeriensis nostra Virgo fecit & hoc anno variis ægrotis medicinam ex eius lampade Sacro perun

perunctis oleo. Apud Triguerienses Socios Beatus
 Parens Noster suam opem exposcentibus non pau-
 cis à Febrium vexatione quietem impertinit.

A S T I G I E N S E , C A Z O R L A N V M , E T
Vvedense Collegia.

EX Cazorlanis Sociis Pater Paullus De Villa
 alta feliciter cursum vitę, anno tricesimo quar-
 to ætatis, absoluit, Vota quattuor Professus, vit-
 quidem propter indolis bonitatem, quam admo-
 dum utiliter ad Societatis referebat functiones,
 omnibus amabilis. Quemdam collectum multis
 annis scelerum pondus grauissimè premebat, dum
 exonerare cupit, molesta eum desperationis incur-
 sat cogitatio. Implorat ille Dei Matrem, interim
 grato sopore corripitur, videre sibi visus est Ange-
 lum, qui ad bene sperandum hortaretur, & ut adi-
 ret ad nostrum Collegium, erat autem aduena, vbi
 apud Ministrum Collegij sarcinam deponeret. Tū
 expergiscitur cum pauore, sine mora venit ad nos,
 Ministrum offendit, eiꝛue magna sua voluptate
 patefacit omnem conscientiam. Vvedenses nostri
 vicina oppida obierunt cum singulari eorum fru-
 ctu, sed præcipua excursio complexa est Obulcum,
 vetus oppidum, & bene frequens, cuius operæ
 maxima pars ad eius oppidi vniuersum Clerum
 pertinuit, cuius bene multi generali Confessio-
 ne lustrati sunt. Quod nossent in se non pauca nec
 leuia reprehendi, cupierunt eorum mentionem
 non

non inferri publicè, sed de iis haberi ad se simul coactos priuatas allocutiones; quæ ratio nostris visa est æquissima, quam & amplexi sunt magno Clericorum gaudio, & ipsorum ingenti emolumento. Altero deinde anno Cazorlensis Familiæ Sacerdos Illiturgim adiit exercendarum functionũ nostrarum gratia, vbi tantò fructuosior nauata est opera, quòd Illiturgenses pridem sunt nostræ Societatis adsciscendæ studiosissimi.

*FREGENALENSE, GVADIGENSE,
Antiquariense, Accitanumque Collegia.*

FREGENALIM venerat flagitij perpetrãdi vir Nobilis ab sexagesimo inde millario, cùm vidit adeuntem ad se puellam, mira venustate & modestia insignem, quæ ipsum seuerè increpans, tristi vultu hæc diceret; Tunc istud sceleris, cùm, in foro tibi cognito, Patrem N. vnum de nostris appellabat, exhortantem audieris, audeas committere? Perterritus homo, & grauitè dolens conceptum à se facinus, cum magna celeritate ad nos venit imminente iam nocte, Sacerdotem eundem accersit, euentum aperiens ab eo summissè ac enixè petit, vt statim totius anteaactæ vitæ Confessionem suam audiat; res in crastinum differtur, vt opportuniùs curaretur, confessus est, ac deinceps homo in noua vitæ institutione, haud vulgari exemplo, perseuerat. Oppidi cuiusdam princeps femina, Gubernatoris vxor, Societatis haudquaquam
amans,

amans, incredibiles partus dolores triduo iam ferebat, cum votum Sancto Francisco nuncupatum sui fetus eidem deuouendi per angustias instaurasset, nihilque promoueret, Beati tandem Parentis Ignatij effigiem à nobis petitam sibi applicans puerum incolumem edidit. Parens omnesque propinqui euentum admirati, Beatum Ignatium votiuus donis ornandum, eiusque nomine appellandum infantem decernunt. Antiquarienses Socij duos Agarenos, domi studiosè institutos, Christianis documentis Ecclesiæ lustrandos Baptismo tradiderunt. Sequenti anno Mahumetanæ sectæ terna capita iidem Socij Christo adiunxerunt. Apud Accitanos Sacerdotem eò impulit inopia & avaritia, ut se totum Dæmoni mancipandum offerret, si eius opera ducentos aureos acciperet. Dæmon ad hæc, cum primùm Sacerdos per schedam sibi erit deuotus pecuniam numeraturum respondet. Stat fœderi Sacerdos, Dæmon verò accepta schedula, nec pecuniam soluit, nec ei visus est ampliùs. Ad hunc Sacerdotem, triennium iam Dæmoni adstrictum, accedit ignara Latinæ linguæ pia femina, eique re uti gesta erat explanans Latinis verbis, suadet, ut ab eo statu receptum sibi quærat. Rei nouitate perculsus in nostrum se Collegium statim recepit, ubi, re tota vni ex Sociis patefacta, per totius antea vitæ Confessionem animum expiauit.

MISSIO IN FORTVNATAS

Insulas.

SACERDOTES tres de Societate, assumpto Fratre vno Adiutore, in Fortunatas Insulas designatum ipsarum Episcopum, eius rogatu, sunt consecuti, qui anno huius sæculi decimo tertio ab Hispalî soluentes, Aprili mense, die septimo in Canariam, Insularum maximam, ad eiusque Insulæ urbem principem Palmarîâ, à palmarum frequentia dictam, appulsi sunt. Numerantur Insulæ septem, Magna Canaria, Ferraria, Fortisventura, Gomera, Teneriffe, Palma, Lanzasotte, quarum situs is occurrit ex Hispania venientibus, ut prima omnium sit, quam postremam nominauimus, & vltima quam primâ: cæteræ aut mediæ sint inter has duas; aut ad dextrum latus. Prouinciâ illustrandarum Insularum ita sunt partiti Patres, ut qui cæteris præesset, in Canaria subsisteret cû Adiutore Fratre, reliqui duo sex alias insulas, aliam ex alia, obsecundas susciperent. Ratio excolendæ Canariæ fuit, ut matutinæ vespertinæque conciones aut continuarentur, aut essent admodum frequentes, nec omitterentur pueriles Catecheses; certæ diei horæ tribuebantur grauium difficultatum explicandis nodis, cuiusmodi multa incidebant in vrbe principibus de Clero, Nobilitate, ac Foro, frequentissima: instituta recens Mariana Sodalitas, præceptis imbuebatur, quique in eam allegendi essent, comparabantur idoneis ad eius normam institutis: cæ

verò cum paucis diebus centum & quinquaginta facta esset capitum, in quibus censeretur ipse summus Insularis Prouinciæ Prætor, omniumque Ordinum primarij plerique viri, non poterat ea procuratio nõ valdè occupatum habere Patrem. Principibus huiusmodi hominibus, quorum ex recta disciplina penderet publicæ rei status, affirmandæ solidiùs ipsorum religioni erga Deum, informandisque sanctiùs moribus, commentationes Diuinarum rerum tradere aggressus Pater, quod res bellè procederet, eo contentiùs, & assiduitate maiore negotium vrgebat, cuius fructus vberius postea in multos funderentur. Muneribus porrò quæ multa & ampla mitterentur penitùs abstinuit noster, vt nec esculenti nec poculenti quidpiam vnquam admitteret. Lautius quiddam vir præpotens cum aliquando misisset, vitandæ offensionis gratia noluit remittere; sed nunciari iussit, vt eius bona venia, opsonium delicatius ferretur ad Nosodochiũ, quod libenter ille annuit, abstinentiam nostri demiratus, quam deinde tota vrbe, multo cum præconio, euulgauit. Natrabant intereà Patri Canarienses quamplurimi, se pridem ardentibus precibus, ieiunio, lacrymis, clementiam Numinis obtestatos, summitteret aliquem facturum pessimè affectis animis suis medicinam, quo cum tràquilla mente ac fidenter intima pectoris communicarent: fuere autem, qui sexaginta ipsos annos continentes, alij quinquaginta, triginta, viginti in eiusmodi votis transegerint; quorum facti compotes, incredibili lætitiâ Deo, Patribus, ac ipsis sibi gratulabantur.

labantur. Optimatum nonnullus admirandam mutationem morum in tota vna Insula obseruauerat, cuius rei mentio cùm incideret, inusitatis exultabat gaudiis, & mera se prodigia vidisse multis cum lacrymis affirmabat. Is autem erat vulgo sermo in ore omnium, hætenus se nescisse quam essent Fortunatæ Insulæ, nunc verò se opera nostrorum, ingentibus suis commodis, eius appellationis didicisse rationem, experimentoque comprobasse. Vili sunt sæpenumero grandi natu, & canis venerandi senes, prouoluti ad nostrorum pedes, multo cum fletu & lacrymis, per Deum, & sacra quæque obtestantes, si salutem sitirent animorum, si laborum asperitatem in Dei causa consecrarentur, ne alibi Iaponios & Sinas, Peruanos & Brasilos, quàm in Fortunatarum agro malè fortunato exquiterent: videte per Deum, ne nos vestra præsentia & cura destitutos coniiciatis in tristem illam omnium præsidiorum solitudinem, in qua tamdiu obtorpuimus; possumus de nobis hoc nobis polliceri, & vobis recipere, dum aderitis, facile nos leuioribus etiam noxis vacaturos, absentibus autem vobis sperare nihil possumus. Æthiopum ingens est numerus totis his Insulis, quorum pueritiâ Frater noster Catechesi cùm imbuisset, habebat valdè docilem, & ad omne genus virtutis propensam, quam iubebat obuios Sacerdotes impensè venerari, & postulare ab eis osculandam manum, in quo ei simplex illa ætas parebat diligenter, cùmque per illud officium ab nonnullis Ecclesiasticis parum vrbani pueri alapis caderentur,

tur, & magister præciperet alteram malam obuertere, obuertebant tranquillis animis magno stupore spectantium. Exstiteret in omni genere profligandi flagitij exempla pæne infinita, sed illustria nonnulla ponemus duntaxat, vnde fiat coniectura cæterorum. De primaria Nobilitate vir perditissimis moribus, ad cæteram vitæ turpitudinem id adiecerat, vt repudiata vxore pellicem adscisceret, publicæque domi iam haberet multos annos, Episcopo, & cæteris proceribus annitentibus omni conatu, vt eum à flagitio & offensione deduce-
rent, sed irrita omnium opera. Noster igitur hunc hominem omni officiorum genere ita sibi conciliat, multis vt hebdomadis mentionem non iniiceret concubinæ; quodam verò die sub vesperam, eum inducit secum in conuentum piorum hominū flagellis terga cædentium, in ipso autem verberum ardore, contenta voce Pater exclamat, Brevis vita, certa mors, æternum supplicium. Præterquam quòd immanis plagarum tergo incussarum crepitus audientis ferum licèt animum emollierat, horrenda Patris vox, quam is deinde asseruit prætulisse sibi extremi iudicij ferale carmen, sic hominem conterritum, vt sui compos non esset. Adiit ad eum postea Pater; iam apertè loquitur, hortatur ad Confessionem; facit optionē Sacerdotis quem maximè velit; dat ille manus, expiatur, exigit pellicem, coniugem recipit, viuit cum ea concordissimè, totus est in religiosarum actionum muneribus. Mulier obstinauerat animum non aperire flagitium in Confessione, & quidem iam ter vt desperata

ſperata eius vita ſacro inuncta oleo, atque ipſo etiam ſceleris conſcio ſummittente ad eam Confeſſarium, cui mulieris crimen retexiſſet, quod ipſa obtegere inſtitit præfractiſſimè. Intereà enixè ſupplex erat Dei Matri, vt eius opera mitteretur aliquid ſibi notus, cui ea nihil eſſet celatura: quæ vt nouit noſtros ad Inſulas applicuiſſe nauem, ingeminauit preces, vt eos ſuum in oppidum Deus deſtinaret, quibus eò appulſis, vnum eorum mox adit, ſimul dolore, ſimul gaudio tota lacrymis colliqueſcens, ſummòque ſtudio animum Confeſſione procurat, nec deinde finem facit Beatæ Virginis benignitatem prædicare, quæ ſibi magnis quidem officiis demeruerat, non iis tamen quibus tantum boni ſe ſperaret imperturam.

Alij duo Patres, cæteras Inſulas percurrentes, deprehendere primùm de Fortunatis Inſulis fabuloſiſſima eſſe quondam prodita Græcorum Scriptorum vaniſſimis commentariis: nam earum Inſularum plerique nihil eſt infecundius, nihil deſertius, nihil aridius; quibus autem ineſt ſoli bonitas quædam non prorsus aliena Fortunatarum nomine, eadem quoque ſparſæ ſunt quibuſdam regionum tractibus planè incultis, vaſtis, & aſperis. Inſularium fermè victus ac veſtitus, rectum, & res familiaris eſt, quæ eſſe ſolet egentiffimorum hominum, niſi ſicubi urbium frequentia, negotiatio, ſoli amœnitas lautiora præbet incolis cultus & vitæ ſubſidia. Ipſi certè Palmaræ, non Inſulæ modò Canarienſis, ſed Inſularum omnium urbi nobiliſ-

simæ, circumiecta sunt oppidula plurima omnibus humanæ vitæ præsiidiis propemodum destituta. Deinde Sacerdotum incredibilis paucitas, eorum saltem, quibus cordi sit aliena salus, indigenis affert incomparabilem sacrarum rerum ignoratiam; ut si nostri sibi nollent indulgere, patentissimum nacti essent campum industriæ in multos annos negotiosissimè exercendæ. Cæterum est indigenarum Canarinorum indoles ad disciplinam idonea; cuius ab Insulæ oppidanis initium fecere sementis Diuinæ iaciendæ duo Patres, duobus aliis Palmarix residentibus. Antè verò quàm Canaria egredirentur, tentarunt aditum cuiusdam oppidi, eorum instituto valdè opportuni, de quorum aduentu cùm esset nunciatum, Instituti Religiosi vir pro concione in nostros est inuectus asperè; alius quidam in circulis cœpit nobis credrius & acerbius maledicere. Hic cùm perseueraret, in ipso flagitio grauitè in capite læsus est imprudentia pueri saxum emittentis temerè, quam Diuinæ ultionis esse animaduersionem omnes conscij asseuerarunt. Inde Cœnobita ille factus cautior, assumpto teste vno ex oppidanorum proceribus, procubuit deinde ad Patrum genua, & poposcit contumeliosè dictorum veniam, multamque postea semper erga nos adhibuit beneuolentiam. Tamen quoniam hæserant in oppidanorum animis iactata in nos petulantius, inde ad Episcopum missa est legatio ciuium honoratorum, qui peterent, ne Antistes in suum oppidum destinaret alterius instituti Religiosos homines, quàm cuiusmodi iam haberent. Hærente,

pro

propterea Episcopo , vrgent nostri vt sinantur eo venire suo periculo , expressaque tandem venias, eò deducuntur à Palmariensi primario viro. Telde oppidi nomen est in Canaria , solo amœnissimo, hortis & vinetis vndique obsitum , pulcherrimis conditum ædificiis : vbi nostri quattuor dies pænè siluerunt, sed habitis Dominico die concionibus manè ac vesperi, mox Senatum vniuersum ita sibi demeruerè , vt totus ille conuentus cum familiis ad Confessionis officium vltro se offerret , quem illico reliqui oppidani consequerentur in eodem munere. Ex oppido postea proficiscentibus nostris, quantumuis repugnantibus , dedere se longinquæ viæ comites Prætor ac triginta equites , Patrum discessum , vt suam orbitatem, multo fletu prosequentes. Sed vt paucis multa complectamur in re prope infinita , hi duo Patres septem mensibus totis , non die non nocte vacationem ab contento labore nacti sunt, nisi quantum necesse modico cibo ac somno esset , Diuinisque perpetrandis. Qua operæ assiduitate ac contentione peragratis omnibus Insulis , omnium indigenarum animis erga nos ingeneratum est studium eiusmodi , vt nostro decessu dolerent acerbissimè, cupidissimè reditum postularent : Palmarienses autem seridè inirent rationem instituendi sua in vrbe Collegij Societatis. Quod verò Patribus præfinitum esset expeditionis tempus, & Præsidum eos litteræ ad se aduocabant , proficiscendum eis fuit , de quorum egregia virtute , fructuosissimisque laboribus perscribere Magistratus earum Insularum , virique pri-

marij, non litteras modò commendationis honorificentissimæ, sed integros propemodum rerum bene gestarum commentarios: & actiones gratiarum, luculentissimas ad

Societatis in Bætica

Præsides.



PRO



PROVINCIA SARDINIA.



DOMICILIA quinque, ipsisque circum-
iectum agrum, coluere primo anno Socij
centum septuaginta quattuor, altero res illa
amplius; hoc transcripti in cælum decem, adscri-
pti ad nostrum numerum quattuordecim; illo ad-
missi undecim, vnus amissus.

SASSARITANVM COLLEGIVM.

CAROLVS Falconerius, Lycienſis, rei do-
mesticæ Adiutor, annos natus quadraginta
obiit, quorum dimidiũ egerat inter nos in assidujs
vigilijs ac laboribus. Illud in eo admirabile & imi-
tabile spectabatur; orij declinatio tam exacta, vt
priori quandoque fractus labore, pro quiete ad al-
lium statim accingeretur, sollicitato ad id enixius
Superiore, vt alteri negotio adhiberetur, gemina
palma, & obedientiæ, & fortis operæ simul insi-
gnis. Missionum continentes ferè labores fuerunt,

& messis non modica, quibusdam verò locis prodigia concionum vtilitatem comprobarunt. Quidam audita concione, consilium inierat vitæ sanctioris, cui noctu in lecto vigilantibus oblatum est elegantius forma iuuenis, multo splendore radians, qui se ita compellaret; Heus tu, audisti n' Sacerdotis illius nuper concionem; quòd si audieris, ne quæso patiare iactum semen tuo in pectore, ut hactenus, interire. An forte illius criminis, id autem disertè designabat, oblitus es, quod quindecim abhinc annis admissum, Confessione tamen, ô miser, expiasti numquam. Quin tu nunc posito alieno pudore Sacerdotis pedibus aduolutus, veniam à Deo efflagitas? quid cunctaris? Nec plura cælo missus adolescens: tum verò dolens ille vir neglectum ab se officium in re tanta, vix orto sole ad Sacerdotem nostrum expiaturus animum aduolat. Vir primarius à plebeio homine violatus colapho ante biennium, alebat odium, & aduersarij aspectum declinabat; ex auditis tamen Concionibus eo usque profecit, ut procurato animo per Sacramenta, festo die, sub concionem in æde sacra, spectantibus ciuibz hominem ad se aduocat, suauiter amplectitur, testatus Christi causâ pro veteri similitudine omnem in posterum beneuolentiam.

Altero anno Pater Ioannes Barba, Sassarensis, ætate ac ingenio florens, concionator egregius, ab recondita doctrina, & oratoria facultate, quam editis scriptis celebrarat, in primis clarus, ætatis anno tricesimo & altero, sic occubuit, ut omnes huiusmodi dotes vna plaga extinctas eius ciues
non

non mediocriter ingemuerint. Neque enim Patet speciosa quædam, ad magni nominis umbram, sed utilia, & ad mores potius attinentia in Concionem afferebat, ut meritò illius obitus tam externis quàm domesticis fuerit luctuosus. Federicus Vitalis, in Apulia natus, domesticæ rei Adiutor, vnum & quinquaginta natus annos, quorum alteram ex æquo partem in Societate vixerat, in munere præsertim Æditi summo cum studio ac diligentia: Cosinus Maringius, Sardus, item Adiutor, Fabrilis lapidaræ petitiſſimus, positis annis viginti exſtruendo nobis ædificio: ac Marcus denique Pugionius, ſexaginta & ſex annorum, operæ domesticæ gnauus adminiſter, felici clauſula vitam terminarunt. Oppidi cuiusdam ciues in geminas factiones diſtraxerant vetera procerum quorundam odia, & quidem annos iam quattuordecim; contigit autem, uti per Bacchanaliorum licentiam eorum nonnulli prodirent armati, quibus animaduerſis vniuerſum oppidum velut dato ſigno ad arma conuolauit, & iam ſtabat vtraque acies ad conflictum parata ſub vesperam. Interea Sacerdos noſter ignarus ſeditionis, eò properabat, quem ex itinere multi retrahere conati ſunt in ſuas ædes hoſpitij nomine, quòd via longior videretur, quàm eò poſſet pertingere. Vrgente tamen occulto quodam inſtinctu Numinis, quod aliàs facturus non eſſet, beneuolentiſſimis hominibus oblatum hoſpitium præciſè admodum renunciavit, ſuumque iter inſtitit vehementiùs concitare. Ut pagum attingit, omnes regiones armatorum globis obſeſſas
depre

deprehendit, obuertas contrarias acies ad prælium expeditas & instructas, vt præsentissimum exitium oppido immineret. Irruit ergo in conferta agmina eques, seque inter infesta tela, ausu non humano, medium inserit; cuius repentino aspectu, verbis, & præsentia perculsi animi euestigio, summa quiete ac silentio domos repetunt, mussitante nemine. Arma quidem, non odia tamen, exuunt, vt postera die semel iterumque ad arma concurreretur, sed interueniente Patre omnia mox sedata, cuius opera pænè iam compositis rebus, tertio concurritur, sed priùs intercedentibus nostris, quàm vulnus cuiquam intentaretur, vbi obiurgatione accepti liberaliùs, patiuntur se tandem in templum induci, ad quos facta verba pro conditione rei, feros animos ita demitigarunt, vt, ipso in loco positis simultatibus, ad reconciliatæ gratiæ indices amplexus derepente omnes conuolarent, tanta voluptate Cleri ac reliquorum oppidanorum, vt festo æris Campani crepitu, & sollemni cantico Numini haberetur gratulatio.

SASSARITANVM SEMINARIVM.

ARBORENSIS Archiepiscopus, præter vicena librarum millia, Sassarenfi Collegio augendo attributa, Seminario constituto ter mille librarum annuis vectigalibus, eius nobis administrationem, pro sua in Societatem beneuolentia, concredidit, quam vt illustriùs proderet, splendidum

dum Gymnasium iam penè affectum, veteribus benefactis adiunxit. Alumnorum bene amplam copiam Seminario suo destinavit, quoque suum beneficium latiùs pateat, ex variis Sardiniae locis, ac nonnullos etiam ex Corsica legendos edixit. Ei regendo Seminario septem de nostris præfecti sunt, Rector, Procurator, Confessarius, quaternique alij disciplinam & litteras curaturi. Huius instituti verberem lætamque frugem sibi gratulantur omnes Insulares Sardi, & cò adspirant vehementiùs, ut tam salubri educatione sui impertiantur liberi; & fuit Eques Nobilis Sassarensis, qui aureorum sex millia legarit Seminario, ut de suis propinquis sex pueri deinceps perpetuò educerentur in eius alumnorum contubernio.

CALARITANVM COLLEGIVM, ET
Probationis Domus.

MONSERRATVS Rouello, Musci Satriapa, Societatis amantissimus, eiusdémque firmissimum præsidium, singularis in eam benevolentiae geminum in morte documentum hoc anno, cum popularium suorum Sardorum res præclare gestas, quas accuratissimo complexus esset commentario, edendas, si nobis ita videretur, huic Collegio tradidit, insuper sex millium voluminum exquisitissimorum Bibliothecam, grandi pretio ab se conflatam, testamenti tabulis eidem huic Familiae legavit. Puellam decem annorum, quæ
præceps

præceps è fenestris in substratum pavementū delapsa, caput propemodum comminuerat, cū chirurgi grauitate vulnerum territi non auderent curationi manum admouere, Beatus Ignatius incolumem præstitit. Eius puellæ heræ, religiosa in primis mulier, medicorum ope destituta, primò sigillum Beati Patris effigie impressum, capiti pessimè affecto alligat; deinde sibi oleum ex eiusdem Patriæ lucenæ lampade afferri iubet, quo magna fide, adiunctis etiam precibus, semimortuæ caput & pectus inungit, tum derepentè fluxus supprimitur cruoris, puella redit ad seipsam, heræque atque adstantes incipit agnoscere: postridie aduocati medici iubentur inspicere, ecquis reliquus sit curationi locus; caluariam attrectant, quam pridie nulla parte cohærentem senserant, nunc verò sanam integramque deprehendunt; quo euentu obstupefacti, prodigium adesse pronunciant, heræ suam saluam gratantur ancillam, ac mirè læti abeunt.

Insequente anno ad Concionum munus in Póntificio templo gerendum sumus reuocati, vnde proximo biennio quorundam maleuolentia & calumniis excideramus, quorum ingenio perspecto Antistes ab eorum sententia sibi putauit esse discedendum, nostrosque Aduentus & Quadragesimæ sollemnibus Concionibus in sua æde præfecit, tota nobis plausum dante ciuitate. Iulianus Serra, Sassarensis, de hac Familia vnus decessit, ingenio, pietate, Instituti sui accuratissima obseruatione insignis adolescens, vndarum impetu abreptus, dum, Sacerdoti datus viæ comes, obuium flumen traiceret,

ceret, graui oppidanorum mœrore, quos congregatus comitate deuinctos egregiè ad pietatem informabat: sed Clericis in primis carus, quibus noturnam in æde sacra diuerberationem hebdomadariam persuaferat. Summopere semper abhorruit ab iis sermonibus, vbi Sociorum existimatio tantillum perstringeretur, vt mox rubore suffusus è corona loquentium se subtraheret, si quæ huius generis verba cuipiam exciderent. Hunc secutus Sacerdos, item iuuenis, Pater Iulianus Fadda, quem tantisper ab studiorum contentione vacante, Quadragesimæ diebus, excolendis paganis adhibitum, incitatissimus alienæ salutis procurandæ ardor còprouexit, vt letalem sibi morbum accerferet, qui annua vexatione hominem conficeret, multiplicumque virtutum ei præbita materia, meritis clarissimum in cælos eueheret. Leonardus Pòducus, Sardus, hunc exceptit, lenta consumtus phthisi, ingentibus relictis, per diuturnam ægrotationem, animi planè Religiosi argumentis. Quartus & postremus excessit è viuis Pater Gabriel de Campo, Hispanus, Vota quattuor professus, in concionibus habendis versatus diutissimè, in Societate verò annis vndequadraginta. Æstuabat Diuinæ gloriæ promouendæ flagrantissimo studio. Amor in B. Virginē spirabat singulari iunctus pietate, in eius Concionibus, scripture, sermone familiari, cuius ardorem iis, quibuscum ageret, instillabat. Aliquot menses ante obitum phrenitide occupatus, sæpe animaduersus veluti cum Dæmone contendere de animi sui statu; sed remisit deinde illa
mentis

mentis alienatio , vt quàm tranquillissimè morte defungeretur.

Expeditionum susceptarum ab Tirocinij Patribus in varia oppida constitit & præsens fructus singularis , & eius in posterum continuandi spes laud vulgaris. Apud Galtellinenses nostro Concionibus habente, in Crucifixo, prodigiis iam pridem perillustri, se ostendit inusitati moris portentum. Sub ipsam rem sacrâ, die Inuentæ Cruci sacro, cœpit illud Christi Domini simulacrum multo cruore diffluere membris totis , vt obstupescerent, qui spectaculo intererant. Noster ubi primùm de re prodigiosa nuncium accepit , dedit operam, vt interposita Magistratus auctoritate , qui miraculo adfuerant , iurati profiterentur , quod eis esset compertum, eorumque testimonium in publicas tabulas referretur. Hoc & sequenti quoque anno variis excursionibus intus instituta sunt frequentissima Sodalitia totis pagis, oppidisque, quorum ex rectissima disciplina, & multo virtutum usu, in reliquos indigenarum conuentus, vt ex sanctitatis seminariis, rectè viuendi præcepta deriuarentur.

*ECCLESIENSE COLLEGIVM,
& Alguerense.*

ECCLSIENSIVM Sociorum opera extra urbem fuit multorum animis perquàm opportuna fructuosâque. Quodam loco in fratris vxore

ram iniquo erat animo aliquis, vt nec fratrem etiā alloqueretur, aut videret. Sed Patris nostri hortatu ita vehementer ad inuisā nuper mulieris amorem est accensus, vt eius impetu quodam actus, ne salute quidem dicta nostris, ab eorum colloquio digressus, ad fratris & coniugis pedes aduolueretur, ac veniā postularet præteritæ simultatis. Inde gloriosum per eos pagos, Societatis nomen euulgatum est, & laborū fructus exstitit tam illustris, vt Parochus, homo haud vulgaris, asserere non dubitaret, binas sibi singulis annis sufficere nostrorum conciones, ad rectam pacatamque sui gregis gubernationem. Sequens annus infestus prope modum vniuersæ Familiæ fuit, Sociis aduersa valetudine retatis, quibus deinde recreatis de morbo, vnus Rector, Pater Baltasar Saquello, Sardus, morbo concessit, eodem planè recurrente die, quo tricesimo quinto ab hinc anno, in Societatem venerat. Erat vir miræ suauitatis, qua subditorum sibi animos conciliaret magnopere. Ecclesienses homines ita sibi deuinxerat, vt eius præsentia gestire tota ciuitas videretur.

Alguerenses Patres concionibus habendis suæ contentionis illustria tulerunt nec pauca præmia. Sex annos vnus experts confessionis excubabat in occasionem inimici occupandi, quem è medio tolleret, mox deinde ad Confessarij prouolurus pedes: sed audita de hoc argumento Sacerdotis nostri concione, ab scelerato consilio desciuit. Alius inimicos ad ianuam intento arcu præstolabatur, quos de sua nece agētes audiebat: tum verò redeū-

tibus in mētem quibusdam Concionatoris nostri verbis, detento arcu inde abscessit. Inimicitias mutuas duo exercentes, fortuitò alter alteri occurrunt in aperto loco, conserendis manibus, vbi hic illius impetum occupaturus videbatur: sed dexteram vterque continuit, & in mitissima erumpens verba, ad demitigandum aduersarium composita, præsens periculum in concordia, ac beneuolentia suscitanda occasione conuerterunt. Rogatus postea vterque, quodnam frenum tam ferocibus animis iniectum esset, nullum aliud respondent, quàm ab Concionatore intentatas minas, & incussa iacula, in simultatum auctores, & iniuriarum memores. Altero anno interiit Pater Ioannes Baptista Stephaninus, anno ætatis tricesimo quarto, decimo septimo ab inita Societate, qui principes huius insulæ vrbes concionibus excoluerat, non minùs exemplo, quàm verbo potens. Nefandum scelus quidam animo agitabat, eodemque tempore ingressus nostram ædem, incidit in Sacerdotem, qui Diuinam Hostiam supra caput adorandam attolleret, in qua vidit Christum affixum cruci, & densa obtectum nube. Horruit viso tam inusitato percussus, & suum detestatus consilium, vix absoluto sacro, accidit ad pedes Confessarij.



PROVINCIA

P E R V A N A.



N V N C octoginta septem, nunc septuaginta octo Socij supra trecentos occupauerunt sedes quindecim in hac tota Prouincia : vndecim priùs desiderati sunt, decem & octo posteriùs; vtroque anno vndesexaginta in Socios adscripti sunt.

L I M A N V M C O L L E G I V M.

I Oannes de Bazco, rei domesticæ administer, raro humilitatis exemplo, culinam cum exercuisset annis viginti, & alia insuper munera, feliciter obiit. Peruvianus Prorex, cum domum nostram vniuersam summa humanitate lustraret, miratus est maximopere coquinarij instrumenti nitorem incredibilem, multò verò magis Fratris illius sapiens & pium responsum, quòd percontanti sibi, quò spectaret tanta mundities in culinaria suppellectile, is retulisset, vt sibi ex ea opera quæreretur tanto maior cum Deo familiaritas. Ex eo responso

V u 2 cœpit

cœpit Prorex ita virtutis desiderio commoueri, vt longè aliam vitæ rationem inire statuerit. Deinceps verò quoties Frater ille ipsi venisset in conspectum dicebat, augustum nescio quid sibi ante oculos obuersatum. Ianitoris munus exercuit non approbatione modò, sed summa quoque omnium admiratione, vt cæterorum ministeriorum curatoribus imitandum Præsides perpetuò proponerent. Res difficillimas, quas attigissent alij, effecisset nemo, precibus ille ad Deum fuis, corporisque macerationibus, ingenti omnium stupore perfectas sæpissimè reddidit. Huius obitum mox est consecutus decessus Patris Stephani Paëz, Hispani, quadraginta quinque annos in Societate versati, quibus pane totis Præsidem in ea egit summa cū laude, nam aut certæ Familiæ, aut Prouinciæ alicui cum ordinario extraordinariove imperio præfuit. Eius in gubernatione grauis suauitas mirum quàm ei obnoxios omnium Sociorum animos reddiderit, quàm felicem eius omnem administrationem fecerit. Apud omnes viros cuiuscumque Ordinis principes sapientiæ ac virtutis inusitatæ commendatio eum posuerat in summa gratia, quā non vteretur, nisi vel ipsorū res, vel Diuinus cultus exigeret, veluti cū alicuius imminēs lapsus illorū occupatus beneficētia prohiberi poterat. Ei mortuo cū parentaretur, femina sanctitatis opinione celebris supra ipsam aram à Beato Ignatio processum obuiam, & summa exceptum gratulatione postea narrauit, illudque visum ab se præsentē, spectanteque liquidò obseruatum

natum asseruit. Eodem die iusta soluta sunt Fratri nostro Petro Vrdambra, Limensi, ætatis anno vicesimo secundo, quinto ex quo factus erat Socius, qui sex menses febris iactatus, doloribus, quos summa constantia toleraret, defunctus maximis, de vitæ huius statione decessit. Iuuenis hic naturæ concessit, verum Pater Antonius González, Zamorensis: Pater Ioannes de León, Salmanticensis: Confalvus Bellomontanus: Petrus de Salazar, Cordubensis, naturam satietate viuendi expleuisse videntur, qui octogenarij obiere, omnes insigni florentes laude pietatis. Salazario illud mirandum obrigit, ut cum priuatim oraret, animoque cogitaret beatorum sedes, Angelos audire fidibus canentes, quos augusta specie secute Virgines, quæ rogarét: Numquid vellet. Estne cordi, inquit Barbarâ, quam de facie ac nomine illico notuit, in cælum proficisci, vbi placidissima quies, & vita viget sempiterna? Est fanè cordi, respondit, ut nihil magis: tantis scilicet huius ætumnosæ vitæ defungi periculis. Paulo post in morbum incidit, satis vehementer, diuque ægrotauit, deinde virgente malo, die Barbaræ Virginis sacro; ut ipsa promiserat, feliciter occubuit. Chinchachanis populis, qui à fide defecerant; ad Christiana sacra reuocandis; diutissime occupati Patres quattuor eulcerunt, ut ab sacrilegio suo deficerent. Quia in procuratione Pater Benedictus Arroio laborum magnitudine, ac pestilenti afflatu confectus, interiit. In oram Quibi duo de Sociis missi vim Barbarorum ingentem ad Christum

traduxere, vbi acres aduersarios habuerunt Religionū Antistites, qui Dæmonis instinctu nefariz eius gentis sacra ijs maximè diebus celebrāt, quos Ecclesia in primis sollemnes habet. Præbent aures confitenti populo, quem adeò dementant, vt is eos loco parentum habeat, & omnem eis adhibeat venerationem.

Anno insequente Hispanus genere nobilis, de cuius salute conclamatum erat medicis, cū Congregationi nomen dare, si conualesceret, apud se firmiter decreuisset, statim & ex insperato conuuluit. Alter nobilitate non inferior, sed parum Religiosus ac pius, vt Sodalibus se adscribi permetteret semel & iterum rogatus, Dominica quadam die concionem auditurus ædes nostras adiuit, quo tempore Sodales ingredientiæ facellum nomina notabant in tabella. Quod illorum studium irridere, vt superuacaneum, cœpit, & ineptissimum Theatrinorum inuentum appellare, cum petulanti oris sono, motuque corporis inurbano: ac deinde quasi merito offensus pedem referre, ac discedere. Sed non abiuit impunè hominis intempestiua procacitas: nam insequenti nocte in manifesto adulterio deprehensus, traiectus ense, nullis procuratus Sacris, infelicem animam exhalauit. Sub auspiciis Pueri Iesu excitata est Sodalitas Pusionum, quæ iam censeat plures quingentis, quorum plerique vix cunis excesserunt, eo fructu illius ætatis, ea voluptate & approbatione vniuersorum ordinū huius ciuitatis, vt nihil pridem eis ab Societatis industria fuerit iucūdius. Vnum de Fratribus

tribus nostris tam peritum & sedulum huius disciplinæ curatorem & artificem nacta est pueritia, vt quàm ardentem & sollicitè suum munus obeat, admirationeque sui instituti, ac iucundissimarum exercitationum totam ciuitatem rapiat in sua spectacula. Florentissimarum Academicarum dignitates & sollemnia omnia munerum Academicorum non modò sibi adsciuit, sed imitatur etiam tam scienter, venustè, ac grauitè, vt stupore compleat suos auditores: neque sibi potuerit temperare ipse Prorex, quin quasi supplex rogarit, vt ad id spectaculum adhiberetur, vnde tantum solidæ voluptatis hausit, vt magnopere nostris Patribus, ac toti Peruuio gratularetur tam salutare institutum Religionis Christianæ puerilibus animis penitus inculcandæ. Quinis expeditionibus non modica illata est ruina vel palam vel occultè reuiuifcenti Idololatriæ, sed apud Checranos maximè, in Prouincia Limano Antistiti obnoxia, vbi Guacarum mirè luxuriabat adhuc soboles execranda. Guacæ huius gentis vocabulo sunt excelsissima montium, vbi asseruantur Idola, & coluntur, hoc est lapilli, figura hominum, quadrupedum, volatiliū, vel arte, vel natura efformati, quos habent Penatium Deorum loco. In eorum Numinum Religionibus hæ inter cæteras vigent carimonia: gemelli fetus tonitruo geniti putantur: eorum parentes sale, pipere, vsu coniugij totum annum iubentur abstinere: eo vero ritu ipsi gemelli tonitruo, vt germano parenti, consecrantur, quibus eo nomine Iacobi nomen ambitiosius af-

fectatur: Confessionis apud eos mentio vsusque multiplex animaduertitur, & eius ineundæ ritus impendio ridiculus, quî est huiusmodi. Ante lucem conueniunt frequentissimi vastissimam in conuallem, vbi aduersum contuentibus montem obuersatur Antistes Sacrorum, quî mystici cuiusdam lapilli ostentatione Confessionis inchoandæ tempus indicit: hic autem lapillus herbaceo inspersus puluere mox abolendarum noxarum symbolon exprimit. Expleto Confessionum longiore circuitu, procedit Rex Sacrorum cum suo symbolico lapide ad profluentem, in quâ simul lapillum, simul coactum noxarum acervum demergit, sollempni præfatus carmine, abolitas perinde animorum sordes per confessionem fuisse, vti pulvis aspersus lapillo, quem demersum eat, vento diffundus sit, vt penitus euanescat. Eo defunctis piaculo traiectus est in patentissimâ planiciem, vbi cantu, saltu, potu, crapula, libidine omnis generis, Deis suis, ac ipsis sibi expiationis gratulationem liberaliter faciant. Persuadentur hæ gentes Erebo Doctore Confessionis vsum, qui sit Hispanis communis, alteri hominum generi non esse necessarium, Hispanis autem politica quadam necessitate esse impositum: humanum genus non ab Adamo & Eva originem ducere, sed à Guacis, & riuorum capitibus, aut saxis eductos, quibus eo nomine Religiosus cultus debeatur: Mortuorum animos nec Cælo nec Inferis destinari, sed Vpaimarcam, hoc est umbrosam locum petere, per traiectum flumen crinali contex-

tu, vt sublicio ponte, iunctum, vbi ſint cumulan-
di voluptate omnium iucundiſſima. Sexcentæ ſunt
aliæ Tartarei eius ritus ineptiæ quàm fatuiſſimæ,
quas recensere pretium non eſt operæ. In eos im-
miſſi antea fuerant, qui ex legum ſanctionibus ſe-
uerè agerent in Chriſtiani dogmatis olim ſuſcepti
violatores, tetrorum ſcilicet veneficiorum, ac
Idololatriæ compertos, ferro ac flamma graſſati,
haud mediocriter perculerāt animos reliquæ mul-
titudinis. Quæ conſternatio eam nobis aduenien-
tibus multò mitiorem obſequentioremque; immò
& beneuoſentioſiorem fecit, quòd noſſent noſtram
agendi rationem illius ſeueritatis nihil ſecum in-
uehere. Noſtrum ergo aduentū cantu, ſaltatu, plau-
ſuque accipientes illius tractus indigenæ, obuiam
proceſſere multa cum ſignificatione gaudij. Pro-
ximi oppidi incolæ plùs milleni trecenteni om-
nis ætatis ſcleribus expiati, publica diuerberatio-
ne, & huiuſmodi aliis argumentis non paucis,
prætulerunt ingentem interioris animi poenitudi-
nem. Qui prauis moribus corrupiſſent multi-
tudinem, qui ſacrilegi cultus ei ſe magiſtros præ-
buiſſent, priorem pertæſi vitam, ſponte, ac palam
populo, exſecrati ſua culpa inuectam corruptelam
morum ac Religionis, profitebantur eò ſe addu-
ctos avaritiæ ſtudio, auctoresque fiebant adſper-
nandi ab ſe flagitij, quod malè adſciuiſſent: quæ
res docilitatem nobis conciliabat in populo lon-
gè maximam. Dùm hæc fructuoſè ac tranquillè
curamus apud Checranos, Quæſitor ille Capita-
lis, qui ante nos obiuſerat Checranenſem agrum,

versabatur apud Andaxenses, vbi Guacarum, a-
 riolorum, sacrificulorum, cadauerum pro Diis
 habitorum, infinitam vim deprehenderat: non-
 dum tamē idoli omnium sacratissimi. L. Liuecan-
 carchi latebram diu scrutatus explorauerat, do-
 nec à sacrificulis in equuleum sublati expressum
 est, in summo vertice cadauer eius in sacrario de-
 litescere, magnifico cultu corporis insigne. Inde
 promptum illud, & alia virorum insignium in ea
 gente cadauera, ducētenorum ferme annorum, Li-
 mam adsportata cū essent visendi gratia, repor-
 tari placuit ad Andaxenses, vt, Numinibus suis
 carnificis manu in pyra deflagrantibus in foro me-
 dio, ipsi condiscerent, quanti momenti esset in
 ea Diuinitatis inanissima vmbra, quæ se flamma-
 rum iniuriæ non subtraheret. Centum ac septem
 arioli ex vna tantum parœcia pœnitentium habi-
 tu adducti ad excelsum theatrum, spectante indi-
 genarum aut Hispanorum corona ferè quater mil-
 lenum capitum, quò & nos ex Checris sumus
 accersiti, iussique ipsi Quæsitori assidère. Dixit ad
 eam concionem vnus ex Patribus Chectensis Mis-
 sionis, oratione tam varia, vehemente, ple-
 na animi, plena spiritus, vt audientes ocu-
 los pænè corrumperent lacrymarum vbertate.
 Quo ex spectaculo alios videres toto animo ad
 Christianam Religionem sese applicare: alios
 Guacis addictissimos, ne Christi quidem nomen
 ad aurem admittentes, toto vultu iram & contu-
 maciam spirantes, dirissima quæque suis capiti-
 bus imprecari, nisi Guacæ acceptas ab Hispanis

iniurias acerbissimis ac perpetuis suppliciis vlciscerentur. Vanitate porro ariolandi nimio plus confisi, denunciare non verebantur iis, qui ad Christianos transirent, toto anno obductum iri cælorum cataractas, ut omnis perfidorum ager ariditate marcesceret, quod esset pœnarum exordium, quas Guacæ Religionum violatoribus inurerent. Sed ariolorum inanitate luculentiùs patefaciendæ in vulgus, & Andaxarum seu vetustis seu nouitiis Christianis ad alacritatem Fidei maioré erigendis, Deus per eos dies misit largissimū imbrem ipsorum regioni, quo agri copiosissimè irrigarentur. Ad eos verò nostri cupidissimos cum transire per illud tempus non possemus, quoniam tamen nostros flagitabant auidissimè, iniecta est nonnulla spes futuræ propediem apud ipsos missionis. Interea foris decesserunt de nostris aliquot, non leui Prouinciæ huius incommodo: quorum primus Pater Christophorus Ouandus Gezez, in veteri Lusitania ortus, qui Romam Procurator missus, apud Carthaginem Indicam in continenti tentatus periculoso morbo, adhuc æger denuo conscendit, ne occasionem nauigationis amitteret, dumque foeda tempestate laborat classis, febris æstu flagrans, ac ferè siti extinctus, ubi de Auanæ portu cœpit cogitare, triduo quàm Carthagine soluerat, longiore traiectu in cælum trās fretauit. Vir fuit excellētibus dotibus, & ad Societatis tractanda munia cœlesti quodā dono expressus: quod eius in Societate triginta & sex annorum labores eximij apertè ostendunt, quem

amissimus

amissimus quinquagenarium. Eugenius Sanctius, patria Toletanus, Formatus adiutor rei domesticæ, ac comes peregrinationis, comitem se illi præbuit in reditu ad cælestem patriam. Carthagine relictus valetudini firmandæ, nactus deinde navigandi occasionem, Hispaniam vèrsus transmisit ad Sacrum promontorium, in ora Lusitaniæ, vbi cum nautis in scapham desiluit ad terram applicaturus: sed vix ingressi erant, cum resupinata scapha in profundum omnes effudit, quorum nemo existit deinde. Erat annorum quadraginta & sex, & quindecim Procuratorem egerat Professorum Doctum summa Religione. Peregrè quoque cõrigit funus Patris Francisci Berlini; nati Mantuæ Carpetanorum in Hispania, anno quarto & quadagesimo ætatis, & vicesimo sexto ab adepta Societate. Philosophicis, Theologicisque tradendis disciplinis, administrandis Collegiis, expeditiõnibusque obeundis illustre documentũ suæ virtutis dederat. Michael Romenige, Paraquaviensis, adolescens trium annorum in Societate, phthisi correptus dum versatur in studio Logicò, peregrè missus salubrioris aëris gratiâ, feliciter apud montanos occubuit. Domi decēssere, Pater Ludouicus Stella, Cantaber, qui septuaginta è Professorum numero duorum duos supra septuaginta posuerat in Societate. Franciscus Fernandez Nauarræus, externorum operum Formatus Administer, anno vitæ suæ sexagesimo octauo, ætatis actæ in Societate vicesimo sexto. Ille multis ad frugem vitæ rationem traductis, & morbis, doloribusque mole-

Iestis patienter latis : Hic sui abnegatione , extre-
mæ pleuritidis , aliorumque laborum tolerantia
nobilis. Patris quoque Martini Pelaez, huius Col-
legii Rectoris , obitus incidit in hoc tempus, do-
mesticis externisque tristissimus. In Hispania na-
tus, in agro Laminitano , Societatem Toleti am-
plexus est, Diuino quodam viso ad eam, decem
annorum puer, antè aduocatus. Quam vocatio-
nem ex animo cum aboleuisset æstus adolescen-
tiæ, vicesimum primum deinde annum agenti bis
oblata in somnis Pueri Iesu species eadem suavit,
quæ olim, atque nisi suadenti obsequatur, gra-
uissima salutis discrimina ex ætatis conditione
ostendit. Gerit morem imperanti, & in Societa-
tem ingressus, silentij, & alienationis à rebus
mundanis spirantem imaginem cunctis se præber.
In Mexicana deinde Prouincia Rectorem, Magi-
strum Nouitiorum, Prouincialem, Procuratorẽ
Congregationis Romam summa egit cum laude.
Ante annos sex in Peruuium remissus, Cusquensi
ac Limensi postea Collegio præfuit cum omnium
approbatione, atque in hoc vltimo quidem, quat-
tuor modò mensibus, quibus præfedit, omnium
domesticorum voluntates sibi magnopere deuin-
xit. Per morbum se Christus ei visendum dedit
pueri habitu, vnde intellexit sibi migrandum è
vita, quo ex tempore non admisit vllam cogita-
tionem prorogandæ vitæ, ad quam si quis horta-
retur, seipse insinulabat, quòd eam ad diem &
se & sua omnia Diuinæ Prouidentiae non peni-
tus permisisset. Eius funus cohonestarunt optimi
quique

quique, ac Ordines Religiosi nominatim, ipseque Limanus Antistes magna beneuolentiæ ac doloris significatione.

LIMANVM TIROCINIVM.

NOmen Societati dedit Hispanus adolescens, cuius animo idemtidem obuersabatur cogitatio, num satius esset supplicio Crucis affectum Christum sequi, quàm hominum vitia imitando consectari: sed ille, vt hæc recurrerent frequentius, animumque haud leuiter afficerent, aliò tamen curas auertit, iuuenilis ætatis inconstantia. Cùm verò postea in lecto conclamatus iaceret, secundùm quietem videre visus est strata passim mortuorum corpora, ex iis autem, qui ad lectum ipsi aderant numerosa multitudo, subinde non paucos occūbere: audire verò vocē hominis ignoti, qui ex se percontaretur: Ecquid causæ haberet adolescens, cur salutaria suadenti nollet acquiescere. Quo viso, quibusque verbis, adeò est permotus, vt simul atque meliùs paullò habuit, Societatem studiosissimè appetiuerit, ad quam admissus, congruenter illi primo ardori cursum suscepti stadij promouet.

Sequente anno commutauit vitam cum morte Nouitius ille, cuius sinceræ mentis, & ad omnem pietatem propensionis exemplo commilitones reliqui accendebantur, Alphonsus Ouandus, Mellinensis, in Beturia. Fuit hic octo mensium
Tiro,

Tiro, in magna spe frugis lætissimæ repente succisus, septemdecim annos natus, qui ante vnum & alterum ex Hispania aduentarat, & in Beati Martini Collegio apud nostros Latinitatis posuerat Tirocinium. Ibi erat animi, sensuum, ac motuum custodiæ ita imminens, vt eum Collegæ non suspicerent modò, sed vnicum bonarum artium exemplum clamitarent. Eius illud erat indicio, quòd si quando ea lege domum egressuris socium eligendi daretur optio, vt in virtute clariorem eligerent; Quandum vnum, suppresso nomine, sibi comitem dari iudicabant. Huius adolescentis eximias virtutes in Tirocinio demiratus Pater veteranus, satis expertus, ita de eo ad domesticos loquebatur, vt eum nobis breui creptum iri ostenderet, & maturum cælesti mensæ pomum sponte casurum. Alter adolescens de anteacta vita eum stimulante molesta religione, Deum sæpius cum lacrymis precabatur, vt quid se veller fieri, declararet: nec diu factum est, cum nocte per quietē, se Christo è cruce pēdenti à Magna matre præsentem sisti sensit, & eius clientelæ commendari: ac eiusdem Virginis hortatu ad nostrum Ordinem impelli, si quidem absolui cupe-
ret animi angustiis, & humanæ vitæ periculis. Cuius audito consilio, ita institit apud nostros

Præfides, vt admitteretur, & eius ratio ea esse

perseuerat, quæ sit affirmatura im-

missam ab Dei parente

vocationem.

*SEMINARIUM S. MARTINI, ET
Sedes B. Iacobi ad Limam.*

EX Martinianis alumnis centenis ac quinquagenis, seu Philosophiæ, seu Theologiæ dant operam quinquaginta. Emeriti decem in Theatro Philosophico suam eruditionem explorantibus probauerunt. Horum vnus de Academiæ vacua Cathedra dimicantibus sex aduersariis palmam eripuit, ampliùs quingentis suffragiis supra eos ablatis, cum insigni commendatione nostri Seminarij. Tredecim annos huius Collegij alumnus fuerat, cui perquàm grato animo cum sua omnia retulisset accepta, egregiæ voluntatis in illud, ampliùs testificandæ, quidquid sibi mortuo vsquam esset fortunarum, publicis tabulis declarauit ei Collegio se iam tum destinare. Ad Beati Iacobi Sedem non leuiter laboratum, vt indigenis sua Fides facta, testâque conseruaretur, cui occultas insidias collocari à perfidæ mentis hominibus nostri sentiebant: effectum autem est Dei summo beneficio, vt nemo vnus sit adhuc visus ab integritate Christiana defecisse.

CVSCHIENSE, AC POTOSINUM Collegia.

ECVSCHIENSI Familia profecti Socij ad propinqua oppida non modicum terrorem æterno

æternorum suppliciorum inuexere, quod sit maxime potens telum sceleribus ex hominum mente depellendis. Sollemne nostris est in expeditiones prodeuntibus æternos Inferorum cruciatus in tabella depictos circumferre; quibus picturæ explicandis emblematis capiuntur Indi vehementer, & ut abducuntur à vitio per eas descriptiones, ita facile ad virtutem concitantur. Inda Virgo, extra urbem, via deserta, obuium habuit virum deprauatissimis moribus, cuius nequitias olim experta, nunc se destitutam omni humana ope, valdè cœpit horrere, tum implorato Numine, inducit animum fortiter pro castimonix laude propugnare. Ille autem barbarus, ubi precibus ab castissimo pectore nihil extorquet, tam crudeliter eam habet, ut semimortuam relinqueret: cuius allatæ in urbem purissimus animus postquàm Sacramentis est studiosè procuratus, integer hilarusque ad sponsum Christum euolauit. Altero anno crudelissimè grassata pestis est in Cuschienses, quorum non pauciores millibus duobus exstinxit, è Dominicanis autem sedecim, è Franciscanis quattuordecim; nostris reliquis decumbentibus, quattuor integri perstiterunt, qui suam operam in domesticos & externos partirentur quàm opportunissimè. Nihil ab eis prætermissum, quod in ciuium animos corporaque conferri posset auxilij, quod non sedulò adhibuerint, toto oppido à prima aurora diligentissimè lustrando, ut non minùs inuocati, quàm vocati subsidio venirent egentibus. Quattuor denique de nostris seua lue sublati sunt,

quorum nobis opera perquam utilis futura fuerat, nisi aliud Numini visum esset. Pater Ioannes de Alua, Hispanus Metinensis, ab naturæ gratiæque dotibus vir planè insignis, Quamangani Collegij propemodum auctor, cui deinde præsedit summa cum laude. Indigenarum idiomatum, vt Aymara & Quichüi, fuit peritissimus, vt eorum ipse disciplinam institueret, aliosque commodè doceret. Sanctorum verò res gestas eadem lingua complexus, quibus indigenæ iuarentur, propediè prælo destinabat : sed præpropera mors ætatis anno vndequingagesimo, quarto & tricesimo quàm strenuè laborabat in Societate, illum præclarè cœptis auocauit. Pater Petrus de Vedoya, Bæticus Bæzanus, proximè secutus est, cùm ageret quadragessimum quartum vitæ, adeptæque Societatis vicesimum octauum annum. Fuit & hic scientissimus Chiquuani sermonis, vt in eo nemini mortalium cederet, quem solandis ægrotis hilarissime occupatum pestilens afflatus inuasit confecitque. Ioannes de Alua, quem hic Pater socium habuerat in ægrotis procurandis, eundem honestæ mortis & æternorum præmiorum sibi Collegam quoque adiunxit. Antonius de Cardenas, externorum operum industrius exsecutor septimo anno supra octogessimum, postquam septem ac viginti traduxerat, è viuorum numero sublatus est. Extra Familiam mortuus est etiam ex halitu pestifero Christophorus Placa, in ipso itinere, quod iussus iniuerat Cuschio in Iulidem. Hoc eodem anno Chuschiensis Antistes Seminarii ab se re-

cens instituti curam nobis commisit. Potosij homo Hispanus, genere iuxta ac vitis nobilis, cui stupri ganæque lubido inceslerat, multa nocte Collegii Rectorem compellabat, velle se æs alienum grande legitimis dominis restituere, Rectoris adit cubile, quò vbi peruenit, eius pedibus aduolutus Christi Domini exspirantis in cruce simulacrum ostentans, cura sedulò, inquit, ô Pater, hanc animam tot peccatis irretitam Christo vindici per pœnitentiam reddere, quando Societatis præsertim viris animarum cura est commissæ. Metus principio Rectori obiicitur, qui hominem cerneret ferreis catenis arctè constrictum; sed cum sese collegisset, consolantis officio diligenter functus, per Sacramentum Pœnitentiæ hominem in pristinam gratiæ dignitatem vindicauit. Alterum tum inopia, tum deprauati mores sæpius induxerant ad diuitiorum compilandas domos, cui per quietem oblatum est extremi iudicij tribunal, vbi summa frequentia Cælitum Dæmonumque ingentium furtorum conuincebatur, vnus autem de nostris proximè Iudicis tribunal assistens redhibendæ omnis interuersæ pecuniæ obsidem se ipsi præbebat. Non citiùs homo perditus euigilauit, quàm horrendi tribunalis euauit ipsius ex animo memoria. Redintegratur nocturnum illud somnium haud multis inde diebus, & adsunt ei Custos Angelus, & idem ille de nostris, quorum vehemens fuit adhortatio ad meliorem frugem: quam obrem nihil amplius cunctatus ad nos adit in ædem sacram, Sacerdotem illum inter reliquos

facile internoscit, ad eius pedes aduoluitur, & rite expiatus nouum vitæ genus instituit. In excursionibus vtiliter cum multis est opera posita, cum aliis non item: sed nonnullorum contumaciam excepit præsens Numinis ultio. Pellicatu fœdè implicitos Hispanos seriò iampridem admonebat noster Sacerdos, flagitium ab se depellerent, cuiusque apud vulgus non minùs turpem offensionem: sed surdis canebat. Adfuit tandem Numinis vindicta, quæ alterum in agresti casa iacentem fulmine plane conficeret, quo iudicio supplicioque territus alter mox se pellicatus labe absoluit. Inauditam post homines natos deierandi licentiam in Hispano coercere potuerat nostrorum nemo, cum ei Fratrum Adiutorum vnus intrepide ita comminatus est: Futurum sanè auguror, mi homo, repentina te morte à Deo esse multandum. Planè vera fuit prælagitio: incedit enim ferina quædam rabies nequam hominem, vt ipse se multo cum eiulatu vnguibus dentibusque concerperet, cumque duraret aliquantum ea laniena, nemo interim vnus adesset, à quo impii animus posset iuuari.

*AREQUIPANVM ET CHV-
quiabense Collegia.*

INiere à ciuibus non vulgarem gratiam Arequipani Socij, sublati per eos inter Religiosos viros seditionibus, quæ ita exarserant, vt, multis frustra

frustra tentatis, vix locus tranquillitati reliquus
putaretur. Desideratus ex nostris Frater vnus;
Andreas Amadosius, cum aliis virtutibus insignis,
tum paupertatis maxime laudibus, quem Deo vi-
sum est non procuratum Sacramentis, delapsum
in altam tetrae labem, & oppressum terrena sub-
sequente mole, interire. Chuquiabi auxilium no-
stri Sacerdotis deposcebat homo Hispanus, ad
eius prouolutus genua, vti suas noxias aperiret,
quas multo nitens conatu non posset exprimere.
Diu dubitatum est ab nostro num vir ille ab Ca-
codæmone insideretur, qui tanto in nisu eloqui
nihil posset, & rictu præferret insanientis speciē.
Suasus demum à Sacerdote, Mariam intuocaret,
& erogaret in pauperes tot aureos, quot Maria
litteras in suo nomine censeret. Nihil illē cun-
ctatus, promittit aureos quinos, & diuidit, mox-
que illi adfuit expeditissima facultas sua enun-
ciandi peccata. Secundus annus Arequipanis ci-
uibus pestilens, nostris valdè operosus fuit, inter
perpetua funera versantibus, quorum vt esset ad
ægros, inopes præsertim, aditus suauior, copiosè
suppeditauit nostris pius Canonicus, quidquid
esculenti, poculenti, ac medicamentorum necesse
fuit. Eodem anno Chuquiabi pestilentia nobis
abstulit Ildefonsum De Lucra, quattuor mensium
Nouitium, florenti ætate, nondum enim quar-
tum vicesimumque annum egressus erat, sed qui
amore virtutum inter cæteros domesticos emica-
ret, vt non parum pudoris veteranis afferret.
Dum autem vis morborum ciuitatem vrgeret,

mirificè probata est ab omnibus eius in solandis,
& iuuandis ægris industria, pietas, constantiaque.

*CHV QVISACANVM, ET
Gnamangnense Collegia.*

CHuquifacæ indigena, vir coniugatus, decem annos totos Confessionis officium defugerat, ac fere tantumdem vxori esse iniquus perleuerat, pellici turpiter addictus, cuius hominis statum Sacerdos noster cum resciuisset, eum ad Confessionem inuitat, eiusque obeundæ diem indicit. Stripulanti Patri certæ diei Confessionem ille quidem sponderat sibi destinatam, sed promissi deinde pœnitens eam non obseruauit, quin tota vrbe otiosus cum ad satietatem vagatus esset, domum regreditur, cui occurrunt derepentè sex ingentes simij terribimo aspectu ac minaci, quos ponè sequens ageret squalidus homo, facie horrenda, ardentibus oculis, meram spirans crudelitatem, quem Ingarum aliquem esse sibi persuasit, qui olim dominarentur in Péræuios. Euestigii autem iubentur simij ab illo suo magistro pallentem & contabescentem pauore hominem vinculis constringere, adstrictoque acerba flagella incutere, quod liberaliùs etiam faciunt, quam iussi esse viderentur, pessimèque affectum pro deposito miserum relinquunt. Forte vxor abfuerat, quæ domum repetens coniugem humi iacentem, im-

mo emorientem offendit, mox domum nostram reuertitur, Confessarium euocat, qui adsit animam exhalanti. Accurrit noster, & sensibus defectum cum inuenisset, exspectat dum se qua via ostendat, qua iuuari miser valeat, cui cum sensus rediisset, tumescenti atræque linguæ vis defuit ad eloquendum, oculis duntaxat emissitiis circumlustrabat omnia tacitus, valdeque attonito similis, ignarus ubi esset, & simiorum integrato aspectu perculsus supra modum, quod se verteret, planè non habebat. Consilium erat Stygiarum simiarum homini terrores ac desperationis tantum iniicere, ut eo statim inquinatissimum animum rectè in Tartarum abripiendum emitteret: quare si quando intenderet in Crucifixum oculos, circummissæ belluæ atrocissima quæque infelici minabantur. Noster idem tisdem lustrali aqua cubiculum adspergebat: at eò grauioribus terculamentis infestabant ægrum lunæ: donec Sacerdos promtas è theca Beati Patris nostri reliquias ita eius ori applicuit, ut linguam quoque contingeret, Beati suffragium adstantibus interim suppliciter postulantibus, secundum quas preces æger flatum vehementem expirat ex pectore, cuius graueolentia, omni terrior Mephiti, circumstantes procul abegit. Spiritus ille teter eduxerat secum vim animum occupantis Stygij tyranni, sed non vniuersam: detinuerat lingua, vox redierat, rigebāt tamen lunda immodicis plagis bracchia, ut nec erigi, nec colligi ad Crucis signum efformandum valerent: verumtamen ei adnota Beati Patris Lipsana suum

mox calorem, ac deinde vigorem omnem accipiūt. Satis superque documentorum in hac calamitate hauserat, vnde disceret miser, Numini nequaquā illudendum esse; agnouit ingenuè temeritatis impietatisque suæ magnitudinem, cuestigióque purgavit animum ea flagitiorum sentina, quam tota vita collegerat, multa cum detestatione superioris ætatis, sponsioneque melioris frugis in posterum. Chuquisacensi populo ad Religionem ac frequentiam Sacramenti piacularis vehementes stimuli accessere, tum ab contagiosi morbi periculo, circumiectis oppidis ac pagis lue passim laborantibus; tum ab fulgetrorum frequentia & acerbitate, quibus interiere paucis horis quinque hominum capita.

Guamanguæ Hispanus scriba sapius ab nostro Sacerdote inuitatus, vt vel in vita semel Sodali-tium Marianum ingredi ne grauaretur, vt se tandem eius rei mentione omni absoluëret, respondit, scire se ingeniosis hominibus periculi nihil esse ab Tartareis incendiis: ideò sibi, qui esset ingeniosissimus, vt non periclitaretur ex eo capite, ita nihil opus eorum subsidiorum esse, quibus ille casus declinaretur: has ergo nantias reliquo mortalium vulgo esse concinendas, eas verò se iure suo habere habuisseque semper despiciatui: posse quidem se culpa pollui, quæ animum suum Orco addicat, sed prouisas habere animo rationes, quibus, vel sub ipsum exitum è vita, se hoc expediat discrimine. Tam vesanam ac tumidam arrogantiam Deus inultam esse noluit, cùm enim de

via domum rediret, quinque annorum puer contestata voce ipsum inclamabat, caueret sibi ab immanissimo tauro cornibus infestis imminente, ac mox impetituro; quam vocem, ut ab iridente missam, accepit, nec aliud pensi habuit, ea tamen fuit vltimi fati denunciatio, si nequam ille inteligeret, desubito namque in eum morbus inuasit, qui nec opinantem, & imparatissimum exstinxit. Idololatrarum vis ingens ab Sociis Guamanguentibus Christo adiuncta, idoneo & constanti adhibito labore, ut ijs etiam locis, quibus insita est maior obstinatio erga cultus impietatem, fuerint numerosissimi Neophytorum manipuli.

*I V L I D E N S I S, O R U R E N S I S,
& Sancta Crucis sedet.*

Ivlidensium Sociorum fructuosissima operenituit in aduocandis ad Christum ab Ethnica impietate Neophytis, quorum hoc anno salutari-
bus aquis tincti trecenteni quinquageni, præter tricenos ternos ætatis iam prouectæ. Orurensum quoque labor feliciter cecidit erga Indigenas, Hispanosque, sed in eo felicissimè, quod ipsorum hortatu Hispaniensis excellens pietate vii, ut claritudine generis, ac copiis instructissimus, animum liberalissimè adiecit ad exædificandum Xenodochium, quod & sumptibus longè maximis absoluit.

In Iulide sequente anno sæuit admodum pestilentia, vt plus mille capitum vnus mensis exhausserit, qua in procuratione non potuit otiosa esse nostra Familia, quæ, supra cæteram munerum turbam, Parochorum quoque subit omnem administrationem, & ea fuit ipsius sedulitas, vt tanto ex numero nullus non expiatus obiuert, vna dūtaxat excepta muliere, ad quā maturè non sumus vocati. Sed huic mulieri, cū se vrgeri morbo sentiret, singulare adfuit Confessionis desiderium; quando enim, inquit, abest Sacerdos domesticorum ignauia, deponam apud Sanctissimum Ignatium noxarum sarcinam. Facessere domo iubet totam Familiam, & ex suo strato exsiliēs, Ignatij papyraceam imaginem deripit è pariete, procumbensque in genua, dat se totam in lacrymas, Beatoque Ignatio, quasi præsenti, audienti-que, quantum ab vltima pueritia commemuisse potest, noxias omnes exponit. Tum ad eum oratione conuersa, impetra quæso, ait, peccatorum veniam, & mox impertire: hæc tantum venere in mentem; occurrissent plura, non suppressissem. Sub hæc verba inclinauit caput, quasi exceptulæ formulam absolutionis, in eoque corporis posita placidissimè animam exhalauit: quo ipso articulo temporis Sacerdos noster ingressus nitentem adhuc genibus inuenit, remque, vti gesta erat, ab domesticis, ex occulto explorantibus, accepit. De nostris audierant Virgines duæ, genere quodam defungi Martyrij, qui peste affectis ministrantes tetra halitu exstinguerentur, quare m-

gentibus animis ad illud officium tam Christianum se, & ardētibus studiis accingunt, præter alias non paucas studiosas eiusdem muneris. Harum una, nomine Catherina, contracto pestilenti halitu, vnde postea occubuit, Beata Virgini, puerum Iesum vltra gestantis, dignari meruit suauissima præsentia, & alloquio officiosissimo, quæ instante obitus ipso articulo audita est his verbis Dei Matrem affari. Domina mea, vnde mihi tantum dignationis, vt hac vilitate muliercula tuis pascas vberibus? Quæ cum diceret, hiatus oris aperuit, velut papillam acceptura, & in ijs verbis animam efflauit, insignis virtutum omnium laude, ac Virginitate prælectum, quam penè ab incunabulis sacratam Deo, integerrimam ad extremum conseruauit. Anna, Virgo altera, dimidia antè hora, quàm excederet e viuus, vt nemini sociæ obitum nunciasset, ipsa tamen e cælo significatum agnouit: nam, quorsum, inquit, mihi celastis sororis meæ decessum? ecce adest cum Beata Agnere, ac duabus alijs, aut tribus Virginitibus. Conopeon demitti iussit, vt Cælitum chorus commodius ad se adiret, quem suauibus exceptum verbis rogabat accedere, tum ad Virgines, exspectate me Domina, iamiam vos sequor. Deiecta deinde in solum nudum, sublatiisque in cælum bracchiis, ait, malle se inde ad sponsum transire, quibus dictis tranquillissimè decessit. Diro hoc halitu domestici contacti ferme omnes extincti duo, Pater Ioannes Ponsalius, & Pater Diegus Majera, ætate fere pares, pares studiis ac
felli.

700 P R O V I N C I A P E R V A N A.
solicitudine in ægris adiuuandis. Ille quidem tricesimum sextum ætatis, in Societate dimidium vitæ omnino ex æquo; hic nobiscum vixerat annos septemdecim, alterum tantum fuerat inter mortales: vterque Nosodochiis præfectus, perpetuò ægris assederat, indeque letalem auram contraxerat. Orurense opera, præterquam quod funeribus suorum exenti sunt, omnia fecerunt paria cum reliquis Collegiis, nam, procurandis pestilenti vlcere faucibus, laboratum est apud eos diutissimè, periculosissimè, sed fructuosissimè nihilominus. Ad Sanctæ Crucis, omnes Socij versati quoque in pari alea, in qua cum etiam Ethnici iactarentur, & nostri eis auctores fierent, vti hac occasione salutem animi gratis emerent, grandi natu viri mulieresque Baptismo abluti mox in Christi gregem, ac cælestem quoque societatem sunt translati. Numerus omnium, quos Baptismus Christo adiunxit, ad ducentenos quinquagenos peruenit, adultorum verò ex ea turba fuit sexaginta & duorum lectus manipulus.

P R O



PROVINCIA MEXICANA.



EGVNT in hac Prouincia quinque ac viginti supra trecentos, distributi viginti domiciliis, quorum septemdecim ad nos recens è mundo adscripti sunt, sex felici obitu decesserunt, anno huius sæculi decimotertio: nam insequentis anni litteras non accepimus.

MEXICANA DOMVS
Professa, Collegium, & Seminarium.

IN sollemnibus erga domesticos, ciues, extraneosque muneribus, hæc Domus ita tenuit suum vetus institutum, vt quoniam hoc anno splendor quidam in singulis eorum eluxit singularis, seipsam & superiores annos rectè factorum magnitudine superasse videatur. In Collegio Sociorum tres, Pater vnus, duo Fratres in vitam meliorem

liorem demigrarunt. Omnium primus decessit Petrus Ioannes Adamus, Coadiutor spiritualis, Institutum Religiosi, Obedientiæ in primis, patientiæ, orationisque studiosissimus vir: sed sui in omnibus altissimè deiciendi perpetua sollicitudine clarissimus. Nunquam vilis in alium culpæ cuiusquam causam deriuare, sed sibi omnia errata tribuere: tanta mansuetudine in ceteros, seueritate in se tam insigni, ut ferè modum excederet. Obitus nuncium admirabili accepit alacritate, qui eius vitæ maximè consentaneus, placidissimo somno simillimus fuit. Hunc est subsequutus Franciscus Ximenez, ætatis anno vicesimo tertio, dum Logicæ studia decurrit, quem, tametsi firmis virtutibus, repentinus insidens morbus, octauo vix absolute die consumpsit. Singulos domesticos sibi detinuerat, cum cetera virtus, tum singularis in obsequendo alacritas, ut omnium vel iussa, vel rogatus propensissima gratificandi voluntate præueniret. Purissimus eius animus se ab omni culpa pridem ita abalienauerat, ut vel tenuissimæ noxiarum umbræ illum anxium mirè haberent, si quid earum aliquando sibi accidisset nec opinanti. Prælagit diem horamque decessus, & se cum germano Fratre, qui proximè obiuerat, futurum prænunciavit, nec temerè; nam ea nocte, quæ occasum præcessit, auditus est colloqui cum illo suo germano, velut qui attulisset mortis propinquæ nuncios, ad quos mirificè exsultauit, postridieq; inter suauissima Crucifixi impressa oscula latissimè recubuit. Petrum Perez tertio loco beata fors excepit,

cepit, cum viginti annos egisset in Societate, rei domesticæ Adiutor Forinatus, in summis perpetuò versatus occupationibus, & summa cum religione ac fide, quarum obtentum numquam interponeret, ut se priuatis exercitationibus familiæ subtraheret, quibus tribueret constantissimè, quidquid à grauioribus suppeteret otiosi. Seminarium Mexicanum ex centum sexaginta egregiè moratis alumnis sex & viginti produxit in publicum, suo merito laureæ prærogatiua donatos, cum honorifico testimonio industriæ in disciplinis vtiliter collocatæ. Huius Seminarij Rector, Pater Emmanuel de Sandoual, cum decederet, non mediocriter eius statum conturbauit, quem sanus egregiè antea tuebatur. Vixerat omnino annos duodequadraginta, in Societate autem duos ac viginti, quattuor Vota professus, vir planè omni genere virtutum eximius, quarum vim singularem hauriret ex intima illa, & perpetua cum Numine coniunctione, cuius assidua familiaritas sic animum hominis componeret, ut non sit animaduersus commotæ mentis signum edidisse. Illosus pridem erat, acerbissimis, frequentibusque doloribus obnoxius, quorum tamen sæuitiam ferendo silendoque premeret: quo eum affectu extinctum sit credibile, cum eum tres duntaxat ægrotationis horæ confecerint. Eum Nobilitas Hispana, Mexicanus populus, sed Alumnorum conuentus, cœtusque Sociorum, multis grauissimisque de causis luxit, lugetque.

S E D E S

SEDES SANCTI GREGORII.

Q Vaterni Socij, duo Sacerdotes, Adiutores duo, popularis linguæ periti, agunt in hac Sede, adiuuandis indigenis, maxime instituenda suburbana, & vicinorum pagorum pueritia, quæ huc confluit ad Christianæ doctrinæ, litterarum, ac Musicæ haurienda rudimenta; grandiores verò festis diebus ibidem Sacramentis imbuuntur. Egestate laboranti plebi, aut morbis malè affectæ, non modica subsidia, iis leniendis incommodis, ex hac itidem Domo subministrantur. Gemina quoque piorum virorum Sodalitja in hac Sede coire solent, haud sanè vulgari pietatis incremento, cuius in dies existunt argumenta singularia. Eduntur quoque diuinitus exempla seueritatis in contumaces, ac pœnitudinis opportunitate contemtores. Adolescens pridem turpiter mulieri consueuerat, ægrotare autem cœpit, dum nefaria intercederet consuetudo, per quæ ægrotationem, instante morbo, Sacramentis procuratus, velut usurpandæ modò consuetudinis gratia, infelicissimè defungitur, & detruditur in Tartara. Concubina morte inopinata sui amasij perculsa, vt demortui animo faceret bene, insistit ei preces & sacrificiorum vim adhibere: sed is de nocte mulieri decumbenti assistit, multo cum gemitu & lamento monet sua supplicia non minui, sed augeri orationum accessione, quæ sibi destinarentur: quare iis deinceps abstineat mulier, se namque addictum æter

æternis Erebi cruciatibus: ipsa verò suis rebus ca-
 neat maturè, alioqui in societatem supplicij deuo-
 laturam. Intereà tumultus ex propinquo auditus,
 velut aliò vocantium, moxque horrendus cæte-
 narum increpuit fragor, & miser ille abreptus
 euestigio, miserabili ciulatu complens omnia, de-
 nolutus est in barathrum, cuius flagitiorum con-
 fors mulier, tam acerbo illius casu territa, mentem
 appulit seriò ad res suas constituendas, statimque
 se generali Confessione nostris expiandam præ-
 buir.

ANGELOPOLITANVM COLLE-
 gium, & Tepotzotlanum.

Angelopoli adolescens Gymnasij nostri
 alumnus, cum ingenij vel imbecillitate, vel
 stupore, inter æquales non posset emergere, Bea-
 tum Gonzagam, vnius è nostris suasu, sibi patro-
 num delegit, ei que certum precationum pensum
 cœpit persolvere; atque ita se adiutum sensit, vt
 deinceps, in studiorum cursu, multos eorum, qui-
 bus natura benignè fauerat, facilè antecesserit.
 Indus ebrietati maximè deditus, nostrorum con-
 suetudinem, Congregationemque vitabat, ne co-
 geretur domesticum amicumque vitium depo-
 nere, cui vxor numquam suadere potuit, vt nos
 adiret Confessionis gratia. Nocte igitur intem-
 pestà eum adiit Æthiops nescio quis, à quo vehe-
 menter primùm territus, acerbissimè deinde ver-

beratur, quoad blanda pulcherrimi pueri species terrorem absterfit, Æthiopique imperauit, vt faceret verberandi modum: Deum enim, nefarij hominis miseratione commotum, concedere ipsi tempus pœnitentiæ, quem mox iubet adire ad vnum de nostro Collegio Confessionis gratia. Venit ille quidem plagarum adactus seueritate, ac perterritus summoperè, casum suum aperit, plagas recentes ostendit, exsequitur quod iussus fuerat, & mores mutauit in melius. Michaël Bolignaga, Formatus Adiutor negotij domestici, ætatis duodecesagesimo, aditæ Societatis quinto ac tricesimo anno, strenuus in sua conditione operarius, nobis decessit, cùm diu ægrotasset, eiúsque morbus talem eum ostendisset erga Instituti obseruationem, cuiusmodi semper valentem noueramus.

Tepotzotlanis morbidus fuit hic annus, contagiosa quadam febris, quam Ceocolistli populares appellant, indigenis ferme pestilenti, quæ dum regionem omnem peruagatur, infinitâ hominum multitudinem lecto affixit, nostrósque omnes iis iuuandis magnopere occupauit, & exercuit, dum animis remedia, egentiumque corporibus medicamenta & cibi adhibentur. Iam prætereunte faciendæ sementis tempore, nullo pridem rigata imbre terra culturam respuebat, marcescebat verò quidquid iam esset terræ commissum; quare ad preces ac vota descendendum sibi esse statuit vniuersa ciuitas. Supplicatio maximè sollemnis indicitur ad Parentis nostri effigiem, vbi publicè seuera diuerberatione certatum est à frequentissimis

mis ciuibus, neque sine præmio: mox enim densatum nubibus cælum, tamque opportuna & copiosa expressa est pluuia, vt nemo benigniorem exoptaret.

GVAXACENSE, GVADALAXENSE, Vallisoletanum Collegia.

EXCURRERE Guaxacenses Socij Xalatlacum, in remotum oppidum, suæ clientelæ ac fidei commissum, vbi Ieiunio Quadragenario habitæ sunt Conciones Catechesesque fructuosissimæ. Iuuat in primis labores nostros indigenarum in Socios beneuolentia reuerentiâque, vt eorum respectu multum remittant de barbaris moribus, quia se nobis probare cupiunt, quales cupere nos pridem ostendimus.

Guadalaxæ Indus in populares pestiferum virus eiusmodi effuderat, vt eis persuaderet, Crucem Indis esse in primis perniciosam, tametsi Hispanis valdè salutarem, cuius sermonibus dementati homines idiotæ Crucis signum quacumque regione obuium maledictis execrationibusque infectabantur, obruabant lapidibus, donec adfuit Deus ultor iniuriæ, nam auctor sacrilegij loco præcipiti delapsus, fœdè in ipso casu, interiit. Noster autem pro concione grauitè inuectus in flagitij principem & conscios, nefarij ruina iam magnopere attonitos, omnes redegit ad mentis sanitatem, qui vt damnatæ culpæ suæ monumen-

tum præsentibus posterisque statueret, altissimam Crucem multa testificatione religionis erexerunt, Cacodæmon Indigenis quibusdam imposuerat, ut vana spe fretos exponeret inermes vulneribus necique, intereaque sacræ Crucis ludibrium crearet. Si vellent, vel ipsa cute corporis obiecta, quantacumque vi libratum telum retundere, iubebat eos quotidie læua manu signum Crucis sibi imprimere, sic fore cuius ferro impenetrabiles: quod eatenus à barbaris creditum est, dum omnium maximè temerarius se nudum obiecit armatis, quorum mucronibus transuerberatus suâ deinde amentiam nostro Sacerdoti, ad Confessionem vocato, explicauit.

Vallisoleranorum Socjorum vnus repentè conualuit, implorata Dei Matris ope, & eius sacri Conceptus imagine capiti adhibita, cum antea salutem ipsius medici conclamassent.

*PASQUARENSE COLLEGIVM,
vera Crucis, Zacatecana, Guatimalensis,
S. Ludouici, & Guadiana Sedes.*

P A R O C H I duo, Regij Magistratus totidem, & alij duo viri primarij, temporibus alij alijs cò discordiarum processerant, ut explendis paucorum odiis multorum manus ferro armarentur, alterutrius partis, aut etiam vtriusque futuro exitio: sed nostrorum Pasquarensum ea felicitas fuit,

fuit, vt, Diuina ope, auctores diffensionum inter se reconciliarent, ac deinde factionis vtriusque afseclas. Ad veræ Crucis portum classibus, seu Mexicanis, seu Hispaniensibus, vtroque vel euntium, vel redeuntium comineatu, fructuosissima semper annis superioribus, sed hoc anno etiam fructuosior opera est nauata, quoniam ita tulit occasio. Apud Zacatecanos serua mœrore oppressa statuit laqueos vitam finire, aptatôque fune corpus suspendit è trabe, in quam iam mortuam, aut mortuæ similem, casu incidit hera, quæ spectaculo perculsa grauitè restim abscindit, & quoniam indicium vitæ nullum apparebat, apponit iacenti Beati nostri Patris imaginem, eiusque opem enixè deposcit, môtque illi miseræ aut vitæ, aut interclusus spiritus restituitur, vt valida exurgeret. Fratrum vnus è Guadiana Sede peregrè missus pij negotij causa, in diuersorio viri Nobilis incidit in puellâ tabido capite, ac cæteris membris affectam pessimè, vt ex corruptissimo eius corpore teterri- mus fœtor exhalaret. Eius miseratione ductus Frater, spei plenus, effigiem Beati Patris nostri admouet, cuestigiôque vitiatorum ossium, dentium putridorum, & corrupti sanguinis vim non modicam emittit, simulque plenissimam sanitatem assequitur. Inde aduocatur idem ad aliam cor- clamatam agram, cui repente præsidio eodem eandem medicinam facit. Alius quidam ab feroçi & indomito equo humi diu raptatus, triduum iacuerat velut exanimis, & vndeiginti postea dies in acerbissimis doloribus egerat, cuius collo ap-

pensum sigillum Beati Patris ab eodem quoque fratre repentinam contulit sanitatem.

*TOP I E N S I S, S. A N D R E A E, C I -
naloensis, Tepehuana, Parraliensis
Misiones.*

Sacerdote nostro Topiensibus fructuosissimè
sconcionanti visus est Orcus ferre impatien-
tius se veteri exactum statione, nostrisque ac indi-
genis extremam moliri perniciem, commouendis
ventorum turbinibus, imbrium, fulminumque
tam horrendis tempestatibus, vix ut ab orbe con-
dito quidquam adeò fœdum potuerit accidisse.
Post multorum dierum immanes Austros ac pro-
cellas, die quodam tanta vis aquarum è proximis
montibus cœpit exundare, ut oppido subiecto,
nobisque omnibus præsentissimum exitium im-
mineret, nisi Deus extraordinaria nos ope tuere-
tur: & reuerà nouo quodam genere molis ac mu-
nitionis auertit Deus ab oppidi excidio immanis
torrentis formidabiles aquas, cùm vicina è rupe
vastior petra, eo impellente, delapsa est in grassan-
tis torrentis alueum, diuortisque aquarum in-
ductis periclitantem urbem exemit certissimo exi-
tio. Confugerant nostrum in templum oppidani,
è nostris audituri quid opus facto videretur, quos
Sacerdos ad fidem excitandam, ardentisque con-
cipiendas preces cohortatus cùm esset, ij non
defuerunt officio, neque Deus auxilium negauit

petentibus. Aurifodinas loco periculossissimo habebat vir Nobilis potensque, in quibus ne periclitarentur domestici, rapiebat vi ex oppidanis, qui suo periculo eius familiæ incolumitatem præstarent, de quo scelere ut inaudiit huius nostræ Familiæ Præses, intrepidè ac palàm viri factum coarguit: non esse utique parandas diuitias certa Christianorum, ac liberorum hominum perniciæ, quibus ipse Christus non vteretur ut mancipiis. Cum neque sic hominis avaritia & crudelitas desineret, Deus atefecit ipsum fontem insanæ cupiditatis, nam repentè omnis auri vena vertit in merum silicem, illéque Midas vel inuitus miseros oppidanos subterraneo eduxit ergastulo. Cinaloensis populi siluestris ferinúsque victus in montibus ac speluncis aded animos efferauit, ut traducti licet in pagos maximo nostro labore, atque ad societatem vitæ ciuilis, tamen inter eos etiam hoc anno quidam fuerint, qui nostri Sacerdotis, qui frequens apud eos versatur, de medio tollendi agitarint consilia. Ex ea gente Tehuëci latam regionem occupant, nuper translati ad Christianum ritum, qui hoc anno Euangelij, & Hispanorum pertæsi, sumtis armis templum suæ regionis euerterant succenderuntque, quibus cum arma executi de manibus non possent, ferro omnes mactandi fuerunt. In hac Missione interiit hoc anno Pater Ioannes Baptista Velasco, Professor Votorum quattuor, qui nouo hoc in orbe natus, adhuc puer Societati adscriptus est. Simul ac morbum sensit, sibi moriendum esse iudicauit, quare Sacramen-

torum frequentia se ad profectiorem diligentissime comparauit. Iam duos ac viginti annos agrestes horum barbarorum mores tractabat summis laboribus, quos moderatione ac patientia sic mitigabat, vt in eis vix feritatis vestigium appareret. Summa assiduitate vrgebat creditæ sibi plebis institutionem, ac rudibus erudiendis oblectabatur maximoperè: vnde omnium existeret in eum summa beneuolentia, quòd suam salutem auide appeti ab eo, seque amari facile intelligerent. Sub exitum vitæ aduocatis ad se indigenarum proceribus, Cazi quas vocant, documenta saluberrima deposuit apud eos, quæ in populum vulgarentur, ex quibus cum animaduernerent, quanti eos ipse fecisset, faceretque, dici vix potest quàm acerbus dolor Zinaloensem gentem vniuersam in eius funere occuparit, quàm studiosè ipsius exsequias celebrauerint. Tepehuanensibus haud absimile ingenium est iis, quos nunc memorauimus, sed sedulitate ac longinquitate culturæ sumus assecuti, vt iis æquis docilibusque ac beneuolis vtamur. Indigenarum quidam, generis nobilitate & prudentia reliquis suæ gentis longè antecibat, sed omnem hanc latè regionem crudelissima vexatione infestabat, cædè, incendiis complebat omnia. Rifu, scommatis, plagarum etiam comminatione accipiebat nostros, si quis Christiani ritus adsciscendi mentionem iniiceret: mansuefecit tamen Deus sua manu immanitatem incomparabilem tam crudelis feræ, ac leuiori quadam plaga, sed quæ mox indomitum illud pectus demi

demitigaret. Inuasit in hominem pectoris inusitatus dolor, quo derepentè sic fractus est; uti ad Sacerdotem nostrum iret, seque in illius futurum potestate asseueraret. Data sedulò est opera per nostros, ut homini, multorum atrociùmque flagitiorum comperto, ab summo Magistratu admisionum condonatio impetraretur, quod ut factum erat, & hic mox adhibitus est conciliandis cum Neophytorum corpore, suis nuper commilitonibus & emissariis, quorum pridem atroces vexationes in Neophytos extitissent, cuius illi auctoritate se passi sunt eò adduci, quò maxime vellemus.

*

Y y 2



PROVINCIA PHILIPPINA.



N hac Prouincia Socij versantur nonagintaduobus, decem domiciliis dirempti, quorum decessere duo, quinque ad Tirocinium adlecti sunt.

MANILLANVM COLLEGIVM.

BAttaurorum nonnulli capti nuper nauali prælio, dum hic attinerentur, ex Hæretica perfidia traducti sunt à nostris ad Catholicam Fidem, quorum tres ut ægrè se debellari permiserint, manus tamen denique dederunt, duoque ex iis mox vita functi salutem tuto loco posuerunt, tertius omnium nuper obstinatissimus, nunc docilitatem, probosque mores cum recta Fide induit. Mense Octobri Molucis insulis ex hac ferebant subsidium ad sustentationem & bellum onerariæ quinque naues, & duæ triremes, onustæ rebus ad bellum conducentibus, ac, præter alia, saccorum
ory

oryzæ octo millibus, & ponderum argenti viginti millibus, acie duplici militum, cum Capitaneis, armis, tormentis, puluere, ac globis. Sed quinque naues, ita Deo disponente, ac triremis primaria, sæuissimis iactatæ fluctibus, atque summerse sunt prope insulam Mindorum: hominum pars periit, pars confisi tabulis & naratui proximum Mindori littus appulerunt: tantum salua nauigauit triremis secunda, Sancto Patre Ignatio eam liberante, cuius auxilium præcipue militum Præfectus, Don Petrus de Almazan, deprecatus est. Is à periculo ereptus, missis ad Manillam litteris, miraculi permultos fecit certiores, in litteris verò ad sorores sic habet: Refer, ô germana, incessanter gratias Sancto Patri Ignatio, qui me in tanto periculo cum manifesto miraculo liberauit, quando vis remigum omnino defecerat; præclarum habemus Aduocatum, eritque mihi, dum vixero. Inter naufragos proximum introierunt montem nonnulli, arborum fructus ad esum quæsituri, quorum Capitaneus Oribe, ac tres milites inciderunt in remiges ac fugitios seruos, numero ac viribus potiores, à quibus pulsi deiectique sunt ex celsa rupe in subiectum littus, & ipso casu conquassati obrutique, quartus tamen eorum Franciscus Lopezius, cum restitisset aliquantulum, grauibusque plagis esset confossus, præcipitatus tandem est, non tamen interiit. Tredecim totos dies panè exanimis iacuit in litore, computrescente humi corpore, omnique meatu corporis erumpentibus vermibus, eo interim suppliciter Deum

obtestanti, ne se Confessionis expertem pateretur occumbere, quod & impetrauit. Ea enim triremis, quam diximus euasisse naufragium, sedata licet tempestate, nullo remigum conatu tres dies totos potuit deduci ex eo littore, vbi Lopezius moribundus iacebat, cuius aliquando auditi gemitus è triremi, & vox indigenæ de illius casu admonentis, exciungere Fratrem Petrum de los Cobos, Religiosum Franciscanum, vt eò scapha traiceret, qui deinde narrabat, visum sibi velut alterum Iobum iacentem in sterquilinio, ac totis membris tetra sanie manantem. Is hominem affatus, quæsit, an cuperet expiari Confessione; annuit ille factoque signo Crucis cum parte digiti, quæ in dextra supererat, distinctè, ac integrè, magna doloris significatione confessus, & post pusillum in aliam vitam feliciter transiit. Est autem obseruatum, à Confessione illam corporis horridam speciem trāsisse in aliam amœniorem, quæ spectantibus deinde deuotionis sensum & lacrymas cōcitarat. Obiit diem suū Februario mense, huius sæculi anno quarto & decimo, Ioannes Camillus Salim, Neapolitanus, Adiutor Formatus rei familiaris, annos natus quinquaginta, quorum ferè dimidiam partem in Societate posuerat, qui eis virtutibus maximè excelluit, quæ Fratres nostros spectant. Mira in eo sinceritas effulgebat simul cum intelligentia rerum agendarum, quæ illi per Obedientiam committebantur. Humilitatis & silentij virtute pollebat. Artis suæ lignariæ vsum ad extremum vsque vitæ tempus in Societate retinuit.

Assi

Astiduus fuit deuotionis exercitiis, vnde ortum habuit singulare patientiæ documentum, quod nobis reliquit.

Missionum prima fuit ad Quiapum, cuius tria sunt oppida prope Manillam: sub cura Sæcularium Clericorum. Ibi promulgato nostrarum missionum Iubilæo, auditæ sunt Confessiones mille & octingentorum hominum, atque multis locis excisæ veteres Ethnici moris reliquiæ. Inde ventum est ad Balaianos, quibus insita viuendi licentia, & inopia Christianæ culturæ grauem intulerat labem. Aggressus Sacerdos Missionem hanc ab rudimentis Fidei, in tabella descriptis, & ad ædis valuas affixis, indigenarum plerisque occasionem præbuit ea sibi describendi vnde magno-
pere proficerent, cum in cæteris tum ad instituen-
dum serio Confessionem. Portum Cauite, incolis & aduenis celebrem exinde lustrauius, ubi tanto plus corruptelæ deprehensum est, quod eò affluit, & diuersari solet ex omni conditione hominum fœda colluies: eò missi Sacerdotes duo, quorum Tagales, seu indigenas vnus, vnus Hispanos curaret, quorum omnium fuit insignis sedulitas suis animis procurandis, tametsi per eos nauibus profectiorem adornantibus, vniuersi valde occuparentur conuehendis in ipsas suis mercibus. Magnus fuit omnino animorum motus, vel ab ipsa prima concione, cum est animaduersa vndique audientium comploratio, & perseuerauit deinceps incrementis maioribus, vt etiam sua sponte milites triginta suas pellices Iudici traderint,

derunt, ut eius auctoritate diuellerentur in perpetuum. De breuitate vitæ, mortisque incerta hora & conditione agebat in Concione Sacerdos, in qua tandem ardore dicendi prorupit in hæc verba: Quid? scitisne vtrum obstinatus, qui me audit peccator, die crastina Deo de factis rationem reddet? atque ita contigit. Miles famæ non bonæ proximo manè prope nauim, quæ fabricabatur in littore, leui occasione iratus cum transiret, ac verbis pessimis eiuraret, fortè decidit à summo proræ lignum, quod subito hominem, iuramenta repetentem, interfecit. Secundus etiam fuit, in cuius periculo alij sapierunt, qui peruicaci animo amicorum consilia repudiabat, qui à pellicatu eum educere conabantur: stulto autem homini pro responso fuit hæc fatuitas: longum restat Quadragesimæ tempus. Verùm statim ac verba dedit, breuiati sunt dies ei, qui longos sibi restare ad pœnitentiam putabat: nam statim concidit exanimato similis; paruoque temporis intervallo caput, manus, ac pedes motare cœpit, ac si epilepsiam pateretur. Huc & illuc circumspicebat tam rabido aspectu, ut ijs qui aderant magnum terrorem incuteret: ita enim faciem cum timida voce aliò auertere absconderéque conabatur, ut qui terrentem se Dæmonem adspiceret, quæ rabies, absque vllq pœnitentiæ signo, durauit horas circiter duodecim, donec abscissam dentibus linguam pariter & animam exspuit.

ANTI

*ANTIPOLANA SEDES, ET
Silanensis.*

MVlier Antipolana, cuius fetus in vtero examinatus, magno parturientis detrimento, expelli non poterat, Sanctum Ignatium inuocans statim ac eius imaginem piè coluit, sui & eorum, qui aderant, admiratione, putridum eiecit. cadauer, dolore simul & periculo liberata. Alius cuius agrum & oryzam, circumiecta sepe nihil prohibente, apri & cerui deuastabant, Crucis sanctæ imaginem in medio constituit, & ex tunc hæc animalia pij hominis fata fugiunt, vicinioraque depascuntur. Silanensi domicilio attributi sunt populi Maragondones & Indani, cuius sedis occasione vsi siluestres & montani mira feritate homines Itæ, ad nos interdum deuoluuntur è iugis montium ad animæ salutem exquirendam. Senem quemdam amici hortabantur, vt filiam mortuam loco sacro sepeliret; quibus ille barbaro more; prope, inquit, flumē est, cuius aquis eam mandabo. Ei post paullō mortui sunt fratres, quorum funera potationibus, ritu ethnico celebravit, quod factum deinde in templo Sacerdos noster acerbè reprehēdit, adstantēsque preces iussit fundere pro defunctis duobus fratribus, quod cū facerent reliqui, senex ille vnus furenti similis inde excessit, ambulatumque concessit ad ripam profundi fluminis, qua in deambulatione aquis haustus interijt, eodem sepulcro, quod proximis diebus filiæ suæ destinauerat,

uerat. Quidam noctu nauiculam plenam mercibus aliunde portabat, quas tamen tempestate suborta in mare merſit : ſæuire autem cùm pergeret oceanus , aduerſis ventis abreptus eſt , quò noller portitor : inter enim ſpiſſos ſcopulos , & fluctus exaltatos in manifeſto fuit periculo. At ille Chriſtum Dominum , quo potuit affectu , inuocans , clarè inter noctis obſcuritatem vidit nauiculæ proram ducentem puerum , alba ac præfulgenti veſte , & pulchritudine inexplicabili , deduxitque hominem cum filiolo , & compluſculis , citiſſimè in portum , ad quem tranquillo etiam mari peruenire experti nauæ impoſſibile iudicabant.

ZEBVANVM COLLEGIVM.

HVius Collegij Rectorem , Patrem Franciſcum Gonzalez morbus nobis ſuſtulit, natum apud Aragonios , in vrbe Tarraconenſi , Vota quattuor profeſſum , ætatis anno quadrageſimo ſexto , vicesimo quarto impetratæ Societatis. Fuit inſignis animarum zelo , ijs præſertim temporibus , quibus Biſaiarum miniſterio vacauit, & Otonenſis Miſſionis ſuperior fuit, vnde cùm ad hoc regendum Collegium vocatus eſt, magnus exſtitit incolis illius loci animorum ſenſus atque dolor, Zebuanis verò ad quos veniebat , hilaritas & lætitia. Humilitatem & paupertatem maximè coluit, mirumque in modum gloriabatur, quòd nul-
lus

lus esset in Societate proprietati & ambitioni locus. Finitis exercitiis spiritualibus, quæ clausus plus solito, habuerat, mortifero fuit morbo correptus, & cum aduersus febris violentiam nulla remedia efficaciam haberent, denique rite dispositus, & ad Dei voluntatem conformatus decessit. Ad prosequendam Missionem in Butuanos Sacerdos ijt, magno indigenarum bono: tristis enim illos morbus inuaserat, qui senes crebro ac debiliores absumebat: quorum alij recens baptizati, alij Pœnitentiæ Sacramento parati, decesserunt. Itum quoque est in vicinum montem, ad Manabas, ferinum genus hominum, qui, vno arcu & sagittis freti, solo venatu vitam tolerant, qui, vbi non succedit, in proximum littus, ad piscatum deuoluuntur. Incidit in littore Sacerdos noster in triginta natu grandi, ac viginti pueros Monabos, qui rectâ ad ipsum profecti reuerentiæ causa ei manum deosculati sunt, & risu lætitiâ indicante familiarem sermonem conferebant. Pater offerens munuscula, vt hamos, & acus, eorû voluntates Christo capiebat; hæc enim suscipientibus Sacerdos Sapientiæ Dei thesauros aperuit: quibus rebus attentas aures præstiterunt, magnam Christianæ legis concipientes existimationem. Manobos sola carnis certis diebus apud Christianos abstinentia deterrebat à Fide suscipienda, non enim se idolis seruire, sed Deum omnium conditorem, Christum Redemptorem reuereri aiebant: illam tamen abstinentiæ difficultatem superaturum iri dicebant: ideoque desiderabant, vt ad

eos Pater aliquando rediret, quem honoris gratia ad nauim comitati sunt.

SEDES APVD PICTOS

Insulares.

MIndanaüs Mahometanus Pictis Insularibus triplicem calamitatem, eamque acerbissimam, proximè intulit, & prima contigit quidem Augusto mense, in Leite insula aduersum Dulachianam sedem, & duo oppida Abugo ac Vito: altera in Balanguigan, vbi Turcica immanitas in Christi Domini, eius Matris, ac Cælitum reliquorum imagines gladiis transverberatas, humique raptatas, sæuiit atrocissimè: domos & fata combussit: & quidquid occurrit furenter est demolita: quadringentos è primariis homines, Datos vulgò appellant, in captiuitatem abduxit: cæteræ multitudinis magnum numerum trucidauit. Tertia incurzio hostilis magnum nobis, supra cæteras, vulnus inflixit, nam præter oppida Leita Insulæ rapinis exhausta, sexcentos homines in seruitutem redegit, & triginta septem biremes spoliis nostrorum oneratas Mindanaüm retulit. Huius piraticæ classis præfectus fuit Hispani nominis antiquus hostis Pagdalanus, qui sæpe ex Mindanao insula ad Pictos debellandos erupit. Cum Dulachianos primos expilasset, audebat vlteriùs tendere ad interiora insulæ, versùs oppi-
da

da Tambucum, & Ruraguen, sed Ruraguen ob-
uiam prodeuntes, vias arundineis muricibus abū-
de consperferunt, quibus confixi hostes restite-
runt. Hinc flexere viam ad insularum vnā, cui
Samar, id est infima, nomen est, vbi est Tinago-
bensis nostra Sedes, sed cū flumen Palo salutaf-
set, a quo flumine nomen est oppido, scapham
Paloentium piscatorum deprædatus, ex eis didi-
cit nostrum Sacerdotem, & eius socium in oppi-
do tum versari, quo lætus nuncio, flumen in-
gressus in imparatos incolas irrumpit. Mulierum
in aperto deprehensarum ingens fuit captiuitas,
cuius in manus quoque venit Pater Pascalis De
Acugna, Dulachianæ Sedis Rector, necdum à
periculosissimo confirmatus morbo, cuius vis eò
ægotum deduxerat, vt sacro oleo inungeretur.
Paloensis & Dulachiani oppidi templis, ac cæteris
ædificiis manus abstinuere Mahometani, vt eorū
opportunitate allekti oppidani, denuo ad inco-
lendum redirent, sicque nouæ paterent popula-
tioni atque iniuriæ. Remigrabat interim cum
classis parte Pagdanus, cuius deprædationum
conscijs, dux strenuus, Franciscus Hernandez,
Nauarreta, qui in Leite Prætorem Regium age-
bat, zelo concitus, tribus Hispanis militibus co-
mitatus, in scapha mari celeriter se commisit, ho-
stemque secutus, saltem Patrem Rectorem de il-
lius manibus eripiendum, vel sibi moriendum
esse decreuit. Pagdanus in mare conclusum insu-
lis se receperat cum decem biremibus: explora-
tore præmissi ei renunciabant duas apparere na-
uiculas

uiculas, quæ in portum proximiorē introissent: mox nauiculam ad se venientem obseruat, & eius marginem plenam multi fomitis igniarij, statim stratagemate cognito, paucissimi sunt, inquit, Hispani numero, plures ignes. Tunc biremem suam expediri ad pugnam, tormenta parari voluit: altera biremis huic modò adiuncta præ metu discesserat. At verò Hispani inimicam biremem sua nauicula circumeunte s bombardis quattuor, tot erant pugnantium capita, Duce Prætorē Hernandez, semel iterumque displois, aliquos ex præcipuis occiderunt, & primum Ternatensem vnum, rei tormentariæ bene peritum, qui tormenta ibi curabat. Multis Hispanorum spiculis immisis frequentes in biremi vulnerabantur, & ipse Pagdanus in dextro brachio læsus est graviter. Nec solum hic fuit Hispanorum animus, sed, cognita in hostibus multa turbatione, duo cum Mindanaiis manus conferere ausi sunt, birememque ingressi ea fortitudine, ac dexteritate ensem hac illac circumferentes, vt hostem ad fugam coegerint, quem omnis animus & industria, præterquam ad fugiendum, defecerat. Similiter & novem aliæ biremes, qua potuerunt festinatione, se fugæ commiserunt. Patri vero de Acugna, in biremi Archipiratæ captivo, periculum necis non defuit, cuius mortem Mindanaij decreuerant, sed, acinace an lancea eum tollerent, ambigebant: quemque relictum medium præterierant Hispanorum manu missæ glandes, confossis illius dextra sinistraque duobus Mindanaensibus, quorum

cruor

duor eum aspererat. Et cum Pagdani seruus dominum spiculo percussus videret , cucurrit properè , vt Patrem appeteret ad necem , nequiuit tamen etiam manibus ambabus admotis Campilanem , genus est grandioris acinacis , ad vulnus attollere. In ea captiuitate didicit idem Pater ex Mindanaensibus , quòd quando SANGILES , sunt insulares populi Mindanaensibus finitimi , annis superioribus Carigaranae Residentiæ oppida diripuerunt , secum inter spolia paruam Iesu pueri deferebant imaginem , quæ in nauigatione barbaris Mahometanis Sangilibus ludibrio erat , ipsam enim ad aquam suspendebant , flagris diuerberabant , & despiciebant omni irrisionis genere. Sed statim pœnas dedere tantæ impietatis , nam suborta tempestas naues & homines perfidos undis obruit , & malè perdidit , saluis pauculis , qui nunc dicunt illâ fuisse pœnâ sacri pueri , qua se vehemèter in Sangiles vindicauit. Huc casu deuenit præcipuus quidam Caragenfis , Gumaras nomine , notus Capitaneo Alfonso de Pedraza , Zebuano Prætori , in cuius amicitiam se insinuare desiderabat. Hic vt Patrem à seruitute in libertatem restitueret , putans hoc facto Prætoris amicitiam contrahendam , non modicam diligentiam adhibuit : tandem pretio quadraginta ponderum eum redemit , & parata nauicula , donatumque duabus campanis , quæ illi genti in æstimatione sunt , in ciuitatem Zebuanam liberum redire permisit. Versabantur Zebuani in magnis metus angustiis , si ad eos veniret Mindanaius pirata , qui bonis auda-

cior euentibus superbierat, cum præsertim milites, qui in huius ciuitatis custodia sunt, & commendatarij ciues, ad Manillam vocati essent, vt inde ad Molucas contra Hollâdenses expeditionem facerent. Rem hanc, & Bisaiensium calamitatem, vt cum Domino Insularum Gubernatore tractarent, missi sunt ad urbem Manillam, Reuerendissimi Episcopi, quem infirmitas ad eundum impediit, & totius ciuitatis nomine, Pater Franciscus Vincentius in Pictis Insulis Superintendens, & Pater Pascalis de Acugna, qui ab hostibus recens venerat. Ibi egerunt, vt milites, & ciues commendatarij in sua ciuitate permanerent, addita denuo acie militari duplici, vt urbem illam, & Insulas pictas, quæ Bisaiensium, seu Pictorum sunt, à quocumque impetu tueantur, dum ad Mindanaenses expugnandos parantur necessaria.

*BOHOLANA, DVLACHIANA,
& Tinagobensis Sedes.*

BOholanis hoc anno tranquillitas fuit ab hostium incursionibus, tantoque maior Patribus nostris facultas salutis indigenarum procuranda. In Dulachiano agro, in oppido Dagami, quod caput est reliquorum, baptismo lustrati sunt adulti omnes, qui adhuc in infidelitate perstabant, sed eorum numerum non assignant; ante Baptismum autem moniti, seruis, qui leui ex causa serui erant
liber

libertatem reddiderunt. Arescebant Dagami, quæ creuerant, oryzæ sata, defectu pluuiæ, quæ multis iam diebus in desiderio erat. Indicta supplicatione publica, longo se flagellantium ordine, sanctissima Virgo, cuius imaginem præferebant, ita deprecantibus præsto fuit, ut tribus diebus continuis imbrem non cessantem habuerint. Horum exemplo, & miraculoso euentu commoti sunt Paoloenses, qui pluuijs etiam indigebant, itaque simili supplicatione vix, qui flagris terga verberarunt, domum redierant, cum copiosus imber è cælo decidit, qui abundantem dedit fructuum perceptionem. Conscijs Sacerdos, quod senex antiquitatis suæ tenebris adhuc obscuratus, pro salute filij Dijs sacrificium obtulerat, eum grauitè reprehendit, & ad pœnitentiam adducere conatus est: senex inueteratam sacrificandi consuetudinem occultauit, ac negauit factum: Deus autem supplicium de ipso manifestum, in aliorum animaduersionem sumsit: simul enim senex & filius, cuius salutem nefario sacrificio quæsierat, impœnitentes interierunt. Tinagobensi Residentiæ, quæ subijciuntur Insulæ, à S A M A R, ut supra diximus, nomen habent, quod idem valet, atque Infimæ Insulæ. Vix in hoc toto tractu veteris infidelitatis vlla indicia reperiuntur: idololatria funditus eradicata est, & aucta Fides cum deuotionis & pœnitentiæ operibus. Ferè semper, sed in Quadragesima præcipuè, per noctem in templis diuersionis causa conueniunt: & multi per calles, tunica induta Europæorum more, vsque ad

sanguinis effusionem funibus se flagellant. Cruces alij portant super humeros, alij aliis pœnitentiæ modis se exercent, & communiter omnibus infedit amor pierates similes frequentandi. Quidam per incuriam die Festo sacris non interfuit, ferebatque aliò nauiculam sale plenam, & cùm longiùs iam eſſet à littore parum abſuit quin in vndis vento concitatis ſummergetur. Tunc ille omiſſionis ſuæ pœnam pertimeſcens Diuinam miſericordiam implorauit, ſedatur tempeſtas, ſed cùm portum appelleret, quietum mare cernentibus omnibus, & ipſo in terram exſiliente, nauiculam hauſit.

Ex captiuis, quos Mindanaenſes piratæ tulerant, Luſitanus quidam & indigenæ quinque redierunt, qui ita glorioſè loquuntur de aliquibus huius Reſidentię mulieribus, quæ in captiuitate ſunt, vt rectè de ipſis illud dici poſſit: Cuſtodierunt animam ſuam, & non ſunt contaminatæ in eſcis Gentilium, & memores ſunt Domini in toto corde ſuo. Præit illis exemplo probatæ virtutis mulier, quæ in oppido eſt Piratæ H I N V C, quæ antiquam recitandi roſarij conſuetudinem ita retinet, vt ſphærulæ precatoriæ numquam ferè de illius manu decidant: mane & vèſperè vnius horæ aut duarum ſpatio, flexis genibus, & leuatis ad cælum manibus, orationi vacat; dies Dominicas, & Sanctorum feſta ſibi nota ſanctificat, idque ipſum concaptiuas admonet, & præcipuè in Fide perſeuerantiam, & in virtute conſeruanda conſtantiam crebro ſuadet. Vna earum mulierum,
ado

adolescens , & egregiæ venustatis , statuit apud se potius morti tradendam , quàm turpitudine candorem Christiani animi maculandum , persistitque in suscepta constantia , quæ inhumaniter à Domino suo tractata nec minis nec verberibus adduci potuit , vt non contemnat illecebras. Altera ab ipso Hinuc Pirata , cuius domi est, improbe sollicitata , vt repudiato coniuge , qui in hac Residencia ex nobilioribus est , ipsi inter concubinas sit , conata est monitis tam peruersi hominis intemperantiam corrigere : quod cùm non sufficeret , vt eum ab intenta nequitia auerteret , magna constantia ab se procul abegit , & hac de causa eam flagellis quotidie , pugnis , & virgis ita malè afficit , vt saepe pro mortua relinquatur , faciesque ipsa pallida vulneribus & vibicibus rem demonstrant. In noctibus lucta est maior , sed pia mulier in tanto discrimine noctes agit pænè integras , sedes , plorans , & castissimæ Matris Virginis opem implorans , sicque firmatur Diuina gratia. Semel Hinuc ira percitus & furore , quòd à muliercula ita despiceretur , acinacem arripuit , quo illam obtruncaret ; illa statim maxima alacritate genua flectens , iunctisque ante pectus manibus , & sublatis oculis , percutit , inquit , pro Christo morior. Hinuc speculum istud admiratus , mutauit animum , priuauitque Christi famulam corona Martyrij , quod in votis habebat , fortè vt maioribus meritis , & longiori patientia pulcriori laureola perfruatur.

S P I

Z z 5

*S P I R I T V S S A N C T I, E T
Carigana Sedes.*

IN Sancti Spiritus, siue Palapagi, administri sunt nostri Patres oppidorum decem, quæ amplæ insulæ Zabao, & duabus minoribus circumiecta sunt, regioque hæc satis ampla Sancti Spiritus nomen habet, sed quoniam in oppido Palapag primum fuit Fidei præconium, hinc est, Vt Residentia Palapagana dici soleat, non aliter ac aliæ Residentiæ, quibus multi ad ministeria assignati sunt populi, à præcipuo appellationem sortiuntur. Numquam ad hanc regionem Mindanaenses peruenere, tum quia magis distat, quàm aliæ, tum quia maris nauigatio est perdifficilis per angustum fretum, & velut ostium, per quod mare ad insulas istas funditur, & refunditur, resluuntque vndæ in seipsas ea velocitate ac impetu, vt certum sit ignaris illac nauigandi periculum. Rebus itaque pacatis huius Residentiæ, fructus etiam pacatissimum percipiuntur, vt hoc anno ad Baptismum mille ducenti sexdecim adducti sint: trecenti paruuli, vnde nonnulli paullo post feliciter defuncti sunt. ex adultis quadringenti & octoginta duo consuetis Ecclesiæ cærimoniis matrimonio coniuncti. Indigenæ quidam venationis causa montem ingressi, gurgustia quædam idolorum cultui dicata videntes, ancipites ac dubij esse cœperunt, an vera essent, quæ de idolorum inanitate nostri prædi-

prædicauerant, & statuto ad ianuam idolo, comperiamus, aiunt, vtrum proavis nostris, an Evangelij prædicatoribus adhibenda sit fides: si ceruum ceperimus, standum erit antiquæ doctrinæ. Tunc exeuntes, hac illac peruestigantes, sub vesperum nihil venati redierunt: & Crucē sanctā idoli loco statuentes, addiderunt, vera fatebimur, quæ Patres de Christo nos docent, si ceruū venati fuerimus: & ad venationē exeūtes ante horam ceruū magnitudinis ingentis deprædati sunt, quod ipsi admirati, multis aliis & nostris etiam retulerunt, & errorem dedocti sunt. Carigaræ bellici quidem rumores terroris nonnihil pepererunt, non ita tamen, vt ministeria nostra prætermitterentur, quāquam populi frequentia minor aliquando fuit, sed ipse tandem timoris turbo indigenarum ardorem pietatis excitauit, maior enim deinde fuit ad Sacramenta concursus. Indigena quidam multo auro & mancipiis opulentus, ab amico pietatis cultore admonitus est, vt deposita avaritia, tandem Deo se dederet: meminervis, inquit, quod in concione audiuius, qualiter Deus peccatores punit, quos diluuiū quondam perdidit; cui respondit auarus iocator: Aurum habeo, quo scalam fabricabo ita sublimem, vt si mundus iterum aquis obruatur, ad ætheream regionem possim ascendere. Non multò post eum riuulum pertransiret, in pauculas lapsus aquas interiit.



PROVINCIA

LVSITANIA.



N N O · priore fuimus sexcenti septuaginta sex Socij , posteriore decem & nouem illis pauciores ; Sacerdotes ducenti triginta , Scholastici centum nonaginta circiter , Coadiutores centum septuaginta septem , octoginta Nouitij , Familix decem & octo.

OLYSSIPONENSIS PROFES-
sorum, ac Tironum Domus.

IN Professa Domo tres occubuerunt, omnium primus Nicolaus Pereira , rei familiaris iactura insigni , cui se vltro , Musis valere iussis manciparat, cui primas operas debet succrescens Nouitiorum Domus , quam valde iuuat , visurus propediem absolutam , nisi dura illa manus vno

eraxisset in Libitinam, meritis grauem, natum annis sexagintaquinque, nobis iunctum triginta sex. Crudum adhuc vulnus infricuit Alfonso de Proença proximus discessus, eodem vitæ genere, & fide, quibus ille superior, quo mortuo magnum nobis reuixit magni illius Ignatij Martinez desiderium, cuius lateri viginti ipsos annos tractandis pueris adhæserat: plures etiam colligenda nobis stipe posuerat: mite ac māsuetum ingeniū: cōpositi ad modestiam oculi, animorū: illices & amici, cælestium rerum commercio viam muniebant; viuum amauit, mortuum suspirat Olyssipo, cælo inuectum post ætatis annum primum supra quinquagesimum, Societatis secundum supra tricesimum. In ipso ætatis flore nobis præreptus est Guillelmus Monisius, primo adhuc Tirocinio multus victoria. Conimbrica Olyssiponem missus morbo corripitur, nec inter morbi deliria omnino desipuit, quin duriora quæque Obedientiæ nomine prosequeretur; de cætero summa innocentia, & quæ in illa ætatula parum negotij ad Superos facessat. Annis vixerat septemdecim, primo Societatis defunctus. Sacro fonte lustrati ad septuaginta Hebræi, Turcæ, Mauri, Hæretici vitio emuncti: Duo insigniores, alter Maurus Dynasta, alter Morabitus Cacisius: copiis ille, & potentia Nobilis: iste litteratura, & Alcorani commentis superbus: lustralem aquam apud nos susceperere: Episcopus Septensis lustrauit: de fonte susceperere primates Lusitani sollemni cærimonia. Indica nauis ad bonæ Spei promontorium horrendo aquarum
pro

procursu ad Syrtes & breuia impegit, in summo discrimine mox omnes cælum ac Superos fatigare: pendet, nutat, & mole sua stat oneraria, dubia quâ ruinam trahat: tum qui aderant Virgini, cui à fine religio, haud illepidè in fine vitæ votum nuncupant: ædiculæ id nomen est, haud procul Olyssipone, fastigiato promontorij isthmo, & in Oceani prospectum pharus altera. Resilit subitò inter vadosa nauigium, ac velut cælesti manu ductum viam tenet, & portum; dissimulare interim solutionem debitores: noster vnumquemque adire, aurem vellere, insimulare voti damnatos, donec collatis symbolis lychnus aureorum ducentorum & quinquaginta confletur & affigatur. Ridebat adolescens omnem rationem Sodalitij petulantius, cuius flagitij cum à Sodalium vno seuerius argueretur, Age, inquit ille, schedulam mihi vnâ, hoc mense, Rhadamantus aliquis ex vrna moueat apud vos, & si quidem Sancti tutelaris mihi nomen obtigerit, ea syngrapha sit, me nomen daturum vestro albo. Ergo dies aderat, demittuntur in urnam nomina, sortitò educuntur, eo ipso, quo optauerat, nomine schedulâ illi exiit, perculit animum adolescentis oraculum, & homines, qui se tam ritè inaugurarent, datò nomine, persequitur, ad virtutem impigrè æmulatur. Lectulo affixum, Sodalem grauis morbus opprimebat, sed enecabat maximè nausea, cum deplorata valetudine cælestis Mater adblanditur, visendam se ægro cum puellulo per speciem obtulit, puer calathum gestabat pomis grauem, tum ad irritamentum gulæ offerre

offerre homini fastidioso. Leuat ipse impiger corpusculum, dat se in genua venerabundus, & in puerum ruere capit impetum, subito autem inter manus tantum delictum elabitur, mox autem nauseam depulsa cum morbo est.

Insequente anno ademptus est è numero Fratrum in Professa Domo Bartolomæus Aluarus, Formatus in re domestica. Adiutor, in Deum & rem sacram pronus, unde illa ad augendam templi suppellectilem industria, cuius manu si partum dixerim princeps totius sacrarij instrumentum, à vero procul non erit. Ut tamen cum manu animum intenderet, nullam Aluarus diem à psallendi officio duxit vacuam, Sacerdotibus, quotquot posset, facientibus ministrare, & pietatis occasionem, quantulumque se daret, premere solitus. Ceterum quam piè in Deum affectus foret, apud externos planè docuit; quæ enim ægrotus post Eucharistiam vomuerat, nixus genibus Aluarus exhausit, tactus metu, ne si quid sacri subesset, minus castè haberetur. Mira eius in ægrotos caritas, quos annis ferè quadragenis apud nos procurauit, & quidem aperto capite, vultu placido, ut in eo negotio nullius opem operamve exigeret, tamen si liceret per ætatem, & labores. Japoniis laboribus destinatus, & ab Antistite Sebastiano Morralio in Sacerdotem selectus, amplexus laborem, honorem constantissimè remisit. Morbo tandem afflicatur, quo pressus morbo, sacrum Beato Bartolomæo diem confecit vltimum. Ex Hæretica licentia quinquageni Christi se Fidei credidere: ex

Mahometano & Hebræo luto quini viceni sacra vnda lustrati : terni tamen , eiurata clàm Hæresi, Christo ac Fidei restituti : & in iis natione ac vita domestica Maurus vnus , licèt quadriennio iam publicus Theologiæ auditor. Vnus aliquis inter reos capitis damnatus, causam à prophano Senatu ad sacrum vertit , quòd se familiarem Religiosi Ordinis, & Sacerdotem assereret , idque firmaret testibus. Hinc exorta inter vtrumque Senatum pugna acerrima, vt iam propè ad manus & ferrum veniretur , dum vtraque pars reum ac eius iudicium sibi vindicat. Verùm vbi patuit paratos ab reo testes, quibus causa niteretur, ducitur ad supplicium, eoque mittuntur cum lictoribus instructi securibus Magistratuum apparitores , ne quid tumultus oriretur. Coëunt etiam populares relictis operibus officinisque, pro sacro Senatu pugnaturi, si quid moueretur, tanto mortalium concursu , vt dena millia in armis essent. Quid fieri oporteret in tanto rerum motu ægrè succurrebat : à nostro tamen homine factum, vt reus suas artes cum fide referret : quo dicto omnes discussi motus euestigò, & reus iniecto laqueo suspensus dignum moribus exitum inuenit , non tamen leui salutis argumento. Similis pænè nostrorum industria in altero , ac similis euentus. Nobilem peculatus reum indicia & iudicia oppresserant , vt res ad restim pertineret, qua parata, commotus grauiter, vel doloris puniendi, vel leuandi criminis gratia, multa in libello nomina conscribit, quibus sceleris affines ex ipso supplicij loco nominaret , &

iudicio committeret. Res multorum famam offendebat grauissimè, ciuium animos turbabat, quos ad spectaculum viri Nobilis pœna exciue-
rat. Hominem vt ab ea mente demoueret, è nostris vnus aggreditur, & reus licèt primùm non respondet, ad extremum tamen precibus vincitur, libellum rescindit, nihil de sociis agit, à p̃iaculo purgat animum, & crucem subit pientissimo in posterum exemplo. Hisce rebus permoti ciues prædicant homines Societatis publico natos bo-
no. Pater Ignatius Martínez nuper vita functus, is qui totam ætatem in pueritiâ instituenda col-
locauerat, his diebus oculos cæco puero restituit. Puer annorum duorum, Emmanuelis Lacerdæ ac Franciscæ Aragoniæ filius, in morbum incidit, ex quo perdidit oculos. Deploratam filij, salutem pater à Deo parandam censet, petit ab nostris, quos obuios primos habuit, ecquid reliqui ab Ignatio Martinio habeant, cuius sub vexillis puer Lacerda adoleuerat, cuiusque sanctitati multum & nobilissima & deuotissima Domus tribuit. Af-
fertur schedula ex Ignatij manu, quam La-
cerda excepit nixus genibus, nec sine lacrymis in magnam spem erectus, puerique oculis adinouet; mirum dictu, admota schedula cæco repente oculos restituit. In Seminario Hibernico decessit anno priore Pater Eduardus à Costa, in primaria nobilitate natus, magnisq̃ue ditatus redditibus, cœlibem vitam ad quadragesimum secundum vitæ annum magna laude egerat, inde Societatem ingreditur, & quoniam ætate grandior, ceteris

viribus , nequibat quibus volebat copiis Deum demereri, eis statuit, quibus posset. Quare in Collegij foundationem fortunâs omnes corrasit , fortunatissimus vel maximè hoc nomine, quod Fundatoris encomio viuus & mortuus breui intervallo potitus est. Cum enim de loco ac sede Collegij consultaretur , sedem ipse mutauit , & egregios viri conatus inexorata illa necessitas intercept , postumamque feturam Societati reliquit, posteris documentum insigne pietatis. Memorant, in summa illa facultatum licentia , vsque adeò alienos oculos præcauisse , vt etiam famulorum conspectu in corporis adminiculatione sit verecundatus. Inde morti accinctus , ingeniosus pudoris Athleta , sacro oleo periungendus , vnum enixè petiit ; tum se proluxiori gaudio delibutum fore, si sacra ea litura, inuiso corpusculo, nullo pudoris dispendio, admoueretur : ita mortem, placidissimo somno similem, eluctatus est, anno ætatis quadragesimo , Societatis septimo. Secundum ibi amissimus Patrem Andream Alvarez , emeritum totius Prouinciæ Procuratorem , eundemque dexterrimum , & virtutis studio spectatissimum. Quamuis graui confectoque corpore præcipitaret ad senium , viarum difficultates crudus viridisque superabat. Mortem mira animi voluptate excepit , ætatis suæ quinquagesimo sexto , nostræ Societatis sexto supra tricesimum. Tertius discessit Pater Dominicus Pirez , annis natus quadraginta duobus, egerat in Societate duodecim, Spiritualium Adiutor minimè malus. Morbi improbi

bitate laborum Iliadem exforbuit. Quartum mors abstulit Antonium Emmanuelem, bonæ indolis adolescentem, qui phthisim obfirmato ad mortem animo ita pertulit, ut vitam præ illa sibi iam molestam fore dictitaret. Obiit anno ætatis vicesimo sexto, nobiscum nonum absoluerat. Quinto loco desideratus est Franciscus Alvarez, rei domesticæ Adiutor, Diuinæ etiam cupidissimus, cui vnus suauissimè inhiauit, longo senio affecutus est. Vltimus numerum expleuit Alfonso de Boim, eodem vitæ genere, iisdem morbi molestiis diuexatus, sed breuiori cursum tenuit, triginta annis natus, quorum octo apud nos summa laude traduxerat.

CONIMBRICENSE COLLEGIVM.

PHTHISIS vnum & alterum nobis exstinxit: Primum Antonium Ferreiram, læuo an læto anni auspicio dubjum: primo scilicet anni die vltimum habuit in humanis, in Diuinis prorogaturus. Rerum domesticarum Adiutor fuit strenuus, sed vitæ compendio vires fregit, cum expleisset vicesimum sextum ætatis annum, Societatis quintum, & virtutum omnes numeros. Secundus Emmanuel Correa fato acerbo extabuit, sed hilari vultu in pertinaci laniatu dolorum: Philosophum agebat bonæ spei; Religiosum minime malum: ætatis annum vicesimum secundum: in Societate sextum. Sodales, elaturi fune-

re aliquem ex Collegis, albari coeunt in commune sacellum, vnde postea ordine procedunt ad exsequias. Quod igitur Sodalium vnus insigni tectus amictu non venerat, Sodalitij Cenfor ceream faculam ei negauit multæ nomine. Animaduersionis huiusmodi hominis animum adeo exacerbauit, vt in verba licentiùs prolaberetur. Cæterum ab eo stomacho vbi deferbuit, tanti piaculi luendi optimam iniit rationem, nam cum Sodales coisissent, frequentesque omnes nullo vestis insigni assiderent, ipse alba iam penula insignitus ingreditur, tum defixis solo genibus temerariam linguæ procacitatem palam profitetur, multisque inculat: optare se à Censore illo duriùs obiurgari; cæterum veniam illo habitu & poscere, & sperare, nec immerito assecutus est, & ingenui pudoris amatorem omnes mutuo amplexu exceperunt. Femina triginta ipsos annos libidinum cæno volutabatur, neque satis fidebat Confessariis: inde sacris passim temeratis in desperationem adducitur, & iam infernates umbræ prætendebantur, miseram vt portentis ludificarent, cum supernates affulsere splendores. Pernox cum ea semel facinorum conscientia discrucietur, somno occupatam Virgo cum Puellulo I E S V circumuenit, oculis & vultu seuerioribus obiurgat: tum Puellus, eia, inquit, hosce vide minimè suspectos; duos ille nostros Sacerdotes digitulo commonstrabat, quibus peccata tutò credas; nec plura Puer, sed cum amica quadam indignatione discedit. Euigilat mulier cum eiulatu, & reliquum noctis producit

insom

insomnis: vixque illuxerat; cum in ædem nostram properat: ibi lacrymabunda ante Virginis & IESV aram supplicabat: & ecce tibi duo illi nostri, tum primum ad oppidum prouecti, templum ingrediuntur. Hæsit diu stupore defixa mulier, ob rei insolentiam, quod videt, non satis credit: vbi tamen recognouit, domum repetit, mox totius vitæ inita ratione, peccatorum turpitudinem expendere, in comperendum dicturam parare: nec multo post ad pedes nostri Sacerdotis mandata facessit: tum & illa animi turbatio penitus facessiuit. Nostris peregrè versantibus concionum gratia nunciatus est allatus, luporum cateruam saltu degresam in homines inuadere; septem iam mortales eorum laniena interiisse, plures etiam commotos contagio laborare; sed illud stupendum inter cætera. In vicino oppido Germello famosam feminam vulgato corpore lasciuiare; quam lupi omnium primam confecerint; nam ipso meridie lupi cateruatim lupam in lupanari inuadunt, & inuerecundum illud os ore vesano, fædòque laniatum relinquunt.

Anno altero aliquot Sociorum extincti febre: in iis primus Emmanuel Pinarius, nec Philosophiæ curriculum, nec octauum in Societate annum, bonus sui hostis peregit. Post hunc Antonius Godinius, religiosè viuendi, & meditandi amans, decurso Philosophiæ spatio; & nonum Societatis, & supremum vitæ annum expleuit.

Tertio loco elatus est, Angelus Borgius, Italus; curandæ rei domesticæ ita deditus, vt ex pulmone

sanguinem labor excusserit, laboris ita amicum, ut imminente fati die adhuc non cessaret.

Quartus excessit Ludouicus Rebellus, Humanitatis studiosus, in humanis tamen decimum annum, in Societate tertium annum vixit, totius virtutis cura notus, verum pietatis & poenitentiae ardore notissimus. Praecipuam duxit curam, se premere & deprimere: atque ita ad occasiones intentus, vilissima quaeque exercebat. Cognatorum tam pie abhorrens, ut è nostris vnum, auctoritate & gratia non modicum, minus curauerit, quem sibi cognatum nouerat. Quidquid temporis à reliquo negotio suppeteret, in contemplandi otio collocabat, eaque erat inter Socios de Ludouico opinatio, ut quæsitum nemo nisi nixum genibus, & meditantem inueniret. De obitu monitus nihil mouetur: tam lætus de eo differit, ut nihil in votis aliud habere videatur, ita de patriæ bonis certus, ut cum Sacerdos vnus illa Iobi ederet oracula: In carne mea videbo Deum saluatorem meum: semel & bis adderet Ludouicus: Quem visurus sum ego ipse, ego ipse: atque ita cum paullatim deficeret, inter piorum preces tranquillissime exspirauit, tam læto oris habitu, ut cum efferretur, viuus videretur. Suam quoque in Tirones manum iniecit mors acerba: Emmannel enim Foïus, Olyssiponensis, genu exulcerato decubuit, & occubuit. Is quidem erat, quem morbi vis satis molesta commendauit, spe & patientia probaturum. Foïum sequitur Sebastianus Aluarus, Adiutor optimo patientiæ nomine; cum perpetuo totius

corporis dolore vexaretur: laboris patientissimus, quem non exiguum in prædiorum cultu posuit. Ex Patribus tres & morbus & mors abstulit; vnum in primis Emmanuelem Tauarium, Eborensem, anno Societatis quarto & vicesimo, morbi causam ab ægro iam quadragenarius contraxit, quem audierat confitentem. In Insularum stationibus Theologiam de Moribus docuit, & Concionatorem egit bona totius Societatis fama. Alterum rapuit Franciscum de Faria, quattuor Votorum Professum, & quadragenarium, duos & viginti annos in Societate agentem, totius vitæ cursu totius etiam virtutis nomine prædicandus. Paupertatis ita studiosus, ut eam in paruis æquè ac in magnis amaret. Caritatis & pacis adèd amans, ut pro odio gratiam redderet. Meditationibus ita mancipatus, ut Deum semper versaret animo.

Postremò obiit ille totius Prouinciæ magister Sociorum parens, & nouum sanctimonix exemplum Georgius Rigijs, quem tamen beatorum sedibus adscriptum vitæ benefacta, & præclara omnium dicta probant. Eius ætas ad annum octogesimum septimum processerat, cuius in Societate septimum & sexagesimum expleuit, trium Votorum Professus. Ab inito Sacerdotio in Collegij Ministrum cooptatus, eam potestatem ad proiectam iam ætatem tolerauit: quænam verò ibi sanctitatis signa fecerit, supremus Professorum gradus mouet, quem sibi decretum obstinatissimè recusauit, illud iteratò dictitans, satis sibi suoque nomini quæsitum, si in secundis consiste-

ret. Diuinis rebus ita vacabat, vt nec morbus, nec vlla rerum cura meditandi curam solueret. Nam cum grauius affectus decumberet, rogatus de valetudine, reddidit bene se valere, dictum ex eo firmatum arbitratus, quod stata meditandi hora, licet lecto affixus, meditaretur. Quo in studio quam intenderet animum, significauit, miratus in quodam Socio mentis in oratione vagationem; nam, inquit, quæ fieri potest, vt aliena Deo cogitet, qui Deum orat? Paupertatem matrem professus toto corporis cultu & habitu: vestes sua manu refarcire solitus: caligis quinquennium, pileo ultra decennium vsus. Poscenti dederat celestis Agni cerulas, ea facultate, qua Minister, ea dona dabat. Ex facto subit animum facti pœnitentia, atque in multorum aspectu nullum sibi aliud in ea re factum, hoc vno excepto, pœnitendum retulit, nec sine lacrymis. Sensuum licentiam ita seuerè habuit, vt in vltimo vitæ die pedem subtraxerit tentanti an frigeret. Linguam ita premebat, vt nunquam sine magno verborum pondere & pudore loqueretur. Hunc ab vno Obedientiæ cognomento Sanctum Pater Iacobus Myronius nominabat, cum Prouinciam recognosceret. Certum illud & peruagatissimum à Ministro morem Rectorum moribus ita gestum, vt ex eorum dicto dictum, ex vultu vultum, ex animo animum formarèt; ac vel eos etiam, quorum pueritiam instruxerat, Christi loco Præfectos pueri more & modo senior observabat & colebat. De suo ministerio ita ratiocinari erat solitus: inuisam obtemperantibus Ministri

potestatem cur ambirem? Molestam ministrantibus cur pertinaciter detrectarem? Nonne id obediēti homini absurdum fuerit? Mulcendæ Sociorum valetudini, morbisque leniendis nullam vquam opem & operam non adhibuit, quibus se rebus natum & prouisum à Deo dictitabat. Quo in genere illius quoddam facinus memoratur, quod Petrus Fonseca magnæ vir auctoritatis, miraculum, non miraculo dixit simile. Ægrotum nactus vlcerosum Rīgus, non auersatur, quamuis delicatī animi sollicitia à curando auertat: quin potius cū ex hominīs vlcere manet sanies, manentem ex vlcere saniem semel & bis exsugit, vt ostendat arduum esse nihil, & nihil horridum, quod caritatis virtus non efficiat, non exhauriat. Vno verbo eius sanctimoniam clarissimorum virorum testimonia ostendunt apertissimè. Ignatius Martinius Rīgij sententiam in negotio, quod inciderat, publicè in conuentu Patrum laudauit aliquando, tamquam hominis, cuius auctoritati nemo deberet refragari. Venerat idem Ignatius Conimbricam, cuius manum vt oscularetur Rīgus omni conatu enisus est, sed præcisè negauit Ignatius, atque cū Rīgus inde excessisset, de illo sic locutus est: Ea pollet Rīgus sanctitate, vt mihi sit dubium, an iustè à nobis curetur, & pro meritorum gratia ametur: ego certè non satis haberem, quem ille tangit pedibus, locum osculari. Æqua de Rigio Pater Petrus Fonseca, qui à Rigio non facta facinora, sed miracula patrata asseribat. Idem censuere Pater Hieronymus Caruallius &

Pater Franciscus Soarius , Conimbricensis Antistes, Academiae Rector, ex Academia litteratissimus quisque, ac sacro e Senatu Patricij, quibus Rigij sanctitas & grata & nota erat. Neque minùs reuerenter de eo iudicauit Princeps Catharina Ducis Brigantini mater, neptis Regis Emmanuelis, quæ de nullo potius, quàm de Rigio sciscitabatur, nullius æquè ac Rigij sanctitatem celebrabat, quem etiam ex matris præscripto, dum Conimbricæ vixit, Alexander eius filius parentis loco & habuit & coluit.

E B O R E N S E C O L L E G I V M.

A Vsa etiam est Eborenses contemnerare molesta illa phthisis, vt pari ac Conimbricæ iactura, duos afflauerit, ætate, studio, virtute pari, dolore etiam nostro pari. Primo contactu emarcuit flosculus ætatis Michaël de Alcaceua, absolutum vixdum Tirocinio; sed in illa ætatis tenebritudine, annosa & adulta virtus consenuerat. Cum paullulum morbo recreatus corpusculum leuaret, rogatus à suis est, vellétne Societate exauetorari, quod se impetraturos, vitæ causa, non diffidebant. Mihi verò, inquit ille, viuere Christus est, & mori lucrum. Igitur quam vitam deuouerat, mira dolorum patientia incorruptissimè traduxit. Eum secutus est Franciscus Rotericus, ab operis Formatus Adiutor, Societatis amore insigniter laudandus. Huius parentibus dum homines

nes nequam obesse infamia student, Roterico grauissimè incommodarunt, nam cum Societatis illud esset impedimentum, dimissus ab ea est; ceterum eam calumniam adeò ipse eluit, vt vel ipsi impostores turpissimi mendacij conuicti fuerint. Ergo comperta veritate ire iterum in Societatem Rotericus pergit, rediitque, qui noster fuerat, sed breui fuit, nam comes Procuratori Romam cuncti phthisim contraxit, vnde absumptus est.

Et altera quoque biennij parte obiere duo, primus Pater Rodericus Barrius, Spiritualis Adiutor, lenta corruptus febris, molestias morbi patienter pertulit, & bono virtutum omnium exemplo, quem pietati deuotissimum probat frequentior ad augustissimum Sacramentum obsecratio. Sub Patris Roderici excessu Frater Thomas Fernandus, in re familiari Adiutor, dum vixit & valuit, piè & diligenter sua munera obiit. A Tudertania missus Eboram, mortis causam habuit eiectum ore sanguinem, quam ille iacturam pro Christo factam in magno habebat lucro. Muliercula cum marito vitam manu tolerabat, eaque industria pecuniam coëgerat, vt vicena in numerato festertia haberet, quin de summa virum moneret. Nec succurrebat, quo in opere tantam pecuniæ vim pulchrè locaret, nec opportunitatem ad id captabat, eam tamen Deus obtulit. Cum enim puella genere Nobilis in Sacro Virginum loco foret, & periculum esset, ne, ob rerum angustias, profiteri non posset, nève loco moueretur, rerum fortunam, puellæ nobilitatem, naturæ dotes simul cum ino-

pia in urbem fama distulit, in forum distraxit, quod in loco muliercula suas curabat opes. Iniqua ergo puellæ fortuna pulsatur mulieris animus, nostrum extemplò contuenit; quam pararat summam in puellæ dotem libèter attribuit. Docet noster viri assensionem in id munus, & pium opus esse, conciliandam, quam mulier & pollicita est, & à viro non inuito expressit, cuius tam proluxa voluntas erga alienam penuriam ita Virginum Collegium ipsi demeruit, ut tametsi oblata summa rationem consuetæ dotis non æquaret, pro legitima tamen dote sumeretur.

BRACARENSE ET BRIGANTinum Collegia.

Bracaræ Lutheri discipulus, nostris Doctōribus, fœdæ scholæ errores dediticit. Vnus diro anathemate execrandus, post viginti annos tremendæ deuotionis, æris abalienati condonatione, absolutus. Hominum tria millia Cinerarium peruigilio Christi corpus participauerunt: eum tenorem pietatis per anni spatia plures seruauerunt.

Altero anno ex Patribus obiit Antonius Dinyfius, Conimbricensis, anno ætatis tricesimo octauo, Votorum quattuor Professus, cum Theologiam de Moribus exponeret, quo in officio versatus septennium patientia nobili; cum enim minus valeret commodè, morbi vim tacitus sustentabat.

tabat : nec tamen ex valetudine in socordiam defecerat , Confessionibus & Concionibus paratus, Obtrectandi cupidos solo vultu coercerebat : eaque erat de homine opinio , vt verbo neminem vel leuiter offendisse putaretur. Post hunc Odoardus Cernueria , Portuensis , obiit , qui annum ætatis quinquagesimum tertium , tricesimum nonum Societatis expleuerat , ad quattuor Votorum professionem promotus , vir laboris patiens , nam decies in diuersa missus præclarè egerat , Confessionibus continuus , Concionibus assiduus , ingenio ita placido , vt ne verbo quidem læderet , & si factò læderetur , ex quo magnam domi forisque gratiam coëgerat.

Brigantiæ Iubilæi Religio profanum ieiunij præludium fausta acclamatione consecrauit. Pari auspicio Parthenonis Sodalitium artifices , & agricola nuncuparunt. Ad celebriora oppida susceptæ tres expeditiones , quibus momenti magni merces exportatæ sunt. Vnius infelix casus , qui cum salutare admonitiones summo despiciatui haberet , maiores etiam odij flammæ eructaret , in pontis traiectu , cum multi præissent innoxij , ipse depontanus labente subito sublicio deicitur , amneque abreptus , haud dubio

Diuinæ vindictæ ostento ,
præfocatur.

*P O R T V E N S E C O L L E G I V M ,
& domus Professa Villavicoſæ.*

RECTOREM in Portu amiſimus, Patrem Ioannem Pintum , cum deſiderio noſtro ingenti. Carum omnibus & amicum ſincera hominis fides commendabat , gratum ac facilem morum ſuaui-
tas , & cum venuſtate coniuncta pietas. Com-
mentariolos propriis notis exaratos reliquit , in
quibus rerum ſeries , altera expiandi animi curam
indefeſſam, altera cæleſtes Chriſti delicias , qui-
bus precando fruebatur , commonſtrabat. Illa ſep-
temdecim vitæ totius confeſſiones notatiunculis
ſignificabat : iſta neſtareos Chriſti amores, multi-
plici cæleſti afflatu , complectebatur. Cum hac
vitæ cura nulla vitæ diſcordia fuit : talem vitam
apud nos triginta octo annis poſuit , talem mor-
tem quinquageſimo ſexto inuenit. Opportunè
noſtri vinctis , fame oppreſſis cibos conuexere,
ſtrauere menſam , res Diuinas inter veſcendum
tradidere : ſed opportuniùs paullo poſt aduenis,
vrgente fame in urbem confluentibus ea multitu-
dine , vt quatenus millia capita cenſerentur , ope-
ram dedere , vt Magiſtratus & ciuitas eorum ege-
ſtatem leuaret. Coaſto apud nos vtroque vrbis
Senatu , decretum , vt domus extra urbem para-
rentur , quæ multitudinem acciperent , pecunia de
publico in cibos attributa, creati annonæ Præfecti,
qui negotium ſedulò curarent. Per eos dies po-
tentio

tentiorum domus patuere, cibi & fomenta egenis passim præbita. Puer fuit, qui sibi à parentibus pacifceretur omnes mensæ reliquias, sua manu mendicis diuidendas; pactum tamen gratis non impetrat, studio & patientiâ extorquet, cogit vndecumque munuscula, ad ægros adit, cibum in os infert, è lectulo tollit, culcitam versat, ægroto grauius affecto ad latus adest, nocturnas agit excubias, nec humilitate ægotantis, nec vllis lecti sordibus deterretur, vt significet quid incensa vis pietatis valeat, vel in ea ætatula.

Villavicosæ nobilis femina molesto morbo infestata longos medendo protriuerat annos, Superos omnes precibus ac votis, homines fortunis ac donis sollicitauerat, nec hilum tamen profecerat. Ea domo semel egressa in vicinum templum properabat, in nostrum tamen ab amica introducitur, vbi Beati Patris Ignatij effigiem animaduertit, & percontata cuius esset, audit de illa altera muliere, quod eius animum commoueret; mox igitur, manantibus vbertim lacrymis, O Ignati sanctissime, ait, fer opem quæso miseræ: per has ego te lacrymas, per sæuissimos corporis cruciatus obtestor, fer opem miseræ, Pater, iterum rogo, fer opem. Hæc ferme precabatur cum deprauati corporis emendationem sensit, domum regressa corporis vitium explorat, nullum apparet morbi vestigium. Tum laudatissima familiæ testificatione acceptam Ignatij beneficio valetudinem prædicat.


*PHARENSE, PORTALEGRIVM,
Funchalense, Angrense, sancti
Michaelis Collegia.*


PHarensum Sociorum diem suum obiit Baltasar Monteiro, in re familiari Adiutor, minimè piger, & qui breui, Societatis nostræ commercio, magnas cælo merces intulit. Septimum in ea agebat annum, vitæ mortalis insuper vicesimum. Veneficarum portenta regionem infestabant, auitum malum Turdetania, sed quod nunc licentiùs etiam grassabatur, Antistitem eius pestis commonuimus, in eam eius auctoritate seueriùs quæsitum est, & exportatum procul malum pecus extra regni confinia. In Madera Insula, qui rem animorum procurarunt, felicibus auspiciis sua omnes Prouincia sunt defuncti. Alicubi honesta Virgo in Cœnobium propediem concessura, luxati articuli curationem cum neglexisset, ex tumore vlcus natum est, exque vlcere gangræna, vt iam de cæsura pedis ageretur. Dum igitur Chirurgi sæuam apparant lanienam, Ignatium appellat, olei guttulam ex eius lychno deposcit, sperare se hoc subsidio multos angores redempturam, nec falsa animi est, vna liturâ serpentis mali furorem deliniuit, cadit tumor, constat articulus, virgo insistit pedibus,


dibus, & cui se deuouerat Sacro, ad ipsam Beati arā, cū funali cereo assistit. Oppidi familias pæne vniuersas turpi infamia nequam homo asperferat per iracundiæ impotentiam, quòd is vulgo venefi cūshaberetur, vnde exstiterant toto oppido grauissimæ offensiones. Hunc hominem Confessionis ad nostrum Sacerdotem cū adiisset, & inuestam ab se malorum segetem in ciuitatem explicaret, ei fuit auctor noster, vt publicam iniuriam publica elueret pœnitentia. Ergo noster pro suggesto pronunciat, adesse quempiam, qui de se pauca loqui velit: tum ille maledicus in genua prouolutus: en, inquit, monstrum, non hominem: en exitium, opprobriumque totius pagi. Ferte, amabo vós, istas in me manus, & infautum caput oraque fœdate. Hæc ille, aliaque huiusmodi non pauca dixit in se acerbissimè. Tum passis ad cælum manibus, manantibus vbertim lacrymis veniam obtestatur. Expressere adstantium fletus tam piæ voces, dimissaque omnes iniuria, laudatissimum remiserrunt. Funchatæ pulchris malè redemptis quidam planè decoxerat, & desperatione actus, parata resti, cogitabat suspendium. Loco solitario cū manus sibi esset illaturus, incidit in Anachoretam, multā confectum macie, qui de via & negotio eum percontatus, restim clam ei surripit, statimque euanescit. Inde diuersis vocibus se in diuersa trahi sentit, altera in præruptam rupem inuitabat, inde reuocabat altera, & addebat, peristi, si sequeris, verte ad littus iter. Obsecutus monenti ad

714 PROVINCIA LVSITANIA.
litus descendit, feminam offendit, habitu specie-
que virginem, cuius monitu conscendit nauim,
eaque vectus Funchalam in urbem appelli-
tur. Ad nostros deinde adductus,
pestem ex animo, & cor-
pore abigit.









ANNALIVM
PROVINCIAE
LUGDVNENSIS,
SOC. IESV.

ANNVS CIO IOC. VI.

AMETSI Romam suo tempore miseramus, rerum tota Prouincia hoc anno gestarum, diligenter scriptos commentarios, tamen Moguntini Socii, qui eiusdem anni litteras vniuersae Societatis ediderunt, de Lugdunensi Prouincia siluere penitus, siue apud ipsos aut Romae scriptum nostrum intercederit, siue obliuione modò fuerit praeteritum: Eapropter Praesidibus nostris visum est, vt istius biennij litteris hanc huius Prouincia appendiculam attexeremus, vnde peteretur; quod quadraret in Societatis vniuersam Historiam: Totidem porro verbis, quot accepimus, res gestas cuique Collegio reddimus, vt agnoscat sua quisque faci-

lius, nisi ubi capita quædam vernaculè tradita sunt, quæ nostra dictione necessariò expressimus.

LVGDVNENSE COLLEGIUM.

Hæretici satis multi nostros de rebus Fidei hæcperunt consulere, ac de ijs in vrbe quindæcim ad Fidem Catholicam traducti sunt: in Missionibus verò aliquot alij, quorum tamen non est initus numerus: nonnulli præterea eandem viam ingrediuntur, quos speramus propediem nostræ Fidei Sacramento obstrictum iri. Ex eis vnus, nouemdecim annis animo Lutheranus, Catholicum simulabat, aduendo Missam, raro tamen, idque semel aut iterum quorannis, per multos annos simulatè communicando, qui Concionibus vnus è nostris percussus, Confessionem de tota vita, magno sensu pietatis instituit, Fidemque professus est. Alter mercator Lutheranismum ab ineunte ætate in Germania puer hauserat, dein spreto Lutheranismò ad Calvinismum defecerat, ijsque sectis alternis distractus, ad sexdecim aut septemdecim annos indormierat. Tandem nihil ibi solidi nactus Catholicam Romanam tentauit. Cæpit eam cæteris minùs pestilentem, & Hæreticam, Hæreticam tamen existimare. Ad extremum vno toto anno planè in Atheismi barathrum demersus, statuere cæpit nihil istos Diuinus cultus, nihil Deum ipsum esse, nisi in opinio-

ne hominum. Illo anno in summa desperatione exacto, permotus fama Concionatoris vnius e nostris, destinato apud se proposuit tota Quadragesima, indefesso studio, eius audire Conciones; eo animo, vt ex eius dictis aliquam aliam gratiam Religionem sibi formaret, in eaque ad extremum spiritum iam aliquando de minimè certis viueret. Stetit constanter in proposito, & ad dimidiam fere Quadragesimam quadam pro sua Religione noua notabat separatim, iamque sibi nescio quid nouae lucis, ad nouum quemdam titum illuxisse putauerat, cum placuit Diuinæ maiestati illam erraticam mentem in rectum iter Fidei Catholicæ inflectere: cui ille dicto audiens, ad nos accurrit, omnium scelerum mole oppressus; egregieque confessus; ac Ecclesiæ reconciliatus, deinceps magna pietate in Sacramentorum frequenti vſu sedulus insistit: Vnus Calvinista miles, in Hæresi natus ad Fidem vtroque fremente parente conuersus, cum ad Confessionem de peccatis exalbesceret, vixque hanc partem posset deuotare, persuasus vt, Sacramenti effectum, summam animi tranquillitatem, simplici Fide exspectaret ac speraret, vix deuolutus in genua coram Sacerdote, totus solutus in lacrymas, inusitata prorsus contritione & suauitate confessus; absolutione percepta, tantum intimæ pacis sensum expertus est, vt seipſe, velut miraculum quoddam nouum, miraretur. Confessiones ab pridem celatis culpis amplius centum apud vnum Concionatorem habitæ, cum ante illud tempus animæ illæ numquā pudorem pervincere

potuissent: ex quibus vnus plùs quàm quadraginta annos in horrendis sceleribus perdurans, sine Confessione communicabat, audiendis tamen Concionibus bene affectus, toto eo tempore ne leuiter quidem est commotus, vt desperatam vitam relinqueret. Is tandem, Diuina bonitate sub finem Quadragesimæ, ab cælesti gratia potentissimè compulsus planè resipuit, & ad officium rediit. Discipulorum quidam cupidus Societatis veritus ne à patre veniam impetrare non posset, literis ab eo orauit & exorauit. Pater cum facultate & benedictione amplissimè litteris suis imperpetuum, easque per adolescentis ipsum fratrem deferri voluit, cum quo venit mater, & gratulata sibi, familiæque, ipsique adolescenti tantam felicitatem, confessa est nostris, quod numquam fecerat, & cum eodem in ipsomet Nouitiatu communicauit, deinde maternam benedictionem imperpetua, dedit dicauitque filium Societati, cum omnium, qui aderant, gratulatione.

A V E N I O N E N S E C O L L E G I V M.

HÆretici cum Ecclesia reconciliati quadraginta nouem: Apostata duo reuocati ad suum Ordinem, atque Cœnobium. Vir nobilis, cum ab annis triginta peccata sua Confessione non expiasset, audita vnus de nostris Concione, quasi de cælo tactus, Sacerdotem subito Confessionis
ergo

ergo adiit. Alij quinquaginta, ab hoc Sacramen-
to vsque eo alieni, vt nulli vmquam Sacerdoti sua
crimina aperuissent, totius vitæ scelera confessi
sunt. Vnus è Fratribus nostris scapha præangusta
& ruinosa vectus, adhibendis precibus, & frequen-
ti signo Crucis, præsentissimum naufragij disci-
men euasit, ad periculosi pontis traiectum: vt
etiam Hæreticus palam fateretur se, ac reliquos
vectores illius Fratris orationibus, & nominatim
edito sæpius Crucis signo ereptos periculo fuisse.
Decessit de nostra Familia Martinus Ianson,
Formatus Adiutor rei familiaris, vir magna cum
Deo coniunctione, eximia mansuetudine, sui ab-
iectione non vulgari, animi tranquillitate tanta,
vt vix vmquam in eo commoti animi signum de-
prehenderetur. Modestia morum, viuida in ser-
mone lenitas, interioris hominis compositio, in
eo fuere singularia ornamenta. Conuictoribus
nostris, apud quos fuit annum integrum, maxi-
mum reliquit desiderium sui. Hunc paucis post
mensibus excepit Nicolaus Vvarrij, vir, ob egre-
giam pietatem, insignesque virtutes, adèd illustris,
vt in omnibus visus sit excelluisse. In Nouitiata
magnam partem ætatis vixit, vbi ardua quæque
officia cum omnium laude ac Superiorum appro-
batione maxima administrauit, quibus gerendis
conciliauit etiam magnopere animos externorum.
Nemo est de tota Prouincia, qui vel cum modò
de facie norit, cui eius non sit iucundissima me-
moria. Prudentia, vigilantia, fortitudo rebus agen-
dis fuit in eo eximia, vt vnus totius Nouitiatus

externa opera onerâque aggrederetur, cōstantique animo exhauriret. Castitatē apprimē coluit, vsque adeò, vt vel ipsius libidinis nomen timeret, constat autem ex eo, qui conscientiam eius annos septem tractauerit, tametsi calidæ biliosæque constitutionis esset, nullos nec stimulos libidinis, nec cogitationes etiam impuras tot annis in eo deprehensas. Animi candorem, morum simplicitatem, comitatem, & sinceram humilitatem, mitissimamque obedientiam coluit studiosissimè, & perseverantissimè exercuit. In Societate versatus est cum tanto humanarum rerum tædio, vt vix alia re, quàm obedientiæ nomine, moueretur. Nemausensis Missionis Concionator noster cū Geneuensium Constitutiones de pulpito refutasset; eamque maximè inter omnes, qua Ministris mentiendi, detrahendi, otio atque auaritia diffluendi, ac denique subdolè, ac fraudulenter agendi libera sit potestas, derepentè Calvinista insignis ad Episcopum Nemausensem adiit, & Fidem nostrā, vel etiam eo nomine professus est. Excursum ab eodem Concionatore in oppida duò vicina, & in iis, post primam eius concionem, quattuor Hæresin abiurarunt. Aditi sæpe ab eodem carceres; nec sine fructu: nam infamis quidam, improbūque Hæreticus, iamque ob plurima malefacta damnatus ad trêmes, non modò in veræ Ecclesiæ gyrum adductus est, sed & apud Sacerdotem nostrum confessus est, & ab eo Angelico pane refectus. Proposito ab nostris apud Nemausenses Iubilæo, maxima pars vrbis, ac Clerici fermè omnes,

omnes, salutari Sacramento totius vitæ maculas eluerunt. Concionatoris eiusdem hortatu sanctæ Mariæ templum, ab Hæreticis olim dirutum, ab ruinis & ruderibus mundari denique cœptum est, magno piorum omnium gaudio. Regius quidam Consiliarius, sed Clericus, pariter cum Patre nostro, tres sportulas ruderibus plenas, magno circumstantis populi exemplo, extra Ecclesiam adportarunt. Patrem socius suus, socium Catholici plurimi secuti sunt: Hæretici non pauci & opus probarunt, & suam operam, immò, si opus esset, pecuniam quoque promiserunt. Non defuerunt Caluinistæ operarij, qui nulla mercede conducti, in eam rem sedulò insudarent. Locus erat omnium sordium genere confertissimus; eò enim Hæretici immunda omnia coniiciebant. Monspellij, altera in vrbe Hæretica, Concionator intra annum hoc assècutus est, vt centum ac triginta viri, non infimæ notæ, sint ab Hæresi ad Ecclesiam reuocati, & in iis Apostatæ duo, proximè ad Ministerium promouendi. Nobilis Advocatus, qui à tenero Hæresis suæ valdè tenax, eò maximè conuictus est, quòd Caluinistæ Christo & Spiritui Sancto, suo in libello precum, minimè supplicarent: in cæteris Fidei sententiis ita essent distracti, vt, quot capita, tot sensus, cum Catholici omnes in idem penitus conspirent. Agni Dei facta cera adhibita, septem febris, vnum comitiali morbo derepentè persanauit. Malè habitæ sunt inscriptiones quædā Nouatorum, qui, sublati omnibus antiquorum monumentis, in cœmeterij

terij sui vestibulo maiusculis litteris inscripseret,
 MORI LVCRVM. Hortus moris arboribus
 confitus, ipsis est pro cœmeterio, vnde æquiuo-
 cum ducebatur ab nostro Concionatore, quasi ex
 foliis mori lucrum esset Ministris, vt ex feno,
 quod inde colligunt, ideoque non, vt aliis in lo-
 cis, more majorum, corpora in diuersis tumulis
 sepeliunt, sed permistim omnia, ne herba sua eis
 concutiatur. Postquàm ergo se irrideri ex eo sen-
 serunt Ministri, sublata & paullatim erasa est illa
 inscriptio. Huic tamen alia audacior pro templi
 valuis successit hæc: *Deo optimo maximo, & veræ*
Religioni: in quam inuectus noster Concionator
 cùm esset, cùmque Magistratu egisset seriò, vt,
 velut Catholicæ Fidei iniuriosa, deleteretur, Regis
 tandem imperio, ab ipsismet Ministris noctu
 sublata est. Neque tamen non sunt tumultuati
 Hæretici, qui enim prius Patri mortem intenta-
 uerant, in suos Ministros furiosè conuersi sunt,
 cum hoc dilemmate: Si religio quam prædicatis,
 falsa & fictitia est, cur veram inscripseratis? sin
 vera, cur huiusmodi titulum sustulistis? Repo-
 sita, tertiò ingens tabula, in hunc modum litteris
 aureis Hebraicè & Græcè exarata: *Domus Dei,*
porta cali, Pekouel, Tetzayia sacrum. Quod scriptum
 multò magis, quam primum noster exagitant:
 Primò, quòd more Nouatorum inciperent He-
 braicè loqui, cum Caluiniani vernacula omnia
 velint, vt à populo percipiantur: Secundò, quòd
 vltima vox, Pekouel, nihil significaret aliud,
 quàm lecythum, aut lenticulam olei Diuini: Ter-
 tiò;

vid, quod *Tessalya* Deo dedicarent, idque in duali numero, iota scilicet non subscripto, in quo non longè ab Arianismo abluere vili sunt. Quibus eius dictis, cum non esset, quod responderent, æstuabant Ministri, dolorèque suum premebant silentio,

TVRNONENSE COLLEGIUM.

Romanæ Ecclesiæ additi sunt ex Hæreticis centum & quattuor. Sodalis, vacationum tempore, cum domi ageret, incidit in periculosissimam ægrotationem, ex qua nulla vis Medicorum eum posset reuocare; quibus in angustiis, & Sodalitij, & Aniciensis Virginis memor, voto adeundi eius templi se obstringit, ac repente conualefcit. Tum pater ad filium, Annon, inquit, fili mi, tibi supra modum mea profuit sollicitudo? Profuit verò, ait, mi pater; sed displicet mihi grauius, quodd cum essem tanto in vitæ discrimine, nullus mihi vel piam vocem in aures insufflarit, nullus Sacerdotem, qui animæ meæ periclitanti opem ferret, aduocauerit. Hæc postmodum noster Sacerdos à patre adolescentis, Nobili Iurisperito, iisdem panè verbis rescit, qui & fassus est non semel, ac palàm, huius ætatis homines, per liberos suos, nostris Patribus pietatem, & internum animi sensum, acceptum referre. Fuit & vnus tam acer Parthenij Instituti defensor, cum aliquos seriùs ad Sodalitium venire animaduocaret, vocatus ut

Con

Consultor esset; petierit Ianitoris officium, vt quam, in deferendis tardiorum nominibus, inuidiam alij ægrè subeant, ipse liberali animo subiret, ipsosque ad imperatas à Patre pœnitentias, pro negligentia ad ianuam persoluendas, commonefaceret. Apud Romonenses decem omnino è paucis palabundis fuere, quibus euulso vesaniæ lollo orthodoxæ Fidei semèn impertiretur noster Concionator: in his fuit tum Sacerdos defector, tum qui scholæ Humanitatis præfuerat Ludimagister, ac præterea Lutheranus quidam. Ibi puella Hæresim fouebat obstinatissimè, quæ vbi primum nostrum audiit, non modò ad Catholicos, sed in Virginum quoque Cœnobium concessit, tanto Ministrorum dolore, vt ea causa Sacerdoti nostro necem machinati sint. Vir nobilis, scientia rei militaris clarissimus, eoque nomine apud Regem gratiosissimus, singulari præterea humanitate, ac moderatione animi, quæ inductus militares suas copias omni petulantia in res sacras perpetuò prohibuisset, ab incunabulis Calvinianus, cum à bellicis muneribus ei factum esset otium, descriptionem aduersus Catholicam Fidem texere est aggressus. Sed inter legendum scribendumque deprehendit Fidem nostram pluribus fulciri sacra Scripturæ locis, quàm Calvinisimum, vt miraretur, & moueret admiratio scrupulum, scrupulus dubium, & cognoscendæ veritatis desiderium. Quapropter conuocatis, quot potuit, Ministris, magno in confesso obiecit fortiter quidquid interius dictabat spiritus, cui cum non satis facerent

Ministelli, fecit sibi ipse, & Deo satis: nam conuocato clàm bis tēve vno ex nostris Sacerdotibus, arcanorum Fidei veritatem agnoscit, & rationum ponderibus ad idem desiderium sex sui oppidi ciues pellicit, sed eiurandi erroris tempus idoneum præstolatur. Interea Sacerdos alius de nostris ad eum diuertit, perhonorificè accipitur, quibus diebus ægrotabat grauissimè hospitis filiola, cui, matris rogatu, dum noster bene precatur, de repente sanitas est restituta: qui euentus non mediocriter hominem in suo consilio confirmauit. Eorum porro qui ad Catholicos transierunt, plerique vel apud parentes & propinquos, vel apud amicos & tribules offenderunt grauissimè, vt nonnulli ex eo plagas acerbissimas, alij vitæ ac fortunarum periculum incurrerint: nulli tamen harum rerum, quam suæ salutis potior fuit cogitatio. Alicubi duo de nostris aduersus quinque Ministros triduo toto acerrimè pro veritate depugnarunt, & ea felicitate, vt cum multa sua infamia Ministri clàm se subduxerint; vnde inducti Calvinianorum quidam ad Romanum ritum amplectendum, plurimi verò de Catholica Nobilitate maioribus studiis incitati erga Fidem, & Sacramentorum vsurpationem, quibus eodem loco se nostris expiandos præbuerunt. Annonzenfibus Ministris tam infestæ suis castris visæ sunt nostrorum excursions, vt ipsis in Synodis decernendum censuerint, Calviniano planè nefas esse cum Iesuita colloqui. Catholicis verò adeò salutaris

cic

creditus est noster eò aduentus, vt vnus Societatis opem se Catholicos esse prædicent.

BILLOMENSE COLLEGIVM.

Iucundissimus ille fructus excursionum existit, quòd sacrarum Deo Virginum Cœnobia primigeniæ disciplinæ restituiamus. Non iam religiosum Parthenona, sed otiosarum muliercularum conuenticulum appellasset, quod in molli situ non lubricum tantum, sed præceps est. Circumforaneæ non in suis veriùs peristyliis, quàm in affinium Nobilium castris colebant: in hemicyclis, quàm choro larariisque frequentiores. Ingressus omnium ad illas in obuio, omnia publica. Enimverò vt in hanc vitæ solutionem se compositi Patres intulerunt, recipere se omnia, & quasi verecundiam traherent, ipsa silere claustra. Sed cùm censoriæ vocis auctoritas nutantes animos aggressa est, oppidò composuere sese. Pergit opus, nosterque ita flectit, vt summa voluntate tractas ex longinquo mentis labe per Confessionem apud Patrem emacularent. Certè hospitalibus illis hominibus, qui meritoriam salutem in claustra circumferebant, palàm edixerunt, premerent gradum, iam Monasterium vestigia non habere, obesse summi Pontificis antiquum diploma, quod, ignauum adhuc, & longo archiui domitum carcere, in actus efficaciamque palàm cælo proclamarunt. Iam itaque sub claustro virginitas, sub censura
san

Sanctitas florent. Missionem, auspiciis Episcopi, duo susceperunt Patres Gergouiam, quæ octo admodum millibus Billomo abest, Aruerniæ facile caput, atque Metropolis. In hanc, pomerio tantum non attinguam nostro, clausi adhuc erant aditus Societati I E S V, cui in Indiam maria, solitudines, arduaque montium prona sunt. Enisum est ad ultimum, curatumque, ne qua tellus progressibus nostris negata sit. Sed ut est populus ille in Aruernis præferox & imputator, simul nostros adspexit, sinistram omnia interpretari: destinasse nos oculis optimam quamvis prædam, sed suspensis vestigiis ut intercipiamus: hi, nos ambire communis Ecclesiæ exedram illi, cuniculis nos grassari ad occupandum Gergouiense Collegium venali disciplina: denique arbitrio pessimo, quæ quilibet in deterrima pronior, omnia in peius præsumere. Vix sub initia sustentatum est, donec veteranus Sacerdos noster subsidia Deiparæ nostris admouit: cum templum indidem sit magnæ religionis, rem ibi ritè Diuinam peregit, ut æquiora veritati & iustitiæ ciuium corda redderentur. Litatum profectò est; vix enim Canonici in medium consulere admiserant, cum variatis quidem, sed enucleatis suffragiis, etiam honore Concionatoris, & vel reluctanter dignati sunt. Nec verò facti poenituit, cum exitus orationis ad omnium expectationem respondit. Sed in Catechesi habenda maximè elaboratum, Fastis ne fastis que diebus frequentissima concio, ætas promiscua, senes audiendis rudimentis puerascere, audiendis con-

discendisque pueri senescere, hos imaginum sancta crepundia, illos libelli, & officij Christiani breuiaria, mirum quantum incitabant. Cumque prope fidem esset, positurum audientis feruorem, & cum dio inclinaturum; ecce tibi nouum à Collegio nostro Catechistam, hinc nouum accurrere auditorem, frequentia tamen Collegæ prorsus indeminuta. Horum geminatus labor multitudinem tantæ religionis implebat, vt vix superfluenti sit latitiæ temperatum. Auxit fructum & admirationem pertinax ille labor, cum eruptione in oppida facta, concionibus semel & iterum habitis, effuso cursu se ad doctrinam nihilominus nostri propè exanimati sisterent, & viscebantur interim celeberrima pompa, cum quasi per triumphum pomœria ingredientem, ad duo millia sequerentur, qui Confirmationis Sacramentum sub Episcopo acciperent. Idem Episcopus lustrum diœceseos ex parte fecit, comitem itineris, oneris verò insigne subsidium, sibi applicuit Patrem à nostris, cuius opera in illa procuratione singularis constitit. Degebat in oppido Aruernorum vulpecula quædam, superstitione & diris incantationibus olim Geneuæ sic instructa, vt iam annos non paucos mediis Catholicorum cœtibus simulationum testæ cuniculis, bonorum virorum honoribus, licentia Hæretica frueretur. Venit cum cæteris ad eas conciones, quibus Pater Confirmationis Sacramentum aperiebat; nec mora sic animum suum religionis impleri sensit, vt obito primùm ritè Sacramento, Pœnitentia perendie magno

magno animi sensu vsurpata, nulla interiori lucta,
 nullo renisa, in religionis auitæ professionem
 descenderit. Exegit ex eadem silua par panè ful-
 gor vnus cum illa doli sociam. Coniux, qui iam
 decem ante annos coniugis societatem abiecerat,
 in rapina oppidi, manu tantum non Dæmonis, sed
 quàm illius aliquanto fortassis exustulatiore, in-
 tra pomerium Orthodoxorum delubri sanctio-
 ris, pro rata, textili stragulo Dominicam cælestem
 in terris mensam exspoliarat. Ex tam apto sce-
 lestus constuprati templi manupretio, perpetrato
 scelere interulam filiolo destinarat animo dupli-
 cem: domum vt redux fuit homo sacrilegus, secum
 ferens auspiciū, sacrum profert spoliū: expe-
 ritur temerare, ad antegressam mariti opinatio-
 nem, augustum religione pannum coniux: dissilit
 primū opus comminatum, nouit, exit textum
 sartum, interiorem induit blanda parens nato
 vestem, apprimit corpusculū, sed Diuinæ vltionis
 pestem illigauit: ecce enim tibi dērepentē, faciem
 excipit toto corpore puer, fero pastu tenellos ar-
 tus absumentem, conceptum in intestinis bustum
 gerit, & vindex sensim ardor in visceribus catenus
 sanguinem adulat, quoad animum immortaliter
 vindicante manu, pressam expuat ambusta proles,
 & edentulo Dæmoni viuens ac videns inactata
 cadat. Quis hæc tam esse credat, quàm audit,
 se nisi prodat repetita vecors Deianira in fetu
 fructuque vteri sui? Inde igitur nisa & progressa
 ratio, ad pietatis saltem aliquam speciem, viuum
 vanitatis simulacrum peruellit, vt commissum ex-

piet scelus, & parem eblandiatur pœnam. Ad onomastem initialem quemdam suum iam adit, virum rectum, & in auito cultu integram, furtum illi inquinatissimum euulgat, quod sic eluere se velle apud eum commemorat, vt simili mantelo Beati Austremonij aram principem velit opiniosissima mulier inferni, eam sic insequitur ultor à tergo Deus. Alicubi vir Deo sacer numquam in gemma, nisi cum in œnopolio, bibebat: nec se posse delicatè alibi, nisi cum popinæ oleret nidorem, videbatur profiteri: illic natum, fictum, factum, & in manibus œnopolæ educatum crederes. Verbo ita discinctus, & nepos erat, vt, ad pudendum propudium ceterorum in sacris illius loci Pontificum, princeps esse ostentui tenuissimæ plebi. Cum nostro ab eis, apud quos offendebat, est eidem mensæ adhibitus, multi ultro citròque habiti sermones pro conuiuarum more, sed non adipalis is sane fuit, quem instituit choragus noster, ex cuius ore affusus pendebat circulus, quo appetiti sunt tam commodè, tamque non fastidiosè gancarum fumos sectantes, vt malè sibi conscius sacer popa damnarit lustrorum suam superiorum eiusmodi consuetudinem, quam vt abiiceret, per ea lucida mensæ interualla,

sollempni voto sese in mancipio popinas numquam habiturum
 immortalis Deo palam spon-
 dit.

C A M B E

CAMBERIENSE, COLLEGIVM.

Patris Alexandri Hunnæi obitus in hunc planè annum incidit, non in consequentem, quò reiectus est, manifesto errore, scribentis annuas litteras Camberiensis Collegii, cuius Patris mentionem huc reuocamus libentissimè, non modò quia temporis ratio nos admonet, sed hoc etià magis, quòd ius commune Societatis, nostrumque priuatim officium, maximè volentes inuitant, vt tanti viri res gestas ab obliuione vindicemus, de cuius laudibus ieiuniùs, quàm pro eius meritis, posteriote Annali est traditum. Ortus clarissima Hunnæorum gente in Scotis, matrem nactus erat feminam religiosissimam, cuius sancta disciplina institutus, ad omne virtutum decus facta indolè, mox combibit ea probitatis pietatisque initia, quibus suo deinde studio excolendis ipse tandè in sanctum virum euaderet. Puer adhuc in Galliam litterarum gràtia transmisit, quas eximio ingenio, felicissimaque memoria sic complexus est, vt breuì Latinis Græcisque doctrinis excelleret, ad quas adiunxit etiam prudentiam Iuris tanta cum eruditionis laude, vt eius docendi magistrum apud Biturigenses publicè profiteretur. Per illud verò tempus, cum se Deo in Societate addixisset, paucis mensibus eos habuit in Religioso instituto processus, vt de Societate viri graues, & nostrarum rerum experientissimi, quibus adolescentis

virtus erat perspecta, de eo pronunciarent, germani Iesuitæ in eius vita expressam esse penitus effigiem. Ad docendum postea ubi est adhibitus, perfecti præceptoris omnes numeros explevit cumulatissimè, ut cum singulas officij partes in eo suspiceres, non tibi constaret in tanta copia excellentiaque virtutum, quam omnium maximè demirareris. Possunt omni asseueratione affirmare, qui annos non paucos eo magistro vñ sunt, non ei periisse vñum temporis momentum in scholâ, non dictum, non factum vñum alienius excidisse, ad ea, quæ auditoribus traderet, tanta voluptate semper visum affici, ut magno secum ardore discipulos in idem studium raperet vel inuitos, quos haberet assiduissimos etiam cum vniuersa Francia intestinis bellis flagraret, adeoque ipsæ Gymnasij exedræ pænè quotidie classico personarent. Auditorum singulos amabat ut germanos totidem, quorum compendia, ut pro cuiusque ingenio inquirebat sollertissimè, ita ubi constaret, quid in cuiusque rem esset congruentius, id verò studebat ardentissimè, ut maximè incensa in omnes caritate, singulorum, ac deprauatissimi cuiusque, beneuolentiam sibi adiungeret. Multos annos quibus Rhetorem egit publicè, nec inter docendum, nec inter priuata cum discipulis colloquia, vñquam auditus est loqui vernaculè, qui tamen esset Gallicæ linguæ scientissimus, sed aded imbiberat animo rectam accurati Magistri rationem, ut perfectæ Latinitatis se non doctorem magis, quàm perpetuum præberet exemplum

plum, & reuera eius hæc laudatissima consuetudo, quod & Latine, & elegantissime perpetuo loquebatur, multos discipulorum incendebat fructuosissimo ipsius imitandi studio. Quidquid umquam legisset, eius æternum hærebat in illius animo memoria, unde selectarum rerum varia illa existeret copia, qua docentis sermo mirifice ornabatur; ut Demosthenis & Homeris; Tullij & Maronis, & aliorum eius generis, nullus insignis locus exponendus occurreret, quem affines loci plurimi, ex eodem scriptore, totidem pronunciati verbis, & quidem summa cum venustate, non continuo illustrarent. Si quid porro in audientium animis altè defixum esse cuperet; incenso mentis ardore, qui etiam emicaret ex oculis, & vocis suauitate tanta suadebat; ut eius studio discipulos inflammaret maximopere. De iuuentute, suæ disciplinæ commissa; mortalium nemo illum audiit secus loqui, quàm de sanctissimis adolescentibus; immo, nè venit quidem illi in mentem, ut, quàm diceret, aliud existimaret, ita vir integerrimæ vitæ, si quid minùs rectum animaduertèret, corripiebat quidem sollertissime, apud alios tamen arbitros, quidquid illud esset, verrebbe in bonum. Ab Gymnasiòrum pulpitis raductus deinde ad sacra Templorum suggesta, omnium fortasse Scotorum primus dicere ad populum Gallicanum cœpit & disertissime, & eloquentissime, ut Diuionenses, apud quos tum agebat, adituri ad eum concionantem vulgo ita loqui consueissent: adeamus ad oratorem. Sed tota eius oratione sparsi erant appositè ad argu-

mentum acres aculei, quibus caperetur iucundius, vehementiusque commoueretur auditor, quam venustate verborum, figurarum lepore, voluptate numeri, & totius splendore orationis. Principiò namque illius initi muneris studuerat, vt cum se non illepidum oratorem posset ostendere, se tamen vbique fructuosum concionatorem præberet: quare congestis in memoriæ thesaurum idoneis ad quoduis argumentum tractandum ex sedula Patrum lectione locis, se Præsidibus suis obtulit ad obeundas quascumque missiones, eo comineatu & instructu, qui sola memoria niteretur, quam paratissimum, non quò cæterum apparatus aut negligeret, aut in aliis damuaret, sed ne qua librorum sarcina moram subitariis excursionibus iniiceret. Sacri Aduentus ac Ieiunij sollemnes habiturus conciones missus aliquando ad Episcopum eruditissimum, eundemque nostri amantissimum, cum expeditus ex equo descēdisset sine sacculis, vno dumtaxat instructus Breuiario, quod manu præferret, suspicionem mouit hominis non satis abunde comparati ad futurarum concionum munus: cum tamen diebus aliquot dixisset copiosissimè fructuosissimèque, nullis sumtis ab Antistite libris, sed in conclauì priuatim meditatus, mirari vehementer Episcopus hominis rationem, & eum de illa studiosè percontari. Interrogando comperit quidquid ex Euangelio totum in animum populo exponeretur, & quæ ex Patrum commentariis in eam rem quadrarent, tam eius animo esse præsentia, quem quæ oculis cerneret, tam altè impressa

Impressa, ut probè commeminisset omnium, & apud hospitem expeditè pronunciaret; tum verò Episcopus mirari, amare, amplecti, collaudare hominem, & omnia illi, ut meritissimo, deferre, atque ad Collegij Camberiensis Præsidentem scribere, se impensè gloriari eo Concionatore; qui ad se delegatus esset, quem putaret germanissimum esse Societatis Concionatorem. Hoc quidem tam expedito copiosoque genere commeatus Evangelici suo in Ecclesiaste oppidò delectabatur Antistes; cum tamen, eo vibrante incensas pietatis facies in audientium pectora, concionem vehementissimè commoueri sentiret, eoque totam incumbere, quò Ecclesiastes cuperet: iam sanè hunc sibi hospitem, ac plebi suæ doctorem destinatum amplius tantò gaudebat. His utilissimarum concionum piis vestigiis perpetuò insistentem Patrem Alexandrum, luculento populi audientis compendio, aliæ multæ expeditiones exceperè; pari semper gratia, similiq̃ plausu principum virorum suis pulpitis adhibentium, ubi egregia multa eius claruere facinora, quorum illic viget memoria, sed apud nos, leui dumtaxat nixa rumore, intereidit. Versatus aliquando est in castris Caroli Emmanuelis, Allobrogum Ducis, in quibus quàm graues, quàmque assiduus labores exantlarit, quanta cum alacritate, industria, fortitudine, & ipse Princeps Carolus, & Tribuni militum, & miles etiam summa cum hominis prædicatione commemorarunt frequentissimè. Ex quo primùm in Castrensis septa munivit pedem, Diuinarum rerum

religione vniuersos manipulos compleuit, vt non manere, non vesperi, non vlla diei hora, miles quidquam de Christiani hominis officio intermitteret; concionanti, facientique adesset frequentissimus; & suprâ quàm expectari posset ab bellici moris multitudine, moderatus atque compositus suæ obiret deinceps munia. Castrorum regiones, quædam iniquiore hæc erant conditione, quòd, obnoxia hostium prospectui, tormentorum infestis patebant emissionibus; vnde frequentium contuberniorum existebant fædæ sæpenumero vexationes. In omnia pietatis officia semper intentus Pater, sedulò præsertim cauebat, ne cui mors improviso imparatõe obreperet; quamcumque igitur in partem inærupisset tormentorum fragor, nisi posset eò testus accurrere, humi toto corpore stratus, longissimo frequenter intercapedinis ductu, sollicitus adrepebat, vt sauciorum corpus animumque procuraret: qua officiosissima sollicitudine plerisque manipularium vitam animique salutem asseruit. Inde fuit omnis exercitus in eum venerationis studium tantum, vt ad se aduenient militares homines, velut Apostolorum aliquem honorificentissime acciperent; tanta eius dictorum fides & auctoritas, vt in oraculis haberentur: tantus Ducum militumque aduersus eundem amor, vt incensa studiorum æmulatione, certaret quilibet, qua ratione cæteris in optimum Patrem officiosior euaderet. Animaduersi sunt plerumque non in Castris modò, sed aliquot deinceps annis post illud profligatum bellum, frequentes milites;

etiam

etiam ex deprauatissimis, cum procul Patrem ob-
seruassent, humi procumbentes, aut eo statu præ-
stolari dum is ad se aduenisset, aut geniculis nixi
ad eum reuerenter adrepere religionis gratia, quos
ille suauissimè complecteretur, vt totidem carissi-
mos filios, nec ab se amitteret, nisi salutari præ-
cepto imbutos. Neque verendum fuit, vt salubria
monenti obsequerentur, qui eum & in sanctis du-
cerent hominibus, & nossent ab eo se magnoperè
diligì, eaquepropter iussa eius non secus accipe-
rent, atque velut ab ipso profecta Numine. Quo-
quot hominum vnquam in vita nouerat, eorum
meminerat nomina, cognominaque, sed quos
suis noxis expiarat, aut ab Hæresi ad Fidem tra-
duxerat, maximè omnium, quorum vt studio-
sissimè foueret animo memoriam, tamen vel om-
nes, vel plerisque habebat descriptos in codice,
& eorum legendis crebrò nominibus, ad preces
ipsorum gratia fundendas seipse perlibenter exci-
tabat: ac sentiebant ij, quos Deo commendaret,
vim precationum ipsius, nec ambigebent vnde si-
bi tantum boni accideret. Probauerat quidem se
hominis virtus eximia illustribus planè docu-
mentis, in componenda Christiano ex instituto
militarium hominum vita, vt modò diximus: sed
haud obscurioribus indiciis eadem se prodidit re-
uocanda ad Romanum ritum infinita propemo-
dum Hæreticorum multitudine, in Geneuensium
finibus, vbi quinque sexve annorum fructuosissi-
mam gloriosissimamque operam collocavit. Ge-
neuensium à Fide, atque ab legitimis Allobrogi-
corum

corum Ducum imperiis defectio, quod tum Principes transalpinis bellis distinerentur, abripuerat secum Antuatium Veragrorumque vniuersum illum tractum, qui toti Lemano obtenditur, quadraginta circiter milliaribus, ad Sedunensium fauces, ipsumque ingressum Alpium: quibus populis ab Emmanuele Philiberto deinde receptis, Hæresis tamen occupabat omnem ferme regionem, quoad Carolus Emmanuel eam sibi sumsit exigendam. Eò igitur missi ab eodem Principe sex de nostris, qui Clementis Octavi, Pontificis Maximi, sumtibus fouerentur, ad illud Augiæ stabulum repurgandum. In partem eius laboris, eamque maximam, venit Pater Alexander, ijs cumulatè instructus dotibus, quæ omnium essent ad illud munus opportunissimæ, quibus euestigio indigenarum animos sibi demereretur, ut eò confestim impelleret, quod cuperet maxime. Mirificus animi candor, quem omnia eius dicta factaque præferrent apertissime, iucundissima morum & sermonis suauitas: vitæ probitas integerrima: incensus ardor animos iuuant, quem ardorem eius verba, oculi, frons, vultus totus, & omnis corporis habitus liquidò spirarent: laborum assiduitas incredibilis, sollicitudo, vigilantia, parsimonia; singularis pietas, & quæ aliæ istis comitari solent virtutes, in ea existimatione ac gratia hominem subito posuerunt apud populum, suâ sponte candidum docilemque, ut totam gentem, puerorum instar, haberet dicto in omnibus audientem. Si quando autem Hugonotorum quispiam

ab eo posceret inducias, ut de transiitione amplius deliberaret, prouolutus in genua, per sanctissima quæque hominem obtestabatur, uti ne deliberando ambiguum faceret salutis suæ rationem, quam nunc Deus certam esse vellet: cuiusmodi obsecrationibus, quod quæreretur, facile impetrabat. Milena omnino capita Hæreticorum paucis mensibus ab eo translata constat ad Ecclesiam, præter eos, de quibus non est relatum, atque eius institutione sic deinde informata ad pietatem, ut de Catholicis, toto eo tractu, ij deinde fuerint & constantissimi, & religiosissimi. In Ministellos Calvinianos per eam excursionem frequentius incidit, tametsi animantium genus illud venaticis canibus, ac validis præsertim molossis, haud libenter se præbet obuium: sed, ut venandorum hominum cupidus supra modum, omnes viarum anfractus explorabat, vel aliud agens ferebatur in eiusmodi ferarum latibula: in quas cum incurrisset, tractabat eas liberalissimè, atque vel inuitas humanitate singulari pertrahebat ad disputationem, paucisque ad infantiam adigebat. Noui Testamenti ac veteris locos omnes, quibus Calviniani dogmatis liquidò reuincitur falsitas, habebat in numerato, quibus pronunciatis, si Minister auctoritatem citantis negando infirmaret, ipse prompto ex perula Latino Græcove Testamento, testimoniis hominem mox obrueret. Singulare porro id in hoc Patre fuit, ut quibus codicibus aliquo tempore usus esset, is eorum non paginas modò, sed versiculos singulos haberet ita compertos,

pertos, ut primo digitorum coniectu eam planè
 destinaret paginam, quam vellet indicare, euesti-
 giòque versum certum intento digito ostenderet;
 cuius rei periculum fecimus frequentissimè, qui
 nuper Rhetorica stipendia illo duce meruimus,
 propositis ex Tullio, Marone, Homero, & aliis
 scriptoribus, ijs locis, qui venissent in mentem
 nostrum cuilibet. In sacrorum verò Bibliorum
 vsu, ac Noui maxime Testamenti, hanc faculta-
 tem exercuit tantò studiosius sollertiùsque, quòd
 sanctæ veritatis, ac Diuini cultus agebatur ratio:
 quamobrem Hugonotticis Ministrellis hanc ipsius
 celeritatem probandi confutandique expertis, to-
 ta illa congressio erat formidabilis, quòd nossent
 nullum ab se dictum posse proficisci, quod non ex
 indicato Testamenti loco mox ille refelleret. Ab
 inita Societate huius hominis mentem infederat
 ardentissima cupiditas profundendi sanguinis pro
 salute mortalium, Diuinaque gloria, cuius ex-
 plendæ sitis oblatas occasiones non paucas fla-
 grantissimo studio arripuit, sed ei non fortasse
 mitius quoddam aliud Martyrij genus Deus desti-
 narat, acerbos calculi dolores, quibus, sexto die
 quàm ægrotare cœperat, est confectus. Purissimæ
 Castimonix, Paupertatis exquisitissimæ, excellen-
 tissimæ Obedientiæ, cæterarumque virtutum sin-
 gulares in eo laudes non persequimur, veriti ne
 ipsarum illustrissimis luminibus dicendo obstrua-
 mus verius, quàm vllum earum decus, vel me-
 diocriter exprimamus: sic enim persuasum ijs om-
 nibus est, qui hominem nouerant, imparem esse
 cuiusuis

cuiusvis scriptoris facultatem, eius pro merito explicandis facinoribus. Iacobo Danthono, recenti ex Tironum studio, & hic annus in eadem familia postremus. Maximæ spei adolescens fuit, seu virtutem, seu litteras velis in eo æstimare, quas ad vtrâsq; nactus eximiam indolem, incredibile studium contulerat, ut in ambabus mirabiles processus mox habiturus speraretur. Castius eo fingi nihil poterat, nihil religiosius, Instituti Religiosi observantius nihil, ut qui exarsisset in eum amorem nostrarum Constitutionum, unde oculos vel per morbi angustias non posset auellere, atque cum eum iam manuum vis defecisset, ipse tamen labris eius libelli folia moliretur.

ANICIENSE COLLEGIVM,
& Biterrense.

ANICIUS vnus ex Scholasticorum Sodalitio Cruces locis illustrioribus iam diminutas, quâ aduersariorum iniquitate, quâ attritu vetustatis, erigendas curauit, pretio quod sua frugalitate ac parsimonia confecerat. Ita fabris mandarat, negotium ut maturarent, non proderent auctorem: sed illi, cæterorum omnium, quàm silentii, magis memores, adolescentis pietatem euulgarunt. Adolescentes duo fratres ad Catholicam Fidem accessere. Alter ex eis, familiæ suæ princeps, patris Hæretici quâ blanditiis, quâ minis, ab Sacris nostris atque scholis fuerat abstra-

ctus:

ctus: sed cùm constantia eius & precibus fatigatus parens flecti non posset, optione data, de tribus Hæreticorum Collegiis irer ad quod mallet, euicit tamen deinde precibus, vt ad nos huc remitteretur cum minore fratre, quem non ita molestè ferebat Catholicum amplecti ritum, quod videbat facilè futurum ex procliui eius indole: quorum vterque iam Catholico more inter nos agit, patre haud ita repugnante. Ille quidem prior statim voluit restitui in statum Fidei pristinum, vnde per minas & preces exciderat. Alter minor post perceptam magno pietatis sensu, Catholicam Fidem, absolutus ab Hæresi, & fratris vestigiis, insistit, in nostris Scholasticis diligentia ac pietatis par egregium.

Biterræ Ioannes Iaquetanus annorum trium & quadraginta, rei domesticæ Adiutor, cùm aliquamdiu tabida febre hic laborasset, ex medicorum præscripto Billomum, celi mutandi gratia profectus, intra paucos menses diem ibi clausit, nec leuia superstitionibus vbique reliquit patientia, paupertatis, obedientia, ac deuotionis exempla. Non pauci Calvinianam pestem euomuerunt, ex quibus Scholastici duo, qui licet eo nomine à parentibus asperrimè tractarentur, constantes tamen in recta Fide perstiterunt. Mulier Hæresi abiurata cùm obiisset, atque Hæretici contenderent, vt quandoquidem ante diem postremum, toto vitæ tempore ab illis stetisset; suo more sepeliretur; confictisque calumniis verba Magistratui dedissent; tamen effectum est, vt eiusdem Magistratus

aucto

auctoritate, qui ad postulata nostrorum, de re tota inquisiuit, funebri pompa, ritu Catholico, mandaretur sepultura. Puella rustica, Catholicis præceptis apud nos erudita, cum ad Hæreticam matrem rediisset, vexata est crudelissimè, sed tolerando fortiter, precibusque ad Deum fufis continenter duritiem matris tandem emolliuit. Doctor Biterrensis Calvinismo infectus æquè, atque Veneris facibus incensus, impium carmen in Beatam Virginem scripserat, qui deinde cum vicina muliere, moribus corruptissima, turpiter versatus, tantum sanguinis emisit ex flagitij contentione, vt simul animam effunderet, penderetque pœnas violatæ Deiparæ. In agris Hæreticus, magnæ apud suos auctoritatis, audita Patris vnius concione de peccatorum scditate, resipuit, & fremente licet malignantium Synagoga, Calvinianam perfidiam sincera fide commutauit. Alibi alius quattuor pestilenti Hæresis lue sanatos Catholicæ matri reddidit. Coërcita quoque Fraterculorum licentia, nocturno tempore, in Catholicorum odium, Marotti rythmos per compita cantantium. Sacerdotem nostrum, in cohortando famoso quodam Hæretico, de reconciliatione cum inimico facienda, occupatum, aggressus est sectæ Calvinianæ Præco, adiunctis tibi asseclis, qui, Caluini codice mensæ superiecto, Patrem ad coarguendum Caluinum erroris prouocabat, se paratum scilicet, quæcumque ille ac Dominus Lutherus asseruissent, propugnare. Vt Hermaphroditum derisit noster, & contrariorum assertorem perpetuum,

atque obiectis statim nonnullis ex ipso Caluino, impudenti homini facile occlusit os, ut cum eum rationes & verba deficerent, mox è medio se tacitus subduceret. Luteuani, vernaculè **L O D E V E**, ciuitas est Episcopalis, apud Arecômicos montanos, quæ cum iampridem esset destituta pastore, Ducis Ventadorei rogatu, ad ciues iuuandos Pater Prouincialis vnum ex nostris eò destinauit. Ante aliquot annos ea vrbs, duce Fougierio, nobili Caluiniano, proditoriè capta est, direpta, vastataque ab Hæreticis, cœues Catholici trucidati, euersa templa, cœnobîaque, Sanctorum ossa suis monumentis euulsa, & flammis tradita. Nominatim verò corpus Beati Fulcrani, eius vrbs, ante octingentos annos Episcopi, quod ad eam diem planè integrum visebatur, funibus alligatum in publicam plateam raptarunt, rogoque comburendum iniecerunt: sed veritus ignis sacrum pignus, id fouit in flammis, nullaquæ ex parte læsit, tametsi ad excitandam vim ignis, adipis, olei, sulfuris fomitum iniicerent, & ipsa flamma domorui tecta superaret. Illæsum igitur sacrum corpus ex rogo eruitur, atque districto ense Dux ipse fremens ac frédens ei caput amputat, quo deinde, tamquàm folle, per summum ludibrium cœnifex utebatur: ad cuius exemplum milites reliquum sancti Episcopi corpus mēbratim consciderunt, & in vrbs cloacas abiecerunt. Tantam verò impietatem Deus inultā esse noluit, nam paullo pōst scelerato Duci caput amputauit quidam Catholicus, idēque per forum & compita iactatum diu, in easdē cloacas

ab ie

abiecit: reliqui etiam sacrilegi satellites merita donati mercede, ut in suo quisque corpore iisdem membris mutilaretur, quæ in Sanctissimi Fulcrani corpore abscidisset. Occupata porro ab Hæreticis ciuitate, eiectione Episcopo & Clero, Catholicis ciuibus aut cæsis, aut pulsis, aut carcere conclusis, triennio toto res Catholica pessimo loco fuit, neque valdè bono fuerat antea, Antistitum summa negligentia, quorum nemo totos sexaginta annos Diocesin lustrauerat. Concionator igitur noster frequentissimus esse cœpit in erudiendo quotidie populo, quocumque genere familiaris ac fructuosæ institutionis. Sub finem verò Aduentus cum studiosissimè cohortatus esset ad obeundam Confessionem per Christi Natales, quod ciues antè non consueuerant, se quidem passi sunt persuaderi, nemo tamen vllum de vrbis Clero adire voluit ad expianda peccata, quo factum est, ut Concionator senio iam grauis, & laboribus fractus, pænè obrueretur ab concurrentium multitudine: ac salutaris quidem plurimis fuit eius opera, qui vel noxarū atrocitate, vel neglecto quadraginta ipsos annos Sacramento, pessimè habebant. Inter cætera porro eius excursionis compendia, & ea quidem maxima, vnum illud fuit, quòd Ecclesiæ Catholicæ facta est accessio duarum familiarum, quæ à Caluino steterant. Plures erant transitori ad Romanum ritum, sed clam intromissus Minister in vrbem, cum se cuniculis insinuaret in domos, auertit eorum salubria consilia. Hic autem nebuloso, ut nomen sibi conciliaret apud suos, ausus est

PROVINCIA LVGDVNENSIS. 789
publicè ad certamen prouocare nostrum Sacerdo-
tem, prolatisque vernacula lingua Bibliis, pro-
nunciatum ponere, quo asseueraret: Solo scripto
Verbo Diuino Ecclesiam niti debere, cui Sacerdos
noster cùm, pauca præfatus, suam inanitatem
ostendisset, breui syllogismo proposito
ita os oclufit, vt pudefactus se
subduxerit è confellu, po-
stridièque oppido
excellerit.

* *
*

LVGDVNI,

Ex Typographia CLAVDII CAYNE,

M. D C X I X.

E R R A T A.

Pag. 192, *vers.* 13, *auspicata illa schedula:*
lege, auspicatam illam schedulam.

Pag. 208, *vers.* 11, *perinde quasi fuit:*
lege, perinde ferè fuit.

Pag. 270, *vers.* 16, *non dextantario: lege,*
non sextantario.

Pag. 399, *vers.* 17, *plurimos ann. lege,*
plur. annos.

THE
[Faint, illegible text follows, possibly a title or header section.]











